


Elu Ọhụn: Ẹkụkwọ-Nsọ (Azụṇụ Ọhụn rịn'a)



Revision of New Testament in Ika

Elu Ọhụn: Ekükwọ-Nsọ (Azụụn Ọhụn rịn'a)
Revision of New Testament in Ika

copyright © 2010 Wycliffe

Language: Ika

Translation by: Wycliffe

Ika (ikk) Nigeria

In Nigeria the word Ika is not only the name of the Ika people, but is also used to designate a local government area in the Akwa Ibom State. The Ika people are a sub group of the Igbo people. It is interesting to note that Ika is the name of a town in Croatia is one of the eight Annang local government areas of the local government areas in Akwa Ibom State. An alternative name for the Ika people is Ika-Annang. There appears to be another dialect of Ika that is spoken in Delta State of Nigeria.

Copyright Information

© 2010, Wycliffe. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

Printed book ISBN 9789789037056

Revision

The New Testament

in Ika

© 2010, Wycliffe. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents.

For other uses, please contact the respective copyright owners.

2014-04-25

PDF generated using Haiola and XeLaTeX on 4 Mar 2019 from source files dated 26 Dec 2018
 31b0248e-272a-5dee-8226-bcc00c54d9b1

Contents

| | |
|----------------------------|-----|
| Matiu | 1 |
| Makî | 42 |
| Luku | 68 |
| Jonu | 114 |
| Orun Ndi-Ozi | 143 |
| Ndi Rom | 182 |
| 1 Ndi Korenti | 201 |
| 2 Ndi Korenti | 218 |
| Ndi Galeshja | 229 |
| Ndi Efesosi | 235 |
| Ndi Filipi | 241 |
| Ndi Kolosi | 246 |
| 1 Ndi Tesalonika | 250 |
| 2 Ndi Tesalonika | 254 |
| 1 Timoti | 257 |
| 2 Timoti | 263 |
| Tajtosi | 267 |
| Filemonu | 269 |
| Ndi Hibru | 270 |
| Jemisi | 285 |
| 1 Pita | 290 |
| 2 Pita | 296 |
| 1 Jonu | 300 |
| 2 Jonu | 305 |
| 3 Jonu | 306 |
| Judu | 307 |
| Nghosi | 309 |

Ozioma Jesu Kristi Léké Ke
Matiu
 Dön De È

Ndị Mü Jizos' Kraistị

¹ Ọnwan wụ Ekukwọ wę gi gba ndị mü Jizosị, nwa Defidi, nwa Ebrahim.

Gha Ebrahim D'e ru Defidi

² Ebrahim wụ nedi Aziki, Aziki wụ nedi Jekopu, Jekopu wụ nedi Juda le umunẹ-e-ikennye. ³ Juda wụ nedi Pèrezi le Zera. Nnè mü ni wę wụ Tama. Pèrezi wụ nedi Héz'rónu, Héz'rónu wụ nedi Aram, ⁴ Aram wụ nedi Aminadabu, Aminadabu wụ nedi Nashonu, Nashonu wụ nedi Salumonu, ⁵ Salumonu wụ nedi Buzai, nnè Buzai wụ Rehabu. Buzai wụ nedi Obedi, nnè Obedi wụ Rutu. Obedi wụ nedi Jese. ⁶ Jese wụ nedi eze wụ Defidi.

Gha Defidi D'e ru Ogen Wę Gi Weri Wę Si Alì Babilonu

Eze wụ Defidi wụ nedi Solomonu, hụn nnè e [te] wụ nwunyé Yuria. ⁷ Solomonu wụ nedi Rehobuam, Rehobuam wụ nedi Abija; Abija wụ nedi Asa, ⁸ Asa wụ nedi Jehoshafati; Jehoshafati wụ nedi Joram—hụn wuzi Jehoram; Joram wụ nedi Uzia. ⁹ Uzia wụ nedi Jotam, Jotam wụ nedi Ahaz; Ahaz wụ nedi Hézikaya. ¹⁰ Hézikaya wụ nedi Manase, Manase wụ nedi Emosi; Emosi wụ nedi Josaya. ¹¹ Josaya nō mü Jekonaya (hụn wụ Jehoyakin) le umunẹ-e-ikennye—ogen we kę we gi wepụ wę alị wę, we we si alị Babilonu.

Gha Ogen Wę Gi Weri Wę Si Alì Babilonu D'e Ru Ogen Kraistị

¹² Ogen we gi wepugụ wę si Babilonu, Jekonaya nō mü Shiatelu, Shiatelu wụ nedi Zerubabelu, ¹³ Zerubabelu wụ nedi Abiyudu, Abiyudu wụ nedi Eliyakim, Eliyakim wụ nedi Azo, ¹⁴ Azo wụ nedi Zadoku, Zadoku wụ nedi Akim, Akim wụ nedi Elayudu, ¹⁵ Elayudu wụ nedi Eleaza, Eleaza wụ nedi Matani, Matani wụ nedi Jekopu, ¹⁶ Jekopu wụ nedi Josefu, di Meri—onye hụn mü Jizosị, hụn w'a kpọ Kraistị hụn wụ “Onye Ahụn Osolobue Tume.”

¹⁷ Ya wụ, agbo wę ile gha ogen Ebrahim d'e ru ogen Defidi wụ agbo mmено; gha ogen Defidi d'e ru ogen we gi we we si alị Babilonu wụ agbo mmено; gha ogen we gi wesi we Babilonu d'e ru ogen Kraistị wụ agbo mmено.

Omumụ Jizos' Kraistị

¹⁸ Enina kę we dọn mü Jizosị wụ Mezaya: e kweriolę wę ni nnè e wụ Meri jenkö d'a lụ Josefu. Kanị, ni wę d'a nogbama nke di-le-nwunyé, Meri a türuguo imẹ ghahanị ikẹn Mmón-nso. ¹⁹ Makeni Josefu hụn 'ya ni 'ya jenkö d'a lụ wụ onye ezi-omumé leni o chonị n'o gbe ifenren ye e ihun id'enya ihiān ile, o nō bu e obi n'o sikö d'e kpechan a nzuzue. ²⁰ Kanị, ogen o gi e ro ihienni, o nō rọ nrọ. Imẹ nrọ hụ, o nō hụn mmón-ozi Di-nwónnni-enyi k'o bia d'e kunrun e, sị, “Josefu nwa Defidi, atulé egun; luma Meri, makeni nwa o ri imẹ e gha eka Mmón-nso bia. ²¹ O jenkö d'a mü okennye; i jenkö d'a kpọ nwa hụ Jesu/Jizosị* makele iya jenkö d'a zuofuha ndị nke e imẹ njọ wę.”

²² Ihiēn ndinị ile mę keni we gi męzu ihiēn Onye-nwónnni-enyi ku ghahanị onye-amuma: o sị, ²³ “Lee e, okpoho keleni marin okennye jenkö d'a tụ imẹ, mü okennye; we jenkö d'a kpọ nwa hụ ‘Imanuelu’, ya wụ, ‘Osolobue sòn enyi nodi’.”

²⁴ Ogen Josefu gi tēnhin, o nō mę ihiēn mmón-ozi Di-nwónnni-enyi gwa a. O nō luma Meri; ²⁵ kanị, aranhinni wę nke di lę nwunyé d'e ru ogen o gi mugu wę okennye ibuzo a ahụn. Josefu nō kpọ a Jizosị/Jesu.

Isi Nke Ebụo

Ndị Ahụn Gha Azụn Ọwụwa-enyi-anwụn Bịa

* Isi Nke Mbụ:21 Anị ẹfannị wụ Onye-nzüopuha.

¹ Wę mü Jesu imé obodo Bętulęhem hūn rị azūn Judia ogēn Hęrođu gi wu eze. Ogēn hū, ndi marin ihięn kokisę rị e ku nō gha ali rị azūn ɔwūwa-ęny-a-nwūn bia Jerusalęm, ² a jū ajuyu, sị, “Elebe kę onyę hū wę mü nke ɔhūn hūn wu eze ndi Ju rị? Makēni, ęnyi a hūnolę kokishia ku oku e k'ɔ pūha ogēn ęnyi gi rị ali rị azūn ɔwūwa-ęny-a-nwūn; ęnyi bia d'e fe e.”

³ Ogēn eze wu Hęrođu gi nū ihięnni, obi eruzini 'ya le ndi Jerusalęm ile ali. ⁴ O nō kpogbama ndi-isı nchü-ejan lę ndi-nkuzi Iwu, jū wę, sị, “Elebe kę wę de ni iya kę we jenko d'a nō mü Mezaya, Onyę Hū Osolobue Tumę?”

⁵ Wę nō za, sị, “Bętulęhem hūn rị Judia rō, makēni onyę-amūma de, sị,

⁶ ‘Bętulęhem hūn rị imé Juda,
ezioku rō nī i wu obodo mē ekéré imé ndi ɔkiki Juda;
kanj ęnyę-ɔkiki jenko d'a gha imé i pūha,
hūn jenko d'a kī ndi nke m wu ndi Izrəlę.’ ”

⁷ 'Ya Hęrođu nō kpō ndi hū marin ihięn kokisę rị e ku, gi nzuzue jū wę ogēn wę gi hūn kokisę hū. ⁸ 'Ya o nō zi wę jen Bętulęhem, sị, “Jen ni; chokēnmę ni nwata hū. Onu hūn a, bia nī d'a gwa m, nī mmę lę enwēn m jenzi d'e fe e.”

⁹ Ogēn wę gi nūchanringuū ihięn eze ku, wę nō jenmę ebe wę jenko! Kokisę hū nō puhazi, du wę ru Bętulęhem; e ru wę ebe nwata hū rị, o nō wuzo. ¹⁰ Ogēn wę gi hūn kokishia hū, ighoghō nō jun wę obi. ¹¹ Ogēn wę gi banye imé ulo hū, hūn nwata hū lę nnę e wu Meri, wę nō sekpu, fe nwata hū. 'Ya wę nō tōpü ękpa wę buche ihięn እnanrannı rị ichen-ichen, ye e goru lę frankisensi lę maa.

¹² Makēni Osolobue a dōle wę eka-ntin imé nrō sị w'e kinlé azūn d'e kunrun Hęrođu, wę nō ghasi uzo ɔzō lashi ali wę.

Josefụ E Gi Nzuzue We Wę Gbasi Ijiptu

¹³ Ogēn wę gi lamagüū, mmón-ozi Di-nwonnı-ęnyi nō bia d'e kunrun Josefụ imé nrō, sị a, “Lihi ɔtō! Weri nwata hū lę nnę e gbasi Ijiptu; nōdī nī ebahun d'e ru ogēn m jenko d'a gwa i, makēni Hęrođu e buguo a obi n'o jenko d'a cho nwata hū keni o gbu e.”

¹⁴ 'Ya Josefụ nō lihi, gi imé uhinhin weri nwata hū lę nnę e si Ijiptu. ¹⁵ Wę nō nōdī ebēhū d'e ru ogēn Hęrođu gi nwūn. Onwan kę ihięn ahūn Di-nwonnı-ęnyi gi onyę-amūma ku gi mēzu, nī “Imé Ijiptu kę m gha kpopuha nwa m.”

Hęrođu A Sị Wę Gbu Umęęka

¹⁶ Ogēn Hęrođu gi hūn nī ndi hū marin ihięn kokisę rị e ku e męolę e ero, eje-olulu nō bumę e. O nō zi ndi hūn o zi, wę nō jen d'e gbupu umęęka-ikennye ile rị Bętulęhem lę ali ndi hū nökunmēn'e, ikennye ndi hūn rị ahua ębuo lę ndi kelēni ru ahua ębuo—ogēn ndi ahūn marin ęnyä kokisę gwa a nī ya kę wę hūn ya wu kokisę k'ɔ gha gbako ogēn, mē ihięnni o mē.

¹⁷ 'Ya kę wę gi mēzu ihięn Osolobue gi onyę-amūma wu Jérimaya ku, sị,

¹⁸ “Wę nū olu ohu imé obodo Rama,
o hū a kwan—e goo ntan, e goo imon.
Rechelu rō—o rị a kwan umu a;
o ninj wę hūhū a,
makēni a nwūnchanringuo wę.”

A Gha Wę Ijiptu Lüa

¹⁹ Ogēn Hęrođu gi nwūnhunguū, mmón-ozi Di-nwonnı-ęnyi nō bia d'e kunrun Josefụ imé nrō imé ali Ijiptu, ²⁰ sị a, “Lihi, weri nwata hū lę nnę e si ali Izrəlę, makēni ndi rị a cho nī wę gbu nwata hū a nwunguo.” ²¹ O nō tēnhin, weri nwata hū lę nnę e si ali Izrəlę.

²² Kani, ogēn o gi nū nī Akılahusu rikin eze nedī e wu Hęrođu, a kī Judia, egun anin'a jen ebēhū. A doğuzi w'a eka-ntin imé nrō, o nō si egberę Galili. ²³ O nō jen d'e biri imé obodo w'a kpō Nazaręti. Erıra kę ihięn ahūn ndi-amūma ku, sị, “Wę jenko d'a kpō a onyę Nazaręti” gi mēzu.

Isi Nke Etɔ

Ozi Jönü Hun E Mę Mirin-Chuku Zi

- ¹ O ru, Jönü hün e mę mirin-Chuku nö füha imé atü Judia, a hị,
² “Rogharị nị, makeni Ali-eze elu-igwee a riguọ nsue!”
³ Jönüni wü onyé hụ onyé-amumá wü Azaya ku oku e ogéen o gi sị,
 “Olu onyé ohu rị a han imé atü,
 a sị,
 ‘kwa nị nị Di-nwọnni-enyi üzö;
 mememé ni üzö a n’o zinrin’.”

⁴ Ewuru wę gi eñenren anu w'a kpó kamélù* mememé kę Jönü e yi; akpukpó-anu kę wę gi mememé akpukpó-ukun e; ihien-oriri e wü igurube lę mirin-énwùn rị ọfia.
⁵ Ndị Jerusalém lę ndị Judia ile lę ndị obodo ile nökunmę Iyi Jodani hụ e jẹn d'e kunrun e. ⁶ Wę hụ e kupuha njø wę, o hụ e mę wę mirin-Chuku imé mirin Jodani.
⁷ Kanị, ogéen o gi hụn ndị bu odata imé ndị itu-Farisi lę ndị itu-Sadusi kę wę rị a bịa n'o mę wę mirin-Chuku ahụn o rị e mę, o nō sị wę, “Igunrun agwo! Onyé sị unu gba nị iwe lę ọnumá Osolobue lalanị ọso?!” ⁸ Mịkwò nị nwan mkpuru ghosi nị ọnu e roghariguọ; ⁹ atukwole ni enwèn unu ntụ, a sị, ‘Ebrahim wü nedí enyi nụ! Makeni, m rị a gwakwo ọnu, Osolobue jenkọ d'a saeka gha ọnumá ndịnị wepūha nị Ebrahim umu.’ ¹⁰ Anyun a riguole nwan ukun osisi, e che: osisi ọwule mileni ezigbo mkpuru, e gbutu w'e tuye ọkun. ¹¹ Mmę nwèn gi mirin-mmaka e mę unu mirin-Chuku, unu gi a ghosi nị unu e roghariguọ; kale onyé hụn lala m azụn ka m ikéen ọhunma-ọhunma-erudeni m onyé hụn jenkọ d'e bu akpukpó-uku a—o jenkọ d'e gi Mmón-nsø lę ọkun mę ọnu mirin-Chuku. ¹² Ihien o gi a fúchan ọka rị a ẹka: o sikọ d'a fúchanpụ ọka ile rị ebe o nō a kükpo ọka a, kpónpuchanrịn ọka a ye ebe o buto ọka, kpóngbamazị ẹfifia ọka buche imé ọkun hụ wę ghaleni e ri-ẹka e tinyun.”

Jönü E Mę Jizosì Mirin-Chuku

(Mak 1.9-11; Luk 3.21-22)

- ¹³ 'Ya Jizosì nō gha Galili bịa Iyi Jodani d'e kunrun Jönü nị Jönü mę e mirin-Chuku.
¹⁴ Jönü te jụ ajụ, sị Jizosì, “Mmę te furu nị m bịa n'i mę m mirin-Chuku, kanị 'yu bịa nwan d'e kunrun m?”
¹⁵ Jesu nō sị, “Hapụ a n'o rị ẹriṛa kikenni; o furu ni enyi mēzukwama ihien ile Osolobue cho.” 'Ya Jönü nō kweri mę e mirin-Chuku.
¹⁶ Jönü e megüụ Jizosì mirin-Chuku, hụn Jizosì gihu ghagüụ imé mirin püla, elu-igwee nō kpupun'a ideminzi; o nō hụn Mmón Osolobue k'o gi ụdị nduru hidanla, bịa ebe o rị, bekwası a.
¹⁷ Idumuzi, olu nō gha elu-igwee sị, “Ọnwan wü ezi Nwa m; ihien e a sụoka m.”

Isi Nke Eno

Ekwensu A Nwan Jizosì

¹ 'Ya kę Mmón-nsø nō duru Jizosì si imé atü keni Ekwensu nwan a. ² Jizosì bu ọnụ ukinkin lę efinnai—ɔrogbo akpu-uhuokin ọgūnnai; omegüụ, egún nō gunma a. ³ 'Ya kę onyé-ònwùnwan hụ nō bịa, sị a, “Oméni 'yu wü Nwa Osolobue, sị ọnumá ndịnị henrinsonmę ogbe brédi.”

⁴ Kanị Jesu nō sị a, “E deguọ w'a imé Ekukwo-nsø nị, ‘Ihien a ra gi ihien-oriri sụ a rị ndịn, oku ile gha Osolobue ọnụ püha kę wę gi a rị ndịn.’”

⁵ 'Ya kę Ekwensu nō weri e si imé obodo nsø wü Jerusalém, w'e tumé mkp'ònunụ Ulo-nsø, ⁶ sị a, “Omélé iyi wü Nwa Osolobue, tħa enwèn i ye alị. Makélé, e deguọ w'a imé Ekukwo-nsø, sị,
 ‘O jenkọ d'e ye ndị mmón-ozi e iwu banyen'i;
 wę sikọ d'a parị i,

* Isi Nke Etɔ:4 “anyinnyan-mkpukpuke”

amamgbe y'a kpogburu omuma.' ”

⁷ Jizosí no si a, “E deguozikwo w'a imé Ehuhuq-nso, si, ‘Anwankwóle Di-nwonni-enyi wú Chuku i.’ ” ⁸ Ekwensú no werizi e si elu-ugu jen elu oda-oda, ghosíkwama a alí-eze ile ri uwa le ogho we, ⁹ si a, “M k'e ye i hiien ndinj ile, omeni y'e keni m isi alí.”

¹⁰ 'Ya Jizosí no si a, “Ekwensú, puní m! Makeni, e deguó w'a imé Ekukwo-nso, si, ‘Di-nwonni-enyi wú Osolobue i k'i k'e keni isi-alí; iya suq k'i k'e fe.’ ”

¹¹ 'Ya kę Ekwensú no la Jizosí tó, ndí mmón-ozi no puhá, yemé e hiien rí a mkpa.

*Jizosí E Bidon Orun A Imé Galili
(Mak 1.14-15; Luk 4.14-15)*

¹² Ogen Jizosí gi nü ni e buguo we Jonu che imé ulo-ngan, o no si Galili. ¹³ O no gha Nazareti ri imé Galili pu, jen d'e biri imé obodo Kapanom hun rízi Galili, ehú mirin Galili, egberé Zebulonu le Naf'tali — ¹⁴ keni hiien onye-amuma wú Azaya ku mezu. Azaya si,

¹⁵ “Ali Zebulonu le ali Naf'tali,
hun rísonme uzó ‘Ohimin’ —
we fetuguu Iyi Jodani;

Galili we ile rí,
ali ndí wulení ndí Ju jun!

¹⁶ Ndí bi imé ishi
a hunole oken ukpé;
ukpé e nwunmeguoni
ndí bi ali onyinyon-ónwun.”

¹⁷ Jizosí no gha ogen hu zime ozi, a si, “Roghari ni, makeni Ali-eze Osolobue a riguo nsue!”

*Jizosí A Kpo Ndí Okun-Azun Eno
(Mak 1.16-20; Luk 5.1-11)*

¹⁸ Ogen Jizosí gi ghakó mkpenren mirin Galili, o no hun umuné-ikennye ebúo, Saimonu (hun w'a kpo Pita) le Andurú nwene e, ebe we rí a tu oga e ye imé mirin ahun, (makeni we wú ndí a kún azun). ¹⁹ O no si we, “Sonmè ni m, m jenkö d'e mè unu wuru ndí a kúha ihian ríke azun.” ²⁰ We no na oga we tó ozigbo, sonmè e.

²¹ Ogen o gi jensi ihun, o nozí hun umuné ebúo ozó, Jemisi nwa Zebedi le Jonu nwene e; uwé le nedí we rí imé ugbo, e donzi oga we. O no kpo we ebubúo. ²² We no lató ugbo-mirin hu ni nedí we, sonmè e ozigbo.

*Jizosí A Kuzi, O Zi Ozioma, O Gwo Oriá
(Luk 6.17-19)*

²³ Jesu no ghagbarí Galili ile, a kuzi imé ulo-ofufe ndí Ju, e zi ozioma Ali-eze, a zuo emu le oriá ile rí ichen-ichen ri a kuni we. ²⁴ 'Ya kę otiti e no ghagbarí ali Siria ile; we no wehe n'e ndí ile emu ri a kú, ndí bu oriá ichen-ichen le ndí hiien rí a turú, ndí ibobo le ndí oró le ndí ejemmon ri imé we—o no zuo we. ²⁵ Igunrun hi-ogbe no gha Galili le obodo iri hu nogbamaní wú Dikapolis, le Jerusalém le Judia le nfetu Iyi Jodani sonmè e.

Isi Nke Isen

Nkuzi Jizosí No Elu Oke Kuzi

¹ Ogen Jesu gi hun igunrun ihian hu, o no si enu oke; o nodigu alí, 'ya umu-azun a no bia d'e kunrun e.

*Ndí Nke Wé Ka Mma
(Luk 6.20-23)*

² O no kuzime we, si,

³ “Ngozi ri ni ndí la enwen we toni Osolobue imé mmón*, makeni Ali-eze elu-igwee wú nke we!

* Isi Nke Isen:3 ...ndí wú “igbenneye” imé mmón.

⁴ Ngozi rị nị ndị hụn rị a kwanni,
makeni wẹ jenkö d'a rọkọ wẹ obi.
⁵ Ngozi rị nị ndị hụn e welua enwẹn wẹ alị,
makele wẹ siko d'e nwọnrin ụwa ile.
⁶ Ngozi rị nị ndị o rị a gun nị ihiẹn ile rị kẹ Osolobue dọn chọ a,
a gun wẹ kẹ ihiẹn-oriri lẹ ihiẹn-oriра —
makeni, efo jenkö d'e jun wẹ.
⁷ Ngozi rị nị ndị hụn e mẹ ebere,
makele wẹ siko d'e mẹ ni wẹ ebere.
⁸ Ngozi rị nị ndị obi wẹ rị ọchan,
makeni wẹ siko d'a hụn Osolobue.
⁹ Ngozi rị nị ndị hụn e mẹ ni udon rị,
makeni wẹ siko d'a kpọ wẹ ụmu Osolobue.
¹⁰ Ngozi rị nị ndị wẹ rị e kpokpo makeni wẹ rị e bi kẹ Osolobue dọn chọ a,
makeni Ali-eze elu-igwee wụ nke wẹ.”
 11 “Ngozi wụ nke ọnụ wẹ gha a kpari ụnu, e kpokpo ụnu,
e gi ifiri m e buo ụnu ụdi eje-ihiẹn ile rị ichen-ichen.
 12 Ghogho nị; efo 'ya sụo ụnu ụsụo —
makele ugwo-örün ọnụ hi-ogbe imé elu-igwee!
Makeni, erira kẹ wẹ dọn kpokpo ndị-amumma ndị hụn buni ụnu ụzo.”

*Nnu Lẹ Ukpé**(Mak 9:50; Luk 14:34-35)*

¹³ “Unụ wụ nnu ụwa, kani ọwụni nnu asụozini ụsụo, eghani k'o jenkö d'a dọn sụomazi
ụsụo? O nwọnzi ihiẹn ọwule wẹ gi e e mẹ, kama, w'a ma a e tuhu, a zogbume w'e.
 14 Unụ wụ ukpẹ ụwa. Obodo wẹ tụnye elu oke asaeka zueri. ¹⁵ Ozozi, ihijan a ra
mụnyezikwọ ukpẹ zuemẹ e okpuru afere, kama, w'e bu e e che enu ihiẹn, keni ihijan
ile gi e legha ụzo. ¹⁶ Mezikwonị nị erira: nị nị ukpẹ ọnụ nwun hụn ihijan e legha, keni wẹ
hụn ɔrun-oma ụnu, gi e ja Nedi ọnụ rị elu-igwee mma.”

Nkuzi Banyeni Iwu

¹⁷ “Erokwole ni nị m bia d'a kagbu Iwu Mozizi mọbụ ihiẹn ndị-amumma de. Abianị m d'a
kagbu wẹ, kama, m bia d'e mèzu wẹ. ¹⁸ Makeni, m rị a gwa ụnu ezioku, d'e ru mgbe elu-
igwee lẹ ụwa ghafe, o nwònni mkpuru-ekukwọ ọwule mọbụ ihiẹn wẹ vinyedē mkpuru-
ekukwọ, hụn rị imé Iwu, hụn jenkö d'a ghafeni bụ o mezuni—kẹ hụn kachanrịn ntịn.
 19 'Ya wụ nị onyę ọwule dan iwu ohu imé iwu ndịnị, kuzi ndị ozo erira, wẹ siko d'a kpọ a
onyę hụn kachanrịn ekere imé Ali-eze elu-igwee. Kani, onyę hụn e mèni wẹ, a kuzi wẹ,
wẹ siko d'a kpọ a oken-ihijan imé Ali-eze elu-igwee. ²⁰ Ezioku kẹ m rị a gwa ọnụ, mmanị
ụnu ka ndị-nkuzi Iwu lẹ ndị Itu-Farisi uche Osolobue e mẹ, ọnụ asaeka banye Ali-eze
elu-igwee.”

Nkuzi banyeni Ibu-olulu

²¹ “Onụ a nügụo nị wẹ sị ndị akan, ‘Egbulẹ ni ọchụ; wẹ siko d'a ma onyę ọwule gbu-
ọchụ ikpe.’ ²² Kani, mmẹ lẹ enwẹn m sị ọnụ nị wẹ siko d'a ma onyę ọwule buni nwene e
olulu† ikpe; onyę ọwule kpọ nwene e iyi jenkö Ọgwa Ndị-isi; ọkụn-mmịn rị e che onyę
ọwule kpọ nwene e ‘Onyę-nzuzu!’”

²³ “Yawụ, omeni i rị e ye oyiye i ebahụn w'a nodị e ye oyiye, y'a nọ ebẹhụ nyanhan n'o
nwọn ihiẹn i mẹ, hụn nwene i gi bu iwe i obi, ²⁴ la oyiye i tọ ebẹhụ w'a nọ e ye oyiye, pụ,
iyu lẹ nwene i sụokingụ, i kebe kinhen d'e ye oyiye i.”

²⁵ “Iyu lẹ onyę-ikpe i sụokin egwa, ebe 'yü lẹ 'ya keleni ru ọgwa, amamgbe o weri i
ye ọka-ikpe, ọka-ikpe e weri i ye onyę ẹwuru-ogi, a tụ wẹ i ye ụlo-ngan; ²⁶ M rị a gwa i
ezioku, y'a saeka fufa d'e ru mgbe i kuguu ikpazụn wẹ be i.”

† Isi Nke Isen:22 mọbụ: ...onyę ọwule buni nwene e olulu bụ o nwònni ihiẹn nwene e mẹ.

Nkuzi Banyeni Ughere

²⁷ “Unu a nuguo ni we si we, ‘Agherele.’ ²⁸ Kanji mmē le enwen m ri a gwa onu ni onye owule lee okpoho enya, o la a enya, e meolē mgba a imē obi e. ²⁹ Omēni enya eka-nni i a han i e me njō, gupu a tuhu. O ka i mma ni mfpamkpa ehu i ohu arizi a, kari ni we tu ehi i ile ye ɔkun-mmɔn. ³⁰ Omēni eka-ihiēn i a han i e me njō, bepu a tuhu. O ka i mma ni mfpamkpa ehu i ohu arizi a, kari ni we tu ehu i ile ye imē ɔkun-mmɔn.”

Nkuzi Banyeni Mkpechan

(Mat 19.9; Mak 10.11-12; Luk 16.18)

³¹ “We sizikwo, ‘Onye ɔwule kpechan nwunyē e jenkō d'e ye e ekukwo ghosi n'o kpechanole a.’ ³² Kanji mmē le enwen m ri a gwa onu ni onye ɔwule kpechan nwunyē e, wezuka ni nwunyē e zo ukū ye ofia, ri e me e n'o zo oku ye ofia. Onye ɔwule lu okpoho we kpechangwu na nwunyē ihiān.”

Nkuzi Banyeni Ikun-iyi

³³ “Ozo, onu a nuguozì ni we si ndi akan, ‘Ekunle Osolobue tu ntü; i jenkō d'e me ni Di-nwonni-enyi ihiēn i kunn'e.’ ³⁴ Kanji mmē le enwen m si unu, ekunkwole ihiēn-owule, kaka. Ekunkwole elu-igwee, makeni 'ya wu ukpo Osolobue; ³⁵ ekunle uwā, makele 'ya wu ihiēn o gi a tukwası ukū a; ekunle Jerusalém, makeni 'ya wu obodo Eze uku hū; ³⁶ ekunkwole isi i, makeni y'e ri-eka gbehutu ntutu ohu n'o chanma uchan mɔbu n'o gime ngi. ³⁷ Sihu ‘Egheé’ mɔbu ‘Mba’; ihiēn ɔwule kari onwan gha eka Eje-onye hū bia.”

Nkuzi Banyeni Mmegwarị

(Luk 6.29-30)

³⁸ “Unu a nuguo ni we si, ‘Onye tikpo ihiān enya ohu, we tikpogwarị a enya ohu; onye tikwon ihiān eze ohu, we tikwongwarị a eze ohu.’ ³⁹ Kama, mmē le enwen m si i emegwarile onye me i eje-ihiēn. Kama, omēni ihiān a ma i ora nti eka-nni, y'e bu azuwun hūn-ebø zimēn'e. ⁴⁰ Onye cho n'o kpe i narin i ewuru i yi imē, yezikwo a hūn i yiye elu e. ⁴¹ Onye waye i olu n'i jen maili ohu, y'e son e jen maili ebø. ⁴² Onye ɔwule rio i ihiēn, y'e ye e; onye ɔwule cho n'o zinarin i ihiēn, ajule.”

Inwe Ihiēn-ɔsusuo Ndi-iñenren I

⁴³ “Onu a nuguo ni we si, ‘I sikò d'e nwəriri ihiēn-ɔsusuo ndi-oma i, ze izize ndi-iñenren i.’ ⁴⁴ Kanji mmē le enwen m si unu ‘E nwē ni ihiēn-ɔsusuo jenni ndi-iñenren onu; e me ni ni ndi ri e kpokpo ni unu ekpere.’ ⁴⁵ Onwan sikò d'a ghosi nke-esi ni onu wu umu Nedi unu hūn ri elu-igwee. Makeni o me anwun a e tikpu kẹ onye-njō kẹ onye-oma; o zi mirin e jenni ndi e me ihiēn o cho le ndi ghaleni e me ihiēn o cho. ⁴⁶ Makeni, omēle ndi ihiēn i a suqo suqo kẹ ihiēn we a suqo i, elee ugwo-orun k'i k'e nwənhen? Ele erira kẹ ndi a na ugwo-isi, ndi hū we gi njō marin, e me? ⁴⁷ Ozozì, omēni ndi nke i suqo kẹ y'e kele, k'i gi mèkarì ndi ozò? Ele erira kẹ ndi kwerileni e me? ⁴⁸ Zu ni nwan oke kẹ Nedi unu hūn ri elu-igwee don zu oke.”

Isi Nke Isin

Emekwole Ni We Hūn I

¹ “Kpachanpukwo ni enya amamgbé ihiēn onu ri e meni Osolobue a wuru ni unu ri e me ni we hūn unu; makeni unu me e, onu anarinkozì ugwo-orun eka Nedi unu hūn ri elu-igwee.”

Nkuzi Banyeni Imeni Ndi-igbenyye Ohunma

² “Ya wu, ogen ɔwule onu ri e ye ndi igbenyye ihiēn, akule ni egogo* riké kẹ ndi-ihunnaí don e me imē ulo-ofufe le okp'uzo, keni ihiān ile hūn uzò ja we mma. M ri a gwa unu ezioku, a narinchanringwule we ugwo-orun we. ³ Kama, unu gha e ye ndi-igbenyye

* Isi Nke Isin:2 Egbuleni opi.

ihien, amile ni eka-ekpen onu marin ihien eka-nni unu ri e me, ⁴ keni ihien unu me ni ndi-igbenyye wuru ihien zuerini; ni Nedi unu hun a hun ihien zuerini kụ onu ugwo.”

Nkuzi Banyeni Ekpere

⁵ “Ozozị, unu gha e me ekpere, emele ni kę ndi-ihunnaị, makeni o sụo we ni w'e turu imé ulo-ofufe le okp'uzo e me ekpere, keni ihiyan hun we. Ezioku kę m ri a gwa unu, a narinchanringuolé we ugwo-ørün we. ⁶ Kama, unu jenkonj d'e me ekpere, ban ni mmulo, gunma uzø, me ekpere jenni Nedi onu hun we ghaleni e legha; Nedi unu hun a hun ihien zuerini sikø d'a kụ onu ugwo.”

⁷ “Kanị unu gha e me ekpere, aghale ni e ku oku ohu, e kudonzi e nöké kę ndi hun ghaleni e fe Osolobue dòn e me, makeni we rị e ro ni otutu-oku we kę we sikø d'e gi nu ekpere we. ⁸ Anole ni nwan kę we, makeni Nedi onu a maringho ihien ri unu mkpa ni unu d'a rioma a.” ⁹ “Ya wụ, e me ni nwan ekpere enina: ‘Nedi enyi hun ri elu-igwee, we dònme efan i nsø.

¹⁰ Ali-eze i ya bịa d'a kima,

uche i ya me elu-uwá, riké kę o dòn e me elu-igwee.

¹¹ Ye enyi ihien enyi jenkonj d'e ri tanni;

¹² gbagharị enyi eje-ihien ndi enyi me, nöké kę enyi dòn gbagharị ndi hun me enyi ejehien.

¹³ Edulé enyi ye imé onwunwan, ka gbañha enyi eka Eje-onye hụ.”

¹⁴ “Eghẹe, onu gbagharị ndi ozø eje-ihien we me unu, Nedi unu hun ri elu-igwee sikø d'a gbagharizikwo onu; ¹⁵ kani, ọwụni unu agbagharinj ndi ozø eje-ihien ndi we me unu, Nedi unu a gbagharikø unu eje-ihien ndi unu me.”

Nkuzi Banyeni Ibu-onu

¹⁶ “Ogen ọwule unu ri e bu-onu, eronmélé ni ihun riké ndi ihunnaị. W'e ronmę ihun, keni ihiyan ile hun ni we rị e bu onu. Ezioku kę m ri a gwa unu, a narinchanringuolé we ugwo-ørün we.”

¹⁷ “Kama, onu gha e bu onu, te ni udèn isi unu n'o dèn, fin ni ihun, onu a ha ntutu,

¹⁸ amamgbe w'a marin ni unu ri e bu onu, keni Nedi unu sụo, hun we ghaleni a hun, marin; Nedi onu hun a hun ihien zuerini sikø d'a kụ unu ugwo.”

Akụ-le-uba Hun Rị Elu-igwee

¹⁹ “Akpatolé ni ni enwèn unu akụ-le-uba imé uwani, ebe ekika sikø d'a saeka ripu a, ebe o sikø d'a saeka gba nchara, ebe ohin sikø d'a saeka gbukpø banye, zun. ²⁰ Kama, a kpatø ni ni enwèn onu akụ-le-uba elu-igwee, ebe ekika jenkoløni d'e ri-eka ripu a, ebe o jenkoløni d'a nọ gba nchara, ebe ohin jenkoløni d'a saeka gbukpø. ²¹ Makeni ebe akụ-le-uba unu ri, iya kę obi onu jenkonj d'a rizi.”

Ukpé Hun Zu Oke

²² “Enya wụ ukpé hun ri ehetu. ‘Ya wụ, omeni enya unu ri iken, ehetu unu ile jenkonj d'e nwọn ukpé. ²³ Kanị, omelé enya onu arị iken, ehetu unu ile sikø d'a wụ ishiishi. O me nwan ni ukpé hụ ri imé unu wụ ishi, ishi hụ sikø d'a karị eka!”

Odibo A Ra Saeka Fee Nna Ebụo

²⁴ “O nwonnri onye a saeka e fe nna ebụo, makelé, ohu k'a rikenmę e mkpa, hun-ebø aríkakø a mkpa; mọbụ o wechanrin enwèn e ye ohu, legberi hun-ebø: y'a sakø eka fe Osolobue le egho.”

Ehuelé Uhue, Chögüü Nke Osolobue

²⁵ “Ya wụ, m ri a gwa onu, ehuelé ni uhue ihien unu jenkonj d'e ri mọbụ ihien unu sikø d'a ra gi ri ndùn mọbụ ihien unu jenkonj d'e yiye ehetu onu. Ele ndùn ka ihien-oriri mkpa? Ele ehetu ka ekwa mkpa? ²⁶ Lekpödè ni nnunu ndi hun e fehunmeni: w'a ra kụn ihien

móbú e we ihién ugbo móbü dönmé ihién imé óban, bu Nédi ounu hún rí elu-igwee hú e ye wé ihien-oriri. Èlé ounu ka wé mkpa a rí? ²⁷ Onyé imé ounu sikó d'a saéka gi uhue ɔ rí e hue gi mgbahunmè okúlókú ohu tocheni? ²⁸ Kí hain ounu gizi e hue uhue ihién ounu jénkó d'e yi? Lekpo ní ké obobo rí imé ɔfíá don e sue: w'a ra rún ɔrun, w'a ra kpa ékwa; ²⁹ kaní, m rí a gwa ounu ní, ké Solomónu nwéhanlé ogho, o yini ihién owitzé ríhan mma ké obobo ohu imé ndíni. ³⁰ Oméni Osolobue e yímé ɔfíá rí ogige ihién rí mma enína—fífíá hún rí ndún tanní, eki fón e bu w'e che imé ɔkún—o yímé ounu hún ka mma? Euu, ndí okukwe nta! ³¹ 'Ya wú, ehuelé ni nwan uhue, a sí, 'Kí ényi k'e ri?' móbü 'Kí ényi k'a ra?' móbü 'Kí ényi k'e yi?' ³² Ndí kweriléni, uwé a chú ihién ndíni wé, bu ezioku-ezioku, Nédi ounu hún rí elu-igwee a maringhó ní ihién ndíni ile rí ounu mkpa; ³³ kama, chomagudé ni Ali-eze Osolobue lè ihién Osolobue chò, o sikó d'e yezikwó ounu ihién ndíni ile."

³⁴ "Ya wú, ehuelé ni uhue banyeni ekile, makéni ekile sikó d'e nwón nsongbu nke e; nsongbu ʉhuohin e zuguo n'a."

Isi Nke Esa

Ikin Ibe i Ikpe

¹ "Amalé ndí-ozó ikpe amamgbe Osolobue a ma i ikpe. ² K'i don han eñen ké Osolobue sikó d'a don han n'i. Eka i gi mayení ihián ihién ké Osolobue jénkó d'e gi mayen'i.

³ Kí hain i gi a hún irinrin-nkún rí nwéne i énya, kaní y'a ra hún ogwe-nkún rí i énya?

⁴ Naní ké y'e dònzi saéka sí nwéne i, 'Ní m wepú i irinrin-nkún rí i énya' bu ogwe-nkún rí 'yú lè enwéne i énya? ⁵ Onyé ihunna! Bu úzo wefú ogwe-nkún rí i énya, keni i hún úzo legha irinrin-nkún rí nwéne i énya ɔhúnma mèfú."

Egile Ihién Rí Nsó Gú Egu

⁶ "Eyekwolé nkíté ihién rí nsó; atúkwolé ihién rí i mkpa yéní ezin, amamgbe w'a zókpükpögü a, maye i ɔgun, rú i éhu."

Ríó, Chò, Dú Eka

⁷ "Ríó ní, wé sikó d'e ye ounu; chò ní, ounu sikó d'a hún; dú ní éka, wé sikó d'a kpópuni ounu úzo. ⁸ Makéni onyé owitzé ríjóni jénkó d'e nwónhen; onyé owitzé chóni sikó d'a hún; wé sikó d'a kpópuni onyé owitzé dù éka úzo. ⁹ Onyé imé ounu jénkó d'e ye nwa a akpúrú-omúma oméni ɔ ríó a bredi ¹⁰ móbü ye e agwó oméni ɔ ríó a azún? ¹¹ 'Ya wú, oméni ounu wú ndí njó marin ké ounu don e ye ʉmu ounu ihién rí mma, Nédi ounu rí elu-igwee eyeko ndí rí a ríjón'a ihién ka mma? ¹² 'Ya wú, ihién owitzé i rí e mé, e mé ndí ozó ihién i chò ní wé mé i: ounwan wegbamé ihién ile Iwu lè ndí-amúma ku."

Úzo Mé Warara

¹³ "Ghasi ni ounu-mgbón hú mè warara. Makéni, ounu-mgbón wé gha a banye ntíkpo shíja ashíja, úzo a rízíkwó nfe, ndí hún a gha úzo hú bu ɔda. ¹⁴ Kaní, ounu-mgbón wé gha a banye ndún mè warara, úzo a zezikwó e ze, ndí a hún n'a ebuni ɔda."

Osisí Lé Mkpúrú A

¹⁵ "Kpacanhpú ní énya banyeni ndí amúma-ntú: w'e konrin ríké sí wé wú atúnrun, a bia d'e kunrun ounu, kale, eje-eworó ké wé wú. ¹⁶ ounu jénkó d'e gi m kpúrú wé marin wé. Ihián a ra ghori grepu enu abi-ogun; ihián a ra ghori figi elu ogun-lé-ékiríka. ¹⁷ Eríra k'o gizi mè ni m kpúrú rí mma ké osisi rí mma a mi, kaní m kpúrú ríleni mma ké osisi ríleni mma a mi. ¹⁸ Osisí rí mma asako éka mi m kpúrú ríleni mma; osisi ríleni mma a sakó éka mi m kpúrú rí mma. ¹⁹ Osisí owitzé hún miléni m kpúrú rí mma, e gbutu wé e, tu ye ɔkún. ²⁰ Egheé, m kpúrú ndíni mi k'i jénkó d'e gi marin wé."

"A Marin M'i!"

²¹ "Èlé ndí ile hún a kpo m 'Onyé-nwónni-ényi, Onyé-nwónni-ényi' jénkó d'a banye Ali-eze elu-igwee, kaní, ndí hún e mè uche Nédi m hún rí elu-igwee, uwé súo. ²² Uhuhohin hú, ndí bu ɔda jénkó d'a sí m, 'Di-nwónni-ényi, Di-nwónni-ényi! Èlé ɔfan i ké ényi gi bu amúma? Èlé ɔfan i ké ényi gi chupú eje-mmón, rún okéni ɔrun-atúmenya rí ichéen-ichéen?'

²³ Ogen hụ, m sikọ d'a gwapụ wę, sị, ‘O nwọnni ogen m gi marin ọnụ; gha nị ebe m rị pụ! Unụ ndị e me eje-ihiẹn.’ ”

Mmadụ Ebụo Ahụn Rị A Tun Ulo

²⁴ “Ya wụ, onyę ọwule hụn nụ oku ndịnị m rị e ku, gi wę run ọrun, sikọ d'a nọ kę onyę hụ marin ihiẹn, hụn tun ulo a ye elu ọmụma. ²⁵ Mirin nọ zue, ide-mirin nọ huhe, oken ufere a kpokwasị ulo hụ, kanị ọ dannị, makeni wę rụnye e elu ọmụma. ²⁶ Kanị, onyę ọwule nụ oku ndịnị m rị e ku bụ o gini wę run ọrun sikọ d'a rị kę onyę-nzuzu, hụn tun ulo a ye elu uzunzun. ²⁷ Mirin nọ zue, ide-mirin nọ huhe, oken ufere nọ kpokwasị ulo hụ, ọ nọ dan, dankpochanrin ọhụnma-ọhụnma!”

Jizosị Kę Oku Rị Eka

²⁸ “Ogen Jizosị gi kugụ ihiẹn ndịnị wę, nkuzi ẹ nọ tụ igunrun hụ ile ẹnya. ²⁹ Makeni ọ kuzi wę nöké onyę oku rị eka a, ele rịkẹ ndị-nkuzi Iwu wę.”

Isi Nke Esatō

Jizosị A Zuọ Onyę-oti

(Mak 1.40-45; Luk 5.12-16)

¹ Ogen Jesu gi hidan enu oke hụ, igunrun hi-ogbe nọ sónmẹ ẹ. ² 'Ya Okennye ohu wụ onyę-oti nọ bịa d'e kunrun ẹ, gbur'ẹ osekpu sị, “Di-nwònni-ẹnyi, ọwuni y'a chogho, i k'e ri-eka zuo m, a rị m ọchan.”

³ Jesu nọ tịnpụ eka, metụ a, sị, “A chogho m, dịnhịn n'i rị ọchan.” Ozigbo, oti hụ nọ gha a ẹhu pụ, ọ nọ rị ọchan. ⁴ Jizosị nọ sị a, “Hụn a n'o nwònni onyę i gwa ihienni; ka we enwèn i d'a ghosi onyę nchụ-ajan, y'e ye oyiyé hụ Mozizi ku imē Iwu—gi ghosi wę nị y'a dịnhịnguo.”

Jizosị A Zuọ Odibo Onyę-isi-agha Ndị Rom

(Luk 7.1-10)

⁵ Ogen Jizosị gi banhan imē Kapanom, onyę Romu ohu wụ ọki-agha, hụn a kị ndị-agha ọgun-isen nọ bịa d'e kunrun ẹ, riọ a, ⁶ sị, “Di-ọkpa, emu rị a kụ odibo m, o diné edine ulo—ọ ra sa eka mèhunmè, ọ rị imē oken afunfun.” ⁷ Jizosị nọ sị a, “M sikọ d'a bịa d'a zuo a.”

⁸ Kanị onyen'i a kị ndị-agha ọgun-isen nọ sị a, “Di-ọkpa, eruni m onyę i sikọ d'a banhan iwe ẹ, ka kuhụ oku suọ, odibo m k'a dịnhịn. ⁹ Makeni, mmé nwèn rị okpuru ihiyan, nwonzikwo ndị-agha rị okpuru m. M'a sị onyę ohu, ‘Jen,’ o jen; m'a sị onyę ozọ, ‘Bia,’ ọ bịa; sịzị igbọn m, ‘Mẹ ihienni,’ o mè ẹ.”

¹⁰ Ogen Jizosị gi nụ ihiẹn o ku, ọ tụ a ẹnya; ọ nọ sị ndị rị e sòn n'ẹ, “M rị a gwa ọnụ ezioku, ahụntuni m onyę Izrélụ nwè okukwe nọ ẹnịna. ¹¹ M rị a gwa unụ, ndị bụ ọda sikọ d'a gha azụn ile bịa, kę azụn ọwụwa-ẹnya-anwụn kę azụn ndịdan ẹnya-anwụn, bịa d'e son Ebrahim lę Aziki lę Jekopu e ri oriri imē Ali-eze elu-igwee; ¹² kanị ụmu Ali-eze,* sikọ d'a wụ ndị wę tụ ye ezi imē ishi, ebe wę jenkọ d'a nọ a kwan ekwan, a ta nkwenren-eze.”

¹³ O nọ sị onyę hụ hun a kị ndị-agha ọgun-isen, “Jenme; ya rịn'ị k'i dòn kweri.”

Ogen hụ hura, odibo ẹ nọ dịnhịn.

Jizosị A Zuọ Ndị Bu Ọda

(Mak 1.29-34; Luk 4.38-41)

¹⁴ Ogen Jizosị gi banye iwe Pita, ọ nọ hụn nị nnę nwunyé Pita diné edine—emu rị a kụ a, ẹhu-okun rị e nwun ẹ. ¹⁵ O nọ metụ a eka, 'ya ẹhu-okun hụ nọ hapu a. Ọ nọ lihi, leme Jizosị obia.

¹⁶ Ogen enyasị hụ, wę nọ węhę ni Jizosị ndị bu ọda eje-mmモン rịsonmę imē wę, ọ nọ gi oku-ọnụ chupusonmę mmモン ndịnị wę, zuozikwo ndị ile emu rị a kụ. ¹⁷ Enịna k'o dòn mèzu ihiẹn Chuku gi onyę-amụma wụ Azaya ku. Azaya sị, “O wepụ ọriạ ẹnyi, buru emu ẹnyi.”

* Isi Nke Esatō:12 ndị hụn nké a banye n'ẹ

*Ihien Ison Jizosi Cho
(Luk 9.57-62)*

¹⁸ Ogen Jizosi gi hun igunrun hi-ogbe nohunmè n'ę, o no si umu-azun a fetu mirin hụ. ¹⁹ 'Ya onye-nkuzi Iwu no bia d'e kunrun e, si a, "Di-nwɔnni-enyi, m jenkó d'e son i ebe owitzé i jenkó."

²⁰ Jizosi no si, "Ufu nwọn okporo; nnunu e fe elu nwọn ekpu; kani mmè wu Nwa nke ihian e nwọn ebe m'e buche isi m." ²¹ Onye ozø imè umu-azun a no si a, "Di-ókpa, ni m jenguü d'e li nedí m."

²² Kani Jizosi no si a, "Sonmè m, hapu ndí nwunní ni we li ndí nke we nwunní."

*Jizosi E Tinyun Ebi
(Mak 4.35-41; Luk 8.22-25)*

²³ Ogen o gi banyeguü imè ugbo-mirin, umu-azun a no son e banye. ²⁴ Idemizi, ebi no kpoma, hun wu ni ebiri-mirin no kpónbanma imè ugbo hụ; kale Jizosi ri uran. ²⁵ 'Ya we no jen d'a kpotien e, si, "Di-nwɔnni-enyi, zuopuha enyi! Enyi e d'a la iwi!"

²⁶ O no si we, "Kí haín onu gi a tu egun? Unu ndí okukwe nta!" 'Ya o no lihi otó, jugbo ebi hụ le ebiri-mirin hụ. Ebe owitzé no mechanrín rajuü.

²⁷ O tukènme we enya. We no si, "Elee ụdi ihian wu onwan? Hun wu ni ufere le ebiri-mirin e hume n'ę isi!"

*Jizosi A Zuò Mmadu Ebùo Eje-mmòn Rì Imè We
(Mak 5.1-20; Luk 8.26-39)*

²⁸ Ogen o gi ru azun hun-ebø—hun wu alí ndí Gadara, ikennyé ebùo eje-mmòn rì imè we no gha ikpékpe bia d'e kunrun e. We tumé enya, e gbogbo, nke wu ni o nwònni onye a saéka a ghafe azun hụ. ²⁹ Idumuzi we no yi oro, si, "K'i gi enyi e mè Nwa Osolobue? I bia d'e ye enyi afunfun bụ ogèn e ke ru?"

³⁰ Igunrun ezin rì ehù ebèhù a kpa nni. ³¹ Eje-mmòn ndí hụ no riø Jesu, si, "Omele y'a chupu enyi, dodo zi enyi ye imè igunrun ezin hụ."

³² 'Ya o no si we, "Jenmè nil!" 'Ya we no puhà, banyesonmè imè ezin ndí hụ. Igunrun ezin hụ ile no kpoto, zunban imè mirin hụ, ragbu enwèn we.

³³ Ndí rì e du ezin ndí hụ no gbasi imè obodo d'a gwa we ihién ile mèni le ihién mè ikennyé ndí hụ eje-mmòn te rì imè we. ³⁴ 'Ya ndí obodo hụ no puhà d'e kunrun Jizosi; ogen we gi hun a, we no riø a n'ę gha egberé we pü.

Isi Nke Itenẹi

*Jizosi A Zuò Onye-oro
(Mak 2.1-12; Luk 5.17-26)*

¹ Jizosi no banye imè ugbo-mirin, fetu mirin si obodo e. ² 'Ya we no gi ute buhen'ę okennyé ohu orø kinmin. Ogen Jizosi gi hun okukwe we, o no si onyen'i orø kinmin, "Atule egun nwa m, a gbaghariguo we i njø i."

³ 'Ya ndí hụ imè ndí-nkuzi Iwu no si enwèn we, "Okennyeni rì e ku aru."

⁴ Kani ogen Jizosi gi marin ihién we rì e ro, o no si, "Kí haín onu gi e ro eje-ihién imè obi onu? ⁵ Elee hun ka nfe: i si, 'A gbaghariguo we i njø i,' ra i si, 'Lihi otó jenmè ijen?' ⁶ Kani, m jenkó d'a ghosi unu ni Nwa nke ihian nwòn iken o gi a gbaghari njø elu-uwani."

O no si onye hụ orø kinmin, "Lihi otó! Heri ute i, lama iwe i!"

⁷ Okennyé hụ no lihi otó, lama iwe e. ⁸ Ogen igunrun ihian rì ebèhù gi hun ihienni, egun no tu we, 'ya we no ja Osolobue hun ye ihian ụdi ikenni mma.

*Jizosi A kpò Matiu
(Mak 2.13-17; Luk 5.27-32)*

⁹ Ogen Jizosi gi gha ebahun pukò, o no hun onye ohu efàn a wu Matiu ebe o nodí alí imè ulø-ørùn ndí a na ugwo-isi. O no si a, "Sonmè m," o no lihi otó, sonmè e.

¹⁰ Ogen Jizosi gi nodí alí imè ulø iwe Matiu e ri ihién-oriri, ndí bu odata imè ndí a na ugwo-isi le ndí njø no bia d'e du 'ya le umu-azun a ri ihién-oriri. ¹¹ Ogen ndí Itu-Farisi

gi hün ihienni, wę nō sī ụmụ-azụn a, “Kị haín onyé-nkuzi ọnụ gi e sòn ndị a na ụgwó-isi lę ndị njọ e ri ihién-oriri?”

¹² Kanị, ogēn Jizosí gi nü a, o nō sī wę, “Ndị ehịrị rị ikēn a ra chọ dibię, kama, ndị ehịrileni ikēn wü ndị a chọ dibię. ¹³ Jen ni d'a mụ ihién okuni Ẹkukwó-nsø ku wü, ‘M chọ omikēn, eélé ichu-ejan.’ Makēni, eélé ndị rị-ochan kę m bia d'a kpọ nī wę roghari, kanị ndị njọ.”

Ajuju Banyeni Ibu-ọnụ (Mak 2.18-22; Luk 5.33-39)

¹⁴ Umụ-azụn Jonu nō bia d'e kunrun Jizosí, ju a, sī, “Kị haín enyi lę ndị Itu-Farisi gi e bu ọnụ mbụ-lę-ebø, kanị umụ-azụn i a ra bu ọnụ?”

¹⁵ Jizosí nō za wę, sī, “Nị ndị bia agbamékukwó sükuru ebe okennye rị a gba ẹkukwó keleni pụ? Ogēn lala hün wę e gi wehụ a imē igunrun wę, ogēn hụ, wę jenkö d'e bumē ọnụ.”

¹⁶ “O nwọnni onyé e gi ekwa ọhụn taleni a kwakin nke akan. Makēni, ekwa ọhụn hụ wę gi kwakin ẹ sikọ d'a dokapụ, ebaḥụn ọ doka a jowaye njọ. ¹⁷ W'a ra gizikwó ihién akan gbaye manya ọhụn. Makēni wę gi e, o gbawa, manya a kwanhu, ihién wę gi gbaye e a la iwi. Kama, w'a gba manya ọhụn e ye imē ihién ọhụn, ogēn ahụn wę ẹbụo alako iwi.”

Jesu A Zuq Okpoho Hụ Ihién Rị A Gba, Kpotien Nwata Nwụnhunni (Mak 5.21-43; Luk 8.40-56)

¹⁸ Ebe ọ rị a gwa wę ihién ndịnị wę, onyé ohu imē ndị-isi wę nō banhan, gbu n'ę osekpu, sī, “Nwa-m-okpoho nwụnhunhụ kikenni, ka bia d'e bu eka i kwasị a—makelé, i bu eka i kwasị a, o sikọ d'a rị ndụn.”

¹⁹ 'Ya Jizosí nō lihi ọtọ sònme e, 'ya lę umụ-azụn a. ²⁰ Idènmizi, okpoho ohu ihién rị a gba kete ahụa mmębụo nō ghaha azụn Jizosí, mętụ ntịn efę Jizosí eka. ²¹ Makēni ọ sị enwèn e, “M mętụhụ ewuru e eka, m sikọ d'a rị mma.”

²² Jizosí nō gbehutö, ogēn o gi hün a, o nō sī a, “A tülę egun nwa m, okukwe i e meọle i dínhin.” Okpoho hụ nō dínhin ²³ Ogēn Jizosí gi ru iwe onyé-isi hụ, hün ndị rị e gbu erekpíri lę igunrun ihiјan kę wę rị a zun uzun, ²⁴ ọ nō sī wę, “Pụ nị, nị nwata hụ anwụnni, ụran k'ọ rị.” Wę nō mümä a emü. ²⁵ Ogēn wę gi wepugụ igunrun hụ ezi, ọ nō banye, kwondon nwata hụ eka, nwata hụ nō lihi. ²⁶ Ihienni nō kpogbama egberę hụ ile.

Jizosí A Zuq Ndị Enya-ishı Ebụo

²⁷ Ogēn Jizosí gi gha ebéhụ pükö, ikennye ẹbụo enya kpu ishi nō sònme e, e yi oro, a sī, “Mẹ omikēn enyi nwa Defidi!”

²⁸ Ogēn o gi banye imē ụlo, ndị enya-ishı hụ nō bia d'e kunrun e. O nō sī wę, “Unu e kwerigho nị m sikọ d'a saeka mę ihienni?” Wę nō sī a, “Eghẹe, Di-nwọnni-enyi.”

²⁹ 'Ya ọ nō mętụ wę eka enya, sī, “'Ya rị nị ọnụ kę ụnu dọn kweri.” ³⁰ 'Ya enya wę nō shiјapụ, wę nō leghama üzö. Ya Jizosí nō dokènme wę eka-ntịn, sī wę, “Anikwolę ni onyé ọwule marin ihienni.”

³¹ Kanị a pụ wę, wę nō kusonme oku e egberę hụ ile.

Jizosí A Zuq Onyé Ghaleni E Ku Oku

³² Ogēn ndị ahụn enya te kpu ishi gi pükö, ndị ozö nō węhę onyé-odin eje-mmón rị imē e d'e kunrun Jizosí. ³³ Ogēn Jesu gi chupugụ eje-mmón hụ, onyé-odin hụ nō kume oku. O tükènme igunrun hụ enya. Wę nō sī, “A hùntuni wę ihién nō enina imē Izrelu.”

³⁴ Kanị ndị Itu-Farisi nō sī, “O gi ikēn onyé-isi eje-mmón a chupụ eje-mmón.”

Orun Rịnj E Hikę. Kanị Ndị K'a Runn'a Ebuni Oda

³⁵ Jizosí nō ghama obodo-obodo, kę ndị shianị kę ndị mę ekere, a kuzi imē ụlo-ofufe ndị Ju, e zi ozioma Ali-eze, a zuq ụdị emu lę ọrija ile. ³⁶ Ogēn o gi hün igunrun ndị hụ riṣonme imē obodo ndị hụ, omikēn wę nō mémé e, makēni wę nō kę ndị obi ruleni ali, ndị nwéléni onyé e yeni wę eka—rịkę atunrun nwọnleni onyé-ndu. ³⁷ O nō sī ụmụ-azụn

a, “Ihien-ugbo wé sikò d'a ghò e hiké, kaní ndí ɔrun ebuni ɔda. ³⁸ Mè ni nwan ekpere riò Osolobue, Onyé hùn nwòn ugbo, n'o zihé ndí-ɔrun sikò d'a ghò n'a ihien-ugbo e.”

Isi Nke Iri

Ndi-ozzi Mmèbùo Pù-ichèn (Mak 3.13-19; Luk 6.12-16)

¹ Jizòsi nò kpò ụmụ-azụn a mmèbùo, ye wé ikèn w'e gi chupù eje-mmòn lè ikèn w'e gi zuò udí emu ile lè ɔrià ile. ² Ndíni wù efan ndí-ozzi hù pù-ichèn mmèbùo, ndí apostù mmèbùo: ndí ibuzò wù Saimonu hùn w'a kpò Pita ní Anduru nwènè e; Jemisi nwa Zebèdi lè Jónu nwènè e; ³ ndí ozo wù Filipu lè Batolomi; Tamòsi ní Matiu (Matiu hùn e te na ụgwó-isí); Jemisi nwa Alifiosi lè Tadiosí;* ⁴ Saimonu hùn te rì ndí gi eka-ikèn e mè ni wé chupù ndí Rom rì a kí alí wé; onyé ozo wù Judas' Iskarotu hùn ren'e ogen ikpazuń.

Orùn Mmadú Mmèbùo Hù (Mak 6.7-13; Luk 9.1-6)

⁵ Jizòsi nò zipù mmadú mmèbùoni, sì wé, “Ejenkwòlè ni d'e kunrun ndí wùlèni ndí Ju; abanyekwòlè ni obodo ndí alí Sameria ɔwùlè. ⁶ Kaní, jenmè ni d'e kunrun ndí Izrèlù, atùnrun Osolobue huni. ⁷ Onu jenkoni, e zi ni ozioma, a sì, ‘Alí-eze elu-igwee a riguò nsue.’ ⁸ Zuò ní ndí emu rì a kù, kpotien ni ndí nwùnni, zuò ní ndí oti—kèni wé rì ɔchan, chupù ni eje-mmòn. Unu nwònhen e ɔfè, ye n'e ɔfè. ⁹ Ewerilè ni ego ɔwùlè. ¹⁰ Ebule ni ekpa; ewerilè ni ewuru móbu akp'okù ozo che ni hùn unu yi; ewerilè ni ɔkpò. Makèni, o furu ni wé ye ndí-ɔrun ihien wé gi e bi.”

¹¹ “Obodo ɔwùlè onu banye, kè hùn shìa ɔfò kè hùn shìaleni, chòri ní onyé furuni. Nòdí ní iwe e d'e ru ogen unu e gi gha obodo ahùn pù. ¹² Onu gha a banye imé ụlo hù, kele ni wé. ¹³ Omèni ndí rì ụlo hù e furughò nke-esi, udòn hù unu kele a rì ni wé; kaní omèni efuruni wé, udòn unu e kinheanni unu azụn. ¹⁴ Onyé ɔwùlè móbu obodo ɔwùlè nabanhànleni onu móbu jù n'o gonkò ozi unu ntìn, unu pukoni iwe onyé hù móbu obodo hù, tichanpù ní ejan rì onu okù tò n'a. ¹⁵ Ezioku kè m rì a gwa unu, o sikò d'a ka obodo hù njò karí alí Sodom-lé-Gomora Ụhụohin Ichin-ikpe.”

Ukpokpo Hùn Lalani (Mak 13.9-13; Luk 21.12-17)

¹⁶ “Lee n'e, m rì e zipù onu nòkè ebe wé nò zi atùnrun jen ebe eworò† rì. E gi ni akò e bi, ríkè agwò, ka rì ní kè nduru hùn ghaleni a rù onyé ɔwùlè ehù. ¹⁷ Kpachanpù ní enya ebe ihiian rì, makèni we jenkò d'e wejèn onu ɔgwa rì ichèn-ichèn, fìan unu mkpìnsin imé ụlo-ofufe wé. ¹⁸ Wé sikò d'e gi ufiri m dòkpùn onu jenni ndí Gòvanò lè ndí-nze, onwan jenkò d'e mè kèni unu shìa ní m eri id'enya wé lè id'enya ndí alí ndí ozo ile wùlèni ndí Ju. ¹⁹ Kaní ogen w'e gi we onu ye wé, ehuelè ni uhue banyeni ihien unu jenkò d'e ku móbu kè unu a dòn ku e, makèni unu jenkò d'e nwònhen ihien unu jenkò d'e ku ozigbo hù. ²⁰ Makèni ele unu jenkò d'e ku, kama, Mmòn Nèdì onu jenkò d'e gi unu ku.”

²¹ “Umune jenkò d'e we umune wé ye wé gbu; ndí nèdì jenkò d'e we ụmụ wé ye wé gbu; ụmụ jenkò d'e bunumanị ndí múnị wé, mè wé gbu wé. ²² Ize unu jenkò d'a ban ihiian ile makè ufiri ẹfan m, kaní onyé hùn din ndidi d'e ru njendemè jenkò d'e nwé nzùopuhà. ²³ Wé kpokpo onu imé obodo ohu, gbasi ni hùn sonn'e. M rì a gwa unu ezioku ní unu gini d'e jenchanringuò obodo ile rì Izrèlù, Nwa nke Ihiian sikò d'a bìa.

²⁴ Onyé wé rì a zun ara karí onyé rì a zunna'a, odibo ara karí nna a. ²⁵ O hughò mma ní onyé wé rì azun rì kè onyé rì a zunna'a lè ni odibo rì kè nna a. Ọwùlè wé kpò nna hùn nwòn ụlo ‘Bézibò’ (onyé-isí eje-mmòn ile), kí wé jenkò d'a kpò ndí ụlo a?”

Onyé Hùn Furu W'a Tù Egun È (Luk 12.2-7)

* Isi Nke Iri:3 Lebayosù † Isi Nke Iri:16 wofu

²⁶ “Ya wụ, atule ni nwan egun we. Makeni o nwonnini ihien kpumeni hụn jenkoleni d'e kpupu, mọbu hụn zuerini hụn jenkoleni d'a wa. ²⁷ Ihien m gwa onu imé ishi, ku n'i e ifonrin-ifon; ihien we kagwa unu, gi n'i e yi oro elu ulo. ²⁸ Atule ni egun ndị hụn sikọ d'a saeka gbu ehu bu a sa we ẹka gbu umé-ndun; ka tụ ni egun onye hụ sikọ d'a saeka tikpo kẹ ume-ndun kẹ ehiu imé ọkun-mmモン. ²⁹ Ele ẹbuo ikobọ kẹ w'e re achụ? Kanị o nwonnini achụ ohu hụn sikọ d'a dan alị omeni Nedi unu a n'i n'a dan. ³⁰ Kẹ ntutu rị unu isi, we gun we a gun. ³¹ Ya wụ, atule ni nwan egun, onu ka mkpa a rị karidé achụ bu ọda.”

*Ikupụ A N'i Wụ Nke Kraistị Lé Ighorị Nị Y'ele Nke E
(Luk 12.8-9)*

³² “Ya wụ, onye ọwule no id'anya ihiyan kupụ a n'o wụ nke m, 'ya kẹ m jenko d'a no id'anya Nedi m hụn rị elu-igwee kuzikwo a n'o wụ nke m. ³³ Kanị onye ọwule no id'anya ihiyan ghorị, si n'o marin m, m jenko d'a no id'anya Nedi m hụn rị elu-igwee sizikwo ni a marin m'a.”

*Ele Udọn Kanị Opia-agha
(Luk 12.51-53; 14.26-27)*

³⁴ “Erokwole ni nị m bịa d'e me ihiyan ile henrin ohu elu ụwa? Mba, ezioku kẹ m rị a gwa unu, ele ịri-ohu kanị opia-agha hụn e kebeni. ³⁵ Makeni m bịa d'e kebe okennye le nedị e, okpoho le nnę e, nwunye-nwa le nnę-di e. ³⁶ Ndị ulo ihiyan jenko d'a wụ eje-innenren we.”

³⁷ “Onye ọwule ihien nedị e mọbu nnę e ka a sụo karị kẹ ihien m dọn a sụo a efuruni onye sikọ d'e sonni m; onye ihien nwa-a-okennye mọbu nwa-a-okpoho ka a sụo karị kẹ ihien m dọn a sụo a efuruni onye sikọ d'e sonni m. ³⁸ Onye ọwule hụn buruleni obe[‡] e sonmę m e furuni onye jenko d'e son ni m. ³⁹ Onye ọwule chọ n'o ghe isi e, isi e a tọ, kanị onye hụn tuhu ndun a maké ufiri m jenko d'a hụn a.”

*Ugwọ-ørün Ndị-ozi Jesu Lé Ndị Nabanhannı We
(Mak 9.41)*

⁴⁰ “Onye ọwule nabanhann unu, nabanhann m; onye hụn nabanhann ni m nabanhann onye ziheni m. ⁴¹ Onye ọwule hụn nabanhann onye-amuma makeni o wụ onye-amuma jenko d'e nwonhen ugwo-ørün onye-amuma; onye ọwule hụn nabanhann onye hụn e bi kẹ Osolobue chọ makeni o bi kẹ Osolobue chọ jenko d'e nwonhen ugwo-ørün onye e bi kẹ Osolobue chọ. ⁴² Onye ọwule ye onye ohu imé ndini me ekere mkpu mirin-oyi ohude makeni o wụ nwa-azụun m, m rị a gwa unu ezioku, ugwo-ørün onye hụn etuhuko.”

Isi Nke Mmanai

*Ndị-ozi Jonu Hụn E Mirin-Chuku Zihé
(Luk 7.18-35)*

¹ Ogen Jizosị gi gwaguu ümu-azụun a mmebuọ hụ ihien ndị we jenko d'e me, o no gha ebēhụ pụ d'a kuzime, e zi ozi imé obodo we ndị shia-efo. ² Ogen Jonu hụn e me mirin-Chuku gi no ulo-ngan nụ ihien ndị hụ Kraistị rị e me, o no zi ümu-azụun a d'e kunrun e, ³ si a, “Iyụ wụ onye hụ sikọ d'a bijani ra enyi sikọ d'e lemę enya onye ozọ?”

⁴ Jizosị no za we, si, “Jen ni d'a gwa Jonu ihien onu rị a nụ le ihien unu rị a hụn: ⁵ ndị enya te kpu ishi a hụnmaguo uzo; ndị nguro e jenmeguo ijen; ndị oti hụ a dịnhhin, a wuru ndị rị ọchan; ndị odin a numaguo ihien, we hụ e welí ndị nwunni, we hụ e zi ndị igbennye ozioma. ⁶ Ngoozi ya rị ni onye gileni ihien o hụn m ehu nwemę obi-ebuọ!”

⁷ Ogen ümu-azụun Jonu gi pükö, Jizosị no gwama igunrun hụ oku Jonu, si, “Kịnjị kẹ onu jen imé atụ d'e lee? Efifia ufere rị e buhunme? ⁸ Kịnjị kẹ unu jenzi nwan d'e lee? Onye yi ekwa nianrannị? Kaka, ogwa ndị-nze kẹ we no a hụn ndị yi ekwa ọma nianrannị. ⁹ Kịnjị kẹ

[‡] *Isi Nke Iri:38* Ogen ahun, ndị Rom e gi obe we gi osisi meme e gbu onye we ma ikpe-onwụn. Onye hụ e buru obe e sonmę ndị-agha hụn jenko d'a kpogbun'e. We kpogmaguu a elu-obe, a nodị we ebēhụ e che nche d'e ru ni o nwunhụn.

unu jenzi nwan d'e lee? Onye-amuma? M si onu eghere, o karide onye-amuma. ¹⁰ Hunni wu onye hu we de banyen'e, si,

'Lee e,
m ri e zi onye ozi m
n'o buru n'i uzo,
kwadem e n'i uzo.'

¹¹ Ezioku ke m ri a gwa unu, imed ndi ikpoho mu, o ke nwon onye owule hun ka Jonu hun e me mirin-Chuku. Kanji onye hun kachanrin ntin imed Ali-eze elu-igwee ka a. ¹² Gha ogem Jonu hun e me mirin-Chuku gi bidon orun a d'e ru ogenni, Ali-eze elu-igwee hu e gi ikem-ikem a gha ihun, ndi-ikem huzi e gi ikem a banye e. ¹³ Makeni ndi-amuma ile le Iwu Mozizi busonme amuma, kusonme uche Osolobue d'e ru ogem Jonu gi bia. ¹⁴ Omeli unu jenki d'e kweri, Jonu le enwen e wu Elaija hu we de n'o lala-alala. ¹⁵ Onye hun nwon ntin 'ya nu."

¹⁶ "Kini ke m sikor d'e gi nwan ma atu agboni? O no ke umueka nodi ali imed afia, a hi ibe we, a si,

¹⁷ 'Enyi gi ekpiri bu ebui a suoni,
onu e tenni egui;
enyi e ye olu ekwan,
unu akwanni ekwan.'

¹⁸ Makeni, ogem Jonu gi bia, o rini, o ranji—we si, 'Eje-mmori ri imed e.' ¹⁹ Mme wu Nwa nke Ihian a bia, m hu e ri, a ra—we si, 'Lee onye okem ihien-oriri, onye-manya, owu ndi a na ugwo isi le ndi ozu we gi njem marin k'o wu.' Kanji, ihien we gi a marin amamihien wu ihien o runpuha."

Jesu A Banmani Obodo Ndji Hun Kwerileni Ozi We Zi We Mban (Luk 10.13-15)

²⁰ 'Ya o no banmani obodo ndi hu o ka orun-atumanya a run imed we mban, makeni e rogharinji we. ²¹ "O sikor d'a fu unu ndi Korazin' orun! O sikor d'a fu unu ndi Besaida orun! Makeni omeli imed ali Taya-le-Sidonu ke we no run okem orun-atumanya ndi we run imed Korazin le Besaida, nkem o tekem ndi Taya-le-Sidonu roghari, yiri ekwa ahio, kpon ntun kpu enwen we gi ghosi ni e roghariguo we." ²² "M ri nwan a gwa onu, nke Taya-le-Sidonu k'a ka nke unu mma Uhuohin Okinkin-ikpe. ²³ Ke iyi wu obodo Kapanom, we sikor d'e busi i elu-igwee? Mba, we jenki d'e wetu i si ali-mmori. Makeni, omeli imed eje-ali ahun wu Sodom ke we no run okem orun-atumanya ndi we run imed i, nkem o me ni o hu a d'e ru tanni. ²⁴ M ri nwan a gwa i, nke Sodom k'a ka nke i mma Uhuohin Okinkin-ikpe!"

Bia Ni D'e Kunrun M Ni Onu Zu Iken (Luk 10.21-22)

²⁵ Ogem hu, Jizosji no si, "M ri e kele i Baba, Onye nwon elu-igwee le uwa, makeni i zuememi ndi marin ihien le ndi nwem uche ihien ndinji, we e ghosi umu-ndu. ²⁶ Egheee Baba, enina k'o don suo i." ²⁷ "Nedi m e bugwo ihien ile che m eka. O nwonnini onye owule marin Nwa wezuka Chuku-Nedi; o nwonnini onye owule marin Chuku-Nedi wezuka Nwa, lezi onye owule Nwa cho n'o me e n'o marin Chuku-Nedi.

²⁸ Bia ni d'e kunrun m, unu ndi ndun gusu, ndi bu ibu nyinni, m jenki d'e ye unu izu-ikem. ²⁹ Yiri ni agbun m—yoku m*, unu a munarin m; makeni m wu onye ri juu, hun e welua enwen e ali imed obi. Onu me e, umem-ndun unu e zu ikem. ³⁰ Agbun yoku m† a ra kenren, ibu m'e buye ihian ara nyin."

Isi Nke Mmehuo

Ajuju Banyeni Uhuohin Izu-ikem (Mak 2.23-28; Luk 6.1-5)

* Isi Nke Mmanaij:29 Griki: Yiri ni yoku m. Yoku wu ihien we gi e kengbama edin ebue we gi a run orun-ugbo keni we saeka jen ahanmahan. † Isi Nke Mmanaij:30 Griki: yoku m

¹ Ogen hụ, o ru Ụhụohịn Izu-ikẹn ohu, Jizosị ghafekọ ugbo wę kụn oka-witi; egun hụ a gun ụmu-azuṇ a, 'ya wę nō ghorima ọka-witi a ta. ² Ogen ndị Itu-Farisi gi hun ihienni, wę nō sị a, "Y'a hụn a, ụmu-azuṇ i e méméole ihien iwu sị w'e mélé Ụhụohịn Izu-ikẹn."

³ O nō sị wę, "Unụ e ke gụntu ihien Defidi mè ogen egun gi rị a gun 'ya lẹ ndị 'ya lẹ wę wị? ⁴ K'o dọn banye ụlo Osolobue, ri brędi-nsø ahụn w'e bupuhani Osolobue, hụn iwu sị n'o furuni nị iya mọbụ ndị ya lẹ wę wị ri e, nị ndị nchụ-ejan suọ* e ri e?" ⁵ "Ra ọnụ e ke gụntu imē Iwu k'o dọn wuru nị, o ru Ụhụohịn Izu-ikẹn, ndị nchụ-ejan rị a rụn ɔrun imē Ụlo-nsø a dan iwu Izu-ikẹn† bụ ikpe amani wę?

⁶ M rị nwani a gwa ụnu nị ihien ka Ụlo-nsø rị ebenil! ⁷ Omęni ụnu te marin alị okuni: 'M chọ omiken eélé ichụ-ejan‡, ọnụ e ke gha a ma onyę nwonleni ihien o mè ikpe. ⁸ Makeni, mmę wụ Nwa nke ịhian kẹ oku Ụhụohịn Izu-ikẹn rị eka.'

Okęnnỵe Eka Ohu Nwụnhụn

(Mak 3.1-6; Luk 6.6-11)

⁹ Jesu nō gha ebahun pụ, banye ụlo-ofufe wę. ¹⁰ O nwon okęnnỵe eka ohu nwụnhụn rị ebéhu. Ndị-Itu-Farisi ndị hụ choko ihien w'e gi ma Jesu ikpe, wę nō ju a utaa, sị, "Iwu kwerioghọ nị wę zuo ndị emu rị a kụ Ụhụohịn Izu-ikẹn?" ¹¹ O nō sị wę, "Omęni onyę ohu imē ọnụ nwon atunrụn ohu suọ, nị atunrụn hụ a danban imē olu Ụhụohịn Izu-ikẹn, o zukọ eka ye e, wepuha? ¹² Bü ịhian ka mkpa odata-oda karị atunrụn. 'Ya wụ, iwu e kwerioghọ nị w'e mè ihien rị mma Ụhụohịn Izu-ikẹn." ¹³ 'Ya o nō sị okęnnỵe hụ, "Tinpu eka i." O tinpu a, o nō rị mma kẹ hụn-ebø. ¹⁴ Kanị, ndị Itu-Farisi ahụn nō pụ d'e ri n'ę ngo kẹ wę sikọ d'a dọn gbu e.

Odibo Osolobue Horị

¹⁵ Ogen Jizosị gi marin ihien ndị Itu-Farisi ahụn romę, o nō gha ebahun pụ, ndị bu odata nō sonme e, o nō zuochanri nę ile. ¹⁶ O nō do wę eka ntịn w'a nię ịhian marin nị iya ro. ¹⁷ Onwan wụ igi męzu ihien Osolobue gi onyę-amumma wụ Azaya ku, sị,

¹⁸ "Ledę odibo m, hụn m horị; ezi odibo m ro; ihien e a suọka m.

M jenko d'e bu Mmón-nsø m kwasị a; o jenko d'a għosị ndị alị ndị ozọ ile rị ụwa ezigbo enien.

¹⁹ O doko ndondö mọbụ yi oro; o nwonni onyę sikọ d'a nụ olu e ogbara-ogbe.

²⁰ O kpagipukọ efifia-ridi rị a kpagini mọbụ tinyunpu ukpे rị e tinyunnị, d'e ru ni o ye ezi-omumé mméri.

²¹ Ndị alị ndị ozọ ile jenko d'e gidę ęfan a nwon olil'enyā."

Jizosị Lẹ Beżibö

²² 'Ya wę nō wehen'ę onyę eje-mmón rị imē e, hụn o meni a ra legha uzọ, a ra ku oku. O nō zuo a, onyę enya-mpin odin hụ nō kumę oku, hụnma uzọ. ²³ O nō tükennmé igunrun hụ enya, wę nō sị, "Onwan wude nwani Nwa Defidi ra?" ²⁴ Kanị ogen ndị Itu-Farisi gi nụ a, wę nō sị, "Ikèn Beżibö, onyę-isi eje-mmón ile, kẹ okęnnỵeni gihụ a chupụ eje-mmón."

²⁵ Jizosị a marinquo ihien wę rị e ro imē obi wę, o nō sị, "O nwonni alị-eze owitz kebeni hụn wę jenkoleni d'a la iwi; o nwonni obodo mọbụ ikpun-ụlo kebeni hụn sikọ d'a toni.

²⁶ Omęle Ekwensu rị a chupụ Ekwensu, o kebeguo enwén e. Nanị kẹ alị-eze e e dọn nwani tọ? ²⁷ Omęni ikèn Beżibö kẹ m gi a chupụ eje-mmón, ikèn onyę kẹ ndị nke ụnu gi a chupụ wę? 'Ya wụ, uwę jenko d'a ma ọnụ ikpe. ²⁸ Kanị, omęni ikèn Mmón-nsø Osolobue kẹ m gi a chupụ eje-mmón, 'ya wụ nị Ali-eze Osolobue e ruguołe ebe ụnu rị. ²⁹ Nanị kẹ ịhian e dọn saeka banhan iwe dikèn, kwarị ibu e, mmanị o bu uzọ kēnmeguo a? Egħeġ, o kēnmeguū a k'o nō saeka kwarị ihien rị iwe e.

³⁰ Onyę owitz hụn rileni azuṇ nke m rị a luson m ögún; onyę owitz hụn għaleni e son m e kponkikomé rị e kpóniyja. ³¹ M rị nwani a gwa ụnu nị wę jenko d'a għagħari ịhian njo owitz, għagħarị wę aru owitz wę ku, kanji agħagħarikò wę onyę ku aru banyeni

* Isi Nke Mmębụo:4 1 Samuēlu 21.1-6 † Isi Nke Mmębụo:5 ghahanji irun ɔrun Ụlo-nsø Ụhụohịn Izu-ikẹn ‡ Isi Nke Mmębụo:7 Hosaya 6.6 k'o rị

Mmón-nso. ³² Wé jenkó d'a gbagharí onyé owitzé kuja oku mmé wú Nwa nke Ihiān; kani, agbagharíkó wé onyé kuja oku Mmón-nso, agbagharíkó w'a kē ogenni kē ogénni lalaní."

Osisi Lé Mkpuru A

³³ "Mémé osisi n'o rí mma, m kpuru a jenkó d'a rí mma; mémé osisi n'o jø njø, m kpuru a sikó d'a jo njø—makéni m kpuru osisi kē we gi a marin a. ³⁴ Igunrun agwo! Nanj ke unu a don saéka ku ihién rí mma ebe onu wú ndi-njø? Ihién jun ihián imé obi y'a gha a onu a púha. ³⁵ Ezigbo ihián, a gha ihién rí mma rí a imé e wepúha ihién oma, kani eje-ihián a gha eje-ihién rí a imé e wepúha eje-ihién. ³⁶ M rí a gwa unu n'o ru Uhuohin Ichin-ikpe, ihián jenkó d'a za ajuju banyeni oku ile nwónleni isi hún wé ku. ³⁷ Makéni wé jenkó d'e gi ihién i ku ma i ikpe, gizikwó ihién i ku sì ní ikpe a manj i."

A Sí Wé Jesu Ghosi Wé Ahíma Pú-ichén

³⁸ 'Ya ndi hú imé ndi-nkuzi Iwu lè ndi Itu-Farisi nò sì Jesu, "Onyé-nkuzi, ényi chò n'i ghosi ényi ahíma pú-ichén hún gha éka Osolobue bia." ³⁹ Kanj o nò sì wé, "Eje-agbo énya ríleni úzo ohu sì wé ghosi wé ahíma! Kalé, o nwónni ahíma wé jenkó d'a ghosi wé wezuka ihién mè onyé-amúma wú Jona: ⁴⁰ ériá Jona don nödij imé éfó azun hú hi-ogbe akpú-uhuohin eto kē mmé wú Nwa nke Ihián sikó d'a nödij imé alí akpú-uhuohin eto.

⁴¹ Ndí Ninivé jenkó d'a púha ɔshéri Ogen Okinkin-ikpe, shiagbu ndi agboni éri, makéni e rogharioghó wé ogéen Jona gi zi wé ozi Osolobue—bú ihién ka Jona rí ebeni!

⁴² Eze-okpoho alí Shiba, alí hú rí azúun ndídan-mirin, jenkó d'a púha ɔshéri Ogen Okinkin-ikpe, shiagbu ndi agboni éri. Makéni, o gha alí tegbu enwén é bia d'e gon amamihien Solomónu ntín; ka lee nwan, ihién ka Solomónu rí ebeni!"

Ihién E Wekinhen Eje-mmón Wé Chupuguu

(Luk 11.24-26)

⁴³ "Eje-mmón gha imé ihián pú, o ghasonmè ebe mirin ríleni, a chò ebe o sikó d'a nò zu ikéen. Oméni o húnni, ⁴⁴ o jenkó d'a sì enwén é, 'M sikó d'e kin-azúun iwe m hún m gha púha.' O bia, hún a ní o nwónni ihién rí'n'a, ní a zachanringuó w'a, donzichanrín a, ⁴⁵ o jen d'e wéhé eje-mmón ésa ózo hún ka ya lè enwén é njø, 'ya lè wé a wí banye ebéhü d'e biri. Ónödij ikpazuún onyé hú a ka njø karí nke mbú. Ériá k'o jenkó d'a rízikwó ní ndi eje-agboni."

Nné Lé Umuné Jizosí

(Mak 3.31-35; Luk 8.19-21)

⁴⁶ Ogen Jizosí gi rí a gwa igunrun hú oku, nné e lè umuné-e-ikennyé nò bia d'e turu ihun ezi, a chò ní wé gwa a oku. [⁴⁷ Ya kē onyé ohu nò sì, "Lee, nné i lè umuné i ikennyé turu ihun ezi, wé chò ní wé gwa i oku."] ⁴⁸ Kanj, o nò za onyé hú gwa n'a, sì, "Onyé wú nné m? Elee ndi wú umuné-m-ikennyé?" ⁴⁹ O nò zin umú-azúun a éka, sì, "Ndínjí rí ebeni wú nné m lè umuné-m-ikennyé. ⁵⁰ Makéni onyé owitzé hún e mè uche Nédi m hún rí elu-igwee wú nwéne-m-ikennyé lè nwéne-m-ikennyé lè nné m."

Isi Nke Mmęto

Ilu Jesu Gi Onyé-ugbo Ta

(Mak 4.1-9; Luk 8.4-8)

¹ Uhuohin hú, Jizosí nò gha imé úlo pú, jen d'a nödij alí mkpénren mirin Galili.

² Igunrun hi-ogbe nò fihunmè é, hún wú ní o nò banye imé ugbo, nödij alí, igunrun hú ile nò turu mkpénren mirin. ³ O nò gi ilu gwa wé ihién bu odata, sì, "Gón ni ntín! O nwe onyé-ugbo jen d'a gha m kpuru imé ugbo.

⁴ Ogen o gi rí a gha a, m kpuru ndi hú imé wé a danye okp'uzo, nnunú nò bia d'e ripu wé. ⁵ M kpuru ndi ózo a danye alí-omúma ebe ejan ríleni odata, pu ozigbo makele ejan arí a odata. ⁶ Kanj, ogen anwun gi wa, o ma wé, wé nò shinwun, makéni enwón wé nkögún.

⁷ M kpuru ndi ózo a danye ebe ogun rí, ogun ndi hú nò sue, dungbu wé. ⁸ M kpuru ndi ózo

a danye alı rị mma, mị mkpuru; ndị hụ imẹ wẹ a mị uzọ օgun isen, ndị hụ uzọ օgun eto, ndị hụ iri kwasi օgun.

⁹ Onyę nwọn ntin 'ya nụ.'

Ihięn Hajn Jesu Gi A Tasonmę Ilu

(Mak 4.10-12; Luk 8.9-10)

¹⁰ Ya kę umu-azụn Jizosị nọ bịa d'e kunrun e, sị, "Kị hajn i gi e gi ilu a gwa wẹ oku?"

¹¹ O nọ za wẹ, sị, "E yeguo wẹ ụnu oghere օnu e gi marin ihięn-mini rişonmę Ali-eze elu-igwee, kanị eyeni wẹ wẹ. ¹² Makeni onyę hụn nwonnini kę wẹ jenkö d'e yecheni, keni o nwę mmagi-mmagi; kanị onyę hụn nwònleni, wẹ k'a napu a hụn o nwèdè." ¹³ "Ihięn hajn m gi e gi ilu a gwa wẹ oku wụ nị wẹ rị e lee ilee, kanị a rị w'a hụn uzọ; w'e gon ntin, kanị a rị w'a nụ, a rị w'a ghoha. ¹⁴ Ihięn onyę-amumma wụ Azaya ku e meguo ebe wẹ rị—Azaya sị,

'Nke esi,
օnu jenkö d'a nụ,
kalę o nwonnini ogən ụnu e gi ghoha;
ụnu jenkö d'e lee ilee,
kanị o nwonnini ogən ụnu e gi legha uzọ, ¹⁵ makeni ndinị a ra ghoha,
ntin wẹ a kpokinguo,
a nyunmaguo wẹ enya,
amamgbe w'e gi enya wẹ legha uzọ, gi ntin wẹ nụ ihięn,
gi uche wẹ ghoha,
gbehuto d'e kunrun m,
a gbagharị m wẹ njọ wẹ—ya kę Osolobue ku.' "

¹⁶ "Kanị, wẹ gozi enya օnu agozi, 'ya hain wẹ gi rị a hụn uzọ; wẹ gozizikwo ntin ụnu agozi, 'ya hajn wẹ gi rị a nụ ihięn. ¹⁷ Ezioku kę m rị a gwa ụnu, ndị-amumma bu օda lẹ ndị bu օda hụn mē ihięn Chuku chọ e te choguo nị wẹ hụn ihięn օnu rị a hụn, kanị a hụnni w'a; a choguozi wẹ nị wẹ nụ ihięn ụnu rị a nụ, kanị anunị w'a."

Ihięn Jesu Gi Ilu Onyę-ugbo Hụ Kuzi

(Mak 4.13-20; Luk 8.11-15)

¹⁸ "Nụ nị nwan nkowa ilu hụ m gi onyę-ugbo ta: ¹⁹ Ogən ihięn gi nụ oku Ali-eze bụ օ ghohan'a, Eje-onyę hụ a bịa, օ junarịn a ihięn wẹ kụnye imẹ obi e. Onwan wụ hụn wẹ kụnye օkp'uzo. ²⁰ Hụn danye alı-omumma wụ onyę hụ hụn nụ oku hụ, gi ighoghọ nabanhān a ozigbo. ²¹ Kanị, makeni onyę hụ e nwę nkporu, օ tohụ ekere. Ogən nsongbu mọbụ ukpokpo e gi bịa makę oku hụ, օ danpu ozigbo. ²² Hụn wẹ kụnye imẹ օgun wụ onyę hụ hụn nụ oku hụ, kanị uhue ihięn uwani lẹ ihięn olil'enya akụ-le-uba uwani a kpangbu oku hụ, օ mịnị mkpuru. ²³ Kanị, mkpuru wẹ kụnye alı rị mma wụ ndị hụ hụn nụ oku hụ, ghoha a, mị mkpuru ezie-ezie: ndị hụ imẹ wẹ a mị uzọ օgun-isen, ndị hụ a mị uzọ օgun-eto, ndị hụ a mị uzọ iri-kwasi-օgun."

Ilu Jesu Gi Ata-witi Ta

²⁴ O nọ ta nị wẹ ilu օzo, sị,

"Ali-eze elu-igwee rikę ebe ihięn nọ kụn mkpuru rị mma imẹ ugbo e. ²⁵ Kanị, ebe ihięn rị ụran, enenrẹn nọ bịa d'a kụn ata-witi ye imẹ օka-witi ndị hụ pụ. ²⁶ Ogən ihięn-ugbo ndinị gi nwan suegụ, mịma mkpuru, ata-witi ndị hụ nozıkwo pụha.

²⁷ 'Ya ndị idibo ahụn nọ bịa d'e kunrun onyę hụ nwę ugbo, sị a, 'Di-օkpa, eļe mkpuru rị mma k'lị kụnye imẹ ugbo i? Nanị kę ata-witi dọn banzị a?'

²⁸ O nọ sị wẹ, 'Onyę-iwe mē ihięnni.'

Ndị idibo ndị hụ no sị a, 'Nị enyi jen nwan d'e huepụ ata-witi ndị hụ?'

²⁹ Kanị օ nọ sị, 'Mba, amamgbe օnu e huepụ 'ya lę օka-witi. ³⁰ Hapụ nị wẹ ះbu nị wẹ suegbamę d'e ru ogən wẹ gi e be օka-witi. O ru ogən wẹ gi e be օka-witi, a sị m ndị jenkö d'e be n'ę, "Bu ni uzọ huepụ ata-witi kęnmęsonmę wẹ ukun-ukun d'a dùn օkụn, ụnu e bepụha օka-witi buče ebe m'e buče ihięn-ugbo." '

*Ilu Jesu Gi Mkpurụ Mostadi Ta
(Mak 4.30-32; Luk 13.18-19)*

³¹ O nọ ta nị wę ilu ozọ, sị, “Ali-eze elu-igwee nọ kẹ akpurụ mostadi ohu hụn onyę ohu weri, kụnye imę ugbo e. ³² Iya kachanrin ntịn imę m kpurụ ile, kanị o suegụ, 'ya kachanrin ogbe e hi imę ihien-akunkun ndị hụn hikeleni, o hande kẹ osisi, nke wụ nị nnunu a bịa d'a kpa ekụ e ye agalaba a.”

*Ilu Jesu Gi Yisti Ta
(Luk 13.20-21)*

³³ O nọ ta nị wę ilu ozọ, sị, “Ali-eze elu-igwee rikę yisti bredi gi a fụ hụn okpoho ohu gi gwogbama flawa wę gi e shi bredi hụn k'e jun ihien nöké adana eto d'e ru n'o ghagbari flawa hụ ile.”

*Ihien Hajin Jizosị Gi E Gi Ilu A kuzi
(Mak 4.33-34)*

³⁴ Jizosị gi ilu gwa igunrun hụ ihien ndịnị ile. O nwonni ihien o gileni ilu gwa wę.
³⁵ Onwan wụ igi męzu ihien onyę-amumma ku, sị,

“M jenkọ d'a shiapụ onu m
e gi ilu e ku,
m jenkọ d'a gha e
ku ihien zuerini
kete w'a tunlę iyeto ụwa.”

Jizosị A Kowa Ilu Ata-witi Hụ

³⁶ 'Ya o nọ na igunrun hụ tọ si imę ulo. Umụ-azụn a nọ bịa d'e kunrun e, sị a, “Kowa nị enyi ilu ata-witi hụ wę kụnye imę ugbo.” ³⁷ O nọ za, sị, “Onyę hụ kụn m kpurụ rị mma wụ Nwa nke Ihian. ³⁸ Ugbo hụ wụ ụwa; m kpurụ hụ hụn rị mma wụ ụmụ Ali-eze; ata-witi hụ wụ ụmụ Eje-onyę hụ. ³⁹ Eñenren ahụn kụn ata-witi ndị hụ wụ Ekwensu; ogēn hụ wę jenkọ d'e gi ghę ihien-ugbo hụ wụ ogugụ ogenni; ndị ahụn jenkọ d'a ghon'a wụ ndị mmọn-ozi.

⁴⁰ Kę wę don huepu ata-witi ndị hụ, wegbama wę dun ọkụn, erira k'o jenkọ d'a rị ogugụ-ogēn. ⁴¹ Nwa nke Ihian jenkọ d'e zi ndị mmọn-ozi e. Wę jenkọ d'e kpọnpu ihien ọwule e buhę njo lę ndị ile e mę eje-ihien imę Ali-eze e, ⁴² tu wę ye oken ọkụn hụ. Ebęhụ, ihian jenkọ d'a rị a kwan ękwan, a ta nkwenren-eze. ⁴³ Ogēn hụ, ndị ezi-omumē k'e timę kę enya-anwụn imę Ali-eze Nędi wę. Onyę hụn nwon ntịn 'ya nụ.”

Ilu Ndị Jesu Gi Ihien Rị Oken-mkpa Zuerini Ta

⁴⁴ “Ali-eze elu-igwee rị kę ihien rị oken-mkpa zueri imę ugbo, hụn onyę ohu hụn, zuemęzi e, gi ighoghę jen d'e rechanrin ihien ile o nwon, bịa d'e nönrin alị hụ.”

⁴⁵ “Ozozị, Ali-eze elu-igwee nọ kę ebe onyę-afia rị a chosonmę ihien rị mkpa a kọn. ⁴⁶ Ogen o gi hụn hụn a kókènmeni rigbu enwén e mkpa, o nọ jen, rechanrin ihien ile o nwę, bịa d'e nönrin e.”

Ilu Jesu Gi Oga Ta

⁴⁷ “Ozozị, Ali-eze elu-igwee rikę oga wę tuye imę ohimin, o nọ nwundon ụdị azụn ile rị ichen-ichen. ⁴⁸ Ogen o gi jun, wę nọ dokpupnpuha a m kpénren mirin; ya wę nọ nodị alị, hopyuha ndị rị mma, buche imę ükpalị, kpòn ndị rileni mma tuhu. ⁴⁹ Erira k'o jenkọ d'a rị o ru ogugụ-ogēn. Ndi mmọn-ozi jenkọ d'a püha, hopyu ndị-njo ebe ndị-oma rị, ⁵⁰ kpòn wę ye oken ọkụn hụ. Ebęhụ, ihian jenkọ d'a rị a kwan ękwan, a ta nkwenren-eze.”

Ezioku Nke Ohun Lę Nke Akan

⁵¹ Jizosị nọ jụ, sị, “Onu a ghotagụ ihien ndịnị ile?” Wę nọ si a, “Eghęe.” ⁵² O nọ si wę, “Ya wụ nị onyę nkuzi Iwu ọwule wę zụn makę Ali-eze elu-igwee nöké onyę nwon ulo, hụn gha ebe o dònme ihien e wefuhā kę ihien ohun kę ihien akan.”

*Ajụ Wę Jizosị Imę Nazareti
(Mak 6.1-6; Luk 4.16-30)*

⁵³ Ogęn Jizosı gi tagüyü ilu ndini wę, o no gha ebahun pü, ⁵⁴ si obodo e. O no kuzime wę imę ulongufa wę, hün wü ni nkuzi e no tū wę enya, wę no si, "Elebe kę okennyen i no nwęhen amamihen le ɔrun-atüménya ndini o rị a run? ⁵⁵ Ele nwa Kapinta wü ɔnwan? Efən nnę e ele Meri? Ele Jemisi le Josef le Saimonu le Judasi wü umunę-e-ikennyę? ⁵⁶ Ele enyi le umunę-e-ikpohi rị ebeni? Elebe kę okennyen gha nwęhen ihien ndini ile?" ⁵⁷ 'Ya wę no wemę n'ę iwe. Jizosı no si wę, "W'a gbaye onye-amumma agbaye ebe ile mmanı imę alı a le ezi-le-ulong a." ⁵⁸ O runni ɔrun-atüménya bu ɔda ebəhü makeni ekwerini ni w'ę.

Isi Nke Mmęno

Onwụn Jönü Hun E Mę Mirin-Chuku

(Mak 6.14-21; Luk 9.7-9)

¹ Ogęn hụ, Hérodü hün rị a kị Galili no nü ihien Jizosı rị e me, ² o no si ndi idibo e, "Onyenı wü Jönü hün e me mirin-Chuku. O ghaguo onwụn lihi, 'ya haịn o gi nwọn iken o gi e me ihien ndini."

³ Hérodü ku erira makeni Hérodü nwụnrun Jönü, kен e egbun, bu e che imę ulong-nagan makę ufiri Hérodiası nwunyę nwene e wü Filipu, ⁴ makelę o teguo Jönü gwama a, si, "Iwu ekwerikwoni n'i sikö d'a lụ a." ⁵ O te chọ n'o gbu Jönü, kale egun ihien ndi alı k'e me anjin'a makeni wę weri Jönü rikę onye-amumma.

⁶ Kanı, o ru ulonghın hụ wę gi a nyanhan ɔmumụ Hérodü, nwa-okpohi Hérodiası mü no tenni wę egü, efo no suq Herodü usuo, ⁷ hün wü ni Hérodü no kwe e nkwa, kun iyi, n'o sikö d'e y'e ihien ɔwulę o chọ.

⁸ Nnę e no dunye e, o no si Hérodü, "Gi afereni ye m isi Jönü hün e me mirin-Chuku."

⁹ O no fü eze, kanı o no gi ifiri iyi o kun lę ndi obia a si wę ye nwata-okpohi hụ 'ya. ¹⁰ O no zi wę, wę no jen d'e bepu Jönü isi imę ulong-nagan. ¹¹ Wę no gi efere buhę e, we e ye nwata-okpohi hụ, o no w'e jenni nnę e.

¹² Umụ-azụn Jönü no bia, buru eħu a li, jen d'a gwa Jizosı.

Jizosı E Ye Igunrun Hi-ogbe Ihien-oriri

(Mak 6.30-34; Luk 9.10-17; Jon 6.1-14)

¹³ Ogęn Jizosı gi nü ɔnwan, ya suq no gi ugbo-mirin gha ebəhü pü, si ebe ihiän rileni. Kanı ogęn ndi rị ebahun gi nü n'o puguo, wę no gi ulkü gha imę obodo ndi hụ sonmę e.

¹⁴ Ogęn o gi ru mkpennren mirin, o no hün igunrun hi-ogbe. O no me omiken wę, zuq ndi emu rị a kụ.

¹⁵ O ru ogęn enyası, umụ-azụn a no bia d'e kunrun e, si, "O nwonni onye bi ebeni, bu eki e giguo. Si igunrunni la, ni wę jen imę obodo ndi me ekere-ekere rişonmę ebeni d'e nonrinsommę ihien-oriri."

¹⁶ Jizosı no si, "Ele hün w'e gi lama; ye ni wę ihien-oriri." ¹⁷ Wę no si a, "Ogbe brędi isen le azun eħuo suq kę enyi nwon ebeni." ¹⁸ O no si wę, "Wehę ni ni m we."

¹⁹ 'Ya o no si igunrun hụ nodi alı enu irurue rị ebahun. O no weri ogbe brędi isen hụ le azun eħuo hụ, lee enya elu-igwee, ye ekele, bebe brędi ndi hụ ye umụ-azụn, wę no ye igunrun hụ. ²⁰ Wę ile no rijunchanrin efo. 'Ya wę no tutukomę ifunfun e hoduni, o jun ukpalı mmębụo.

²¹ Ndi hün ri brędini wü ihien nokę ikennyę ɔgün-iri kwasi nnü-mmębụo*, wezuka ikpohi le umęeka.

Jizosı Lę Pita E Jẹn Ijẹn Elu Mirin

(Mak 6.45-52; Jon 6.15-21)

²² 'Ya Jizosı no si umụ-azụn a banye imę ugbo-mirin buru n'ę üzə jenmę azụn hün-egbo. 'Ya le enwén e no nodi gbashia igunrun hụ. ²³ O gbashiagụ wę, 'ya suq no nyinrin ugu d'e me ekpere. O ru ogęn enyası, 'ya suq hụ ebəhü. ²⁴ Kanı, ugbo-mirin hụ e jenteguo ogęn hụ, ebiri-mirin hụ e ti ugbo hụ, e tikin e azụn—makeni ufere rị a gha ihun e fehe.

* Isi Nke Mmęno:21 ikennyę nnü-uku isen

²⁵ O ru üzə-ütüntün biribiri, Jesu nō jenhen ijen elu mirin Galili hū d'e kunrun wę. ²⁶ Ogēn ümü-azüün a gi hūn a k'o jenla ijen elu mirin hū, 'ya egun nō tūma wę. Wę nō sī, "Onye-mmōn rō!" Wę nō gi egun yi oro. ²⁷ Kani, o nō kuyeni wę oku ozigbo, sī, "Kwōndōn ni obi ụnụ, mmē rō, atulē ni egun."

²⁸ Pita nō sī a, "Di-nwōnni-enyi, ọwule iyu rō, sī m bia d'e kunrun i elu mirin." ²⁹ Jesu nō sī a, "Bia." 'Ya Pita nō gha imē ugbo-mirin hū pūha, jenmē ijen elu mirin, burukō Jizosī.

³⁰ Ogēn o gi hūn okēn ufere hū, egun nō bia a, o nō rubanma imē mirin. Ya o nō yi oro, sī, "Di-nwōnni-enyi, zuopūha ml!" ³¹ Jizosī nō tīnpū eka ozigbo kwōndōn e, sī, "Onye okukwe-nta! Kị haín i gi nwōn obi-ebuō?" ³² Ogēn wę gi banye imē ugbo-mirin hū, okēn ufere hū nō kūsī. ³³ Ndī hūn rī imē ugbo-mirin hū nō gbu n'ē osekpu, sī, "Ezioku-ezioku, iyu wū Nwa Osolobue."

Jizosī A Zuò Ndī Emu Imē Obodo Gēnesarēti (Mak 6.53-56)

³⁴ Ogēn wę gi fetuguū mirin, wę nō pūha obodo Gēnesarēti. ³⁵ Ogēn ndī obodo hū gi marin nī Jesu rō, wę nō zi ozi ghagbari ἐγβερε hū ile, wēheşonmen'ē kē wę han emu rī a kū. ³⁶ Wę nō rīo a nī wę metudē ntīn ewuru e eka; kē wę han metun'a nō dīnhīn.

Isi Nke Mmisēn

Odīnalī Ndī-akan (Mak 7.1-13)

¹ 'Ya ndī Itu-Farisi lē ndī-nkuzi Iwu nō gha Jerusalēm bia d'e kunrun Jizosī, sī a, ² "Kị hain ümü-azüün i gileni a gbaye odīnalī ndī nedī enyi kanī? W'a ra kwō eka wę kebe ri ihiēn-oriri." ³ O nō za wę, sī, "Kị haín ọnū gi a dan iwu Osolobue kēni ụnụ kwadōn odīnalī ọnū?" ⁴ Makēni Osolobue ye iwu, sī, 'Gbaye nedī i lē nnē i,' sīzī, 'Onye ọwule kuja oku nedī e mōbū nnē e, wę k'e gburirī onye ahūn.' ⁵ Kanī ụnụ sī, 'Onye sī nedī e mōbū nnē e, "E wegugō m ihiēn nkē m'e ye i ye Osolobue oyiye," o rīzīnī mkpa n'o gi ihiēn o nwē gbaye nedī e mōbū nnē e.' ⁶ 'Ya wū, ọnū e gi ifiri odīnalī ụnụ e mē oku Osolobue a wūrū ihiēn la iwi. ⁷ Ndī ihunnai kē ụnụ wū! Amūma Azaya bu banyeni ụnụ wū ezioku! Azaya sī nī Osolobue sī,

⁸ 'Onuny-ire sụo kē ndīnī gi
a gbaye m,

obi wę e teké ebe m rī.

⁹ Wę rī e fe m mmaka,

ihiēn w'a kuzi

wū odīnalī ihiēn mmaka tumē.'

Ihiēn Ndī Hūn E Mērū Ihiēn (Mak 7.14-23)

¹⁰ Jesu nō kpozunhan igunrun hū ebe o rī, sī wę, "Gon ni ntīn; għota nī! ¹¹ Ele ihiēn banye ihiēn ọnū e mērū a, kanī ihiēn gha ọnū pūha, 'ya e mērū ihiēn.' ¹² 'Ya ümü-azüün a nō bia d'e kunrun e, sī a, "Y'a maringħo nī iwe we ndī Itu-Farisi ogēn wę gi nū ihiēnni i ku?"

¹³ O nō za, sī, "Wę jenkō d'e huepū ihiēn ọwule Nēdi m rī elu-igwee kūnlēni. ¹⁴ Hatu ni wę, wę wū ndī-ndu hūn ẹnya kpu ishi—owunī onye ẹnya-ishi e du onye ẹnya-ishi, wę ẹbuō jenkō d'a danye imē olu." ¹⁵ Ya Pita nō sī a, "Kōwa nī ẹnyi ilu nej."

¹⁶ 'Ya o nō sī, "Onū nwēn e ke għotakwō nwan? ¹⁷ Ụnū a hūn n'a nī ihiēn ọwule banye ọnū e si ẹfō, għa ēriħa shi mgħibgu-nsin? ¹⁸ Kanī ihiēn għa ọnū fūha għa obi ihiēn pūha —iya wū ihiēn e mērū ihiēn. ¹⁹ Makēni imē obi kē ihiēn ndīnī għa a pūha: eje-iroro, igħbu-ochu, īna-nwunye-ihiēn l-izo-ukku-eye-ofia, mgħba-nzuzue, izun-ohin, iħiġa ēri-ntu l-ekwut. ²⁰ Ihiēn ndīnī wę nwē e mērū ihiēn. Kanī, iġi eka wę kwolēni ri ihiēn-oriri ara mērū ihiēn."

*Okukwe Okpoho Ohu Nwa A Nwọn Nsóngbu
(Mak 7.24-30)*

²¹ Jizosí nō gha ebéhü pü, si egberé Taya-le-Sidonu. ²² Ogén hú húra, okpoho onyé ali hú wú Kena hún gha egberé ahún bía nō púha, yímé oro, a sí, “Euu Di-nwonni-enyi, Nwa Defidi, mē omiken m, eje-mmón rí imé nwa-m-okpoho, o rí e sòngbu e odata-oda.” ²³ Kaní Jesu azan'a kaka. Umú-azúun nō bía, rí a, sí, “Gwa a lama, makéni o rí e yisón enyi oro.”

²⁴ Jesu nō sí, “Wé zi m d'e kunrun atúnrun Izrelú huni suó.”

²⁵ 'Ya kę okpoho hú nō bía, sekpu alí ihun e, sí, “Di-nwónni-enyi, ye ni m éka.”

²⁶ Jesu nō sí, “O ríñ mma ní wé tū brédi umúeka ye ni nkíté.”

²⁷ Okpoho hú nō sí a, “Egheé Di-nwónni-enyi, kaní, kę nkíté e ri ifunfun gha ebe ndí nwónni wé rí e ri ihién-oriri a dan.”

²⁸ 'Ya Jizosí nō sí, “Euu okpoho, okukwe i e hiké ogbe! 'Ya rí ní i k'i dòn chò.” Nwa a hú nō dínhin ozigbo.

Jizosí A Zuó Ndí Bu odata

²⁹ Jizosí nō gha ebahún pü, si mkpenren “Ohimin” Galili. O nō nyinrin enu oke, nödí alí ebahún. ³⁰ Wé hú e huhé d'e kunrun e, e wéhé n'ë ndí nguro, ndí oró, ndí enya-ishi, ndí odin le imérinmè ndí ozo—e bu wé a tó úkú a. O nō zuó wé, ³¹ nke wú ní o tū igunrun hú enya kę wé dòn rí a hún ebe ndí odin rí e ku oku, ndí oró e zuzi oke, ndí nguro e jenmè ijen, ndí enya-ishi a húnma uzó, wé nō ja Osolobue Izrelú mma.

*Jizosí E Yezi Igunrun Ozó Hi-ogbe Ihién-oriri
(Mak 8.1-10)*

³² 'Ya Jizosí nō kpózunhan umú-azúun a ebe o rí, sí, “Omiken igunrunni rí e mē m, makéni mmé le wé a nöpuguo apk'ohin eto, kale ihién wé sikó d'e ri a rí a, bu a choní m ní wé bu egún la, amamgbe w'a dantosonmè uzó.”

³³ Umú-azúun a nō jú a, sí, “Elebe kę enyi jenkó d'a nō wéhé brédi k'e zu igunrunni ri imé atú ebeni?” ³⁴ Jizosí nō sí wé, “Ogbe ole kę unu gi?” Wé nō sí a, “Ogbe esa le azúun mē kırıkırı bulení odata.”

³⁵ O nō sí igunrun hú nödí akpakalí. ³⁶ O nō weri ogbe esa hú le azúun ndí hú; o yeguu ekele, o nō bebe wé ye umú-azúun a. Umú-azúun a nō we wé ye igunrun hú.

³⁷ Wé ile nō rijunchanrin efó: wé nō tutukomé ifunfun e hodunu, o jun úkpalí esa.

³⁸ Ndí hún ri ihién-oririni wú ikennye nnú-iri, wezükadé ikpoho le umúeka.

³⁹ Jesu a gbashiągú igunrun hú, o nō banye ugbo-mirin si egberé Magadaní hún wú Mag'dala.

Isi Nke Mmisin

*A Sí Wé Jizosí Ghosi Wé Ahíma
(Mak 8.11-13; Luk 12.54-56)*

¹ Ndí Itu-Farisi le ndí Itu-Sadusi nō bía d'e kunrun Jesu, lele e, sí a ghosi wé ahíma gha elu-igwee bía.

² O nō za wé, sí, “O ru ogén enyasí, onu sí, ‘Uhuhin sikó d'a rí mma, makéni igwere fón efón.’ ³ Utuntun, unu sí, ‘Mirin jenkó d'e zue taní makéni igwere efónni.’ Onu marin kę wé dòn e gi igwere a kowa ihién jenkó d'e méri, kale unu ara s'eka a kowa ihién ihién rí e mē ogenni rí a ghosi.

⁴ Eje-agbo enya ríleni uzó ohu rí a chò ahíma. Kaní, o nwónni ahíma wé jenkó d'a ghosi wé, wezükadé ahíma ihién mē onye-amúma wú Jona.” O nō na wé tó, gha ebéhü pü.

*Yisti Ndí Itu-Farisi Lé Ndí Itu-Sadusi
(Mak 8.14-21)*

⁵ Ogén umú-azúun a gi fetugú mirin Galili, wé nō hún a ní a zołé wé brédi. ⁶ Jizosí nō sí wé, “Kpachanpú ní enya ebe yisti ndí Itu-Farisi le ndí Itu-Sadusi rí.”

⁷ Wé nō sí ibe wé, “O rí e ku ihiénni makéle enyi e wéheni brédi.”

⁸ Ogen Jizosi gi marin ihien we rị e ku, o no si we, "Ki onu rị e kuni ni unu e nwọn brędi? Euu, unu ndị okukwe nta! ⁹ Onu e k'e ghötakwọ nwan? Unu anyanhannị ogbe brędi isen hụ mmadụ ögün-iri kwasi nnu-mmębu rị le ükpalị ole onu kpönjun ihien we rihodụ? ¹⁰ Unu anyanhannị ogbe brędi esa mmadụ nnu-iri ri le ükpalị ole unu kpönjun ihien we rihodụ? ¹¹ Ki hajin onu gileni ghoha ni ele brędi mmaka kę m rị e ku? Kpachanpu ni enya ebe yisti ndị Itu-Farisi le ndị Itu-Sadusi rị!" ¹² 'Ya we no ghoha ni ele yisti brędi mmaka gi a fü k'ọ si we kpachanpu ni enya, kanị o gi e ku nkuzi ndị Itu-Farisi le ndị Itu-Sadusi.

*Pita E Ku Onye Jizosi Wu
(Mak 8.27-30; Luk 9.18-21)*

¹³ Ogen Jizosi gi banye egberẹ Sizeria-Filipi, o no ju umu-azụn a si, "Onye kę we si ni 'ya kę mmę wu Nwa nke Ihiyan wu?"

¹⁴ We no za, si, "O nwę ndị si Jony hụn e mę mirin-Chuku, ndị ozə si Elaija, ndị ozə si Jérimaya móbụ onye ohu imę ndị-amụma mbụ."

¹⁵ Kanị o no si we, "Onye kę unu si ni 'ya kę m wu?"

¹⁶ Saimonu wu Pita no za, si, "'Yu wu Onye Hụ Osolobue Tumé, hụn wu Kraistị, Nwa Osolobue—Osolobue hụ rị ndụn."

¹⁷ Jizosi no si a, "Onye we gozi agozi k'i wu Saimonu nwa Jona*! Makeni ele ihiyan ghosi i ihienni, kama, Nedi m hụn rị elu-igwee ghosi i 'ya. ¹⁸ M rị a gwa i, i wu Pita†, m jenkọ d'a tun ụka m ye elu ọmụmanị, ikèn ọnwụn a saeka méri e. ¹⁹ M jenkọ d'e ye i isanhan Ali-eze elu-igwee: ihien ọwule i si, 'Mba,' elu-uwá elu-igwee sikọ d'a si, 'Mba.' Ihien ọwule i si, 'Eghẹe,' elu-uwá, elu-igwee jenkọ d'a si, 'Eghẹe.'"

²⁰ 'Ya Jizosi no dökemne umu-azụn a eka-ntin, si we agwalę onye ọwule ni 'ya wu Onye Hụ Osolobue Tumé wu Kraistị.

*Jizosi E Ku Oku Afunfun O Sikọ D'a Ta Le Onwụn A
(Mak 8.31—9.1; Luk 9.22-27)*

²¹ Gha ogen hụ jenmę, Jizosi no gwama umu-azụn a, si, "M jenkọ d'e jenriji Jerusalém, ndị-isị le ndị-isị nchụ-ejan le ndị-nkuzi Iwu jenkọ d'e mę m ni m ta afunfun bu odata. We jenkọ d'e gbu m, kanị, hụn m'ę akpụ-uhuohin eto, Osolobue jenkọ d'a gha ọnwụn welli m."

²² Kanị Pita no weri e si ụsuo, jụgbọ a, si, "Di-nwọnno-enyi, Osolobue a ju; o nwònno ogen ihienni e gi mē i!"

²³ Kanị Jesu no gbehutọ, si Pita, "Ekwensu, pu ni m! I rị a nōkin m ụzo, makeni y'a rị e ro nke Osolobue, nke ihiyan k'i rị e ro."

²⁴ 'Ya Jizosi no si umu-azụn a, "Onye ọwule cho n'o sòn m, 'ya jukwo enwen e, buru obe e, sonmę m. ²⁵ Makeni onye ọwule cho n'o ghe isi, isi e a tọ a, kanị onye ọwule tuhu ndụn a makę ufiri m jenkọ d'a hụn a. ²⁶ Ele erere k'ọ ban ni ihiyan e nwònchanringuụ ụwa ile, tuhu umę-ndụn a? Kini kę ihiyan sikọ d'e gi gbarị umę-ndụn a?"

²⁷ "Eghẹe, Nwa nke ihiyan le ndị mmon-ozi e jenkọ d'a bịa; o sikọ d'e gi ogho Nedi e bịa. Ogen hụ, o jenkọ d'a kụ onye ọwule ụgwọ ihien o mē. ²⁸ M rị a gwa unu ezioku, o nwòngho ndị rị ebeni hụn jenköləni d'a nwụn d'e ru ni a hụn we Nwa nke ihiyan k'ọ lala nökę Eze kị Ali-eze e."

Isi Nke Mmęsa

*Jizosi E Nwònghuto
(Mak 9.2-13; Luk 9.28-36)*

¹ Ogen akpụ-uhuohin isin gi ghafegụ, Jizosi no weri Pita le Jemisi le Jony nwenej Jemisi, kiri we si elu-ugu jen elu odata; 'ya le we suq wi. ² Jesu no no id'enyi we nwònghuto: ihun e no nwunmę rikę enya-anwụn, ewo o yi no hęnrin nke ọchan, nwunmę kę ukpę.

* Isi Nke Mmisin:17 Jony † Isi Nke Mmisin:18 "Pita" wu "omumma" onu Griki.

³ Idumuzi Mozizi lę Elaija nō fopuha ebe wę rị, wę le Jizosị nō kumę oku.

⁴ Pita nō sị Jizosị, “Di-nwɔnni-enyi, o hughọ mma nị enyi rị ebeni. Omęni y'a chogho, m jenkọ d'e meme odu eto ebeni: ohu wu nke i, ohu wu nke Mozizi, ohu wu nke Elaija.”

⁵ Ebe o rị e ku ihienni, idumuzi, orukpu nwunchannị nō kpumę wę. Olu nō gha imę orukpu ahun sị, “Onwan wu ezi Nwa m; ihien e a suoka m; gon n'e ntin!”

⁶ Ogęn umu-azụn Jesu ndị hụ gi nü ihienni, okęn egun nō tuma wę, wę nō dan ali, we ihun kpumę ali. ⁷ Kanị Jizosị nō bia ebe wę rị, metu wę eka, sị, “Lih ni, atulę ni egun.”

⁸ Ogęn wę gi wesi enya elu, o nwonzini onye wę hụn karị Jizosị.

⁹ Ogęn wę gi gha elu-ugu hụ hidanla, Jizosị nō dō wę eka-ntin, sị, “Agwakwolę ni onye ọwule ihienni ọnụ hụn d'e ru ogęn Osolobue e gi ghagụ ọnwụn weli mmę wu Nwa nke Ihiyan.”

¹⁰ Umu-azụn nō ju a, sị, “Kị haịn nwan ndị-nkuzi Iwu gi a sị nị Elaija jenkọ d'e buriri ụzo biagụ?”

¹¹ O nō za wę, sị, “Ezię rọ nị Elaija jenkọ d'e bu'zo biagụ d'a kwademechanringụ ihien ile. ¹² Kanị m rị a gwa ụnu nị Elaija a biagụ bụ amarinnị w'a, e mē w'e ihien suọ nị wę. Erira kę mmę wu Nwa nke Ihiyan jenkọ nwan d'e gi ta afunfun eka wę.” ¹³ Ya umu-azụn a nō ghota nị Jọnụ hụn e mē mirin-Chuku k'o rị e ku.

Jizosị A Zụo Nwata Eje-mmモン Rị Imę E

(Mak 9.14-29; Luk 9.37-43a)

¹⁴ Ogęn wę gi ru ebe igunrun hụ rị, okęnye ohu nō bia d'e kunrun Jizosị, sekpu n'e ali, sị, ¹⁵ “Di-ókpaa, mē omikən nwa-m-okęnye! Ibobo rị a kụ a. O rị a ta okęn afunfun; o danyesonmę imę okụn lę imę mirin. ¹⁶ M węhe nī umu-azụn i 'ya, kanị asanị wę eka zuo a.” ¹⁷ Jesu nō sị, “Eu, agbọ nwɔnləni okukwe! Agbọ zinləni?! Elee ogęn kę m k'e sonru ụnu nödị? Elee ogęn k'e m k'e dinruni ọnụ?! Węhe nī ni m'e.” ¹⁸ Ya k'o nō jugbọ eje-mmモン hụ, o nō gha imę nwata hụ puha, nwata hụ nō dinhin ozigbo.

¹⁹ Ya umu-azụn a nō bia d'e kunrun e ebe 'ya suọ rị, ju a, sị, “Kị haịn enyi giləni saeka chupụ a?” ²⁰ O nō za wę, sị, “Makəni okukwe ụnu ehini. M rị a gwa ụnu ezioku, omęni ọnụ nwọn okukwe hụn hande kę mkpuru mostadị, ụnu jenkọ d'a s'eka sị uguni, ‘Gha ebeni pụ si ebahun!’ O jenmę. O nwɔnni ihien jenkọ d'a karị ụnu eka! [²¹ Kanị ụdịnị a ra pụ wezuka nị wę bu-ọnụ mē ekpere.”]

Jizosị E Kuzi Oku Ọnwụn A

(Mak 9.30-32; Luk 9.43b-45)

²² Ogęn Jizosị lę umu-azụn a gi zu imę Galili, Jizosị nō sị wę, “Wę jenkọ d'e we mmę wu Nwa nke Ihiyan che eka ihiyan, ²³ wę jenkọ d'e gbu m; hụn m'e akp'ohin eto, Osolobue e weli m.” Onwan nō fukənmę wę.

Ikü Ugwo-isi Ụlo-nsọ

²⁴ Ogęn wę gi ru Kapanom, ndị a na ugwo-isi Ụlo-nsọ nō jenburu Pita, sị a, “Onye-nkuzi ọnụ ara kudę ugwo-isi* Ụlo-nsọ ra?”

²⁵ Pita nō sị, “O kụ a kụ.” Ogęn o gi lụa, Jizosị nō bu e ụzo kupuha a, sị a, “Saimonu-o, k'i ro? Onye kę ndị-nze ụwanị a na ụtu ichen-ichen w'a na? Umụ wę ra ndị ọzọ?”

²⁶ Ogęn o gi sị, “Ndị ọzọ.”

Jizosị nō sị a, “Ya wu nị umu wę ara kụ. ²⁷ Kanị, amamgbe enyi e mē ihien e se oku, shi mirin hụ; y'a tuye ukpo i; y'e weri azụn ibuzo i sikọ d'e gbu—shiapu a ọnụ, i sikọ d'a hụn akpuru egho shékélù† ohu. Weri e n'i gi e kụ ugwo-isi mmę le 'yụ.”

Isi Nke Mmęsatọ

Onye Kachanrinni imę Ali-eze Elu-igwee

(Mak 9.33-37; Luk 9.46-48)

* Isi Nke Mmęsa:24 ugwo-isi. Akpuru egho w'a kpọ “drak'ma” ębuo kę wę gi a kụ ugwo-isi Ụlo-nsoni. † Isi Nke Mmęsa:27 “Shékélù” wu drak'ma eno.

¹ Ogen hụ, umu-azụn Jizosị nọ bịa d'e kunrun Jizosị, sị, "Onye kachanrịn imẹ Ali-eze elu-igwee?" ² O nọ kpọ nwata ohu, bu e che etintinnai wẹ, sị, ³ "M rị a gwa ụnu ezioku, omeni ụnu egbehutonị, wuru ndị nọ kẹ umueka, o nwọnni ogēn ọnụ e gi banye Ali-eze elu-igwee. ⁴ Onye ọwule welua enwēn e alị, wuru onye nọ kẹ nwatanị, 'ya wụ onye kachanrịnni imẹ Ali-eze elu-igwee. ⁵ Onye ọwule nabanhān nwata nọ enīna make ufiri ẹfan m a nabanhanguo m."

Onwunwan

(Mak 9.42-48; Luk 17.1-2)

⁶ "Kanị onye ọwule han onye ohu imẹ ndịnị mẹ ntịn hụn kwerini ni m mè njọ, o ka mma nị wẹ k'enmẹ ọlo hi-ogbe ye onye hụ olu, tụ a ye imẹ ohimin mini. ⁷ Uwa rị imẹ nsongbu, maké ihien ndị hụ e mè ihiyan e mè njọ rịn'a! Ihien k'a han ihiyan mè njọ k'a biakwo-o, kale nsongbu rị nị onye hụ wẹ jenkọ d'a gha ẹka a bịa."

⁸ "Omeni ẹka i mọbụ ụkụ i a hajin i e mè njọ, bepụ a tuhu. O ka i mma n'i banye ndịn bụ ẹhiụ i ezuni mọbụ n'i dan nguro, karị nị wẹ tụ i ye imẹ ọkụn itebite bụ ẹka i ẹbụo lẹ ọkụ i ẹbụo zu oke. ⁹ Omeni ẹnya i a hajin i e mè njọ, gupụ a tuhu. O ka i mma n'i gi ẹnya ohu suọ banye ndịn karị nị wẹ tụ i ye ọkụn-mmモン bụ ẹnya i ẹbụo rị a rị."

Ilu Jesu Gi Atụnrụn Hụ Tuhuni Ta

(Luk 15.3-7)

¹⁰ "Hụn n'a nị ụnu elegberini onye ọwule imẹ ndịnị mè ekere. Makeni, m rị a gwa ụnu, ndị mmモン-ozị wẹ rị ebe Nedi m hụn rị elu-igwee rị e lee ihun e ogēn ile. ¹¹ Makeni mme wụ Nwa nke ihiyan bịa d'a zuopuha ndị huni."

¹² "Kinị kẹ ọnụ ro? Omeni ihiyan nwọn atụnrụn ọgụn-isen, ohu imẹ wẹ a kpahu, o natokọ ohu-aria-ogụn-isen hođunu elu-ugu ebahụn wẹ nọ a kpa nni jenmẹ d'a chọ ohu hụ kpahuni? ¹³ O hụn a, m rị a gwa ụnu ezioku, o jenkọ d'a ghogho n'a karị ohu-aria-ogụn-isen hụ kpahuleni. ¹⁴ Eriazikwo, Nedi ọnụ hụn rị elu-igwee achonị nị onye ọwule imẹ ndịnị mè ekere la iwi."

Nwene I Mè I Njọ K'i Jenkọ D'e Mè?

¹⁵ "Nwene i mè i njọ, jen d'a gwa a mmefie e ebe 'yụ nị 'ya suọ rị a. Omeni o gongho i ntịn, 'ya wụ nị y'e wechinhengu o nwene i azụn. ¹⁶ Kanị, omeni o gonni i ntịn, weri onye ohu mọbụ mmadụ ẹbụo che ni enwēn i, 'yụ lẹ wẹ e jenzi d'a hụn a keni omeye wẹ ẹnya. ¹⁷ O jụ n'o gonko wẹ ntịn, gwa ndị ụka. O jụ n'o gonko ụka ntịn, weri e rikę onye ghaleni e fe Osolobue mọbụ onye a na ụgwọ-isi njọ a ma ikpe."

Iken Ụka Kraistị Nwọn

¹⁸ "Ezioku kẹ m rị a gwa ụnu, ihien ọwule ụnu sị, 'Mba' elu-ụwa, elu-igwee jenkọ d'a sị, 'Mba.' Ihien ọwule ọnụ sị, 'Eghẹe,' elu-ụwa, elu-igwee jenkọ d'a sị, 'Eghẹe.' ¹⁹ M rịzi a gwa ụnu ezioku, omelé mmadụ ẹbụo imẹ ọnụ e kwerigbamẹ elu-ụwanị rịo ihien ọwule, Nedi m hụn rị elu-igwee sikọ d'e mè ni ụnu 'ya. ²⁰ Makeni ebe ọwule mmadụ ẹbụo mọbụ eto gi ufiri ẹfan m zu, mme lẹ wẹ rị ebēhu."

Mgbaghari

²¹ Pita nọ bịa d'e kunrun Jizosị, sị a, "Di-nwọnni-ẹnyi, mgbe ole ke nwene m sikọ d'e mè m njọ a gbagharị m'a? Mgbe esa?"

²² Jizosị nọ sị, "Asinị m'i mgbe esa, kanị mgbe esa-esa uzọ iri kwasi ọgụn eto."

Ilu Jesu Gi Odibo Hụn Jụ N'o Gbagharịkọ Ta

²³ "Ya wụ, Ali-eze elu-igwee nọ kẹ ebe eze ohu nọ chọ nị 'ya lẹ ndị idibo e gbakọ egho wẹ gi e. ²⁴ Ogen o gi gbakoma, wẹ nọ wehen'e onye ohu gi e egho higbu enwēn e ogbe, k'e zu wẹ kusonmẹ ndị-ørụn nnu isen-kwasi-ogụn ọrogbo ahụa mmisien. ²⁵ Kanị o sanị ẹka kụ a. Eze nọ sị wẹ re 'ya lẹ nwunyę e lẹ ụmu a lẹ ihien ile o nwọn, wehé egho d'a kụ a ụgwọ o gi e."

²⁶ “Make ɔ̄nwan, odibo h̄u n̄o gbu osekpu, riɔ̄k̄enm̄e e, s̄i, ‘Nna, nw̄on n̄i m ndidi, m j̄enk̄o d'a k̄uchanrin i ihīen ile m gi i.’ ²⁷ Nna a n̄o gi omik̄en hap̄u a, gbaghar̄i a, s̄i a y'a k̄uzile ugwo h̄u o gi e.”

²⁸ “Kan̄i, oḡen odiboni gi p̄u, o n̄o h̄un odibo ibe e h̄un gi e egho-ɔ̄run akp'ohin ɔ̄gun-isen suq̄. O n̄o t̄od̄on e ɛkp̄iri, s̄i a, ‘K̄u m ugwo i gi m.’”

²⁹ “Ya odibo ibe e h̄u n̄o dan ali, riɔ̄k̄enm̄e e, s̄i, ‘Nw̄on ni m ndidi, m j̄enk̄o d'a k̄u i ugwo i.’ ³⁰ Kan̄i o n̄o ju, j̄en d'e bu e che imē ulo-ngan d'e ru oḡen o j̄enk̄o d'a k̄u a ugwo h̄u.”

³¹ “Ogen idibo ibe e gi h̄un ihienni, o f̄ut̄u w̄e ɔ̄da-ɔ̄da imē obi, w̄e n̄o j̄en d'a gwa Nna w̄e ihīen ile m̄eni. ³² ‘Ya nna a n̄o kp̄o a, s̄i, ‘Odibo efo-njō! M hap̄u i, s̄i i akuzile ugwo h̄u ile i gi m, mak̄eni i rīo m ar̄io. ³³ O furuni n̄i m̄e ni odibo ibe i omik̄en k̄e m d̄on m̄e n̄i omik̄en?’ ³⁴ Nna a n̄o gi olulu w̄e ye w̄e ye e afunf̄un imē ulo-ngan d'e ru oḡen o j̄enk̄o d'a k̄uchanrin ugwo h̄u ile o gi.’”

³⁵ Ya w̄u, er̄ira k̄e N̄edi m h̄un r̄i elu-igwee j̄enk̄o d'e mezikw̄o onyē ɔ̄w̄ule imē ʌnu, om̄eni y'e gini obi i ile gbaghar̄i nw̄en̄e i.

Isi Nke Mmiten̄ei

Jiz̄os̄i A Kuzi Banyeni Mkpechan

(Mak 10.1-12)

¹ Oḡen Jiz̄os̄i gi kuchanrinḡu ihīen nd̄ini, o n̄o gha Galili p̄u, shi eḡber̄e Judia h̄un r̄i nfetu Iyi Jodan̄i. ² Igunrun hi-ogbe n̄o sonm̄e e, o n̄o zuq̄ w̄e eb̄eh̄u.

³ Nd̄i h̄u imē nd̄i Itu-Farisi n̄o b̄ia d'e kunrun e, k̄eni w̄e shi n̄e ɔ̄nyan. W̄e n̄o ju a, s̄i, “O nw̄eḡh̄o ihīen ɔ̄w̄ule iw̄u ku n̄i ya k̄e m̄e ok̄ennȳe kpechan nwunȳe e?”

⁴ Jiz̄os̄i n̄o za, s̄i, “On̄u e ke gun a imē Ekukw̄o-ns̄o n̄i Onyē h̄un k̄eni w̄e ke w̄e ok̄en l̄e onyēnn̄e oḡen m̄bid̄on? ʌnu e ke gun a n̄o ⁵ s̄i, ‘Make ɔ̄nwan, ok̄ennȳe sik̄o d'a nato n̄edi e l̄e nn̄e e, j̄en d'a banye ni nwunȳe e, w̄e eb̄uq̄ a w̄uru əhu ohu.’? ⁶ ‘Ya w̄u, elezi w̄e m̄madu eb̄uq̄, kan̄i w̄e w̄u əhu ohu. ‘Ya w̄u, ihīen Osolobue weḡbamaḡu, ihīan y'e kebele e.’”

⁷ Nd̄i Itu-Farisi h̄u n̄o juz̄i a, s̄i, “K̄i h̄ain nw̄an Mozizi gi ye iw̄u imē Eh̄uhuq̄-ns̄o, s̄i n̄i ok̄ennȳe sik̄o d'a s̄'eka ye nwunȳe e eh̄uhuq̄-mkpechan, kpechanp̄u a?”

⁸ Jiz̄os̄i n̄o za, s̄i, “Makeni obi on̄u e zek̄e—ya h̄ain Mozizi gi hap̄u ʌnu n̄i ʌnu kpechan nwunȳe ʌnu; kan̄i ele er̄ira k̄o r̄i oḡen m̄bid̄on. ⁹ M r̄i a gwa ʌnu, onyē ɔ̄w̄ule kpechan nwunȳe e l̄uma onyē ɔ̄zo, wez̄uka n̄i nwunȳe e zo ʌku ye ɔ̄fia, a gh̄ereol̄e.”

¹⁰ Um̄-az̄uŋ̄un a n̄o s̄i, “Om̄eni er̄ira k̄o r̄i eḡbata ok̄ennȳe l̄e nwunȳe e, o ka mma n̄i aluŋ̄i w̄e di-le-nwunȳe.”

¹¹ Kan̄i Jesu n̄o s̄i w̄e, “Ele ihīan ile j̄enk̄o d'a saeka nabhanhan okuni, m̄man̄i nd̄i h̄un o w̄u nke w̄e. ¹² O nw̄on nd̄i ghaleni a l̄u di-le-nwunȳe makeni əhu w̄e ezuni oke kete w̄a m̄ule w̄e; o nw̄on nd̄i ghaleni a l̄u di-le-nwunȳe makeni ihīan m̄em̄e w̄e er̄ira; o nw̄on nd̄i s̄i n̄i aluk̄o w̄e make ufiri Ali-eze elu-igwee. Onyē h̄un j̄enk̄o d'a saeka nabhanhan okuni ‘ya nabhanhan a.’”

Jiz̄os̄i A Gozi Um̄-ndu

(Mak 10.13-16; Luk 18.15-17)

¹³ O nw̄e nd̄i weheni Jiz̄os̄i um̄-ndu k̄eni o bu əka kwasi w̄e, m̄e ekpere, kan̄i um̄-az̄uŋ̄un a n̄o jugb̄o nd̄i h̄u. ¹⁴ Kan̄i Jiz̄os̄i n̄o s̄i, “Hatu ni um̄-ndu n̄i w̄e b̄ia d'e kunrun m; egb̄ond̄onl̄e ni w̄e, makeni Ali-eze elu-igwee w̄u nke nd̄i n̄o en̄ina.” ¹⁵ O n̄o bu əka kwasi w̄e, gha ebah̄un p̄u.

Okorob̄ia Qdafin H̄u

(Mak 10.17-31; Luk 18.18-30)

¹⁶ Ya k̄e onyē əhu n̄o b̄ia d'e kunrun Jiz̄os̄i, s̄i, “Onyē-nkuzi, elee ɔ̄run-ɔ̄ma k̄e m sik̄o d'a r̄un n̄i m nw̄onrin nd̄un it̄eb̄ite?”

¹⁷ Jizosị nō sị a, “Kị hain i gi a jụ m oku ihięn rị mma? Onyę oħu sụo rị mma. I chọ n'i banye ndun, dònme iwu ndi hụ rị imē Iwu.”

¹⁸ O nō sị, “Elee ndi?”

Jizosị nō sị, “Egbule ochụ; agherelé; ezunlé ohin; ebuokinlę ihięn onu; ¹⁹ gbaye nedị i lę nnę i; ihięn ibe i ya sụo i kę ihięn enwén i dọn a sụo i.” ²⁰ Okorobia hụ nō sị, “M hụ e dònme ihięn ndinị ile, kị hođuzi m jenkó d'e me?”

²¹ Jizosị nō sị a, “I chọ n'i zu oke, jenmę, rechanrịn ihięn ile i nwọn, y'e we egho e ye ndi igbenyye, gi e nwọn akụ-le-uba imē elu-igwee, y'a bịa d'e sonmę m.” ²² Ogen okorobia hụ gi nü ihięnni, ndun nō gụ a, o nō sükurụ, pụ, makele o nwọn ihięn oda-oda.

²³ Jizosị nō sị umu-azụn a, “M rị a gwa onu ezioku, o jenkó d'a fụ orun ebe odatafin jenkó d'a nō banye Ali-eze elu-igwee. ²⁴ M rịzi a gwa unu, o jenkó d'a ka nfe ni anyinnyan-mkpukpuke wụ kamelụ gha oghere oloden karị ni odatafin banye Ali-eze Osolobue.”

²⁵ Ogen umu-azụn a gi nü ihięnni, o tükemę wę enya, wę nō sị, “Onyę jenkó d'a sazị nwan eka nwọn nzupuha?”

²⁶ Kanị Jizosi e lee wę enya, o nō sị wę, “Ebe ihięn rị, o sakò eka me, kanị ebe Osolobue rị, o nwọnni ihięn wę ghaleni a saeka e me.”

²⁷ ‘Ya Pita nō sị, “Lee e, enyi a laguọ ihięn ile to sonmę i, kini kę enyi jenkó nwan d'e nwonhen?”

²⁸ Jizosị nō sị wę, “M rị a gwa onu ezioku, imē ụwa ohun lalani, ogen wę jenkó d'e gi meme ihięn ile nke ọhụn, ogen hụ Nwa nke ihięn jenkó d'e gi nödị ukpo e nwę ogho, unu ndi hụn sonni m sikọ d'a nödisonmę ukpo mmebu, a kị ebón mmebu rị Izreli.

²⁹ Onyę ọwule hụn o meni o giguọ ufiri m natọ ụlo ndi o nwọn móbụ umune-e-ikennye móbụ umune-e-ikpoho móbụ nedị e móbụ nnę e móbụ umu a móbụ ali o nwọn, jenkó d'e nwonhen wę uzo ögün-isen, nwonhenzikwọ ndun itebite. ³⁰ Kanị, ndi bu oda bu uzo jenkó d'a kpari azụn, ndi kpa azụn e buru uzo.”

Isi Nke Ogun

Ihięn Jesu Gi Ndị Rụn Orun Imē Ugbo Kuzi

¹ “Makeni Ali-eze elu-igwee rị kę ebe onyę oħu nō pụ uz'utuntun d'e weri ndi orun hụn jenkó d'a rụn imē ugbo-vaini a. ² Ogen 'ya le wę gi kwerigbamagụ n'o jenkó d'a kụ wę egho orun akpụ-uhuohin wụ dinariosi oħu, o nō zi wę ban imē ugbo-vaini a d'a rụnma orun.”

³ “Ihięn nökे ọkụlökü itenęi ụtuntun, o nō puzi, hụn ndi ozọ wuzo mmaka imē afia.

⁴ O nō sị wę, ‘Unu nwẹn jenmę ugbo-vaini m d'a rụn orun, m jenkó d'a kụ unu ụgwọ ọhụnma.’ Wę nō jenmę.

⁵ O puzikwọ ọkụlökü mmebu, ogen hụ anwụn gi a rị isi le ọkụlökü eto efinnai, o nō mezikwọ ihięn oħu ahụn.”

⁶ “Ihięn rikę ọkụlökü isen enyasi, o nō puzi, hụn ndi ozọ turusonmęni; o nō sị wę, ‘Kị hain onu gi turu ebeni mmaka kete ụtuntun?’”

⁷ “Wę nō sị a, ‘Makeni o nwọnni onyę we enyi orun.’ O nō sị wę, ‘Unu nwẹn jenmę ugbo-vaini m d'a rụn orun.’

⁸ O ru ogen enyasi, onyę hụ nwọn ugbo-vaini hụ nō sị onyę hụn e lepụ n'a ugbo-vaini hụ enya, ‘Kpọ ndi orun hụ n'i kụ wę ụgwọ wę, gha ndi ikpazụn kuma d'e ru ndi ibuzo.’

⁹ Ogen ndi hụ gha ọkụlökü isen enyasi rụnma gi bịa, wę nō kụ onyę-onyę imē wę egho-orun akp'ohin oħu-oħu.”

¹⁰ “Ogen ndi ibuzo gi bịa, wę ro ni wę jenkó d'a kükari wę egho-orun akp'ohin; kanị wę nō kụ onyę-onyę imē wę egho-orun akp'ohin*. ¹¹ Ogen wę gi küğü wę ụgwọ, wę nō dënwiinnwınma nị onyę hụn nwọn orun, ¹² sị, ‘Ndị ikpazụnni rụn mgbahunmę ọkụlökü oħu sụo, bụ enyi nwẹn bu orunni isi kete ụtuntun, ma anwụn, kale y'a kụ enyi le wę ahanmahan.’”

* Isi Nke Ogun:10 Griki: dinariosi

¹³ “Kanı ọ nō shıarı onyę ohu imę wę, sı a, ‘Di-enyi, a rị m e mégbu i; ẹle egho-örün akp'ohin kę mę lę yu kwerigbama? ¹⁴ Weri hụn wụ nke i lama; mmę chọ nị m ye onyeni wę we ikpazụn kę m dọn ye i. ¹⁵ Anikoziđe wę m gi ihien m mę ihien m chọ nị m gi ẹ mę ra? Ra i rị e we iwe ni m rị a ha-eka?” ”

¹⁶ “Ya wụ, ndị kpa azuṇuṇ jenkö d'e bu ụzọ, ndị bu ụzọ a kpari azuṇu.”

Hụn m'ę Mgbe Eto Jizosı Ku Oku Ọnwụn A

(Mak 10.32-34; Luk 18.30-34)

¹⁷ Ogen Jizosı gi jenkö Jerusalém, ọ nō wesi ụmụ-azuṇuṇ a nkö ohu, sı wę, ¹⁸ “Lee n'ę, enyi jenkö Jerusalém; enyi ru ebahun, wę sikö d'e re Nwa nke İhian ye ndị-isı nchụ-ejan lę ndị-nkuzi Iwu. Wę jenkö d'a ma a ikpe-ɔnwụn, ¹⁹ we ę ye ndị alị ndị ọzö nị wę kpa a ye ęmụ, fian a mkpiṇsin, kpogbu ę elu obe; kanı hụn m'ę akp'ohin eto, Osolobue jenkö d'e weli e.”

Ihien Nnę Ohu Rịo Nị Ụmụ A

(Mak 10.35-45)

²⁰ Ya nnę Jemisi lę Jonu, ụmụ Zebədi, nō węhę wę d'e kunrun Jesu, ọ nō gbu osekpu ihun ę, rịo a n'o mén'ę ọhunma. ²¹ Jesu nō sı a, “K'i chọ?” O nō sı a, “Ku ę ni onyę ohu imę ụmụ-m-ikennye ębụloni jenkö d'a nödị alị ęka-ihien i, hụn-ębọ a nödị alị ęka-ekpен i imę alị-eze i.”

²² Kanı Jizosı nō sı, “Onu a marin ihien ọnụ rị a rịo. Nị ụnụ saeka ra ihien rị imę mkpu hụn m jenkö d'a ra?” Wę nō sı, “Enyi jenkö d'a s'ęka.” ²³ O nō sı wę, “Ezioku-ezioku, ụnụ jenkö d'a ra ihien rị imę mkpu m, kanı ẹle mmę jenkö d'e ku onyę sikö d'a nödị alị ęka-nni m lę ęka-ekpен m; kama ndị hụ Nedi m kwademę n'ę, wę jenkö d'a nödị a.”

²⁴ Ogen ụmụ-azuṇuṇ iri hoduṇi gi nü ihieni umunę ębụo hụ mę, wę nō bumeni umunę ębụo hụ olulu. ²⁵ Kanı Jizosı nō kpozunhan wę, sı wę, “Unu a maringhọ nị ebe ndị alị ndị ọzö rị ndị hụn a kinị e mę rikę sı uwę nwon ndị wę rị a kị, ndị-ndu wę e mę wę a marin nị uwę rị a kị wę. ²⁶ Ka emeļe ni erira. Onyę ọwule chọ n'o wụrụ oken İhian imę ọnụ, 'ya wụrụ odibo ụnụ; ²⁷ onyę ọwule chọ n'o wụrụ onyę ibuzo imę ụnụ, 'ya wụrụ igbọn ọnụ — ²⁸ nökę kę Nwa nke İhian dòn bịa, ẹle ni wę gba n'a odibo, kanı, n'o gba odibo, yezikwo ndun a, gi ę gbahua ndị bu odata.”

Jizosı A Zuṇ Ndị Enya-ishı Ebụo

(Mak 10.46-52; Luk 18.35-43)

²⁹ Ogen Jesu lę ụmụ-azuṇuṇ a gi gha Jériko pükö, igunrun hi-ogbe nō sonmę ę.

³⁰ Ikennye ębụo enya kpu ishi nödị alị mkp'enren ụzö hụ. Ogen wę gi nü nị Jizosı ghafekö, wę nō yi oro, sı, “Di-nwọnni-enyi, Nwa Defidi mę ni enyi ebere!”

³¹ Igunrun hụ nō jugbọ wę, sı wę kpukin ọnụ; kanı wę nō yikenmèdè oro, sı, “Di-nwònnoni-enyi, Nwa Defidi, mę ni enyi ebere!”

³² Jizosı nō kusi, kpo wę, sı, “Kinị kę ụnụ chọ nị m mę ni ọnụ?”

³³ Wę nō sı a, “Di-nwònnoni-enyi, enyi chọ nị enyi leghama ụzö.”

³⁴ Jizosı nō mę ni wę omiken, metụ wę ęka enya. Ozigbo hụ, wę nō hụnma ụzö; wę nō sonmę ę.

Isi Nke Ohu-kwası-ogun

Jizosı A Banhan Jerusalém Lékę Onyę-mméri

(Mak 11.1-11; Luk 19.28-40; Jon 12.12-19)

¹ Ogen wę gi nokunmämę Jerusalém, e ru we Ugu Olivu hụn rị Befeji, Jizosı nō zipu ụmụ-azuṇuṇ a ębụo, ² sı wę, “Banye ni imę obodoni mę ekere hụn rị ụnụ İhian, ọnụ jenkö d'a hụn Jaki wę limę ebéhụ lę nwa a nödiye ni n'ę. Töpü nị wę węhę ni m. ³ Onyę sı ụnụ ihien ọwule, sı n'a hụ, ‘Nna chọ wę’, o sikö d'a sı ụnụ weri wę ozigbo.” ⁴ Onwan mę keni wę męzu ihien onyę-amumma ku, sı,

⁵ “Gwa ndị obodo Zayonu,

lee ę, eze ọnụ lala d'e kunrun ụnụ,

o welüa enwèn e alı:
o rị enu Jaki,
lẹ elu nwa-jaki.”

⁶ Umụ-azụn a ebuo hụ nō jen, mē kę Jizosı dòn zi wę, ⁷ e wéhé wę Jaki hụ lę nwa-jaki hụ, gi ewuru w'e yiye elu e gbama elu wę, Jizosı nō nyinrin wę.

⁸ Imérinmę ndị rị imé igunrun hụ nō gi ewuru wę gbama uzo, ndị ozọ a kpagiri agalaba osisi ndị rịsonmę ebéhụ, gbama wę uzo. ⁹ Igunrun hụ rị a ihun lę azụn hụ e yi oro, a sị, “Ojija-mma ya rị nị Nwa Defidi!

Onyę hụ gi ẹfan Di-nwọnni-enyi bia wụ onyę Chuku gozi agozi!

Ojija-mma 'ya rị nị Osolobue Ebéhụ Kachanrịn elu ejen”*

¹⁰ Ogen o gi banye Jerusalém, o rịkẹ sị wę kpasu obodo hụ ile: Wę hụ a ju, sị, “Onyę wụ ọnwan?”

¹¹ Igunrun ahụn nō sị, “Hunnị wụ onyę-amumá hụ w'a kpọ Jizosı hụn gha Nazareti rị Galili bia.”

Jizosı E Si Ulo-nso

(Mak 11.15-19; Luk 19.45-48; Jon 2.13-22)

¹² Jizosı nō banye Ulo-nso, chupụ ndị ile rị a zụ afia imé Ulo-nso, hukpumę teburu ndị a gbahutö ego lę oche ndị hụn e re oluikuku. ¹³ O nō sị wę, “Wę de e imé Ekukwo-nso, sị, ‘Wę jenkö d'a kpọ Ulo m ụlo ekpere’, kale ọnụ e giguo a henrin ebe ndị-ohin e zueri!”

¹⁴ Ndi enya-ishi lę ndị-nguro nō bia d'e kunrun e imé Ulo-nso, o nō zuo wę. ¹⁵ Kani ogen ndị-isi nchụ-ejan lę ndị-nkuzi Iwu gi hụn ihién ndị a tụ ẹnya o rị e mē, hụnzi kę umụ-ndu rị imé Ulo-nso rị e yi oro, a sị, “Hozana (ojija-mma) rị nị nwa Defidil”, iwe nō wemę wę. ¹⁶ Wę nō sị a, “I hụ a nụ ihién umụ-ndu ndịnị rị e ku?” Jizosı nō sị wę, “Egheę, m hụ a nu. Ụnụ e ke gụntu ebéhụ Ehụhụo-nso nō sị, ‘Y'a zụnguo umueka lę ndị rị a ra ẹran nị wę ja i mma zu oke.’?”

¹⁷ O nō la wę tọ, gha imé obodo hụ pụ, si Bętanị, d'a nödị uchinchin hụ.

Jizosı A Bü Osisi Figi Ọnụ

(Mak 11.12-14, 20-24)

¹⁸ Eki e fọn uzotuntun, ebe o kinkö azụn Jerusalém, egún hụ a gun a. ¹⁹ O nō hụn osisi figi ohu mkpennren uzo, o nō jen ebe o rị; kanị, o hunnị ihién ọwule enu e, mmanị ehụhụo sụo. O nō sị a, “Amizile mkpuru jenrin ejen.” Osisi hụ nō kpopụ-nkụn ozigbo.

²⁰ Ogen umụ-azụn gi hụn ihienni, o tükemę wę ẹnya, wę nō sị, “Nanị kę osisi hụ dòn kpopụ-nkụn ozigbo?” ²¹ Jizosı nō sị wę, “M rị a gwa ụnụ ezioku, ọwụnị ọnụ e nwonghọ okukwe bü ụnụ enwèni obi-ebuo, ụnụ jenkö d'a saeka mèkarị ihién wę mē osisi figi hụ; elede ọhụn sụo, ọsụon'a nị ọnụ sị uguni, ‘Jen d'a tụ enwèn i ye imé ohimin,’ o jenkö d'e mē. ²² Ihién ụnụ gi okukwe mē ekpere riọ, ọnụ jenkö d'e nwonyen e.”

A Ju Wę Jizosı Kę Onyę Zi È

(Mak 11.27-33; Luk 20.1-8)

²³ Ogen o gi banye Ulo-nso, ndị-isi nchụ-ejan lę ndị-isi nō bia d'e kunrun e ebe o rị a kuzi, sị a, “Elee ikèn k'i gi e mē ihién ndịnị, onyę ye i ikenni?” ²⁴ Jizosı nō za wę, sị, “Mmē lę enwèn m jenkö d'a ju ụnụ akpụ otaa ohu, ụnụ za m'a, a gwa m ọnụ ikèn m gi e mē ihién ndịnị.” ²⁵ “Mirim-Chuku Jọnụ mē, elebe k'o gha bia: o gha elu-igwee bia ra o gha eka ihián bia?”

Wę nō tüğbamę iroro, sị, “Enyi sị, ‘O gha elu-igwee bia,’ o sikö d'a sị, ‘Kị haín nwan ụnu gileni gi oku e dòn?’ ²⁶ Kani egún igunrunni aníkọ enyi sị, ‘O gha eka ihián bia,’ makeni ihián ile weri e nị Jọnụ wụ onyę-amumá.” ²⁷ ‘Ya wę nō za Jizosı, sị, “Enyi amarin.” O nō sị wę, “Mmē nwèn a gwako ụnụ ikèn m gi e mē ihién ndịnị.”

* Isi Nke Ohu-kwası-ogun:9 Criki: "...imé Elu-igwee kachanrịn elu e jen". (Osolobue kę wę gi ihienni e ku.)

Jesu E Gi Umunę Ebuo Kuzi Imę-ihięn Chuku Ku

²⁸ “Kini kę önü ro nwan? Okennye ohu mü ikennye ebuo; o jen d'e kunrun nke ibuzo, sı a, ‘Nwa m, jen d'a rụn ɔrun imę ugbo vajinị tannı.’ ²⁹ O nō sị, ‘Ejenko m.’ Kanị, omegụ, ọ nō gbebuto obi e, jenme. ³⁰ ‘Ya nedị ẹ nō jen d'e kunrun hụn-ebø, gwazi a ihięn ohu ahụn. O nō sị, ‘Baba, m sikø d'e jen.’ Kanị o jenni. ³¹ Onyę imę wę mę ihięn nedị ẹ chọ?’ Wę nō sị, ‘Nke ibuzo.’ Jizosị nō sị wę, ‘M rị a gwa ụnu ezioku, ndị a na Ugwo-isi wę gi njo wę marin le ndị igbaraja hụ e buni ụnu uzø a banye Ali-eze Osolobue. ³² Makeni Jonu bia d'e kunrun önü, a ghosi ụnu ezigbo uzø ahun Osolobue chọ, kanị, ụnu egini oku e don. Kanị ndị a na ugwo-isi wę gi njo wę marin le ndị igbaraja gi e don; ogęn önü gidę hụn ihięn rị e mieni ụnu egidę'ę cheghari, kweri ihięn o ku.’

*Ilu Jesu Gi Ndị Wę Ye Ugbo Rụn Ta
(Mak 12.1-12; Luk 20.9-19)*

³³ “Nụ nị ilu ozø: O nwọn onyę ohu nwọn alị, ọ nō kụn a vajinị, kenhunmę ę ugba, gu olu ebe w'a nō a pinnuha manya-vajinị ye imę ugbo hụ, tñzíkwọ ụlo-nche ye e, bu e che ęka ndị sikø d'a gha a rụn a e-gbu-e-ke. O nō si ali ozø. ³⁴ Ogen vajinị e rumę, ọ nō zi ndị idibo ę jenni ndị hụ rị a rụn ugbo hụ d'a nahan wę ihięn vajinị a mi. ³⁵ Ndị hụ rị a rụnn'a nō kwondon ndị-idibo e, gbu onyę ohu ili, gbu onyę ohu ozun, mazi onyę ohu omumma. ³⁶ ‘Ya ọ nō zijenzi ndị-idibo ę ozø bu ọda karị ndị ibuzo. E mę wę wę ihięn wę mę ndị ibuzo. ³⁷ Omegụ, ọ nō zijen nwa a, sị, ‘Wę sikø d'a gbaye nwa m.’ ³⁸ Kanị, ogęn ndị hụ rị a rụn ugbo-vajinị hụ gi hụn nwa a, wę nō sị ibe wę, ‘Onyenı wụ hụn jenko d'e nwọnrin ebeni omegụ; nị enyi gbupun'a nwan weri ihięn e!’ ³⁹ ‘Ya wę nō weri e, chupụ a imę ugbo-vajinị hụ, gbu e.’

⁴⁰ “Onyę nwọn ugbo-vajinị hụ bia nwan, k'o sikø d'e mę ndị hụ rị a rụn ugbo hụ?” ⁴¹ Wę nō za, sị, “O jenko d'e gbu ndị-eti hụ, gbu wę la iwi, we ugbo-vajinị hụ ye ndị ozø hụn jenko d'a rụnn'a, e yesonmę ę ihięn-ugbo ę ogęn ihięn-ugbo.”

⁴² Jizosị nō sị wę, “Onu e ke gụntu ihięn Ekukwo-nsø ku? Ekukwo-nsø sị, ‘Omumma hụ ndị a tun ụlo ju,
a wuruolę hụn gi ụlo;
Di-nwònni-enyi 'ya mę ihięnni,
o tuka enyi enya!’

⁴³ ‘Ya wụ, m rị nwan a gwa ụnu nị wę jenko d'a narin önü Ali-eze Osolobue, we e ye ndị alị hụ hụn jenko d'a mi mkpuru a. ⁴⁴ Onyę owitzle danye elu omumani jenko d'e tikpochanrin, kanị o jenko d'e gwerinrię onyę owitzle ę dankwası!'

⁴⁵ Ogen ndị-isi nchụ-ejan le ndị Itu-Farisi gi nụ ilu ndịnị, wę nō marin nị uwę k'o rị e ku. ⁴⁶ Wę te chọ nị wę nwunrụn a, kalę egun igunrun rị ebahụn a nịnị wę, makeni wę weri e nökę onyę-amumma.

*Isi Nke Ebuo-kwası-ogun**Jesu E Gi Oriri-agbamékukwọ Kuzi
(Luk 14.15-24)*

¹ Jizosị nō tazi nị wę ilu, sị, ² “Ali-eze elu-igwee rikę ebe eze ohu nō kpö nị nwa a oriri-agbaméhụhụ. ³ O nō zi ndị-idibo ę d'a kpö ndị wę kpö oriri-agbamékukwọ hụ, kanị abiani we. ⁴ O nō zizi ndị idibo ozø, sị, ‘Gwa nị ndị hụ wę kpö oriri, sị, ‘Lee n'ę, a kwademegụ m oriri m; e gbuolę m oken-efin m le ụmu-efin m zunto. A kwademegụ m ihięn ile; bia nị oriri-agbaméhụhụ hụ.’’ ⁵ “Kanị egini w'e don, onyę-onyę nō jenmę ebe o jenko: onyę ohu e jenmę ugbo e, onyę ozø e jenmę afia a, ⁶ ndị ozø nō nwunrụn ndị idibo e, gbe ifenren ye wę ihun, gbu wę. ⁷ Eze hụ nō bumę olulu; ọ nō zijen ndị-agha a, wę nō gbupu ndị ogbu-ochu hụ, dñunchanrin obodo wę okun. ⁸ O nō sị ndị idibo e, ‘A kwademegụ wę oriri-agbamékukwọ hụ, kanị ndị wę kpö d'e ri e efuruni ndị wę sikø d'a kpö. ⁹ Jenşonmę ni nwan ögbara-ogbe ichen-ichen d'a kpö kę wę han ụnu hụn; sị nị wę

bia oriri.”¹⁰ Ndị idibo hụ nō jenṣonmẹ ogbara-ogbe ichen-ichen d'e wéhē ndị ile wé hun, kę ndị-oma kę ndị-eje, nke wụ nị ndị-obia e junchanrin ebahun wé rị e mè mmemimme.”

¹¹ “Kani, ogen eze hụ gi bia n'ọ hụn ndị obia, o nō hụn onyé ohu yileni ewuru wé gi e jen agbaméhụhụ. ¹² O nō sị a, ‘Di-enyi; nanị k'i dọn banhan ebeni bụ y'e yi ewuru wé gi e jen agbaméhụhụ?’ O shiarinị ihien ọwụle. ¹³ Eze nō sị ndị hụ e jen'ẹ ozi, ‘Kenmẹ n'ẹ ụkụ lę eka, tụ a ye ishi hụ rị ezi, ebe ihijan jenkö d'a nō a kwan ekwan, a ta nkwenren-eze.’ ¹⁴ Makeni ndị wé kpọ bu ọda, kani ndị wé hɔri ebuni ọda.”

*Ajuju Banyeni Ikụ Ugwo-isi
(Mak 12.13-17; Luk 20.20-26)*

¹⁵ Ndị Itu-Farisi nō jen d'a tụ iroro nị wé marin kę wé a dọn gi ihien wé lę Jizosị k'e ku nwündon e. ¹⁶ Wé nō zijen ụmụ-azụn wé lę ndị itu Hérodụ d'a jụ a ụtaani: “Onyé-nkuzi, enyi a maringhọ n'ị wụ onyé ezioku, nị i ri a kuzi uzọ Osolobue k'o furu, nị egun ihiyan ara tụ i, y'a ra gbeiyeni ihiyan. ¹⁷ Gwa enyi nwan ihien i ro: O furughọ nị enyi kụ eze-kanị wụ Siza ugwo-isi ra o furuni?” ¹⁸ Kani Jizosị a maringuọ nị wé jụ ụtaani makeni izize e rị e ze wé. O nō sị, “Ki hajin ụnụ gi a nwan m, onu ndị ihunnai. ¹⁹ Ghosidèle ni m egho wé gi a kụ ugwo-isi hụ.” Wé nō wéhen'e akpuru ego dinariosị ohu. ²⁰ Jizosị nō sị wé, “Isi onyé lę efan onyé wụ ndinị?” ²¹ Wé nō sị, “Nke Siza ro.” 'Ya o nō sị wé, “We ni nwan ihien Siza ye Siza, ụnụ e we nke Osolobue ye Osolobue.” ²² Ogen wé gi nụ a, o tukénmę wé enya, wé nō na a tọ, pụ.

*Ajuju Banyeni Igba Onwụn Lihi
(Mak 12.18-27; Luk 20.27-40)*

²³ Uhuhin ohu huzikwo, ndị hụ imē ndị Itu-Sadusi nō bia d'e kunrun Jesu. Ndị Itu-Sadusi kweri nị ndị nwụnni a ra lihi: wé nō jụ a ụtaa, ²⁴ sị, “Onyé-nkuzi, Mozizi sị nị ‘Oméri okennye nwụnhụn bụ ọ munị nwa, nwene e 'ya luma okpoho hụ di e nwụn, keni ọ mudon ni nwene e nwụnni nwa.’ ²⁵ Ikennye esa wụ umune te rị imē enyi; nke ibuzo a lugụlụ nwunyé, o megụ, o nō nwụnhụn bụ ọ munị nwa, o nō la nwunyé e tọ, nwene e hụn e sonn'e nō luma a. ²⁶ Eriazikwo kę nke ebue ahụn mè, lę nke eto, d'e ru hụn mè wé esa, wé ile a nwụnhụnchanrin. ²⁷ Omegụ, okpoho hụ nō nwụnhụn. ²⁸ 'Ya wụ, ogen ndị nwụnni e gi nwan lihi, nwunyé onyé k'o jenkö nwan d'a wụ imē mmadụ esa hụ, ebe o mè ni wé ile lugbarị a?”

²⁹ Kani Jizosị nō za wé, sị, “Unụ e fiegwu ụzọ makeni ụnụ a marin Ehụhụ-nsø, onu amarin kę ikèn Osolobue han. ³⁰ Ogen ndị nwụnni sikọ d'e gi gha onwụn lihi, alukọ wé di lę nwunyé, eyekọ wé wé lurụ, wé jenkö d'a nō kę ndị mmón-ozi. ³¹ O mè nke iweli ndị nwụnni, ụnụ e ke gantu ihien Osolobue gwa onu imē Ehụhụ-nsø? ³² O sị, ‘Mmè wụ Osolobue Ebrahim, Osolobue Aziki lę Osolobue Jekopụ.’ Osolobue ele Osolobue ndị nwụnni, kani nke ndị rị ndụn.” ³³ Ogen igunrun hụ gi nụ nkuzi e, o tukénmę wé enya.

*Iwu Kachanrinni
(Mak 12.28-34; Luk 10.25-28)*

³⁴ Ogen ndị Itu-Farisi gi nụ nị Jesu e kpukinguọ ndị Itu-Sadusi onu, wé nō zu, buru e, ³⁵ onyé ohu imē wé wụ ọkaa-Iwu nō gi otaa shin'ẹ onyan, sị ³⁶ “Onyé-nkuzi, elee iwu kachanrin imē Iwu Mozizi?” ³⁷ O nō sị a, “‘Gi obi i ile, enwèn’* i ile lę uche i ile nwé ihien-osusụ Di-nwọnni-enyi wụ Osolobue i.’ ³⁸ Onwan wụ iwu kachanrinni lę nke ibuzo. ³⁹ Nke ebue nozị kę nke ibuzonị, o sị, ‘Ihien ibe i sikọ d'a suorirị i kę ihien enwèn i dòn a suọ i.’ ⁴⁰ Iwu ebue nị gi Iwu Mozizi ile lę ihien ile ndị-amumma ku.”

*Ajuju Banyeni Kraistị, Onyé Hụ Osolobue Tumé
(Mak 12.35-37; Luk 20.41-47)*

⁴¹ Ogen ndị hụ imē ndị Itu-Farisi gi nogbame, Jizosị nō jụ wé ụtaa, ⁴² sị, “Kinị kę ụnụ ro banyeni Kraistị? Nwa onyé k'o wụ?” Wé nō sị a, “Nwa Defidi.” ⁴³ O nō sị wé, “Nanị kę Mmón-nsø dòn nwan mè Defidi kpọ a ‘Di-nwònni-m’ ebéhụ Ehụhụ-nsø nō sị,

* Isi Nke Ebue-kwasi-ogun:37 umē-ndụn

⁴⁴ ‘Di-nwɔnni-enyi sì Di-nwɔnni-m;
nodi alí eka-nni m,
d'e ru mgbe m bugu ndi ihenren i
che okpuru uku i?’ ”

⁴⁵ “O me nwan ni Defidi kpó a ‘Di-nwɔnni-m’, eghanj k'o dòn wuru nwa Defidi?” ⁴⁶ O nwɔnni onye saeka za ihien ɔwule. O nwɔnzini onye egun ni ju a utaa ɔzø gha uhuhin hú jenme.

Isi Nke Etó-kwasi-ogun

Jizosí Sí Wé Kpachanpukwo Enya Ebe Ndí-nkuzi Iwu Lé Ndí Itu-Farisi Rí

(Mak 12.38-39; Luk 11.43-46; 20.45-46)

¹ Ya Jizosí no sì igunrun hú le umu-azuu a, ² “Ndí-nkuzi Iwu le ndí Itu-Farisi nodí alí elu Ocho-Mozizi—ya wú, uwé wú ndí a kuzi Iwu Mozizi; ³ e me ni nwan ihien ɔwule wé gwa unu, e gi n'e dòn; kale, esonkwole ni we me ihien wé rí e me. Makeni, w'a kuzi, bu w'a ra me ihien wé rí a kuzi. ⁴ W'e kénmè ibu nyinni, hún a fú orùn obubu e che ihian isi-uvun, kaní wé le enwen wé ara tìnpuđe mkpínsin-eka ohu ni wé bu ụdi ibu hú. ⁵ Wé e me ihien ile w'e me keni ihian ile hún we: wé gha e memé mkpó Filatri ahun ihian ilee deye ihien rí Ekukwó-nsø e kénmèye ezimezi ihun, e memé wé nke wé n'o hi-ogbe. Wé gha e memé Taselu ahun ihian ile a kwaye ekpere, e memézi wé nke wé n'o sue, keni ihian hún we. ⁶ O suò wé ni w'a nodí isi-oche wé gha e ri oriri; a suò wé ni w'e ye wé oche pü-ichén imé ulo-ofufe, ⁷ ni w'e kele wé ekele pü-ichén imé afia ebe ihian rí, ni w'a kpó wé ‘Onye-nkuzi.’ ⁸ Ka anílè ni ihian kpó onu ‘Onye-nkuzi,’ makéle Onye-nkuzi ohu suò kę unu nwón, umuné kę unu ile wú. ⁹ Akpokwole ni onye ɔwule rí elu-uwani ‘Nedi enyi,’ makeni Nedi ohu suò kę unu nwón, elu-igwee k'o rí. ¹⁰ Anikwole ni ihian kpó unu ‘Nna’ makeni Nna ohu suò kę unu nwón—Kraistí suò wú Nna unu. ¹¹ Onye kachanrinni imé onu, k'a wuru odibo unu. ¹² Onye ɔwule busi enwen e elu, wé sikó d'e wetu e alí; kaní onye ɔwule welua enwen e alí, wé jenkö d'e wesi e enu.”

Jizosí A Ban Mban Make Obibi Ihunnaí Wé

(Mak 12.40; Luk 11.39-42, 44, 52; 20.47)

¹³ “Kaní nsongbu rí ni unu ndí-nkuzi Iwu le ndí Itu-Farisi, ndí ihunnaí! Makeni onu a kpókin uzo Ali-eze elu-igwee: unu a banyekó, onu eyekó ndí cho ni wé banye efe banye.

¹⁴ Nsongbu rí ni unu ndí-nkuzi Iwu le ndí Itu-Farisi, ndí ihunnaí! Unu e rigbu ikpoho di wé nwún, e gi ekpere sueni e kpuke n. ‘Ya wú, onu jenkö d'a narin afunfún kaní.

¹⁵ Nsongbu rí ni unu, ndí-nkuzi Iwu le ndí Itu-Farisi, ndí ihunnaí! Makeni onu e jensonmè alí ichén-ichén, e fetude ohimin, a cho kę unu a dòn nwéhendé onye ohu hún sikó d'e kweri feme ofufe onu, kaní onye gbehutó nwan sonmè unu—unu e me e wuru nwa okun-mmón ríké unu, wükariđe unu.”

¹⁶ “Nsongbu rí ni onu ndí enya-ishi rí e duni, a sì, ‘Oméri ihian kun Ulo-nsø, o nwɔnni ihien o wú; kaní, o kun goru rí imé Ulo-nsø, o jenkö d'e mezuriri ihien o kun n'e.’ ¹⁷ Unu ndí nzuzu enya kpu ishi! Elee hún ka? Goru ra Ulo-nsø hún me goru hú rí nsø? ¹⁸ Onu a sì ni ‘Oméri ihian kun ebe wé n'a chü-ejan, o nwɔnni ihien o wú, kaní o kun oyiye rí elu e, iwu gi e, o sikó d'e mezuriri ihien o kun n'e.’ ¹⁹ Unu ndí enya-ishi! Elee hún ka? Oyiye ra ebe wé n'a chü-ejan hún me oyiye hú rí nsø? ²⁰ Onye kun ebe wé n'a chü-ejan e kunguò ebe wé n'a chü-ejan lę oyiye ile rí elu e. ²¹ Onye kun Ulo-nsø kun Ulo-nsø lę Osolobue hún bi imé e. ²² Onye kun elu-igwee kun ukpo Osolobue lę onye hú a nodí alí elu ukpo hú.”

²³ “Nsongbu rí ni unu ndí-nkuzi Iwu le ndí Itu-Farisi, ndí ihunnaí! Unu a kusonmède uzo-ohu-imé-uzo-iri ihien e me ofe a suò—ké arabasi-minti kę dilu kę kumini—bu unu a natoguò ihien ndí hú ka mkpa imé Iwu—ríké iye onye ɔwule ihien run'e lę omiken lę okukwe. O te furu ni unu e me ihien ndíni ka mkpa, bu ele hún unu e gi lató ndí ɔzø.

²⁴ Ndị enya-ishi rị e du ndị ọzọ! Ụnụ e shenpụ nzinzip rị imẹ manya, kanị ụnụ e luepụ kamelụ, anyinnyan-mkpukpuke higbu enwẹn e ogbe!”

²⁵ “Nsongbu rị nị ọnụ ndị-nkuzi Iwu le ndị Itu-Farisi, ndị ihunnai! Makeni ụnụ a chanchan azụn mkpu le afere, kale ihiẹn we gi enya-uku nwéhen le imẹ ihiẹn gunni ụnụ ya jun imẹ wẹ. ²⁶ Onye Itu-Farisi enya-ishi! Bu uzọ chanchan imẹ mkpu le imẹ afere, keni azụn wẹ hún uzọ nwuncharan.”

²⁷ “Nsongbu rị nị ụnụ ndị-nkuzi Iwu le ndị Itu-Farisi, ndị ihunnai! Ọnụ no kẹ ili we gi ihiẹn ọchan tekwame, hún magbu enwẹn e mma azụn a, kanị ihiẹn jun imẹ wẹ wụ okpukpu ndị nwénni le ihiẹn ile runi. ²⁸ Erira kẹ ụnụ rizikwo: enya ihiān, ọnụ rị kẹ ndị e mè ihiẹn Osolobue cho, kanị ihunnai le njọ jun imẹ ụnụ.”

Jizosí E Ku Oku Ikpe-omuma Lalaní Nị We (Luk 11.47-51)

²⁹ “Nsongbu rị nị ụnụ ndị-nkuzi Iwu le ndị Itu-Farisi, ndị ihunnai! Ụnụ a tun ili ndị-amuma, a chosonmè ihiẹn we tun we gi a nyangan ndị mè ihiẹn Osolobue cho mma; ³⁰ a sị, ‘Omèni enyi rị a ogen ndị nedị enyi wẹ kanị, enyi e ke son we gbu ndị-amuma!’ ³¹ Erira kẹ ụnụ gi a shiagbu enwẹn ụnụ eri nị ụnụ wụ ụmụ ndị gbu ndị-amuma! ³² Mezuchanrin nị nwan ihiẹn ndị nedị ọnụ kanị bidon! ³³ Agwo kẹ ụnụ wụ! Igunrun eju-alị! Nanị kẹ ụnụ jenkö d'e gi wanahin ikpe-omuma le afunfụn okụn-mmɔn?

³⁴ Lee n'ę nwan, m jenkö d'e ziheni ọnụ ndị-amuma, ndị marin ihiẹn le ndị-nkuzi. Ụnụ jenkö d'e gbu ndị hụ imẹ wẹ, kpogbu ndị hụ imẹ wẹ, fjan ndị hụ imẹ wẹ mkpinsin imẹ ulo-ofufe ụnụ, a chụ wẹ, e kpokpo wẹ, gha obodo d'e ru obodo, ³⁵ keni edeke ndị ezi-omume ile wẹ gbu elu-uwá hún uzọ rị ọnụ isi—gha edeke Ebelu onye ezi-omume d'e ru edeke Zekaraya nwa Barakaya, hún ụnụ gbuto imẹ Ulo-nsø—egbata Ebéhü-ri-nsø le Ukpo w'a nodị a chụ ejan. ³⁶ M rị a gwa ụnụ ezioku, agboni jenkö d'e gi isi buru ihiẹn ndịnị ile.”

Kẹ Obodo Jerusalém Ríhan Jesu Obi (Luk 13.34-35)

³⁷ “Euu Jerusalém! Jerusalém!! Obodo hún e gbu ndị-amuma, a magbu ndị we zihen'ę omuma! Mgbe ole-lẹ-ole kẹ m chopu nị m kigbama ụmụ i kẹ nneku-ohuhu don a kigbama ụmụ a e ye okpuru nku e, bụ y'a ninị m! ³⁸ Lee e, a la wẹ ulo i to okpokoro! ³⁹ M rị a gwa i ni y'a hunkozị m d'e ru ogen i sikọ d'a sị, ‘Onye hụ gi ẹfan Di-nwọnni-enyi a bia wụ onye wẹ gozi agozi.’”

Isi Nke Eno-kwasi-ogun

Jizosí E Ku E Nị Wẹ Jenkö D'e Tikpọ Ulo-nsø (Mak 13.1-2; Luk 21.5-6)

¹ Jizosí no gha Ulo-nsø pụ; ebe o puko, ụmụ-azụn a nō bia d'e kunrun e, a ghosisonmè e ulo rị ichen-ichen rị Ulo-nsø. ² Kanị Jizosí nō sị wẹ, “Ọnụ a hunguọ ihiẹn ndịnị wẹ, ele 'ya? M rị a gwa ụnụ ezioku, o nwònnoni ogbe-omuma ohu hún jenkö d'a hodụ enu ibe wẹ; wẹ jenkö d'e nutuchanrin wẹ ile ye ali.”

Nsongbu Lẹ Ukpokpo Lalani (Mak 13.3-13; Luk 21.7-19)

³ Ogen Jizosí gi nodị alị elu Ugu Olivu, ụmụ-azụn a nō bia d'e kunrun e ebe 'ya suọ nodị, wẹ nō sị, “Gwa enyi, elee ogen kẹ ihiẹn ndịnị jenkö d'e mè? Kịnjị jenkö d'a wụ ahịma ọbịbịa i lẹ nke ogugu-ogen?” ⁴ Jizosí nō za wẹ, sị, “Kpachanpụ nị enya maké w'e dufie ọnụ, ⁵ makeni ndị bu ọda jenkö d'e gi ẹfan m bia, sị, ‘Mmè wụ Kraisti.’ Wẹ sikọ d'e gi e dufie ndị bu ọda. ⁶ Ọnụ jenkö d'a nusonmè ukwere agha ndị wẹ rị a lụ, nusonmè nị agha jenkö d'a rị—kanị, anile ni egun tụ ụnụ, makeni ihiẹn ndịnị jenkö d'e mè bụ ogugu-ogen e ke ru. ⁷ Makeni alị sikọ d'a luson alị; alị-eze a luson alị-eze, ụnwụn le alị-omahihie jenkö d'a rị ebe rị ichen-ichen. ⁸ Ihiẹn ndịnị ile rikẹ ebe imẹ nōhụ mémé okpoho.

⁹ Ogèn hụ, wę jenkö d'e we ụnu ye wę nị wę ye ọnụ afunfun, wę sikö d'e gbu ọnụ; ize ụnu jenkö d'a ban ndị alị ile rị ichen-ichen maké ufiri ẹfan m. ¹⁰ Ndị bu ọda jenkö d'a danpu imē okukwe, e re ibe wę, e ze ize ibe wę. ¹¹ Ndị amuma-ntụ ndị bu ọda jenkö d'a pụha, dufie ndị bu ọda. ¹² Ufiri nị njo jenkö d'a barahị, ihien-osusuo ndị bu ọda nwę jenkö d'a juụ oyi. ¹³ Kanị onyé hụn din ndidi d'e ru njendeme jenkö d'e nwọn nzugopụha. ¹⁴ Wę jenkö d'e zi oziomma banyeni Ali-eze ghagbarị elu-uwá ile kę n'ọ wuru ọsheri ye ndị alị ile rị ichen-ichen; ogèn hụ kę ọgugu-ogèn e gi ru.”

*Arụ Hụ Hun E Buhé Ntikpọ
(Mak 13.14-23; Luk 21.20-24)*

¹⁵ “Ya wụ, ogèn ọnụ jenkö d'e gi hụn arụ hụ hụn e buhé ntikpọ k'o wuzo ebahụn rị nsọ, nöké kę onyé-amuma wụ Danelu dọn ku (onyé rị a gunni 'ya ghoha), ¹⁶ ndị rị Judia wę gbasikwọ elu ugu ndị rịsonmè ebéhụ; ¹⁷ onyé hụn rị elu ụlo y'a gha ebéhụ gbama ọso—y'e hidangukwolè banyemézi imē ụlo n'o jenkö d'e weri ihiẹn ọwule; ¹⁸ onyé hụn rị ugbo, y'e kinkwolè ụlo n'o jenkö d'e weri ewuru o yiye elu e. ¹⁹ Euu, o jenkö d'a fụ ndị rị imē lę ndị pa nw'eka orùn ogen hụ! ²⁰ Mékwo ni ekpere amamgbe ọso ụnu a wụ ogen oyi móbụ Ụhụohin Izu-iken. ²¹ Makeni oken nsongbu jenkö d'a rị, ụdị hụn rịtuleni kete uwá e bidonlę d'e ru tannị: o ke rịtu bụ ọrikozị. ²² Oméri ebeluanị wę ogèn hụ, o nwònni onyé sikö d'a wanahịnnị; kalę, wę sikö d'e gi ufiri ndị Osolobue hорi belua ogèn nsongbu ahụn.

²³ Onyé sị ọnụ, ‘Lee e, Kraistị rị ebeni!’ Móbụ ‘Lee e ebéhụ,’ ekwerikwolè ni. ²⁴ Makeni ndị kpọ enwèn wę Kraistị jenkö d'a fụha, wę lę ndị amuma-ntụ, rịnsommè ihiẹn-ahịma hi-ogbe lę oken orùn-atuménya, keni wę dufie ihijan, dufiede ndị Osolobue hорi ọwunị o te k'a nị wę me. ²⁵ Gon ni ntin! A gwatoguokwọ m ọnụ ihienni o gini d'e me. ²⁶ ‘Ya wụ, wę sị ụnu, ‘Lee e, o rị imē atu’, ejenkwolè ni; wę sị, ‘Lee e, o rị imē mmughe’, ekwerikwolè ni. ²⁷ Makeni, riké kę amuma dọn e be elu-igwere ihijan ile a hụn a—kę ndị rị ọwụwa-enyawuwun kę ndị rị ndidan enya-anwuwun—eríra kę obibia Nwa nke Ihijan jenkö d'a rị. ²⁸ Ebe ọwule ozun rị, ebahụn kę udele sikö d'a gbakikomé.”

*Obibia Nwa Nke Ihijan
(Mak 13.24-27; Luk 21.25-28)*

²⁹ “Hụn nsongbu ogèn hụ gi ghafeguhụ, enya-anwuwun jenkö d'a gba ishi, ifon etikozị; kokishịa jenkö d'a rị a gha elu-igwere a dantusommè, iken ndị rị elu-igwere jenkö d'e mēhunmè. ³⁰ Ogèn hụ kę ahịma Nwa nke Ihijan jenkö d'e gi pụha igwere. Ndị alị ile rị uwá jenkö d'a kwan ékwan ogen w'e gi hụn a. Wę k'a hụn Nwa nke Ihijan k'o rị elu orukpu elu-igwee hụn o gi lala, k'o gi iken lę ogho hi-ogbe lala. ³¹ O sikö d'e gi oken opì hanni zipu ndị mmón-ozi e jen d'e wegßama ndị nke Osolobue rị ebe ọwule—ebe ile elu-igwere ru.”

*Ihien Jesu Gi Osisi Figi Kuzi
(Mak 13.28-31; Luk 21.29-33)*

³² “Gi ni osisi figi munrun ihienni: Hụn agalaba a gihu fɔrima, y'a marìn nị udu-mirin e d'e bidon. ³³ Erírazíkwo, ogèn ọnụ e gi hụn ihiẹn ndịnị ile, ọnụ a marìn nị ogèn hụ e ruguọ, eghée, o ruguọ ọnúmuzo. ³⁴ M rị a gwa ụnu ezioku, ndị rị ogènni a gúchanrínkò ihiẹn ndịnị kebe mēzu. ³⁵ Elu-igwee lę uwá jenkö d'a ghafe, kanị oku m aghafekö.”

*O Nwònni Onyé Marìn Ụhụohin Hụ Móbụ Ogèn Hụ
(Mak 13.32-37; Luk 17.6-30, 34-36)*

³⁶ “O mē nke Ụhụohin o jenkö d'a wụ móbụ ogèn o k'a wụ Ụhụohin hụ, o nwònni onyé marinni—kę ndị mmón-ozi rị elu-igwee kę Nwa; kanị Chuku-Nédi suọ marìn. ³⁷ Obibia Nwa nke Ihijan jenkö d'a nọ kę ihiẹn mē ogèn Nua. ³⁸ O k'a rị k'o rị ogèn hụ nị oken-mirin hụ d'a bia: wę rị e ri, a ra; a lụ di lę nwunyé, e we ụmu wę e ye di a lürü—d'e ru Ụhụohin Nua banye imē ugbo-mirin hụ, ³⁹ amarin wę ihiẹn rị e meni d'e ru ni oken ide-mirin hụ a bia, gburụ wę ile. Eríra kę obibia Nwa nke Ihijan jenkö d'a rị. ⁴⁰ Ogèn hụ, ikennye ẹbụo jenkö d'a rị imē ugbo a run oran, e weri wę onyé ohu na onyé ohu tọ; ⁴¹ ikpoho ẹbụo

k'a gha a kwô ihién, e weri wé ohu la ohu tó. ⁴² 'Ya wú, munrun ní nwan énya makéni ounu amarín ụhụohin Di-nwónní-ounu lala! ⁴³ Kani, marínkwo ní ní oméni onyé nwón ulo marín ogéñ ohin gi lala iwe e imé abalí, nké o nódí che nche, o ke ní a gbukpó ulo a banhan.' ⁴⁴ "Ya wú, unu le enwén ounu sikó d'a kwademézikwo, makéle mmé wú Nwa nke Ihián lala ogéñ ounu tüléni énya."

Odibo Furu Wé Gi E Dọn Énya Ra Hun Furuléni?
(Luk 12.41-48)

⁴⁵ "Onyé wú nwan odibo hú furu ní wé gi e d'énnya, odibo ahún marín ihién, hún nna a sí lefú ezi-le-ulo a énya, n'o ye wé ihién-oriri ogéñ furuni? ⁴⁶ O jéñkó d'a rí ní odibo hú mma ówuní nna a a lúá, hún a n'ó hú e mé ihién ndí hú — ⁴⁷ m rí a gwa unu ezioku, o sikó d'e bu ihién e ile che odibo hú éka lepú énya. ⁴⁸ Kani, oméni eje-odibo hú a sí enwén e, 'Nna m e biekézi d'a lúá,' ⁴⁹ o gbumé ndí-idibo ibe e ili, e ri, a ra, 'ya le ndí-manyá, ⁵⁰ nna a jéñkó d'a lúá ụhụohin o tüléni énya a le ogéñ o marínleni. ⁵¹ o jéñkó d'a jakíka a, bu e che ebe ndí ihunnai rí, ebahún ihián jéñkó d'a nò a kwan ekwan, a ta nkwenren-eze.'

Isi Nke Isen-kwasi-ogun

Ihién Jesu Gi Igbagba Iri Kuzi

¹ "Ogen hú, ihién jéñkó d'e mé imé Ali-eze elu-igwee jéñkó d'a nò ké ebe igbagba iri nò weri ukpé wé jéñmè d'a nabanhán okénnye jéñkó d'a gba ekukwo. ² Mmadú isen imé wé wú ndí marín ihién, mmadú isen wú ndí nzuzu. ³ Makéni, ogen ndí nzuzu hú gi buru ukpé wé, ewerini wé mirin-ukpé che ni hún rí imé ukpé wé, ⁴ kani ndí hú marín ihién gi ihién weri mirin-ukpé che ni hún rí imé ukpé.

⁵ Okénnye hú rí a gba ekukwo abianí egwa, ụran nò tuma wé ile, wé nò ranhín. ⁶ Kani, o ru imé abalí, oro nò pú, sí, 'Lee n'e-o, okénnye jéñkó d'a gba ehuhuo a biaguo-o! Bia ní d'e kunrun e!' ⁷ 'Ya igbagba ndí hú ile nò lihi, fisi ukpé wé elu. ⁸ Ndí nzuzu hú nò sí ndí hú marín ihién, 'Yebeye ni ényi mirin-ukpé ounu, ní ukpé ényi rí e tinyún.' ⁹ Kani, ndí hú marín ihién nò sí, 'Mba! O zukó ényi le ounu; o ka mma ní unu jenburu ndí hún e ren'e d'e nónrin nke ounu.' ¹⁰ Ogen wé gi jenmeguu d'e nónrin mirin-ukpé; okénnye hún jéñkó d'a gba ehuhuo nò banhan; ndí hú kwademéni nò son e banye imé ebéhú wé k'a nò ri oriri agbamékukwo, wé nò gunma uzó. ¹¹ Omeguu, igbagba ndí ozó hú nò bijazikwo, sí, 'Di-okpa! Di-okpa! Kpopu uzó ní ényi banhan!' ¹² Kani o nò sí, 'M rí a gwa unu ezioku, a marín m ndí ounu wú.'

¹³ Jizosí a tagüü iluni, o nò sí wé, "Che ni nwan nche, makéni ounu amarín ụhụohin móbü ogéñ o sikó d'a wú."

Ihién Jesu Gi Idibo Etó Kuzi
(Luk 19.11-27)

¹⁴ "Ihién jéñkó d'e mé imé Ali-eze elu-igwee jéñkó d'a rí ké ebe okénnye ohu nò jéñkó alí-ihián, o nò kpó ndí idibo e, we ihién o nwón che wé éka. ¹⁵ O ye onyé ohu egho jun ekpa isen, ye hún-ebó egho jun ekpa ébuo, ye hún mé wé etó egho jun ekpa ohu—onyé-onyé ké ikéñ e han. 'Ya o nò jéñmè. ¹⁶ Onyé o ye hún jun ekpa isen nò jéñmè ozigbo, gi e zuma afia, o nò nwónhenzi egho jun ekpa isen che n'e. ¹⁷ Eríra ké onyé o ye hún jun ekpa ébuo don gi e nwónhen ekpa ébuo che n'e. ¹⁸ Kani onyé o ye hún jun ekpa ohu nò jéñmè, gu alí, zuemé egho nna a ye e.

¹⁹ O tebe, nna wé nò lúá; o nò bia ní wé gbako. ²⁰ Onyé hú o ye hún jun ekpa isen nò bia, wéhęzi egho jun ekpa isen chen'e. O nò sí, 'Nna-ényi, egho jun ekpa isen k'i ye m; lee e, e nwónhenguozi m egho jun ekpa isen che n'e.' ²¹ Nna a nò sí, 'Y'e meyeké, odibo oma, hún wé gi e d'énnya! Y'a ghosigho n'i furu ní wé gi i d'énnya imé ihién mé ntin, m jéñkó d'e tumé i n'i lepú ihién bu oda énya. Bia d'e son m ghogho.' ²² Onyé hú o ye egho jun ekpa ébuo nò bijazikwo, sí, 'Nna-ényi, egho jun ekpa ébuo k'i ye m, lee e, e nwónhengolé m egho jun ekpa ébuo che n'e.' ²³ Nna a nò sí a, 'Y'e meyeké, odibo oma we gi e d'énnya;

y'a ghosigho n'i furu ni wę gi i dọn ẹnya ebe ihiẹn mè ẹkere ri, m jenkò d'e ye i ihiẹn bu ọda n'i lepù ẹnya. Bia d'e sòn m ghogho.'

²⁴ Onyé hụ o ye ẹkpa egho ohu nọ bijazikwo, sị, 'Nna-ẹnyi, a maringho m nị obi i e zeké, n'i y'a ghori ihiẹn i kùnléni, e ri ihiẹn i rùnléni. ²⁵ Egun ri a tụ m, ya m nọ jen d'e zuemé egho i ye imẹ alị; lee e, weri ihiẹn i.' ²⁶ Kanị nna a nọ shiarị a, sị, 'Eje-odibo! Odibo lagbu enwèn è nzunzun! Y'a maringho nị m'a ghori ihiẹn m kùnléni, e kpónrin ihiẹn m ghotołeni, ele iya? ²⁷ Nké y'e bu nwan egho m cheni m imẹ ulo-egho*, m lụa, keni m weri hụn wụ nke m lè ọmụnịnwa rị n'a. ²⁸ Napụ n'a nwan egho hụ jun ẹkpa ohu, w'ę ye onyé hụ nwon hụn jun ẹkpa iri. ²⁹ Makeni onyé gi ihiẹn hụ wę ye e rụn ọrun, e yeche ni w'ę keni o nwoncheni. Kanị onyé giléni ihiẹn wę ye e rụn ọrun, a napụ w'a kę ẹkere hụn o nwon. ³⁰ Tụ nị nwan odibo eti hụ ye ishi rị ezi, ebe ihijan jenkò d'a nọ a kwan ẹkwan, a ta nkwenren-eze.'

Okinkin-ikpe Ikpazụn

³¹ "Ogen Nwa nke Ihijan jenkò d'e gi gi oghọ a bia riké eze, 'ya lè ndị mmọn-ozi ile, o sikò d'a nödị alị ukpo e nwé oghọ. ³² Wę sikò d'e wéhẹ ndị alị ile rị ichen-ichen ebe o rị; o jenkò d'a hopuha wę ohu-ohu ebe ibe wę rị, ẹriṛa onyé e du anụ dòn a hopuha atunrun ebe ewu rị. ³³ O jenkò d'e dònme atunrun ndị hụ ẹka-ihiẹn e, dònme ewu ndị hụ ẹka-ekpen e.

³⁴ Ogen hụ, eze jenkò d'a sị ndị hụ rị a ẹka-nni, 'Bia nị, ndị Nedi m gozi, weri ni Ali-eze hụ wę kwademé ni ụnu kete w'a tunlé iyetọ ụwa. ³⁵ Makeni, ogen egun gi rị a gun m, ụnu ye m ihiẹn-oriri, ẹgun-mirin a gun m, ụnu e ye m ihiẹn-örira, a wụ m otumunye, ụnu a nabanhān m, ³⁶ a gba m oto, ụnu e ye m ẹkwa, emu a kụ m, ụnu a bia d'e lee m, ogen m gi rị imẹ ulo-ngan, ụnu a bia d'a hụn m.' ³⁷ Ogen hụ, ndị ezi-omumé ahụn jenkò d'a za a, sị, 'Di-nwọn-ni-ẹnyi, ele ogen kę ẹnyi gi hụn i ke ẹgun rị a gun i, ẹnyi nọ ye i ihiẹn-oriri móbụ kę ẹgun-mirin rị a gun i, ẹnyi nọ ye i ihiẹn-örira? ³⁸ Ele ogen kę ẹnyi gi hụn i n'i wụ otumunye, ẹnyi nọ nabanhān i móbụ n'i gba oto, ẹnyi nọ yimé i ẹkwa? ³⁹ Ele ogen kę ẹnyi gizi hụn i nj emu rị a kụ i móbụ n'i rị ulo-ngan, ẹnyi nọ bia d'a hụn i?!' ⁴⁰ Eze sikò d'a za wę, sị, 'M rị a gwa ụnu ezioku, ebe ụnu nọ mè ni onyé ohu imẹ ndịnị riké sị arinị wę mkpa imẹ umuné m ndịnị iya, mmé kę ụnu mén'e!'

⁴¹ "Ogen hụ, o sikò d'a sị ndị hụ rị ẹka-ekpen e, 'Pu nị nị m ebeni, ụnu ndị wę bu-ụnu! Shi ni ọkụn itebite hụ wę kwademé ni Ekwensu lè ndị mmọn-ozi e! ⁴² Makeni ogen egun gi gun m, ụnu eyeni m ihiẹn-oriri, ẹgun-mirin a gun m, ụnu eyeni m ihiẹn-örira; ⁴³ a wụ m otumunye, ụnu anabanhannị m; a gba m oto, ụnu eyiméni m ẹkwa; emu a kụ m, a nödizikwo m imẹ ulo-ngan, kanị ụnu abianị d'a hụn m.'

⁴⁴ Wę k'a zazikwo a, sị, 'Di-nwòn-ni-ẹnyi, ele ogen kę ẹnyi gi hụn i ke ẹgun rị a gun i móbụ kę ẹgun-mirin rị a gun i móbụ k'i wụ otumunye móbụ k'i gba oto móbụ kę emu rị a kụ i móbụ k'i rị ulo-ngan bu ẹnyi eyeni n'i ẹka?' ⁴⁵ O jenkò d'a za wę, sị, 'Ezioku kę m rị a gwa ụnu, ebe o meni ụnu emeni ni onyé ohu imẹ ndịnị nöké sị arinị wę mkpa imẹ umuné m ndịnị iya, ụnu emeni ni m'e.' ⁴⁶ Wę jenkò d'e zi wę si imẹ afunfun itebite, kanị ndị ezi-omumé sikò d'e shi ndịnị itebite."

Isi Nke Isin-kwasị-ogun

E Rini Wę Jizosị Ngo

(Mak 14.1-2; Luk 22.1-2; Jon 11.45-53)

¹ Ogen Jizosị gi kugụ ihiẹn ndịnị ile, o nọ sị ụmu-azụn a, ² "Unu a maringho nị akpụ-uhuohin ebụo ghafegụ Mmemmè-Nghafe e ru. Uhuhuohin hụ kę wę jenkò d'e gi we mme wụ Nwa nke Ihijan ye wę kpogbu."

³ Ogen ohu hụ o gi rị e ku ihienni, ndị-isị nchụ-ejan lè ndị-isị rị imẹ ọgwa Kayafasị onyé-isị nchụ-ejan, e zu. ⁴ Wę nọ tüğbama iroro nị wę gi nzuzue nwunrun Jizosị gbu.

⁵ Kanị, wę nọ sị, "Elekwo ogen mmemmeni, amamgbe isusu gha rị."

* Isi Nke Isen-kwasi-ogun:27 Ika sịzi aza

*E Hukpu Wę Jizosı Uden Imę Bętani
(Mak 14.3-9; Jón 12.1-8)*

⁶ Ogęn Jizosı gi rị Bętani, iwe onyę w'a kpo Saımonu onyę-oti, ⁷ okpoho ohu nō węhe ogo-alabasta uđen ḥanranni rị imę e. O nō hu e ye Jizosı isi ebe ọ nodi alı e ri ihięn-oriri. ⁸ Kanı ogęn ume-azüün a gi hın ihięnni, iwe nō wemę wę, wę nō sị, “Eleę iwi wu ɔnwan? ⁹ Nkē w'e re uđenni egho hi-ogbe, we e ye ndi-igbęnnę.” ¹⁰ Kanı, ogęn Jizosı gi marıń ihięn wę rị e ku, o nō sị wę, “Kị hań ounu gi e ɔnɔgbu okpohoni? Ihięn rị mma k'o meni m. ¹¹ Unu le ndi igbęnnę rị ebeni ogęn ile, kalę mmę nwęen esonkọ ounu nodi ebeni ogęn ile. ¹² O gi uđenni o hukpu m kwademę olili m. ¹³ Ezioku kę m rị a gwa ounu, ebe ɔwule wę nō zi ozioma imę ụwa ile, wę jenkọ d'e ku ihięnni o me, gi e a nyahan a.”

*Judas' E Kweri N'ọ Re Jizosı
(Mak 14.10-11; Luk 22.3-6)*

¹⁴ 'Ya onyę ohu w'a kpo Judas' Iskarotu, hın wu onyę ohu imę mmadu mmębęo hụ nō jen d'e kunrun ndi-isi nchü-ejan, ¹⁵ sị wę, “Kinj kę ounu jenkọ d'e ye m omeni e we m Jizosı ye ounu? Wę nō kụ a mkpuru ego ọla (siva) iri-kwası ɔgun, ego ɔrun akpụ-uhuohin iri kwası ɔgun.” ¹⁶ Gha ogęn hụ jenmę, o nō choma oghere o jenkọ d'e gi we Jesu ye wę.

*Jizosı Lę ume-azüün A E Ri Oriri Nghafe
(Mak 14.12-21; Luk 22.7-13, 21-23; Jón 13.21-30)*

¹⁷ Uhuhuohin hụ wę gi e bidon Mmemmę ahun wę gi e ri Brędi nwonleni yisti o gi a fü, ume-azüün nō bia d'e kunrun Jizosı, jü a, sị, “Elebe k'i cho ni enyi kwademę hụn y'a nō ri Oriri-Nghafe?” ¹⁸ O nō sị wę, “O nwę okęnnę ohu m zijenkọ ounu d'e kunrun imę obodo; jenii d'a sị a, ‘Onyę-nkuzi sị, “Ogęn m e ruguo, mmę lę ume-azüün m sikọ d'a nodi iwe i mę Mmemmę-Nghafe.”’” ¹⁹ Umę-azüün nō mę kę Jizosı don zi wę, wę nō kwademę ihięn-oriri Mmemmę-Nghafe.

²⁰ O ru ogęn enyasi, Jizosı lę ume-azüün mmębęo hụ nō nodi alı e ri ihięn-oriri. ²¹ Ebe wę rị e ri ihięn-oriri hụ, o nō sị, “Ezioku kę m rị a gwa ounu, onyę ohu imę ounu jenkọ d'e re m.” ²² Efo asuozini wę ụsuo, onyę-onyę nō sị, “Elekwę mmę, Di-nwonnı-enyi, mmę rọ?” ²³ Jizosı nō sị, “Onyę hụ mę lę iya buche eka imę afere jenkọ d'e re m. ²⁴ Nwa nke İhian lakö kę wę don de banyen'e, kanı nsongbu jenkọ d'a rị ni onyę hụ jenkọ d'e we Nwa nke İhian ye wę! O te ka onyę hụ mma ni amunị w'a.” ²⁵ Judası hın sikọ d'e re e ye wę nō sị, “Onyę-nkuzi, mmę rọ?” O nō sị a, “Iyụ ku.”

*Oriri-nsı
(Mak 14.22-26; Luk 22.14-20; 1Ko 11.23-25)*

²⁶ Ebe wę rị e ri ihięn-oriri ahun, Jizosı nō weri brędi, o yeguń Osolobue ekele, o nō bebe e ye ume-azüün a, sị, “Weri ni ri, ɔnwan wu ęhiń m.” ²⁷ O nō weri mkpu, yeguń Osolobue ekele, o nō we e ye wę, sị, “Unu ile, rarışonme ni; ²⁸ makeni ɔnwan wu ędeke m, hın wę gi biye nkwerigbama ɔhun hụ Osolobue kwademę egbata iya le ndi nke e eka; ędeke m hın wę hupu ni ndi bu odata, makę mgbagharı njo. ²⁹ M rị a gwa ounu, arakozi m manyani gha mkpuru osisi vajni püha d'e ru uhuhuohin hụ mmę lę ounu jenkọ d'a razı a nke ɔhun imę Ali-eze Nedi m.”

³⁰ Ogęn wę gi buguń ebü Mmemmę-Nghafe, wę nō shi Ugu Olivu.

*Jizosı E Ku E Ni Pita Jenkọ D'a Ghori N'ọ Marın A
(Mak 14.27-30; Luk 22.31-34; Jón 13.36-38)*

³¹ 'Ya Jizosı nō sị wę, “Ukinkinni, ounu ile jenkọ d'a gba m tọ, makeni Ehuhuoh-nsı sị, ‘Osolobue jenkọ d'e gbu onyę-ndu atunrun, atunrun ile a gbayiya.’” ³² Kanı, m ghagui ɔnwun lihi, m sikọ d'e buni ounu uzı si Galili.”

³³ Pita nō sị Jizosı, “O nwonni ogęn m'e gi gba i tọ, ɔşuon'a ni ndi hodonji a na i tọ.”

³⁴ Jizosı nō sị Pita, “M rị a gwa i ezioku ni ɔkpa gini d'a kwan imę abalini, i jenkọ d'a ghori mgbe eto ni y'a marın m.” ³⁵ Pita nō sị, “Kaka, aghorikọ m, ɔşuon'a ni mmę lę 'yü jenkọ d'a nwun!” Umę-azüün ile hodonji nō kuzikwo erira.

*Jizosị E Mę Ekpere Imę Ụgbा Gesemani
(Mak 14.32-42; Luk 22.39-46)*

³⁶ 'Ya Jizosị le ụmụ-azụn a nọ si ebe w'a kpọ Gesemani. Ọ nọ sị ụmụ-azụn a, "Nodi ni alị ebeni nị mị jenzuka d'e mị ekpere." ³⁷ Ọ nọ weri Pita le ụmụ Zebedi ẹbụo, o nọ sukùrụma, obi nọ ferime e. ³⁸ 'Ya ọ nọ sị wẹ, "Obi e d'a gbawapụ m; o d'e gbu m. Nodi ni ebeni son m mü enya."

³⁹ Ọ nọ jenshi ihun erekere, tufa enwèn e ye alị, mị ekpere, sị, "Baba, omeni ọ rị nfe, nị mkpu afunfunningi ghafe m; kanị, uche i y'a mị, elẹ uche m." ⁴⁰ Ọ nọ bịa d'e kunrun ụmụ-azụn a; o hụn nị wẹ rị ụran, ọ nọ sị Pita, "'Ya wụ, onu e ri-eka son m mü enya mgbahunmị okulokụ ohu?" ⁴¹ Mü nị enya, mị ni ekpere, amamgbe ụnụ a danye imē ọnwụnwani; ezioku-ezioku, mmịon ihiyan a chogho, kanị ndịn gụụ ehu."

⁴² Ọ nọ puzi nke mgbe ẹbụo d'e mị ekpere, a sị, "Baba, omeni mkpu afunfunningi asaeka ghafe bu aranị m'a, uche i 'ya mị." ⁴³ Ọ nọ biazi ebe wẹ rị, hụn wẹ kẹ wẹ rị ụran, makele enya wẹ a nyintoguo.

⁴⁴ Ọ nọ lazi wẹ tọ, pụ d'e mị ekpere nke mgbe eto, e kuzikwo ihiyen ohu hụ. ⁴⁵ 'Ya ọ nọ bịa d'e kunrun ụmụ-azụn a, sị wẹ, "Unu rikwo ụran, e zuru iken? Lee n'ę, ogen hụ e ruguo—e we wẹ Nwa nke Ihiyan ye ndị njọ. ⁴⁶ Lihi ni nị enyi jenmę. Lee n'ę, onyę rị e reni m a biaoguo."

*A Nwụnrụn Wẹ Jizosị
(Mak 14.43-50; Luk 22.47-53; Jon 18.3-12)*

⁴⁷ Jizosị rikwo e ku okuni, kẹ Judasị hụn wụ onyę ohu imē ụmụ-azụn a mmębụo bịa. Judasị le igunrun hi-ogbe wi—wẹ bu opia-agha le egbe. Ndị-isị nchụ-ejan le ndị-isị zihę wẹ. ⁴⁸ Onyę hụn rị e ren'ę gwa wẹ ihiyen wẹ sikọ d'e gi marin Jesu. Ọ sị, "Onyę m jenko d'e gi isu-onu kele, 'ya wụ onyę hụ, nwụnrụn n'a." ⁴⁹ Ọ nọ bịa d'e kunrun Jizosị ozigbo, sị, "Uwa-oma, Onyę-nkuzi!" Ọ nọ su e onu. ⁵⁰ Jizosị nọ sị a, "Di-enyi, mị ihiyen i bịa d'e me!" 'Ya wẹ nọ kwondon Jizosị, nwụnrụn a. ⁵¹ Ozigbo, onyę ohu imē ndị wẹ le Jizosị wi nọ tịnpụ eka, sepupa opia-agha a, banpụ odibo onyę-isị nchụ-ejan ntịn. ⁵² 'Ya Jizosị nọ sị a, "Wekin opia-agha i azụn, makeni ndị ile e bu opia-agha, sikọ d'a gha opia-agha nwụn. ⁵³ I ro ni asa m eka rịo Nedi m, o zihę ni m ihiyen karị igunrun ndị mmịon-ozi agha mmębụo ozigbo? ⁵⁴ Kanị, m mị eriira, nanị kẹ wẹ jenko d'e gi męzu ihiyen ndị rị imē Ehuhuọ-nso hụn ku n'o jenko d'a rị eniṇa?"

⁵⁵ Ogen hụ kẹ Jizosị gi sị igunrun hụ, "Unu gi opia-agha le egbe bịa d'a nwụnrụn m nöké sị m wụ onyę-ohin? Uhuhohin ile m'a nodị alị imē Ulo-nso a kuzi, onu a nwụnrụn nị m. ⁵⁶ Kanị, ihiyen ndịn ile rị nwan e mị keni ihiyen ndị-amụma ku imē Ekukwo-nso męzu." 'Ya ụmụ-azụn a ile nọ na a tọ, gbama ọsọ.

*E We Wẹ Jizosị Si Ogwaa Kayafasi, Onyę-isị Nchụ-ejan
(Mak 14.53-65; Luk 22.54-55, 63-71; Jon 18.13-14, 19-24)*

⁵⁷ 'Ya ndị nwụnrụn Jizosị nọ we e jenni Kayafasi wụ onyę-isị nchụ-ejan imē ogwa a, ebe ndị-nkuzi Iwu le ndị-isị gbakikome. ⁵⁸ Kanị Pita sonko a d'e ru ọgwaa onyę-isị nchụ-ejan, bu ẹgbata wẹ te e te. Ya Pita nọ banye, son ndị-nche nodị alị keni ọ hụn njendeme ihienni.

⁵⁹ Ogenni, ndị-isị nchụ-ejan le Ndị-isị Nkikwama ile hụ a chọ ihiyen w'e gi buokin Jizosị onu keni wẹ gbu e; ⁶⁰ kanị, ahụnnị wẹ, ọsuon'a nị ndị ọsheri-ntụ puhanị bu ọda. Omegụ, mmadụ ẹbụo nọ nwan puhā, ⁶¹ sị, "Onyęni sị, 'M jenko d'a saeka tikpo Ulo-nso Osolobue, gi akpụ-uhuhohin eto tunkin e.' " ⁶² 'Ya onyę-isị nchụ-ejan nọ lihi, sị, "Y'e nwọn ihiyen i jenko d'a shiarị? Kị wụ ihiyen ndịn wẹ rị a sị nị 'ya k'i mę?'" ⁶³ Kanị, Jizosị ekuni ihiyen ọwule. Onyę-isị nchụ-ejan nọ sị a, "E gi m ęfan Osolobue hụn rị ndịn sị i gwa enyi mbụnị iyụ wụ Kraistị, Nwa Osolobue."

⁶⁴ Jizosị nọ sị a, "'Yü ku e. M rị nwan a gwa ụnụ ile nị ogenni ghafegụ, ụnụ sikọ d'a hundę Nwa nke Ihiyan ebe ọ nodị alị eka-nni Osolobue, Onyę hụn nwọn iken ile, hụnzikwo a k'ọ rị elu orukpu o gi lala."

⁶⁵ 'Ya onye-isi nchü-ejan nō tika efe hūn 'ya lē enwēn ē wū onye-isi nchü-ejan yi, sī, "O kuolé arū! Kī ἑnyi rī a chōzini ndī ὄsheri? Onū a nūguo nwān arūnī o ku!" ⁶⁶ Kīnī kē ụnū ro?" Wē nō za, sī, "Ikpe a maol'a, o jenkö d'a nwūn!" ⁶⁷ Wē nō jū a eson ihun, fian a ihiēn, ndī hū imē wē nō ma a ɔra, ⁶⁸ sī, "Iyū hūn sī nī i wū Kraistī, Onye hū Osolobue Tumē, bu amūma n'i gwa ἑnyi onye fian i ihiēn?"

Pita A Ghōrī N'ō Marīn Jizosī

(Mak 14.16-72; Luk 22.56-62; Jōn 18.15-18, 25-27)

⁶⁹ Ogenni, Pita nōdī alī ezi ogwa, 'ya nwa-agbōq wū odibo nō bīa d'e kunrun ē, sī a, "Iyū lē Jizosī onye Galili wizikwō." ⁷⁰ Kani, o nō ghōrī id'enya wē ile, sī, "Amarīn m ihiēn i rī e ku."

⁷¹ Ogen o gi si ebe wē gha a banye ezi-ogwa hū, nwa-agbōq ozō wū odibo nō hūn a, sī ndī turu ebēhū, "Onyenī lē Jizosī onye Nazarētī wī." ⁷² O nō ghōrīzī, kundē Osolobue, sī, "Amarīndē m okēnnye hū!"

⁷³ O nōbezi ekere, ndī turu ebahūn nō bīa d'e kunrun Pita, sī a, "I wū onye ohu imē wē nke-esi, asusū i e sepūhaguo i." ⁷⁴ 'Ya Pita nō kunmē Osolobue, sī, "Amarīndē m okēnnye hū." Ozigbo hū, ɔkpa nō kwan. ⁷⁵ Ya Pita nō nyanhan oku Jizosī ku, nī, "Okpa gini d'a kwan, i jenkö d'a ghōrī mgbe etō nī y'a marīn m." O nō shi ezi d'a kwan ezigbo ekwan.

Isi Nke Esa-kwası-ogun

E We Wē Jizosī Si ogwa Paileti

(Mak 15.1; Luk 23.1-2; Jōn 18.28-32)

¹ O ru ogen utuntun, ndī-isi nchü-ejan ile lē ndī-isi nō tugbamē iroro kē w'a dōn gbu Jizosī. ² Wē nō kēn e egbūn, we e jenni Paileti, onye Rom hūn wū Gōvanō rī a kīnī wē.

Judasī E Hogbu Enwēn ē

(Orun Ndi-Ozi 1.18-19)

³ Ogen Judasī hūn re e ye wē gi hūn a nī a maguō wē Jizosī ikpe-ōnwūn, o nō kwan mmanī, wekin ni ndī-isi nchü-ejan lē ndī-isi akpuru egho əla iri-kwası-ogun hū, ⁴ sī, "E meolē m njō m gi re onye nwōnlēni ihiēn o mē." Kani, wē nō sī a, "O gbashiarīnī ἑnyi; ohūn wū mkpa i!"

⁵ O nō tu akpuru-egho əla ndī hū ye alī imē Ụlō-nsō, pū d'e hogbu enwen ē. ⁶ Ndī-isi nchü-ejan nō tuturū akpuru-egho əla ndī hū; wē nō sī, "O furuni nī ἑnyi bu wē che ebe w'e dōnmē ihiēn imē Ụlō-nsō, makēni egho ədeke rō (egho-mmē)." ⁷ 'Ya wē nō tu iroro, gi e እnonrin ogige onye a kpū-ite, gi e mēmē ikpēkpē itumunyē. ⁸ 'Ya haīn wē gi a kpō ogige hū "Ogige Ədeke" d'e rukwō tannī. ⁹ 'Ya ihiēn Osolobue gi onye-amūma wū Jērimaya ku nō mēzu, nī,

"Wē nō weri akpuru-egho əla iri-kwası-ogun hū,
hūn wū onū egho ndī Izrelū kweri nī 'ya kē wē sikō d'e እnon okēnnye hū;

¹⁰ gi e እnonrin ogige Ọkpū-ite
rikē kē Onye-nwōnni-ēnyi dōn gwa m."

Paileti A Ju Jizosī Utāa

(Mak 15.2-5; Luk 23.3-5; Jōn 18.33-38)

¹¹ Ogen ihiēnni gi rī e mē, Jizosī turu ihun Paileti wū Gōvanō rī a kīdōn ni ndī Rom. Paileti nō sī, "Iyū wū eze ndī Ju?" Jizosī nō sī a, "Iyū ku." ¹² Kani, ogen ndī-isi nchü-ejan lē ndī-isi gi rī e kusonmē ihiēn ndī wē sī nī 'ya k'o mē, o gba nkintin! ¹³ Paileti nō sī a, "Y'a rī a nū ihiēn ole wē rī e ku nī 'ya k'i mē?" ¹⁴ Kani, o shiarīnī ihiēn owitz, kē akpū ohu-nke wū n'o tukēnmē Paileti wū Gōvanō enya.

A Ma Wē Jizosī Ikpe Ọnwūn

(Mak 15.6-15; Luk 23.13-15; Jōn 18.39; 19.16)

¹⁵ Ogen Mmemmē-Nghafe owitz, Gōvanō a hapu nī wē onye-ngan owitz wē cho.

¹⁶ Ogen hū, eje-ihiēn ohu ihiēn ile marīn rī imē ụlō-ngan, əfan a wū [Jizosī] Barabasi.

¹⁷ Ogen wé gi gbakikomégwu, Paileti nō sì wé, “Onye kē onu chō ní m hapú ní onu [Jizosí wú] Barabasi ra Jizosí hún w'a kpó Kraistí?” ¹⁸ (Paileti ku ihienni makeni o maringhó ní iwe kē wé gi we Jizosí wú Kraistí ye e.) ¹⁹ Ogen o gi nodí alí elu Ocho-okink'ikpe, nwunyé e nō zi ozi jenn'e, sì a, “Wepukwó eka oku onye ezi-omumé hú, makeni e giguo m ufiri e ta afunfun odata-odata imé nró tanní.” ²⁰ Ndí-isí nchú-ejan lè ndí-isí Izrelú nō nwan gwa igunrun hú wé si Paileti hapuní wé Barabasi, gbu Jizosí. ²¹ Paileti nō sizi wé, “Onye imé wé ebúo kē unu chō ní m hapú ní unu?” Wé nō sì, “Barabasi.” ²² Paileti nō sì, “Kí m'e gi nwan Jizosí hún w'a kpó Kraistí me?” Wé ile nō sì, “Kpogbu é enu obe.” ²³ O nō sì, “Kí hain? Elee eje-ihién k'o me?” Kaní wé ile e yikenmèdè, sì, “Kpogbu é elu obe.” ²⁴ Ogen Paileti gi hún ní ihién o rí e ku e nwónni isi ebe wé rí, húnzí ní isusu chokó n'o bidon, o nō weri mirin kwopu eka id'anya igunrun hú, sì, “Edeke onyení ari m eka; eka onu k'o rízi!” ²⁵ Igunrun hú ile nō sì, “Edeke é 'ya rí enyi lè umu enyi isi!” ²⁶ ‘Ya o nō hapuní wé Barabasi, o fiangwu Jizosí mkpiñsin, o nō w'e ye wé kpogbu.

Ndí-agha A Kpa Jizosí Ye Emu
(Mak 15.16-20; Jon 19.2-3)

²⁷ 'Ya ndí-agha Paileti nō weri Jizosí si imé ogwa Paileti, kpogbama itu-agha hú ile; ya wé nō fihunmè e. ²⁸ Wé nō yipu a ewuru e, yime e ewuru ñanranní e nwun ufie-roní, ufie-roní*. ²⁹ Wé nō weri agalaba osisi-ogun, gi e kpa okpu-eze, bu e che e isi, bu okpo che e eka-ihién; e gbu n'e osekpu, a kpa a e ye emu, a sì a, “Agu!! Eze ndí Ju!!”

³⁰ Wé nō jú a eson, napu a okpo hú wé te buche e eka, fianma a ya isi. ³¹ Ogen wé gi kpagwu a ye emu, wé nō yipu a ewo ufie hú, yimezi e ewuru e. Wé nō duru e d'a kpogbu elu obe.

A Kpoma Wé Jizosí Elu Obe
(Mak 15.21-32; Luk 23.26-43; Jon 19.17-27)

³² Ebe wé jenkö, wé nō kunrun onye Saírini ohu w'a kpó Saimónu, wé nō w'a y'e olu buru obe Jizosí. ³³ Ogen wé gi ru ebe w'a kpó Gogota ('ya wú Ebe-Okpokom'isi), ³⁴ wé nō ye Jesu manya wé buche olulu-anu ra, kaní, ogén o gi danmín a, o nō jú n'o rakó a.

³⁵ Ogen wé gi kpomagwu a elu obe, 'ya wé nō tū nkpo, gi e keri ewuru ndí o yi. [Onwan mē keni ihién onye-amuma ku hún üzó mēzu—makeni onye-amuma sì,

“E keri wé ekwa m,

a tū wé nkpo,

gi e keri ewuru m.”]

³⁶ Wé nō nodí alí, e che e nche. ³⁷ Wé de ihién wé gi m'a ikpe ye enu obe hú. Ihién wé de wú, “Onwan wú Jizosí, Eze ndí Ju.”

³⁸ Wé kpomazí ndí ohin ebúo che n'e, onye ohu elu obe rí eka-nni e, onye ohu elu obe rí eka-ekpen e. ³⁹ Ndí hún ghafekoní hú a kpa a e ye emu, e finfin isi, ⁴⁰ a sì, “Iyu hún jenkö d'e tikpo Ulo-nsó, gi akpú-uhuohin eto tundonzi e, zuopuha nwan enwén il! Oméni i wú Nwa Osolobue, gha elu enu obe hidan.” ⁴¹ Eríra kē ndí-isí nchú-ejan lè ndí-nkuzi Iwu lè ndí-isí donzikwo kpa a ye emu, a sì, ⁴² “O zuopuha ndí ozó, kaní o saní eka zuopuha enwén e. Iya wú eze Izrelú nü! 'Ya gha nwan elu obe hidan, keni enyi kweri n'e.” ⁴³ O tükwasí Osolobue obi; Osolobue 'ya zuopuha a nwan owitzí o suogho a. Makeni, o sì, ‘Mmē wú Nwa Osolobue.’” ⁴⁴ Eríra kē ndí ohin ndí hú wé kpogbu 'ya lè wé donzikwo kpari e.

Onwun Jizosí
(Mak 15.33-41; Luk 23.44-49; Jon 19.28-30)

⁴⁵ Efinnai hú, gha okulokú mmébúo, ogén hú enya anwun gi a rí isi, d'e ru okulokú eto, okíkí nō gba alí hú ile. ⁴⁶ Ihién ríké okulokú eto, Jizosí nō gi okén olu yi oro, sì, “Elai, Elai, lama Sabakitani?” 'Ya wú, “Osolobue m, Osolobue m, kí hain i gi la m tó?” ⁴⁷ Kaní, ogén ndí hú imé ndí turu ebahun gi nü a, wé nō sì, “O rí a hí Elaija!” ⁴⁸ Ozigbo, onye ohu imé wé nō gba oso, weri eru bìanye imé manya rú-uka, fa a ye mkpiñsin, y'e 'ya n'o ra.

* Isi Nke Esa-kwasi-ogun:28 ewuru ndí nze lè ndí-ıdafin

⁴⁹ Kanj, ndi ozò si, “Cheri ni, ni enyi lee oméni Elaija jenkò d'a bia d'a zuopuha a.” ⁵⁰ Jizosí no gi oken olu yizi oro, kwonbepu, nwunhun. ⁵¹ Ozigbo hú, ekwa wé gi gbonbepu Ebéhú kachanrin-nsó imé Ulo-nsó no bawapu ebúo, gha elu d'e ru alí. Alí no mahihie, omúma hú e tiwa; ⁵² ili ndi nwunní no kpupu, ndi nsó bu oda nwunní no lihi. ⁵³ Ogen Jizosí gi ghagú onwun lihi, wé no púha, si obodo nsó hú wú Jerusalém, ndi bu oda no hún wé ebéhú. ⁵⁴ Ogen oki-agha hú le ndi-agha 'ya ni wé rí e che Jizosí nche gi hún alí-omahihie le ihien ndi hú méri, egun no bia wé, wé no si, “Ezioku, onyeni wú Nwa Osolobue!”

⁵⁵ Ikpo ho bu oda gha Galili sonhen Jizosí e yen'e éka rízi ebahún, wé rí a gha ebe teni e lee ihien rí e méri. ⁵⁶ Ndi hú imé wé wú Meri onyé obodo Mag'dala, Meri nné Jemisi le Joseph le nné umú Zebédi.

Olili Jizosí

(Mak 15.42-47; Luk 23.50-56; Jon 19.38-42)

⁵⁷ O ru ogéenyasi, odatafin ohu w'a kpó Joseph, onyé obodo Arimatia, no bia. Okennyeni wúzikwó onyé e son uzo Jizosí. ⁵⁸ O no jen d'e kunrun Paileti, si a buye é ehú Jizosí. 'Ya Paileti no si wé buye é ya. ⁵⁹ Joseph no buru ehíhú hú; gi ekwa liné nwunni fúma a, ⁶⁰ bu é che imé ili ohun o kwademéni enwén é, hún wé gu nöké okporo ye imé omúma. O no gi omúma hi-ogbe nukin onu ili hú, pú. ⁶¹ Meri onyé obodo Mag'dala le Meri hún-ébó nodi alí bu ihun zinmè ili hú.

E We Wé Ndi-nche D'e Chedon Ili Hú

⁶² Ogen uhúohin Nkwademé gi ghafegú, o ru enyasi, ogéenyasi, uhúohin Izu-ikén gi bidón, ndi-isí nchú-ejan le ndi Itu-Farisi no zugbama d'e kunrun Paileti, ⁶³ si a, “Di-ókpá, enyi a nyanhanghó ni ogéenyasi-ntuní gi rí ndún, o si, ‘Akpu-uhúohin éto ghafegú, m jenkò d'e lihi.’” ⁶⁴ Si wé nwan d'e gbonkinkenmé ili hú ohunma-ohunma d'e ru akpu-uhúohin éto hú, amamgbe umú-azúun a abia d'e zunrun ehú a, gwama ihián ile ni, ‘O ghagú onwun lihi’; ogéenyasi hú ndufie ikpazúun hú a karí nke ibuzo njo.” ⁶⁵ Paileti no si wé, “Weri ni nwan ndi-agha; jen ni d'e chedon é ke unu sikò d'a saéka.” ⁶⁶ 'Ya wé no jenmè, kpkinkenmé ili hú, bu ndi-nche tó ebéhú.

Isi Nke Esato-kwasi-ogun

Jizosí A Gha Onwun Lihi

(Mak 16.1-10; Luk 24.1-12; Jon 20.1-10)

¹ Ogen Uhúohin Izu-ikén gi ghafegú, ogéenyasi gi fónmé nke uhúohin ibuzo imé izu-uka (hún wú nwan uhúohin Sónde), Meri onyé obodo Mag'dala le Meri hún-ébó no jen d'e lele ili hú. ² Idéenmizi, alí no mahihie oda-oda, makéni mmón-ozi Di-nwónnì-enyi gha elu-igwee bia, nupu omúma hú hi-ogbe, nodi alí elu é. ³ O hú e be nwanran-nwanran ríké amúma, ewuru é hú e nwun nöké igwére. ⁴ Egun é no bia ndi nche, ehú no mama wé nni, wé no richanrin ké ndi nwunhunni. ⁵ Kanj, mmón-ozi hú no si ikpo ho ndi hú, “Atúlé ni egun, a marínghó m ni unu rí a cho Jizosí, hún wé kpogbu elu obe. ⁶ O rízi ebeni; o lihigúo k'o dón ku. Bia ni d'e lee ebe o te ri. ⁷ Jenmè ni nwan ozigbo d'a gwa umú-azúun a, si wé, ‘O ghagú onwun lihi, o burugúo ni unu uzó si Galili; ebéhú ké unu jenkò d'a no hún al’ A gwagúokwó m unu.” ⁸ 'Ya wé no gi egun le oken ighoghó gha ili hú pú ozigbo, gbama osó d'a gwa umú-azúun a.

⁹ Idumuzi, Jizosí no kunrun wé, si, “Darú nj!” 'Ya wé no bia d'e kunrun é, fiedon é oku, fe é. ¹⁰ 'Ya Jizosí no si wé, “Atúlé ni egun, jen ni d'a gwa umuné m wé jen Galili, ebahún ké wé k'a no hún m.”

E Ye Wé Ndi-nche Egho-azúun, Si W'e Kulé K'o Me

¹¹ Ogen ikpo ho ndi hú gi jenkò, ndi hú imé ndi-nche hú no si imé obodo d'a gwa ndi-isí nchú-ejan ihien ile méri. ¹² Ogen ndi isi nchú-ejan le ndi-isí gi zugú, tágbamagú iroro, wé no ye ndi-agha hú ego hi-ogbe, ¹³ si wé, “Gwakwó ni ihián ile ni, ‘Umú-azúun a bia d'e zunrun é imé abalí ebe enyi rí uran.’” ¹⁴ Oméni onwan e ru ntín Góvanó wú Paileti, enyi

jenkö d'e mē obi ru e alị, hụn a nị nsongbu arıkònị ụnu.” ¹⁵ ‘Ya wę nō narin wę egho hụ, mē ihiẹn wę gwa wę. Echen kę wę ríkwọ a kọ akikònị imē ndị Ju d'e ru tannị.

Orun Hụ Rị Mkpa Jizosị Ye Umụ-azụn A

(*Mak 16.14-18; Luk 24.36-49; Jon 20.19-23; Orun Ndi-Ozi 1.6-8*)

¹⁶ Ya umụ-azụn mmanai hụ nō nwan si ugu hụ rị Galili, ebahụn Jizosị gwa we. ¹⁷ Ogèn wę gi hụn Jizosị, wę nō fe e, kanị ndị hụ imē wę nwọn obi-ebụo. ¹⁸ Jizosị nō jenzunhan, si wę, “E yeolé wę m ikèn ile rị elu-igwee lę elu-ụwa. ¹⁹ Jenmè ni nwan d'e mē ndị alị ile rị ichen-ichen nị wę wuru ndị e sòn ni m; e gi ni ẹfan Nedi lę Nwa lę Mmọn-nsọ e mē wę mirin-Chuku. ²⁰ Kuzi ni wę, nị wę hụn uzọ e mē ihiẹn ile m si ụnu mē. Ezie, m noye ni ụnu ogèn ile d'e ru ọgugu-ogèn.”

Ozioma Jesu Kristi Léké Ke
Makì
 Dön De È

Onyé Jénkò D'a Kwaní Kraistí Uzo
(Azaya 40.3; Malakaì 4.5; Mat 3.1-12; Luk 3.1-18; Jon 1.19-28)

¹ Ènìna kẹ ozioma banyeni Jizosì hún wú Kraistí, Onyé ahún Osolobue tumé, hún wú Nwa Osolobue dòn bidòn: ² Nòkè kẹ wé dòn de è imé èhuhùo Azaya onyé-amúma, “Osolobue sì, ‘Lee è, m rì e zi onyé-ozi m n'o buru n'i uzo, n'o kwan'i uzo.’

³ Olu onyé ohu rì a han imé atu, a sì,
 ‘Kwa nì nì Di-nwónni-ényi uzo; mémé ni uzo a n'o zinrin! ’ ”

Jonù Hun E Mè Mirin-Chuku A Kwadememé Wé Maké Obibìja Jesu

⁴ Jonù hún e mè mirin-Chuku nò púha, mama òkwa imé atu, a sì wé gha imé njó wé rogharij, keni wé me we mirin-Chuku wé gi a ghosi n'e rogharigu wé, keni Osolobue gbaghari wé njó. ⁵ Ndí ile rì ụmụ-alí ndí rísonmè Judia lè ndí Jerusalém ile hú e jen d'e kunrun Jonù, wé hú e kupúha njó wé, ọ hú e mè wé mirin-Chuku imé Iyi Jodaní. ⁶ Jonù yi ewuru wé gi énenren anu w'a kpó kamélù mémé; akpukpó-anu k'o gi kénmè ukun e. Ihién-oriri è wú igurube lè mirin-énwùn rì ofia.

⁷ O hú a sì wé, “Onyé kaní m lala m azúun, erudéni m onyé jénkò d'e hulùa alí tópù eriri akpukpó-ükü a. ⁸ M rì e gi mirin mmaka e mè ọnù mirin-Chuku, kaní, ‘ya nwéen jénkò d'e gi Mmón-nsò mè ụnù mirin-Chuku.”

Jonù E Mè Jesu Mirin-Chuku, Ekwensu A Nwan Jesu

(Mat 3.13—4.11; Luk 3.21-22; 4.1-13)

⁹ Ogèn hú, Jesu nò gha Nazaréti rì azúun Galili bia, ‘ya kẹ Jonù nò mè è mirin-Chuku imé Iyi Jodaní. ¹⁰ Hún Jesu gihú gha imé mirin púha, ọ nò hún kẹ elu-igwere kpupù, hún kẹ Mmón-nsò gi ụdí nduru hidanla, bia d'a nòkwasí a. ¹¹ ‘Ya olu nò gha elu-igwee sì, “Iyú wú ezi Nwa m; ihién i a súoka m.”

¹² Ozigbo hú, Mmón-nsò nò nu è shi imé atu. ¹³ O nò nòdì ebahún akpú-uhuhòhin ọgunnaij, iya lè eje-anu rì ichen-ichen. Ekwensu hú a nwan a; ndí mmón-ozi hú e yen'e èka.

Jesu E Bidòn Orùn A

(Mat 4.12-17; Luk 4.14-15)

¹⁴ Ogèn wé gi kpókinguù Jonù ye imé ulò-ngan, Jesu nò bia Galili d'e zimé ozioma Osolobue. ¹⁵ O hú a sì, “Ogèn e zuguo, Ali-eze Osolobue a riguo nsue! Rogharí nì, ụnù e kweri ozioma!”

Jesu A Kpòma Ndí K'e Sònn'è

(Mat 4.12-22; Luk 4.14-15; 5.1-11)

¹⁶ Ebe Jizosì ghakò mkpénren “Ohimin” Galili, ọ nò hún Saimonu lè Andùru nwéne è ebe wé rì a tụ oga e ye imé mirin ahún, makéni azún kẹ w'a kùn. ¹⁷ Jizosì nò sì wé, “Sònmè ni m, m sikò d'e mè ọnù wúrù ndí a kúha ihián ríké azún.” ¹⁸ Wé nò la oga wé tò ozigbo, sònmè è.

¹⁹ O jénsi ihun èkere, ọ nò hún Jemisi lè Jonù, ụmụ Zébedi ebe wé rì imé ugbo-mirin wé e dönzi oga wé. ²⁰ O nò kpó wé ozigbo; wé nò na nedí wé lè ndí wé we orùn tò imé ugbo, sònmè è.

Jesu A Chùpù Eje-mmón Rì Imé Okènnye Ohu

(Luk 4.31-37)

²¹ Wé nò shi obodo Kapanom; o ru Uhhohin Izu-ikèn, o nò banye úlo-ofufe rì ebèhù d'a kuzi. ²² Nkuzi e nò tû wé enya, makèlè o kuzi nokè onyè oku rì èka elè nokè ndi-nkuzi Iwu. ²³ Ogen hù dai, o nwòn okènnye ohu eje-mmòn rì imè e, hùn rì imè úlo-ofufe wé. Okènnye hù nò yi oro, sì, ²⁴ "Hapù enyi ye, k'i gi enyi e mè, Jesu onyè Nazareti? I bia d'e tikpò enyi? A marìngò m onyè i wù, yù wù Onyè-nsò Osolobue." ²⁵ Kani, Jizosì nò jugbo eje-mmòn hù, sì a, "Kpumé onu; gha imè e puhal!" ²⁶ Eje-mmòn hù nò se okènnye hù, gi okèn olu yi oro, gha imè e pù. ²⁷ O nò tû wé ile enya, wé hù a jù ibe wé, sì, "Kì wù hùnni? Onwan wù nkuzi ohun—hùn ikèn rì! O gwadé eje-mmòn oku, wé hù a gbaye e!" ²⁸ Ozigbo, otiti e nò kpogbarị egberẹ Galili ile.

*Jizosì A Zuò Ndí Bu odata
(Mat 8.14-17; Luk 4.38-41)*

²⁹ Hun Jesu gihù gha imè úlo-ofufe ahùn pù, iya le Jemisi le Jònù nò banye iwe Saimonu le Andùrù. ³⁰ Emu rì a kù nnè nwunyè Saimonu, o dinè edinè, ehù ɔkùn rì e nwun e. Ozigbo, wé nò gwa Jesu nì emu rì a kù a. ³¹ Jizosì nò jen d'e kunrun e, kwondòn e èka, weli e enu, ehìù ɔkùn hù nò hapù a; o nò lemè wé obia.

³² O ru ogèn enyasi, ogèn anwùn gi rogùu, wé nò wéhen' e ndi emu ile le ndi eje-mmòn rì imè wé. ³³ Ndì obodo hù ile e jun onùmúzò; ³⁴ Jesu nò zuò ndí bu odata emu ichèn-ichèn rì a kù, chupusonmè eje-mmòn bu odata, o ninjì eje-mmòn ndi hù ku oku makèni a marìngò wé onyè o wù.

*Jizosì E ZisònNmè Ozioma Imè Galili
(Luk 4.42-44)*

³⁵ O ru uzò-ütuntùn, ebe eki keleñi fonchanpu, o nò zopù egwa, jenmè ebe ihian rileñi, o nò nò ebèhù memè ekpere. ³⁶ Saimonu le ndi 'ya le wé wí nò chòma a. ³⁷ Ogen wé gi hùn a, wé nò sì a, "Ihian ile rì a cho i." ³⁸ O nò sì wé, "Nì enyi shizi ni obodo ndi ozò rì ehù ebeni, keni m zizikwò ozioma imè wé. Makèni 'ya wù ihien m bia d'e mè." ³⁹ O nò ghagbarị azùn Galili ile, e zisònNmè ozioma imè úlo-ofufe wé rì ichèn-ichèn, a chupusonmè eje-mmòn.

*Jizosì A Zuò Onyè-oti
(Mat 8.1-4; Luk 5.12-16)*

⁴⁰ Okènnye ohu emu oti rì a kù nò bia d'e kunrun Jesu, gbu osekpu, riòma a, sì a, "Omèni y'a chogho, nibe i saéka zuò m, a rì m ɔchan." ⁴¹ Omikèn e nò mè Jizosì, o nò tìnpu èka metù a, sì a, "A chogho m! Dìnhìn, n'i rì ɔchan!" ⁴² Ozigbo, oti hù nò gha ehù a pù, o nò rì ɔchan! ⁴³ Jizosì nò zi okènnye hù lama ozigbo, ogèn o gi dokènmèguu a èka ntìn, ⁴⁴ sì a, "A gwakwòlé onyè ɔwùlé ihienñi; ka, jen d'e we enwen i ghosi onyè nchù-ejan n'o lele i, y'e weri ihien ndi hù Mozizi ku imè Iwu gi chü-ejan, n'i gi ghosi wé nì y'a riguò ɔchan." O nò sì a lama. ⁴⁵ Kani, okènnyenì a ghagùu ebahùn pù, o nò kusonmèdè ihienñi ebe ile. O kukenmè ihienñi, nke wù nì Jesu asazinì èka pùha imè obodo ebe ihian a nò hùn a, kama, o ghasonmè azùn ihian bilení, kani wé hùzikwò a gha ebe ile a bia ebahùn d'e kunrun e.

Isi Nke Ebùo

*Jesu A Zuò Onyè-oro
(Mat 9.1-8; Luk 5.17-26)*

¹ Akpù-uhohin ole a ghagùu, Jesu nò kinhen Kapanom, o nò kpogbarị n'o rì úlo. ² Ndì bu odata nò gbakikomè, nke wù nì uzò eruzini wé, kë imè úlo kë ihun-ezi, o nwonzini ebe e ru ihian. Jesu hù a gwa wé oku-Chuku. ³ 'Ya kë ikènnye nò buhen' e okènnye ohu orò kinmin; ikènnye ènò bu e. ⁴ Makèni ahùnni wé uzò d'e kunrun Jesu ufiri nì ihian jun ebèhù, wé nò nyinrin elu úlo, be oghe ye e elu ebe Jesu wuzo. E begùu wé oghe ye e, wé nò gha ebèhù dò onyè hù orò kinmin lè ute e ye ihun Jesu. ⁵ Ogen Jizosì gi hùn okukwe wé, o nò sì onyè hù orò kinmin, "Nwa m, a gbagharigùo wé i njò i."

⁶ O nwóñ ndí-nkuzi Iwu nódísónmè alí ebahùn, wé hú e ro ihienni imé obi wé, a sì,
⁷ “Kí haín okénnye ni gi e ku énína? O rí e ku arú! Onye e ri-éka a gbagharí njó wezúka Osolobue suó!?” ⁸ Ozigbo, Jesu nò marín imé mmón ihién wé rí e ro imé obi wé. O nò sì wé, “Kí haín onú gi e ro udadí iroroni imé obi unú? ⁹ Elee hún ka nfe: isí onye-oróni, ‘A gbaghariguo wé i njó i’—ra ísi a, ‘Líhi ótò, heri ute i n’í jenmè ijen?’ ¹⁰ Kaní, ní m ghosí onú ní Nwa nke Ihián nwóñ ikéñ o gi a gbagharí njó elu-úwa.” O nò sì onye-oró hú, ¹¹ “M sì i, líhi ótò, heri ute i, lama iwe i!” ¹² O nò líhi ótò, heri ute e ozigbo, gha ebahùn pú—id’enyá wé ile; nke wú ní o tū wé ile énya, wé nò jama Chuku mma, sì, “Ényi ahùntuni ihién nò énína mbú!”

*Jesu A Kpó Livai
(Mat 9.9-13; Luk 5.27-32)*

¹³ ‘Ya Jesu nò jenmèzi mkpénren mirin Galili. Igúrunrun ihián nò fihunmè e, o nò kuzi wé. ¹⁴ Ebe o ghafekò, o nò hún Livai nwa Alifiosí k’o nódí alí ódú ndí ugwo-isi, o nò sì a, “Sónmè m.” Livai nò líhi ótò, sónmè e.

¹⁵ Ogen Jesu gi rí e ri ihién-oriri iwe Livai, ndí bu óda imé ndí a na ugwo-isi le ndí ozó wé gi njó marín hú e son Jesu le umú-azúun a e ri ihién-oriri, makéni ndí rí e son n’í bu óda. ¹⁶ Ogen ndí-nkuzi Iwu hún rí imé ndí Itu-Farisi gi hún ní ‘ya le ndí njó hú le ndí a na ugwo-isi rí e ri ihién-oriri, wé nò sì umú-azúun a, “Kí haín o gi e du ndí a na ugwo-isi le ndí ozó wé gi njó marín e ri, a ra?” ¹⁷ Ogen Jesu gi nü ihién wé rí e ku, o nò sì wé, “Ndí éhú rí ikéñ ara chò dibié, kama, ndí emu rí a kú wú ndí a chò dibié; élé ndí ezi-omumé ke m bia d’á kpó, kama, ndí njó kē m bia d’á kpó.”

*Ajuju Banyeni Ibu-ónu
(Mat 9.14-17; Luk 5.33-39)*

¹⁸ O nwóñ ogéñ umú-azúun Jónu le ndí Itu-Farisi gi rí e bu onú. Wé nò bia d’á jú Jesu, sì, “Kí haín umú-azúun Jónu le umú-azúun ndí Itu-Farisi gi e bu onú, bù umú-azúun i a ra bu?” ¹⁹ Jizosí nò za wé, sì, “Ní ndí bia agbaméhuhúo bu onú ebe okénnye rí a gba ékukwó rí imé igúrunrun wé? Mba nü! Ebe wé le okénnye hú rí a gba éhuhúo rí, ebuko wé onú. ²⁰ Kaní, ogéñ lala hún wé jéñkó d’e gi wepú okénnye hú rí a gba ékukwó imé wé, ogéñ hú, e bumé wé onú.”

²¹ “O nwóñni onye e gi ékwa öhun a kwakin ékwa akan. O gi e kwakin e, nke öhun ahún e hekapú, o tikakenmè.”

²² “O nwóñzikwóni onye e gi ihién akan a gbaye manya öhun. O gi e gbaye e, manya hú a gbawapú a, kē manya kē ihién wé gi gbaye e a la iwi. ‘Ya wú, gi nwan ihién öhun gbaye manya öhun.’”

*Ajuju Banyeni Ùhúohin Izu-ikéñ
(Mat 12.1-8; Luk 6.1-5)*

²³ Ùhúohin Izu-ikéñ ohu, Jesu ghákó imé ugbo óka witi, ebe wé ghákó imé ugbo hú, ‘ya umú-azúun a nò ghóríma óka-witi. ²⁴ ‘Ya ndí Itu-Farisi nò sì a, “Kí haín wé gi a ghó ihién ugbo Ùhúohin Izu-ikéñ, wé rí a dan Iwu.”

²⁵ ‘Ya Jesu nò sì wé, “‘Ya wú, unú agúntuni ihién Defidi mè ogéñ o gi nwé mkpa, ogéñ egún gi rí a gun iya le ndí wé ile wi? ²⁶ K’o dòn banye imé ulò Osolobue ogéñ Abiata gi wú onye-isi nchú-ejan, ri brédi-nsò hú w’è bupuhani Osolobue, hún o mè ni Iwu sì ní onye ózo eríko a mmaní ndí nchú-ejan; kaní Defidi ri e eri, yezikwó ndí ‘ya le wé wi.’”

²⁷ Ya Jesu nò nwan sì, “Make órínímmá ihián kē wé gi tumé Ùhúohin Izu-ikéñ, egini wé ufiri Ùhúohin Izu-ikéñ ke ihián. ²⁸ ‘Ya wú ní mmé wú Nwa nke Ihián wú Nna—kē ebe oku Ùhúohin Izu-ikéñ rí.’”

Isi Nke Eto

*Okénnye Éka Ohu Nwúnhún
(Mat 12.9-14; Luk 6.6-11)*

¹ Ya Jizosì nò banyezi ulo-ofufe. Imé ulo-ofufe ebahun, o nwé okènnye éka ohu nwùnhun rìn'a. ² Wé nò kemé Jesu nke ni wé hún k'o jénkò d'a zuò a Uhùohin Izu-ikèn keni wé gi è ma a ikpe. ³ 'Ya o nò sì okènnye hú éka nwùnhun, "Púha ihun ebeni." ⁴ O nò sì wé, "Elee hún kę Iwu kwadon ní wé e mé Uhùohin Izu-ikèn? Imé ihijan ihièn rí mma ra imé ihijan eje-ihièn? Izuò ihijan ra igbun'e?" Kanj a gba w'a nkintin.

⁵ Jizosì nò gi iwe lehumé wé, makèni o fufa a ní obi wé e zeké. 'Ya o nò sì okènnye hú, "Tínpú éka i." O nò tínpú a, éka a nò rí mma. ⁶ Ndí Itu-Farisi nò pü; 'ya wé ní ndí itu Hérodù nò zumé umé kę w'a don gbu Jesu.

Eje-mmón A Kòma Jizosì Ènya

⁷ Jesu lè umú-azùn a nò pü, jenmè mkpenren iyi Galili; igunrun bugbu enwén e odata nò gha Galili sonmè e. ⁸ Ndí bu odata ghazikwò Judia lè Jerusalém lè azùn nòkunmè Taya lè Sidonu bia. Ndínj bia makèni wé nù ihièn ile Jesu rí e mé. ⁹ O nò sì umú-azùn a kwademèn'e ugbo-mirin makè ufiri igunrun hú, amamgbe w'a kpangbu e. ¹⁰ Makèni ndí ile emu rí a kú rí a fufa a keni wé metù a éka, makèni o zuoguo ndí bu odata mbu. ¹¹ Ogen ówùlè ndí eje-mmón rí imé wé gi hún a, a danní w'a alí, yi oro, sì, "Iyú wú Nwa Osolobue!" ¹² O gbakenmè eje-mmón ndí hú mkpiñsn-éka, sì wé ekukwole onyé o wú.

Jizosì E Tumé Ndí-ozi Pü-ichèn Mmèbùo

(Mat 10.1-4; Luk 6.12-16)

¹³ Omegùu, Jesu nò si elu oke, kpo ndí hún o cho, wé nò bia d'e kunrun e. ¹⁴ O nò horí mmadù mmèbùo, kpo wé ndí-ozi pü-ichèn, ni wé du e nòdi, n'o zipu wé d'e zi ozioma ¹⁵ lèzikwò ní wé hún úzó nwé ikèn w'e gi a chupu eje-mmón. ¹⁶ Mmadù mmèbùo hú o tumé wú: Saimonu (hún Jesu tu Pita); ¹⁷ Jemisi lè Jònú—wé əbuo wú umú Zébèdi (ndí hún o tu "Bonagési", 'ya wú Umú Akpabó); ¹⁸ lè Andurú lè Filipu lè Batolomi lè Matiu lè Tamosì lè Jemisi nwa Alifiosì lè Tadiosì lè Saimonu hún te rí ndí gi éka-ikèn e mé ni wé chupu ndí Rom rí a kí alí wé, ¹⁹ lezi Judasí nwa Iskarotú hún re Jesu ogèn ikpazùn.

Jizosì lè Bézibò Onyé-isi Eje-mmón ile

(Mat 12.22-32; Luk 11.14-23; 12.10)

²⁰ 'Ya Jesu nò lama; igunrun ihijan nò gbakikomézi, nke wú ní 'ya lè umú-azùn a ahündéni efe ri ihièn-oriri. ²¹ Ogen ezi-lé-ulo Jesu wé gi nù a, wé nò bia ní wé weri e, makèlé wé nù kę ndí ihijan rí e kusonmè, a sì, "Era a pumaguò a!"

²² Ndí-nkuzi Iwu gha Jerusalém bia nò sì, "Onyé-isi eje-mmón ile wú Bézibò rí imé e; ikèn Bézibò onyé-isi eje-mmón ile k'o gi a chupu eje-mmón." ²³ 'Ya Jizosì nò kpozuhhan wé ebe o rí, gi ilu gwa wé oku, sì, "Naní kę Ekwensu a don chupu Ekwensu?" ²⁴ Ali-eze ówùlè kebeni, asakozi éka wuzo. ²⁵ Ikpun-ulo kebeni, asaeka turu. ²⁶ 'Ya wú, oméni Ekwensu e buguo lúmaní enwén e, oméni o kebeguo—o sakò éka turu, nke e a guguo!

²⁷ Kanj, o nwónni onyé jenkö d'a s'eka banye iwe dikèn, kíri ihièn rí iwe e mmaní o bu úzó kénmegùu a—ogen hú k'o nò saéka banye, kíri ihièn rí iwe e.

²⁸ "M rí a gwa onu ezioku, wé siko d'a gbagharí njo ile ihijan mé le eje-oku ówùlè wé ku; ²⁹ kanj agbagharíkò wé onyé ówùlè ku arù banyeni Mmón-nsò, onyé hú e meolé njo itébité." ³⁰ O ku ihiènni makèni wé rí a sì ní "Eje-mmón rí imé e."

Nnè Lé Umuné Jesu

(Mat 12.46-50; Luk 8.19-21)

³¹ Nnè Jizosì lè umuné Jizosì nò bia, turu ihun-ezi, zi ozi jénn'e, sì a bia. ³² Igunrun ihijan nodisònmè alí, fiuhmè e; 'ya wé nò sì a, "Nnè i lè umuné i ikènnye lè [umuné i ikpoho] rí ihun-ezi, a jù ukwere i." ³³ 'Ya o nò shíari wé, sì, "Onyé wú nné m? Elee ndí wú umuné-m-ikènnye?" ³⁴ O nò lehunmè ndí hú nodisònmè alí, fiuhmèn'e, sì, "Lee nnè m lè umuné-m-ikènnye ebeni! ³⁵ Onyé ówùlè hún e mé uche Osolobue wú nwènè-m-ikènnye lè nwènè-m-okpoho lè nné m."

Isi Nke Eno

Ilu Jesu Gi Onye-ugbo Ta (Mat 13.1-9; Luk 8.4-8)

¹ Jesu nō nōdị mkpēnren mirin Galili kuzimézi. Igunrun higbu enwēn e ogbe nō fihunmē e, nke wụ nị ọ nō banye imē ugbo rị imē mirin ebahun d'a nōdị ali, igunrun hụ ile nō nōdị akpakalị mkpēnren mirin Galili ebahun. ² O nō gi ilu kuzi wę ihiēn bu odata. Imē nkuzi e, o sị wę, ³ “Gon ni ntin! O nwę onye-ugbo jen d'a gha mkpuru imē ugbo. ⁴ Ogen o gi rị a gha a, mkpuru ndị hụ imē wę a danye ọkp'uzo, nnunu nō bia d'e ripu wę; ⁵ mkpuru ndị hụ imē wę a danye alị omuma, ebe ejan riłeni odata. O pupuha ozigbo, makəni o jenteni imē ejan. ⁶ Ogen anwun gi wa, o ma a, o nō shinwun, makəni mkpogun arị a; ⁷ mkpuru ndị hụ imē wę a danye imē ogun, ogun ahun nō sue, dungbu e, o mizini mkpuru; ⁸ kanị ndị hụ imē wę a danye alị rị mma, o pupuha, sue, du, mi mkpuru mmagi-mmagi: ndị hụ imē wę a bawaye uzo iri kwasi ögün, ndị hụ imē wę uzo ögün eto, ndị hụ imē wę uzo ögün isen.”

⁹ Ya o nō sị, “Onye nwọn ntin o gi a nụ ihiēn, 'ya nụ!'”

Ihiēn Hajn O Gi E Gi Ilu A Kuzi (Mat 13.10-17; Luk 8.9-10)

¹⁰ Ogen 'ya suqo gi nōdị, ndị fihunmen' e le ụmu-azụn a mmębuo hụ nō juma a nkowa ilu hụ. ¹¹ O nō sị wę, “Onu kẹ wę ye oghere ịmarin ihiēn-mini rịsonme Ali-eze Osolobue, kanị nke ndị rị ogbe, ilu kẹ wę gi a gwa wę ihiēn ile; ¹² kəni ihiēn hụ Ekukwọ-nso ku hụn uzo məzu, Ekukwọ-nso sị,

‘Wę sikọ d'e lee ilee
kalę eleghako wę uzo,
a nụ ọnunu-ọnunu
kanị aghotakọ wę,
amamgbe wę e gbehutọ d'e kunrun Osolobue,
o gbagharị wę njo wę.’”

Jesu A Kowá Ilu Hụ O Gi Onye-ugbo Ta (Mat 13.18-23; Luk 8.11-15)

¹³ 'Ya o nō ju wę, sị, “Onu aghotanị iluni? Nanị kẹ ụnu e gi nwan ghota ilu ile?” ¹⁴ Mgi onye-ugbo ahun e ku onye rị a ghaye oku-Chuku. ¹⁵ Mkpuru ndị hụ danye ọkp'uzo wụ oku ndị hụ wę ghaye, hụn o mē ni ogen wę gi nụ a, Ekwensu nō bia ozigbo d'e wefụ oku hụ wę kụn imē wę. ¹⁶ Ndị hụ wę ghaye alị omuma wụ ndị hụ nụ oku hụ, e gi wę ighoghọ nabhanan a ozigbo, ¹⁷ kanị, e nwę wę nkpopogun; w'a toḥu ekere suqo. Nsongbu mọbu ukpokpo gi ufiri oku ahun wę nụ bia, a danpụ wę ozigbo. ¹⁸ Mkpuru ndị hụ wę ghaye imē ogun wụ ndị hụ nụ oku hụ, ¹⁹ kanị ufiri nị wę rị e hue uhue banyeni ihiēn ụwanị lę ni akụ-le-uba* ụwa rị a la wę ẹnya lę ẹgun ihiēn ndị ọzo, wę ile banhan, a kpangbu wę oku hụ, o mikozi mkpuru.

²⁰ Kanị ndị hụ wę ghaye alị rị mma wụ ndị hụ nụ oku hụ, nabhanan a, mi mkpuru mmagi-mmagi uzo iri kwasi ögün, ndị hụ imē wę a bawaye uzo ögün-eto, ndị hụ imē wę a bawaye uzo ögün-isen.”

Ukpé Rị Okpuru Afere (Luk 8.16-18)

²¹ 'Ya Jizosị nō sịzi wę, “Onye e węhę ukpē e bu e e che okpuru afere, mọbu okpuru bedi? Ele enu obu-ukpē kẹ w'e bu e e che? ²² O nwònni ihiēn zuerini hụn jenkoleni d'a wa, mọbu ihiēn ọwule wę kpumé hụn jenkoleni d'a wa. ²³ Onye nwę ntin o gi a nụ ihiēn, 'ya nụ!'

* Isi Nke Eno:19 “Akụ-le-uba” kẹ wę ka a kpọ, kanị ịka a kpozị a ẹfee.

²⁴ 'Ya o nō sī wē, "E gikwō nī ihiēn ụnū nū e dōn! Mkpū i gi mayeni ihiān kē wē jēnkō d'e gi mayeni i, kanī wē sikō d'a machedēni y'ē. ²⁵ Makēni, onyē hūn nwēni kē wē sikō d'e yecheni; kalē onyē hūn nwōnlēni a napūdē w'a kē hūn o nwē."

Ihiēn Jesu Gi Ihiēn-ugbo Rī E Sueni Kuzi

²⁶ Jesu nō sīzī wē, "Ali-eze Osolobue nō kē ebe okēnnye ohu nō ghīgha mkpūru ye ali ugbo, ²⁷ jēnmē—o hū a ranhīn e tēnhin uhinhin lē effinnai, ihiēn o kūn nō pu, sue, bu okēnnye hū a marīn k'o dōn mē. ²⁸ Ali e gi ẹka a e yeni ihiēn-akunkun ẹka e sue, a mī mkpūru. O bu'zo gbapu, osisi ẹ a pūha, o mī mkpūru. ²⁹ Mkpūru karagūhū, okēnnye ahūn e weri ihiēn o gi a ghō ihiēn-ugbo banye d'a ghōma a, makēni ogēn īghō-mkpūru e ruguō."

Ilu Jesu Gi Mkpūru Mostadī Ta (Mat 13.31-32, 34; Luk 13.18-19)

³⁰ Jizosī nō sīzī, "Kīnī kē enyi e gi ma atū Ali-eze Chuku? Elee ilu kē enyi sikō d'e gi kōwa a? ³¹ O rīkē mkpūru mostadī, hūn o mē ni 'ya kachanrīn ntīn imē mkpūru osisi ile; ³² kanī wē kūn a, o sue, o hi-ogbe karī ihiēn-akunkun ndī ozo ile w'a kūnne imē ugbo. O wa agala hi-ogbe, nke wū nī nnūnū a bīa d'a kū ekpū e ye elu e."

Ilu-ilu Kē Jizosī Gi E Ku Oku

³³ Jesu nō gisōnmē ilu bu ọda nō enīna gwa wē oku-Chuku; o gwa wē kē wē a sa ẹka ghōta; ³⁴ o gwani wē oku mmaka, ilu suō k'o gi gwachanrīn wē oku; kanī, 'ya lē ụmū-azūn a suō nōdī, o kowachanrīn nī wē ihiēn ile.

Jizosī A kūsī Ebiri-mirin (Mat 8.23-27; Luk 8.22-25)

³⁵ Ogēn enyasī ụhūohīn hū, Jizosī nō sī wē, "Nī enyi fetu ni azūn mirinni hūn-ebō." ³⁶ 'Ya wē nō latō igaunrun ahūn; ụmū-azūn nō banye imē ugbo hū hūn Jizosī lē enwēn e rī imē e, wē lē 'ya nō gi ugbo ahūn jēnmē. O nwēzikwō ugbo ndī ozo sōn Jesu. ³⁷ Idēnmizi, okēn ẹbi nō kpōma, ebiri-mirin nō kpōnbanma imē ugbo hū, nke wū nī mirin e d'e jun imē ugbo. ³⁸ Kanī Jizosī rī ibe azūn imē ugbo ahūn, bu isi kwasī ofi-isi, a ranhīn ụran. Ụmū-azūn a nō kpōtiēn e, si, "Onyē-nkuzi, y'a hūn'a nī enyi e d'a nwūnhūn!"

³⁹ Jizosī nō tēnhin, jugbō ẹbi hū, si "ohimin" hū, "Kūsī! Mē jū!" Ẹbi ahūn nō kūsī, ụzō ile nō mē rajū. ⁴⁰ Ya Jesu nō sī ụmū-azūn a, "Kī hain egun gi a tū ọnū? Ụnū e ke nwēkwō nwan okukwe?"

⁴¹ Egun nō tūma wē ọda-ọda, 'ya wē nō jūma ibe wē, si, "Onyē wūdē ọnwan, o gi mē ni kē ufere kē ohimin a gbaye e?"

Isi Nke Isen

Jesu A Zuō Okēnnye Eje-mmōn Rī Imē e (Mat 8.28-34; Luk 8.26-39)

¹ Wē nō fetu mirin Galili, pūha obodo ndī Gērasa (Gadara)*.

² Hūn Jizosī gihū gha imē ugbo hidān, 'ya okēnnye ohu eje-mmōn rī imē e nō gha ikpēkpē pūha d'e kunrun e. ³ Ikpēkpē ebahūn k'o bi; o nwōnni onyē e ri-ẹka e gbōndōnn'ē, ọsuon'a nī wē gi ēgan kpōma a. ⁴ Makēni mgbe ole-lē-ole kē wē te gipū ēgan kpōma a ụkū lē ẹka: o tibepū ēgan ndī ahūn, o kpagipū igwe ndī ahūn rī a ụkū. O nwēzini onyē a saéka e kwōndōnn'ē. ⁵ O wahanmē ikpēkpē lē elu ugu rīsonmē ebēhū, e yi oro, e gi ọmūma a dōkīka enwēn e ehū, kē ukinkin kē effinnai.

⁶ Ogēn o gi lecheni Jesu, 'ya o nō gbaburu e, gbur'ē osekpu. ⁷ O nō gi okēn olu yikenmē oro, si, "K'i sikō d'e gi m mē Jesu Nwa Chuku, Chuku Hūn Kachanrīnni? E gi m efān Osolobue rīo i, eyele m afūnfūn!" ⁸ O ku ihiēnni makēni Jesu a sīgūl'a, "Iyū wū eje-mmōn, gha imē okēnnye ahūn pūha!"

* Isi Nke Isen:1 mōbu: Gegasa

⁹ 'Ya kę Jesu nō jü a, sì, "Kì wü ęfan i?" O nō shiarì, sì, "Ęfan m wü Igunrun, makélé ęnyi bu oda." ¹⁰ 'Ya o nō rıokénmę Jesu y'a chupulę wę imę egberę hụ.

¹¹ Ogen hụ, o nwę igwee ezin rị a kpa nni elu oke nokunmę mkpénren ohimin hụ, ehu ebahun wę rị. ¹² Eje-mmón ndị hụ nō rıo a, sì, "Chụ ęnyi yesonmę imę ezin ndịn; nị ęnyi ban imę wę." ¹³ O nō nị wę; 'ya eje-mmón ndị hụ nō gha imę okennye hụ püha, banyesonmę imę ezin ndị hụ, ezin ndị hụ ile nō gi ọso kpoto, zunban imę mirin Galili ebahun, ragbu enwèn wę. Ezin hụ ile rị ihiēn nöké nnü isen.

¹⁴ Ndị-ndu ezin ndị hụ nō gbajenmę d'a gwa ndị obodo wę lę ụmu-alị ndị rị egberę hụ ihiēn mèni. Wę ile nō püha d'e lee ihiēn mèni. ¹⁵ 'Ya wę nō bia d'e kunrun Jesu; wę nō hụn onyę hụ igunrun eje-mmón te rị imę e: o nödihü alị, o yi hụ ekwa, o gi hụ ezigbo uche e—egun nō tu wę. ¹⁶ Ndị o mè ẹnya nō gwa wę ihiēn mè okennye hụ eje-mmón te rị imę e lę ezin ndị hụ.

¹⁷ 'Ya wę nō rıoma Jesu n'o gha egberę wę pü.

¹⁸ Ogen Jesu gi banko imę üğbø, okennye hụ eje-mmón te rị imę e nō rıo a n'o sonmę e.

¹⁹ Kani Jesu nō jü, sì a, "Laburu ndị nke i d'a gwa wę oken ihiēn Osolobue mèni i, lę k'o mèhan n'i omiken."

²⁰ 'Ya okennye ni nō pü, ghagbama obodo iri hụ nogbamanị w'a kpø Dikapolisi, a gwa wę ihiēn Jesu mèn'e. O nō tu wę ile nü n'a ẹnya.

Jesu A Zuo Okpoho Ihiēn Rị A Gba, Kpötien Nwata Nwùnhunni

(Mat 9.18-26; Luk 8.40-56)

²¹ Ogen Jizosì gi gi üğbø-mirin fetuguzi mirin ahụn, kinhenzi azụn hụn-ebø, igunrun hi-ogbe nō fihunmę e mkpénren mirin ebahun. ²² Onyę ohu w'a kpø Jairosi, hụn wü onyę ohu imę ndị-isì ulo-ofufe nō bia; ogen o gi hụn Jesu, 'ya o nō danni Jesu ali; ²³ rıokénmę e, sì, "Emu rị a kụ nwa m okpoho hụnta, o d'a nwụn. Dodo bia d'e bu eka i kwasi a, zuo a, keni o rị ndịn!"

²⁴ Ya Jizosì nō sonmę e. Igunrun hi-ogbe nozì sonmę wę, wę ile hụ a fufa Jizosì.

²⁵ Imę igunrun hụ, o nwę okpoho ihiēn rị a gba kete ahụa mmebu. ²⁶ O hunjunguo ẹnya eka ndị idibie, d'e ru ni ihiēn a guụ a eka, kanị, hụn nké o gi dìnhịn, o hude a jowaye njo. ²⁷ Makeni o nügụo banyeni Jizosì, o nō gha azụn nokunmę Jizosì imę igunrun hụ, metụ ekwa a eka; ²⁸ makeni o si enwèn e, "Omèni m k'a sahụ eka metụ ekwa a eka, m sikø d'a rị mma." ²⁹ Hụn o gihu metụ ekwa Jesu eka, ihiēn rị a gban'a nō kusị ozigbo—kे ehu dòn mè e, o nō marìn n'o dìnhinguo. ³⁰ Ozigbo, Jesu nō marìn nị ikèn a ghaole imę e pü, o gbehutu imę igunrun hụ, sì, "Onyę metụ ekwa m eka?"

³¹ Ụmu-azụn a nō si a, "I hụ a hụn igunrun ihiēn rị a fufan'i, y'a jumazi 'Onyę metụ m eka?'" ³² Kani Jizosì hukwo e lehunmę ẹnya n'o hụn onyę o wụ. ³³ Makeni okpoho hụ a maringuo ihiēn mè n'e, ya o nō gi egun le ehü-omuma-nni bia d'a danni Jesu ali, gwapuchanrin a ezioku. ³⁴ Jesu nō si a, "Nwa m, okukwe i e meguo i dìnhịn; lama, udòn 'ya rị nị i, dìnhincthanrin imę nsongbu i."

³⁵ Ebe Jizosì rıkwø e ku, ndị-ozi nō gha iwe Jairosi bia, sì a, "Nwa i a nwùnhunguo, k'i nozì e songbuni onyę-nkuzi?" ³⁶ Kani, ogen ihienni wę rị e ku gi feban Jesu ntìn†, o nō si Jairosi, "Atule egun, ka kwerihü!"

³⁷ Jesu aninj ndị ọzo sòn e karì Pita lę Jemisi lę Jönü nwènè Jemisi. ³⁸ Ogen wę gi ru iwe onyę-isì ulo-ofufe hụ wü Jairosi, Jesu a hụn oken isusu lę ndị rị a kwan ekwan, e goshi elu.

³⁹ Ogen o gi banye imę ulo, o nō si wę, "Kì wü isusuni? Kì onu rị a kwannị? Nwata ahụn a nwùnhunni, o rihü ụran!" ⁴⁰ 'Ya wę nō mümä Jesu emü. Kani, ogen o gi chupuguu wę ile ezi, o nō weri nedị lę nnę nwata ahụn lę ụmu-azụn a eto ahụn ya lę wę wi, wę ile nō wiri banye mmughe ebe nwata hụ dinę. ⁴¹ 'Ya o nō kwondon nwata hụ eka, sì a, "Talita, kum!" 'Ya wụ, "Nwata okpoho, m si i lihi!"

† Isi Nke Isen:36 móbụ: Kani, Jesu egondeni ntìn ihiēn wę rị e ku.

⁴² Ozigbo, 'ya nwata ahụn nō lihi oto, jehunmeme. (Nwata hụ wụ nwa ahụa mmębụ.) O nō tükemē wę ile enya. ⁴³ Jesu nō dökemē wę eka ntin, sị wę a gwakwolę onyę owitz ihien məni, o nō sị wę, ye nwata hụ ihien-oriri ri.

Isi Nke Isin

Ndị Obodo Nazareti A Ju Jizosi
(Mat 13.53-58; Luk 4.16-30)

¹ Jizosi a gha ebęhụ pụ, o nō si obodo e wụ Nazareti*, ụmu-azụn a nō sonmę e. ² O ru Uhuohin Izu-ik'en, o nō kuzime imę ulo-ofufe. O tu ndị bu odata rị a nụn'a enya, wę hụ a sị, "Elebe kę okennye ni nwoñhen ihien ndinị ile? Ele amamihien wụ hụnni wę ye e? Elebe k'ọ nō nwoñhen ik'en o gi a rụn oken ɔrun-atumenia ndinị o rị a rụn? ³ Ọnwan elep Kapinta, nwa Meri? Ọnwan elep nwene Jemisi le Josisi† le Judas le Saimonu? Elep enyi le umune-e-ikpoho rị ebeni?" ⁴ 'Ya kę izize e nō ban wę, wę nō legberi e.

⁴ Jizosi nō si wę, "W'a gbaye onyę-amuma agbaye ebe owitz wezuka imę obodo e le ebe ndị nke e rị le imę ezi-le-ulō a."

⁵ O sanị eka rụn ɔrun-atumenia ebęhụ, karị ndị buleni odata emu rị a kụ o bu eka kwasi zuo. ⁶ O nō tu a enya nị enwę wę okukwe.

Jesu E Zipụ Ụmu-azụn Mmębụ Hụ
(Mat 10.5-10; Luk 9.1-6)

'Ya kę Jesu nō jensonmeme obodo-obodo mesonmę ekere-ekere rị egberę hụ, a kuzi wę. ⁷ O nō kpo ụmu-azụn a mmębụ hụ, zipụ wę mmadụ ębụ-ębụ, ye wę ik'en w'e gi a chupụ eje-mmモン. ⁸ O si wę, ụnu jenkoni, ewerile ni ihien owitz karị ọkpọ: ewerile ni ihien-oriri mọbụ egħo, ebulé ni ękpa. ⁹ Yiri ni akpukpoo-ukụ; ka ewerile ni ęwo ọzọ che ni hūn onu yi. ¹⁰ O sizi wę, "Ulō owitz onu banye, nodi nị ebahụn d'e ru mgbe ụnu gha obodo hụ pụ. ¹¹ Kanị, obodo owitz nabanhaneli ụnu, mọbụ ju nị egonkọ wę onu ntin, ụnu pukoni, kpkupupu nị ejan rị onu ukụ toni wę. Iya jenkọ d'a wuru ihien w'e gi shiagbu wę eri."

¹² 'Ya wę nō jenmę d'e gwasonmę wę roghari; ¹³ a chupusonmę wę eje-mmモン bu odata, a tankpu ndị emu rị a kụ udęn olivu, a zuo wę.

Onwụn Jönü Hun E Mę Mirin-Chuku
(Mat 14.1-12; Luk 9.7-9)

¹⁴ Eze wụ Herodụ nō nü ihien ndinị Jesu rị e me—makeni ęfan Jesu a kpogbariolę. O nwę ndị rị a sị, "Jönü hụn e mę mirin-Chuku rọ, o ghaguo onwụn lihi, 'ya hajin o gi nwę ik'en o gi a rụn ɔrun-atumenia ndinị." ¹⁵ Ndị hụ imę wę sị, "Elaija rọ." Ndị ọzọ sị, "Onyę-amuma rọ—rikę ndị-amuma mbụ." ¹⁶ Kanị, ogęn Herodụ gi nü a, o nō sị, "Jönü hụn m bepụ isi a ghaolę onwụn lihi."

¹⁷ Herodụ ku enjina makeni Herodụ le enwén e zi wę d'a nwụnrụn Jönü, kẹn e egbun, kpokin e ye ulo-ngan, makę ufiri Herodiası nwunyę nwene Herodụ wụ Filipu, hụn Herodụ jen d'a luma; ¹⁸ ufiri ni Jönü sị Herodụ, "Iwu ekwerini n'i weri nwunyę nwene i luma; i rị a dan Iwu Osolobue." ¹⁹ Ize Jönü nō zemę Herodiası; o te cho n'o gbu Jönü, kale ọ sanị eka. ²⁰ Egun Jönü a tu Herodụ makeni Herodụ a maringhọ nị Jönü wụ onyę ezi-omumę le onyę rị nsọ, Herodụ anjinị wę gbu e. O suọ Herodụ n'o gon ntin oku Jönü osuon'a n'o gbu e mgbu obi ogęn owitz o gi nü a.

²¹ Omegụ, efe nō puhanị Herodiası uhuohin hụ wę gi a nyanhan ọmụmụ Herodụ. O ru uhuohin hụ, Herodụ nō kpo oriri hi-ogbe. Ndị o kpo 'ya wụ oriri wụ ndị-isị Ọrun-ebو le ndị ọkị-agha, le ndị wę marin amarin imę Galili. ²² Ogęn nwa Herodụ okpoho hụn w'a kpo Herodiası‡ gi püha, tenu egwu, o nō suọ Herodụ le ndị-obja a usuq odata-odata; Herodụ nō sị nwata hụ, "Rię m ihien suọ n'i, m jenkọ d'e ye i y'e." ²³ O nō kun iyi, sị, "Ihien owitz i rịo m, m sikọ d'e ye i y'e, osuon'a n'i sị m kebe ali-eze m uzọ ębụ ye i azụn ohu."

* Isi Nke Isin:1 obodo o nō sue † Isi Nke Isin:3 Joseph ‡ Isi Nke Isin:22 mọbụ: nwa Herodiası okpoho

²⁴ Nwata okpoho hụ nō jen d'a jụ nn̄e e, sị, "Kịnị kẹ m sikọ d'a rịo?" Nn̄e e nō za a, sị, "Isi Jọnụ hụn e mē mirin-Chuku." ²⁵ Ozigbo, o nō gbakin-azụn buru eze, sị a, "M chọ n'i gi mgbadon[§] ye m isi Jọnụ hụn e mē mirin-Chuku kikeni!" ²⁶ Ihienni nō fụ eze, kanị, make iyi o kun lẹ ndị obia a, o chonị n'o sị nwata-okpoho hụ mba. ²⁷ O nō zi onye-agha imē ndị rị e dun'e e che e nche jen d'e behẹ isi Jọnụ. Onye-agha hụ nō jen imē ụlo-ngan, bepụ Jọnụ isi. ²⁸ O nō gi mgbadon buhẹ e, bu e ye nwata-okpoho hụ, nwata-okpoho hụ nō bu e jen ni nn̄e e. ²⁹ Ogen umu-azụn Jọnụ gi nụ ihienni, wẹ nō bia d'e buru ẹhụ a li.

Jesu E Ye Igunrun Hi-ogbe Ihien-oriri

(Mat 14.13-21; Luk 9.10-17; Jón 6.1-14)

³⁰ Ogen ndi-ozи hụ pụ-ichen gi lụa, wẹ nō fihunme Jizosi; wẹ nō gwa a ihien ile wẹ rụn lẹ ihien ile wẹ kuzi. ³¹ O nō sị wẹ, "Puha nị, nị enyi si ebe ihiān bileni keni ụnụ zu ikēn ekere!" (O ku ihienni makeni ndi bu ọda rị a bia, a la, nke wụ nị Jesu lẹ umu-azụn a ahündeni efe ri ihien-oriri.) ³² Iya lẹ wẹ suọ nō banye ụgbọ-mirin si ebe ihiān bileni. ³³ Ndị bu ọda hụn wẹ kẹ wẹ jeniko, wẹ nō marin nị uwę ro, ya wẹ nō gha obodo rị ichen-ichen weri ụkụ gbama oso, buni wẹ ụzọ ru ebahụn. ³⁴ Ogen Jesu gi gha imē ụgbọ puha, o hụn igunrun ahụn hi-ogbe, omiken wẹ e jun e obi, makeni wẹ nō kẹ atunrun nwonleni onye-ndu, o nō kuzime wẹ ihien bu ọda.

³⁵ Ogen eki gi gime, 'ya umu-azụn a nō bia d'e kunrun e, sị, "O nwonnri onye bi ebeni enyi rị bu ohịhi a gbamaguo; ³⁶ gbashia ndịnị nị wẹ shi ali-ofia lẹ obodo ndi mesonme ekere-ekere rị ẹhụ ebeni d'e nōnrin ihien wẹ jeniko d'e ri." ³⁷ Jesu nō sị wẹ, "Onu lẹ enwen ụnụ, ye ni wẹ ihien wẹ sikọ d'e ri." Wẹ nō jụ a, sị, "Nị enyi hụn egho orun akpụ-uhuohin ogun-iri nōnye ndịnị ile brédi wẹ k'e ri?" ³⁸ Jesu nō sị wẹ, "Ogbe brédi ole kẹ onu gi? Jen ni d'e lele e." Ogen wẹ gi lelegụ a, wẹ nō sị a, "Ogbe isen lẹ azun ẹbuo." ³⁹ O nō sị wẹ gwa ndi hụ nōdị ali okudu-okudu elu irurue ndun rị ebéhụ.

⁴⁰ Ndị hụ nō nodisonme okudu-okudu: ndị hụ imē wẹ madụ ogun-isen, ogun-isen, ndị hụ imē wẹ iri-kwasi-ogunnai, iri-kwasi-ogunnai. ⁴¹ O nō wesi ogbe brédi isen hụ lẹ azun ẹbuo hụ enu, lee enya elu-igwee, ye Osolobue ekele. O nō bebe brédi ndi hụ buye umu-azụn a d'e ye wẹ. O nō kebezirkwo nị wẹ azun ẹbuo ndi hụ.

⁴² Wẹ ile nō rijunchanrin efo. ⁴³ Ogen wẹ gi tutukomegụ brédi lẹ azun wẹ rihodu, o jun ükpalị mmebu. ⁴⁴ Ikennye rị imē ndi ri ihien-oriri hụ wụ mmadụ ogun-iri kwasi nn̄u-mmebu, 'ya wụ nn̄u-uku isen.

Jesu E Jen Ijen Elu Mirin

(Mat 14.22-23; Jón 6.15-21)

⁴⁵ Jesu nō zipụ umu-azụn a ozigbo, sị wẹ banye imē ụgbọ keni wẹ bu n'e ụzọ si Bésaidia hụn rị azụn ohimin hụ hụn-ebó. 'Ya nwén nké nō gbashia igunrun hụ. ⁴⁶ Ogen o gi gbashiagụ wẹ, o nō si elu ugu d'e mē ekpere. ⁴⁷ O ru ogen enyasi, ụgbọ e ru etintinnai mirin ahụn bụ Jesu suọ rị akpakalị. ⁴⁸ O nō hụn a n'o rị a fụ wẹ orun inyanshi ihun makelé ufere rị e bukin wẹ azụn. Ihien riké okulokụ eto ụtuntụn, o nō jenhen ijen elu mirin d'e kunrun wẹ. O te k'a ghafe wẹ. ⁴⁹ Ogen wẹ gi hụn a k'o jeniko ijen elu mirin, wẹ ro ni onye-mmモン ro, 'ya wẹ nō yi oro — ⁵⁰ makeni egun tuma wẹ kẹ wẹ ile hụn a. Jesu nō kuye ni wẹ oku ozigbo, sị, "Mmē ro, atulé ni egun!" ⁵¹ Ya o nō banye ni wẹ imē ụgbọ, ufere hụ nō kusi. O nō tukemne umu-azụn a enya, makeni ⁵² aghotani wẹ orun-atumenna ahụn o gi brédi hụ rụn, makeni obi wẹ ze eze.

Jesu A Zuọ Onye Emu Rị A Kụ Imē Genesareti

(Mat 14.34-36)

⁵³ Ogen wẹ gi fetugụ "ohimin" hụ, e ru wẹ obodo Genesareti, wẹ nō limē ụgbọ-mirin wẹ ebéhụ. ⁵⁴ Ozigbo wẹ gha imē ụgbọ-mirin puha, ndị rị ebéhụ nō marin nị Jesu ro. ⁵⁵ Wẹ nō gi oso ghagbamé egberé hụ ile, e gi ute e buhẹ ndị emu rị a kụ ebe ọwule wẹ nụ nị 'ya k'o rị. ⁵⁶ Ebe ọwule Jesu jen—kẹ obodo mē ntin kẹ hụn shia-efo kẹ ali-ofia, wẹ hụ e bu

ndî emu rî a kû a tô imé afia, a rîo Jesu nî wé mëtuhû ntin ewuru e éka; ndî ile hûn mëtû a éka nô dînhîn.

Isi Nke Esa

Ođinali Ndî Nëdi Kanî (Mat 15.1-9)

¹ Ndî Itu-Farisi lê ndî hû imé ndî-nkuzi Iwu hûn gha Jerusalem bia nô fihunm   Jesu.
² W   hûn a nî ndî hû imé umu-az  un a rî e gi éka runi e ri ihi  n-oriri, ya w  , éka w   kw  lo  ni k   w   d  on a kw  .

³ (Mak  ni ndî Itu-Farisi lê ndî Ju ile ara ri ihi  n-oriri mman   w   kw   éka hûn w   gi e d  onm   enw  n w   ns  . W  e gi e e m  ezu om  nal   ndî n  di w   kanî; ⁴ w   gha afia l  a, erik   w   ihi  n   w  l  e mman   k   w   chanchangu   enw  n w  ; * o nw  nsonm  zi im  erinm   ihi  n w   me hûn w   gi e d  onm   om  nal  ; k     chan  han mkpu, ite, l   e ihi  n ndî   z   w   gi igwe m  m  , hûn w   gi e shi ihi  n-oriri l   e ihi  n w   gi e din  .)

⁵ Ya ndî Itu-Farisi lê ndî-nkuzi Iwu ah  n nô nwan j   Jesu ajuju, si, “K   hajin umu-az  un i gileni e d  onm   om  nal   ndî mb  , e gi éka runi e ri ihi  n-oriri?”

⁶ O nô s  i w  , “Ezioku k   Azaya ku banyeni   n  u ndî ihunna   eb  eh   w   nô de e ni:

‘Nd  ni gi   gb  on-  n  u
a gbaye m,
kal   obi w  
e tek   ebe m r  ;
⁷ ofufe olal’iwi
k   w   r   e fe m,
w’â kuzi om  nal   ihi  n tum  
nok   si Iwu Osolobue ro.’

⁸ On   e bu Iwu Osolobue che   us  o, kw  onk  enm   om  nal   ihi  n.”

⁹ O nô s  i w  , “On   mar  n k     n  u d  on a kpachanpu   nya a lat   Iwu Osolobue, k  ni on   h  n   z  o e d  onm     d  inali   n  u! ¹⁰ Mak  ni, Mozizi si, ‘Gb  ye n  di i l   nn   i’, s  izi, ‘Ony     w  l  e kpari n  di e m  ob   nn   e, w   k  e gburir   a.’ ¹¹ Kan  ,   n  u s  i nî ony   s  ihu n  di e m  ob   nn   e, ‘E weg  o m ihi  n n  k   m’   ye i ye Osolobue oyiy  ,’ ¹² oh  un e hig  o,   n  u a n  ko  zi a m  ni n  di e m  ob   nn   e ihi  n   w  l  e. ¹³ En  ina k     n  u gi e m   oku Osolobue a pazil   ire k  ni on   h  n   z  o ched  n om  nal     n  u a kuzi.   n  u e mesonm  zi ihi  n bu   da n   en  ina.”

Ihi  n Ndî E M  r  u Ihi  n (Mat 15.10-20)

¹⁴ Jesu n   kpozunhanzi igunrun h  , s  i w  , “On   ile, gon ni m ntin, nî   n  u gh  ta: ¹⁵ O nw  nni ihi  n a banye im   ihi  n h  n e m  r  u’  . Kama, ihi  n gha im   ihi  n p  uha w   ihi  n e m  r  u’  .” ¹⁶ [Ony   nw   ntin o gi a n   ihi  n y’  a n  .] ¹⁷ Ogen o gi na igunrun h   t   banye im   ul  , ‘ya umu-az  un a n   s  i a k  owa nî w   ilu h  . ¹⁸ ‘Ya o nô s  i w  , “Ya w  ,   n  u l   enw  n on   aghotazikw  ni?   n  u aghotani nî e  le ihi  n banye im   ihi  n e m  r  u a?

¹⁹ Mak  ni o banyeni im   obi e, kan  , im   efo a k  o banye, o gha erira shi mgbugbu-ns  n.” (O gi ihi  nni ku ni ihi  n-oriri ile r   ochan[†].) ²⁰ O nô s  izi, “Ihi  n gha im   ihi  n p  uha w   ihi  n e m  r  u’  . ²¹ Mak  ni, im   ihi  n, im   obi ihi  n, k   ihi  n nd  ni gha a p  uha: eje-iroro,   d  i ugher   r   ichen-ichen, izun-ohin, igbu-och  , ²² ina-nwuny  -ihi  n l   e izo-uk  -eye-ofia,   nya-uku, im   ihi  n-ifenren, ndufie, obibi ‘mm  -nw  n-enw  n-m,’   nya-uf  , nkuto, mpache l   nzuzu. ²³ Im   ihi  n k   eje-ihi  n nd  ni ile a gha a p  uha, e m  r  u a.”

Okukwe (Mat 15.21-28)

* Isi Nke Esa:4 ...w   gha afia l  a, erik   w   ihi  n   w  l  e mman   k   w   chanchangu   enw  n w   k   w   d  on a chanchan gi d  onm   enw  n w   ns  . † Isi Nke Esa:19 Ya w   nî w   jenk   d’   a sa  ka ri w   ile.

²⁴ Jizosị nō gha ebēhụ buli, shi egberẹ Taya. Ọ nō banye imē ụlo ohu; o te chonị nị onyé ọwule marịn n'o rị ebahụn, kanị ọ sanị eka zueri.

²⁵ Ozigbo, okpoho ohu eje-mmọn rị imē nwa-a-okpoho nō nụ banyen'ę, 'ya okpoho hụ nō bịa d'e gbun'ę osekpu. ²⁶ Okpoho ahụn wụ onyé alị ozọ, eélé onyé Ju; ndị Finishia mụ a, Siria wụ alị wẹ. Ọ nō rịo Jesu n'o chupụ eje-mmọn hụ rị imē nwa a. ²⁷ Jesu nō sị a, "Nị umueka rigude, makeni ọ rịnị mma nị ihiɛn buru ihiɛn-oriri umueka tuye ni nkite."

²⁸ 'Ya okpoho hụ nō sị a, "Ezioku rọ Di-nwọnni-enyi; kale, nkité rị okpuru teburu e ri ifunfun ihiɛn-oriri gha ebe umueka nō e ri a dantọ alị." ²⁹ 'Ya Jesu nō sị a, "Maké ufiri ihiɛnni i ku, lama, eje-mmọn hụ a ghaolę imē nwa i pụ." ³⁰ Ogen o gi ru ụlo, ọ nō hụn nwata hụ k'o dinę elu będi, eje-mmọn hụ a puguo.

Jesu A Zụo Onyé Odin Ghaleni E ku Oku Ọhụnma

³¹ Jesu nō gha egberẹ alị Taya pụ, ghashi alị Sidonu püha azụn obodo iri hụ nogbamani hụn w'a kpọ Dikapolisi, hụn nökunmę "Ohimin" Galili. ³² Wẹ nō wehé n'e okennyę ohu, onyé ntịn-okin hụn ghaleni e ku oku ọhụnma, wẹ nō rịo Jesu n'o bu eka kwasi a. ³³ Jesu nō weri e pü ebahụn igunrun hụ rị. We e si usụo ebe ihiɛn rileni, ọ nō rụ mkpiñsin eka ye e imē ntin, juụ eson ye mkpiñsin-eka, gi eson hụ de e ire. ³⁴ 'Ya ọ nō lee enya elu-igwee, gi okwọnlu sị, "Efata." Efata wụ "Shiapụ".

³⁵ Ozigbo, ntịn okennyę hụ nō shiapụ, ire e a topu, o nō kumé oku ọhunma. ³⁶ Jizosị nō sị wẹ agwale onyé ọwule; kanị k'o dọn rị a gwa wẹ ekulę, erira kę wẹ dọn rị e kukènme e. ³⁷ O tu wẹ ile enya odata-odata, wẹ nō sị, "O mè ihiɛn ile ọhụnma! O mèdè onyé ntịn-okin nụma ihiɛn, mèdè onyé odin kumé oku!"

Isi Nke Esatọ

Jesu E Ye Mmadụ Nnụ-iri Ihiɛn-oriri (Mat 15.32-39)

¹ Ogen hụ, igunrun ọzọ hi-ogbe nō gbakikome; o megụ, makeni ihiɛn wẹ sikọ d'e ri aria, Jizosị nō kpọ umu-azụn a, sị wẹ, ² "Omiken igunrunni rị e mè m, makeni mmę lę wẹ a nöpüole akpu-uhuohin eto, bụ enwọnzi wẹ ihiɛn wẹ jenkpọ d'e ri. ³ M sị wẹ bu ęgụn lama, wẹ sikọ d'a suohitọ ọzọ makelę ndị hụ imē wẹ gha ebe tegbu enwén ebia." ⁴ Umu-azụn a no ju a, sị, "Elebe kę ihiɛn jenkpọ d'a no hụn brędi hụn sikọ d'e jun ndịnị ile efọ imē ebeni ihiɛn bileni?" ⁵ O nō ju wẹ, sị, "Ogbe brędi ole kę ọnụ nwọn?" Wẹ nō za, sị, "Esa." ⁶ 'Ya ọ nō sị igunrun hụ nödışonmę alị akpakalị; o weri ogbe brędi esa hụ, o yegụ ekele, ọ nō bebe wẹ, we wẹ ye umu-azụn a nị wẹ ke ni ndị hụ 'ya, umu-azụn a nō ke ni igunrun hụ 'ya. ⁷ Wẹ nwọnzikwọ azụn mè kırıkırı buleni odata; o yezikwọ ekele makę azụn ndịnị wẹ, ọ nō sị umu-azụn a kezikwọ nị wẹ 'ya. ⁸ Igunrun hụ nō ri, efọ e jun wẹ, ifunfun e hodonu hụn wẹ kpónkikomę jun ükpalị esa. ⁹ Ndị ri ihiɛn-oririni rị ihiɛn rike mmadụ nnụ-iri. 'Ya ọ nō gbaşıja igunrun hụ. ¹⁰ Ya lę umu-azụn a nō banye ugbo-mirin ozigbo si egberẹ Damanuta.

Ndị Itu-Farisi Sị A Ghosi Wẹ Ihiɛn Ahịma (Mat 12.38-42; 16.1-4)

¹¹ Ndị Itu-Farisi nō bịa d'e kunrun Jesu, dösönmö e ndondö, sị a ghosi wẹ ahịma hụn sikọ d'a ghosi wẹ n'o gha elu-igwee bia. Wẹ gi ihiɛnni shi n'e ọnyan. ¹² Kanị, Jesu nō sun oken udèn, sị, "Kị hajn ndị agbonị gi a chọ ahịma? Ezioku kę m rị a gwa ọnụ, o nwònńi ahịma ọwule wẹ jenkpọ d'a ghosi agbonị!" ¹³ O nō na wẹ tọ, banyezi imē ugbo-mirin, fetu azụn hụn-ebọ.

Yisti Ndị Itu-Farisi Lę Nke Hérodụ (Mat 16.5-12)

¹⁴ Umu-azụn a nyanhannị weri brędi; ogbe ohu sụo kę wẹ gi imē ugbo-mirin ebēhụ. ¹⁵ Jizosị nō dō wẹ eka ntịn, sị wẹ, "Elekwọ nị enya! Kpachanpukwọ nị enya makę yisti ndị Itu-Farisi lę nke Hérodụ." ¹⁶ Wẹ nō sị ibe wẹ, "O ku ihiɛnni makeni enyi e gi brędi." ¹⁷ Jesu

a maringuo ihien wé ri e ku, o no si wé, “Kí hajn ụnu gi e ku oku brédi ọnu gileni? Ụnu e ke leghamakwo nwan uzó? Ụnu e ke ghötamakwo nwan? A kpokinguo wé obi ụnu? ¹⁸ Ọnu nwé enya bu ụnu a ra gi e legha uzó? Ụnu nwé ntin bu ọnu a ra gi wé nü ihien? Ụnu a nyanhanní? ¹⁹ Ogén m gi bebe ni mmadú ögún-iri-kwasí-nnú-mmébúo ogbe brédi isen, ükpalí ole kẹ ifunfun e wé rihodu jun?” Wé no si a, “Mmébúo.” ²⁰ O sizi wé, “Ogén m gi bebe ni mmadú nnú-iri ogbe brédi esa, ükpalí ole kẹ ifunfun e wé rihodu jun?” Wé no si a, “Esa.” ²¹ ‘Ya o no si wé, “Unu e ke ghötakwo nwan?”

Jesu A Zúo Okennyé Enya-ishu Imé Obodo Bésaídá

²² E ru wé Bésaídá, wé no wéheni Jesu okennyé enya-ishu, riò a n'o metu a éka. ²³ O no weri okennyé hú éka, du e pú imé obodo hú, ogén o gi bugú ẹson che e enya, bugú éka kwasí a, o no ju a, si, “O nwóngho ihien i hún?” ²⁴ Okennyé hú e lee enya elu, o no si, “M hú e legha ihian, kani wé no kẹ osisi ri e jen ijén.” ²⁵ ‘Ya Jizosí no buzi éka che e enya; o kparapú enya, o no leghamazí uzó, leghama ihien ile ọhúnma. ²⁶ ‘Ya Jizosí no zi e lama, si, “I lakoni, abanyekwóle imé obodo d'a gwa wé.”

Pita E Ku Onyé Jizosí Wu

(Mat 16.13-20; Luk 9.18-21)

²⁷ Jesu le ụmu-azúun a no si obodo ndí mé ekere-ekere hún nokunmè obodo Sizeria-Filipi; ebe wé jénkó, o no ju ụmu-azúun a, si, “Onyé kẹ wé si ni 'ya kẹ m wú?’ ²⁸ Wé no za a, si, “O nwé ndí si ni i wú 'Jónu hún e mé mirin-Chuku' ndí ọzó si, 'Elaija' ndí ọzó si, 'Onyé ohu imé ndí-amúma mbú.'” ²⁹ O no ju wé, si, “Onyé kẹ ọnu le enwé ụnu si nwan ni 'ya kẹ m wú?’ Pita no za a, si, “Iyú wú Kraistí*, Onyé Hú Osolobue Tumé.” ³⁰ Jesu no dokènme wé éka ntin, si wé agwakwóle onyé ọwule onyé o wú.

Jesu E Ku È N'o K'a Nwún, Lihizi

(Mat 16.21-28; Luk 9.22-27)

³¹ Jesu no kuzimé ụmu-azúun a, ni, Nwa nke Ihian jénkó d'a ta oké afunfun ri ichen-ichen, ndí-isi le ndí-isi nchú-ejan le ndí-nkuzi Iwu sikó d'a ju a to. Wé jénkó d'e gbu e; kani, hún m'e akpú-uhuohin eto, o jénkó d'a gha ọnwúun lihi. ³² O gwápa wé ihien ndíni, o gini ilu ku e. Pita no weri e si usúo jugboma a. ³³ Kani, o gbehutó, lee ụmu-azúun a, o no jugbó Pita, si, “Gha ebe m ri pú, Ekwensu! Makéni y'a ríní e ro nke Osolobue, kani, nke ihian!”

³⁴ O no kpózunhan igunrun hú le ụmu-azúun a, si wé, “Onyé chò n'o wúru nwa-azúun m, onyé hú jénkó d'a juríri enwé e, buru obe[†] e, sonmè m. ³⁵ Makéni, onyé ọwule chò n'o ghe isi, isi e jénkó d'a to a; onyé ọwule tuhu ndúun a make ufiri mmé le ozioma jénkó d'a zuopuha ndúun a. ³⁶ Elee erere kẹ ihian jénkó d'e nwónhen oméni o nwónrin ụwa ile kale o tuhu umé-ndúun a? ³⁷ Egheé, kíní kẹ ihian jénkó d'a saéka ye gi gbarí umé-ndúun a. ³⁸ Onyé ọwule hún ri e mé ifenren m le ihien m ku imé agboní jogbu enwé e enya ríleni uzó ohu, mmé wú Nwa nke Ihian sikó d'e mé ifenren onyé hú ogen mmé le ndí mmón-ozí ri nsó jénkó d'e gi bia—ogen ahún m jénkó d'e gi ogó Nédi m bia.”

Isi Nke Iteneti

¹ Jesu no sizi wé, “Ezioku kẹ m ri a gwa ọnu, o nwón ndí wúzo ebeni hún jénkóleni d'a nwún d'e ru mgbe wé hún Ali-eze Osolobue k'o gi iken hi-ogbe bia.”

Jizosí E Nwónhuto

(Mat 17.1-13; Luk 9.28-36)

² Akpú-uhuohin isin a ghafegú, Jesu no weri Pita le Jemisi le Jónu, duru wé shi elugu jen elu ọda-ọda, ya le wé suó no nódí ebéhú. Id'enya ụmu-azúun a ebéhú, Jesu no nwónhuto, ³ ekwa a no henrin nke ọchan, e gburé—nwunkari hún onyé ọwule ri imé ụwa

* Isi Nke Esato:29 Mezaya † Isi Nke Esato:34 Ogén ahún, ndí Rom e gi obe wé gi osisi mmé e gbu onyé wé ma ikpe-ọnwún. Onyé hú e buru obe e sonmè ndí-agha hún jénkó d'a kpógbun'e. Wé kpómagú a elu-obe, a nódí wé ebéhú e che nche d'e ru n'o nwúnhún.

jenkò d'a saeka su wé. ⁴ 'Ya kę Elaija lę Mozizi nō nwònpuha ebéhü wé rí, e són Jesu e ku oku. ⁵ Pita nō sì Jesu, "Onye-nkuzi, o riķa mma nì enyi nòdichanrin ebeni! Nì enyi meme odu eto, ohu jenkò d'a wú nke i, ohu wú nke Mozizi, ohu wú nke Elaija." ⁶ (O marinzi ihien o sikò d'e ku, makèni egun rí a tu wé). ⁷ 'Ya orukpu nō puhá d'e kpumé wé; olu nō gha imé orukpu ebéhü hanpuha, sì, "Onwan wú ezi Nwa m; gon n'ē ntin!" ⁸ Wé nō lehunmè enya ozigbo, kanj a hünzini wé onye owule kari Jesu suò.

⁹ Ogen wé lę Jizosì gi gha elu-ugu hú hidanla, o nō sì wé, "Agwakwole ni onye owule ihien ụnụ hún d'e ru mgbe Nwa nke Ihiān ghagụ ọnwụn lihi." ¹⁰ Wé noléni gwa onye owule, kanj wé suò nodi, wé hú e ku e, a ju ihien "igha ọnwụn lihi" wú. ¹¹ Ya wé nō ju Jizosì, sì, "Kí hain ndi-nkuzi Iwu gi sì nì Elaija jenkò d'e bu'zo biagu?" ¹² O nō za wé, sì, "Ezioku ró nì Elaija sikò d'e bu'zo bia keni o kwademéchanrin ihien ile. Kí ọnù rozi nwan nì 'ya hain Ekukwó-nsò gi sì nì Nwa Nke Ihiān jenkò d'a ta oken afunfun, nì wé sikò d'e legberi e?" ¹³ M rí a gwa ụnụ nì Elaija a biagu, kanj e meguo w'a ihien suò nì wé—riķe ke Eħħuhuq-nsò dòn ku banyen'ē."

Jizosì A Zuo Nwata Okènnye Eje-mmón Rí Imé E (Mat 17.14-21; Luk 9.37-43)

¹⁴ Ogen wé gi kunrun ụmụ-azụn a ndi ozø, wé nō hún igunrun hi-ogbe fiunmèni wé, lę ndi hú imé ndi-nkuzi Iwu kę wé rí a dòson wé ndondò. ¹⁵ Ogen igunrun hú ile gi hún Jizosì, o tu wé enya oda-oda, wé nō gbaburu e d'e kele e. ¹⁶ Jesu nō ju ụmụ-azụn a, sì, "Kinj kę ọnù lę wé rí a do?" ¹⁷ Onye ohu imé igunrun hú nō za a, sì, "Onye-nkuzi, m wéhè n'i nwa-m-okènnye; eje-mmón hún ghaleni a nì a e ku oku rí imé e; ¹⁸ ogen owule o gi kwondon e, o bu e e gbe alí, ụfоfо a gbooma a ọnù, o tama nkwenren-eze, ehij a ile e shiri. M sì ụmụ-azụn i wé chupu eje-mmón hú, kanj asani wé eka."

¹⁹ Jizosì nō sì wé, "Euu, agbó nwònleni okukwe! Elee ogen kę m'e sonru ụnụ nodi?! Elee ogen kę m'e dinruni ụnụ ndidi?! Wéhè ni ni m nwata hú!" ²⁰ Wé nō wéhè ni Jesu nwata hú. Hún eje-mmón hú gihu hún Jesu, o nō doma nwata hú, nwata hú nō dan alí, kperemé, ụfоfо a gbooma a ọnù. ²¹ Jesu nō ju nedì nwata hú, sì, "Kete elee mgbe kę ihienni bidon e?" O nō sì, "K'o rí nwa-ndu k'o doma a. ²² Imérinmè ogen, o tu a e ye imé okun lę imé mirin keni o gbu e. Kanj, oméni i saeka mè ihien owule, y'e mè ni enyi omiken, yeni enyi eka." ²³ Jesu nō sì a, "I sì, 'Oméni i saeka?' O nwònni ihien wé ghaleni e ri-eka e mè ni onye nwé okukwe." ²⁴ Ozigbo, nedì nwata hú nō dankpopu ekwan, sì, "E kwerighò m, ye ni m eka ebe m noléni nwé okukwe!"

²⁵ Ogen Jesu gi hún a nì igunrun rí a gbaha d'e kunrun wé, o nō jugbó eje-mmón hú, sì a, "Iyu eje-mmón odin hún rí a napu nwatani iku-oku lę inu-ihien, m sì i gha imé nwatani pù! Abanzile imé e ozø!" ²⁶ Mmón hú nō yi oro; o dokènmegu n̄wata hú, o nō gha imé e puha. Nwata-okènnye hú nō ríchanrin kę ozun, nkesinji ndi bu odata nō sì, "O nwùnole!"

²⁷ Kanj, Jesu nō kwondon nwata ahun eka, tu udòn yen'e eka lihi, o nō turu otó.

²⁸ Ogen Jizosì gi banyegu imé ulø, ụmụ-azụn a nō ju a ebe ya lę wé suò rí a, sì, "Kí hain enyi giléni saeka chupu a?" ²⁹ O nō sì wé, "Ekpere* suò kę wé gi a sa eka a chupu ụdini."

Jesu E Kuzi Oku Ọnwụn A, Kuzi N'o K'e Lihi (Mat 17.22-23; Luk 9.43-45)

³⁰ Jizosì lę ụmụ-azụn a nō pü ebahun, ghasi Galili. Jesu achonji nì onye owule marin ebe wé rí, ³¹ makèni o rí a kuzi ụmụ-azụn a, a sì wé, "Wé sikò d'e we Nwa nke Ihiān ye ndi sikò d'e gbur'e; kanj, wé gbugu a, nke akpú-uhuohin eto, o lihi." ³² Kanj aghotani wé ihien o rí e ku, bu egun anini wé ju a utaa.

Onye Kachanrin Ibe E Imé Ụmụ-azụn Jesu? (Mat 18.1-5; Luk 9.46-48)

* Isi Nke Itenei:29 mòbụ: ekpere lę ibu-ọnù

³³ E ru we Kapanom, ogen we gi banyeguu imē ulō, Jizosí no ju umu-azuuun a, si, “Ki ụnu rịdẹ a dō ogen enyi gi rị uzó?” ³⁴ Kanị azanị wę Jesu, makeni kę wę rị uzó, wę rị a dō onyé kachanriñni imē wę ile.

³⁵ Jesu a nōdị alị, kpọ umu-azuuun a mmębuo hụ, si wę, “Onyé ọwule chọ n'ọ wuru onyé ibuzo, ya wuru onyé ikpazuuun, ya wuru odibo ọnu ile.” ³⁶ ‘Ya o no weri nwata ohu, bu e tumé ihun wę. O no kọn eka ye e olu, si wę, ³⁷ “Onyé ọwule nabanhān onyé ohu imē ndiniị maké ufiri m, nabanhān m; onyé ọwule hụn nabanhannī m, eélé mmę k'ọ nabanhān, kanị onyé hụn zihé ni m k'ọ nabanhān.”

Onyé Ghaleni A Lụ Ọnu Ọgun Rị Azuuun Nke Ụnu (Luk 9.49-50)

³⁸ Jönü no si Jesu, “Onyé-nkuzi, enyi hụn okennye ohu k'ọ rị e gi ẹfan i a chupu ejemmon, enyi no si a kusi a, makeni o rịnị e sòn enyi.” ³⁹ Kanị Jesu no si a, “Akusilé n'a; makeni o nwɔnni onyé gi ẹfan m rụnguhụ ṽrun-atommenya hụn sikọ d'e kujakenrin oku m. ⁴⁰ Makeni onyé ọwule hụn ghaleni a lụ enyi ọgun rị azuuun nke enyi. ⁴¹ Ezioku kę m rị a gwa ọnu, onyé ọwule ye ụnu mkpu mirin ohu ra makelé ụnu rị a za ẹfan Kraisti, jeniko d'a narin ugwo ὅrun a.”

Ihien E Buhé Njo (Mat 18.6-9; Luk 17.1-2)

⁴² “Onyé ọwule hụn mē onyé ohu imē umueka ndini kwerini ni m mē njo, o ka mma ni wę yimē onyé ahun ọlo hi-ogbe olu, tụ a ye imē ohimin. ⁴³ ‘Ya wụ, omeni ẹka i a hain i mē njo, bepu a. O ka mma ni i gi ehụ zułeni oke banye ndun karị ni y'e nwɔngħo ẹka ębuo, bụ y'e si ọkun-mmモン, ọkun hụ ghaleni e tinyun. [⁴⁴ Ohori rị ebahun a ra nwun, ọkun rịn'a ara tinyun.] ⁴⁵ Omeni uko i a hain i e mē njo, bepu a: o ka mma n'i dan nguro banye ndun karị ni y'e nwɔngħo uko ębuo bụ y'e si ọkun-mmモン. [⁴⁶ Ohori rị ebēhụ a ra nwun, ọkun rịn'a ara tinyun.] ⁴⁷ Omeni enya i a hain i e mē njo, gupu a, o ka mma n'i gi enya ohu banye Ali-eze Osolobue karị ni y'e nwɔngħo enya ębuo, a tụ wę i ye ọkun-mmモン. ⁴⁸ Ohori rị ebēhụ a ra nwun, ọkun rịn'a ara tinyun.”

⁴⁹ “Wę k'e gi ọkun mē ihiyan suq kę wę dọn e gi nnu e mē ihiyan a suq. ⁵⁰ Nnu rị mma; kanị, o tuhu usuo a, nanị kę y'a dọn mē e n'ọ suqomazi usuo? A no ni kę nnu ebe ibe ụnu rị; e mē ni ni udon a rị egbata ọnu le ibe ụnu.”

Isi Nke Iri

Jesu A Kuzi Banyeni Mkpechan (Mat 19.1-12; Luk 16.18)

¹ Jesu no gha Kapanom shi ęgbere Judia lę nfetu Iyi Jodani. Igunrun ihiyan a gbakikomézi ebe ọ rị. O no kuzime wę kę o dọn e mē ogen ọwule.

² ‘Ya kę ndị Itu-Farisi no bia d'e kunrun Jesu, gi ajuju shin'e ọnyan, si a, “Iwu enyi e kwerigho ni okennye kpechan nwunye e?”

³ O no za wę, si, “Kinị kę Mozizi gwa ọnu?”

⁴ Wę no si a, “Mozizi si ni okennye jeniko d'a saeka de ehuhuq-mkpechan, kpechan nwunye e.” ⁵ Kanị Jizosí no si wę, “Ufiri ni obi ụnu e zeké k'o gi deni ụnu iwuni, ⁶ kale, gha isi mbidon ahun Osolobue gi ke ihiyan lala ‘Osolobue ke wę oken le onyenneye’ rike kę Ekukwó-nsq dọn ku e, o no si: ⁷ ‘Make ọnwani, okennye sikọ d'a latọ nedị e le nnę e, d'a banye ni nwunye e, wę ębuo e henrin ohu.’ ⁸ Wę ębuo a wuru ehụ ohu. ‘Ya wụ, elezi wę ębuo, kanị ehụ ohu. ⁹ ‘Ya wụ nwan ni ihiyan Osolobue wegbara, onyé ọwule ekebelé e.’”

¹⁰ Ogen wę gizi rị imē ulō, ‘ya umu-azuuun a no juži a oku mkpechannī. ¹¹ O no si wę, “Onyé ọwule kpechan nwunye e luma okpoho ọzq, gheré agheré; o mèolé nwunye e njo.

¹² Erirazikwó, okpoho kpechan di e, luma okennye ọzq gheré agheré—o zoqụ ọku ye ofia.”

*Jesu A Gozi Umụ-ndu
(Mat 19.13-15; Luk 18.15-17)*

¹³ O nwon ndị rị e węhe ni Jesu umueka n'o mętu wę ęka, kanị umu-azụn a no jụgbọ ndị hụ węheni wę. ¹⁴ Ogen Jesu gi hụn a, iwe no we e, o no sị wę, “Ni nj umueka bịa d'e kunrun m; akusile ni wę, makeni Ali-eze Osolobue wụ nke ndị no ejinna. ¹⁵ Ezioku kę m rị a gwa ọnụ, onye ọwule nabanhaneleni Ali-eze Chuku nökę nwa-ndu, abanyekö a.” ¹⁶ O no parị umueka hụ, bu ęka kwasi wę, gozi wę.

*Odafin Hụ
(Mat 19.16-30; Luk 18.18-30)*

¹⁷ Ogen Jesu gi pükö, okennye ohu no gba d'e gbur'ę osekpu, sị a, “Onye-nkuzi ọma, kị m'e mę hụn m'e gi nwéhenen ndun-itebite?” ¹⁸ Jesu no sị a, “Kị haín i gi kpọ m onye-oma? O nwonnị onye rị mma wezuka Osolobue. ¹⁹ Y'a maringhọ ihién Iwu ku: ‘Egbule ochu; agherelé, ezunle ohin; ebukinle ihián ọnụ; atunarinle ihián ihién e, gbaye nedị i le nnę i.’”

²⁰ Okennye hụ no sị Jesu, “Onye-nkuzi, m hụ e dònme iwu ndịni ile kete m'a marinle ihién**”

²¹ Kanị Jizosị no gi ihién-osusuo lee e, sị a, “O nwé ihién ohu rị a kọn'i: jen d'e rekwama ihién ile i nwé; we egho e ye ndị igbenneye—y'e gi e nwé akụ-lé-uba imé elu-igwee, y'a bịa d'e sonmę m.” ²² Ogen okennye hụ gi nụ ihienni, o no ronmę ihun, sukurụ pu, makeni o nwé akụ-lé-uba oda.

²³ Jizosị e lehunmę ẹnya, o no sị umu-azụn a, “N'o fuka ɔrun ebe ndị ịdafin jenkö d'a no banye Ali-eze Osolobue!” ²⁴ Okuni no tu umu-azụn Jizosị ẹnya. Kanị Jizosị no sịzi wę, “Umụ m, ni Ali-eze Osolobue fuka ɔrun ọbanye! ²⁵ O ka nfe ni anyinnyan-mkpukpukue wụ kamelụ ghafe ẹnya oloden karị ni ịdafin banye Ali-eze Osolobue.”

²⁶ O tu wę ẹnya odata-oda, wę no jumá ibe wę, sị, “Onye sikọ d'a sazị nwan ęka nwę nzupopuhā?”

²⁷ Jesu e lee wę, o no sị, “Ebe ihián rị, o níkọ mę, kanị ęle ebe Osolobue rị, makeni ihién ile rị nfe ebe Osolobue rị.”

²⁸ Pita no sị a, “Lee e, ẹnyi a latoguọ ihién ile sonmę i.”

²⁹ Jesu no sị, “Ezioku kę m rị a gwa ọnụ, o nwonnị onye hụn o mèni o giguọ ufiri mmę le ozioma natọ ụlo, mọbụ umunę-e-ikennye mọbụ umunę-e-ikpoho, mọbụ nnę e mọbụ nedị e mọbụ umu a mọbụ alị o nwon, ³⁰ hụn jenköləni d'e nwéhenen ụlo le umunę-ikennye le umunę-ikpoho le nnę le umu le alị—nwónhen wę uzo ögún-isen, nwéhenzirkwọ ukpokpoo; nwéhenzirkwọ ndun itebite imé ụwa hụn lalani. ³¹ Kanị, ndị bu oda wụ ibuzo jenkö d'a kparị azụn, ndị ikpazụn e buru uzo.”

*Hụn M'ę Mgbe Etọ Jizosị Ku Oku Ọnwụn A Kuzi Ę N'o Shikọ D'e Lihi
(Mat 20.17-19; Luk 18.31-34)*

³² Jesu le umu-azụn a rị uzo hụn wę gi jenkö Jerusalém. Jizosị rị wę ihun, o hụ a tu umu-azụn a ẹnya; egun hụ a tu ndị hụn sonkoni wę. Jizosị no werizi uwę mmębụ si ụsuo, gwama wę ihién jenkö d'e mèn'e; ³³ o sị wę, “Gon ni ntin, ẹnyi jenkö Jerusalém; wę sikọ d'e we Nwa nke ihián che ęka ndị-isi nchụ-ejan le ndị-nkuzi Iwu. Wę sikọ d'a ma a ikpe-ɔnwụn, w'e ye ndị wüleni ndị Ju. ³⁴ Wę jenkö d'a kpa a ye emu, jụ a eson, fian a mkpiinsin, gbu e; kanị hụn m'ę akp'ohin etọ o k'e lihi.”

*Ihién Jemisi Lé Jọnụ Rio Jesu
(Mat 20.20-28)*

³⁵ Umụ Zebedi wụ Jemisi lé Jọnụ no püha ihun Jesu, sị a, “Onye-nkuzi, o nwon ihién ẹnyi cho ni ẹnyi rio i; ẹnyi cho ni m mę ni ọnụ 'ya.”

³⁶ 'Ya o no sị wę, “Kị ọnụ cho ni m mę ni ọnụ?” ³⁷ Wę no sị a, “Kweri ni onye ohu imé ẹnyi jenkö d'a nödị alị ęka-nni i, onye ohu a nödị alị ęka-ekpēn i, imé Ali-eze ögħo i.”

* Isi Nke Iri:20 Ndi Ju weri e ni ahua mmętö ke nwata-okennye gi a marin ihién rị mma ẹnya Osolobue le ihién riləni mma.

³⁸ Kanî Jizosî nô sî wé, “Onu a marin ihién unu rí a rí. Ni unu saéka ra mkpu afunfun m sikô d'a ra móbu gha imé ihién m jenkô d'a gha—hunjun énya kë mmé?”

³⁹ Wé nô sî a, “Ényi jenkô d'a s'eka.” Jesu nô sî wé, “Ezioku, onu jenkô d'a ra mkpu afunfun m sikô d'a ra, hunjunzikwo énya kë mmé; ⁴⁰ kanî éle mmé jenkô d'e ku onyé k'a nôdî éka-ihién m móbu éka-ekpèn m; nke ndî wé kwademé n'e ró.”

⁴¹ Ogen uwé iri hodunji gi nwan nü a, wé nô buméni Jemisi le Jonu olulu. ⁴² Jesu nô kpozunhan wé ebe o rí, sî, “Onu a maringhò nî imé ndî alî ndî ozo, ndî hun a kinj e më noke sî wé nwón ndî wé rí a kí, ndî nwé okwa rí imé wé a ghosi ndî rí okpuru wé nî wé ka we. ⁴³ Kanî eméle ni érira; onyé ówule hun cho n'o më oken ihián imé unu sikô d'a wúriri odibo unu; ⁴⁴ onyé ówule cho n'o wúrú onyé ibuzo imé unu jenkô d'a wúriri igbon onu ile — ⁴⁵ makéni, kë Nwa nke ihián abianí nî wé gba n'a odibo, kale, o bia n'o gba odibo, n'o ye ndun a, gi gbapuhá ndî bu oda.”

Onyé Énya-ishí Njúgbó Gbóndónléni Okukwe e (Mat 20.29-34; Luk 18.35-43)

⁴⁶ 'Ya wé nô ru Jériko. Ogen 'ya le umu-azúun a le igunrun ihián sonkoni wé gi gha imé Jériko púkó, onyé énya-ishí ohu, hun a rí ürü nôdî alî mkpenren uzó ebahún, éfan a wú Batimíosí nwa Timosí. ⁴⁷ Ogen o gi nü nî Jesu onyé Nazareti ró, o nô yime oro, sî, “Jesu! Nwa Defidi! Më ebere ml!”

⁴⁸ Ndî bu oda imé ndî rí ebahún nô jugbó a, sî a gba nkintin; kanî o nô yikenmède oro ahun, sî, “Nwa Defidi, më ebere ml!”

⁴⁹ Jizosî nô wuzo, sî, “Kpoha n'a.” Wé nô kpô onyé énya-ishí hu, sî a, “Kwondon obi i, lihi otó, o hu a kpô i.”

⁵⁰ O nô fe ewuru o yiye elu e tuhu, felihî otó d'e kunrun Jesu. ⁵¹ Ya Jizosî nô sî a, “K'i cho nî m më ni i?” ‘Ya onyé énya-ishí hu nô sî a, “Onyé-nkuzi, m cho nî m leghama uzó.”

⁵² Jesu nô sî a, “Jenmë, okukwe i e megúo i rí mma.” Ozigbo, o nô leghama uzó, o nô sonmë Jesu.

Isi Nke Mmanai

Jizos' A Banhan Jerusalém Ríké Onyé-mméri (Mat 21.1-11; Luk 19.28-40; Jon 12.12-19)

¹ Ogen wé gi rumé Jerusalém, nokunmémé Béfeji le Bétaní, e ru wé ehú Ugu Olivu, Jesu no zi umu-azúun a ebúo ozi, ² sî wé, “Jen ni imé obodoní më ekéré rí onu ihun: hun unu gihú banye imé e, unu jenkô d'a hun nwa-jaki wé keléni nyintu wé limetó; topun'a, onu e wéheni m'e. ³ Onyé sî unu, ‘Kí unu rí e mënì ihiénni?’ Sî n'a hu, ‘Nna cho a, o jenkô d'e wekinhen e kikénni.’” ⁴ Wé nô jenmë. Wé nô hun nwa-jaki wé limetó ihun-ezi ehú onumuzo ogele uzó. Ogen wé gi ri a topu a, ⁵ ndî hu imé ndî wuzo ebéhu nô sî wé, “Kí unu rí a topu nî nwa-jaki hu.” ⁶ Wé nô ku ihién Jesu sî wé ku; wé nô kweri ni wé weri e. ⁷ Wé nô wéheni Jesu nwa-jaki hu, gbama ewuru wé ye enu e, o nô nôdî alî elu e. ⁸ Ké Jizosî nyinkô a, ndî bu oda nô gbama ewuru wé e yiye elu e ye uzó, ndî ozo nô gha ofia tigirisonmë agalaba osisi, gbama wé ye uzó. ⁹ Ndî hun rí ihun lê ndî hun rí e sonn'e hu e yi oro, a sî,

“Hozana!

Onyé ahun gi éfan Di-nwónni-ényi bia wú onyé Chuku gózi agozi! ¹⁰ Ali-eze hu lalaní wú ali-eze Chuku gózi agozi —

Ali-eze nedî ényi kanî wú Defidi.

Ojija-mma ya rí nî Osolobué ebahún kachanrin elu e jen imé elu-igwee!”

¹¹ 'Ya Jizosî nô banye Jerusalém, si Ulo-nsô. O nô lehunmèchanrin ihién ile. Kanî, ebe o mënì ohijí a gbagúo; 'ya le umu-azúun a mmébúo nô si Bétaní.

Jesu A Bú Osisi Figi Hu Onu (Mat 21.18-22)

¹² Eki e fón, ebe wé gha Bétaní lala Jerusalém, egún hu a gun Jesu. ¹³ O lee énya, o nô lecheni osisi figi ehuhúo jun elu e. O nô jen d'e lele kë mkpurú figi hu elu e. Kanî, ogé

o gi ru ebahun, eħħuħuqo suq k'o hūn elu e, makeni ogēn figi gi a mī e ke ru. ¹⁴ Jesu nō sī osisi figi hū, “O nwōnni onyē sikō d'e rizi mkpūru i!”

Umū-azūn a nūgho kē o ku ihieni.

Jizosị E Jẹn Ulo-nso

(Mat 21.12-17; Luk 19.45-48; Jon 2.13-22)

¹⁵ Ogen wē gi ru Jerusalēm, Jesu nō si imē Ulo-nso, chupuma ndi rī a zu afia ebēhu—ke ndi rī e ḥonnī kē ndi rī e reni. O nō hukpumesonmē teburu ndi a gbahutō egho lē oche ndi rī e re nduru. ¹⁶ O nwōnni onyē o nī bu ihien owlē ghafe imē Ulo-nso. ¹⁷ O kuzi ndi rī ebēhu, sī, “Wē de e imē Ekukwo-nso, sī, ‘Wē sikō d'a kpō Ulo m ulo-ekpere ndi alī ile rī ichen-ichen’, kanī ɔnū e giguqo a henrin ebe ndi ohin a war!”. ¹⁸ Ndī-isi nchū-ejan lē ndi-nkuzi Iwu a nū ihieni, wē nō choma uzo w'e gi gbu Jesu. Egūn e hū a tū wē makele nkuzi e a nwunguqo igunrun hū ile ri. ¹⁹ O ru ẹnyasi, Jizosị lē umū-azūn a nō gha imē Jerusalēm pū.

Jesu E Gi Osisi Figi Ahūn Kuzi Okukwe

(Mat 21.20-22)

²⁰ Eki e fōn uzo uthuntun, ebe wē ghako uzo hū, wē nō hūn nī osisi figi hū a kpoguqo nkun d'e ru nkpoqun. ²¹ Pita nō nyanhan ihien mēni, o nō sī Jesu, “Onyē-nkuzi, lee-o, osisi figi hū i bū-ɔnū a nwunhunqoqo!” ²² Jesu nō za wē, sī, “Nwē ni okukwe imē Osolobue. ²³ Ezioku kē m rī a gwa ɔnū, onyē sī ugini, ‘Wē buli i elu, tū i ye imē ohimin’ bū onyē hū enwēni obi əbūo, kama o kwerigho nī ihien o ku jenkō d'e mē, wē jenkō d'e mēn'ē 'ya. ²⁴ Ifiri e, m rī a gwa ɔnū, ɔnū mē ekpere riq ihiēn owlē, kweri ni nī ɔnū e nwēhēnguqo a, ɔnū k'e nwōnhēn e. ²⁵ Ogen owlē i rī e mē ekpere, gbagharī—omēni o nwōn onyē mē i eje-ihiēn, kēni Nēdi i hūn rī elu-igwee gbagharī i njo i.” ²⁶ [Kanī, omēni y'a gbagharīni, Nēdi i hūn rī elu-igwee agbagharikokwo i njo i.]

A Jū Wē Jizosị Onyē Zi E

(Mat 21.23-27; Luk 20.1-8)

²⁷ Ya wē nō banhanzi Jerusalēm.

Ebe Jesu jenkō ijēn imē Ulo-nso, ndī-isi nchū-ejan lē ndi-nkuzi Iwu lē ndī-isi ndi Ju nō bia d'e kunrun e. ²⁸ Wē nō ju a, sī, “Elee iken k'i gi e mē ihiēn ndiñi wē? Onyē ye i ikenni?” ²⁹ Jesu nō za wē, sī, “M jenkō d'a ju ɔnū ajuju ohu; ɔnū za m ajuju hū, a gwa m ɔnū ikēn m gi rī e mē ihiēn ndiñi wē: ³⁰ Mirin-Chuku Jōnū mē, o gha elu-igwee bia ra o gha əka ihiēn bia? Za nī m'a?” ³¹ Wē wē nō tugbama iroro, sī, “Kini kē ẹnyi jenkō d'e ku? Ẹnyi sī, ‘O gha elu-igwee, əka Osolobue, bia,’ o jenkō d'a sī, ‘Kī hajin nwan ɔnū gilēni kweyeni Jōnū?’ ³² Kanī ẹnyi asiko, ‘O gha əka ihiēn bia.’”

(Egu nī a tū wē makeni ihiēn ile marin nī Jōnū wū onyē-amūma nke-esi.)

³³ 'Ya wē nō za Jesu, sī, “Enyi a marin.” Jesu nō sī wē, “Mmē nwēn nkē agwakokwo ɔnū ikēn m gi e mē ihiēn ndiñi wē.”

Isi Nke Mmębụo

Ilu Jesu Gi Ndī Wē Ye Ugbo Lefu Ẹnya Ta

(Mat 21.33-46; Luk 20.9-19)

¹ Jesu nō tama nī wē ilu, sī, “Okennyē ohu nwē alī vajin, hūn o kēnhunmē ugba, guzi olu wē nō a piñpūha manya-vajin ye imē e, tun ulo nche imē e, bu ya wū alī vajin che əka ndi sikō d'a rūn n'a e-gbu-e-ke, o nō jenmē alī ihiēn. ² O ru ogēn vajin, o nō zijen odibo ohu d'e kunrun ndi hū ugbo hū rī əka d'e wēhē hūn wē keton'a. ³ Wē nō kwondon onyē hū o zijen, gbu e ili, gbama a əka chupu. ⁴ Okennyē hū nō zijen ni wē odibo ozo, wē nō ti e ihiēn isi, gbe ifenren ye e ihun. ⁵ O nō zijenzi ozo, wē nō gbu e. Erīra kē wē mēzi ndi bu əda o zijenzi; e gbu wē ndi hū imē wē ili, gbu ndi hū imē wē ozun.

⁶ Onyē ohu suq hōdū o kelēni zi: ezi nwa a. Omegụ, o nō zijen ni wē nwa a, sī, ‘Wē jenkō d'a gbaye nwa m.’ ⁷ Kanī ndi hū nō sī ibe wē, ‘Onyēni sikō d'e weri uku e ile omegụ,

bịa nị nị ẹnyi gbu e keni ihien nké e ru e ẹka wuru nke ẹnyi! ⁸ 'Ya wę no kwondon nwa a hụ, gbu e, gha imē ugbo hụ tupu a.'

⁹ "Kị ọnụ ro nị 'ya kę onyę hụ nwę ugbo hụ jenkó d'e mę? O sikọ d'a bịa d'e tikpo ndi hụ, we ali-vainj hụ ye ndi ozo.

¹⁰ Unu e ke gantu e imē Ehhuhu-nsø ni
'Omuma hụ ndi rị a tun ulo ju a wuruole omuma gi ulo.

¹¹ Di-nwonn-enyi 'ya mę e,
ihien a tu ẹnya ro ebe ẹnyi rị! "

¹² Makeni ndi-ndu ndi Ju a ghotaguo nị uwę k'o ta nị ilu hụ, wę te no chọ nị wę nwunrun a, kani egun ndi rị ebahun anini wę. Wę no la a to, gha ebahun pụ.

Ajuju Banyeni Iku Ugwo-isi (Mat 22.15-22; Luk 20.27-40)

¹³ Ya ndi-ndu no zi ndi hụ imē ndi Itu-Farisi le ndi itu Hérodü d'a chọ ihien rị Jesu ọnụ, nị wę gi e kwondon e. ¹⁴ Wę no bịa d'e kunrun Jesu, sị a, "Onyę-nkuzi, ẹnyi a maringho n'i wụ onyę ezioku, nị y'a ra lee ihiyan ẹnya ihun, y'a ra gbeyeni ihiyan, kama, y'a kuzi ụzọ Osolobue k'o rị. Gwa ẹnyi nwan, o hughọ mma nị ẹnyi kụ eze-kanị wụ Siza ugwo-isi ra o rị mma? ¹⁵ Nị ẹnyi kụ wę ra ẹnyi akule?" Kani, Jesu a hụnguo a nị wę gi ero bịa, o no si wę, "Kị hajin unu gi e shini m Ọnyan? Węhe ni ni m akpuru egho dinariosi, nị m lele e."

¹⁶ Wę no węhen'e akpuru ego dinariosi ohu. O no si wę, "Isi le ẹfan onyę wụ hunnij?" Wę no si a, "Nke Siza ro."

¹⁷ Jizosị no si wę, "We ni ihien Siza ye Siza, ọnụ e we ihien Osolobue ye Osolobue." Ihien o za no tukemne wę ẹnya.

Ajuju Banyeni Igba Ọnwun Lihi (Mat 22.23-33; Luk 20.27-40)

¹⁸ O nwọn ndi Itu-Sadusi bịa d'e kunrun Jesu. Ndị Itu-Sadusi weri e nị ndi nwunni ara lihi. Wę no ju Jizosị ụtaa, sị a, ¹⁹ "Onyę-nkuzi, Mozizi ye ẹnyi iwu, sị, 'Omèni okènnỵe a nwunhun, latɔ nwunyę e, bụ o muni nwa, nwene-e-okeňnye y'a luma nwunyę nwene e hụ, keni o mudonni nwene e nwunhunni umu.' ²⁰ O nwọn umunẹ ikènnỵe esa; onyę ibuzo imē wę a lụ nwunyę, o nwunhun bụ o muni nwa. ²¹ Hun mę wę ẹbüo no luma okpoho hụ, o nwunhunzi bụ o muni nwa. Eríra kę hun mę wę eto jenzi. ²² Wę mmadụ esa lugbari okpoho hụ, nwunhunchanrin, bụ a muni wę nwa. Omegụụ okpoho hụ no nwunhun. ²³ Ogen ndi nwunni jenkó d'e gi lihi, onyę k'o jenkó d'a wụ nwunyę e, ebe o mę ni wę esa lugbari a?"

²⁴ Jesu no si wę, "Unu a marin Ekkwø-nsø, ọnụ a marin iken Osolobue, ya hajin unu gi e fie ụzọ, ele 'ya?' ²⁵ Ogen ndi nwunni sikọ d'e gi lihi, alukọ wę di le nwunyę, eyekọ wę wę lụrụ, wę jenkó d'a rị kę ndi mmɔn-ozi rị elu-igwee. ²⁶ O mę nke iweli ndi nwunni, unu e ke gun imē Ekkwø Mozizi, ebéhụ o no ku banyeni akụ-ofia hụ rị e nwun okun, kę Osolobue don si Mozizi, 'Mmę wụ Osolobue Ebrahim, Osolobue Aziki, nị Osolobue Jekopu?' ²⁷ 'Ya wụ n'o wụ Osolobue ndi rị ndun, ele nke ndi nwunhunni. Unu e fiechanriŋguo ụzọ.'

Iwu Kachanrin Mkpa (Mat 22.34-40; Luk 10.25-28)

²⁸ Onyę-nkuzi Iwu ohu no jenzunhan, nụ kę wę-wę rị a dō ndondö, hunjị nị Jesu za wę ohunma, o no ju Jesu ọtaa, sị, "Elee iwu kachanrin mkpa?"

²⁹ Jesu no za a, sị, "Hun kachanrin wụ ọnwan: 'Onu ndi Izreli, gon ni ntin! Dinwonn-enyi wụ Osolobue ẹnya, iya sụo wụ Nna.' ³⁰ 'I jenkó d'e gi obi i ile le enwen*' i ile le uche i ile le iken i ile nwę ihien-ösüşuo Di-nwonn-enyi wụ Osolobue i.' ³¹ Hun mę e ẹbüo wụ ọnwan: 'Ihien ibe i sikọ d'a sụoriri i kę ihien enwen i dọn a sụo i.' O nwonn iwu ọzo ka ndinji."

³² Onyę-nkuzi Iwu hụ no si Jizosị, "Y'e kughọ ọhunma onyę-nkuzi. Ezię k'i ku nị Dinwonn-enyi sụo wụ Osolobue, ọzo arị a, ³³ leni igi obi i ile le nghoha i ile le iken i ile nwę

* Isi Nke Mmębụo:30 umę-ndun

ihien-osusuo Osolobue le iji ihien ibe i a suq i ke ihien enwən i dòn a suq i kachanrın ejan ile wę dun okun le ejan ndi ozq ile mkpa a ri.”

³⁴ Ogen Jizosi gi hūn a n'q za əhunma, q no si onye-nkuzi Iwu hū, “Y'a nokunmeguo Ali-eze Osolobue.”

Ogen ənwan gi megoo, o nwonzini onye egun ni ju Jesu ajuju.

*Ajuju Banyeni Mezaya, Onye Hū Osolobue Tume
(Mat 22.41-46; Luk 20.41-44)*

³⁵ Ogen Jesu gi rj imē Ulo-nsq a kuzi, q no si, “Kj haqndi-nkuzi Iwu gi e ku ni Kraistj wu nwa Defidi?” ³⁶ “Bū Defidi le enwən e ku oku ghahanj Mmɔn-nsq, si, ‘Di-nwɔnni-ənyi si Di-nwɔnni-m;

nodi ali əka-nni m,
d'e ru mgbe m bugu ndi irienren i
che okpuru uku i”

³⁷ Ebe o me ni Defidi le enwən e kpq a ‘Di-nwɔnni-m,’ nanj k'o dòn nwani wuru nwa Defidi?”

Ihien q rj e ku hū a suq igunrun hū usuo.

*Jesu A Dq Wę Əka-ntin Banyeni Ndi-nkuzi Iwu
(Mat 23.1-36; Luk 20.45-47)*

³⁸ K'o dòn rj a kuzi, q si, “Kpachanpu ni enya banyeni ndi-nkuzi Iwu, q suq wę ni w'e yi ekwa tueni a ghahunme; q suqzi wę ni wę e kele wę ekele pü-ichen imē afia; ³⁹ q suq wę ni w'a nodi isi-ochi imē ulo-ofufe, a nodi isi-ochi wę gha e ri oriri. ⁴⁰ W'e gi ero e rigbu ikpoho di wę nwun le ulo wę, e gi ekpere sueni e kpumē e. Ikpe-omuma wę jenkō d'a ka njō.”

*Oyiye Ogbennyye Di E Nwun Ye
(Luk 21.1-4)*

⁴¹ Jesu no nodi ali bu ihun zinmē ebe w'e buche oyiye, e lee ke igunrun hū rj e buche egho imē ebēhū. Ndi idafin bu əda hū e buche egho hini. ⁴² Ogbennyye ohu di e nwun no bia d'e buche akpuru egho kopa ebqo me ekerē, 'ya wu ikobo. ⁴³ Jizosi no kpq umu-azuu a, si wę, “Ogbennyyeni di e nwun buchekari ihiān ile hūn rj e buche ego imē ebe w'e buche oyiye. ⁴⁴ Makeni wę ile gha imē hūn bu əda wę nwé ye, kanj 'ya le enwən e, k'o mehan ogbennyye, yechanrin ihien ile o nwon, ihien ile o nwon hūn o gi bi.”

Isi Nke Mmęto

*Jesu E Ku E Ni Wę Jenkō D'e Tikpq Ulo-nsq
(Mat 24.1-2; Luk 21.5-6)*

¹ Ogen Jizosi gi gha Ulo-nsq puko, onye ohu imē umu-azuu a no si a, “Onye-nkuzi, lee ihien omuma ndinj hi-ogbe-o! Lee oken ulo ndinj magbu enwən wę mma-o!”

² Jesu no si a, “Y'a hūn oken ulo ndinj? O nwonn ogbe-omuma ohu hūn sikō d'a hodū elu ibe e, wę jenkō d'a tu wę ile ye ali.”

*Nsɔngbu Lę Ukpokpo
(Mat 24.3-14; Luk 21.7-19)*

³ Ogen Jesu suq gi nodi ali elu Ugu Olivu hūn rj nchatarj ihun Ulo-nsq, Pita, Jemisi, Jonyu le Andurụ no bia d'e kunrun e, ju a ajuju ebe 'ya le wę suq rj a, si, ⁴ “Gwa ənyi, elee ogen ke ihien ndinj sikō d'e me? Kj wu ahima w'e gi marin ni ihien ndinj ile e d'e me?”

⁵ Jesu no gwama wę, si, “Kpachanpukwo ni enya amamgbe w'e dufie unu. ⁶ Ndi bu əda jenkō d'e gi əfan m bia, si, ‘Mme wu Kraistj, Onye Ahun Chuku Tume!’ Wę sikō d'e gi e dufie ndi bu əda. ⁷ Ogen unu jenkō d'e gi nū ukwere agha rj ichen-ichen le karj-karj agha ndi wę rişonme a lü, atukwolé ni egun. Ihien ndinj jenkō d'e me bu njendemē ogen e ke ru.

⁸ Ali sikọ d'a luson ibe wę, ali-eze ohu jenkọ d'a luson ali-eze ọzo, ali-omahihie sikọ d'a rị ebe rị ichen-ichen; ụnwụn sikọ d'a rị; kanị, ihien ndịni nọ kẹ ebe imę nohụ mémé okpoho.”

Ukpokpo

⁹ “O mę nke ọnụ lę enwèn ụnu, kpachanpụ nị enya; makeni wę jenkọ d'e wejen ọnụ ọgwa rị ichen-ichen; wę sikọ d'e gbu ụnu ili imę ulo-ofufe* rị ichen-ichen; ọnụ jenkọ d'e wuzo ihun ndị-Govano rị a kini lę ndị-nze makę ufiri m—ụnu k'e gi e shia nị m eri ebe we rị.

¹⁰ Wę k'e bu ụzo zigbarigụ ndị ali ile ozioma. ¹¹ Ogen wę sikọ d'e gi nwunrun ụnu, we ọnụ si ọgwa, ehuelę ni uhue ihien ụnu jenkọ d'e ku, kale, ku ni ihien ọwule Osolobue jenkọ d'e ye ụnu ogēn hụ, makeni elę ụnu jenkọ d'e ku, kama, Mmón-nṣọ sikọ d'e gi ụnu ku. ¹² Umunę jenkọ d'e we umunę wę ye wę gbu; ndị nędzi jenkọ d'e we ụmu wę ye wę gbu; ụmu jenkọ d'a luson ndị muni wę, mę wę gbu wę. ¹³ Ize ụnu jenkọ d'a ban ihiyan ile makę ufiri m. Kanị onyę hụ din ndidi d'e ru njendemę kẹ Osolobue sikọ d'a zuopuha.”

Eje-ürü Hü

(Danelụ 9.27; Mat 24.15-28; Luk 21.20-24)

¹⁴ “Kanị, ogēn ọnụ jenkọ d'e gi hụn ‘Eje-ürü ahụn’ k'o wuzo ebe furuleni n'ọ rị (onyę hụn rị a gun ihienni 'ya ghoha a), ogēn hụ, ndị rị Judia wę gbasikwọ elu-ugu. ¹⁵ Onyę hụn rị elu ulo ehidangukwole banyemezi imę ulo n'o jenkọ d'e weri ihien ọwule. ¹⁶ Onyę rị ugbo ekinhenkwole d'e weri ekwa a. ¹⁷ O jenkọ d'a fụ ndị rị imę lę ndị pa nw'eka orun ogēn hụ! ¹⁸ E mę ni ekpere amamgbé ọ gha e mę ogēn oyil! ¹⁹ Makeni oken afunfun jenkọ d'a rị ogēn hụ—udi hụn rịtuleni, gha ogēn Osolobue gi ke ụwa d'e ru ogenni; udi a arikozi. ²⁰ Oméri Di-nwonní-enyi e te beluanị ogēn hụ, o nwonní onyę sikọ d'a s'eka wanahinni. Kanị, o giguo ufiri ndị ọ hori, ndị nke e, belua ogēn hụ.”

²¹ “Ogen hụ, onyę sị i, ‘Lee e, Kraistị rị eberi!’ Mọbü, ‘Lee e, o rị ebahun,’ ekwerikwole ihien ọ rị e ku. ²² Ndị kpọ enwèn wę Kraistị lę ndị-amumma-ntu jenkọ d'a püha. Wę jenkọ d'a runsonmę orun-atüménya, ihien-ahima rị ichen-ichen keni wę dufie ihiyan, keni wę dufiede ndị Osolobue hori—oméri o te k'a nị wę mę. ²³ Kpachanpükwo nị nwan enya, n'a gwatoguo m ụnu!”

Obibia Jesu

(Mat 24.29-31; Luk 21.25-28)

²⁴ “Ogen hụ, ogēn afunfun hụ ghafegu, enya-anwụn jenkọ d'a gba ishi, ifon etikozị, ²⁵ kokise jenkọ d'a gha elu-igwere a danye ali, iken rị elu sikọ d'e zinzin. ²⁶ Ogen hụ kẹ ihiyan ile jenkọ d'e gi hụn Nwa nke ihiyan k'o gi iken lę ogho hi-ogbe lala imę orukpu. ²⁷ O jenkọ d'e zipu ndị mmón-ozi ẹ jen imę ụwa ile, d'e wegباما ndị nke Osolobue rị ebe ọwule—gha ebe ụwa ru d'e ru ebe elu-igwere ru.”

Ihien Jesu Gi Osisi Figi Kuzi

(Mat 24.32-35; Luk 2.29-33)

²⁸ “Gi ni osisi figi múnrun ihien: Hụn o gihu forima ọnụ a marịn nị udu-mirin e d'e bidon. ²⁹ Erịra k'o rịzıkwo, ogēn ụnu e gi hụn kẹ ihien ndịni rị e mę, ụnu a marịn nị Nwa nke ihiyan a riguo ehu nsue, o ruguo ọnumuzo. ³⁰ Ezioku kẹ m rị a gwa ọnụ, agbonị a ghafegukọ ihien ndịni kebe mēzu. ³¹ Elu-igwee lę ụwa sikọ d'a ghafe, kanị ihien ndị m ku a ghafekọ.”

O Nwonní Onyę Marịn Uhuohin Hü Mọbü Ogen Hü

(Mat 24.36-44)

³² “Kanị, o nwonní onyę marịn uhuohin o jenkọ d'e mę mọbü ogēn o jenkọ d'e gi mę imę uhuohin ahụn, kẹ ndị mmón-ozi rị elu-igwee kẹ Nwa; Chuku-Nędzi suọ marịn. ³³ Kpachanpụ nị enya, múnrun nị enya, makeni ụnu amarịn ogēn o jenkọ d'a wụ. ³⁴ Obibia Nwa nke ihiyan jenkọ d'a rị kẹ ebe okennye ohu nọ jenkọ ali-ihiyan, o nọ bu ihien e che eka

* Isi Nke Mmęto:9 Iya wuzikwọ ọgwa obodo ọwule ogēn ahụn.

ndị idibo e, onyę le օrun a, onyę le օrun a; o nō sị onyę-nche 'ya chemę nche. ³⁵ 'Ya wụ, múnrun nị nwān enya, makélé օnu amarịn ogen nna nwę ụlo e gi lụa—ké ogen enyasị k'o gi lụa-o, ké imē abalị rō-o, ké ọkpà kwan rō-o, ké eki fònme rō-o—o nwɔnni onyę marịnni. ³⁶ Omēni օ bia idēnmizi, amamgbe օ hūn ụnu kē օnu rị a ranhịn ụran. ³⁷ Ihien m rị a gwa ụnu kē m rị a gwa onyę օwule: múnrun nị enya!"

Isi Nke Mmęnɔ

E Rini Wę Jesu Ngo

(Mat 26.1-5; Luk 22.1-2; Jon 11.45-57)

¹ Ogen o gi hodụ akpụ-uhuohin ebụo nị Mmemmę-Nghafe le Mmemmę wę gi e ri Brędi nwɔnləni yisti o gi a fụ ru, ndị-isı nchụ-ejan le ndị-nkuzi Iwu hụ a chọ kē w'a dọn gi nzuzue nwunrun Jesu d'e gbu. ² Wę nō sị, "Enyi emekokwọ a ogen Mmemmę, amamgbe isusu gha a rị."

E Hukpu Wę Jesu Udẹn

(Mat 26.6-13; Jon 12.1-8)

³ Ogen Jesu gi rị obodo Bętanị, iwe Sajmonu hūn emu oti te kụ, e ri ihien-oriri, okpoho ohu nō buhę ogo alabasta udęn e shin օhunma jun imē e; udęn ahụn እnanran odata-odata —nadị kē wę gi meme e. O nō kuke ogo hụ, hu udęn hụ kpu Jesu isi. ⁴ Kanị ndị hụ imē ndị rị ebahụn nō wemę iwe, a sị ibe wę, "Kị wę rị e wiwini udęnni እnanrann? ⁵ Nke e rekari wę udęnni ihien noke egho օrun akp'ohin օgun-mmisen, we egho e ye ndị igbennye." Wę nō koriamanị okpoho hụ odata-odata.

⁶ Kanị, Jesu nō sị wę, "Hapun'a! Kị ụnu rị e songbun'e? O feguọ m ofufe rị mma. ⁷ Onu le ndị igbennye rị ebeni ogen ile, ụnu nwę iken meni wę օhunma ogen օwule ụnu chọ; kanị mme nwèn esonkọ ụnu nodị ebeni ogen ile. ⁸ Okpohoni a nwanguo iken e; o hukpuguo m udęnni əhiụ n'o gi kwademę olili m, o gini d'e ru. ⁹ Ezię, m rị a gwa ụnu nị ebe օwule wę sikọ d'e zi ozioma imē ụwa, wę jenkọ d'e ku ihienni o mę, e gi e a nyanhan a."

Judasị E Kweri N'ọ We Jesu Ye Wę

(Mat 26.14-16; Luk 22.3-6)

¹⁰ 'Ya Judasị nwa Iskarotu, onyę ohu imē wę mmębụo hụ nō jenmę d'e kunrun ndị-isı nchụ-ejan keni օ hūn ụzo re Jesu ye wę. ¹¹ Ogen wę gi nü ihien օ bianị, ẹfọ nō suq wę ụsuo օhunma-օhunma; wę nō kwe e nkwa nị wę jenkọ d'e ye e egho. 'Ya օ nō chomma efe o k'e gi we Jesu ye wę.

Jesu Lę Umụ-azụn A E Ri Oriri-Nghafe

(Mat 26.17-25; Luk 22.7-14, 21-23; Jon 13.12-30)

¹² O ru uhuohin ibuzo Mmemmę wę gi e ri Brędi nwɔnləni yisti o gi a fụ, uhuohin hụ wę gi e gbu ebulu Oriri-Nghafe, umụ-azụn Jesu nō jụ a, sị, "Elebe k'i chọ nị enyi kwademę hụn y'a nō ri Oriri-Nghafe?"

¹³ 'Ya Jesu nō zi mmadụ ebụo imē umụ-azụn a, sị wę, "Jen ni imē obodo hụ, okennye ohu bu ite-mirin jenkọ d'e kunrun օnu; sonmien'e. ¹⁴ Sị nị onyę nwę ụlo o jenkọ d'a banye, 'Onyę-nkuzi sị, "Ele hūn wụ mmughe m ahụn mę le umụ-azụn m sikọ d'a nō ri Oriri-Nghafe?"' ¹⁵ O jenkọ d'a ghosị ụnu mmughe ohu shianị rị ibe elu, hụn wę kwademegụ օhunma, nō nị ebęhụ kwademę ni enyi ihien ile."

¹⁶ 'Ya umụ-azụn hụ nō shi imē obodo hụ, hụn ihien ile kē Jesu dọn ku; wę nō kwademę ihien-oriri Nghafe.

¹⁷ O ru ogen enyasị, Jesu le umụ-azụn a mmębụo nō bia ebęhụ. ¹⁸ Ogen wę gi nödigiụ alị e ri ihien-oriri, Jesu nō sị wę, "Ezioku kē m rị a gwa ụnu, onyę ohu imē ụnu jenkọ d'e re m—onyę mmę le 'ya rị e ri ihien-oriri."

¹⁹ Efọ asuozinị umụ-azụn a ụsuo; onyę-onyę hụ a sị a, "Elekwọ mmę! Mmę rō?"

²⁰ Jesu nō za wę, sị, "Onyę ohu imē օnu mmębụo rō, onyę hūn mmę le iya gba e suru brędi imē afere ohu e ri. ²¹ Egheę, Nwa nke ihiän k'a la rikę kē Ehụhụo-nsọ dọn ku; kanị

nsongbu jenkö d'a rị nị onyę hụn sikö d'e we Nwa nke İhian ye wę! O te ka onyę hụ mma nị amụni w'a!"

Oriri-nsọ

(Mat 26.26-30; Luk 22.14-20; 1Ko 11.23-25)

²² Ogęn wę gi rị e ri ihiēn-oriri ahụn, Jesu nō weri brędi, o gózigü a, o nō bebe e, w'ę ye ümu-azüün a, sị, "Weri n'ę, Ọnwān wụ ehụ m."

²³ 'Ya o nō weri ope, o yegü Osolobue ekele, o nō ye wę ile 'ya. Wę ile nō rarịsonme.

²⁴ O nō sị wę, "Onwan wụ ędeke m, hụn wę gi ufiri ndị bu ọda hupụ; ędeke m, hụn wę gi biye nkwerigbama * Osolobue tumę ęgbata 'ya lę ndị nke e. ²⁵ M rị a gwa ụnụ ezioku, arakozi m manya vajinị d'e ru ogęn m jenkö d'a ra a nke ọhụn imę Ali-eze Osolobue."

²⁶ Wę nō bu ębu Mməmmę-Nghafe; a bugü w'a, wę nō gha ebahụn jenme Ugu Olivu.

Jesu E Ku E Ni Pita Jenkö D'a Ghori N'ę Marin A

(Mat 26.31-35; Luk 22.31-34; Jon 13.36-38)

²⁷ Jesu nō sị wę, "Ụnụ ile jenkö d'a gba m tọ, makeni Ekükwó-nsọ sị, 'M jenkö d'e gbu onyę-ndu atunrun, atunrun ile jenkö d'a gbayiya!'

²⁸ Kanị m ghaguo Ọnwụn lihi, m k'e bu nị ụnụ uzo si Galili."

²⁹ Pita nō sị a, "Anakö m'i tọ! Ọsuon'a nị ndị ọzọ ile a la i tọ!"

³⁰ Jesu nō sị Pita, "Ezioku kę m rị a gwa i, nị tannị, imę abalini, ọkpa gini d'a kwan mgbe ębu, i jenkö d'a ghori mgbe eto nị y'a marin m."

³¹ Kanị, Pita e kusi e ikēn, sị, "O nwọnni ogęn m'e gi la i tọ, ọsuon'a nị mmę lę 'yụ sikö d'a nwụn!" Ümu-azüün ile hodonu nō kuzikwö eriရa.

Jesu E Mę Ekpere Imę Gesemani

(Mat 26.36-46; Luk 22.39-46)

³² Ya wę nō shi ebe w'a kpo Gesemani, Jesu nō sị ümu-azüün a, "Nodị nị alị ebeni, nị m jen d'e mę ekpere." ³³ O nō weri Pita lę Jemisi lę Jon jenme.

Ya obi nō ferime e, obi eruzin'ę alị. ³⁴ O nō sị wę, "Obi e d'a gbawapụ m—o d'e gbu m; nodị nị ebeni, ụnụ a munrun enya."

³⁵ O nō jenzukazi, tħa enwèn e ye alị, kpe ekpere, nị mbunị o jenkö d'a nị mę, nkę a napu w'a ogęn afunfun hụ. ³⁶ O nō sị, "Baba, Baba Nędi m! O nwònni ihiēn i ghaleni a s'eka e mę; napu m mkpu afunfuni. Kanị uche i mę, ele nke m."

³⁷ Ogęn o gi kin-azüün, o hụn wę kę wę rị ụran. O nō sị Pita, "Saimonu, i rị ụran? 'Ya wụ y'a s'eka munrun enya mgbahunmę ọkụlökü ohu?" ³⁸ O nō sị wę, "Munrun nị enya; e mę ni ekpere, amamgbe ọnụ a danban imę Ọnwụnwan; mmọn ihiān a chogho, kanị nduń guụ ehụ."

³⁹ O nō puzi d'e mę ekpere, e mezikwö ekpere ohu hụ. ⁴⁰ O kinhenzi azüün ebe ümu-azüün a rị, hụnzi wę kę wę rị a ranhịn—ezigbo ụran gi wę, asanị wę eka shiapu enya. Amarinzinị wę ihiēn wę sikö d'a sị a.

⁴¹ O kinhenzi nke mgbe eto, o nō sị wę, "Ụnụ ríkwö a ranhịn, e zuru ikēn? O higuo! Ogęn e ruguo. Lee n'ę, e we wę Nwa nke İhian che eka ndị-njo. ⁴² Lihı ni nị enyi jenme. Lee n'ę, onyę rị e reni m e ruguo ehụ ebeni!"

A Nwụnrụn Wę Jesu

(Mat 26.47-56; Luk 22.47-53; Jon 18.3-12)

⁴³ Ozigbo hụ, kę Jesu ríkwö e ku oku hụ, Judasi, onyę ohu imę ümu-azüün a nō bịa, 'ya lę igunrun busonmę ihiēn ögün—kę opia-agha, kę egbe. Ndị-isı nchụ-ejan lę ndị-nkuzi Iwu lę ndị-isı zihę wę. ⁴⁴ (Onyę hụn rị e ren'ę wụ Judasi gwa wę ihiēn wę sikö d'e gi marin Jesu, sị, "Onyę hụn m jenkö d'e su ọnụ, iya wụ onyę hụ ụnụ chokö, nwụnrụn n'a, ọnụ e kwonkēnmę e, duru e jenme.") ⁴⁵ Ogęn Judasi gi nwān bịa, o nō jenburu Jizosị, sị a, "Onyę-nkuzi!" O nō su e ọnụ. ⁴⁶ Ndị hụ nō kwondon Jesu, nwụnrụn a. ⁴⁷ Kanị, onyę

* Isi Nke Mməno:24 mọbü: nkwerigbama ọhụn

ohu imē ụmụ-azụn a ndị ahụn turu ebęhụ nō sepụha opia-agha, banpụ odibo Onye-isị nchụ-ejan ntin. ⁴⁸ Jesu nō si wę, “Kị ụnụ buhę ni opia-agha lę egbe d'a nwụnrụn m-nöké sị m wụ onye-ohin? ⁴⁹ M rị imē igunrun ụnụ imē Ulo-nsọ ụhụohin ile a kuzi, ụnụ anwụnrụnnị m. Kanị ihiēn ndịnị rị e mē keni ihiēn Ehuhụo-nsọ kụ hụn uzọ mēzu.”

⁵⁰ Umụ-azụn a ile nō la a tọ, gßama ọsọ. ⁵¹ Okorobịa ohu, hụn yihụ ekwa linę w'e yiye elu e suọ, nō sonmę Jesu. Wę nō dodoñ ekwa a, chọ nị wę nwụnrụn a, ⁵² kanị ọ nō la ekwa a tonyi wę, gi ọtọ għa ebahun għapu.

E We Wę Jesu Jennis Nkikwama

(Mat 26.57-68; Luk 22.54-55, 63-71; Jon 18.13-14, 19-24)

⁵³ Wę nō weri Jesu si iwe Onye-isị nchụ-ejan. Ndị-isị nchụ-ejan lę ndị-nkuzi Iwu lę ndị-isị ile nō gbakikomé ebęhụ. ⁵⁴ Kanị, Pita sonkọ Jizosị; egbata wę e teyezi erekere. O banyi ezi ogwa Onye-isị nchụ-ejan, ọ nō sòn ndị-nche nödị alị nyanma ọkun. ⁵⁵ Ndị-isị nchụ-ejan lę Ndị-isị Nkikwama ile hụ a chọ ihiēn wę k'e gi hangbu Jizosị enen, keni wę gbu e, kale ahunni wę — ⁵⁶ ọsụon'a nị ndị bu oda e buokinolę Jesu ọnụ, oku wę adangbamani. ⁵⁷ 'Ya kę ndị hụ imē ndị rị ebęhụ nō lihi ọtọ, buokin Jesu ọnụ, si, ⁵⁸ "Enyi nụ k'o ku n'o jenkö d'e tikpo Ulo-nsənị wę gi eka tun, gi akpụ ụhụohin eto tun hụn wę għaleni e gi eka a tun." ⁵⁹ Kanị, ेri wę a dangbamazikwoni.

⁶⁰ 'Ya kę Onye-isị nchụ-ejan nō lihi ọtọ ihun wę ile, jụ Jesu njụ, si, "O nwọnni ihiēn y'e ku banyeni ihienni ile wę rị e ku nị iya kę i me?"

⁶¹ Kanị Jesu a għa nkintin, ọ shiarinji ihiēn əwule. Onye-isị nchụ-ejan nozị jụ a, si, "Iyu wụ Kraisti, Nwa Onye Hụ Rìchanrin mma?"

⁶² Jesu nō si, "Mmę ro; ọnụ jenkö d'a hündę Nwa nke İhijan ebe ọ nodi alị azụn əka-nni Osolobue, Onye ahụn Iken ile wụ nke e, hunjżi a k'o gi orukpu għa elu-igwee lala!"

⁶³ 'Ya Onye-isị nchụ-ejan nō tika ekwa 'ya lę enwən e wụ Onye-isị nchụ-ejan, si, "Kị ənyi rizi a chonj əsheri əzə?!" ⁶⁴ Ụnụ a nügħo arunni o ku. Kị wụ uche ụnụ?" Wę ile nō si nị ikpe-onwun a magħoġ a.

⁶⁵ Ndị hụ imē wę nō juma əson kpu Jesu, e kpumē w'e ənya, fian a ihiēn, si a, "Bu amumma!" Ndị-nche nozị weri e, gbu e ili.

Pita A Ghorij N'ō Marjin Jizosị

(Mat 26.69-75; Luk 22.56-62; Jon 18.15-18, 25-27)

⁶⁶ Kę Pita rị ibe alị imē ezi-ogwa hụ, okpoho ohu imē ndị idibo Onye-isị nchụ-ejan nō bia ebęhụ. ⁶⁷ Ogen o gi hụn Pita ebe ọ rị a nyan əkun, o bu ənya tuma a, si a, "Iyu lę Jizosị onye Nazareti hụ wizikwo."

⁶⁸ Kanị Pita nō ghorij, si, "Amarindę m ihiēn i rị e ku, aghotani m ihiēn i rị e ku." O nō pū ebęhụ, si ənụ-mgħoġ. 'Ya kę əkpa nō kwan.

⁶⁹ Okpoho odibo hụ a hunjżi a ebahun, ọ nō gwama ndị wuzo ebęhụ, si, "Onyen i wụ onye ohu imē wę!" ⁷⁰ Kanị Pita a ghorizzi.

O tebe, ndị turu ebahun nozị si Pita, "Ezioku-ezioku, i wụ onye ohu imē wę, makeni i wụ onye Galili."

⁷¹ Kanị, Pita nō buma enwən e ənụ, kundę Osolobue, si, "A marin m okennyyeni ənụ rị e ku oku e."

⁷² Ozigbo, əkpa nō kwan nke mgħe əbħo, ya Pita nō nyanhan oku Jesu għaw a; nị "Okpa għini d'a kwan mgħe əbħo, i jenkö d'a ghorij mgħe ətqo nị y'a marin m." 'Ya ndun nō guu a, ọ nō kwan ezigbo əkwan.

Isi Nke Mmisēn

E Weri Wę Jesu Jennis Paileti

(Mat 27.1-2, 11-14; Luk 23.1-5; Jon 18.28-38)

¹ Hun eki għiġi fona, ndị-isị nchụ-ejan lę ndị-isị lę ndị-nkuzi Iwu lę ndị ile rị Ndị-isị Nkikwama nō zu, tħġibba iroro ihiēn wę sikox d'e mē. Wę nō kien Jesu əgħibun, duru e pu,

wé e ye Paileti, hún wú Govano rí a kídón ni ndí Rom. ² Paileti nō jú a, sí, “Iyú wú Eze ndí Ju?” Jesu nō za, sí, “Iyú ku e.”

³ Ndí-isi nchú-ejan nō kusónmé ihién bu óda wé sí ní 'ya k'o mé. ⁴ Paileti nō júzí a, sí, “O nwónni ihién y'a za? Lee ihién ndíñile wé rí e ku ní iya k'i mé.”

⁵ Jesu ekuzini ihién ówúlè, nke wú ní o tu Paileti énya.

A Ma Wé Jesu Ikpe-ónwún

(Mat 27.15-26; Luk 23.13-25; Jón 18.39—19.16)

⁶ Ogén Mmémme-Nghafe ówúlè, Paileti a gha imé ulongan e wepuha ní wé onyé ohu ówúlè wé cho. ⁷ Mmémme-Nghafeni, o nwón okénnye ohu w'a kpó Barabasi hún rí imé ngan, iya lè ndí rí a lúson ndí-ókíkí; ndí ahún ya lè wé rí imé ngan gbu ochú ogé isusu.

⁸ Ya ké igunrun hú nō nwán bía d'a ríø Paileti n'o mé ni wé k'o dón e mé mbú, ⁹ Paileti nō jú wé, sí, “Únu a chogho ní m hapú ní únu Eze ndí Ju?” ¹⁰ (Paileti jú wé érirà makéni o maríngúo ní énya-úfú ké ndí-isi nchú-ejan gi we Jesu ye e.)

¹¹ Ndí-isi nchú-ejan nō sí igunrun hú gwa a n'o wepúha ní wé Barabasi hún nké o gi wepúha Jizosí. ¹² Paileti nō jú wé, sí, “Kí onu cho nwán ní m gi okénnyenéni únu a kpó ‘Eze ndí Ju’ mé?”

¹³ Wé nō yi oro, za, sí, “Kpogbu e!”

¹⁴ Paileti nō jú wé, sí, “Kí haín? Elee njó k'o mé?”

Kani, wé nō yikenmèdè oro, sí, “Kpogbu e!!”

¹⁵ Makéni Paileti cho n'o mé ihién sikó d'a suò igunrun hú usúo, o nō hapú Barabasi yéni wé; o fiangúu Jesu mkpiñsin, o nō w'e ye ndí jénkó d'a kpogbusn'.

Ndí-agha A Kpa Jesu Ye Emu

(Mat 27.27-31; Jón 19.2-3)

¹⁶ Ya ndí-agha rí okpuru Paileti nō weri Jesu si ezi-ogwa Paileti; wé nō kpogbama itu-agha wé. ¹⁷ Wé nō yime e ewuru ñanranní e nwún ufie-róní, ufie-róní*; wé nō gi ogun kpa n'a okpu-eze, bu e che e isi. ¹⁸ 'Ya wé nō keleme e, a sí, “Eze ndí Ju, isi i che!” ¹⁹ A fían w'a mkpiñsin isi, jukpu e eson; e gbuni w'e osekpu, e liyen'e éka. ²⁰ A kpagúu w'a ye emu, wé nō yipu a efé popú hú, yimézi e nke e. 'Ya wé nō weri e d'a kpogbu.

A Kpoma Wé Jesu Elu Obe

(Mat 27.32-44; Luk 23.26-43; Jón 19.17-27)

²¹ E ru wé uzó, wé nō hún okénnye ohu w'a kpó Saimonu, ebe o gha alí ofia lala imé obodo. Ndí-agha hú nō wa a ye e olu n'o buru obe ahún wé jénkó d'e gi kpogbu Jesu. (Saimonu wú nedí Alézanda le Rufosi, onyé alí Sairini k'o wú). ²² Wé nō we Jesu si ebe w'a kpó Gogota, hún wú “Ebe Okpokom'isi.” ²³ Ebéhu ké wé nō ye e manya wé gwogbama 'ya lè ihién e lu ilu w'a kpó Maa n'o ra, kani Jizosí aran'a. ²⁴ 'Ya wé nō kpoma a enu obe. Wé nō kebe ekwa a, tu nkó keni wé marín hún onyé-onyé jénkó d'e weri.

²⁵ Okulókú itenei útuntún ké wé gi kpoma a elu-obe. ²⁶ Ihién wé deye elu obe ní iya ké wé gi ma a ikpe wú “Eze ndí Ju.” ²⁷ Wé kpoma Jizosí le ndí ohin ebúo elu-obe ichen-ichen; onyé ohu rí elu obe rí éka-ihién Jizosí, hún-ebó rí elu-obe rí éka-ekpen e, ²⁸ [kení ihién Ékukwo-nsó ku hún uzó mēzu—makéni Éhuhuó-nsó sí, “Wé gun a yéni ndí a dan iwú.”]

²⁹ Ndí ghafekoni hú e finfin isi, a kpari e, a sí, “Ha! Ele i sí n'i jénkó d'e tikpó Ulo-nsó, gi akpú-uhuohin etó tundónzi e?! ³⁰ Zuopúha nwán enwén i! Gha nwán elu obe hú hidan.”

³¹ Ndí-isi nchú-ejan lè ndí-nkuzi Iwu húzí a kpa a e ye emu imé igunrun wé, a sí ibe wé, “O zuopúha ndí ozo, kani o saní éka zuopúha enwén e! ³² Onyé nwén sí n'o wú Kraistí, Eze ndí Izrelú, 'ya gha nwán elu obe hidan, keni ényi hún, kweri!”

Ndí ohin ebúo hú wé kpoma wé le iya húzikwo a kpari e.

Jizosí A Nwúnhun

(Mat 27.45-56; Luk 23.44-49; Jón 19.28-30)

* Isi Nke Mmisen:17 ewuru ndí nze lè ndí-ídafin

³³ O ru ogən ənya-anwun gi a rị isi, ali hụ ile nọ gba ishi d'e ru əkụlökü eto efinnai hụ.

³⁴ Ogən ihiən nökə əkụlökü eto gi kụ, Jesu nọ gi oken olu yi oro, sị, “Elo! Elo!! Lama Sabakitanı?!” hụn wụ “Osolobue m! Osolobue m!! Kị hajin i gi gbakito m azụn?!”

³⁵ Ndị hụ imē ndị wuzo ebéhụ a nụ ihiən o ku, wẹ nọ sị, “Gon ni ntin, o rị a hị Elaija!”

³⁶ Onyə ohu imē wẹ nọ gba əso, weri eru suru manya rụ-uka, fa a ye ənụnụ mkpiñsin, ye ə ra, sị, “Cheri ni, nị ənyi lele kẹ Elaija jenkö d'a bia d'e wetu ə enu obe!”

³⁷ 'Ya Jesu nọ gizi oken olu yikənmə oro, kwonbepu.

³⁸ Ekwa wẹ gi gbonbepu Ebéhụ-kachanrin-nso imē Ụlo-nso nọ bawapụ əbuo gha elu d'e ru ali. ³⁹ Əki-agha hụn wuzo ihun ə ebéhụ a hụn kẹ Jesu dọn nwun, o nọ sị, “Ezioku-ezioku, onyeni wụ Nwa Osolobue.”

⁴⁰ O nwɔnghozị ikpoho ndị hụ rị a gha ebe teni e lee ile; ndị hụ imē wẹ wụ: Meri onyə Mag'dala le Salomi le Meri nnə Jemisi hụn-nta le Josisi†. ⁴¹ Ikpoho ndinị wụ ndị e son Jesu, e yen'ē eka, e jenn'ē ozi ogən o gi rị Galili. Ikpoho ndị əzo bu əda son ə bia Jerusalem rịzıkwo ebahụn.

E Li Wẹ Jesu

(Mat 27.57-61; Luk 23.50-56; Jon 19.38-42)

⁴² O ru ənyasi Uhuhin hụ, ebe o məni Uhuhin-nkwademə ro, 'ya wụ əhi gbama Uhuhin Izu-ikən e ru, ⁴³ 'ya Josefụ onyə obodo Arimatia nə jen d'e kunrun Paileti. Josefụ wụ onyə wẹ marin amarin imē Ndị-isı Nkikwama. Ə rịzıkwo ndị rị e che əbibia Ali-eze Osolobue. Ə nə wepụ egun ənya, buru Paileti, sị a ye ə ehị Jesu. ⁴⁴ Ogən Paileti gi nụ nị Jesu a nwunole, ə tu a ənya. Ə nə kpọ əki-agha hụ, ju a k'o teguọ Jesu nwun. ⁴⁵ Ogən o gi nügụ ihiən əki-agha hụ za, ə nə sị Josefụ jen d'e buru ehụ hụ. ⁴⁶ Josefụ nə nònrin ekwa line, butu ehụ Jesu elu obe, gi ekwa hụ fuma a, bu ə che imē ili wẹ gu rịkə okporo ye imē əmumma zeni kẹ wẹ e mə. 'Ya ə nə gi əmumma hi ogbe nukin ənụ ili hụ. ⁴⁷ Meri onyə Mag'dala le Meri nnə Josisi‡ rị ebahụn e lee ile, wẹ nə hụn ebe wẹ buto ehụ Jesu.

Isi Nke Mmisin

Jesu A Gha Ọnwun Lih

(Mat 28.1-8; Luk 24.1-12; Jon 20.1-10)

¹ Ogən Uhuhin Izu-ikən gi ghafegụ, Meri onyə Mag'dala le Salomi le Meri nnə Jemisi nə nònrin ihiən ndị e shin əhunma kəni wẹ jen d'e gi ə te ehụ Jesu. ² Uzo-utuntun uhuhin ibuzo imē izu-uka (hụn wụ nwan uhuhin Sonde), ogən anwun gi wama, wẹ nə jenmə ili Jesu. ³ Ogən wẹ gi jenkö, wẹ hụ a ju ibe wẹ, sị, “Onyə jenkö d'e nupụ nị ənyi əmumma rị ənụ ili?” ⁴ Ogən wẹ gi ru ebéhụ, lee ənya, wẹ nə hụn a nị e nupuguole wẹ əmumma hụ higbu enwən e ogbe. ⁵ 'Ya wẹ nə banye imē ili hụ, wẹ nə hụn okorobia yi ekwa əchan tueru ali k'o nədị ali eka-nni, ə nə tu wẹ ənya.

⁶ Okennyę hụ nə sị wẹ, “Atule ni egun; ənụ rị a cho Jesu onyə Nazareti, hụn wẹ kpogbu. O lihigụ! Ə rịzi ebeni. Lee ni ebe wẹ te buto a! ⁷ Jen ni nwan d'e zi ụmu-azụn a le Pita nị ‘O burugụ nị ənụ uzọ shi Galili; ebéhụ kẹ ənụ sikö d'a nə hụn a-k'o dọn gwa ənụ.’”

⁸ 'Ya wẹ nə gha ili hụ püha, gbama əso, makelé ə tu wẹ ənya, tu wẹ egun. O nwɔnni onyə wẹ gwa ihiən əwule uzọ makeni egun rị a tu wẹ.

[Wẹ nə be ni Pita le ndị 'ya le wẹ wị ihiən ndinị nke-nke. Omegụ, Jesu le enwən ə nə zipụ ụmu-azụn a, wẹ gha əwüwa-ənya-anwun ru ndidịn ənya-anwun, wẹ d'e zi ozi nzuopuha-itebite, ozi hụ rị nso, rị ndịn jenrin ejen. Isee.]

Meri Onyə Mag'dala A Hụn Jesu Ogən O Gi Ghagụ Ọnwun Lih

(Mat 28.9-10; Jon 20.11-18)

⁹ Uzo-utuntun uhuhin ibuzo imē izu-uka (hụn w'a kpọ uhuhin-uka tannị), ogən Jesu gi ghagụ Ọnwun Lih, ə nə bu'zo nwɔnpüha ebe Meri onyə Mag'dala rị—Meri onyə Mag'dala hụn ə gha imē ə chupụ eje-mmɔn esa. ¹⁰ Ə nə jenmə d'a gwa ibe ə ndị wẹ

† Isi Nke Mmisen:40 Josefụ ‡ Isi Nke Mmisen:47 Jos̄efu

ile wị e son Jesu, ebe wẹ ile sükuru, a kwan ekwan. ¹¹ Kanị, ogen wẹ gi nụ k'o ku ni Jizosi rịzi ndun, n'ọ hụnguọ a, egini w'ẹ dọn.

*Jesu E Nwọnpuha Ebe Umụ-azụn A Ebụo Jenko Emausụ Rị
(Luk 24.13-35)*

¹² Onwan e megụ, 'ya kẹ Jesu nọ gi ụdi ọzọ nwọnpuha ebe umụ-azụn a ebụo jenko ali-ofia rị. ¹³ Wẹ nọ kin-azụn d'a gwa umụ-azụn a ndị hoduṇi, kanị egizikwoni w'a dọn.

*Jesu E Nwònpuha Ebe Umụ-azụn A Mmaji Ahun Rị
(Mat 28.16-20; Luk 24.36-49; Jon 20.19-23; Orun Ndị-Ozi 1.6-8)*

¹⁴ Omegụ, Jesu nọ nwònpuha ebe umụ-azụn a mmaniị ahun rị e ri ihien-oriri. Ọ nọ jugbo wẹ maké obi-ebụo wẹ lẹ obi wẹ zeni, makeni egini wẹ ihien ndị hụnn'a n'ọ ghagụo ọnwụn lihi gwa wẹ dọn. ¹⁵ Ọ nọ ye wẹ iwu, si, "Ghagbamẹ nị ụwa ile d'e zi ihiyan ile ozioma.

¹⁶ Onyę ọwule hụn kwerini, e mè wẹ e mirin-Chuku, jenko d'e nwę nzuopuha; kale, onyę ọwule hụn kwerileni, ikpe jenko d'a ma a. ¹⁷ Ahimaja ndịnị sikọ d'e son ndị kwerini: wẹ sikọ d'e gi ẹfan m chupụ eje-mmọn; wẹ jenko d'a sụ asusụ ndị ọzọ rị ichen-ichen wẹ marinleni; ¹⁸ wẹ k'a saeka gi eka buru agwo; wẹ ri nshi, o nwonnini ihien o jenko d'e mè wẹ; wẹ jenko d'e bu eka kwasị ndị emu rị a kụ, a dịnhịn wẹ."

*E We Wę Jesu Si Elu-igwee
(Luk 24.50-53; Orun Ndị-Ozi 1.9-11)*

¹⁹ Ogen Di-nwonnini-enyi wụ Jesu gi gwagụụ umụ-azụn a oku ndịnị, Osolobue nọ we e si elu-igwee d'a nödị alị eka-nni Osolobue. ²⁰ 'Ya umụ-azụn a nọ jenmę d'e zi ozioma ebe ile, Di-nwonnini-enyi nọ noyen'i wẹ, e gi orun-atumenyə o gi rị e son e a ghosị nị ozi wẹ wụ ezioku.]

Oziomma Jesu Kristi Rike Ke
Luku
 Dön De E

Ihien Wę De Ni Ekukwoni

¹ Tiofilosi Ikpen ile rị ni, ndị bu odata a liliimagwo depuhha ihien ndị hụn mē ime igunrun enyi; ² wę de wę hụ kę ndị ahụn gi enya wę hụn ihien ndịnị wę gha isi mbidon lę ndị zisònme ozi hụ don gwa enyi. ³ Ya wụ, makeni a kpachanpugwo m enya lebanchanrin ihien ndịnị ile enya gha mbidon lala, e roguo m'a nị ọ hughọ mma nị mmē nwèn nké gi usonron-usonron den'i k'o don mesonme, ⁴ keni ọ hụn uzo we i enya nị ihien wę kuzi i wụ ezioku.

Mmón-ozi E Węhé Ozi Nị Wę K'a Mü Jönü Hụn E Mę Mirin-Chuku

⁵ Ogen Herodu gi wụ eze Judia, o nwòn onye nchụ-ejan ohu w'a kpọ Zekaraya. Kę wę don han ndị nchụ-ejan, itu Abija k'o rị. Elizabeti nwunyé e wuzikwo onye ebón Eronu kę ya. ⁶ Wę ebuo wụ ndị ezi-omumé enya Osolobue; enwon wę nkɔrjani—w'e dònmechanrin iwu lę օdinali ile rị ofufe hụn Di-nwònnoni-enyi tumesonme. ⁷ Kanị amunị wę nwa, makélé Elizabeti wụ agan, bụ wę ebuo a kaguo egedi.

⁸ Uhuhohin ohu, Zekaraya rị imé Ulo-nsø a run ṽrun nchụ-ejan a, ogen ndị itu e gi rị ṽrun. ⁹ Kę omenalị ndị nchụ-ejan don rị, iya kę mkpọ wę tu hanrin hụn sikọ d'a banye Ebéhu-ri-nsø imé Ulo-nsø Di-nwònnoni-enyi d'a kpọ nsensi okun. ¹⁰ K'o rị a kpọ nsensi hụ okun, ndị hụ ile bịa d'e fe ofufe hụ ihun-ezi, e mē ekpere. ¹¹ 'Ya kę mmón-ozi Di-nwònnoni-enyi nō nwònpuha nị Zekaraya imé ebahun; mmón-ozi hụ wuzo azuṇuṇu eka-ihien ukpo w'a nō a kpọ nsensi okun. ¹² Ogen Zekaraya gi hụn a, ehu nō mama a nni odata-odata, egun nō tuma a. ¹³ Mmón-ozi hụ nō sị a, "Atule egun Zekaraya! Osolobue a nuguo ekpere i: Elizabeti nwunyé i jenkọ d'a mun'i okennye! I sikọ d'a kpọ a Jönü. ¹⁴ Unu jenkọ d'a ghoghọ odata; efọ sikọ d'a suq onu usuq odata; ndị bu odata jenkọ d'a ghoghonị omumụ a, ¹⁵ makeni o jenkọ d'a wụ oken ihien enya Di-nwònnoni-enyi. O rakokwo manya ọwule móbụ manya zeni. Wę gini d'a mü a, Mmón-nsø sikọ d'a gha ebe o rị efọ nné e jun imé e. ¹⁶ O jenkọ d'e mē ndị Izrelu bu odata gbehutu d'e kunrun Di-nwònnoni-enyi wụ Osolobue wę. ¹⁷ O sikọ d'e buru ni Di-nwònnoni-enyi uzo ken'ọ kwan'a uzor; o jenkọ d'e gi agungun lę ik'en onye-amumá wụ Elaija mē e—keni o mē obi ndị nedị gbehutu si ebe ümụ wę rị, mē ndị nnupu-isi gbehutu d'e romé iroro ndị ezi-omumé, iroro ndị marin ihien—gi e kwademé ndị alinị make obibia Di-nwònnoni-enyi."

¹⁸ Zekaraya nō sị mmón-ozi hụ, "Nanị m'e don marin nị onwan sikọ d'e mē? A kaguo m egedi, nwunyé m a kaguozi egedi." ¹⁹ Mmón-ozi hụ nō shiarị a, sị, "Mmē wụ Gebreli hụn e wuzo ihun Osolobue. Iya zi m d'a gwa i oku, zi i oziomani. ²⁰ Ebe o mē nwān nị y'e gini ihien ndị hụ m ku don, ihien ndị hụ hụn jenkọ d'e mēzu ogen e ru, i jenkọ d'a wụ odin: 'ya sakozị eka ku oku d'e ru uhuhohin ihien m ku jenkọ d'e mē."

²¹ Ogen ihienni gi rị e mē, ndị ahụn hụ e che Zekaraya, a sị, "K'o biehanzinị enina imé Ebahun-ri-nsø?" ²² Ogen o gi puhu, ọ sanị eka gwa wę oku, 'ya wę nō marin n'ọ hūnole ohun imé Ebahun-ri-nsø—makeni o to e gi eka a gwa wę oku, ọ sazini eka ku oku.

²³ Ogen ṽrun a a gụ, ọ nō lama iwe e. ²⁴ Omegụ, Elizabeti nwunyé e nō turu imé. Elizabeti aghanị imé ulo pụ orogbo ifon isen. ²⁵ O sị, "Di-nwònnoni-enyi e mēkē ni m ebe ọ nō gi enya rị mma lee m, wepụ ụya ile m rị a hụn ebe ndị nke m rị!"

Mmón-ozi E Węhé Ozi Omumụ Jizosí

²⁶ Ogen efọ-imé Elizabeti gi rị ifon isin, Osolobue nō zi mmon-ozi ahụn w'a kpọ Gebreli jen obodo ohu mē ekere w'a kpọ Nazaretị hụn rị Galili; ²⁷ o zi e d'e kunrun nwa-agbọọ ohu keleni marin okennye. Efán nwa-agbọọ hụ wụ Meri. Nwa-agbọọ ahụn lę okennye

ohu w'a kpọ Josefụ kwerigbama nị wę jenkpọ d'a lụ; Josefụ wụ onyę ikpun-ulonge eze, ikpun-ulonge Defidi. ²⁸ Mmọn-ozi hụ nọ bịa d'e kunrun Meri, sị a, "Darụ! Onyę Chuku gozi agozi! Chuku noyen'i anoyeni."

²⁹ Oku mmọn-ozi hụ gwa Meri anizinjị obi ru Meri ali kaka; o hụ a jụ enwèn e kẹ elee ụdị ekele wụ ọnwan. ³⁰ Mmọn-ozi hụ nọ sị a, "Atule egun. Osolobue e meguo n'i ọhunma. ³¹ I k'a tụ imẹ, mụ okennye; i jenkpọ d'a kpọ a Jizosi/Jesu. ³² O k'a wụ oken ijian; wę jenkpọ d'a kpọ a Nwa Onyę Hụ Kachanrinni. Di-nwọnni-enyi wụ Osolobue jenkpọ d'e ye e ukpo nedị-e-kanị wụ Defidi; ³³ o k'a kị Izrelu, ikpun-ulonge Jekopu, jenrin ejen; ali-eze e agukọ!"

³⁴ Meri nọ sị mmọn-ozi hụ, "Nani k'o dọn mè—bu m'e ke marin okennye?"

³⁵ Mmọn-ozi hụ nọ sị a, "Mmọn-nsø jenkpọ d'a bijakwasị i; ik'en Onyę Hụ Kachanrinni jenkpọ d'e kpumé i. Ya wụ, nwa i jenkpọ d'a mụ k'a rị nsø—wę k'a kpọ a Nwa Osolobue.

³⁶ Ozozị, Elizabeti nwenet i a tütügụo imẹ—ebeni o kagụụ egedi! Efo-imẹ rị a nwan ifon isin—onyę nweten wę te sị n'ọ wụ agan! ³⁷ Makeni, o nwònni ihien Osolobue ghaleni a saeka e mè!"

³⁸ Ya Meri nọ sị, "Iyaa; odibo Di-nwònni-enyi kẹ m wụ—'ya rị nị m k'i dọn ku!" 'Ya mmọn-ozi hụ nọ la a tọ, pụ.

Meri Ejen D'a Hun Elizabeti

³⁹ Omeguụ, 'ya Meri nọ kwademe ozigbo-ozigbo jenmè obodo ohu hun rị oke ali Judia.

⁴⁰ O ru ebéhụ, o nọ banye iwe Zekaraya, kele Elizabeti. ⁴¹ Ogen Elizabeti gi nụ ekele Meri, nwa rị a efo nọ tusi elu. 'Ya Mmọn-nsø nọ gbajun Elizabeti. ⁴² 'Ya Elizabeti nọ gi oken olu dobepụ oro, sị, "Iyụ kẹ wę kachanrin a gozi imẹ ikpoho ile; nwa i sikọ d'a mụ wụ onyę wę gozi agozi! ⁴³ Nani ke ihien ọma han enjina dọn mè m, nị nnę Di-nwònni-m bịa d'a hun m? ⁴⁴ Makeni, hun m gihụ nụ k'i kele, nwa rị m efo nọ gi ighoghị tusi elu! ⁴⁵ Ngozị rị nị okpoho hụ hun kweri nị oku hun Di-nwònni-enyi gwa a jenkpọ d'e mezul!"

Ebü Meri Gi Ja Osolobue mma

⁴⁶ Meri nọ sị,

"Obi m rị a ja Di-nwònni-enyi mma;

⁴⁷ mmọn m rị a ghoghị imẹ Onyę-nzüopụha m wụ Osolobue,

⁴⁸ makeni o giguọ enya rị mma lee m —

mmè, hun wụ odibo e mmakalaka!

Ezioku-ezioku, gha nwan kikenni e jen,

agbọ ile sikọ d'a gha a kpọ m onyę wę gozi agozi,

⁴⁹ makeni Onyę Hụ Nwọn Iken e meołe ni m oken ihien rị ichen-ichen; efan a rịzıkwo nsø!

⁵⁰ O mesonmè ni ndị hun e humen' e isi omiken —
gha agbọ d'e ru agbọ.

⁵¹ O tịnpụguo eka a, kpa iken,
kponyịya ndị mpache lę ihien wę rị e ro.

⁵² O wetuguo ndị-nze uku elu ukpo wę,
bushi ndị nwònleni ihien wę wụ enu.

⁵³ O giguọ ihien rị mma yejun onyę egun rị a gun efo,
gbama ọdafiń eka, chupu a.

⁵⁴ O yeguoni odibo e wụ Izrelu eka;
o nyanhanguọ omiken ya lę enwèn e wụ Osolobue.

⁵⁵ O nyanhanguọ a
k'o dọn kwe ndị nedị enyi kanị nkwa —
k'o dọn kwe Ebrahim lę ebon a ile nkwa jenrin ejen!"

⁵⁶ Ya Meri nọ son Elizabeti nödị ihien rike ṡorogbo ifon eto, o nọ lakin iwe e.

⁵⁷ O ru ogēn Elizabeti k'e gi mü, o nō mü okēnnye. ⁵⁸ Ndị bikunmēn'e lē ndị nke wę nō nü ni Di-nwọnni-enyi e megüo n'a okēn omikēn, wę nō sòn e ghogho. ⁵⁹ Nke akpū-uhuohin esatō, wę nō bia d'a kwa nwata hụ ugún; wę te k'a gün a Zékáraya nöké nedì e, ⁶⁰ kale nné e nō sị, "Mba-o! Wę jenkö d'a kpó a Jónu." ⁶¹ Wę nō sị a, "O nwònni onyé nke ụnu hụn a za ẹfan hụ!" ⁶² Wę nō gi ẹka jụ nedì e ẹfan wę sikö d'a kpó a. ⁶³ O nō sị wę y'e ọmúma hụn w'a kaye ihién, 'ya o nō de, "Ẹfan a wụ Jónu." O nō tụ wę ile enya! ⁶⁴ Idumuzi, ọnụ a nō shiapü, ire e a tópü, o nō kumé oku, jama Osolobue mma. ⁶⁵ Egun nō tuma ndị ile bikunmēni wę; ndị ihián hụ e ku oku ihién ndịnị egberé oke Judia ile. ⁶⁶ Onyé ọwüle nün'a hụ e ro e, a sị, "Kịnjị kẹ nwatanị jenkö d'a wụ?" Wę rị a jụ enjna makēni ẹka Di-nwònni-enyi rị imē ndụn a ezioku-ezioku.

Amuma Zékáraya Bu

- ⁶⁷ Mmón-nṣo nō jun imē nedì e wụ Zékáraya, 'ya o nō bu amúmanị:
⁶⁸ "Ojija-mma ya rị nị Di-nwònni-enyi wụ Osolobue Izrélụ!
 Makēni ọ biaolé d'e yeni ndị nke e ẹka,
 ọ gbapuhagüo wę.
⁶⁹ O wepuhagüoni enyi Mpín,
 Okēn Onyé-nzupuhá, hụn jenkö d'a zuopuhá enyi —
 onyé ikpun-ulọ odibo e wụ Defidi.
⁷⁰ O megüü a k'o dòn ku e ẹdei,
 ghahanị ndị-amúma nsò a,
⁷¹ n'o jenkö d'a zuopuhá enyi ẹka ndị iñenrenen enyi ile
 lē ndị iwe enyi rị e we;
⁷² n'o sikö d'e mēni ndị nedì enyi kanị omikēn
 nyanhanị nkwerigbama nsò a —
⁷³ nyanhanị ẹfan a,
 hụn o kunni nedì enyi kanị wụ Ebraham
 ogēn o gi kwe e nkwa —
⁷⁴ n'o sikö d'a gbapuhá enyi ẹka ndị iñenrenen enyi,
 amamgbe egun ghazi a tụ enyi enyi gha e fe e,
⁷⁵ kama, enyi e gi ịri-nsò lē imē-ihién ọ chọ
 e fe e,
 ogologo ndụn enyi ile."
⁷⁶ "Nke iyü wụ nwa,
 wę jenkö d'a kpó i
 onyé-amúma nke Onyé Hụ Kachanrínni;
 i sikö d'e buru ni Di-nwònni-enyi uzò,
 kēni i hụn uzò kwa n'a uzò a;
⁷⁷ i jenkö d'e mē ndị nke e marin
 kē w'a don nwònhen nzupuhá
 ghahanị inwònhen mgbaghari njø wę.
⁷⁸ Onwan jenkö d'e mē
 maké efoma lē omikēn Osolobue enyi,
 hụn o jenkö d'e gi mē ukpē nzupuhá nwunmēni enyi,
⁷⁹ mē e gha elu-igwee nwunmēni
 ndị hụn rị imē ishi lē imē onyinyon-ọnwụn;
 du ụkụ enyi
 ye uzò udon."
- ⁸⁰ Nwata hụ wụ Jónu e sue, wụru onyé zeni imē mmón; o nō biri atụ d'e ru uhuohin hụ ọ puhá d'a runma ọrun a id'onya ndị Izrélụ ile.

Isi Nke Ebue

Omumụ Jizosi (Mat 1.18-25)

¹ Ogen hụ, eze-kanị w'a kpọ Siza Ogostusu nọ ye iwu, sị wę detuchanrịn ẹfan ihiyan ile rị ụwa—ebe ile rị okpuru ọkikị ndị Rom. ² (Onwan wụ nke ibuzo wę detu ẹfan ihiyan ile; ogen Kwirinosi gi wụ Goyano rị a kị alị Siria kę wę gi detu ẹfanni.) ³ Onye ọwulę hụ e jen obodo ẹ d'e deye ẹfan.

⁴ 'Ya Josefụ nọ gha obodo Nazareti rị Galili si obodo Bętulehem hụn rị Judia, obodo wę nọ mü Defidi—makeni ikpun-ulọ Defidi k'ọ gha püha. ⁵ Iya le Meri hụn wę ebue kwerigbama nị wę jenkö d'a lụ wị jen d'e deye ẹfan. Meri rị imé ogen hụ. ⁶ Ebe wę rị Bętulehem, ogen Meri k'e gi mü nwa hụ e ru, imé nọ mémé e. ⁷ O nọ mü nwa ibuzo a, mü a okennye, gi ekwa wę gi a pa nwa fuma a, bu ẹ diné imé ihiyen anụ gi e ri ihiyen-oriri—makeni uzọ aria hụn wę sikọ d'a nödị imé ulọ ndị-ijen a nödị.

Ozi Ndị Mmọn-ozi Węhé Ni Ndị-ndu Anụ Ahụn

⁸ Uhinhin hụ, o nwę ndị e du anụ rị ọfia egberẹ ahụn, e lepụ anụ wę enya. ⁹ Mmọn-ozi Di-nwọnni-enyi nọ nwọnpuha ebe wę rị, ogho Di-nwònñi-enyi no nwunhunmę wę lękẹ ukpé. 'Ya egun nọ tuma wę. ¹⁰ Kanị mmọn-ozi hụ nọ sị wę, "Atụlę ni egun! M bịa d'e zi ọnụ ozi ọma hụn sikọ d'e węheni ihiyan ile erekede ighogho. ¹¹ A muguo nị wę ụnụ Onye-nzuojuha tannị imé obodo Defidi; iya wụ Kraistị, Onye Hụ Osolobue Tume, hụn wụ Di-nwònñi-enyi! ¹² Onwan kę ụnụ jenkö d'e gi marin a: ụnụ jenkö d'a hụn nwa wę gi ekwa fuma, bu diné imé ihiyen anụ gi e ri ihiyen-oriri."

¹³ Idènmizi, igunrun ndị mmọn-ozi elu-igwee nọ fopuha che ni mmọn-ozi hụ, a ja Chuku mma, a sị,

¹⁴ "Ogho 'ya rị nị Osolobue
ebehụ kachanrịn elu ejen;
udon 'ya rị nị ndị rị imé ụwa,
ndị ọ rị e mèni ọhụnma!"

¹⁵ Mgbe ndị mmọn-ozi hụ gi lagụụ wę tọ, si elu-igwee, ndị-ndu anụ hụ nọ sị ibe wę, "Nị enyi jenru Bętulehem d'a hụn ihienni mèni, hụn Di-nwònñi-enyi gwa enyi." ¹⁶ Wę nọ jenmę ozigbo-ozigbo. Wę nọ hụn Meri le Josefụ le nwa ahụn wę bu diné imé ihiyen anụ gi e ri ihiyen-oriri. ¹⁷ Ogen ndị hụ a zụn anụ gi hụn Jesu, wę nọ gwa wę ihiyen mmọn-ozi hụ gwa wę banyeni nwa hụ. ¹⁸ Ihiyen ndị hụ e du anụ ku nọ tụ ndị ile nụn'a enya. ¹⁹ Kanị Meri e buchanrịn ihiyen ndịnị ile tọ imé obi e, e ro wę.

²⁰ Ndị hụ e du anụ nọ lama, e tuchan Osolobue, a ja a mma, makeni ihiyen ile wę nụ lę ihiyen ile wę hụn rịchanrịn kę mmọn-ozi hụ dọn gwa wę.

A Gün Wę Jizosi Efán

²¹ Nke akpụ-uhuohin ẹsato, ogen wę jenkö d'e gi kwa nwata hụ ugún nọ ru, wę nọ gun a Jesu/Jizosi, ẹfan hụ mmọn-ozi hụ ye e nị nnę ẹ d'a tụ imé e.

A Papuha Wę Jizosi Imé Ulo-nsø

²² O ru ogen Josefụ le Meri e gi mè Mmèmmé Idon-nsø rịkẹ kę Iwu Mozizi dọn ku, 'ya wę nọ weri nwa hụ shi Jerusalém keni wę papuhani Di-nwònñi-enyi 'ya, ²³ (kę wę dọn de ẹ imé Iwu Di-nwònñi-enyi, nị, "Wę sikọ d'e wepụha ni Di-nwònñi-enyi nwa-okennye ibuzo ọwulę wę mü"). ²⁴ Wę nọ chụ ejan kę wę dọn de ẹ imé Iwu Di-nwònñi-enyi, ebehụ Iwu nọ sị, "Nduru ębụ mọbụ ụmụ oluikuku ębụ."

²⁵ Ogen hụ, o nwọn okennye ohu w'a kpọ Simionụ hụn bi Jerusalém. Onye e mè ihiyen Osolobue chọ k'ọ wụ; o gi obi e ile e fe Osolobue, e che ni Osolobue zuopuha ndị Izrelu. Mmòn-nsø nøyen'ę anoyeni. ²⁶ Mmòn-nsø mè e marin n'ọ nwunkö d'e ru n'ọ hụn Kraistị, Onye Hụ Di-nwònñi-enyi Tume. ²⁷ Mmòn-nsø nọ duru Simionụ si imé Ulo-nsø. Ogen ndị mü nwa hụ wụ Jizosi gi węhé ẹ d'e mè n'ę ihiyen Iwu chọ, ²⁸ Simionụ nọ pari nwa hụ, ja Osolobue mma, sị,

²⁹ “Di-nwɔnni-enyi,
i rị nwan a sị odibo i ya gi udon lama,
noké kẹ i dọn kụ;
³⁰ makélé e giguo m enya m hún nzugopuhá i,
³¹ hún i kwademé id'anya ndí alí ile rị ichen-ichen:
³² Ukpé hún jenkó d'a ghosi ndí alí ndí ozo uche i,
ukpé hún jenkó d'e wéhé ni ndí nke i wú ndí Izrelú ogho.”
³³ Ihién ndí hú wé ku banyeni nwata hú nō tū nedí e lè nné e wú Josefú le Meri enya.
³⁴ 'Ya Simionu nō gozi wé; ya o nō sị nné e wú Meri, “Gón ntin, wé tumé nwataní n'ó wúru onyé wé sikó d'e gi budan ndí bu odata imé Izrelú, gizikwo a busi ndí bu odata elu imé Izrelú.”
“O sikó d'a wú ahima, hún gha eka Osolobue bia, hún ndí ihián jenkó d'a luson, ³⁵ keni ihién ndí bu odata rí e ro hún üzö puhá ifon—ihién üzü jenkó d'e zupuzi iyu nwén obi ríké opia-agha maké ufiri nwataní.”

³⁶ O nwón onye-amúma ohu wú okpoho, hún w'a kpó Ana*, nwa Fanuelú, onye ikpun-uló Asha ró; o kaguo egédi; di e a nwunhụnguo—ahua esa suq kẹ iya lè di e bi ní di e d'a nwunhụn. ³⁷ O rí nwan nwa ahua eno kwasí ogun-enó. A ra gha Ulo-nsó pú, o hú e fe Osolobue ukinkin le efinnai, e bu onu, e mé ekpere. ³⁸ Ogen ohu hú k'o gi puhazikwo, ye Osolobue ekele, kumé oku nwa hú keni ndí ile rí e che ni Osolobue gbapuhá Jerusalém nü.

A Lakin Wé Nazaréti

³⁹ Ogen Josefú le Meri gi meğüü ihién ile Iwu Di-nwɔnni-enyi chö, wé nō lakin obodo wé bi wú Nazaréti hún rí imé Galili. ⁴⁰ Nwata ahun e sue, ka əhü, marín ihién odata-odata, ewére Osolobue hú e son e.

Ihién Jesu Mę Imé Ulo-nsó K'o Rí Nwata

⁴¹ Ahua ile kẹ ndí mun Jizosí gi e jen Jerusalém d'e mē Mmemmeh-Nghafe. ⁴² Ogen Jesu gi rí nwa ahua mmébuq, wé nō jenzi mmemmem hú kẹ wé dòn e jen mbu. ⁴³ Ogen mmemmem gi guguu, wé nō lama, kaní nwata hú wú Jesu nō díno Jerusalém bù ndí mun'a a marín.

⁴⁴ Wé rí e ro n'ó rí imé igunrun ihián hú wé ile gba lakó, wé noléni chö a d'e ru ní e jenpú wé ijé akpú-uhuohin ohu gbe-gbe-gbe—ya wé nō nwan chomá a ebe ndí nke wé lè ndí owu wé rí. ⁴⁵ A chobe w'e, ahunní w'a, ya wé nō kin-azuún, si Jerusalém d'a cho a. ⁴⁶ Hún mē akpú-uhuohin eto kẹ wé gi hún a imé Ulo-nsó, ebe o nođiye ni ndí-nkuzi, e gon wé ntin, a ju wé otáa. ⁴⁷ Nghota a lè aziza a atukénmé ndí ile rí e gon e ntin enya. ⁴⁸ Ogen ndí mun'a gi hún a, ndún a gúu wé; nné e nō sị a, “Nwa m, kí mēni enyi ihienni? Mmē lè nedí i hú a gbaka-obi, a chö i.”

⁴⁹ O nō sị wé, “Kí ünu chomazí ní m? Ünu amarin ní m jenkó d'a ririri iwe† Nedi m?”
⁵⁰ Kaní aghotani wé ihién o za wé. ⁵¹ 'Ya Jesu nō sonmē wé, wé ile nō lashi Nazaréti. O hú e humeni wé isi; nné e a nachanrin ihién ndíni ile to imé obi e. ⁵² Jesu hú e sue, a ka əhiú, a marínwaye ihién; ihién e hú a suq kẹ Osolobue kẹ ihián.

Isi Nke Eto

Ozi Jónu Hún E Mę Mirin-Chuku Zi
(Mat 3.1-12; Mak 1.1-8; Jón 1.1-28)

¹ Hún mē e ahua mmisen imé okíkí eze-kaní w'a kpó Siza Taiberiasi, ogen hú Pontus' Paileti gi wú Govano rí a kí Judia—wé kebe Izrelú lè alí ndí nokunmē n'e üzö eno ogen hú: Herodu hú a kí Galili; Filipu nwéné e hú a kí Ituria lè Trakonitisi; Lisaniası hú a kí Abileni. ² Anası lè Kayafası wú ndí-isi nchü-ejan. Ogen hú kẹ oku Osolobue gi bijaní Jónu nwa Zekaraya imé atu. ³ 'Ya o nō ghagbamachanrin egberé Iyi Jodaní, a ma ıkwa—a sị wé

* Isi Nke Ebuq:36 Griki: Hana

† Isi Nke Ebuq:49 móbú: ɔrun

bia d'e me mirin-Chuku, gi e ghosi n'e roghariguo we—keni Osolobue hun uzo gbaghari we njo. ⁴ Erira ke we don de e imé ehuhu Azaya onye-amuma, ni,
“Olu onye ohu ri a han imé atu,
a si,
‘Kwa ni ni Di-nwɔnni-enyi uzo;
memé ni uzo a n'o zinrin.

⁵ We jenkó d'e hukin ɔdanmgbugbu ile,
me ugu le oke ile henrinsonmè ali-aradan;
we jenkó d'e me uzo-ngirigo ile zinpu,
me uzo-mkpoke ile riɛnpu —

⁶ ihiyan ile a hun nzupuha Osolobue!” ”

⁷ Ya Jönü no ri a gwa igunrun ndi hü ri a bia d'e kunrunn' e n'o me we mirin-Chuku oku, a si, “Igunrun eju-al! Onye si unu gba ni iwe le onyema Osolobue lalanı oso?! ⁸ Mìkwò ni nwan m kpuru hun jenkó d'a ghosi ni unu e roghariguo! Aghakwole ni a si enwen unu, ‘Ebrahim wu nedí enyi nu!’ Makeni, ezioku ke m ri a gwakwo unu, Osolobue sikò d'a saeka gi omuma ndini memesomme ni Ebrahim umu. ⁹ Anyun a riguole nwan ukunosisi, e che: osisi ɔwule mileni m kpuru ri mma, e gbutu w'e, tu a ye imé okun.”

¹⁰ Igunrun ndi ahun hü a si a, “Kini ke enyi sikò d'e me nwan?” ¹¹ O no si we, “Onye ɔwule nwon ewuru ebüo jenkó d'e werirri ohu ye onye nwonleni; onye ɔwule nwon ihien-oriri sikò d'e mezikwo erira.” ¹² Ndí a na ugwo-isi hun biazikwo d'e me mirin-Chuku no ju a, si, “Onye-nkuzi, kini ke enyi jenkó d'e me?” ¹³ O no si we, “Anakarile ni ihien we si unu na.” ¹⁴ Ndí-agha no biazikwo d'a ju a, si, “Enyi nwén? Kini ke enyi jenkó d'e me?” O no si we, “Aghazile ni e gi eka-iken a narin ihiyan ego; ebuokinzile ni ihiyan onu; ni ni ugwo-ɔrun unu e jun unu efo.”

¹⁵ Makeni we ri a tukènmè enya Kraistì, Onye-nzupuha Hü Osolobue Tumé, hun o kwe nkwa n'o jenkó d'e zihe, lezi makeni we ri a ju enwen we ke Jönü rø, ¹⁶ Jönü no si we, “M gi mirin mmaka e me unu mirin-Chuku, kanj onye kanj m lala: efurudeni m onye jenkó d'a topu eriri akpukpo-ukù a! O sikò d'e gi Mmón-nso le okun me unu mirin-Chuku.

¹⁷ O gi ihien o gi a fuchan ɔka: o jenkó d'a fuchanchanrin ɔka ile ri ebe o no a kükpo ɔka, kpón akpuru a ye ebe o kpontó ɔka, kpónkikomé efifia kpónye imé okun hun we ghaleni e tinyun.”

¹⁸ Jönü gizi oku ndunmodun bu ɔda riṣonmè ichen-ichen zi we ozioma.

¹⁹ Jönü no jugbo eze wu Hérodù makeni o jen d'a luma Hérodiasí wu nwunye nwene e lezi make eje-ihien ndi ozo bu ɔda Hérodù me. ²⁰ Ya Hérodù no mède hun ka njø ghahani ikpokin Jönü ye ulø-ngan.

E Me Wé Jizosí Mirin-Chuku (Mat 3.13-17; Mak 1.9-11)

²¹ Ogen we gi ri e me ihiyan ile mirin-Chuku, we nozì me Jizosí. E megüü w'a 'ya, ebe o ri e me ekpere, elu-igwee no kpupu, ²² Mmón-nso no gi ụdị nduru hidan, bekwasí a. Olu no gha elu-igwee si, “Iyü wu ezi Nwa m; ihien i a suɔka m.”

Ndi Mü Jizosí (Mat 1.1-17)

²³ Jizosí ri ihien riké nwa ahüa iri-kwasí-ogun k'o bidon ɔrun a. Wé weri Jizosí noke nwa Josefù.

Josefù wu nwa Heli,

²⁴ Heli wu nwa Matitatí,
Matitatí wu nwa Livai,

Livai wu nwa Meki,

Meki wu nwa Janai,

Janai wu nwa Josefù,

²⁵ Josefù wu nwa Matatiasí,
Matatiasí wu nwa Emosi,

Emosi wụ nwa Nahum,
 Nahum wụ nwa Es'li,
 Es'li wụ nwa Nagai,
²⁶ Nagai wụ nwa Maati,
 Maati wụ nwa Matatiasi,
 Matatiasi wụ nwa Semei,
 Semei wụ nwa Joseki,
 Joseki wụ nwa Joda,
²⁷ Joda wụ nwa Johananı,
 Johananı wụ nwa Resa,
 Resa wụ nwa Zerubabelu,
 Zerubabelu wụ nwa Shiatelu,
 Shiatelu wụ nwa Neri,
²⁸ Neri wụ nwa Meki,
 Meki wụ nwa Adi,
 Adi wụ nwa Kosam,
 Kosam wụ nwa Emadam,
 Emadam wụ nwa Eh,
²⁹ Eh wụ nwa Joshua,
 Joshua wụ nwa Elieza,
 Elieza wụ nwa Jorim,
 Jorim wụ nwa Matitati,
 Matitati wụ nwa Livai,
³⁰ Livai wụ nwa Simionu,
 Simionu wụ nwa Juda,
 Juda wụ nwa Josefu,
 Josefu wụ nwa Jonam,
 Jonam wụ nwa Eliakin,
³¹ Eliakin wụ nwa Melia,
 Melia wụ nwa Mena,
 Mena wụ nwa Matata,
 Matata wụ nwa Natani,
 Natani wụ nwa Defidi,
³² Defidi wụ nwa Jese,
 Jese wụ nwa Obedi,
 Obedi wụ nwa Buazi,
 Buazi wụ nwa Salomonu,
 Salomonu wụ nwa Nashonu,
³³ Nashonu wụ nwa Aminadabu,
 Aminadabu wụ nwa Adimini,
 Adimini wụ nwa Ani,
 Ani wụ nwa Hez'ronus,
 Hez'ronus wụ nwa Perez,
 Perez wụ nwa Juda,
³⁴ Juda wụ nwa Jekopu,
 Jekopu wụ nwa Aziki,
 Aziki wụ nwa Ebrahim,
 Ebrahim wụ nwa Tera,
 Tera wụ nwa Naho,
³⁵ Naho wụ nwa Serugu,
 Serugu wụ nwa Reu,
 Reu wụ nwa Pelegi,
 Pelegi wụ nwa Eba,
 Eba wụ nwa Shela,
³⁶ Shela wụ nwa [Kainanı],

[Kajnanị] wụ nwa Afasadi,
 Afasadị wụ nwa Shem,
 Shem wụ nwa Nua,
 Nua wụ nwa Lamékị,
³⁷ Lamékị wụ nwa Metusela,
 Metusela wụ nwa Enóku,
 Enóku wụ nwa Jarédi,
 Jarédi wụ nwa Mahalalelù,
 Mahalalelù wụ nwa Kenan*,
³⁸ Kenan wụ nwa Enosí,
 Enosí wụ nwa Setí,
 Setí wụ nwa Adam,
 Adam wụ nwa Osolobue.

Isi Nke Enq

Onwunwan Ekwensu Nwan Jesu
 (Mat 4.1-11; Mak 1.12-13)

¹ 'Ya Jesu nō gha Iyi Jodanị lúa. Mmón-nso jun imē e; Mmón-nso nō duhunmémé e imē atu, ² Ekwensu nō nwan a ebéhụ orogbọ akp'ohin ogunnai. O rini ihien ọwule ogeñ hụ ile. Mgbe akp'ohin ogunnai ahụn gi zugụ, egún hụ a gun a ọda-ọda. ³ Ekwensu nō sī a, "Ọwule i wụ Nwa Osolobue, sī ọmumani henrin ogbe brédi." ⁴ Jesu nō sī a, "E deguo w'a imē Ekukwo-nso ni, 'Ihjan ara gi ihien-oriri suq a ri ndun.*," "

⁵ 'Ya kę Ekwensu nō w'e si ebe jen elu, gi njube-énye ohu ghosichanrịn a ali-eze ile ri elu-uwu; ⁶ sī a, "M jenkö d'e ye i iken wé ile le oghọ wé, makeni e buguo wé uwé ile che m eka—onye suqonị m kę m'e y'e. ⁷ Ya wụ, i ke ni m nwan isi ali, ihien ndinị ile jenkö d'e mē nke i." ⁸ Jesu nō sī a, "Ekukwo-nso sī, 'Ke ni Di-nwọnnyi wụ Osolobue i isi-alì; fe iya suq!'"

⁹ 'Ya kę Ekwensu nō weri Jesu si Jerusalém, bu e che mkp'onunu Ulo-nso, sī a, "Omèni i wụ Nwa Osolobue, gha ebeni tūha enwén i ye ali. ¹⁰ Makeni, e deguo w'a imē Ehuhu-nso, sī, 'O sikö d'a sī ndi mmón-ozi e chemé i; ¹¹ wé jenkö d'a pari i, amamgbe y'a kpogburu omuma.' "

¹² Kani, Jesu nō sī a, "Ehuhu-nso sī, 'Anwankwolé Di-nwònnyi wụ Chuku i.' "

¹³ Ekwensu a nwanchanringụ Jesu, 'ya o nō la a tó, e che oghere ozø.

Jizosí E Bidon Orun A Imē Galili
 (Mat 4.12-17; Mak 1.14-15)

¹⁴ 'Ya kę Jizosí nō kinhen Galili. Ikéen Mmón-nso jun imē e. Efán a nō kpogbarị obodo ile ri egbere hụ. ¹⁵ O nō kuzimé imē ulo-ofufe ndi rịsonmè ebaħun, onye ọwule hụ a ja a mma.

A Ju Wé Jizosí Imē Nazareti, Ali O No Sue

(Mat 13.53-58; Mak 6.1-6)

¹⁶ 'Ya Jesu nō si Nazareti, ebe o nō sue; o ru ɿhohin Izu-ikéen, o nō jen ulo-ofufe k'o don e jen mbu. O nō lihi oto n'o gun Ekukwo-nso, ¹⁷ wé nō y'e ehuhu Azaya onye-amuma. O fífípụ a, makeni ekukwo w'a fífíma afífíma ro; o nō chorí ebéhụ wé deye ni

¹⁸ "Mmón Di-nwònnyi nökwasí m anökwasí,
 makeni o tumeguo m d'e zi ndi igbenneye ozioma.
 O ziguo m

d'a sī ndi ri imē egbun weri enwén wé,
 sī ndi enya-ishí hunma uzø;
 mmé d'a gbapuhá ndi wé ri a bijangbu;

¹⁹ mmé d'a ma ɔkwa ní ahua hụ e ruołe

* Isi Nke Etq:37 móbụ: Kajnanị (önü-Hibru) * Isi Nke Enq:4 Ditörönömi 8.3

hun Di-nwɔnni-enyi e gi məni ndi nke e ɔhunma.”

²⁰ Jesu nō fífimazí ehuhuò hū, we e ye onye e dōnmē n'ē; 'ya o nō nodi ali. Ihian ile ri imē ulo-ofufe e bu enya tuma a, ²¹ o nō gwama wē, sī, “Ebeni wē gun imē Ekukwo-nsō e mezuguo tannj kę unu don rī a nū a.”

²² Wē ile hū e ku oku e ɔhunma, oku ɔma ndi hū rī a gha a onu a pūha a tu wē enya. Wē nō sī, “Onyen iélé nwa Josefū?” ²³ O nō sī wē, “A maringuo m nī unu sikō d'a tuni m iluni: ‘Dibie, zuo nwān enwen i!’ ‘Ihien ndi hun enyi nū nī 'ya k'i mē imē Kapanom, mezi e nwān imē obodo i.’”

²⁴ “M rī a gwa unu ezioku, w'a ra nabanhān onye-amūma imē obodo e: ²⁵ kanj, nī m gwa unu ezioku rīn'a: ezioku rō nī ikpoho di wē nwān bu odata imē ali Izrelu ogēn Elaija, ogēn ahun mirin gilēni zue orogbo ahua eto lē ifon isin, okēn unwān nō mugbamē ali ile, ²⁶ kanj o nwɔnni hun Osolobue zi Elaija d'e kunrun; o na wē ile tō, zi e jen ali ozō—obodo Zarefatī hun rī ali Sidonu—d'e kunrun okpoho di e nwān rī ebēhū.

²⁷ Ndī-oti rī ali Izrelu ogēn Elaisha onye-amūma buzikwo odata; kale o nwɔnni hun o zuo; o na wē ile tō, zuo Nemanj onye ali Siria—onye ali ozō.”

²⁸ Ogēn ndi rī imē ulo-ofufe hū gi nū ihieni, iwe nō wemē wē. ²⁹ A fulihi wē, nupu Jesu imē obodo hū, w'e si mkprenren oke hū obodo wē rī. Wē te chō nī wē gha elu ebahūn kwantu e, ³⁰ kanj Jesu nō jenghafe etintinnai igunrun ahun, jenmē nke e.

Jizosí A Zuq Okennye Eje-mmón Rī Imē È

(Mak 1.21-28)

³¹ 'Ya Jesu nō si obodo w'a kpō Kapanom, hun rī Galili. O nō kuzimē wē Uhuhin Izu-ikēn; ³² nkuzi e nō tu wē enya, makēni o ku lēkē onye oku rī èka. ³³ Okennye ohu eje-mmón rī imē e rī imē ulo-ofufe hū; o nō yi okēn oro, sī, ³⁴ “Eu! Hapū enyi ye, Jesu onye Nazaréti?! I bia d'e tikpō enyi? A maringuo m onye i wū: yu wū Onye-nsō Osolobue!”

³⁵ Kanj, Jesu nō jugbō eje-mmón hū, sī a, “Gba nkintin! Gha imē e pūha!” Eje-mmón hū nō bu okennye hū gbe ali id'enya wē ile, o nō gha imē e pū, kanj o rūn'a ehū.

³⁶ O tu ndi hū ile enya, wē hū a sī ibe wē, “Kī wū ɔnwan? O nwē ikēn hun o gi a gwa eje-mmón oku rīkē onye oku rī èka, wē hū a pūha” ³⁷ Oku Jesu nō kpogbari egberē hū ile.

Jizosí A Zuq Ogo Pita Lè Ndī Ozō Bu Ọda

(Mat 8.14-17; Mak 1.29-34)

³⁸ Jizosí nō gha imē ulo-ofufe hū pū, si iwe Sajmonu. Okēn ehū-ökun rī e nwān nnē nwunye Sajmonu; wē nō jumā Jizosí nanj w'e m'ē. ³⁹ Ozigbo, Jizosí nō jenburu e, wuzo ebēhū, jugbō ehū-ökun hū, ehū-ökun hū nō hapū a. O nō lihi otō ozigbo, lemē wē obia.

⁴⁰ Ogēn anwān gi rōma, ndi ile nwōn ndi emu ichēn-ichēn rī a kū nō we wē jenni Jizosí, o nō bu èka kwasi onye-onye, zuochanrin wē ile. ⁴¹ Eje-mmón hūzī a gha imē ndi bu odata wē rīsonmē imē wē a pū, e yi oro, a sī, “Iyu wū Nwa Osolobue!” Kanj, Jizosí hū a jugbō eje-mmón ndi hū—o ninj wē ku oku, makēni a maringuo wē nī 'ya wū Kraistī, Onye Hū Osolobue Tume.

Jesu E Zisōnmē Ozioma

(Mak 1.35-39)

⁴² Ogēn eki gi fōn, Jesu nō gha imē obodo hū pū, si ebe ihian bilēni, kanj igunrun ahun hū a chō a. Ogēn wē gi hun a, wē nō chō nī wē gbondon e makē o gha a la wē tō. ⁴³ Kanj o nō sī wē, “M sikō d'e zirirí ozioma Ali-eze Osolobue imē obodo ndi ozō, makēni 'ya kē Osolobue ziheni m.” ⁴⁴ Èriira k'o gi jensōnmē, e ku oku-Chuku imē ulo-ofufe ndi rīsonmē imē Judia.[†]

Isi Nke Isen

Umú-azụn Ibuzo Jesu Kpo

(Mat 4.18-22; Mak 1.16-20)

[†] Isi Nke Eno:44 ali ndi Ju

¹ Uhuhin ohu, Jesu turu mkpenren “Ohimin” Genesareti*, igunrun ihiyan hū a fufa a, keni wē nū oku-Osolobue. ² O hūn ugbo-mirin ebūo wē limetō mkpenren mirin ebahūn —ndī gi wē e gbu azun natō wē d'a sū oga wē. ³ Jesu nō banye ohu imē wē hūn wū nke Saimonu, o nō sī a gha mkpenren ebēhū nyanshi ihun ekere. Ya Jesu nō nodī alī imē ugbo hū, gha ebēhū kuzime igunrun hū.

⁴ Ogen o gi kuguu, o nō sī Saimonu, “Nyanshi ugbo ebe mirin nō mi, nī unu tuyesonmē oga unu, keni unu nwun azun.” ⁵ Saimonu nō sī a, “Di-ókpa, enyi nō ebeni eki e we fōn, enyi anwunnī ihiien-anai. Kani, ebe o mē ni i sī enyi tuye, m jenkō d'a tuye oga ndī hū.”

⁶ Wē nō tuyesonmē oga wē: wē nō nwun azun bu odata, nke wū nī oga wē e te tikama. ⁷ Ya wē nō fe ibe wē rī imē ugbo hūn-ebō eka wē bia d'e yeni wē eka. A bia wē, ‘ya wē nō kpōn azun kpōnjun imē ugbo ebūo hū, nke wū nī e te rubanma wē imē mirin. ⁸ Ogen Saimonu wū Pita gi hūn ihiien mēni, o nō gbuni Jesu osekpu, sī, “Gha ebe m rī pū, Di-nwōnni-enyi, nī m wū onyē njo!” ⁹ O ku erīra makēni o tu ya lē ndī ‘ya lē wē wī enya nī wē gbu azun buhan odata erīra. ¹⁰ Erīra k'ō rīzi umu Zebēdi wū Jemisi lē Jonu, ndī hūn wē lē Saimonu gba a run.

Ya Jesu nō sī Saimonu, “Atule egun; gha kikenni jenmē, ihiyan k'i sikō d'a gha a kūha rikē azun.” ¹¹ A dokpūnpūhaguu wē ugbo wē mkpenren mirin, ‘ya wē nō la ihiien ile tō, sonmē Jesu.

Jesu A Zuq Onye-oti

(Mat 8.1-4; Mak 1.40-45)

¹² Ogen Jesu gi rī obodo ohu, okennyē ohu oti fukpo ehū ile rī obodo hū. Ogen o gi hūn Jesu, o nō dan alī, rīoma a, sī, “Di-nwōnni-enyi, mbunī y'a chogho, i jenkō d'a s'eka zuq m, a rī m ḥchan!” ¹³ Jesu nō tīnpū eka, metu a, sī a, “A chogho m, rī ḥchan!” Oriā hū nō gha ehū okennyē hū pū ozigbo. ¹⁴ Jesu nō sī a, “Agwakwolē onyē ọwule; ka jen d'e kunrun onyē nchū-ejan ozigbo, n'o lele i, y'a chū-ejan ahun Mozizi sī onyē dīnhingū otī k'a chū, gi e ghosi ihiyan ile nī y'a dīnhingū.” ¹⁵ Kani, oku Jesu nō kpōkaridē k'ō kpōhan mbū; igunrun bu odata hū e ruhē nī wē gon e ntin lē ni o zuq wē emu we. ¹⁶ Kani o ru, o si ebe ihiyan bileni d'e mē ekpere.

Jizosì A Zuq Onye-qoro

(Mat 9.1-8; Mak 2.1-12)

¹⁷ Uhuhin ohu, ogen Jesu gi rī a kuzi, ndī Itu-Farisi lē ndī-nkuzi Iwu hūn gha umu-alī ile rişonmē Galili lē Judia bia lē ndī gha Jerusalēm bia rī ebēhū. Ikēn Di-nwōnni-enyi wū Osolobue hū a hūn Jesu jenkō d'e gi gwō ḥria. ¹⁸ Ogen ahun hūra, ikennyē gi ute bulu okennyē qoro kinmin nō bia; wē hū a nwan nī wē bubanhān a imē ulō hū d'e bu e tō ihun Jesu, ¹⁹ kani, ahunnī wē uzō bubanhān a makēni igunrun hū jun ebēhū. ‘Ya wē nō nyinrin elu ulō hū, be oghe ye okpukpu e, gha ebahūn dō ‘ya lē ute e ye etintinnai igunrun hū ihun Jesu.

²⁰ Ogen Jesu gi hūn okukwe wē, o nō sī okennyē hū, “Ọwū m, a gbagharigū wē i njo i.” ²¹ Ya ndī-nkuzi Iwu hū lē ndī Itu-Farisi nō juma ibe wē, sī, “Onyē wū hūnnī rī e ku arū?! Onyē a saeka a gbagharī njo wezuka Osolobue suō?!” ²² Jesu a marīngū ihiien rī wē obi, ‘ya o nō sī we, “Kí hajin unu gi e ro udī iroroni?” ²³ Elee hūn ka nfe okuku: i sī, ‘A gbagharigū wē i njo i’ ra i sī, ‘Lihi ọtō n'i jenmē ijēn?’” ²⁴ “M jenkō nwan d'a ghosi unu nī Nwa nke Ihiyan nwē ikēn o gi a gbagharī njo imē ụwa.” ‘Ya o nō sī okennyē hū qoro kinmin, “M sī i nihī ọtō, heri ute i n'i lama!”

²⁵ Okennyē hū nō nihī ọtō ozigbo—id'enya wē ile rī ebahūn, weri ute hū o te gi dinē, jarī Chuku mma, lama. ²⁶ O nō tu wē ile enya odata-odata, wē nō ja Osolobue mma. O tūka wē egun; wē hū a sī, “Enyi a hūnole ihiien enyi hūntuleni tannī!”

Jizosì A Kpō Onye Ugwo-isi W'a Kpō Livai (Matiu)

(Mat 9.9-13; Mak 2.13-17)

* Isi Nke Isen:1 Efannī kē w'a kpōzī “Ohimin” Galili

²⁷ Onwan e megüü, Jizosí nö pü; 'ya o nö hün onye w'a kpó Livaij, hün a na ní ndí Rom rí a kíní ugwo-isi, ebe o nödí alí imé odata wé n'a na ugwo-isi. Jizosí nö sì a, "Sonmè m."

²⁸ Livaij nö lihi oto, nató ihién ile, sonmè e.

²⁹ 'Ya kę Livaij nö gi ifiri Jizosí kpó oriri hi-ogbe iwe e; igunrun ndí Ugwo-isi lę ndí ozó húzi teburu ebéhü e du wé e ri ihién-oriri. ³⁰ Ndí Itu-Farisi lę ndí-nkuzi Iwu wé hún rí itu ndí Farisi nö son umu-azúun Jizosí kpeme, a sì, "Kí hain unu gi e du ndí Ugwo-isi lę ndí-njo e ri, a ra?" ³¹ Jizosí nö shiarí wé, sì, "Ndí rí iken ara cho dibié, ndí emu rí a kú suq, uwé wú ndí a cho dibié. ³² Ele ndí ezi-omumé kę m bia d'a kpó ní wé roghari, kani ndí-njo."

Ajuju Banyeni Ibu-ónu

(Mat 9.14-17; Mak 2.18-21)

³³ Ya wé nö sì Jesu, "Umú-azúun Jony e bu onu mbú-le-ebó, e mē ekpere, umú-azúun ndí Itu-Farisi e mezikwo eríra; kani umu-azúun i e ri, a ra."

³⁴ Jesu nö shiarí wé, sì, "Unu asako éka mē ndí bia oriri agbamékukwó bu onu ebe wé le okennye rí a gba ehuhuo rí. Ní unu sa éka? ³⁵ Ogen w'e gi wepú okennye hún rí a gba ekukwó lala, wé jenkó d'e bu onu ogé hú."

³⁶ Jizosí nozí tuní wé iluni: "O nwónni onye hún a dokari ekwa ohun a kwakin nke akan. O m'e, nke ohun hú e tikapú; mpekele nke ohun hú efurukodé nke akan. ³⁷ O nwónni onye e gi ihién-manya akan a gbaye manya ohun. Makeni, o m'e, manya ohun hú sikó d'a gbawa ihién-manya hú, manya hú a kwanhu, ihién-manya hú a la iwi. ³⁸ 'Ya wú, gba manya ohun ye imé ihién-manya ohun! ³⁹ O nwónni onye a ragúu manya akan hún a cho nke ohun; makeni o jenkó d'a sì, 'Nke akan hú mma.'

Isi Nke Isin

Ajuju Banyeni Uhuohin Izu-ikéñ

(Mat 12.1-8; Mak 2.23-28)

¹ Uhuohin Izu-ikéñ ohu, Jesu ghakó imé ugbo ọka-witi, umú-azúun a nö ghóríma mkpuru ọka-witi, e gi éka a fúchanpú, e ri. ² Ndí hú imé ndí Itu-Farisi nö juma wé, sì, "Kí unu rí e meni ihién Iwu sì wé e mélé Uhuohin Izu-ikéñ?" ³ Jesu nö shiarí wé, sì, "Unu e ke guntu ihién Defidi mē ogé egn gi rí a gun'ya lę ndí 'ya lę wé wí? ⁴ O banye imé uló Osolobue, weri brédi-nsó hú w'e búpúhani Osolobue, ri e—yezi ndí 'ya lę wé wí, bú Iwu sì onye ówule eríle brédi hú mmaní ndí nchú-ejan suq." ⁵ 'Ya Jesu nozí sì wé, "Nwa nke ihian kę oku Uhuohin Izu-ikéñ rí éka."

Jesu A Zuò Onye Éka Nwúnhun

(Mat 12.9-14; Mak 3.1-6)

⁶ O ru Uhuohin Izu-ikéñ ozó, Jizosí nö banye imé uló-ofufe ohu, kuzimé. Okennye ohu éka-nni nwúnhun rí ebéhü. ⁷ Ndí-nkuzi Iwu lę ndí Itu-Farisi hú a cho ihién wé k'a sì Jesu mē; wé hú e ke e nke keni wé hún oméni o sikó d'a gwó oria Uhuohin Izu-ikéñ, ní wé gi e ma a ikpé. ⁸ Kani Jizosí a marínguó ihién wé rí e ro. O nö sì okennye hú, "Lihí oto n'i bia ihun ebeni d'e turu." Okennye hú nö lihi oto, shi ebahún d'e wuzzo. ⁹ 'Ya Jizosí nö sì wé, "Ní m ju unu ajuju: Kíní kę Iwu sì enyi mē Uhuohin Izu-ikéñ? O sì wé mē ihién rí mma ra eje-ihién? O sì wé zuò ihian ra o sì wé gbu ihian?" ¹⁰ O lehunmegüü wé ile, o nö sì okennye hú, "Tínpú éka i." Okennye ahun nö tínpú a, éka a nö rízi mma. ¹¹ Kani, eje-olulu nö bumé wé, wé nö zumé umé ihién wé jenkó d'e mē Jizosí.

Jesu A Hóri Ndí-ozí Pú-ichéñ Mmébúó

(Mat 10.1-4; Mak 3.13-19)

¹² Ogen hú, Jesu nö si enu ugu d'e mē ekpere, nochanrin uchinchin hú ile e mē ekpere e jenni Osolobue. ¹³ Eki e fón, o nö kpó umú-azúun a, hóri mmadú mmébúó imé wé, kpó wé ndí-ozí pú-ichéñ. Wé wú:

¹⁴ Sajmonu hún o kpó Pita,

Andúru nwéne Pita,

Jemisi,
Jony,
Filipu,
Batalomi,
¹⁵ Matiu,
Tamoşı,
Jemisi nwa Alifiosi;
lę Saimonu hün w'a kpó "Onye-Zilötü", makeni o te rị ndị gi eka-iken e mè ni wę chupu
ndị Rom rị a kị alı wę;
¹⁶ ndị ozo wü Judası nwa Jemisi lę
Judas' Iskarotu hün ren'e ogən ikpazun.

*Jesu A Kuzi Ndị Bu Ọda, Zuọ Wę Emu
(Mat 4.23-25)*

¹⁷ Ogen Jizosı lę ndị-ozi hụ pụ-ichen gi hidangụ, o no turu alị-aradan, 'ya lę igunrun
ümü-azụn a. Imérinmę ndị ozo ndị hün gha ebe ile rị imē Judia lę Jerusalém lę azụn
alị Taya-lẹ-Sidonu rị mkpennren Ohimin bia rizikwọ ebahun; ¹⁸ wę bia keni wę gon e ntin
lę n'o zuo wę emu rị a kuni wę. Ndị hün eje-mmモン rị e ye nsongbu biazikwọ ebéhụ, wę
no dínhin. ¹⁹ Igunrun hụ ile hụ a cho ni wę metu a eka, makeni iken rị a gha imē e a püha,
a zuo wę ile.

*Ndị Nke Wę Ka Mma
(Mat 5.1-12)*

²⁰ O no bu enya zinme umu-azụn a, si,
"Ngozi wü nke ụnu ndị la enwèn wę tònị Osolobue*", makelé Ali-eze Osolobue wü nke
ụnu!

²¹ Ngozi wü nke ụnu, ndị hün egùn rị a gun ogenni, makeni efo jenkọ d'e jun ụnu!
Ngozi wü nke ụnu ndị hün rị a kwan ekwan ogenni, makeni ụnu sikọ d'a mụ emu.

²² Ngozi wü nke ụnu wę gha a e gi ifiri Nwa nke ihiyan e ze ize ụnu, a gunpu ụnu ọnụ
ogun, a kpari ụnu, a gba ni ụnu oso!

²³ A ghogho ni, a tusi ni elu ogən ọwule wę m'e! Makeni ugwo orun hi-ogbe rị e che
ụnu imē elu-igwee. Makeni, erirà kę ndị nedị wę kanị mè ndị-amuma ogən mbụ.

²⁴ Kanị nsongbu rị e che ụnu, ndị wü ọdafin ogenni, makeni ụnu e riguọ nke ụnu!

²⁵ Nsongbu rị e che ụnu ndị efo jun ogenni, makeni egùn sikọ d'a gun ụnu! Nsongbu
wü nke ụnu, ndị rị a mụ emu ogenni, makeni ụnu jenkọ d'a gha a kwan, e goo!

²⁶ Nsongbu wü nke ụnu ogən ọwule ihiyan ile gi e ku oku ụnu ọhunma, makeni erirà kę
ndị nedị wę kanị mè ndị amuma-ugha ogən mbụ."

*E Nwę Ni Ihiyen-osusuo Jennis Ndị Ihienren Ụnu
(Mat 5.38-48; 7.12a)*

²⁷ "Kanị m rị a gwa ụnu ndị rị e gon m ntin: e nwę ni ihiyen-osusuo jennis ndị ihienren
ụnu; e mè ni ni ndị iwe ụnu rị e we ihiyen rị mma; ²⁸ a gozi ni ndị hün a bụ ụnu ọnụ; e mè
ni ni ndị hün e meja ni ụnu ekpere. ²⁹ Onye ma i ora nti ohu, y'e zinmen'e hün-ebö; onye
napu i ewo i yiye elu e, yezi e hün i yi imē e. ³⁰ Onye ọwule riọ i ihiyen, y'e ye e. Onye weri
ihiyen i, a dol'a 'ya. ³¹ E mè ndị ozo kę i cho ni wę e mè i."

³² "Omeni ndị ihiyen i a suq sushuo kę ihiyen wę a suq i, eleee ihiyen-oma kę i mè y'e gi narin
ngozi? Ndị njo e nwézikwọ ihiyen-osusuo jennis ndị ihiyen wę a suq! ³³ Omēni ndị hün e mè
n'i ọhunma kę y'e mè ni ọhunma, eleee ihiyen-oma kę i mè y'e gi narin ngozi? Kę ndị njo
e mezi erirà! ³⁴ Omēle ndị i marin nị wę sikọ d'a kükìn i suq kę y'e zinye, eleee ihiyen ọma
kę i mè y'e gi narin ngozi? Kę ndị njo e mezikwọ erirà, keni wę kükìn wę ihiyen wę zinye
wę! ³⁵ Mba! Kama, e nwę ni ihiyen-osusuo jennis ndị ihienren ụnu, e mè ni ni wę ọhunma.
E zinye ni onye ọwule, k'a tule ni enya ni wę jenkọ d'a kükìn ụnu. Ụnu mè e, ugwo-orun
ụnu jenkọ d'e hi-ogbe, ụnu jenkọ d'a wuru ezigbo ụmu Onye Hụ Kachanriñni. Makeni,

* Isi Nke Isin:20 ndị igbennye

o mē ni ndị ọhụnma-ogodan lę ndị-njọ ẹfọma. ³⁶ E mē ni ebere kę Nędi ụnu dọn e mē ebere.”

*Amale Ndị Ozọ Ikpe
(Mat 7.1-5)*

³⁷ “Amale ndị-ozọ ikpe, makę Chuku gha a ma i ikpe; ekutole ndị ozọ makę Chuku gha e kuto i; gbaghari ndị ozọ keni Osolobue gbaghari i.”

³⁸ “Ye ndị ozọ keni Osolobue ye i: i sikọ d'e nwęhen hụn wę kponjun ọhụnma, biantu ę alị, zinzin, o junpụha—e hu wę ę ye i ngadan. Makeni, kę i yehan ndị ozọ kę Chuku jenkö d'e ye i.”

³⁹ Jizosị nozị tụ nị wę iluni: “Onyę ẹnya-ishı as'eka du ẹnya-ishı ibe ę. N'o sa eka? O m'ę, ęle wę ębuo a danban imę mgbugbu? ⁴⁰ Onyę wę rị a kuzi ara karị onyę-nkuzi ę; kama, onyę wę kuzigụ sikọ d'a nọ kę onyę hụn kuzin'ę. ⁴¹ K'i rị a hụnni irinrin-nkụn rị nwęne i ẹnya, bụ y'a hụnni ogwe-nkụn rị i ẹnya? ⁴² Nanị ke y'e don sị nwęne i, ‘Nwęne-onyę, nị m wepụ i irinrin-nkụn rị i ẹnya,’ bụ y'a hündeni ogwe-nkụn hụn rị 'yụ le enwęn i ẹnya? Onyę ihunnai! Bu uzọ bupụ ogwe-nkụn rị i ẹnya, keni i legha uzọ ọhụnma wepụ irinrin-nkụn rị nwęne i ẹnya.”

*Osisi Lę Mkpuru A
(Mat 7.1-20; 12.33-35)*

⁴³ “Osisi rị mma ara mị mkpuru rileni mma; osisi jọ nịo ara mị mkpuru rị mma.

⁴⁴ Mkpuru osisi ọwụlę mị kę wę gi a marịn osisi hụ: w'a ra ghori figi elu oğun-lę-ekirika; w'a ra ghori grepu elu abi-ogun w'a kpọ brambu. ⁴⁵ Ezigbo ihiyan a gha ihiyen ọma o buto imę obi ę e wepụha ihiyen rị mma; kanị eje-ihiyan a gha eje-ihiyen o buto e wepụha eje-ihiyen. Makeni, ihiyen hụn junpụha imę obi kę ọnụ e ku.”

*Ihiyen Jesu Gi Mmadụ Ebụo Rị A Tun Ụlo Kuzi
(Mat 7.24-27)*

⁴⁶ “Kị hain ụnu gi a kpọ m ‘Di-nwọnni-ẹnyi, Di-nwònñi-ẹnyi,’ bụ ụnu ara mē ihiyen m ku? ⁴⁷ Nị m ghosi ụnu kę onyę hụn bịa d'e kunrun ni m, a nụ ihiyen m rị e ku, e gi ę a rụn ọrun, nọ: ⁴⁸ ọ nọ kę onyę hụn rị a tun ụlo, hụn gumi mgbugbu, gbe iyeto a ye elu ọmuma; ogen oken-mirin gi huru, idę ę nọ hukunrun ụlo hụ, kanị, ọ sanị ęka mēhunmę ụlo hụ—makeni wę tun a ọhụnma, [wę tun a ye enu ọmuma].”

⁴⁹ “Kanị, onyę hụn nụ oku m bụ a ra gi ę rụn ọrun rị kę onyę hụ tun ụlo ye ali-mmakalaka bụ o gbeni iyeto: hụn mirin ahụn gihu hukunrun ụlo ahụn, ọ dan ozigbo –dankpochanrin!”

Isi Nke Esa

*Jizos' A Zuò Igbon Onyę-isi Agha Ndị Rom
(Mat 8.5-13)*

¹ Ogen Jesu gi gwachanringụ wę oku ndịnị, 'ya ọ nọ si Kapanom. ² Onyę-ndu agha ohu hụn a kị ndị-agha Rom oğun isen rị ebéhụ. Onyęni nwọn igbon ohu hụn rị a mkpa ọda-ọda. Emu rị a kụ igbon hụ, o d'a nwụn. ³ Ogen onyę-ndu aghanị gi nụ banyeni Jesu, ọ nọ zi ndị hụ imę ndị-isi ndị Ju d'a rịo a bịa d'a zuò igbon ę. ⁴ Ogen wę gi kunrun Jesu, wę nọ riokenmę ę, sị, “Okęnnỵenị furu onyę i jenkö d'e yeni ęka, ⁵ makelę ihiyen ali ẹnyi wụ Izrəlụ suọ a asụo—iya tun ụlo-ofufe ẹnyi.” ⁶ Jesu nọ sɔnmę wę. Kanị, ogen o gi rumę ehiụ iwe onyę-ndu-agha hụ, 'ya okęnnỵenị hụ nọ zihę ndị ọwụ a d'e kunrun ę, sị a, “Di-ọkpa, esongbulę enwęn i, makeni eruni m onyę hụn i jenkö d'a banhan iwe ę. ⁷ Ya hain m gi weri ę nị eruni m hụn jenkö d'a bịa d'e kunrun i. Ka kuhụ oku suọ, igbon m k'a dịnhịn.”

⁸ “Makeni, mmę nwęn nwọn ndị m rị okpuru wę, nwonzikwọ ndị-agha rị okpuru m. M'a sị onyęni, ‘Jen!’ O jenmę; m'a sịzị hụn-ębọ, ‘Bia!’ Ọ bịa; m'a sị igbon m, ‘Mę ihienni! O mē ę.’”

⁹ Ogen Jesu gi nü ihiennni, o tu a enya; o no gbehutø, bu ihun zime igunrun hụ sònko n'a, si, "M rị a gwa ụnụ ezioku, m'e ke hụntu ụdi okukwени, kẹ imé Izrelụ!" ¹⁰ Ogen ndị hụ onye-ndu agha hụ zịen gi lụa, wę no hụn a nị igbọn ahụn a dìnhinguọ.

Jizos' E Weli Ni Okpoho Di È Nwụn Nwa a Nwụnni

¹¹ O nöbe ekere, Jesu no si obodo ohu w'a kpø Nefini. Umụ-azụn a le igunrun hi-ogbe sonjen e ebèhu.

¹² Hụn o gi rumé ọnụ-mgbon obodo hụ, e lee ozun wę bupukọ d'e li—akpụ-okennye ohu hụ suø nné e mü rø bụ di okpoho hụ a nwụnhunguọ. Igunrun ihiān gha imé obodo hụ sònko okpoho hụ. ¹³ Ogen Di-nwọnni-enyi gi hụn a, ebere okpoho hụ no mē e ọda-oda, 'ya o no si a, "Akwanlé ekwan." ¹⁴ O no jenpuha d'e metụ ekpeti-ozun hụ eka; ndị bun'ę no wuzo uzø ohu. 'Ya o no si, "Okorobia, m si i lihi oto!" ¹⁵ Okennyę hụ nwụnhunni no nödi alị, kumé oku. Jizosi no w'e ye nné e. ¹⁶ Egun no tu wę ile; wę no ja Osolobue mma, si, "Onye-amuma hi-ogbe a puhaguo imé enyi!" "Osolobue a biaguo d'e meni ndị nke e ọhunma!" ¹⁷ Ihiennni Jesu mē no kpogbama Judia ile le alị ile nokunmen'e.

Ndi-ozi Jönü Hün E Mę Mirin-Chuku Zi (Mat 11.2-19)

¹⁸ Ogen umụ-azụn Jönü gi gwachanringuụ a ihién ndịnị ile Jesu rị e mē, 'ya o no kpø mmadụ ebụo imé wę, ¹⁹ zi wę jen d'e kunrun Di-nwọnni-enyi d'a ju a, si, "Iyụ wụ onye hụ Osolobue kwe nkwa n'o lala-alala, ra nị enyi lemé enya onye ozo?" ²⁰ Ogen wę gi bịa d'e kunrun Jesu, wę no si a, "Jönü hụn e mē mirin-Chuku zi enyi d'a ju i, si, 'Iyụ wụ onye hụ Osolobue kwe nkwa n'o lala-alala, ra nị enyi lemé enya onye ozo?'" ²¹ Ogen ohu hụ, Jizosi no zuo ndị bu odata emu ichen-ichen rị a kụ, chupusonmę eje-mmモン imé ndị bu odata, mē ndị enya-ishu bu odata hụnma uzø. ²² 'Ya o no si wę, "Unụ ru, ụnụ a gwa Jönü ihién ụnụ hụn le ihién ụnụ nụ: ndị enya-ishu e leghama uzø; ndị nguro e jenme ijen; ndị-oti a dìnhin, rị ochan; ndị odin a nüma ihién; wę hụ a kpotien ndị nwụnni; e zi ndị igbennye ozioma. ²³ Ngazi wụ nke onye hụn gileni ifiri ihién o hụn m ehụ nwemę obi-ebụo!"

²⁴ Ogen ndị ahụn Jönü zihę gi pugụ, Jesu no gwama igunrun hụ oku Jönü, si, "Kinị kẹ ụnụ jen imé atụ d'e lee ogen ụnụ gi jen d'e kunrun Jönü imé atụ? Efifia ufere rị e buhunme? ²⁵ Kinị kẹ ụnụ jen nwani d'e lee? Onye yi ekwa oma nianrannı? Kaka akp'ohu! Imé ogwa ndị-nze kẹ wę no a hụn ndị hụn e kọn ेriira le ndị hụn e bi obibi ehụ-ufu. ²⁶ Kinị kẹ ụnụ jen nwani d'e lee ebahụn? Onye-amuma? Eghẹe, m rị a gwa ụnụ n'o karidę onye-amuma. ²⁷ Makeni, Jönü wụ onye hụ wę ku oku e ebahụn Ehụhuo-nsø no si, 'Lee e, m jenkö d'e zihę onye-ozi m n'o buru n'i uzø, keni o kwan'i uzø i.' "

²⁸ Jesu nozị si, "M rị a gwa ụnụ, imé ndị ile okpoho mü, o nweni onye ka Jönü. Kani, onye hụn kachanrin ekere imé Ali-eze Chuku ka Jönü."

²⁹ Ndị ile nü ihién o ku kweri nị kẹ Osolobue dòn e mē ihién e rị mma—kẹ ndị ugwo-isi rị imé wę, makeni wę gon Jönü ntịn, nị a mē wę mirin-Chuku. ³⁰ Kani, ndị Itu-Farisi le ndị-nkuzi Iwu ju ihién Osolobue kwademę ni wę—makeni wę ju nị Jönü e mękö wę mirin-Chuku.

³¹ "Kị m'e gi nwani ma atụ ndị agboni? Nanị kẹ wę no?" ³² "Wę no kẹ umueka nödị alị imé afia, a hị ibe wę, a si,
'Enyi e gbu ni ụnụ ekpiri hụn a sụoni,
 ụnụ etenni egù;
enyi e ye olu ekwan,
 ụnụ a kwanni ekwan.' "

³³ "Jönü hụn e mē mirin-Chuku a bịa, o rini kẹ ihiān ile e ri, o ranị manya, ụnụ si, 'Ejemmon rị imé e!' ³⁴ Nwa nke ihiān a bịa nwani—o hụ e ri, a ra, ụnụ si, 'Lee okennyenı! Onye oken ihién-oriri, onye-manya, ọwụ ndị a na ugwo-isi le ndị wę gi njø marin!' "

³⁵ "K'osileri, ihién amamihien mupuha kẹ wę gi a marin a."

Jesu Ejen Iwe Onye Itu-Farisi Oti Te Kü

³⁶ Onye Itu-Farisi ohu kpō Jesu d'e sōn e ri ihiēn-oriri iwe e, Jesu nō jēn, nōdī ali, e ri ihiēn-oriri. ³⁷ O nwōn okpoho ohu hūn wē gi eje-obibī e marīn hūn rī imē obodo hū. O nū nī Jesu rī iwe onye Itu-Farisi hū e ri ihiēn-oriri, 'ya o nō wēhē ogō-alabasta udēn e shin əhūnma jun imē e.

³⁸ O nō nodī azūn ebe əkū-alī Jesu rī, a kwan ekwan: o hū a kwan enya-mirin e ye Jesu əkū-alī, e gi ntutu e e fikorī a; o hū e su əkū-alī Jesu ənū, e hu udēn hū e kpu e əkū-alī.

³⁹ Ogen onye Itu-Farisi hū kpō Jesu oriri ahūn gi hūn ihiēnni, o nō sī enwēn e, "Omēni okēnnyēni te wū onye-amūma nke-esi, nkē o marīn onye okpohoni rī e mētū a əka wū—nkē o marīn ədī ihiān o wū—n'o wū onye-njo!" ⁴⁰ Jesu nō sī a, "Sajmōnū, m nwōn ihiēn m chō nī m gwa i." O nō sī a, "Onye-nkuzi, kumē." ⁴¹ Jesu nō sī, "O nwōn onye mmadū ebūo gi ugwo. Onye ohu gi e egho ərūn akp'ohin iri kwasī ogūnnai, hūn-ebō gi e egho ərūn akp'ohin ogūn-isēn kwasī nnū. ⁴² Asanī wē əka kū ugwo hū; 'ya o nō gbaghari wē ebūo, sī wē akuzilē ugwo hū. Onye imē wē kē ihiēn okēnnyē ahūn gbaghariñi wē k'a ka nwan a sūo?" ⁴³ Sajmōnū nō sī, "M weri e nī onye hūn o gbaghari ugwo kanī rō." Jesu nō sī a, "Y'a zaguō a əhūnma."

⁴⁴ 'Ya o nō gbehutō, bu ihun zinmē okpoho hū, sī Sajmōnū, "Y'a hūnghō okpohoni? A banhan m iwe i, y'e yeni m mirin gi chanchan əkū m, kale o gigūo enya-mirin e chanchan m əkū, gi ntutu e fikorī a; ⁴⁵ kē m banhan, y'e suni m ənū gi kele m, kanī 'ya nwēn e ke subehikwō m nwan ənū əkū kete m'a bialē; ⁴⁶ y'e huyeni m udēn isi, kanī o hugūo udēn e shin əhūnma ye m əkū. ⁴⁷ M rī nwan a gwa i n'a gbaghariñi w'a njō bu əda o mē, 'ya hajin o gi a ghosi okēn ihiēn-əsūsūnij; kanī onye wē gbaghari njō mē ekērē o mē a ghosi ihiēn-əsūsūnō mē ekērē."

⁴⁸ Ya Jesu nō sī okpoho hū, "A gbaghariñi wē i njō i."

⁴⁹ Ndī hū ya lē wē rī e ri ihiēn-oriri nō jūma enwēn wē, "Onye kē onyenī wūdē o gi a gbaghari njō?"

⁵⁰ 'Ya Jesu nō sī okpoho hū, "Okukwe i a zuopuhagūo i. Lama, udōn y'a rī nī i."

*Isi Nke Esatō**Ikpoho Ndī Son Jizosí A Ghahunmē*

¹ Otebe ekērē, Jizosí nō ghasonmē obodo ndī hi-ogbe lē ndī mē ekērē, e zi oziomā Ali-eze Osolobue; 'ya lē əmū-azūn a mmēbūo hū wī, ² lē ikpoho ndī hū imē ndī o chūpū eje-mmōn imē wē lē ndī o zuo əriā rī ichēn-ichēn. Ikpoho ndīnī wū Meri hūn w'a kpō onye obodo Mag'dala, hūn o chūpū eje-mmōn esa imē e ³ lē Juana hūn Chuza di e wū onye-isi ərūn imē ogwa Herōdū, lē Suzana, lēzi ikpoho ndī-ozō bu əda hūn gi ihiēn wē e yeni Jesu lē əmū-azūn a əka.

Ilu Jesu Gi Onye-ugbo Ta

(Mat 13.1-9; Mak 4.1-9)

⁴ Ndī bu əda nō rī a gha obodo rī ichēn-ichēn a bia d'e kunrun Jesu. Ogen igunrun hi-ogbe gi gbakikomēgū, Jesu nō ta nī wē iluni: ⁵ "O nwōn onye-ugbo hūn jēn d'a gha mkpūrū a. K'o don rī a gha mkpūrū imē ugbo, ndī hū imē wē a danyē əkp'uzō, wē nō zoḡbu e, nnūnū nō ripū a. ⁶ Ndī hū imē wē a danyē elu əmūma, ogen wē gi pupūha, a kpōpū wē nkūn, makēni e nwēn wē mirin. ⁷ Mkpūrū ndī hū imē wē a danyē imē ogun —wē lē ogun hū e suepūha, ogun nō dungbu wē. ⁸ Ndī hū imē wē a danyē ezigbo ali, e pu wē, sue, mī mkpūrū mmagi-mmagi, mīrude əzō ogun-isēn." Ogen o gi kugūi ihiēnni, o nō wesi olu elu, sī, "Onye nwōn ntīn o gi a nū ihiēn, 'ya nū!"

Ihiēn Hajin O Gi Rī A Ta Ilu

(Mat 13.10-17; Mak 4.10-12)

⁹ Əmū-azūn Jesu nō sī a kōwa ilu hū. ¹⁰ 'Ya o nō sī wē, "Osolobue e yegūo ənū oghere əmarīn ihiēn-minī rīsonmē Ali-eze Osolobue, kale, nke ndī ozō wū ilu-ilu, ilu-ilu, kēni o wūrū nī,

‘Wę hụ e lee ile,
kanị arị w'a hụn,
wę hụ a nụ, kanị arị w'a ghota.’ ”

*Jesu A Kowa Ilu Onye-ugbo
(Mat 13.18-23; Mak 4.13-20)*

¹¹ Jesu nọ sị, “Ọnwan wụ nkowwa inu hụ: Mkpurụ hụ wụ oku Osolobue. ¹² Mkpurụ ndị hụ danye ọkp'uzo wụ ndị hụ nụnị, kanị, Ekwensu a bia d'e wefụ ozi wę nụ imẹ obi wę amamgbe wę e kweri, nwọn nzupuha. ¹³ Mkpurụ ndị hụ danye elu ọmụma wụ ndị hụ nụ ozi hụ, gi ighoghọ nabanhāna. Kanị enwę wę nkögogun—o jenmini imẹ obi wę; w'e kwerihụ erekere ogen, kanị nlele bia, a danpu wę. ¹⁴ Mkpurụ ndị hụ danye imẹ ogun wụ ndị hụ nụn'a—kanị, ebe wę bikọ elu, uhue lę akụ-le-uba* lę ihiēn a sụo ụsụo rị ụwanị a kpangbu wę, mkpurụ wę akazini.”

¹⁵ “Mkpurụ ndị hụn danye ezigbo alị wụ ndị hụ nụ oku hụ, gi obi wę ile nabanhāna, kwonkènme ẹ, dikènme ndidi—d'e ru ni a mịpụha wę mkpurụ.”

*Ukpé Wę Gi Afere kpume
(Mat 4.21-25)*

¹⁶ “Ihiān ara muye ukpē, gi ihiēn kpumē ẹ mọbụ rụ a ye okpuru będi. Kama, w'e bu ẹ e che elu obu-ukpē, keni ndị rị a banhannị legha ụzo.” ¹⁷ “Makeni, o nwonnini ihiēn ọwule zuerini hụn jenkoleni d'a pụha ifon; o nwonnini ihiēn ọwule wę kpumē hụn jenkoleni d'a wa.” ¹⁸ “Kpachanpu nị nwan enya ihiēn ụnụ gi ihiēn ụnụ rị a nụ e me; makeni ndị hụn nwени gi e rụn orụn kę wę sikọ d'e yecheni; kale, ndị hụn nwònloneni ihiēn wę gi nke wę rụn, wę sikọ d'a napudę wę hụn nta wę nwọn.”

*Nnē Lę Umunę Jizosị
(Mat 12.46-50; Mak 3.31-35)*

¹⁹ Ya nnē lę umunę Jizosị nọ bia d'e kunrun ẹ, kale asani wę eka nochimę ẹ make igunrun hụn rị ebęhụ. ²⁰ Onye ohu nọ sị Jizosị, “Nnē i lę umunę-i-ikennyye turu ezi e che; wę chọ nị wę hụn i.” ²¹ Jizosị nọ sị wę, “Ndị hụn a nụ oku Chuku e gi e e bi—uwę wụ nnē m lę umunę ml!”

*Jesu A Kusi Ebi
(Mat 8.23-27; Mak 4.35-41)*

²² Uhuohin ohu, Jesu lę ụmu-azụn a nọ banye imẹ ugbo-mirin, o nọ sị wę, “Nị enyi fetu ni azụn hụn-ebō.” Ya wę nọ jenmę. ²³ Ebe wę nyankö, ụran nọ buru Jizosị. Idumuzi, ebi nọ kpoma mirin hụ, mirin nọ junmę imẹ ugbo, nke wụ nị wę ile nọ rị eje-ọnodị. ²⁴ Umụ-azụn a nọ jenburu ẹ, kpotien ẹ, e yi oro, a sị, “Onye-nwonnini-enyi! Onye-nwonnini-enyi! Enyi e d'a nwụn!” Jizosị nọ tēnhen, jụgbọ ebi hụ lę ebiri-mirin hụ; wę ile nọ kusi, ebe ile nọ me rajụ. ²⁵ Ya o nọ sị ụmu-azụn a, “Elebe kę okukwe ụnụ rị?” Kanị o tụ wę enya, tụ wę egun; wę no juma ibe wę, “Onye wukwo nwan okennyyeni? O yede ebi lę ebiri-mirin iwu, a gbaye w'e!”

*Jesu A Zụo Onye Eje-mmọn Rị Imẹ E
(Mat 8.28-34; Mak 5.1-20)*

²⁶ Ya wę nọ ru obodo Gadara hụn bu ihun zinmę Galili. ²⁷ Hụn Jesu gihu gha imẹ ugbo hidan ye m kpennren mirin hụ, 'ya okennyye ohu eje-mmọn rị imẹ ẹ nọ bia d'e kunrun ẹ, okennyye ahụn wụ onye obodo hụ.

O tekemekę okennyyeni yibemę ekwa; a ra nödị imẹ ulo—ikpékpe k'o nödị. ²⁸ Mgbe o gi hụn Jesu, o nọ dobepụ oro, dan nị Jesu alị; gi ndịn ile o nwę yi, “Jesu, Nwa Chuku-Kachanrinni! Kinị kę i chọ n'i gi m me? Dodo, eyekwole m afunfun!” ²⁹ O ku ihienni makele Jesu a gwaguo eje-mmọn hụ 'ya gha imẹ ẹ pu. (Eje-mmọn hụ e kwondon ẹ mbu-le-ebō: o kwondon ẹ, osuon'a nị wę kpoma a egan okụ lę eka—chedon ẹ, o sikọ d'e tibepụ egan ndị ahụn, eje-mmọn hụ e nurun ẹ si imẹ ofia lę ebe ihiān bileni.) ³⁰ Jesu nọ sị a, “Ki

* Isi Nke Esato:14 “Akụ-le-uba kę wę ka a kpọ, kanị ịka a kpozị a efee.”

wu የfan i?" 'Ya o no si, "Efan m wu 'Igunrun.' " O za enina makeni eje-mmɔn bu ɔda jun imɛ e. ³¹ Eje-mmɔn ndi hụ no rịo Jesu y'a chule wẹ ye imɛ Abisi, Eje-mgbugbu hụ migbu enwèn e rị ali-mmɔn.

³² O nwɔn igunrun ezin bu ɔda rị nkpotu-oke nokunmè ebahun a kpa nni. 'Ya kẹ eje-mmɔn ndi hụ no rịo Jesu 'ya ni wẹ banyesonmè imɛ ezin ndi hụ. Jesu no ni wẹ banye.

³³ 'Ya eje-mmɔn ndi hụ no gha imɛ okennyę hụ puha, banyesonmè imɛ ezin ndi hụ. 'Ya igwee ezin hụ ile no kpoto oke hụ, zunban imɛ mirin Galili hụ, ragbu enwèn we.

³⁴ Ogen ikennyę ndi hụ rị e du ezin ndi hụ gi hụn ihièn mèni, wẹ no gbatu, weri oku hụ ghagbamè imɛ obodo hụ ile le ụmụ-alì ndi rịsonmè egberẹ ahun. ³⁵ 'Ya ndi bu ɔda no puha d'a hụn ihièn mèni. Ogen we gi ru ebe Jesu rị, a hụn wẹ okennyę ahun eje-mmɔn ndi hụ gha imɛ e pu k'o nodi alì ehu ụku Jesu: o yihụ ekwa; uche e e zu oke; egun no tuma we. ³⁶ Ndị rị ebahun ogen ihiènni gi mè no gwa ndi hụ kẹ okennyę hụ dọn dìnhịn. ³⁷ Ya ndi Gadara le egberẹ ahun ile no si Jizosị 'ya gha ebéhụ pùnị wẹ, makeni egun rị a tu wẹ ɔda-ɔda. 'Ya Jizosị no banyesi imɛ ugbo mirin hụ, kin-azụn. ³⁸ Okennyę hụ eje-mmɔn ndi hụ gha imɛ e pu no rịo Jizosị n'o ni a sonmè e, kanị Jizosị no zipu a, si a, ³⁹ "Lashi iwe unu d'a gwa wẹ oken-ihièn Osolobue mèni i." Ya okennyę hụ no jenmè, ghasonmè ebe ile imɛ obodo hụ, kukọ ihièn hụ Jizosị me n'e.

Jesu Lẹ Okpoho Ihien Rị A Gba Lẹ Nwata Nwunnị (Mat 9.18-26; Mak 5.21-43)

⁴⁰ Ogen Jesu gi gha alì ndi Gadara kinhen, igunrun ihièn rị ebéhụ no nabanhān a, makeni wẹ ile rị e che e. ⁴¹ Ebéhụ kẹ okennyę ohu w'a kpo Jairosị no bia; okennyen iwu onyę ohu imɛ ndi-isi ụlo-ofufe wẹ. O no dan ni Jesu alì, rịo a n'o bia iwe e, ⁴² makeni akpụ nwa okpoho ohu o mụ hụn wu ihièn no kẹ nwa ahụa mmebu rị a nwunhụn. Ogen Jesu gi jenko, igunrun ihièn hụ a fufa a.

⁴³ O nwɔn okpoho ohu ihièn rị a gba kete ahụa mmebu rị imɛ igunrun ahun; ihièn ile o nwɔn a guchanringu o hụn o gi e jen eka ndi dibię, kanị o nwɔnni onyę hụn saeka zuon'a. ⁴⁴ O no ghaha ibe azụn Jizosị metu ntin-ekwa Jizosị eka, ihièn rị a gban'a no kusi ozigbo. ⁴⁵ Ya Jizosị no si, "Onyę metu m eka?"

Ogen we ile gi ghori ni ele wẹ, Pita no si Jizosị, "Di-nwɔnni-enyi, ihièn ile fihunmè i ma, a fufa i!"

⁴⁶ Kanị Jizosị no si, "O nwongho onye metu m eka. A maringho m ni o nwèole iken gha imɛ m pu." ⁴⁷ Ogen okpoho hụ gi hụn a n'o sakọ eka zueri, o no puha-ehu hụ a ma a nni; o no dan ni Jesu alì, no id'onya ndi rị ebéhụ gwa a ihièn hajin o gi metu a eka le k'o dọn dìnhịn ozigbo. ⁴⁸ Jizosị no si, a, "Nwa m, okukwe i e megwu i rị mma. Lama, udon 'ya rị n'i."

⁴⁹ Ogen Jizosị gi rị e ku ihiènni, onyę ohu no gha iwe onyę-isi ụlo-ofufe hụ bia d'a si a, "Nwa i a nwunhụngu o; eyezile onyę-nkuzi nsongbu."

⁵⁰ Ogen Jizosị gi nụ a, o no si Jairosị, "Atule egun; nwéhụ okukwe; o jenko d'a dìnhịn."

⁵¹ Ogen Jesu gi ru iwe Jairosị, o ninj onyę ọwule son e banye imɛ ụlo hụ wezuka Pita le Jonu le Jemisi lezi ndi mụ nwata hụ. ⁵² Wẹ ile rị ebahun hụ a kwan, e goo nwata hụ. Kanị Jesu no si we,

"Akwanzile ni; nwata hụ anwunni, o rihụ ụran!"

⁵³ Wẹ no mụma Jizosị emu, makeni a maringu o wẹ ni nwata hụ a nwunhụngu o.

⁵⁴ Kanị Jizosị no kwondon nwata hụ eka, si, "Nwata, lihi ọtō!"

⁵⁵ Mmɔn nwata hụ no kinhen, o no rịzi ndun; 'ya o no lihi ọtō ozigbo. Jizosị no si we ye nwata hụ ihièn-oriri. ⁵⁶ O tu ndi mun'a enya ɔda-ɔda, kanị Jizosị no si wẹ agwakwolę onyę ọwule ihièn mèni.

Isi Nke Itenei

Jesu E Zipu Umụ-azụn Mmembu Hụ (Mat 10.5-15; Mak 6.7-13)

¹ Jesu nō kpokikomē ụmụ-azụn a mmębuo hụ, ye wę ikēn hụn eje-mmón ile e gi rị okpuru wę le hụn wę e gi gwọ ọriạ. ² Ya o nō zipụ wę keni wę jen d'e zi ozi Ali-eze Osolobue leni wę jen d'a zuo ndị emu rị a kụ. ³ O nō sị wę, “Ewerilé ni ihiẹn ọwule ụnụ jenkonị: kę ọkpọ, kę erekpa, kę ihiẹn-oriri, kę egho; ewerilé ni erekwa ọzọ che ni hụn ụnụ yi. ⁴ Ulo ọwule wę nō nabanhān ụnụ, nōdị nị ebahun d'e ru mgbe ụnụ gha obodo hụ pụ. ⁵ Ebe ọwule wę nōlēni nabanhān ụnụ, ụnụ pukonị obodo hụ, kpukpupu nị ejan rị ụnụ ükü n'ọ würü ihiẹn wę gi shiagbu wę eri.” ⁶ Ụmụ-azụn hụ nō jenmē, a ghasonmē wę ụmụ-alị ile rị ichen-ichen, e zi ozioma, a gwọ ọriạ ebe ile wę ru.

*Obi Eruzini Hероду Ali
(Mat 14.1-12; Mak 6.14-29)*

⁷ Ogen Hероду, hụn ri a kị azụn Galili, gi nụ ihiẹn ile rị e məni, obi eruzin'e ali. Makeni o nwę ndị rị a sị nị Jony hụn e mə mirin-Chuku a ghaguo ọnwụn lihi; ⁸ ndị hụ imē wę sị nị Elaija a puhaguo; ndị hụ imē wę sịzị nị onyę ohu imē ndị-amụma mbụ e lihiguo. ⁹ Hероду nō sị, “E bepuguo m Jony isi; onyę wụzị nwan onyeni m rị a nụ otiti e?” 'Ya o nō chomá n'ọ hụn Jizosị.

*Jesu E Ye Igunrun Hi-ogbe Ihiẹn-oriri
(Mat 14.13-21; Mak 6.30-44; Jon 6.1-14)*

¹⁰ Ndị-ozı hụ pụ-ichen a lụaha, wę nō gwa Jesu ihiẹn ile wę mesonmē ebe wę jen. O nō gi nzuzue weri wę pụ, wę nō si obodo w'a kpo Bęsaıda. ¹¹ Kani ogien igunrun ndị ahụn gi nụ a, wę nō rusonmē e. O nō nabanhān wę, gwa wę oku Ali-eze Osolobue, zuo ndị hụn cho nzụorị.

¹² Ogen anwụn gi rōma, ụmụ-azụn a mmębuo hụ nō bia d'e kunrun e, sị a, “Sị igunrunni lama, nị wę jen obodo ndị mə ekere-ekere lę alị-ofia rị egberenị d'a chorị ihiẹn wę sikọ d'e ri lę ebe wę k'a ranhịn, makelé o nwonni onyę bi ebeni enyi rị.” ¹³ Kani Jizosị nō sị wę, “Unụ lę enwén ụnụ, yeni wę ihiẹn wę jenkon d'e ri.”

Wę nō sị a, “Ogbe-brędi isen lę azun ebüo suq kę enyi nwon-mmanị i cho nị enyi jen d'e nōn ni igunrunni ile ihiẹn-oriri.” ¹⁴ Makeni wę rị ihiẹn rıkę ikennye ögün-irikwasị-nnụ-mmębuo (hụn wụ nnụ-uku isen). 'Ya o nō sị ụmụ-azụn a, “Dönmesonmē ni wę ọkụdu-ọkụdu—ihiẹn nökę mmadụ iri-kwasị-ögünnaị nōdisonmē ọkụdu-ọkụdu.” ¹⁵ Ụmụ-azụn a nō mə k'o ku, wę nō sị ndị hụ ile nōdisonmē alị. ¹⁶ Jesu nō weri ogbe-brędi isen hụ lę azun ebüo hụ, o lee enya elu-igwee, ye Osolobue ekele, 'ya o nō bebe wę, weye ụmụ-azụn a nị wę kesonmē ni igunrun hụ 'ya. ¹⁷ Wę ile nō rijunchanrin ẹfọ. Wę nō kpónkikomē hụn hόđunị, o nō jun ükpalị mmębuo.

*Pita E Ku Onyę Jesu Wụ
(Mat 16.13-19; Mak 8.27-29)*

¹⁸ Uhụohịn ohu, Jesu suq nōdị e mə ekpere. Ụmụ-azụn a suq nōkunmē e. O nō jụ wę, sị, “Onyę kę wę sị nị iya kę m wụ?” ¹⁹ Wę nō sị, “Ndị hụ imē wę sị nị i wụ Jony hụn e mə mirin-Chuku; ndị hụ imē wę sị nị i wụ Elaija; ndị ọzọ sị nị onyę ohu imē ndị-amụma mbụ a ghaguo ọnwụn lihi—nị iya k'i wụ.”

²⁰ O nō nwan sị wę, “Onyę kę ụnụ lę enwén ụnụ sị nị iya kę m wụ?” Pita nō za, sị, “Iyụ wụ Kraisti Osolobue, Onyę Hụ Osolobue Tume.”

*Jesu E Ku È N'o K'a Ta Afunfun, Nwụnhụn, Lihizi
(Mat 16.20-28; Mak 8.30-9.1)*

²¹ 'Ya Jizosị nō dokènme wę eka-ntin, sị wę agwakwole onyę ọwule ihienni. ²² O nozị sị wę, “Nwa nke Ihiän jenkon d'a tarirị oken afunfun eka ndị-isị lę ndị-isị nchụ-ejan lę ndị-nkuzi Iwu. Wę sikọ d'a jụ a, gbu e-kale, nke akp'ohịn eto Osolobue sikọ d'a gha ọnwụn weli e.”

²³ O nō sī wē, “Onyē ọwule chō n'o sōnmē m, 'ya jū enwēn e, buru obe* e ụhụohin ile, sōnmē m. ²⁴ Makeni onyē ọwule chō n'o ghe isi e, isi e a tō a; kani, onyē ọwule hūn gi ufiri m tuhu ndūn a jenkö d'a zuopuhā a. ²⁵ Elee erere k'ọ ban nī ihiān, ọwunī o nwōnchanriŋgū ụwa ile, 'ya lē enwēn e e tuhu?”

²⁶ “Makeni, onyē ọwule hūn mē ifenren mmē lē oku-ọnū m, onyē hū kē mmē wū Nwa nke ihiān sikō d'e mezi ifenren e ogen m jenkö d'e gi gi oghō m lē nke Chuku-Nēdi lē nke ndī mmōn-ozi nsō bia. ²⁷ M rī a gwa ụnụ ezioku, ndī hū imē ndī turu ebeni anwunkō d'e ru ni a hūn wē Ali-eze Osolobue.”

Jizosí E Nwōnhuso

(Mat 17.1-8; Mak 9.2-8)

²⁸ O rī ihiēn rīkē akpū-uhụohin esatō Jesu kugụ ihiēn ndīnī, o nō weri Pita lē Jonyū lē Jemisi si elu ugu d'e mē ekpere. ²⁹ K'ọ rī e mē ekpere, ihun e nō nwōnhuso, ekwa a nō nwunmē nke ọchan, gbukeptuma. ³⁰ Idēnmiyi 'ya lē ikennye ebūo nō kumē oku. Ikennye ndī ahūn wū Mozizi lē Elaija; ³¹ wē gi oghō pū-ichēn pūha; wē lē Jizosí rī e ku oku ụla o jenkö d'a la ghaghani ọnwūn o k'a nwūn imē Jerusalēm gi mēzu uche Osolobue. ³² Enya ụran rī e mē Pita lē ndī 'ya lē wē nōdī ọda-ọda, kani ogen ụran gi fōn wē enya, wē nō hūn oghō Jizosí, hūnzikwō ikennye ebūo ahūn turuye ni n'e. ³³ Hūn ikennye ebūo hū gi latokō Jesu, Pita nō sī Jesu, “Di-nwōnni-enyi, o rīka mma nī enyi nōdīchanrin ebeni! Nī enyi tūn ọdu etō: nke i wū ohu, nke Mozizi wū ohu, nke Elaija wū ohu.” (O marīn ihiēn o rī e ku, kaka!) ³⁴ Ogen o gi rī e ku ihiēnni, orukpu nō pūha d'e kpumē wē; egun nō tūma ụmū-azūn a ndī hū ogen orukpu hū gi rī e kpumē wē. ³⁵ Olu nō gha imē orukpu hū sī, “Ọnwan wū Nwa m, Onyē hūn m hōrī-gon n'e ntīn!” ³⁶ Mgbe olu hū gi kugụ, Jesu suō kē wē hūnzi.

Umū-azūn a etō hū ekupuhadēni oku ihiēnni wē hūn ogen hū wē gi hūn a; agwanị wē onyē ọwule ihiēn wē hūn.

Jesu A Zuq Nwata Okennye Eje-mmōn Rī Imē E

(Mat 17.14-21; Mak 9.14-29)

³⁷ Eki e fōn, ogen Jesu lē ụmū-azūn a etō ahūn gi gha elu ugu hū hidan, igunrun hi-obge nō kunrun Jesu. ³⁸ Okennye ohu nō gha imē igunrun hū yi oro, sī, “Onyē-nkuzi! Dodo, lee nwa m—iya suō kē m mu! ³⁹ O nwē eje-mmōn e kwondon n'e: o m'e a dobepū oro, ụfofō a pūhama a ọnū; o rū a eħu; a ra yen'e efe! ⁴⁰ M rīo ụmū-azūn i wē chupu a, asanī wē eka.” ⁴¹ Jesu nō shiarī, sī, “Eje-agbō nwōnleni okukwe kē ụnụ wū! Nanī kē mmē lē ụnụ jenkö d'a nobiehan?! Elee ogen kē m k'e dinruni ụnụ ndidi?!” 'Ya o nō sī okennye hū, “Wéhē nwa i ebeni.” ⁴² Ogen nwata-okennye ahūn gi pūla, eje-mmōn hū nō kwantuzi e, dōma a, kani Jesu nō jügbō eje-mmōn hū, zuq nwata hū, we e ye nedī e. ⁴³ Ikenni hi-obge Osolobue kpa nō tū ndī hū ile enya.

Jizosí E Kuzi Oku Ọnwūn A

(Mat 17.22-23; Mak 9.30-32)

Kē ihiēn ile Jesu rī e mē rīkwō a tū ihiān ile enya, o nō sī ụmū-azūn a, ⁴⁴ “Azokwolē ni ihiēnni m jenkö d'a gwa ụnụ kikenni: Wē sikō d'e re Nwa nke ihiān ye ndī ihiān.” ⁴⁵ Kani ụmū-azūn a aghotanī ihiēn o rī e ku. Wē zuemē ni wē iya, amamgbe w'a ghōta a—bu egun aninī wē jū a ihiēn o gi e ku.

Onyē Kachanrin Ibe E

⁴⁶ Ogen ohu, ụmū-azūn Jesu nō dōma oku onyē hūn jenkö d'a kachanrin i imē wē. ⁴⁷ Jizosí a marīngu o ihiēn wē rī e ro imē obi wē, 'ya o nō weri nwa-ndū ohu, w'ē wuzo eħu a, ⁴⁸ sī wē, “Onyē ọwule gi ufiri ẹfan m nabanhān nwata nō enīna nabanhān m, bu

* Isi Nke Itenei:23 Ogen ahūn, ndī Rom e gi obe wē gi osisi mēmē e gbu onyē wē ma ikpe-Ọnwūn. Onyē hū e buru obe e, sōnmē ndī-agha hūn jenkö d'a kpogbun'e. Wē kpomagụ a elu-obe, a nōdī wē ebeħu e che nche d'e ru n'ọ nwūnhūn.

onye hūn nabanhān nī m nabanhān onye hūn zini m. Makēni onye hū kachanrīn ekere imē ụnu ile, iya wū onye hūn kachanrīnni.”

*Onye Ghaleni A Nōkin Ụnụ Ụzọ Rị Azuṇun Nke Ụnụ
(Mak 9.38-40)*

⁴⁹ Jōnū nō sī Jizōsi, “Di-nwōnni-enyi, enyi hūn okēnnye ohu rī e gi efan i a chupu ejemmon, enyi nō sī a kūsī a, makēni eélé onye itu enyi.” ⁵⁰ Kanj Jesu nō sī ‘ya lē ụmu-azuṇun ndī ozo, “Akusile n'a, makēni onye ọwule ghaleni a nōkin ụnu ụzọ rī azuṇun nke ụnu.”

Obodo Jụ Jesu

⁵¹ Mgbe ogēn hū wē jēnkō d'e gi we Jizōsi si elu-igwee gi rumē, o nō kwademēchanrīn obi e jēnmē Jerusalēm, o leni enya azuṇun. ⁵² O nō zi ndī-ozi buru n'e ụzọ. Wē nō banye obodo ohu rī imē Samerīa d'a kwademē n'e ihiēn. ⁵³ Kanj ndī ri ebēhū anabanhann'a makēni Jerusalēm kē enya a rī. ⁵⁴ Ogēn ụmu-azuṇun a wū Jemisi lē Jōnū gi hūn ihiēnni, wē nō sī, “Di-nwōnni-enyi, y'a chogho nī enyi gha elu-igwee kpotu ọkụn n'o ripu wē [kē Elaija don mē]?” ⁵⁵ Kanj Jesu nō gbehutō, jügbō wē, [sī, “Unu amarịn ụdị obi ụnu nwōn!† [Mmē wū Nwa nke Ihiān abianī d'e tikpō ndūn Ihiān, kama, m bia d'a zuopuhā wē].” ⁵⁶ Ya lē wē nō si alị ozo mē ekere.

*Ndị Hū Cho Nī Wē Sōnmē Jizōsi
(Mat 8.19-22)*

⁵⁷ Ogēn wē gi jēnkō, okēnnye ohu nō sī Jesu, “M k'e sōn i ebe ọwule i jēnkō.” ⁵⁸ Jesu nō sī a, “Ufu nwōn okporo ebe w'e bi; nnunu nwōnzikwō ẹkụ; kanj mmē wū Nwa nke Ihiān enwōn ebe m'e buche isi m.”

⁵⁹ Jesu sī okēnnye ozo, “Sōnmē m.” Kanj okēnnye hū nō sī, “Di-ókpaa, nī m bu ụzō jēn d'e liguu nēdi m.” ⁶⁰ Ya Jesu nō sī, “Hapu ndī nwūnni nī wē li ndī nke wē nwūnni. Iyū nwēn, jēnmē d'e zi ozi Alị-eze Osolobue.”

⁶¹ Onye ozo sī, “Di-ókpaa, m jēnkō d'e sōn i, kale, nī m buguu ụzō jēn d'a sī ezi-lē-ulō m, ‘Nōdī nī ọhūnma.’” ⁶² Jizōsi nō sī a, “Onye ọwule hūn e bucheguu ẹka ọrun e lee enya azuṇun, efuruni Alị-eze Osolobue.”

Isi Nke Iri

Jizōsi E Zipu Mmadu Mmēbūq-kwasī-ogun-etō Ozo

¹ Onwan e meguu, Di-nwōnni-enyi nō horī ikēnnye mmēbūq-kwasī-ogun-etō ndī ozo. O nō zipu wē mmadu ẹbūq-ebūq, nī wē buru n'e ụzō jēn obodo ile lē ebe ile 'ya lē enwēn e jēnkō d'e jēn. ² O nō sī wē, “Ihiēn-ugbo wē jēnkō d'a ghō ebukē, kanj ndī jēnkō d'a ghon'a ebuni ọda. Mē ni nwān ekpere rīo onye nwōn ugbo n'o zi ndī ọrun d'a ghon'a ihiēn-ugbo e.”

³ Jēnmē ni! Lee e, m rī e zipu ụnu rīkē atunrun e ye imē igunrun eworo*. ⁴ Ewerile ni ego; ebule ni ekpa; ewerile ni akp'ukwu; akusile ni ụzō d'e kele onye ọwule. ⁵ Ulo ọwule ụnu banye, bu ni ụzō kele, sī, ‘Udōn 'ya rī nī ulonji.’ ⁶ Omēni onye udōn rī ulo hū, udōn ụnu a noyen'e; kanj, omēni o nwōnni onye udōn rīn'a, udōn ụnu e kinhen ni ụnu.

⁷ Nōdī nī ulo ohu ahūn ndī rīn'a nabanhān ụnu, e ri, a ra ihiēn ọwule wē ye ụnu, makēni o furu nī wē kū ndī ọrun ụgwō. Akwahumelē ni. ⁸ Obodo ọwule ụnu banye, nī a nabanhān wē ụnu, ri ni ihiēn ọwule wē ye ụnu; ⁹ zụo nī ndī emu rī a kū imē obodo hū; sī nī ndī rī n'a, ‘Alị-eze Osolobue a riguqo nsue.’ ¹⁰ Kanj obodo ọwule ụnu banhan nī anabanhann'i wē ụnu, shi ni ogbara-ogbe, ụnu a nōdī ebēhū sī, ¹¹ ‘Kē ejan obodo ụnu hūn rī enyi ukwu, enyi rī e tichanpū a atoni ụnu n'o shiagbu ụnu eri. Kanj, nyanhan nī nī Alị-eze Osolobue a riguqo nsue!’ ¹² M rī a gwa ụnu ezioku, o jēnkō d'a rī nī eje-alị ahūn wū Sodom nfe Ụhuohin Okinkin-ikpe karị obodo hū!”

*Jizōsi A Ban Nī Obodo Ndī Hū Kwerilēni Mban
(Mak 11.20-24)*

† Isi Nke Itenei:55 mōbụ: “ụdị Mmōn ụnu wū nkē e” * Isi Nke Iri:3 Griki: wofu

¹³ “Okèn nsongbu jènkò d'a rị nì ndị obodo Korazin! Okèn nsongbu jènkò d'a rịzìkwọ nì ndị obodo Bèsaídà! Makèni, omèni imè eje-alị wụ Taya-lé-Sidonu kẹ wẹ nō run ɔrun-atumènya ndị hùn wẹ run imè ụnu, nkè o teké ndị Taya-lé-Sidonu rogharigu, yiri ekwa-ahio, bùo ntùn kpu enwèn wẹ, nodị akpakalì—gi ghosì n'e rogharigu wẹ! ¹⁴ Ụnu jènkò d'a takari ndị Taya-lé-Sidonu afunfùn Uhùohin Okinkin-ikpe.”

¹⁵ “Nke ụnu ndị obodo Kapanom, ụnu ro ni wẹ sikò d'e busi ụnu elu-igwee? Mba! Wẹ jènkò d'a tutu ụnu ye alì-mmòn!”

¹⁶ O nō sị ụmu-azụn a, “Onye ọwule gon ụnu ntịn rị e gon m ntịn; onye ọwule ju ụnu rị a ju m; onye ọwule ju nì m rị a ju onye hùn ziheni m.”

Ndị hụ Jesu Zipu A lụa

¹⁷ Omegu, ikènnye mmèbụo-kwasì-ogun-eto hụ nō gi okèn ighoghọ lụa. Wẹ nō sị, “Di-nwònñi-enyi, kẹ eje-mmòn rị ichen-ichen humeni enyi isi hùn enyi gihu gi efan i gwa wẹ oku!” ¹⁸ Jesu nō sị wẹ, “A hùngho m kẹ Ekwensu gha elu-igwee dan ‘nwajin!’, rike ebe amuma nō be. ¹⁹ Lee e! E yeole m ụnu ikèn hùn ụnu e gi zo agwo lẹ akpi oku ghafe, lezikwọ hùn ụnu e gi meri ikèn ile Eriènren hụ nwòn—o nwònñi ihien sikò d'a rụ ụnu ehụ. ²⁰ K'osileri, egile ni ifiri ni eje-mmòn hume ni ụnu isi ghoghọ, ka ghoghọ nì makèni e deyegu wẹ efan ụnu imè elu-igwee.”

Jesu A Ghoghọ

(Mat 11.25-27; 13.16-17)

²¹ Ogen ohu hụ, Jesu nō ghoghọ imè Mmòn-nsø, sị, “Baba, Onye nwòn elu-igwee lẹ ụwa! M rị e kele i makele 'y'e zuemegu nì ndị marin ihien lẹ ndị nwẹ nghota ihien ndịn, we wẹ ghosì ụmu-ndu. Eghe Baba, enjìna k'i cho n'o rị.” ²² “Nèdì m e bugu lẹ ihien ile che m eka. O nwònñi onye marin onye Nwa Osolobue wụ wezuka Chuku-Nèdì; o nwònzikwonị onye marin Chuku-Nèdì wezuka Nwa a—lezi onye ọwule Nwa a cho n'o mè e marin a.”

²³ Ya kẹ Jizosì nō gbehutu, bu ihun zimè ụmu-azụn a, kagwa wẹ, sị, “Unu wụ ndị wẹ gozi agozi nị enya ụnu rị a hùn ihien ndịn ụnu rị a hùn! ²⁴ M rị a gwa ụnu, ndị-amuma lẹ ndị nze bu odata a chogu nị wẹ hùn ihien ụnu rị a hùn, ahunnị w'a; a chɔzìkwọ wẹ nị wẹ nụ ihien ụnu rị a nụ, anunnị w'a.”

Onye Sameria Hùn Mè Ohunma

²⁵ Okaa-Iwu ohu bia d'e shini Jesu onyan. O sị Jesu, “Onye-nkuzi, kini kẹ m jènkò d'e mè nị m nwònñen ndùn-itèbite?” ²⁶ Jesu nō sị a, “Kì Iwu Mozizi ku? Nanị i ghota a?”

²⁷ Okènnye hụ nō za, sị, “‘Gi obi i ile, enwèn† i ile, ikèn i ile lezi uche i ile nwẹ ihien-osusuo Di-nwònñi-enyi wụ Osolobue i’; lezikwọ ‘ihien ibe i k'a sùorirị i kẹ ihien enwèn i dòn a sụo i.’” ²⁸ Jesu nō sị a, “Y'a zagu ọhunma; mè ọnwan keni i rị ndùn.” ²⁹ Kani Okaa-Iwu hụ cho n'o kuni enwèn e ọhunma, o nō ju Jesu, sị, “Onye wụ nwàn ibe m?”

³⁰ Jesu nō za, sị, “Okènnye ohu gha Jerusalém jènkò Jériko. O nō danban eka ndị ohin, wẹ nō napuchanrin a ihien ile o gi, gbama a otø, gbu e ili—nke wụ nị o hodu ekeré n'o nwùn, wẹ nō la a tø ụzo. ³¹ O nō nwàn mè nị onye nchü-ejan ohu ghakò ụzo hụ; kani, ogen o gi hùn okènnye hụ, o nō ghakpen e. ³² Erià k'o gi mezikwọ nị onye Livai, onye a rụn imè Ulo-nsø, ghakò ụzo hụ; o hùn okènnye ahun, o nōzì ghakpen e. ³³ Kani, ogen onye Sameria ohu hùn ghakò ụzo hụ jènkò ali-ihian gi püha ebe okènnye hụ rị, hùn a, omikèn e nō mè e. ³⁴ O nō jen d'e kunrun e, hu udèn lẹ manya yesonmè ebe ile o ru ehị, kénmechanrin a wẹ ile. Onye Sameria hụ gi anyinnyan—o nō bu okènnye hụ che enu anyinnyan hụ, we okènnye ahun si ụlo ndị ijèn a nodị, nō ebèhụ lefụ a enya. ³⁵ Ogen eki gi fòn, o nō wepüha egho ɔrun akpụ-uhùohin ębüo, ye onye hùn e lepù ụlo ndị ijèn hụ enya, sị a, ‘Dodo, lepù a enya; m kinhen, a kükìn m'l'i ihien hodunị hùn i gi lepù a enya.’”

³⁶ Ya Jesu nō nwàn sị onye-nkuzi Iwu hụ, “K'i ro? Onye imè mmadu etonị hēnrin ibe okènnye hụ danban eka ndị ohin?”

† Isi Nke Iri:27 umè ndùn

³⁷ Onye-nkuzi Iwu hụ nọ za, sị, “Onye hụn mè n’ē efoma.” Ya kę Jesu nọ sị a, “Jenmè nwan d’e mè ेrira.”

Jizosị A Bịa Iwe Mata Lẹ Meri

³⁸ Ogèn Jesu lẹ ụmụ-azụn a gi jenko, wę nọ banye obodo ohu mè ekere. Okpoho ohu ẹfan a wụ Mata nọ nabanhān a iwe e: ³⁹ Mata nwę nwene-okpoho ẹfan a wụ Meri, hụn nödị alị ehụ ukụ Di-nwọnni-enyi, e gon ntịn ihien ọ rị e ku. ⁴⁰ Kanị, Mata asanị eka nödị makè ọrun bu ọda ọ rị a run mmụlo; ‘ya ọ nọ bịa d’e kunrun Jesu, sị, “Di-nwònñi-enyi, o nwònñi ihien i kpọ a nị nwene m la ọrun ile tonyi mmé suọ? Gwa a nwan ya d’e yeni m eka.” ⁴¹ Kanị Di-nwònñi-enyi nọ za a, sị, “Mata, Mata! I rị e hue uhue, e songbu enwèn i banyeni ihien bu ọda — ⁴² bụ ihien ohu suọ rị mkpa; Meri a horiguo hụn ka mma; anapuko w’aya.”

Isi Nke Mmanai

Jizosị A Kuzi Kę Wę Dọn E Mè Ekpere (Mat 6.9-13; 7.7-11)

¹ Jizosị rị ebe ohu e mè ekpere; ogèn o gi megụ, nwa-azụn a ohu nọ sị a, “Di-nwònñi-enyi, kuzi enyi ekpere—ke Jonyi dọn kuzi ụmụ-azụn a.” ² Jizosị nọ sị wę, “Unụ gha e mè ekpere, sị nị:

‘Baba,
nị wę donmè ẹfan i nsọ;
Alị-eze i ‘ya bịa d’a kịma.

³ Ye enyi ihien-oriri sikọ d’e zu enyi ụhụohin-ụhụohin;

⁴ Gbagharị enyi njo enyi,
makènị enyi a gbagharị onye ọwule mejani enyi a gbagharị.

Edubanle enyi imè ọnwụnwān, [ka gbapuha enyi eka Eje-onye hụ*].’ ”

⁵ ‘Ya Jizosị nọ sị ụmụ-azụn a, “Ní enyi weri e nị onye ohu imè unụ jen iwe ọwụ a imè abalị d’a sị a, ‘Di-enyi, zinye m ogbe-brèdi eto. ⁶ Ọwụ m hụn rị ụzo-ijen rịhụ a banhan iwe m kikenni, kanị enwè m ihien-oriri ọwule m sikọ d’e ye e.’ ⁷ Ní enyi werizikwo a nị ọwụ i ahụn gha imè ulo sị, ‘Eyele m nsongbu; a kpokinguo wę ụzo; mmé lę ụmụ m e dineguo. Asa m eka lihi ọtọ d’e ye i ihien ọwule.’ ⁸ M rị a gwa i nị ọsuon’ a n’o gini ifiri nị i wụ ọwụ a lihi ye i brèdi, o sikọ d’e ye ‘y’ē makènị y’ā riobehini.

⁹ ‘Ya wụ, m rị a gwa i: rịo, i k’ē nwònhen; chọ, i jenko d’a hụn; dù eka, wę sikọ d’a gunpụn’i ụzo. ¹⁰ Makènị ndị ile hụn rịonị jenko d’e nwònhen; ndị hụn chonị jenko d’a hụn; wę sikọ d’a gunpuzikwoni ndị ile dù eka ụzo. ¹¹ Imè unụ ile, elee nedị sikọ d’e ye nwa a agwo ọ rịo a azụn ¹² mọbụ ye e akpi omèni ọ rịo a ekwan? ¹³ O mè nwan nị unụ hụn wụ ndị-njọ ma ye ụmụ unụ ihien rị mma, nanị kę Nèdì ahụn rị elu-igwee k’ē yehan ndị rịo a Mmón-nṣo? O yekarikọ wę?’ ”

Jesu Lẹ Bézibọ (Mat 12.22-30; Mak 3.20-27)

¹⁴ Uhụohin ohu, Jesu chupụ eje-mmón odin. Ogèn eje-mmón hụ gi pugụ, okènnỵe hụ o te rị imè e nọ kumé oku. Ọ tukènme igunrun rị ebahụn enya; ¹⁵ kanị, ndị hụ imè ndị rị ebehụ nọ sị, “Bézibọ, hụn wụ onye-isi eje-mmón ile, ‘ya rị e ye e iken o gi a chupụ eje-mmón.’” ¹⁶ Ndị ọzọ nọ shini Jesu ọnyan, sị a runghosi wę ọrun-atumènya pụ-ichèn gha elu-igwee bịa. ¹⁷ Kanị Jesu a maringuo ihien wę rị e ro, ọ nọ sị wę, “Alị-eze ọwule kebeni, nwòn itu rị ichen-ichen rị a luson ibe wę ọgun, jenko d’e henrin ọfia; ezi-lę-ulọ ọwule ndị rị n’ā kebe, a luson ibe wę ọgun sikọ d’a dan.”

¹⁸ “Ya wụ, omèni alị-eze Ekwensi kebe ekebe, nwę itu ichen-ichen rị n’ā hụn a luson ibe wę ọgun, eghani kę alị-eze e e dòn turu?—bụ unụ sị nwan nị m gi iken Bézibọ a chupụ eje-mmón. ¹⁹ Omèni iken Bézibọ kę m gi a chupụ eje-mmón, iken onye kę ndị nke unụ gi

* Isi Nke Mmanai:4 mọbụ: eje-ihien

a chüpü wé? Uwé jenkó d'a ma ụnụ ikpe!" ²⁰ "Kaní, o mè nwan ní iké Osolobue kē m gi a chüpü eje-mmón, 'ya wú ní Ali-eze Osolobue e ruguolé ebe ụnụ rí."

²¹ "Owulé diké a kwademéchanringüü ihién ogún a, nódí e che oké-úlo a nche, o nwéni ihién jenkó d'e mé ihién o nwé. ²² Kaní, oméni onyé ka a iké a maye e ogún, méri e, o jenkó d'a napúchanrin a ihién ogún ile hún o gi dòn enya, buru ihién e ile, kesónmè ni ndí ozó ya." ²³ "Onyé owulé ríleni azúun nke m rí a lusón m ogún; onyé owulé hún ghalení e ye ni m éka a kíkwama rí e kpónyiya."

Ihién E Wekinhen Eje-mmón Wé Chüpugüü (Mat 12.43-45)

²⁴ "Eje-mmón ghagüü imé ihián pú, o ghahunmémé ebe mirin ríleni, a chò ebe o jenkó d'a nódí zu ikéen. Oméni o húnní, o sikó d'a sì enwéen e, 'M sikó d'e kin-azúun úlo hú m gha púha.' ²⁵ O kinhen, hún a ní a zachangúo w'a, donkwamagüü a, ²⁶ o jen d'e wéhezi eje-mmón esa ozó ka 'ya lè enwéen e njó, a bia wé d'e biri ebéhu. Onódí onyé hú a ka njó karí kē o rí mbú."

Ndí Wé Gozi Agozi

²⁷ Ogen Jesu gi rí e ku ihienni, okpoho ohu rí imé igunrun hú nò gha ebahún sì a, "Efó mun'i lè éran i ra wúchanrin ihién wé gozi agozi!" ²⁸ Kaní Jesu nò sì, "Mba, ngózi wú nke ndí hún a nü oku Osolobue, e gi e e bi!"

Ihién Mé Onyé-amúma Wú Jona Wú Ahíma (Mat 12.38-42)

²⁹ Ogen ndí rí e ruhé ebe Jizosí rí gi rí e buwaye oda, o nò kumezi, sì, "Agboníjo njó! Wé sì m ghosi wé ahíma pú-ichéen, kaní o nwónni ahíma ówulé pú-ichéen wé jenkó d'a ghosi wé wezuka ihién mé onyé-amúma wú Jona. ³⁰ Ké Jona dòn wú ahíma ebe ndí Ninive rí, eríra kē Nwa nke Ihián jenkó d'a wú ahíma ebe agboní rí. ³¹ O ru Ogen Ichin-ikpe, eze-okpoho alí Shiba, alí hú rí azúun ndídan-mirin, jenkó d'e lihi, shiagbu agboní erí. Makéni, o gha alí hú tegbu enwéen e bia d'e gon ntín amamihien Solomónu—bú onyé ka Solomónu rí nwan ebeni. ³² O ru Ogen Okinkin-ikpe, ndí Ninivé jenkó d'a púha ọshéri, ma ndí agboní ikpe, makéni wé rogharí eroğharí ogen wé gi nü ozi Jona zi—bú onyé ka Jona rí nwan ebeni!"

Ukpé Hún Rí Ehú (Mat 5.15; 6.22-23)

³³ "O nwónni onyé hún a muye ukpé e bu e e zuemé móbü e bu e che okpuru afére. Mba, w'e butó a elu obu-ukpé—kéni onyé ówulé banhanní gi e legha úzo." ³⁴ "Enya i wú ukpé rí i ehú. Oméni enya i rí mma, ukpé jenkó d'e junchanrin i ehú. Kaní oméni enya i a rí mma, ishi jenkó d'e junchanrin i ehú. ³⁵ Hunkwo a ní ukpé hún rí imé i élé ishi. ³⁶ 'Ya wú, oméni ukpé junchanrin i ehú ile, bú o nwónni mkpamkpa ówulé rí imé ishi, ehú i ile sikó d'e mé ukpé-ukpé nöké ebe ukpé nö e nwunkpu i."

Jesu A Jugbó Ndí Itu-Farisi Lé Ndí-nkuzi Iwu (Mat 23.1-36; Mak 12.38-40)

³⁷ Ogen Jesu gi kugüü, onyé Itu-Farisi ohu nò sì a bia iwe e d'e du e ri ihién-oriri. 'Ya o nò jenmé; o nò weri onódí a elu teburu ihién-oriri ahún.

³⁸ Ogen onyé Itu-Farisi hú gi hún ní Jesu a chanchanní ehú a kē wé dòn a chan n'o d'e rimé ihién-oriri, o nò tū a enya. ³⁹ Ya kē Di-nwónni-ényi nò sì a, "Lee nwan, ụnụ ndí Itu-Farisi a chanchan azúun mkpu lè afére ụnụ, kaní enya-uku lè eje-ihién jun imé ụnụ.

⁴⁰ Ndí-nzuzu! Élé onyé hún mémé azúun a mémézikwó imé e? ⁴¹ Ka we ni nwan ihién ndí hún rí imé e ye ndí igbènnye; ụnụ mè e, m rí a gwa ụnụ, ihién ile jenkó d'e nwunchan ní ụnụ.

⁴² Nsongbu rí ní ụnụ ndí Itu-Farisi! Ụnụ a kúsónmédé úzó-ohu-imé-úzó-iri ihién e mè ofe a súo—ké arabası-minti kē riu kē ihién-akunkún ndí ozó rí ichéen-ichéen—bú ụnụ a

natō iye onyę owitzé ihiien run'ę le inwé ihiien-ösüşuo jenni Osolobue—ndinj te furu unu k'a gha e me; kani, ele hün unu e gi latō ihiien ndi ahun unu a kú.”

⁴³ “Nsongbu rị nị unu ndi Itu-Farisi! O suq unu nị unu a nodi isi-ochi imę ulo-ofufe lezi nị wę e kele unu ekele pü-ichen imę afia ebe ihiian rị. ⁴⁴ Nsongbu rị nị unu! Unu no kę ili w'a ghafe elu e bu a marin wę nị ili ro.”

⁴⁵ Onyę ohu imę ndi-nkuzi Iwu no si a, “Onyę-nkuzi, i gha e ku ihiien ndinj we, i ri a kparizikwo ęnyi nwęn!”

⁴⁶ Jesu no si a, “Nsongbu rızikwonji unu nwęn, ndi-nkuzi Iwu! Unu e buyesonmę ndi ọzo ibu a fü ɔrun obubu, kanj unu le enwen unu ara tınpüde mkpiinsin-eka ohu yeni wę ęka bu ibu ndi ahun. ⁴⁷ Nsongbu rị nị unu! Unu a tun ili ndi-amuma hụ ndi nedı unu kanj gbu — ⁴⁸ hün unu gi a ghosi nị unu kwadon ihiien ndi nedı unu me—makeni, uwę gbu ndi-amuma, unu nwęn no tun ili ndi-amuma ahun wę gbu. ⁴⁹ Ufiri ihienni kę Osolobue gi gi Amamihien e si, ‘M jenk d'e zijen ni wę ndi-amuma le ndi-ozı pü-ichen: wę jenk d'e gbu ndi hụ imę wę, kpopko ndi hụ imę wę’ — ⁵⁰ keni wę ju agboni ukwere ędeke ndi-amuma ile wę gbu kete w'e kelę ụwa — ⁵¹ ghakwori ędeke Ebele d'e ru ędeke Zekaraya wę gbuto Ulo-nso, egbata Ukpo nchü-ejan le Ebęhu-ri-nso. Egheę, m ri a gwa unu, wę sikö d'a ju agboni ukwere wę ile!”

⁵² “Nsongbu rị nị unu ndi-nkuzi Iwu! Unu e wepuquo isafin amamihien: unu le enwen unu abanyeni, unu eyeni ni ndi ri a cho nị wę banye efe banye!”

⁵³ Ogen Jesu gi ghagwu ebahun pü, ndi-nkuz Iwu le ndi Itu-Farisi no koriama n'a odata, juchanma a ọnụ ihiien bu odata, ⁵⁴ a cho ihiien ri a ọnụ, keni wę hün ihiien wę e gi kwondon e.

Isi Nke Mmębęo

Gbakwoni Ni Ihunnaı Oso!

(Mak 10.26-27)

¹ Kę mmadu nnu ole-le-ole don ri a gbakikomę, nke wu nị wę hụ a zo ibe wę ükü, Jizosị no bu uzor si ụmu-azụn a, “Kpachanpụ nị ęnya banyeni yisti* ndi Itu-Farisi—hün wu ihunnaı wę. ² O nwonni ihiien owitzé kpumeni hün jenkoleni d'e kpupụ; o nwonni ihiien zuerini hün jenkoleni d'a wa. ³ 'Ya wu, ihiien owitzé unu ku imę ishi, ihiian jenk d'a nü a ifonrin-ifon; ihiien owitzé unu gunma enwen unu imę-ulö ka-uka ku, ihiian sikö d'e gi e yi oro elu ulö.”

Onyę Wę K'a Tu Egun E

(Mat 10.28-31)

⁴ “Ndi owitzé m, m ri a gwa unu, atulę ni egun ndi e gbu ęhụ suq bu o nwonzini ihiien wę sikö d'a s'eka me karị oha. ⁵ Kama, nị m ghosi unu onyę unu sikö d'a tu egun e: tu nị egun Osolobue, onyę hün o me ni o gbuchanrin ęhụ, o nwonghözikwo ikən o gi a tu ihiian e ye erekun-mmón. Egheę, tu nị egun e! ⁶ Ele isen ‘ikobø’ ębuq kę w'e re achu† Kani, Osolobue ara zo kę akp'ohu imę nnunu ndinj. ⁷ Kę ntutu ri unu isi, Osolobue a gunguo a. Atulę ni nwan egun: unu ka achu mkpa a ri ebe Osolobue ri—ösüşon'a nị achu bu odata ro!”

Ikweri N'i Wu Nke Kraistı Le Ighori Ni Y'ele Nke E

(Mat 10.32-33; 12.32; 10.19-20)

⁸ “M ri a gwapu unu ezioku, onyę owitzé no id'ęnya ihiian kweri n'o wu nke m, mmę wu Nwa nke ihiian jenk d'a no id'ęnya ndi mmón-ozı Osolobue kwerizikwo nị onyę hụ wu nke m. ⁹ Kani, onyę no id'ęnya ihiian ghori nị ele nke m, mmę wu Nwa nke ihiian jenk d'a no id'ęnya ndi mmón-ozı Osolobue kuzikwo nị onyę hụ ele nke m.” ¹⁰ “Ozozı, wę sikö d'a gbagharı onyę owitzé kuja oku mmę wu Nwa nke ihiian, kani agbagharikö wę onyę owitzé kuja oku Mmón-nso. ¹¹ Ogen wę jenk d'e gi wehe unu ulö-ofufe móbu ebe ndi hün a kinj móbu ndi-nze ri d'e kin unu ikpe, ehuekwolę ni uhue kę unu k'a don kinrin ọnụ unu

* Isi Nke Mmębęo:1 yisti: ihiien brędi gi a fü † Isi Nke Mmębęo:6 sparō

mobu ihien unu k'e ku. ¹² Makeni, ogem hụ ru, Mmọn-nsọ jenkö d'a kuzi unu ihien furu unu k'e ku."

Ilu Wę Gi Ọdafin Nzuzu Ta

¹³ Okennyę ohu rị imē igunrun hụ nō sị Jizosị, "Onye-nkuzi, dodo gwa nwene m n'o keye m uku nedị enyi latō nị enyi." ¹⁴ Jizosị nō sị a, "Owụ m, onye tumē m onye a hanni unu ebue enen mobu onye e keni unu ihien?"

¹⁵ 'Ya o nozị sị wę, "Kpachanpukwo nị enya, unu e gbondon enwen unu make ụdi enya-uku ọwule gha a rị imē ndun unu; makeni, ele ihien ijian nwon wụ ezigbo ndun a, ọsuon'a n'o mēkē ọdafin." ¹⁶ 'Ya Jizosị nō ta nị wę iluni: "O nwon okennyę ohu wụ ọdafin, hụn nwon ali. Ali hụ nō men'e ihien oda-oda. ¹⁷ O nō sị enwen e, 'Enwon m ebe sikö d'e zu m buto ihien ugbo m. Kini kę m jenkö d'e me?' ¹⁸ O nō sị enwen e, 'Lee ihien m sikö d'e me: m k'a totusonmē oban m ile, tun ndị kani wę; ebēhụ kę m jenkö d'e dönme ọka m lę ihien m ndị ọzo. ¹⁹ Ogem hụ, m k'a sị enwen m, "Enwen m, y'e nwonguọ ihien ile rị mma sikö d'e zu i bi ahua bu ọda lalanị! Eyezile enwen i nsongbu! Ri! Ra! Efọ ya suoma i usuo!"' ²⁰ Kani Osolobue nō sị a, 'Onye nzuzu! Uhinhinni kę wę jenkö d'a napu i ndun i—onye jenkö nwan d'e nwonrin ihien ndinị ile i buto nị enwen i?"'

²¹ Igi mēkin iluni, Jizosị nō sị, "Enjina k'o rị nị ndị hụ a kpato nị enwen wę akụ-le-uba kani ẹle wę ọdafin imē ihien Osolobue."

Ehuelę Uhue, Gi Osolobue Dọn Enya (Mat 6.25-34)

²² 'Ya Jesu nō sị umu-azuiun a, "Ya kę m gi rị a sị unu ehuelę uhue ihien unu jenkö d'e ri rị ndun mobu ekwa unu jenkö d'e yi. ²³ Ndun ka ihien-oriri; ẹhiụ ka ekwa. ²⁴ Lekpọ nị nnunu: w'a ra kụn mkpuru mobu we ihien-ugbo; w'a ra nwon mmughe mobu oban w'e buto ihien—kani Osolobue hụ e ye wę ihien-oriri! Bu unu kade mkpa a rị ọda-oda kari nnunu! ²⁵ Onye imē unu sikö d'a saeka gi uhue ọ rị e hue gi mgbahunmē ọkụloku ohu tócheni? ²⁶ Omēni y'a s'eka mē ihien mēhan ntin enjina, k'i rị nwan e sòngbuni enwen i banyeni ihien ndị ọzo?

²⁷ Lekpọ ni kę obobo ọfia dọn e sue: w'a ra nungbu enwen wę mobu kpa ekwa—kani m rị a gwa unu nị, kę eze wụ Solomoni eyini ihien ọwule rịhan mma kę obobo ohu imē ndini. ²⁸ Omēl Osolobue e yimē ẹfifia ihien rị mma enjina—efifia hụn a rị ebeni tanni, eki fòn a tụ w'a ye ọkụn, o yimēkọ unu hụn ka mma? Euu, ndị okukwe-nta!

²⁹ 'Ya wụ, atole ni e ro ihien unu jenkö d'e ri lę ihien unu sikö d'a ra; esongbulę ni enwen unu banyen'e. ³⁰ Makeni, ndị ghaleni e fe Osolobue imē ụwa ile a chusonmē ihien ndinị—bu Nedi unu a maringho nị ihien ndinị rị unu mkpa. ³¹ Kama, chomagudę ni Ali-eze e—o sikö d'e yezikwọ unu ihien ndinị wę.'

Kpato Akụ-le-uba Elu-igwee (Mat 6.19-21)

³² "Umụ-atunrun m, atule ni egun, makeni o sụo Nedi unu usuo n'o ye unu Ali-eze. ³³ Repụ nị ihien unu nwę, we egho e ye ndị igbennyę, unu e gi ụzonị mēmē ni enwen unu ekpa hụn ghaleni e wiwi, wụru ndị nwę akụ-le-uba ghaleni a gụụ agụụ imē elu-igwee. Ebēhụ, ohin asako ẹka ru e; ẹkíka a sakə ẹka ripu wę. ³⁴ Makeni, ebe akụ-le-uba unu rị, iya kę obi unu jenkö d'a rịzi."

Kwademę Ni, Nị Di-nwɔnni-enyi Lala

³⁵ "Kwademę ni ɔrun; hụn n'a nị ukpę unu e nwunsomē; ³⁶ nō nị kę idibo rị e che nna wę n'o gha oriri agbamehụlụ lụa. O lụa, dù ẹka, keni unu saeka gụnpụ n'a ụzo ozigbo.

³⁷ O jenkö d'a rị nị idibo ndị hụ mma omēni nna wę a lụa, hụn a nị wę mụ enya, kwademe, e che e! M rị a gwa unu ezioku, o jenkö d'a si wę weri ọnodi wę teburu, o kọnrin, gi ẹka a buye wę ihien-oriri. ³⁸ O sikö d'a rị nị idibo ndị ahụn mma ọwụnị ogem o gi lụa—o sụo n'a nị imē abalị mobu igirigi ụtuntụn k'o gi lụa—o hụn a nị a kwademeguọ wę!

³⁹ Marinkwọ nị nị omęni onyę nwọn ulọ te marin ogęn ohin e gi bịa, o ke nị a gbukpọ iwe ẹ banhan. ⁴⁰ 'Ya wụ nị ụnu lę enwẹn ụnu jenkọ d'a kwademęzikwọ, makeni Nwa nke Ihiyan sikọ d'a bịa ogęn ụnu tuleni ẹnya a."

Odibo Furu Wę Gi E D'enyə Ra Hün Furuleni?

(Mat 24.45-51)

⁴¹ Pita nọ sị, "Di-nwọnni-enyi, enyi kę i rị a tụ nị iluni ra i rị a tụ nị ihiyan ile ya?" ⁴² Di-nwònñi-enyi nọ za, sị, "Onyę wụ onyę-nlepü-enyə ahụn furu wę gi e d'enyə, hụn marin ihiyen, hụn nna a tumę n'o lehụ n'a idibo rị ulọ a ẹnya, e ye wę ihiyen-oriri wę ogęn o furu? ⁴³ O jenkọ d'a rị n'a mma omęni nna a lụa, ọ hụn a n'o hụ e mę ihiyen ahụn ọ sị a mę! ⁴⁴ Ezioku kę m rị a gwa ụnu, nna a ahụn jenkọ d'e we ihiyen ile o nwę che ęeka lepü ẹnya."

⁴⁵ "Kanị, omęle odibo hụ a sị enwẹn e, 'Nna m e biekëzi d'a lụa', o gbumę idibo ibe ę hođunị ili—kę ikennye kę ikpoho—e ri, a ra, a ra manya a tụ, ⁴⁶ 'ya wụ nị nna a jenkọ d'a lụa idumuzi—uhuohin odibo hụ tuleni ẹnya a lę ogęn hụn ọ marinleni. O sikọ d'a jakika a, we e che ebe ndị nnupụ-isı rị.'

⁴⁷ "Odibo hụn marin ihiyen nna a chọ n'o mę, bu ọ kwademęni enwẹn e n'o mę e móbụ o mën'ę, wę sikọ d'a fían a mkpinsin ọda-ọda. ⁴⁸ Kanị, odibo hụ marinleni ihiyen nna a chọ bu ọ mę ihiyen w'e gi a fían mkpinsin, wę jenkọ d'a fían a hụn buleni ọda."

"Ihiyen bu ọda kę w'a tụ ẹnya a ęka onyę wę ye ihiyen bu ọda; kanị, hụn ka ọda kę w'a tụ ẹnya a ęka onyę wę ye hụn ka ọda."

Jesu E Kebe Ihiyan

(Mat 10.34-36)

⁴⁹ "M bịa d'a mụ ọkụn ye ụwa; k'ọ rị m, ọ dùnmaguole! ⁵⁰ Kanị wę jenk'e gi afunfun meğụn m mirin-Chuku; ęhụ efukọ m d'e ru ni e meğụn m ya wụ mirin-Chuku. ⁵¹ Ụnu rị e ro ni m bịa d'e mę ihiyan ile henrin ohu elu ụwa? Mba, ezioku kę m rị a gwa ụnu, ęle iri-ohu kanị nkebe. ⁵² Gha ogenni jenme, mmadụ isen hụn rị ezi-lę-ulọ sikọ d'e kebe makę ufiri m: eto gha a luson ebụo ọgụn, ebụo hụ a luson eto; ⁵³ nedị ihiyan gha a luson nwa a okennye, nwa-okennye hụ a luson nedị e; nnę gha a luson nwa-a-okpoho, okpoho hụ a luson nnę e; nnę-di sikọ d'a gha a luson nwunye nwa a, nwunye ihiyan jenkọ d'a gha a luson nnę-di e."

Ighota Ihien Rị E Męni

(Mat 16.2-3)

⁵⁴ Jizosị nọ sizikwọ ndị hụ, "Unu hụn kę mirin rị e ru azụn ndịdan ẹnya-anwụn, ụnu sị nị mirin jenkọ d'e zue—o zue. ⁵⁵ Unu hụnzi a nị ufere gha azụn ndịdan-mirin fehe, ụnu sị nị uwowo jenkọ d'a rị—o mę. ⁵⁶ Ndị ihunnai! Unu ma kę w'e lee alị lę igwere ẹnya e ku kę uhuohin jenkọ d'a rị; kị hain ụnu gizileni a saeka e ku ihiyen ihiyen rị e mę ogenni rị a ghosi?"

Iyụ Lę Onyę Ikpe I Dọnkwọ Egwa

(Mat 5.25-26)

⁵⁷ "Kị hain ụnu gileni a marinde ihiyen rị mma ụnu jenkọ d'e mę? ⁵⁸ Lilima nị iyụ le onyę-ikpe i dọn, ụnu gini d'e ru ọgwa, amamgbe ọ dökpuṇ i ye ọka-ikpe, ọka-ikpe e we i ye onyę ewuru-ogi—o tụ i ye imę ulo-ngan. ⁵⁹ M rị a gwa i ezioku, i k'a tọ ebahụn d'e ru nị y'a hanchanrin ihiyen ile wę be i—d'e rude ikobọ ka ntịn."

Isi Nke Mmętọ

Roghari! I Ju, Y'a La Ntikpo

¹ Ogęn ohu hụ kę ndị hụ imę ndị rị ebęhụ gi gwa Jesu oku ndị Galili hụ Paileti gbu ebe wę rị a chuye ni Osolobue ejan, gi ędeke wę gwę ejan ahụn wę rị a chụ. ² Jesu nọ shiari wę, sị, "Unu ro ni ihiyen mę ndị Galili hụ ghosi nị uwę ka ndị Galili ndị ọzọ ile njọ e mę?

³ Mba! M rị a gwa ụnu nị omęni ụnu lę enwẹn ụnu erogharinị, ụnu ile sikọ d'a lazıkwo

ntikpó kę wę. ⁴ Ra ụnụ ro ni mmadu mmęsatō ahụn ụlo-nche uku ahụn rị Silüam dangbu ka ndị ọzọ ile bi imę Jerusalém njo e mę? ⁵ Mba! M rị a gwa ụnụ nị omęni ụnụ erogharinị, ụnụ ile jenkpó d'a la ntikpó kę wę.”

Ilu Jesu Gi Osisigigii Mileni Mkpuru Ta

⁶ 'Ya Jesu nō ta nị wę iluni: “Okęnnye ohu kụ figi imę ali-vaini a. O hụ a choha m kpuru elu figi hụ, o hunnị. ⁷ O nō sị onyę hụn e lepun'a ali vaini hụ enya, ‘Lee e, kete ahụa eto ẹnwaiñ kę m biama d'a chọ m kpuru elu figini, ahunnị m. Gbutu e! K'o rị e wiwini ali?’ ⁸ Kanị, onyę e lefụ ugbo hụ enya nō sị a, ‘Di-ökpa, dodo hapuzi a ahụa ohu suq, nị m hụn ụzo guhunme e, buche e ejan hụn e mę ihien. ⁹ Omęni o mị m kpuru akan-ile, o hụ mma; kanị, ọwụnị o minjị, n'i sikọ d'e gbutu e, y'e gbutu e.’”

Jizosí A Zuo Okpoho Eje-mmモン Hieme

¹⁰ Uhuohin Izu-iken ohu, Jesu rị ụlo-ofufe ohu, a kuzi. ¹¹ Okpoho ohu eje-mmモン rị imę e rị ebéhụ. Eje-mmモン hụ hieme e kete ahụa mmęsatō—nke wụ nị a ra saeka tịnpụ. ¹² Ogen Jizosí gi hụn a, o nō kpoche n'ę, sị, “Okpoho, y'a dínhinole emu il!” ¹³ Ya Jesu nō bu ęka kwasi a, o nō tịnpụ ozigbo; o nō jama Osolobue mma.

¹⁴ Kanị iwe nō we onyę-isị ụlo-ofufe nị Jizosí zuo emu Uhuohin Izu-iken, o nō sị ndị rị ebéhụ, “Akpu-uhuohin isin rị a hụn furu enyi e gi rụn örüñ—bia nị ogęn hụ d'a zuo isi, eļe Uhuohin Izu-iken!” O hụ e ku e, e kudonzi.

¹⁵ Di-nwọnni-enyi nō sị a, “Ndị ihunnai! Onyę-onyę imę ụnụ a topụ oken-efin e móbụ jaki e ụlo-anu wę limetö a Uhuohin Izu-iken, du e e si ebe o jenkpó d'a nō ra mirin; eļe iya?”

¹⁶ “Lee ni nwan okpohoni: nwa Ebrahim hụn Ekwensu kęn egbun kete ahụa mmęsatō; o runi hụn w'a topụ Uhuohin Izu-iken?” ¹⁷ Ogen o gi ku ihienni, ifenren nō mę ndị ihenren e. Kanị igunrun ahụn rị ebéhụ hụ a ghoghọ makę ihien ile a tụ enya o rị e mę.

Ilu Jesu Gi Mkpuru Mostadi Ta (Mat 13.31-32; Mak 4.30-32)

¹⁸ 'Ya Jesu nō nwan sị, “Kini kę Ali-eze Osolobue yi? Kini kę m'e gi ghosi k'o nō? ¹⁹ Ali-eze Osolobue nō kę ebe onyę ohu nō weri m kpuru mostadi, kụn a ye ugbo-nta a, ihien akunkunnị e sue, hęnrin osisi, nnunụ nō bia d'a kụ ekụ wę ye agalaba a.”

Ilu Jesu Gi Yisti Brędi Gi A Fü Ta (Mat 13.33)

²⁰ Jesu nō sịzị, “Kini kę m'e gi ghosi kę Ali-eze Osolobue nō? ²¹ Enina k'o nō: o nō kę ebe okpoho ohu nō weri ekeré yisti brędi gi a fü, gwogbame 'ya lę adana ọka eto wę gwe —d'e ru ni wę ile a füchanriń.”

Onumuzo Hun Mę Mwara (Mat 7.13-14, 21-23)

²² Ebe Jesu jenkpó Jerusalém, o hụ a banyesonmę obodo ndị hi-ogbe lę ndị mę ękere-ękere, a kuzi ndị rị imę wę. ²³ Onyę ohu nō jụ a ajuju, sị, “Di-nwònñi-enyi, ndị buleni odata suq jenkpó d'e nwę nzupuha?” Jesu nō sị wę, ²⁴ “Gikwo nị ndun ile ụnụ nwę liliima ni ụnụ banye onumuzo hụ mę mwarara! Makeni ndị bu odata jenkpó d'e mę ni wę banye, kanị asako wę ęka.”

²⁵ “Makeni, onyę nwę ụlo ma-ama gunma ụzo, ụnụ e turu ezi ebahun dumá ęka onumuzo, a sị, ‘Di-nwònñi-enyi, dodo gunpunị enyi ụzo!’ O jenkpó d'a za ụnụ, sị, ‘Amarin m ebe ụnụ gha bia!’ ²⁶ Ogen hụ, ụnụ jenkpó d'e kume, sị, ‘Eļe enyi lę iyü wị ri, ra? Y'a noguoziđe ogbe enyi kuzi!’ ²⁷ Kanị o sikọ d'a sị, ‘Amarin m ebe ụnụ gha bia! Gha nị ebe m rị pụ, ụnụ ile hụn e mę njọ!’ ²⁸ Ikwani-ekwa lę ita nkwenren-eze jenkpó d'a rị ogęn ụnụ jenkpó d'e gi hụn Ebrahim lę Aziki lę Jekopu lęzikwọ ndị-amumá ile imę Ali-eze Osolobue, bụ a tụ wę ụnụ lę enwèn ụnụ ye ezi!”

²⁹ “Ihian jenkó d'a gha ębamín-ęno ụwa bia d'e ri oriri imé Ali-eze Osolobue—wé k'a ghasonmę azụn ọwụwa-ęnya-anwụn lę ndidan ęnya-anwụn lę azụn ugu lę ndidan-mirin bia. ³⁰ Ezie, o nwonghọ ndị kpa azụn ogenni jenkó d'a wụrụ ndị bu ụzọ ogęn ahụn lę ndị bu ụzọ kikenni hụn k'a wụrụ ndị kpa azụn.”

*Obodo Jerusalém Rị Jizosị Obi
(Mat 23.37-39)*

³¹ Ogen ohu hụ, ndị hụ imé ndị Itu-Farisi nō bia d'e kunrun Jizosị, sị a, “Ghakwọ ebeni pụ, makeni Hérodụ chọ n'o gbu i!” ³² Jesu nō sị wẹ, “D'a gwa nị nị m ufu ahụn e mē ero nị m sị, ‘Gon ntịn, m rị nwan a chupụ eje-mmモン, a zụo emu tannị, ekile e mezi m ेrịra, hụn mē e akpụ-ụhụohin eto, a runchanrin m օrun m.’ ”

³³ Jesu nozị sị, “K'osileri, m pükö apukọ—m sikọ d'a rịrịrị ụzọ tannị lę ekile lę nwene-eki—makeni Jerusalém sụo kę wę nō e gbu onyę-amumma—onwonzini ebe ọzọ.”

³⁴ “Euu Jerusalém! Jerusalém!! Obodo hụn e gbu ndị-amumma, e gi օmumma a magbu ndị wę zihen'e! Mgbe ole-le-ole kę m chọpụ ni m kponkikomę ndị rị imé i kę nneku-ohụhụ dọn e kponkikomę ụmụ a e ye nku e, kani y'a ninị m! ³⁵ Lee e, a la wę nwan Ulo i tòn'i! M rị a gwa i nị y'a hụnkozị m d'e rụ ogęn i jenkó d'a sị ‘Onyę hụ gi ेfan Di-nwonnini-ęnyi a bia wụ onyę wę gozi agozı.’ ”

Isi Nke Mmęno

Jesu A Zụo Okennyę Ęhu A Fun

¹ Ụhụohin Izu-iken ohu, Jizosị nō jen d'e ri ihien-oriri iwe onyę ohu imé ndị-isi ndị Itu-Farisi; ndị rị e ke Jizosị hụ e ke e. ² Ya kę okennyę ohu ęhu a fun nohụ pụha ihun Jizosị ebehụ. ³ Jesu nō jụ ndị-nkuzi Iwu lę ndị Itu-Farisi, sị, “Iwu e kwerighọ nị wę zụo emu Ụhụohin Izu-iken ra o kwerini?”

⁴ Kani wę ile a gba nkintin. Ya Jesu nō weri okennyę hụ, zụo a, sị a lama. ⁵ Ya o nō sị wẹ, “Oméri nwa i okennyę mọbụ oken-efin i danban օmị Ụhụohin Izu-iken, y'e wepuhakọ a ozigbo?” ⁶ Kani, asanị wę ęka za ihien օwụle.

Iwelu-Enwen-Ihian-Ali Lé Imé Ni Ndị Igbenneye Ọhụnma

⁷ Jesu a hụn kę ndị obia rị a horisónmę isi-oché, o nō kuzimé wę, sị, ⁸ “Ogen օwule wę kpo i oriri-agbaméhụhụ, ejenkwole d'a nodị alị isi-oché. Ikènkwọ o nwon onyę ka i mkpa a rị hụn wę kpozị oriri hụ. ⁹ Ogen hụ onyę hụ kpo ụnu ębuo oriri jenkó d'a bia d'a sị i, ‘Owụ m, lihi ọtọ nị onyen'i nodị alị.’ Ogen hụ ifenren e megbu i, y'e gi ifenren jenmę nwan d'a nodị alị oché mmaka. ¹⁰ Kama, wę kpo i oriri, jen d'a nodị alị oché mmaka, keni onyę hụn kpo i oriri bia, o sị i, ‘Owụ m, bia d'a nodị alị isi-oché.’ Ogen ahụn օghọ e jun i ęhu ihun ndị wę kpo 'yụ lę wę oriri ahụn.”

¹¹ “Makeni onyę wesi enwen e enu, e wetu w'ę alị; onyę welua enwen e alị, e wesi w'ę elu.”

¹² ‘Ya Jizosị nō sị onyę hụn kpo a oriri, “I kpo oriri, akpolę ndị օwụ i mọbụ umunę i mọbụ ndị-ịdafiń ibe i amamgbe w'a kpogwarị i—o wụrụ nị a kükkingu o wę i ụgwọ.”

¹³ ‘Kama, i kpo oriri, kpo ndị igbenneye lę ndị nguro lę ndị ụku rileni iken lę ndị ęnya-ishii.’

¹⁴ ‘I jenkó d'e nwęhen ngozi makeni asa wę ęka kükkin i y'e—Osolobue sikọ d'a kükkin i y'e ụhụohin hụ ndị rị ọchan k'a gha օnwụn lihi.’

*Ilu Jesu Gi Ndị Wę Kpo Oriri Hi-ogbe Ta
(Mat 22.1-10)*

¹⁵ Ogen onyę ohu imé ndị hụ bia oriri hụ gi nụ ihieni, o nō sị, “Ndị hụ sikọ d'e ri oriri hụ imé Ali-eze Osolobue e nwękekwo ęwere!”

¹⁶ Jizosị nō sị a, “Okennyę ohu kpo oriri hi-ogbe; o nō kpo ndị bu ọda oriri ahụn. ¹⁷ Ogen oriri hụ e ru, o nō zi odibo ę d'a gwa ndị ọ kpo oriri, sị wę, ‘Bia nị nị a kwademegu o wę ihien ile!’ ”

¹⁸ “Kani, wę ile nō kumē ihien jenkō d'e mē wę abialé. Onyę ibuzo sì odibo hụ, ‘M ᱥnonhụ alị; m sikọ d'e jenrirị d'e lele e. Dodo, asa m eka bịa.’ ¹⁹ Onyę ọzọ nō sì, ‘M ᱥnonhụ oken-efin iri wę gi a rụn ugbo, m jenkō nwan d'e lele wę—dodo asa m eka bịa.’ ²⁰ Onyę ọzọ sì, ‘M luhụ nwunyę ma!—Asa m eka bịa.’ ²¹ Ya odibo hụ nō bịa d'a gwa nna a k'o jen. Olulu nō bumē onyę hụ nwę ụlo, o sì odibo e, ‘Jensonmę nwan ọgbara-ogbe lę ụzo-ụpu ozigbo, d'e wehesonmę ndị igbenyye lę ndị-nguro lę ndị enya-mpin lę ndị ukụ wę rileni iken.’ ²² Omęgụ, odibo hụ nō bịa d'a sì a, ‘Di-ökpa, e megụo m ihien i zi m, kani ebéhụ eke junkwo.’ ²³ Ya nna odibo hụ nō sì a, ‘Shi nwan ụwaya lę nwa-ozue: liliima n'i me ihiian bịa—keni ụlo m jun. ²⁴ M rị a gwa ụnu nị o nwọnni akpụ onyę ohu imē ndị hụ wę bu ụzo kpọ hụn jenkō d'a danmin ihien-oriri m!’ ”

*Ihien Isòn Jesu Chọ
(Mat 10.37-38)*

²⁵ Igurun ihiian sónkọ Jesu, o nō gbehuto, sì wę, ²⁶ “Onyę ọwule hụn bịa d'e kunrunni m, bụ ihien m asụon'a kari ihien nedị e lę nnę e lę nwunyę e lę ụmu a lę umunę-e-ikennye lę umunę-e-ikpoho—egheę, kę ndịn a dę, o sakọ eka wụrụ nwa-azụn m; ²⁷ onyę ọwule buruleni obe e sonmę m asakọ eka wụ nwa-azụn m.”

²⁸ “Onyę ọwule imē ụnu hụn chọ n'o tun oken-ụlo ebuko ụzo nodị alị, chopuhagụ ihien jenkō d'a ban n'a—n'o marịn kę o nwongho ego jenkō d'e zu e rụnchanrin a? ²⁹ Omęni y'e meni ेrira, i gbegụ iyeto a nị y'a sazinị eka tungụ a, onyę ọwule hụn ihien meni sikọ d'a mü i emü. ³⁰ Wę jenkō d'a sì, ‘Onyęni jen d'a tunma ụlo bụ o sanị eka tungụ a!’

³¹ Ra o nwęde eze jenkō d'e kunrun eze ọzo hụn lala d'a luson e agha, hụn jenkoleni d'e bu ụzo nodị alị lelegụ kę n'o saeka gi mmadụ nnu isen-kwası-ogun o nwę luson eze hụ gi mmadụ nnu iri-kwası-ogunnaị lala d'a luson e agha? ³² Omęni o sakọ eka, o sikọ d'e zi ozi jenni eze hụn-ebę ogęn o keleni nökunmę e—keni wę ku kę w'e mę dọn.”

³³ “Erirazikwo, o nwònni onyę ọwule imē ụnu hụn jenkō d'a s'eka wụ nwa-azụn m mmanị o latöchanrin ihien ile o nwọn!”

*Nnu Tuhu Usuọ A
(Mat 5.13; Mak 9.50)*

³⁴ “Nnu rị mma; kani omęni nnu e tuhu usuọ a, namị kę wę jenkō d'e gi mę e n'o suomazi usuọ a? ³⁵ O nwònni erere o ban: o rịkọ mma alị; o rịkọ mma ihien wę gi e ye ihien-akunkun. W'a m'a e tuhu. Onyę hụn nwọn ntịn o gi a nụ ihien, y'a nụ.”

Isi Nke Mmisen

*Ilu Jesu Gi Atụnrụn Tuhuni Ta
(Mat 18.12-14)*

¹ Uhhohin ohu, ogęn ndị ile hụn a na ụgwọ-isi lę ndị wę gi njọ marịn gi rị a bịa d'e gon Jizosị ntịn, ² ndị Itu-Farisi lę ndị-nkuzi Iwu nō dẹnwinnwınma, a sì, “Okennyenı a nabanhān ndị njọ, e son wę e ri ihien-oriri.”

³ Ya Jizosị nō ta nị wę iluni: ⁴ “Omęni onyę ohu imē ụnu nwę atụnrụn ogun-isen, nị ohu e tuhu imē wę, kiri k'o jenkō d'e mę? O hapukọ ohu-aria-ogun-isen hụ ogige ebéhụ wę rị a kpa nni d'a chọ ohu hụ tuhuni d'e ru mgbe o hụn a? ⁵ O hụn a, o ghoghomá—nke wụ nị o sikọ d'a pa a che uvun, ⁶ bulụ a ụlo. O ru ụlo, o kpogbama ndị ọwụ a lę ndị bikunmę n'e, sì wę, ‘Son ni m ghogho, makeni a hunguọ m atụnrụn m te tuhuni.’ ⁷ M rị a gwa ụnu nị ेrira kę ighogho jenkō d'a rị elu-igwee odata-odata makę ufiri onyę-njọ ohu rogharini karị ndị ezi-omumę ohu-aria-ogun-isen hụn o mę ni o rịnị mkpa nị wę k'e rogharị.”

Ilu Jesu Gi Egho Tuhuni Ta

⁸ “Ra, omęni okpoho donmę egho ọrun akpụ-uhuhohin iri, egho ọrun akpụ-uhuhohin e tuhu, k'o jenkō d'e mę? Ele o jenkō d'a muye ukpę, zachamrin ụlo a, chọ a ịtan, chọ a imon—d'e ru mgbe o hụn a? ⁹ O hụn a, o kpokikomę ndị ọwụ a lę ndị bikunmę n'e, sì wę,

‘Sòn ni m ghogho makeni a hụnguo m egho m te tuhuni.’ ” ¹⁰ “M rị a gwa ụnụ nị ेrira kẹ ighogho dọn a rị ebe ndị mmɔn-ozi Osolobue rị maké ufiri onyé-njọ ohu rogharini.”

Ilu Jesu Gi Nwa Kpahuni Ta

¹¹ Ya Jizosị no sizi, “Okennye ohu mu ikennye ebuo. ¹² Hun-nta no si nedị e, ‘Baba, kebe ihien ile, y'e ye m hụn k'e runi m.’ Ya o no kebe ni we ihien ile o nwé. ¹³ O ke mehụ akpu-uhuohin ole, hun-nta no kpɔnkwame ihien ile we keye e, bu e re, gha ulo pu, si ali ohu teni, ebahun k'o no ritita ego e ebe o rị e bi obibi nwonleni isi.

¹⁴ Ogen o gi riguu ihien ile o nwon, oken ụnwun no mugbama alı hụ, elu no fuma a. ¹⁵ ‘Ya o no jenme d'a runma ni onye alı hụ orun. Onye ahun no zi e si ebe o no a zun ezin d'e yeme ezin ndị hụ ihien-oriri. ¹⁶ O te rị a n'o gi ihien-oriri ezin e gbọn egun, kale o nwonnri onye y'e ihien ọwule.

¹⁷ Ogen uche e gi kinhen, o no si, ‘Kẹ ndị ile nedị m we orun nwon hụn w'e ri e rihoodu, mmé nwèn hụ ebeni a ka enwen m egun?’ ¹⁸ ‘M jenkọ d'e lihi, buru nedị m; m jenkọ d'a si a, ‘Baba, e meołe m elu-igwee njọ, mezikwo 'yu le enwen i njọ. ¹⁹ Efuruzini m onye we sikọ d'a kpọ nwa i; weri m kẹ onye ohu imé ndị hụn i we orun.’

²⁰ Ya o no buli, buru nedị e. Kanị, ebe o rị ebe teni, nedị e no lechen'e; omiken e no me nedị e ọda-ọda, ‘ya o no gbaburu nwa a, dide e, su e onu. ²¹ Ya nwa a no si nedị e, ‘Baba, e meołe m elu-igwee njọ, mezikwo 'yu le enwen i njọ, efuruzini m onye w'a kpọ nwa i*! ’

²² Kanị, nedị e no kpọ ndị idibo e, si we, ‘Ogbahu-ogbahu! Wéhé ni ekwa hụn kachanrin mma yime e! Yime n'e ọla mkpiñsin-eka! Yimen'e akp'ukụ! ²³ Wepuha ni nwa-efin ahun kachanrin mma enyi zunto ni ụnụ gbu e! Ni enyi ri ni oriri, ni enyi ghogho— ²⁴ makeni nwa m ni te nwunhụn anwunhụn, kanị o rị nwan ndun; o te tuhu etuhu, kanị a hụnguo m'a nwan.’ We no rimé oriri, ghoghomá.

²⁵ “Ogen hụ, nwa a hụn kanị rị ugbo. Ogen o gi lala, o rumé ehụ ulo, o no nụ ukwere egwu we rị a kpọ, e ten. ²⁶ ‘Ya o no kpọ odibo ohu, ju a, si, ‘Kịnị rị e me?’ ²⁷ Odibo hụ no si a, ‘Nwèn i bịa abia; nedị i e gbuguo nwa-efin ahun kachanrin mma we zunto, makeni o nwèhènzi nwa a ebe o rị ndun, o nwonnri ihien mén'e.’ ²⁸ Iwe no wemé nwèn e hụn kanị, nke wụ ni o kwerini banye imé ulo; ‘ya nedị e no púha, rioma a. ²⁹ Kanị, o si nedị e, ‘Lee e, kete ahụa ole-le-ole m rị a run n'i kẹ igbon, enuputuni ni m'i isi. Kanị, y'e yetudeni m kẹ nwa-ewu mmaka ni mmé le ndị ọwụ m gi ri oriri! ³⁰ Kanị, nwa i njị giguu ihien i ile bupụ igbaraja a lụa nwan, y'e gbun'e nwa-efin hụ kachanrin mma enyi zunto! ³¹ Ya Nedị e no si a, ‘Nwa m, mmé le yu ríchanrin ebeni, ihien ile m nwon wụ nke i. ³² Kanị, o furu ni enyi ri oriri, ghogho, makelé nwèn e i ni te nwunhụn anwunhụn, kale o rị nwan ndun; o te tuhu etuhu, kanị, a hụnguo w'a nwan.’ ”

Isi Nke Mmisen

Ilu Jesu Gi Onye-nlepü-onya Nwé Akọ Ta

¹ Jizosị nozị si umu-azuun a, “O nwon ọdafin ohu, hụn nwon onye e lepuna'a ihien e onya. Ọdafin hụ no nüma ni onye hụ rị e lefun'a ihien enya rị e ritita ihien e. ² Ya o no kpọ a, si a, ‘Kị wụ ihienni m rị a nü ni 'ya kẹ i rị e me? Kowachanrin ni m k'i dọn run —makeni y'e lepukozị ihien m enya.’ ³ Onye-nlepü enya hụ no si enwen e, ‘Hunnị nna m jenkọ d'a chụ m nwan orun, kịnị kẹ m jenkọ d'e me? Enwé m ndun m'e gi run orun-ugbo, bụ ifenren anikọ m rịo urio. ⁴ A maringuo m nwan ihien m jenkọ d'e me, omeni a chụ we m orun, keni m hụn ndị jenkọ d'a nabanhān m iwe we.’

⁵ ‘Ya o no kpọ ndị gi nna a ụgwọ ohu-ohu. O no ju onye ibuzo, si, ‘Ole k'i gi nna m?’ ⁶ O no za, si, ‘Galonu udèn-olivu ọgun-isen.’ Onye-nlepü enya hụ no si a, ‘Lee ehuhuọ we gi de e ebeni. Nodị ali, ejijei-ejjiei, n'i dehuto a si galonu iri-kwasị-ogunnai.’ ⁷ Ya o no juzi hụn me e ebuo, ‘Ole kẹ 'yu nwèn gi?’ O no si a, ‘Ekpa ọka-witi ọgun-isen.’ Onye-nlepü enya hụ no si a, ‘Lee ehuhuọ we gi de e ebeni, dehuto a si ọgun-enyo.’ ⁸ Ufiri ihienni o me,

* Isi Nke Mmisen:21 ...weri m nöké onye ohu imé ndị i we orun.

oğafin hụ nọ ja onye-nlepụ-onya hụ hụn furuleni wę gi e don ẹnyia mma—make akonị o nwọn. Eghẹe, makeni ndị ụwanị ka ụmụ ukpē akó e nwọn ebe wę n'e son ibe wę.”

⁹ Jizosí nọ sị, “M rị a gwa i: gi akú-lé-uba ụwanị han ọwụ, omení ọ gụụ keni i hụn onye jenkö d'a nabanhān i iwe e biri jenrin ejen.”

¹⁰ “Onye ọwule hụn furu wę gi e don ẹnyia ebe ihiẹn mè ekere rị furuzikwo wę e gi don ẹnyia ebe ihiẹn hi-ogbe rị; onye ọwule hụn furuleni ni wę gi e don ẹnyia ebe ihiẹn mè ekere rị efurukọ wę e gi don ẹnyia ebe ihiẹn hi-ogbe rị.”

¹¹ “O mè nwani nị y'a ghosiölé nị y'e furuni wę gi e don ẹnyia ebe akú-lé-uba ụwanị rị, onye jenkö d'e ye i ezigbo akú-lé-uba lepù ẹnyia?” ¹² “Oméni y'e dònmeni ihiẹn onye ọzọ ọhunma, onye jenkö d'e ye i nke i?”

¹³ “O nwɔnni odibo jenkö d'e ri-eka fe nna ẹbụo; o jenkö d'e ze ize ohu, nwę ihiẹn-osusụo hụn-ebø mɔbụ o wechanrịn enwèn ẹ ye ohu, lelja hụn-ebø. Y'a sakö ẹka fe Osolobue lę egho.”

Jesu E Ku Banyeni Nkpéchan Lẹ Ihiẹn Ndị Ọzo

(Mat 11.12-13; 5.31-32; Mak 10.11-12)

¹⁴ Ogen ndị Itu-Farisi gi nügụụ ihienni ile, wę nọ ru Jesu imi, makeni egho a sụoka wę.

¹⁵ Kanị Jizosí nọ sị wę, “Unụ wụ ndị hụn e mè kę si ụnụ a ríka mma id'ẹnyia ndị ọzo, kanị, Osolobue a maríngụo obi ụnụ. Makeni, ihiẹn hụn ihiān weri n'o ríka mkpa wụ aru ẹnyia Osolobue.”

¹⁶ “Iwu Mozizi lę ihiẹn ndị-amumá de kę wę gi run ɔrun d'e ru ogen Jónụ hụn e mè mirin-Chuku gi bidon ɔrun a. Kete mgbe hụ, wę hụ e zi ozioma Ali-eze Osolobue, ihiān ile hụ e gi ikèn a zuo nị wę banye ẹ.”

¹⁷ “O ka nfe nị elu-igwee lę ụwa ghafe karị nị akpụ ihiẹn ohu rị imé Iwu a danpu, o suò n'a ihiẹn kachanrịn ntịn wę kaye mkpuru-ekukwo rị imé Iwu.”

¹⁸ “Okènnye ọwule hụn kpechan nwunye ẹ luma okpoho ọzo ghére aghére; okènnye hụn luma okpoho wę kpechan ghére aghére.”

Odafin Hụ Lẹ Lazarosi

¹⁹ “O nwọn oğafin ohu, hụn e kọn ekiken oğafin, e ri kę eze ụhụohin ile.”

²⁰ “O nwonzikwo okènnye ohu w'a kpó Lazarosi, ogbennye ro, ete jun ẹ ẹhụ a ile. W'e bu Lazarosi a tọ ọnụ-mgbon oğafin hụ ogen ile. ²¹ Lazaros' a chodé n'o gi ifunfun ihiēn-oriri hụn a dannahin oğafin hụ ọ gha e ri ihiēn-oriri gbón ẹgún. O ru, nkite a bijadé d'a rachan ete ndị hụ rị a ẹhụ.”

²² “Omegụụ, ogbennye hụ nọ nwunhụn, ndị mmɔn-ozi nọ bu ẹ si ebe Ebraham rị. Өdafin hụ a nwunhunjíkwo, wę nọ li ẹ. ²³ Imé ali-mmɔn, ebe oğafin hụ rị a ta afunfun, o wesi ẹnyia elu, ọ nọ gha ebe teni lecheni Ebraham, hunjí Lazarosi k'o nödiyen' ẹ. ²⁴ 'Ya ọ nọ kpochen' ẹ, sị, 'Nèdì ẹnyi Ebraham! Mè omikèn m zi Lazarosi n'o gi onunu mkpinsin-eka a deri mirin tanye m ire keni ire hụn uzor jụ m oyì, makele m rị a ta okèn afunfun imé ọkụnni!'”

²⁵ “Ebraham nọ sị a, ‘Nwa m, nyanhan n'i nwéhènchanrịn ihiẹn ile rị mma ogen i gi rị ndịn, bụ Lazarosi nwéhèn ihiẹn ile jo njo. Kanị, ẹhụ fu ẹ nwani ebeni, bụ yụ nwèn rị nwani a ta afunfun. ²⁶ Wezükadé ihiẹn ndịn ile, o nwonzikwo oghe shiagbu enwèn ẹ wę dònme ẹgbata ẹnyi lę ụnụ, nke wụ nị onye ọwule chọ n'o fetu shi ebe ụnụ rị asakö ẹka, bụ o nwɔnni onye ọwule rị ebahụn jenkö d'a saéka fetu bia ebe ẹnyi rị.’ ²⁷ 'Ya oğafin hụ nọ sị a, 'Baba dodo nwani, zi Lazarosi jen iwe nèdì m—²⁸ nị m nwọn umuné ikènnye isen. Y'a jen d'a do wę ẹka-ntịn make wę gha a bia ebeni afunfun rị.'”

²⁹ “Kanị, Ebraham nọ sị a, ‘E nwégho wę Iwu Mozizi lę ihiẹn ndị-amumá de; umuné i wę gon wę ntịn.’ ³⁰ Өdafin hụ nọ sị a, ‘Mbakwo nèdì ẹnyi Ebraham, ọhun ezuni! Kanị, oméni onye gha ọnwụn lihi jen d'e kunrun wę, wę jenkö d'e roghari.’ ³¹ Kanị, Ebraham nọ sị a, ‘Oméni egonní wę Iwu Mozizi lę ihiẹn ndị-amumá de ntịn, ekwerikö wę—osukwọn'a nị ihiān gha ọnwụn lihi d'a gwa wę.’”

Isi Nke Mmesa

Njọ Le Igbagharị-njo

(Mat 18.6-9, 21-22; Mak 9.42)

¹ Jizosí nō sì ụmụ-azụn a, “Ihien ndị hún a han ihiān e mē njø jenkø d'a biařirị; kani, nsongbu rị nị onyé hún wé k'a gha eka a bia! ² O ka onyé hú mma nị wé kénmè olo y'e olu, tū a ye imē ohimin karí n'o han onyé ohu imē ndị-ntanị mē njø.”

³ “Ya wú, kpachanpú nị enya! Nwènè i mē njø, jugbo a; o gbehutø obi, y'a gbaghari a. ⁴ Osuon'a n'o mē i njø mgbe esa imē ụhuohin, bu ọ bijachanrịn mgbe esa hú d'a sì i, ‘E gbehutoguø m obi; dodo.’, i sikø d'a gbaghariřiri a.”

Okukwe

⁵ Ndị-ozi hú pü-ichẹn nō sì Di-nwònñi-enyi, “Mē okukwe enyi waye.” ⁶ Di-nwònñi-enyi nō sì wé, “Omèni i nwòn okukwe hún hande kē mkpuru mostadị megbu enwèn ẹ ntìn, i jenkø d'a sa eka sì osisi Muberi-ni higbu enwèn ẹ ogbe rị ebeni, ‘Hueri, y'e jen d'a gbɔri imē ohimin!’ O jenkø d'a gbaye i.”

K'o Furu Nị Odibo E Mē

⁷ “Onyé imē ụnụ k'o mē ni odibo ẹ hún gha ebe o jen d'a rụn ọrun imē ugbo móbụ ebe o jen d'e lepù atumrùn enya luaha, y'a sì a ‘Bia ozigbo d'a nödị ali n'i ri ihien-oriri’? ⁸ Mba nụ! I jenkø d'a sì a, ‘Mémé ni m ihien-oriri enyasi, y'a kwademé n'i buye m 'ya wú ihien-oriri; y'e cheri m ni m riguu, ra, n'i kipu ihien; i kebe ri, ra.’ ⁹ Egheę, y'e keleko odibo hú kaka ebe o nohụ mē ihien i sì a mē. N'i kele e?”

¹⁰ “Eríra k'o rịzíkwò nị ụnụ: ụnụ mèchanringuụ ihien ile wé sì ụnụ mē, sì nị, ‘Idibo mmaka furuleni w'e kele kē enyi wuhu, makèni ihien furu nị enyi mē suø kē enyi mèhụ.’”

Onyé Bia D'a Kpanmin Jizosí

¹¹ Ogèn Jizosí gi jenkø Jerusalém, ọ nō ghasi egbata Sameria lè Galili. ¹² Ogèn o gi banyekø imē obodo ohu mē ekere, ndị oti iri nō kunrun ẹ. Anokunmèchanrịn w'a; ¹³ wé nō hijenn'ę, sì, “Jizosí! Di-nwònñi-enyi! Mē omiken enyi!” ¹⁴ Jizosí a hún wé, ọ nō sì wé, “We ni enwèn ụnụ d'a ghosi ndị nchụ-ejan nị wé ghosi wé nị ụnụ a dihinguø.” E ru wé ụzo, 'ya wé nō rị mma. ¹⁵ Ogèn onyé ohu imē wé gi hún a n'o riguø mma, ọ nō kin-azụn, yikø, jakø Osolobue mma. ¹⁶ Ọ nō dan nị Jizosí ali, kpanmin a. Okènnye hú wú onyé Sameria. ¹⁷ Jizosí nō sì, “Ele mmadu iri kē wé zùo, mē wé rị uchan? Elebe kē mmadu itenei hodunị rị? ¹⁸ Ya wú, o nwònñi onyé hún kin-azụn d'a ja Osolobue mma wezuka onyé ali-ozoní?”

¹⁹ Ya Jizosí nō sì okènnye hú, “Lihi ọtọ n'i lama, okukwe i e megwu i dìnhin.”

Ké Ali-eze Don A Bia

(Mat 24.23-28, 37-41)

²⁰ O nwòn ndị Itu-Farisi ju Jesu ogèn Ali-eze Osolobue jenkø d'e gi bia. Ọ nō shiarị wé, sì, “Ele enya kē wé gi a marin nị Ali-eze Osolobue a bijale d'a kíma. ²¹ O nwònñi onyé jenkø d'a sì, ‘Lee ę, ebeni k'o rị!’ móbụ ‘Ebeneti k'o rị’, makèni, ezię, Ali-eze Osolobue a riguøle imē igunrun ụnụ.”

²² Ya ọ nō sì ụmụ-azụn a, “Ogèn lala hún o gi rị ụnụ nị ụnụ hundé osuon'a akpu-ụhuohin ohu hún rị imē ogèn Nwa nke Ihiān, kani ụnụ ahunkø a. ²³ Wé k'a sì ụnụ, ‘Lee ę ebeneti!’ móbụ ‘Lee ę ebeni!’ Kani, ekwerikwolé ni; esonkwolé ni wé d'a chomá a. ²⁴ Makèni, kē amụma don e be elu-igwere, a gha wé azụn ile hún a, eríra kē Nwa nke Ihiān jenkø d'a rị ụhuohin o jenkø d'a bia. ²⁵ Kani, o jenkø d'e bu ụzo taguu afunfun bu oda, ndị agbonị a juguu a.

²⁶ K'o don rị ogèn nke Nua k'o jenkø d'a rịzíkwò ogèn nke Nwa nke Ihiān. ²⁷ Wé hú e ri, a ra; wé hú a lụ di lẹ nwùnye, e we wé e ye wé a lürü—d'e ru ụhuohin hú Nua banye imē ugbo hú pü-ichẹn, okèn-mirin hú nō bia d'e gbupuchanrịn wé ile.

²⁸ O jenkō d'a rizikwō kē ogēn Lōtu. Ihian ile hū e ri, a ra; e nōn, e re; a kūn, a tūn.
²⁹ Kanj, uhuhohin hū Lōtu gha Sodom pū, ɔkun lē nsin-enya-anwūn nō gha elu-igwee zuetu kē mirin, gbu wē ile. ³⁰ Erirā k'o jenkō d'a rī uhuhohin hū Nwa nke Ihian jenkō d'e kinhen.

³¹ Uhuhohin hū, onyē rī elu ụlo a, hūn ihiēn e rī mm'ulō, y'e hidangukwolē banyemēzi imē ulō n'o jenkō d'e weri ihiēn ọwulē. Erirazikwō, onyē ọwulē rī imē ugbo y'a lashikwolē ulō n'o jenkō d'e weri ihiēn. ³² Nyanhankwō nī ihiēn mē nwunyē Lōtu! ³³ Onyē ọwulē chō n'o ghe isi e, isi e a tō a; onyē ọwulē tuhu ndūn a k'a zuopuha a. ³⁴ M rī a gwa ụnū nī uhinhin hū, mmadu ẹbūo jenkō d'e dinē elu-ukpo ohu, e weri wē onyē ohu, na hūn-ebō tō. ³⁵ Ikpoho ẹbūo jenkō d'a gha a kwō ihiēn, e weri wē onyē ohu, a la wē hūn-ebō tō. [³⁶ Ikennye ẹbūo jenkō d'a rī imē ugbo a run ṽrun, e weri wē onyē ohu, a la wē onyē ohu tō.]

³⁷ Umū-azūn a nō jū a, sī, “Di-nwōnni-enyi, elebe kē ihiēnni jenkō d'a nō mē?” Jizosí nō sī wē, “Ebe ọwulē ozun rī kē udele a gbakikomē!”

Isi Nke Mm̄esatō

Imē Ekpere Ogēn Ile

¹ Ya Jizosí nō lu ni umū-azūn iluni, gi e ghosi wē mkpa o rī nī wē e mē ekpere ogēn ile bu anikō wē ndūn guu wē. ² O sī, “O nwē okennye ohu a han enēn hūn rī imē obodo ohu. Okennyeen ara tū egun Osolobue, ara gbaye ihian. ³ O nwōnzikwō okpoho di e nwūn, hūn rī imē obodo hū, hūn a biasonmē d'a sī a, ‘D'a hagbuni m onyē rī e megbuni m enēn!’ ⁴ O biabe, okennye hū a jū n'o lekō a enya ihun. Kanj, o nōbe, okennye ahūn nō sī enwēn e, ‘Osūn'a nī m'a ra tū egun Osolobue mōbū gbaye ihian, ⁵ m sikō d'a hūn a nī wē ye okpohoni di e nwūn ihiēn run'e, makē nsongbuni o rī e ye m, makē ehū gha a ghanahin m makē obibianj o rī a bia ogēn ile!’”

⁶ Di-nwōnni-enyi nō sī, “Unū a nūghō ihiēn eje okennye ahūn a han enēn ku. ⁷ Osolobue ahunkō a nī wē ye ndī nke kē hūn a kwanghosī a efinnai lē uhinhin ihiēn runi wē? N'o biekē d'e yeni wē eka?”

⁸ “M rī a gwa ụnū n'o jenkō d'e mē ezioku pūha ifon, mēdē e ngwa, e nwēhen wē ihiēn furu ni wē. Kanj, nī Nwa nke Ihian hūn ndī nwē okukwe imē ụwa ogēn o gi bia?”

Ilu Jesu Ta Nī Ndī Hūn Ro Ni A Rika Wē Mma

⁹ Jizosí nō tanj ndī ahūn ro ni a rika wē mma, e lenja ndī ọzō ile iluni: ¹⁰ O sī, “Ikennye ẹbūo jen Ulo-nsō d'e mē ekpere: ohu wū onyē Itu-Farisi, hūn-ebō wū onyē a na ụgwō-isi wē gi njō marin. ¹¹ Onyē Itu-Farisi nō wuzo n'o mē ekpere: o nō kumē banyeni enwēn e enīna: ‘Osolobue, a kpanmīn m'i nī anōnī m kē ndī ọzō: eélé m onyē a tunarin ihian ihiēn mōbū onyē-ntū mōbū onyē-ughere. A kpanmīn m'i nī anōdēni m kē onyē ụgwō-isi hū rī ebēhū. ¹² M'e bu ọnū mgbe ẹbūo imē izu-uka, m'e ye i ụzō-ohu-imē-ụzō-iri ihiēn ọwulē m nwē.’”

¹³ “Kanj, onyē ụgwō-isi nō wuzo ebe teni; o sadēni eka bu ihun zinmē elu-igwee, kama, o hū a fjan eka obi, a sī, ‘Osolobue, dodo mē omiken m, onyē njō kē m wū!’” ¹⁴ Jesu nō sī, “M rī a gwa ụnū nī onyē ụgwō-isi hū kē Osolobue kuni ọhunma n'o d'a lama iwe e, eélé onyē Itu-Farisi hū. Makēni, onyē busi enwēn e elu, e wetu w'e alii; onyē welua enwēn e alii, e busi wē e enu.”

Jizosí A Gozi Umueka

(Mat 19.13-15; Mak 10.10-16)

¹⁵ O nwē ndī rī e wēhēde umueka wē pa eka kēni Jesu metu wē eka, gozi wē. Kanj, ogēn umū-azūn a gi hūn ihiēnni, ‘ya wē nō jügboma wē. ¹⁶ Kanj, Jizosí nō sī wē wēhē umueka hū, o nō sī, “Nī nī umū-ndū bia d'e kunrun m; akusile ni wē—makēni Ali-eze Osolobue wū nke ndī nō enīna. ¹⁷ M rī a gwa ụnū ezioku, onyē ọwulē hūn nabanhānleni Ali-eze Osolobue rikē nwata abanyekō a.”

*Onye-ndu Ahun Wụ Ọdafiń
(Mat 19.16-30; Mak 10.17-31)*

¹⁸ Onye-ndu ohu jụ Jizosị ajuju, sị a, “Onye-nkuzi ọma, kini ke m jenkọ d'e me ni m nwęhen ndun itebe?”

¹⁹ Jizosị no sị a, “K'i rị a kpóni m onye-ọma? O nwonni onye rị mma wezuka Chuku suọ. ²⁰ Ya maringho Iwu ndinị wẹ: ‘Agherele; egbule ochu; ezunle ohin; ebuokinle ihiyan onu; gbaye nedị i le nnę i.’”

²¹ Okennyę hụ no sị a, “M hụ e dònme iwu ndinị ile kete m'a marinle ihiyen.” ²² Ogèn Jizosị gi nụ ihienni, o no sị a, “O nwę ihiyen ohu i keleni me: repụ ihiyen ile i nwọn, y'e we egho e ye ndị igbenyye, gi e wuru onye nwọn akụ-le-uba imé elu-igwee; y'a bịa d'e sonmę m.” ²³ Kani, ogèn okennyę hụ gi nụ ihienni, efọ a sụozin'a ụsụo kaka—makeni o hiké ọdafiń.

²⁴ Ogèn Jizosị gi hụn ni efọ asuozị n'a ụsụo, o no sị, “Nibe o fuka orun ebe ndị ịdafiń a no banye Ali-eze Osolobue! ²⁵ Ezioku-ezioku, o ka nfe ni anyinnyan-mkpukpuke wụ kamelụ gha enya oloden karị ni ọdafiń banye Ali-eze Osolobue.” ²⁶ Ndị hụn nụ ihienni no sị, “Onye k'a sazị nwan eka nwę nzüopuha?”

²⁷ Jesu no sị wẹ, “Ihiyen ihiyan ghaleni a sa eka e me, Osolobue k'a sa eka me e.”

²⁸ Ya Pita no sị, “Lee e, enyi a laguokwo ihiyen ile enyi nwọn tọ sonmę i!”

²⁹ Jizosị no sị wẹ, “M rị a gwa ụnu ezioku, o nwonni onye ọwulę hụn o me ni o natoguo ulo mobụ nwunye mobụ umune mobụ nedị le nnę mobụ umu—make ufiri Ali-eze Osolobue, ³⁰ hụn jenkoleni d'e nwęhen wę mmagi-mmagi ogenni, nwęhen ndun itebe ogèn hụn lalani.”

*Hụn Me E Mgbe Etọ Jesu Ku E N'o Jenkọ D'a Nwụn, Lihizi
(Mat 20.17-19; Mak 10.30-34)*

³¹ Jizosị no weri mmadụ mmębuo hụ si ụsụo, sị wẹ, “Gon ni ntịn! Enyi jenkọ nwan Jerusaleṁ; ihiyen ile ndị-amụma de banyeni mmę wụ Nwa nke ihiyan jenkọ d'e mezuchanrịn.”

³² “Wę sikọ d'e we e che eka ndị alị ndị ozọ wuleni ndị Ju; wę jenkọ d'a kpa a ye emu, kpari e, jụ a eson.”

³³ “Wę sikọ d'a fian a mkpińsın ọda-ọda; wę k'e gbu e; kani, hụn me e akpụ-uhụohin eto, o jenkọ d'e lihi.”

³⁴ Kani, o nwonni ihiyen mmadụ mmębuo hụ ghota imé ihienni ile o ku; oku ndị hụ wụ ihiyen zuerini ebe wę rị; aghotanị wę ihiyen Jizosị rị e ku.

*Jesu A zuo Onye Enya-ishi
(Mat 20.29-34; Mak 10.46-52)*

³⁵ Ogèn Jizosị gi nökunmemem Jériko, okennyę enya-mpin ohu nödị alị mkpénren ụzo hụ, a rịo ụri.

³⁶ Ogèn onye enya-mpin hụ gi nụ üzün igunrun ghafekoni, o no ju wę ke kị rị e me?

³⁷ 'Ya wę no sị a, “Jesu onye Nazareti ghafekọ.”

³⁸ Ya o no yi oro, sị, “Jizosị, Nwa Defidi, me omiken m!”

³⁹ Ndị rị ihun igunrun hụ no jụgbọ a, sị a kpumé onu. Kani, o no yikenmede, sị, “Nwa Defidi, me omiken m!”

⁴⁰ 'Ya Jesu no wuzo, sị wę węhe okennyę hụ. Ogèn o gi nözunhan, Jesu no jụ a, sị, ⁴¹ “K'i chọ ni m me n'i?” O no sị, “Di-nwonni-enyi, m chọ ni m leghama ụzo.”

⁴² Jizosị no sị a, “Leghama ụzo! Okukwe i a zoguọ i.”

⁴³ Ozigbo, o no leghama ụzo; o no sonmę Jizosị, a ja Osolobue mma. Ihiyan ile hụn n'a nözíkwọ ja Osolobue mma.

Isi nke Mmiten ei

¹ Ya Jizosị nō banye obodo Jériko. Ogēn Jizosị gi ghafekọ imē e, ² okennyę ohu w'a kpo Zakiosi rị ebęhụ. Zakiosinị wu onyę ohu imē ndi-isı ndi a na ugwo-isi; ọdafin rọ. ³ O hụ a chọ n'o legha Jesu, kanị o mē mkpuru, o sanị eka legha Jesu makę igunrun hụ.

⁴ 'Ya o nō gbaghafe igunrun hụ, si ihun d'e nyinrin elu osisi w'a kpo Sikamo, keni o hụn Jesu, makeni uzo ahụn kę Jesu jenkọ d'a gha. ⁵ Ogēn Jesu gi jenru ebahụn, o lee enya elu, o nō sị a, "Zakiosi, mēngwa hidan, makélé m jenkọ d'a nodirirị iwe i tanni."

⁶ Zakiosi nō hidan ozigbo-ozigbo, gi ighoghọ nabanhān a. ⁷ Ihian ile hunn'a nō dēnwinnwinma, a sị, "Okennyen i jenmeguo iwe onyę-njо!"

⁸ Zakiosi nō wuzo uzo ohu, sị, "Di-nwɔnni-enyi, lee e, m rị nwan e kebe ihięn ile m nwę uzo ębuo; m jenkọ d'e we azuń ohu ye ndi igbennye. Omēni o nwon onyę m megbu, m jenkọ d'a kükın e 'ya uzo eno."

⁹ Ya Jizosị nō sị a, "Nzupuha a biaolę ezi-lę-ulonị tanni, makeni okennyen i wuzikwo nwa Ebraham. ¹⁰ Mmē wu Nwa nke Ihian bia d'a chọ ndi tuhuni nị m zuopuha we."

Ilu Jesu Gi Ndị Wę Ye Egho Gi Zü Afia Ta (Mat 25.14-30)

¹¹ Kę wę dòn rị e gon ntin ihięn ndinị o rị e ku, Jizosị nō ta nị wę ilu. Makeni o rumeguo ehụ Jerusalem, wę rị e ro ni Ali-eze Osolobue e d'a biahu d'a kima kikeni-kikeni. ¹² 'Ya o nō sị, "O nwę okennyę ohu; okennyen i wu nwa-eze; o jenkọ ali ohu teni nị w'e d'e kin e eze. Uche e wu nị wę kinguo a eze, o luhazi. ¹³ N'o d'e jenme, o nō kpokikomę ndi idibo e iri, we egho orun uhuohin ogun-isen ogun-isen uzo iri ye wę, sị wę, 'Gi ni eghoni zü afia d'e ru nị a lụa m.' ¹⁴ Kanị, ize okennyę ahụn rị e ze ndi ali a. Wę nō zi ndi-ozı sonmę e, d'a sị, 'Enyi achonị nị okennyen iki enyi.'

¹⁵ "Kanị, e kinkwo w'a eze nwęn.

O nō lụa; ozigbo, o nō kpo ndi idibo e ndi hụ o ye ego, keni o marin erere we nwehen.

¹⁶ Nke ibuzo a püha, sị, 'Nna-enyi, e giguo m egho i ye m nwehen uzo iri elu e.' ¹⁷ O nō sị a, 'Odibo oma! Y'e mękẹ. Ebe o mē ni y'a ghosiguo n'i furu onyę wę gi e dòn enya imē ihięn mē ekere, weri obodo iri kima.' ¹⁸ Hun mē e ębuo nō püha, sị, 'Nna-enyi, e giguo m egho i ye m nwehen uzo isen chen'e.' ¹⁹ O nō sị a, 'Yü nwęn, weri obodo isen kima.' ²⁰ Odibo ozo nō püha, sị, 'Nna-enyi, lee egho i; m gi ękwa kęnmę e, bu e tọ ọhunma. ²¹ Egun i rị a tị m, makeni y'e zeke; y'e weri ihięn i dònmeleńi, a ghori ihięn i kùnlęni.' ²² Eze nō sị a, 'Eje-odibo! M jenkọ d'e gi oku onu i kin i ikpe. 'Y'a maringho nị e zeke m, nị m'e weri ihięn m dònmeleńi, a ghori ihięn i kùnlęni. Ele iya? ²³ O hughọ nwan mma. Kị hain nwan i gileni bu egho m che ni m imē ụlo-egho*, keni, m bia, e weri m 'ya lę ọmụnịnwa rịn'a?'

²⁴ "Ya eze hụ nō sị ndi turu ebęhụ, 'Napuha n'a ego hụ, we e ye odibo ahụn nwę uzo iri.'

²⁵ Kanị wę nō sị a, 'Nna-enyi, o nwęguso uzo iri nụ!' ²⁶ Eze nō sị wę, 'M rị a gwa ụnu, ndi ile nwę ihięn wę gi ihięn wę ye wę rünpuha kę wę jenkọ d'e yecheni. Kanị, ndi nwęleńi ihięn wę gi nke wę rünpuha, wę jenkọ d'a napudę wę hun wę nwon. ²⁷ O mē nke ndi inenren m ahụn choleńi nị m wuru eze wę, węheni wę d'e gbu id'enya m ebeni.'

Onyę Mmeri A Banhan Jerusalem (Mat 21.1-11; Mak 11.1-11; Jón 12.12-19)

²⁸ Ogēn Jesu gi kugụ ihienni, o nō jenme Jerusalem o jenkọ. O hụ ihun; ndi 'ya lę wę wị hụ e son e. ²⁹ O rumę Bęfeji lę Bętani, hụn rị ugu w'a kpo Ugu Olivu, o nō zi umu-azuń ębuo ozi, ³⁰ sị wę, "Banye ni obodo ahụn mē ekere rị ihun; ụnu banye, ụnu sikọ d'a hụn nwa-jaki wę limętę ebęhụ, hụn wę nyintulęni kaka; tópụ n'a, ụnu e węhe e ebeni. ³¹ Onyę sị ụnu, 'Kị ụnu rị a tópụn'a?' Sị n'a hụ, 'Nna chọ a.'

³² Ya ndi o zi ozi nō jenme, a hunchanrin wę ihięn ile kę Jesu dòn gwa wę. ³³ Ebe wę rị a tópụ nwa-jaki hụ, ndi nwɔnn'ę nō sị wę, "Kị ụnu rị a tópụ nị nwa Jaki hụ?"

* Isi nke Mmitenęi:23 aza

³⁴ Wę nō sị, “Nna chọ a.” ³⁵ Ya wę nō weri nwa-jaki hụ jenni Jesu. Wę nō gbama ẹwuru wę yiyesonmę elu ẹ ye elu anụ hụ; ya wę nō yeni Jesu ẹka nyinrin enu ẹ. ³⁶ Ogęn o gi nyinko, igunrun ahụn hụ e gi ẹwuru wę yiyesonmę elu ẹ a gbama ụzo.

³⁷ Ogęn o gi ru ẹhụ Jerusalém, ụzo ahụn wę gha a kpotu Ugu Olivu, igunrun ụmụ-azụn a nō ghoghomá, wesi olu elu a ja Osolobue mma makę ihien a tụ ẹnya ndị wę hụn, a sị,

³⁸ “Eze ahụn gi efan Di-nwọnni-ẹnyi bịa

wụ onyé Chuku gozi agozı!

Udọn 'ya rị elu-igwee,
oghọ 'ya rị nị Osolobue
ebe hụ kachanrịn elu ejen.”

³⁹ Kanị ndị hụ imẹ ndị Itu-Farisi rị imẹ igunrun hụ nō sị Jesu, “Onyé-nkuzi, jụgbọ ụmụ-azụn i!”

⁴⁰ Jizosị nō sị wę, “M rị a gwa ụnụ, ndịnị gba nkintin, ọmụma ndịnị rị ebeni jenkọ d'e yimẹ oro hụ.”

Jizosị A Kwan Nị Jerusalém Ekwani

⁴¹ Ogęn Jesu gi ru ẹhụ ya wụ obodo wụ Jerusalém, hụn a, ọ nō kwanma n'a ẹkwan, ⁴² sị, “Egheę, iyụ, iyüde! Omęni i te marịn tannị ihien nkę e ye i udọn! Kanị, e zuemeguo nị wę i 'ya! ⁴³ Ogęn lala, hụn ndị inyenren i jenkọ d'e gi gi ihien mgbondon tụnhunmęchanrịn i, gha azụn ile zụnbahhan imẹ i. ⁴⁴ Wę jenkọ d'e tikpochanrịn i-'yụ lę ndị rị imẹ i-o nwọnni ogbe-omụma ohu wę gi tụn i hụn wę jenkọ d'a latọ elu ibe ẹ, makeni y'a marịnnị ogęn Osolobue gi bịa d'e məni i ọhụnma.”

Jizosị A Chụpụ Ndị Rị Ụlọ-nsọ A Zụ Afia

(Mat 21.12-17; Mak 11.15-19; Jon 2.13-22)

⁴⁵ 'Ya kę Jizosị nō banye imẹ Ụlọ-nsọ, chupuma ndị rị ebahụn a zụ afia, ⁴⁶ a sị wę, “Wę de ẹ imẹ Ẹkukwọ-nsọ nị Osolobue sị, ‘Ụlọ m jenkọ d'a wụ ụlọ w'a nō e mē ekpere’, kanị ụnụ e giguo a nwan hęnrin ‘ebe ndị ohin a warị’.”

⁴⁷ Uhụohin ile, Jizosị hụ a kuzi imẹ Ụlọ-nsọ. Ndị-isi nchụ-ejan lę ndị-nkuzi Iwu lę ndị-isi ndị Ju hụ a chọ nị wę gbu ẹ, ⁴⁸ kanị, a hụnnị wę ụzo w'e gi mē ẹ, makeni nkuzi ẹ a nwụnguo igunrun ahụn ile ri.

Isi Nke Ogun

A Jụ Wę Jesu Kę Onyé Zi E

(Mat 21.23-27; Mak 11.27-33)

¹ Uhụohin ohu, ebe Jesu rị a kuzi, e zi ozioma imẹ Ụlọ-nsọ, ndị-isi nchụ-ejan lę ndị-nkuzi Iwu lę ndị-isi nō puhā, ² sị a, “Gwa ẹnyi, elee ikèn k'i gi e mē ihien ndịnị? Onyé ye i ikenni?” ³ Jesu nō za wę, sị, “Mmē nwẹn jenkọ d'a ju ụnụ ajuju ohu: gwa nị m, ⁴ mirin-Chuku Jọnụ mē, elebe k'o gha bịa? Ọ gha elu-igwee bịa ra ọ gha ẹka ihiän bịa?”

⁵ 'Ya wę nō tüğbamę iroro yen'ę, sị ibe wę, “Kịnị kę ẹnyi jenkọ d'e ku? Ẹnyi sị, ‘O gha elu-igwee bịa,’ o jenkọ d'a sị, ‘Kịnị haịn ụnụ gileni gi ihien Jọnụ ku dọn?’ ⁶ Kanị ẹnyi sị, ‘O gha ẹka ihiän bịa,’ wę jenkọ d'e gi ọmụma magbu ẹnyi makeni wę ile kweri ni Jọnụ wụ onyé-amụma.”

⁷ 'Ya wę nō sị a, “Enyi amarịn ebe ọ gha bịa.”

⁸ 'Ya Jizosị nō sị wę, “Mē nwẹn agwakọ ụnụ onyé ye m ikèn m gi e mē ihien ndịnị.”

Ilu Jesu Gi Ndị Wę Ye Ugbo-vainị Rụn Ta

(Mat 21.33-46; Mak 12.1-12)

⁹ O nō ta nị ndị ile rị ebahụn iluni: “Okennyę ohu rụn ugbo-vainị, 'ya ọ nō we ẹ ye ndị jenkọ d'a rụnn'a e-gbu-e-ke, ọ nō si alị ọzọ d'a nōbie. ¹⁰ Ogęn vainị e ru, 'ya ọ nō zi odibo ohu jenni ndị hụ rị a rụn 'ya wụ ugbo nị wę keye ẹ ihien run'ę; kanị, ndị hụ nō gbu ẹ ili, gba a ẹka la. ¹¹ O nō zịjenzi odibo ọzọ; kalę ndị hụ nōzị gbu ẹ ili, gbe ifenren ye ẹ ihun, gba a ẹka la. ¹² O nō zịjenzi odibo hụn mē wę ẹtọ; wę nō rụdẹ ọhụn ẹhụ, chupụ a. ¹³ 'Ya onyé hụ nwę ugbo-vainị hụ nō sị enwèn ẹ, 'Kịnị kę m'e mē nwan? M jenkọ d'e zi ezi nwa

m, ikenkwo a gbaye wę e!” ¹⁴ Kani, ogēn ndi hụ gi hụn a, wę nō sị ibe wę, ‘Onwan wụ hụn sikọ d'e nwonrin ugboni omegụ, nị enyi gbu e keni ihien nké e ru e eka henrin nke enyi!’ ¹⁵ ‘Ya wę nō gha imē ugbo-vaini hụ dokpupụ a, gbu e.’

Jesu nō sị, “Kini kę onyę hụ nwon ugbo hụ jenkọ d'e mē ndi hụ rị a run ugbo hụ? ¹⁶ O sikọ d'a bịa d'e tikpọ wę, we ugbo hụ ye ndi ozo.”

Ogen wę gi nü ihienni, wę nō sị, “Chuku a ju!”

¹⁷ Kani, Jesu e lee wę, ‘ya o nō sị, “Kị wę den'ę nwan imē Ehuhuọ-nso ni ‘Omumma hụ ndi a tun ulo juto, e henringuo omumma hụn gi ulo.’”

¹⁸ “Omumma hụ jenkọ d'e tikpọ onyę ọwule dankwasị n'a; kani o sikọ d'e gwerien onyę ọwule o dankwasị.”

¹⁹ Ya kę ndi-nkuzi Iwu lę ndi-isı nchụ-ejan nō chọ nị wę nwunrun Jesu ozigbo—makélé a ghötaguo wę nị uwę k'o tuni ilu hụ; kani, egun igunrun ahun aninị wę.

Ajuju Banyeni İkü Ugwọ-isi

(Mat 22.15-22; Mak 12.13-17)

²⁰ ‘Ya wę nō kemē Jesu nke. Wę nō zi ndi wę zi d'e kunrun e, sị wę mē lèkẹ sị wę gi ezioku bịa—keni wę hụn uezø gi ihien o k'e ku kwondon e, w'ę che eka Goyanọ rị a kidon ni ndi Rom. ²¹ Wę nō sị a, “Onyę-nkuzi, enyi a maringhọ nị oku-ọnụ i lę nkuzi i kuru-oto; y'a ra lee ihiyan enya ihun, kama, y'a kuzi uezø Osolobue k'o rjchanrin. ²² Gwa enyi, Iwu enyi e kwerigho nị enyi kụ eze-kanị wụ Siza ugwo-isi ra o kwerini?”

²³ Kani, Jizosị no ghota nị ero kę we gi bịa, o nō sị wę, ²⁴ “Ghosidèle ni m akpuru egho dinariṣi: isi onyę lę ęfan onyę rị a?” Wę nō za, sị, “Nke Siza rọ.”

²⁵ ‘Ya Jesu nō sị wę, “We ni nwan ihien Siza ye Siza; ụnu e we ihien Osolobue ye Osolobue.”

²⁶ Ahunzini wę ihien wę sikọ d'e gi nwundon e id'enya ndi hụ. Oku hụn o shiarị wę a tükemē wę enya, wę nō kpumē ọnụ.

Ajuju Banyeni İgha-onzun-lihi

(Mat 22.23-33; Mak 12.18-27)

²⁷ Ndị hụ ime ndi Itu-Sadusi nō bịa d'e kunrun Jesu. (Ndị Itu-Sadusi kweri ni ndi nwunni ara lihi.) ²⁸ Wę nō jụ a ajuju, sị a, “Onyę-nkuzi, Mozizi de ni enyi ‘ya imē Ekukwọ Iwu, nị: ‘Oméri okennyę a nwunhụn bụ nwunyę e amuni nwa, nwene okennyę hụ nwunni ya lürü nwunyę e, nị wę mudonnı nwene e nwa.’” ²⁹ O nwon nwan umune ikennyę esa. Nke ibuzo a lụ nwunyę, o nwunhụn bụ o munị nwa. ³⁰ Hụn mē e ebụo nō luma okpoho hụ; omegụ, o nō nwunhụn bụ o müzikwoni nwa. ³¹ Ihien ohu hụ mezikwọ hụn mē wę eto lę ndi ozo ile hodunị, d'e ru nị wę esa lugbarị okpoho hụ—a nwunhuncchanrin wę, bụ amuni wę nwa. ³² Omegụ, okpoho nwen nō nwunhụn. ³³ O ru ogēn ndi nwunni e gi lihi, nwunyę onyę kę okpoho hụ jenkọ d'a wụ imē wę ile ebe o mē ni wę esa lugbarị a?”

³⁴ Jesu nō sị wę, “Ndị ogenni sụo a lụ di lę nwunyę, e ye wę a lürü; ³⁵ kani o riko erirà ogēn hụ lalani. Makeni, ndị hụ wę jenkọ d'e weri nị wę furu efuru, hụn wę jenkọ d'a gha onwun weli keni wę bi ogēn hụ a luko di lę nwunyę, eyekọ wę wę lürü. ³⁶ Wę sikọ d'a nō kę ndi mmɔn-ozi; anwunkozi wę. Wę wụ ụmụ Osolobue—makeni wę wụ ndi gha onwun lihi—elezi wę ihiyan-mmaka. ³⁷ O mē nke iweli ndi nwunni, Mozizi lę enwen e e kuguod'a imē Ekukwọ-nso nị wę sikọ d'e weli ndi nwunni. Ebēhụ o nō ku oku akụ-ofia hụ rị e nwun okun bụ o dunnị okun k'o nō ku e, ebēhụ o nō kpọ Di-nwonnı-enyi ‘Chuku Ebrahim lę Chuku Aziki lę Chuku Jekopu’. ³⁸ Osolobue ndi rị ndun k'o wụ, ele nke ndi nwunni, makeni ebe o rị, ihiyan ile rị ndun.”

³⁹ Ndị hụ imē ndi-nkuzi Iwu nō sị, “Onyę-nkuzi, y'a zaguo ọhunma!”

⁴⁰ Egun anizini wę juzi a ajuju.

Nwa Onyę Kę Kraistị Wụ?

(Mat 22.41-46; Mak 12.35-37)

⁴¹ 'Ya Jesu nō sī wē, "Kí hain wē gi e ku ni Kraistí, Onyé Hú Osolobue Tumé, wū nwa Defidi? ⁴² Bü Defidi lē enwén e e kuguo oku imē eħħuħuq Eħbu-ħoma, sī, 'Di-nwɔnni-ħen yi sī Di-nwɔnni-m,
"Nodī ali ħek-a-nni m,
⁴³ d'e ru mgbe m giguū ndī iñenren i
ħenrin ihiēn i gi a zoma ukū."'
⁴⁴ O mē nwan nī Defidi kpø Kraistí 'Di-nwɔnni-m', nanj k'o donzí nwan wurū nwa Defidi?"

Jizosí A Dó Wé Eka-ntjín Banyeni Ndī-nkuzi Iwu

(Mat 23.1-36; Mak 12.38-40)

⁴⁵ Ebēħu iħian ile rī e gon e ntin, Jizosí nō sī umu-azjun a, ⁴⁶ "Kpachanpu nī ħenja ebe ndī-nkuzi Iwu rī: o suq wē nī w'e yi ewuru tueni a ghahunmę; o suq wē nī w'e kelesonmę wē ekele pu-ichēn imē afja lē ebe ndī ozo iħian rišonmę; o suq wē nī wē a nodī isi-oche imē ulo-ofufe lē ebe wē nō e ri oriri. ⁴⁷ W'e rigbu ikpoho di wē nwun, e gi ekpere sueni e kpumē e! Wé jenqo d'a narin afunfūn ka njø."

Isi Nke Ohu-kwasí-ogún

Oyiye Ogbennyye Di E Nwun Ye
(Mak 12.41-44)

¹ Jesu nō lee ħenja, hūn kē ndī īdafin rī e bu oyiye wē e che imē ebēħu w'e buče oyiye imē Ulo-nsø; ² o hunzī ogbennyye mgbeleke ohu di e nwun k'o buče īkobø eħħuq. ³ 'Ya o nō sī, "Ezioku kē m rī a gwa unu nī okpoho ogbennyye-mgbelekeni di e nwun kachanrin wē ile e ye. ⁴ Makeni wē ile għa imē hūn bu odata wē nwē wepħuha, ye-kalē 'ya nwien, kē o mħan ogbennyye, o yechanrin ihiēn ile o nwē o gi bi."

Jizosí E Ku E Nī Wé K'e Tikpø Ulo-nsø Rī Jerusalēm
(Mat 24.1-2; Mak 13.1-2)

⁵ Ndī hū imē umu-azjun a hū e ku oku Ulo-nsø, e ku oku օmumma ndī magbu enwēn wē mma lē oyiye pu-ichēn ndī wē ye Osolobue hūn wē gi cho Ulo-nsø mma. Kanj, Jizosí nō sī wē, ⁶ "O mē nke ihiēn ndīn unu rī a għa-ilee, ogħen lala hūn o gi mieni o nwɔnni kaka obġe օmumma ohu hūn k'a hođu elu ibe e, wē k'e tituchanrin wē ile."

Nsɔngbu Lé Ukpokpo Lalani
(Mat 24.3-14; Mak 13.3-13)

⁷ We nō jū a, sī, "Onyé-nkuzi, elee mgbe kē ihiēn ndīn jenqo d'e gi mē? Kí wū ahjima hūn sikò d'a għosxi nī ihiēn ndīn e d'e mē?"

⁸ Jesu nō sī wē, "Dōnrin ni ħenja makē wē għa e dufie unu. Makeni, ndī bu odata sikò d'e gi əfan m bja, sī, 'Mmē wū Kraistí', a sīżi, 'Ogen hū e rugħo!' Kanj, esonkwolé ni wē. ⁹ Unu nū otiti aghha ichen-ichēn lē otiti ndī rišonmę a luson ndī əkikk, anjkwole ni egħu tū unu. Makeni, uđi ihiēn ndīn jenqo d'e bu үzo mē—kanj ogħuġi-ogħen abjako ozigbo hū."

¹⁰ 'Ya o nozzi sī wē, "Ali lē ali jenqo d'a lu aghha; ali-eze sikò d'a luson ali-eze aghha. ¹¹ Oken ali-omahihie lē unwun lē eje-emu ichen-ichēn e feni sikò d'a rī ebe rī ichen-ichēn. Ihiēndi a tū egħu lē ihiēn ndī a tū ħenja jenqo d'a puha igwera.

¹² Kanj, ihiēn ndīn ile gini d'e mē, wē jenqo d'a nwunrun unu, kpokpo unu; we unu ye wē nī wē kin unu ikpe imē ulo-ofufe ndī Ju ebe rī ichen-ichēn, bu unu che ulo-ngan; wē sikò d'e gi ufiri əfan m we unu jenni ndī nze lē ndī Għovano. ¹³ Qnwan sikò d'a wū oghere unu e gi shia nī m ēri ebe wē rī. ¹⁴ Kwademet ni nwan obi unu nī unu erotoko kē unu a dōn kinrin ənqun unu o gini d'e ru. ¹⁵ Makeni m sikò d'e ye unu amamhiex lē oku-ənqun hūn ndī ikpe unu jenkoleni d'a saekha shħari mōbū papu.

¹⁶ Ndī munji unu lē umunnej unu—ikennyye lē ikpoho—lē ndī nke unu lē ndī əwru unu jenqo d'e redē unu. Wē jenqo d'e għu ndī hū imē unu. ¹⁷ Ize unu jenqo d'e ze iħian ilē makē ufiri əfan m. ¹⁸ Kanj o nwɔnni akpū ntutu ohu rī unu isi hūn jenqo d'a la iwi.

¹⁹ Dikemmet ni ndiddi keni unu hūn үzo nwē nzujopħuha."

*Jesu E Ku È Ni Wé Jénkó D'e Tikpó Obodo Jerusalém
(Mat 24.15-21; Mak 13.14-19)*

²⁰ “Kani, unu hún kẹ ndí-agha fihunmè Jerusalém, unu a marín ni ogen wé jénkó d'e gi tikpó a ariguó nsue. ²¹ Ogen hú, ndí hún rí Judia wé gbarsi elu-ugu ndí rísonmè ebéhú; ndí hún rí imé Jerusalém wé gha imé e pú; ndí ríleni imé e abanye kwóle imé e. ²² Makéni ogen hú sikó d'a wú ogen Osolobue gi e megwari, ogen hún w'e gi mezuchanrin ihien ile wé de imé Èkukwo-nso. ²³ O jénkó d'a fú ndí rí imé le ndí pa nw'eka orùn uhúohin hú. Makéni, okéen nsongbu sikó d'a rí alíni; okéen onúma k'e wé k'e gi són ndíni. ²⁴ Wé jénkó d'e gi opia-agha gbu wé; wé mériguú wé, e duru wé wé nke ndí wé meri, si alí ile rí ichen-ichen. Ndí alí ndí ozó wúleni ndí Ju jénkó d'a gha a zo Jerusalém úkú d'e ru ni ogen alí ndí ozó e zu.”

*Obibia Nwa Nke Ihian
(Mat 24.29-31; Mak 13.24-27)*

²⁵ “Wé jénkó d'a hún ihien-ahíma imé enya-anwún lè ifon le kokishia rí igwere. Imé uwá, alí ichen-ichen jénkó d'a rí imé nsongbu, maké okéen uzún ohimin rí a zun le ebiri o rí a kpo; o sikó d'a gba wé nghari-enya. ²⁶ Ndún sikó d'a gúú ihian make egún ihien jénkó d'e mé uwá ile, makéni ikéen ndí rí igwere jénkó d'e mérhunmè. ²⁷ Ogen hú kẹ wé jénkó d'e gi hún Nwa nke Ihian k'o gi ikéen le ogóhi hi-ogbe lala imé orukpu. ²⁸ Ogen ihien ndíni e gi bidón, turu ni nwán otó, unu e wesi isi elu, makéni ogen wé gi gba púha unu a ríguó nsue!”

*Ihien Jesu Gi Osisí Fígi Kuzí
(Mat 24.32-35; Mak 13.28-31)*

²⁹ 'Ya Jizosí nò tū ni wé ilu: "Lekpó ni osisi figi lè osisi ndí ozó ile: ³⁰ Hún wé gihú fómá ehúhúo, unu lè enwén unu e gi enya unu hún a, gi e marín ni udu-mirin e d'e bidón. ³¹ Èrìrazíkwó, unu hún kẹ ihien ndíni rí e mé, unu a marín ni alí-eze Osolobue a ríguó nsue."

³² “M rí a gwa unu ezioku, ndí rí ogénni agúchanringukó ihien ndíni wé kebe mé. ³³ Elu-igwee lè uwá jénkó d'a ghafe, kani, ihien m ku aghafékó: o k'e mezuriři.”

Kwademé Enwéen I!

³⁴ “Kani, kpachanpú ni enya, amamgbe okéen ehú-ufu, okéen oriri-lé-óríra lè uhue ihien uwani a nyíndan obi unu, uhúohin hú a nwündon unu idumuzi kẹ qyanan. ³⁵ Makéni, uhúohin hú sikó d'e kunrun ihian ile rí elu-uwá. ³⁶ Munrun ni nwán enya ogen ile; e mé ni ekpere ni Osolobue mé unu sa-éka wanahin ihien ndíni ile jénkó d'e méririni, sazikwo éka turu ihun Nwa nke Ihian.”

³⁷ Uhúohin ile kẹ Jesu gi a kuzí imé Ulo-nso, kani qhi gba, o pú, si ugu ahún w'a kpo Oliveti d'a nódí. ³⁸ Uzo ütüntün ile ihian ile hú a bía d'e kunrun e imé Ulo-nso, e gon e ntin.

Isi Nke Ebuo-kwasi-ogun

*E Ri Ni Wé Jesu Ngo
(Mat 26.1-5; Mak 14.1-2; Jon 11.45-53)*

¹ Ogen Mmemmè ahún wé gi e ri Brédi nwónléri yisti o gi a fú hún w'a kpozíkwó Mmemmè-Nghafe gi rumé, ² ndí-isi nchú-ejan lè ndí-nkuzi Iwu hú a cho üzó w'e gi gi nzuzue gbu Jizosí, makéle egún ndí alí rí a tū wé.

*Judasí E Kweri N'ó Sikó D'e Re Jesu
(Mat 26.14-16; Mak 14.10-11)*

³ 'Ya Ekwensú nò banye imé Judasí hún w'a kpo Iskarotú, hún wú onyé ohu imé ümu-azúun mmébúo hú. ⁴ O nò pú, jenmè d'e són ndí-isi nchú-ejan lè ndí-isi ndí-unakpa Ulo-nso ku kẹ o dòn re Jesu ye wé.

⁵ Ogen wé gi nü a, efó nò súo wé ụsuó, wé nò kweri ni wé jénkó d'e ye e ego. ⁶ 'Ya o nò kweri. O nò choma ezigbo efe o jénkó d'e gi we Jesu ye wé ebe ndí bu ọda ríleni.

Oriri-Nghafe

(Eşodosi 12.1-20; 13.3-10; Mat 26.17-25; Mak 14.12-21; Jon 13.21-30)

⁷ Uhuhohin hụ wę gi e bidon Mmemmę wę gi e ri Brędi nwọnleni yisti o gi a fü e ru, uhuhohin ahụn we gi e gbu nwa-ebulu Nghafe, ⁸ Jizosı nō zipu Pita le Jonu, sị wę, “Jenme ni d'a kwademę ihiien nị enyi ri Oriri-Nghafe.”

⁹ Wę nō jụ a sị, “Elebe k'i cho nị enyi nō mémé e?”

¹⁰ O nō sị wę, “Gon ni ntin: ụnu banyekonị imē obodo, okennyę ohu bu ite-mirin jenko d'e kunrun ụnu. Sonn'ę banye ụlo o sikọ d'a banye. ¹¹ Sị nị onye nwọn ụlo hụ, ‘Onye-nkuzi sị i, “Elebe kę mmughe hụ ọbjia a nödi rị, hụn mme le ụmu-azụn m jenko d'a nödi rị ihiien-oriri Nghafe?”’ ¹² O sikọ d'a ghosi ụnu mmughe ohu shianị rị ibe elu, hụn wę kwademegụ ọhụnma-ohụnma; nō nị ebęhụ kwademechanrin ihiien ile.”

¹³ 'Ya wę nō jenme. Wę nō hunchanrin ihiien ile k'o dọn gwa wę, 'ya wę nō kwademę Oriri Nghafe.

Oriri-nsø

¹⁴ Ogen e ru, Jizosı nō weri oche, ndi-ozi hụ pü-ichẹn nō son e nodisomme ali—nị wę ri Oriri hụ. ¹⁵ Jizosı nō sị wę, “A chokenmekę m nị mme le ụnu ri Oriri-Nghafeni m gini d'a ta afunfun! ¹⁶ Makeni, m rị a gwa ụnu, erikozị m'a d'e ru mgbe ihiien wę gi e ku jenko d'e gi mezu imē Ali-eze Osolobue.”

¹⁷ Ya o no weri mkpu, o yeguụ Osolobue ekele, o no sị, “Weri ni ọnwan keri. ¹⁸ M rị a gwa ụnu nị arakozị m manya vajinị d'e ru mgbe Ali-eze Osolobue bịa.”

¹⁹ 'Ya o no weri ogbe-brędi, ye Osolobue ekele, bebe e, we e ye we, si, “Onwan wụ ehiu m, hụn wę rị e gi ufiri ụnu e ye. E mē ni ọnwan e gi a nyanhan m.” ²⁰ Erira k'o donzikwo weri mkpu hụ ye wę, ogen wę gi riguụ, si, “Mkpuni wụ nkwerigbama ọhụn hụ Osolobue tumę, hụn wę gi ędeke m biye ęka—ędeke m wę gi ufiri ụnu gbapụ.”

²¹ “Ka lee n'e, mme le onye jenko d'e re m rị ebeni e ri ihiien-oriri! ²² Nwa nke Ihiian sikọ d'a nwụn kę Osolobue dọn ku, kanị nsongbu rị nị onye hụ jenko d'e ren'e!”

²³ 'Ya wę nō juma ibe wę kę onye imē wę jenko d'e mē ihienni.

Onye Kachanrin?

²⁴ Ndị-ozi ahụn pü-ichẹn nō domazikwo ndondó imē igunrun wę onye wę sikọ d'e weri ni 'ya kachanrin imē wę ile. ²⁵ Jizosı nō sị wę, “Ndị-nze ụwa a kị ndị wę rị a kị rikę sị uwę nwę wę; ndị rị a kini a za ‘Omę-ogho!’ ²⁶ Kanị, emekwole ni ेrira. Kama, onye kachanrinni imē ụnu 'ya nō kę onye kachanrin nwata; onye-ndu 'ya nō kę odibo.

²⁷ Eghee, onye kade ibe e? Onye hụn nödi ali e ri ihiien-oriri ra onye hụn rị e buhę ihiien-oriri, e jen ozi rịn'a? Ele onye hụn nödi ali e ri ihiien-oriri ka? Kanị, m rị nwan imē igunrun ụnu lękẹ onye e jen ozi.”

²⁸ “K'osileri, ụnu wụ ndị son m nödi imē nsongbu ile wę gi lele m, ụnu anatoni m: ²⁹ m rị nwan e ye ụnu Ali-eze a kị—nökę kę Nedị m dọn ye m, ³⁰ keni ụnu hụn ụzo son m rị, son m ra imē Ali-eze m; ụnu sikọ d'a nodisomme enu ukpo-eze, e kin ikpun-ụlo mmębụo rị Izrelü ikpe.”

Jizos' E Ku E Nị Pita Jenko D'a Ghori N'ọ Marın A

(Mat 26.31-35; Mak 14.27-31; Jon 13.36-38)

³¹ “Saimonu, Saimonu! Gon ntin! Ekwensu a siguụ Osolobue nị a lele ụnu ile, keni o yo ụnu kę wę dọn a yo ọka. ³² Kanị, e megwu nị m'i ekpere Saimonu, amamgbe okukwe i a dan. Ogen y'e gi gbehutogụ obi kinhen azụn, y'a gba umunę i umę.”

³³ Kanị, Pita no sị, “Di-nwọnni-enyi, a kwademegụo m nị m jenko d'e son i jen ngan, sondę i nwụnhụn!”

³⁴ Jizosı nō sị a, “Pita, m rị a gwa i, ọkpa gini d'a kwan ukinkin tannị, i sikọ d'a ghori mgbe eto nị y'a marın m.”

³⁵ Ya Jesu no jụ ụmụ-azụn a ajụjụ, sị, “Ogen hụ m gi zipụ ụnụ, sị ụnụ ewerile egho mọbụ buru erekpa mọbụ akpukpọ-ụkụ, o nwonghọ ihien kọn ụnụ?” Wę no sị a, “Mba, o nwonni.”

³⁶ Jesu no sị wę, “Ujeni, onyé nwon egho ya weri ẹ nwan; onyé nwé erekpa ya buruzikwo a. Onyé nwonleni opia-agha 'ya re ewuru o yiye elu ẹ, gi ẹ nonrin opia-agha. ³⁷ Makeni, m rị a gwa ụnụ nị ihien ahụn Ekkwó-nsø ku, nị

‘Wę jenkö d'a gun a yeni ndị a dan iwu’ jenkö d'e mezuriri ebe m rị.

Ezie, ihien wę de imẹ Ekkwó-nsø banyeni m hụ e mezu.”

Umụ-azụn a no sị a, “Di-nwonni-enyi, lee ẹ, opia-agha ebwo rị ebeni!”

³⁸ ‘Ya o no sị wę “Ohun e higwo.”

Jesu A Nọ Elu Ugu Olivu Mè Ekperere (Mat 26.36-46; Mak 14.32-42)

³⁹ Jesu no gha imẹ obodo hụ pụ, jenmę elu Ugu Olivu k'o dọn e mè mbụ, umụ-azụn a no sonmę ẹ. ⁴⁰ Ogen o gi ru ebahụn, o no sị wę, “Mè ni ekpere makę ụnụ gha a danban imẹ onwunwan.”

⁴¹ ‘Ya o no jenshi ihun erekere, ihien rikę ebe mburu e ru wę ma a, gbu osekpu, mè ekpere, ⁴² sị, “Baba, omeni y'a chogho, napụ m mkpu afunfunni; kanị, uche i 'ya mè, ele nke m.” ⁴³ Ya mmón-ozi no gha elu-igwee d'e kunrun ẹ, yeche n'ę iken. ⁴⁴ Makeni o rị imẹ okęn ụfụ, o mèkènmè ekpere karị k'o mè mbụ; obanje ẹ no ke edeke rị a tatuni.

⁴⁵ Ogen o gi gha ebahụn o rị alị e mè ekpere lihi ọtọ, o no bịa d'e kunrun umụ-azụn a; o no hụn nị wę rị ụran, makeni ehụ rọ wę wę gi kwan erekwan. ⁴⁶ ‘Ya o no sị wę, “Kị ụnụ rị a ranhinni? Lihi ni ọtọ mè ekpere makę ụnụ gha a danban imẹ onwunwan.”

E We Wę Jizosị Ye Wę, A Nwunrun W'a (Mat 26.47-56; Mak 14.43-50; Jon 18.3-16)

⁴⁷ Ebe Jizosị rikwọ e ku oku, idenmizi, igunrun ihiyan no bịa. Onyé hụ w'a kpọ Judasi, onyé ohu imẹ ndị-ozi pụ-ichén mmebụ hụ, duhé wę. O no jenburu Jizosị d'e su ę ọnụ.

⁴⁸ Kanị Jizosị no sị a, “Judasi, isu-ọnụ k'i gi e re Nwa nke Ihiyan?”

⁴⁹ Ogen umụ-azụn ndị wę le Jesu wị gi hụn ihien jenkö d'e mèni, wę no sị Jesu, “Di-nwonni-enyi, nị enyi gi opia-agha enyi lụ ọgụn?!?” ⁵⁰ Onyé ohu imẹ wę no banpụ odibo onyé-isi nchụ-ejan ntịn eka-ihien.

⁵¹ Jesu no sị wę, “Kusị nị ihienni!” ‘Ya o no metụ okennyę hụ eka ntịn, zuo a.

⁵² Ya Jizosị no sị ndị-isi nchụ-ejan le ndị-isi ndị-unakpa Ulo-nsø le ndị-isi-hụn wę ile gba bịa ebéhụ d'a nwunrun a, “Kị ụnụ buheni opia-agha le egbe, rikę sị m wụ onyé-ohin?

⁵³ Ogen ahụn mme le ụnụ gba a rị imẹ Ulo-nsø ụhuhin ile, ụnụ anwunni m. Kanị hụnni wụ ogem ụnụ le ogem ikèn ishi gi a kị!”

Pita a Ghori N'o Marin Jizosị (Mat 26.57-58, 69-75; Mak 14.53-54, 67-72; Jon 18.12-18, 25-27)

⁵⁴ ‘Ya wę no nwunrun Jesu, duru e jenmę, w'ę si iwe onyé-isi nchụ-ejan. Kanị Pita sònko a azụn—bu egbata wę e teyeghözị. ⁵⁵ Ogen ndị rị ebéhụ gi fiye ọkụn ahanmahan ezi-ogwa onyé-isi nchụ-ejan hụ, nōhụnmę ọkụn ahụn, Pita no nödiyen i. ⁵⁶ Ogen nwa-agbọ ohu hụn wụ odibo gi gi ọkụn ahụn wę fiye legha Pita k'o nödi ebahụn a nyan ọkụn, o bu ẹnya tuma a, o no sị, “Okennyen i le Jizosị te wizikwo!”

⁵⁷ Kanị Pita no ghori, sị, “Okpoho, amarin m'a!”

⁵⁸ O tebe, onyé ozọ a hụn Pita, o no sị a, “I wuzị onyé ohu imẹ wę!” Pita no sị a, “Di-enyi, ele mme!”

⁵⁹ Ihien no ke mgbahunmę ọkụlökü a ghafegụ, onyé ozọ nozị sị, “Irụ-uka arị a, okennyen i le Jesu wị, makeni onyé Galili k'o wụ!”

⁶⁰ Pita no sị a, “Di-enyi, amarin m ihien i rị e ku!”

Kę Pita dọn rị e ku okuni, ọkpa no kwan.

⁶¹ 'Ya Di-nwɔnni-enyi nō gbehutø, bu enya zinmè Pita. Pita nō nyangan oku Di-nwɔnni-enyi gwa a, k'o don sì a, "Okpa gini d'a kwan ukinkin tanni, i k'a ghori mgbe eto ni y'a marin m." ⁶² Pita nō pü d'a kwan ezigbo ekwan.

E Gbu wę Jizos' Ili, Kpa A Ye Emu

(Mat 26.67-68; Mak 14.65)

⁶³ Ikennyę ndi hụ gi Jesu e che e nche nō kpama a e ye emu, e gbu e ili. ⁶⁴ E kənkin we e enya, a jụ a, a sì, "Bu nwan amuma! Onye imē enyi fian i ihien?!" ⁶⁵ Wę nō kusonmęzi ihien ndi ozø bu odata, e gi e a kpari e.

E Weri Wę Jizosi Si Ogwa Ndị-isı Nkikwama

(Mat 26.59-66; Mak 14.55-64; Jon 18.19-24)

⁶⁶ Ogen eki gi fon, Ndị-isı ile nō zu ogwa—ke ndi-isı nchü-ejan ke ndi-nkuzi Iwu. 'Ya we nō duru Jizosi, duhé e Ogwa Ndị-isı nkikwama ahun zuni. ⁶⁷ Ndị-isı nkikwama ahun nō sì a, "Omęni 'yụ wụ Kraisti, Onye Hụ Osolobue Tumé, gwa enyi?" O nō sì we, "M gwa unu, unu e kwerikö; ⁶⁸ m jụ unu ajuju, unu azako. ⁶⁹ Kanji, gha kikeni jenmè, Nwa nke Ihian jenkö d'a nödị alı eka-nni Chuku, Onye nwę iken ile." ⁷⁰ Wę ile nō sì, "Iyu wụ nwan Nwa Osolobue?"

O nō sì we, "Ya ke unu rị e ku ni ya ke m wụ."

⁷¹ Wę nō sì, "Ki enyi rị a chozi ni ọsheri! Enyi e giguo ntin enyi nü ihien o ku!"

Isi Nke Etı-kwası-ogun

E We Wę Jizosi Jennis Govano Wụ Paileti

(Mat 27.1-2, 11-14; Mak 15.1-5; Jon 18.28-38)

¹ 'Ya Ndị-isı Nkikwama hụ ile nō lihi ọtọ, weri Jizosi jennis Paileti, hụn wụ Govano rị a kideon ni ndi Rom. ² Ebéhụ ke we nō kinmè, sì, "Enyi nwündon okennyen i k'o rị e dufie ndi alı enyi, a sì we akuzilé eze-kanji wụ Siza ugwo-isi. O sizikwọ ni 'ya le enwen e wụ Kraisti, Onye Hụ Osolobue Tumé, 'ya wụ ni ọ wụ eze."

³ Paileti nō jụ Jesu, sì, "Iyu wụ eze ndi Ju?"

O nō sì a, "Y'e kuguo a."

⁴ Ya Paileti nō sì ndi-isı nchü-ejan le igunrun hụ, "Ahunnị m ihien m'e gi ma okennyen ikpe."

⁵ Kanji, we hukwọ e ku e, a sì, "O gi nkuzi e e buheni ndi ile rị imē Judia isusu. Imē Galili k'o gha bidon, o ruguo nwan ebeni."

Paileti A Sì Wę We Jesu Jennis Herodu

⁶ Ogen Paileti gi nü ihieni, o nō jụ we ke okennyę hụ wụ onye Galili. ⁷ Ogen o gi marin ni azụnni Herodu rị a k'i k'o gha bịa, 'ya o nō zi e jennis Herodu, hụn rịzi imē Jerusalém ogen hụ. ⁸ Ogen Herodu gi hụn Jesu, efo nō suq a usuq odata-oda, makeni o teke o choma n'o hụn a. Makeni, o nüguo otiti e, a tu enya n'o sikö d'a hụn a ebe o rị a run orun-atumanya. ⁹ 'Ya o nō jusonmè Jizosi ajuju bu odata, kale Jizos' a shiarin'a ihien owitz. ¹⁰ Ndị-isı nchü-ejan le ndi-nkuzi Iwu turuhukwọ ebahun e kukeñmè eje-ihien bu odata we si ni 'ya k'o me.

¹¹ Herodu le ndi-agha a nozị me Jesu rikę onye-eti, kpa a ye emu. 'Ya Herodu nō yime e ekwa ma mma, zikin ni Paileti ya. ¹² Uhuhohin hụ ke Herodu le Paileti henrin owitz; we te wụ enenren mbu.

E Węhe Wę Jizosi Ebe Ihian Ile Rị

¹³ Paileti nō kpogbama ndi-isı nchü-ejan le ndi-isı le ndi alı hụ ile, ¹⁴ sì we, "Unu wehe ni m okennyen; unu sì n'o rị e dufie ndi alini. E leleguo m'a nwan id'enya unu; ahunnị m eje-ihien ndi hụ unu sì ni 'ya k'o me. ¹⁵ Herodu le enwen e ahunzıkwonị eje-ihien owitz o me, 'ya k'o gi zikinhé ni enyi 'ya azuun. Lee ni enya, o nwɔnni ihien okennyen me hụn we gi gbu e. ¹⁶ 'Ya wụ, m jenkö d'a sì we fian a mkpiinsin, a hatu m'e n'o lama."

¹⁷ (Ogen Mmemmè-Nghafe owitz Paileti k'e wepuhariri ni we onye-ngan ohu.)

¹⁸ Kanị ığunrun hụ ile nọ yimẹ oro, a sị, “Wepụ onyenı! Gbu e! Wepụha nị enyi Barabası!” ¹⁹ (Barabasını wụ okennyye ohu wę buche imẹ ulongan makę ufiri isusu mę imę obodo hụ lę ochụ o gbu.)

²⁰ Makeni Paileti te chọ n'ọ hapụ Jizosị ye, o nọ gwamazị ığunrun hụ oku. ²¹ Kanị wę ile hukwo e yi oro, a sị, “Kpogbu e! Kpogbu e!”

²² Paileti nọ gwazi ndị ahụn oku hụn mę mgbe eto, sị, “Kị hain? Elee eje-ihiien k'o mę? Ahunnị m ihiien ọwule o mę hụn wę e gi gbu e! 'Ya wụ, m jenkö nwan d'a fian a mkpiñsnin, hatu e ye.”

A Ma Wę Jesu Ikpe-ọnwụn

(Mat 27.15-26; Mak 15.6-15; Jon 18.39-19.16)

²³ Kanị wę hukwo e yi oro, a gwakenme e 'ya kpogbu Jizosị. Oro wę nọ kari eka; nke wę nọ bụn. ²⁴ 'Ya Paileti nọ ma Jizosị ikpe hụ wę chọ n'ọ ma a. ²⁵ O nọ hatu onyę hụ wę chọ—onyę hụn wę gi ufiri isusu lę igbu-ochụ buche imę ngan.

O nọ we Jizosị ye wę kpogbu—nokę kę ndị hụ dọn chọ.

E Duru Wę Jesu D'a Kpogbu Elu Obe

(Mat 27.32-44; Mak 15.21-32; Jon 19.17-27)

²⁶ Ebe ndi-agha dukọ a, wę nọ hụn okennyye ohu w'a kpọ Saimonu, onyę obodo Saırını, hụn gha ali-ofia lala imę obodo. Wę nọ kwondon e, bu obe hụ kwasi a uvun, sị a buru e sonmę Jesu.

²⁷ Igunrun ihiyan hụ e son Jizosị, wę lę ikpoho ndị rị a kwan nị Jizosị ekwan, e ti eka obi, e gon'e. ²⁸ Jesu nọ gbehutu, sị wę, “Ikpoho Jerusaləm! Akwanlę ni ni m ekwan, ka kwanmanị nị enwèn ụnu lę umu ụnu. ²⁹ Makeni ogen zeni lalariri, hụn wę e gi sị, ‘Ndị-agha lę ikpoho mütuleni nwa lę ndị yetuleni nwa əran e nwékə isi-oma.’ ³⁰ Ogen hụ ihiyan jenkö d'a gha a sị ugu, ‘Dankwasị enyi ndo-o!’, a sị oke, ‘Kpumē enyi ndo-o!’ ³¹ Makeni, o mę nwan nị wę rị e mę ihienni ogen osisi gi rị ndun, kini k'e mę o kpogu nkun?”

A Gün W'a Yeni Ndị Njọ

(Azaya 53.12)

³² O nwọn ikennyye ębụo ọzọ hụn wę duru wę lę Jesu d'a kpogbu—kanị ndịnị mę eje-ihiien.

A Kpoma Wę Jesu Elu Obe

³³ Ogen wę gi ru ebęhụ w'a kpọ “Okpokom'isi”, wę nọ nọ ebęhụ kpoma Jesu elu obe, iya lę ndị hụ mę eje-ihiien—onyę ohu azuṇu eka-nni e, hụn-ebọ azuṇu eka-ekpen e.

³⁴ Jesu nọ sị, “Baba, gbaghari wę, makélé amarin wę ihiien wę rị e mę.”

Wę nọ tu-nkpọ, gi e keri ekwa a.

³⁵ Igunrun ihiyan turu ebęhụ, e lee ile; kanị, ndị-isi ndị Ju hụ a kpa a e ye emu, a sị, “O zuo ndị ọzọ. 'Ya zuo nwan enwèn e nü—mbụni iya wụ Kraistị Osolobue, Onyę Hụ Osolobue Tumę, Onyę Hụ o hɔri!”

³⁶ Ndị-agha huzi a kpa a e ye emu: a bịa wę d'e kunrun e, ye e manya rụ-uka, ³⁷ sị a, “Omenni iyụ wụ Eze ndị Ju, zụopuha enwèn i!”

³⁸ O nwézikwo ihiien wę deye elu obe hụ. Ihiien wę de wụ, “Onwan wụ Eze ndị Ju.”

³⁹ Onyę ohu imę ndị hụ mę eje-ihiien hụn wę kpoma elu obe nọ kparime e, a sị a, “Elez'yu wụ Kraistị, Onyę Hụ Osolobue Tumę? Zụopuha nwan enwèn i, y'a zụopuhazikwo enyi!”

⁴⁰ Hụn ębọ nọ jugbọ hụn ku ihienni, sị, “Y'a ra tudem egun Osolobue—ebe o mę ni ikpe ohu kę wę ma 'yụ lę iya? ⁴¹ Ikpe wę ma enyi nwèn furu efuru, makeni ihiien enyi chọ kę enyi rị a hụn; kanị o nwònni ihiien okennyyeni mę.” ⁴² 'Ya o nọ sị Jesu, “Jizosị, ogen y'e gi bịa rikę Eze, dodo nyanhankwo m-o!”

⁴³ Jesu nọ sị a, “M rị a gwa i ezioku, tanni, i sikọ d'e son m nödị imę Ali Izu-iken wụ Paradaisi.”

Onwụn Jizosi

(Mat 27.45-56; Mak 15.33-41; Jon 19.28-30)

⁴⁴ Ihien nöké ɔkùlòkù mmèbùo efinnai, ogèn hù enya-anwùn gi a rị isi, ɔhịhi nọ gbachanrin alí hù ile d'e ru ɔkùlòkù etɔ efinnai, ⁴⁵ makèni anwùn amuzinì. Ekwa wé gi gbònbeþ Ebèhu-kachanrin-nsò imè Ulo-nsò nọ bawapù ebùo*. ⁴⁶ Ya Jesu nọ gi okèn olu yi oro, sì, "Baba, e bu m mmɔn m che i èka!" O kugụ ihienni, o nọ kwonbepù, nwùnhun.

⁴⁷ Ogèn onyè-isi agha hù hún kí ndí-agha kpògbun'è gi hún ihien mèni, o nọ ja Osolobue mma, sì, "Ezioku-ezioku, èka okènnyyeni rị ɔchan!" ⁴⁸ Ogèn ndí hù ile gbakikomé ebahùn e lee ilee gi hụngụ ihien mèni, wé nọ tiri èka obi lama. ⁴⁹ Ndí ile marìn Jesu ɔhùnma lè ikpoho ndí hù gha Galili sònhen e nòtezi ekere, e lee ihien ndí rị e mèni.

Olili Jizosi

(Mat 27.57-61; Mak 15.42-47; Jon 19.38-42)

⁵⁰ Ogèn hù, o nwòn okènnyye ohu ẹfan a wù Josefù, hún gha obodo Arimatia rị Judia bia. O wù ezigbo ihiyan lè onyè e bi obibi rị ɔchan. O rị e che ɔbìbia Ali-eze Osolobue.

O wù onyè ohu imè Ndí-isi Nkìkwama—⁵¹ kanì, o kweyeni ni wé imè ihien wé ku lè ihien wé mé Jesu.

⁵² O nọ jen d'e kunrun Paileti, sì a buye ẹ ehù Jizosi. ⁵³ 'Ya o nọ gha elu obe butu ẹ, gi erekwa liné kwama a, bu ẹ che imè ili wé liyetuleni ihiyan hún wé gu ríkè okporo ye imè ɔmúma zenì. ⁵⁴ Uhùohin Nkwademé rọ (Uhùohin Frajde), hún wé gi a kwademé Uhùohin Izu-ikèn, bụ o rumeguo enyasi hún Uhùohin Izu-ikèn gi e bidon.

⁵⁵ Ikpoho ndí hù gha Galili sònhen Jizosi nọ sònme Josefù, wé nọ hún ili hù, húnzì kẹ wé dòn dònme ehù Jizosi. ⁵⁶ Ya wé nọ lama d'a kwademé ihien ndí e shin ɔhùnma lè udèn wé jenkö d'e gi te ehù hù.

O ru Uhùohin Izu-ikèn, wé nọ zu ikèn—makèni eríra kẹ Iwu ku.

Isi Nke Enɔ-kwasi-ogun**Jesu A Gha Onwụn Lihi**

(Mat 28.1-10; Mak 16.1-8; Jon 20.1-10)

¹ Kanì, uzo-ütuntùn biribiri uhùohin ibuzo imè izu-uka (hún wù nwan uhùohin Sònde), ikpoho ndí hù nò weri ihien ndí ahùn e shin ɔhùnma wé kwademegù, jenmè ili hù. ² Wé nọ hún a nị e nupuguo wé ɔmúma wé gi nukin ọnụ ili hù. ³ 'Ya wé nọ banye imè ẹ; kale ahùnni wé ehù Di-nwònnyi-enyi wù Jesu. ⁴ O nọ gba wé nghari-enya. Kẹ wé dòn rị e ro ẹ, idènmizi ikènnyye ebùo yi erekwa rị e be nwanran-nwanran nọ wuzoye ni wé. ⁵ Okèn egun nọ tuma wé, 'ya wé nọ bu ihun kóma alí. Ikènnyye ndí hù nọ sì wé, "Kí hajin ụnụ gi a cho onyè rị ndùn ebe ndí nwònnyi rị? ⁶ O rízì ebeni; o ghaguo onwụn lihi. Nyanhan nị ihien o gwa ụnụ ogèn o gi rị Galili: nị, ⁷ 'Wé jenkö d'e bu mmè wù Nwa nke Ihiyan che èka ndí njo, a kpogbu wé m; kanì hún m'ẹ akp'ohin etò, m k'a gha onwụn lihi.'

⁸ Ya ikpoho ndí hù nò nyanhan ihien Jesu ku, ⁹ a gha wé ili ahùn lụa, wé nọ gwa madụ mmanai hù lè ndí ozò ile hòdunị. ¹⁰ Ikpoho ndí hù wù Meri onyè Mag'dala lè Juana lè Meri nné Jemisi; uwé lè ikpoho ndí ozò wé ile wí gba gwa ndí-ozì hù pü-ichèn ihien ndíni. ¹¹ Kanì, ndí-ozì hù pü-ichèn egini ẹ dòn makèni ihien wé rị e ku rị wé hù kẹ oku nwònleni isi.

¹² Kanì Pita nọ lihi ọtọ, gbasi ili ahùn; o hulùa alí, nyonye, 'ya o nọ hún erekwa liné hù wé te gi kwama Jesu, kanì o nwònzi ihien ozò o hún. O nọ pü, e ro ihien mèni.

Umụ-azụn A Jenkö Emausụ A Hún Jesu K'o Ghaguu Onwụn Lihi

(Mak 16.12-13; Luk 24.44-47; Jon 5.39, 45-47)

¹³ Uhùohin ohu ahùn zì, umụ-azụn Jesu ebùo jenkö obodo ohu mè ekere w'a kpo Emausụ. (Gha Jerusalém d'e ru Emausụ wù ihien rị kẹ maili esa.) ¹⁴ Wé hù e ku oku ihien ndí hù ile mèni. ¹⁵ Kẹ wé rị e ku, e shi inyenren, 'ya Jizosi lè enwen ẹ nọ nochime wé, sòn

* Isi Nke Etɔ-kwasi-ogun:45 Èsòdòsi 26.31-33

wé jensonmę; ¹⁶ kani anini wé wé koma a enya. ¹⁷ Ya Jizosi nō sī wé, “Elee inyenren kē unu shikō ihienni ile jenko?”

Wé no biwuzo, ronmę ihun. ¹⁸ 'Ya onyé ohu imē wé w'a kpó Klopasi nō sī a, “O nökē sī 'yu suq wu onyé obia ri imē Jerusalém hūn marınləni ihién ndi mē ebahun kete uhuohinni?”

¹⁹ Jesu nō sī, “Kí me?”

Wé no sī a, “Ihién ndi għażiari Jesu onyé Nazareti: Okennyeni gi orun a le oku-onu a ghosichanrin n'o wu oken onyé-amumma ri mkpa—kē ebe Osolobue ri kē ebe iħian ri—²⁰ lezi kē ndi-isi nchuk-ejan le ndi-isi enyi don we e ye wé ni wé ma a ikpe-önün; 'ya wé nō ma a ikpe-önün, kpogbu e; ²¹ kani enyi te nwon olile-enya ni iya wu onyé hūn jenko d'a għapuha Izrelu!”

“Egħeġe, wezukadé ihién ndinj ile, őnwan mē e nwan akpu-uhuohin eto ihién ndinj mē. ²² Ozozo, ikpoho ndi hū imē ndi itu enyi mē ihién tu enyi enya; wé jen ili e uzo-utuntun tannij, ²³ kani ahunnji wé ħeġa a. Wé no kinhen d'a gwa enyi ni a hunguod wé oħun ebe ndi mmor-ozi puha d'a gwa wé ni o hū ndu. ²⁴ Ndī hū imē ndi enyi le wé wi e jenguozi ili hū, wé no hunzikkwō a ni o rieħanrin kē ikpoho ndi hū don ku; kani ahunnji wé 'ya le enwen e.”

²⁵ 'Ya Jizosi nō sī wé, “Euu! Ӯnu e zuzuke; o fuka Ӯnu orun ikweri ihién ile ndi-amumma ku imē Ekukwō-nsø! ²⁶ Ekuni w'ē ni Mezaya jenko d'a tagħu afuñfun ndinj o kebe banye oħro a?” ²⁷ 'Ya Jizosi nō għa ihién Mozizi de imē Ekukwō-nsø d'e ru ihién ndi-amumma ile de kowachanrin ni wé ihién ile Ekukwō-nsø ku banyeni 'ya le enwen e.

²⁸ Hūn wé gi rumu eħiġi obodo hū wé jenko, Jizosi nō mē rikē sī o k'e jengħafe; ²⁹ wé nō rjokem mē e, sī a, “Du enyi nodi ndo-o, ni oħi a għamagħu, uhuohin tannij a għumagħu ma.” 'Ya o nō banye d'e son wé nodi.

³⁰ Ogen o gi nodi alii n'o son wé ri ihién-oriri, o nō weri briedi, gozi e; o nō bebe e, we e ye wé. ³¹ Ebēħu kē enya wé no shiāpu, wé no marin ni iya ro. 'Ya o nō fori, ahunzini w'a!

³² Wé no sī ibe wé, “Ogen o gi a gwa enyi oku uzo le ogen o gi ri a kowa ni enyi Eħuħuohinso, eħe o nō kē sī okun ri imē obi enyi a dün?”

³³ Wé no lihi qto ozigbo ahun, kin-azjun si Jerusalém; wé no hūn umu-azjun mmanai hū le ndi ozo wé le wé wi kē wé gbakkom; ³⁴ wé ile gbakkomeni hū a sī, “Ezioku ro! Di-nwonnienyi e liħiġu, Sajmonu a hungu oħra!”

³⁵ Wé ebubu nō nwan gwa wé ihién mē uzo, gwazikkwō wé kē wé don għoħa ni Di-nwonnienyi ro ogen o gi bebe briedi.

Umú-azjun Jesu A Hūn Jesu K'o Ghagħu Onwun Lihi
(Mat 28.16-20; Mak 16.14-18; Jon 20.19-23; Orun Ndi-Ozi 1.6-8)

³⁶ Ebe mmadu ebu hū ri a gwa wé ihienni, Jizosi l-eenwen e no nwopuha idemizi, turu etintinnai wé. O nō sī wé, “Udōn 'ya ri ni ӯnu.”

³⁷ Wé ile no jusohi, ezigħi egħu nō tumu wé; wé hū e ro n'a hūn wé onyé-mmor. ³⁸ 'Ya o nō sī wé, “Kí haġi egħu gi a tħu ӯnu? Kí haġi ӯnu gi e nwex obi-ebu? ³⁹ Lee ni eka m; lee ni ukku m: Mmexx ro! Mietu ni m eka ni ӯnu hūn a ni mmexx ro; onyé-mmor ara nwex uru le okpukpu kē ӯnu don hūn ni e nwongħo m.”

⁴⁰ O kugħu ihienni, o nō għosxi wé eka a ebu le oku a ebu. ⁴¹ Ebe omeni ekwerikwoni wé—makelel o tħu wé enya leni iħiġi jun wé obi—ya Jesu nō sī wé, “Ӯnu e nwex ihién owlé w'e ri eri ebeni?” ⁴² Wé no ye e mkkipki azun wé shi, ⁴³ o nō narin wé iya, ri e id'enya wé.

⁴⁴ Ya o nō sī wé, “Ihién ndinj kē m gwa ӯnu ogen mmexx ni ӯnu gi ri; ni ihién ile wé de banyeni m imē Iwu Mozizi le imē ihién ndi-amumma de le imē Ebu-ħoma jenko d'e mezuchanrinriji.”

⁴⁵ 'Ya o nō kpupu uche wé keni wé sa-ekka għoġa Ekukwō-nsø, ⁴⁶ sī wé, “Onwan wu ihién wé de: ni Kraist, Onyé Hū Osolobue Tum, sikò d'a ta afuñfun, nwunħu, nke akpu-uhuohin eto o għa őnwx lihi; ⁴⁷ ni wé jenko d'e gi ęfan a zi ndi alii ile ozi nroghar i-leħiġi mgħażżejjha njo—ni Jerusalém kē wé jenko d'a għa bidon.

⁴⁸ Ụnụ wụ ọshere ihiẹn ndịnị ile hụn meye ụnụ enya. ⁴⁹ Lee n'ę, m jenkọ nwan d'e zihe ni ụnụ Mmọn-nsọ ahụn Nedi m kwe nkwa a. Ka cherikwọ ni imę obodo ebeni d'e ru ogen wę yimegụụ ụnụ ikèn hụ gha Elu-igwee bịa.”

Jizosị E Si Elu-igwee

(Mat 28.19-20; Ọrụn Ndi-Ozi 1.9-11)

⁵⁰ O nọ duru wę gha imę obodo hụ pụha, duru wę rukwori Bętanị; e ru wę ebéhụ, o nọ kishi ęka enu, gozi wę. ⁵¹ Ogen o gi rị a gozi wę, 'ya o nọ gha imę igunrun wę pụ, e wę w'ę shi elu-igwee. ⁵² 'Ya wę nọ fe e.

Wę nọ gi okęn ighoghọ lakin Jerusalem. ⁵³ Wę hụ a nọ imę Ụlọ-nsọ ogen ile, a ja Osolobue mma.

Ozioma Jizos' Kraisti Nokę Ke
 Jönü
 Dön De E

Jesu Wụ Oku Osolobue

¹ Ogèn mbidon, oku hụ rị arị; Oku hụ lẹ Osolobue rị; Oku hụ wụ Osolobue. ² Oku ahụn lẹ Osolobue rị ogèn mbidon. ³ Osolobue ke ihien ile rịni ghahan'a; o nwɔnni ihien Osolobue ke hụn o keleni ghahan'a. ⁴ Ime e kẹ ndun rị; ndun hụ wụ ukpe ihiyan ile. ⁵ Ukpe hụ e nwun imē ishi, kanị ishi, mkpokikị, a s'eka tinyun a mọbụ ghoha a.

⁶ O nwọn okennye ohu Osolobue zihé; ẹfan a wụ Jönü. ⁷ O bịa d'a shia eri banyeni ukpe hụ, keni ihiyan ile nụ eri e, kweri. ⁸ Elẹ 'ya wụ ukpe hụ, kalẹ o bịa d'a shia eri banyeni ukpe hụ. ⁹ Onyé hụ wụ Ezigbo Ukpe hụ hụn e ye ihiyan ile ukpe lala imē ụwa ogèn ahụn.

¹⁰ Osolobue ke ụwa ghahan'a, kanị ụwa amarinn'a ogèn o gi bịa. ¹¹ O bịa d'e kunrun ndị nke e, kanị ndị nke e anabanhan'n'a. ¹² Kanị, ndị ile hụn nabanhān n'a, ndị ile hụn kwerini n'e, o ye wẹ ik'en ni wẹ wuru ụmụ Osolobue: ¹³ elẹ ihiyan mụ wẹ; egini wẹ uche ihiyan mụ wẹ, o nwɔnni okennye ọwụlę han wẹ mụ wẹ, kama, Osolobue mụ wẹ.

¹⁴ Oku hụ nọ hēnrin ihiyan, o nọ sòn ẹnyi biri elu-ụwa. Efoma lẹ ezioku jun imē e! Ẹnyi a hụnolę oghọ a, oghọ akpụ Nwa ohu Chuku-Nędzi mụ.

¹⁵ Jönü ku banyen'e, yi oro sị, "Onwan wụ onyé hụn m rị e ku ogèn m gi sị, 'Onyé hụn lalanị m mémegụụ ka m, makélé o rị a rị nị wẹ d'a mụ m.'"

¹⁶ Maké ihien ahụn jun imē e, ẹnyi hụ e nwéhen ngozi mmagi-mmagi. ¹⁷ Wẹ ye Iwu ghahani Mozizi; kanị efoma lẹ ezioku ghaha ẹka Jesu Kristi. ¹⁸ O nwɔnni onyé hụntu Osolobue, kanị akpụ Nwa ohu o mụ sụo, hụn wụ Osolobue, hụn nökunmę n'e, e mègụo ẹnyi marin a.

Osheri Jönü Hụn E Mę Mirin-Chuku Shia

(Mat 3.1-12; Mak 1.1-8; Luk 3.1-18)

¹⁹ Onwan wụ eri Jönü shia ogèn ndị-ndu ndị Ju gi gha Jerusalém zihé ndị nchụ-ejan lẹ ndị Livai d'a jụ a, sị, "Onyé k'i wụ?" ²⁰ Jönü a ghoriṇi; mba, o kupụ a, sị, "Elẹ m Kraisti Onyé Nzuzopuha hụ Osolobue Tume." O ghoriṇi.

²¹ Wẹ nozị jụ a, sị, "Onyé k'i wụ? Iyụ wụ Elaija?"

Ọ nọ sị, "Mba."

"Iyụ wụ Onyé-amụma hụ pụ-ichẹn?"

Ọ sị, "Mba."

²² Wẹ nọ sị a, "Onyé k'i wụ nwan? Gwa ẹnyi keni ẹnyi marin ihien ẹnyi sikọ d'a gwa ndị zihé ni ẹnyi. K'i jenkö d'e ku banyeni enwèn i?"

²³ Ọ nọ gi ihien onyé-amụma wụ Azaya ku za wẹ, sị,
"Mmę wụ

'Olu hụ rị e yi oro imē atụ,
a sị,

"Kwa nị ụzo Di-nwɔnni-ẹnyi n'o zinrin!"'

²⁴ Ndị Itu ndị Farisi hụn rị imē ndị hụ wẹ zi ²⁵ nọ jụ a, sị, "Kị haịn nwan i gi e mę mirin-Chuku mbụnị y'elẹ Mezaya mọbụ Elaija mọbụ Onyé-amụma hụ pụ-ichẹn?"

²⁶ Jönü nọ za wẹ, sị, "M gi mirin mmaka e mę mirin-Chuku, kanị o nwọn onyé rị imē ụnụ hụn ụnụ marinleni. ²⁷ Iya wụ onyé hụ lalanị m mémegụụ. Erudeni m onyé sikọ d'a tọpụ akpukpo-ukụ a."

²⁸ Onwan mę imē Bétanị, nfetu Jodani, ebe Jönü nọ e mę mirin-Chuku.

Nwa-ebulu Osolobue

²⁹ Eki e fọn, o nọ hụn Jizosị k'o lala ebe o rị, Jönü nọ sị, "Lee n'e! Onwan wụ Nwa-ebulu Osolobue hụn e wepụ nị ụwa! ³⁰ 'Ya wụ onyé m rị e ku ogèn m gi sị, 'Omęgụ, okennye ohu kanị m lala; iya ka m makéni o rị a-rị nị wẹ d'a mụ m. ³¹ E te marin m'a, kanị m rị

e gi mirin e mē mirin-Chuku keni ndị Izrelü marin a.’ ” ³² Jönü nō shia eri, sị, “M hụn Mmọn-nsq k'o gi ụdị nduru gha elu-igwee hidanla, nökwasị a. ³³ E te marin m'a, kanị onye hụn zi ni m sị m, ‘Onye i jenqo d'a hụn kę Mmọn-nsq hidan d'a nökwasị a d'e son ẹ nödị, iya wụ onye hụ jenqo d'e gi Mmọn-nsq mē ihian mirin-Chuku.’ ³⁴ A hụnolę m'a; e kuolę m nị iya wụ Onye Hụ Osolobue Tume.”

Umụ-azụn Ibuzo Jesu Kpo

³⁵ Eki e fòn, Jönü nị umụ-azụn a ebụo wuzo, ³⁶ ya Jönü nō hụn Jesu k'o ghafekọ, o nō sị, “Lehụ Nwa-ebulu Osolobue!” ³⁷ Umụ-azụn Jönü ebụo ahụn a nụ k'o ku ihieneni, wę nō sonmę Jesu. ³⁸ Ogèn Jesu gi gbehutø, o hụn wę kę wę rị e son ẹ, o nō sị wę, “K'i unu rị a chọ?” Wę nō za, sị, “Rabai, elebe k'i bi?” (“Rabai” wụ “onye-nkuzi.”)

³⁹ O nō sị wę, “Bia nị d'e lee ẹ.” Wę nō jen d'a hụn ebe o bi; ihien rikę okulokụ eno efinnai rị a kụ ogen hụ; wę nō du e nödichanrin ụhụohin hụ.

⁴⁰ Onye ohu imē umụ-azụn ebụoni nụ ihien Jönü ku sonmę Jesu wụ Andurụ nwene Saimonu Pita. ⁴¹ O nō bu ụzo chojen nwene e wụ Saimonu, sị a, “Enyi a hụnolę Onye Hụ Osolobue Tume wụ Kraisti.” ⁴² Andurụ nō weri Pita d'e kunrun Jizosì. Jizos' e lee Pita, o nō sị a, “Yụ wụ Saimonu nwa Jönü. Efani i jenqo d'a wụ Kefasi.” (Anị efannị asusụ Griki wụ Pita, 'ya wụ “omumma.”)

⁴³ Eki e fòn, Jesu chọ n'o jen Galili; o hụn Filippu, o nō sị a, “Sonmę m.” ⁴⁴ (Filippu wụ onye Besajida, obodo Andurụ lę Pita.) ⁴⁵ Filippu a hụn Natanelü, o nō sị a, “Enyi a hụnolę onye hụ Mozizi de banyen'ę imē Iwu, hụn ndị-amumma dezikwọ banyen'ę—Jesu onye Nazareti nwa Josefụ rọ.”

⁴⁶ Natanelü nō sị a, “Nị ihien ọwule rị mma s'eka gha Nazareti puhā?” Filippu nō sị a, “Bia d'e lee.” ⁴⁷ Ogèn Jizosì gi hụn Natanelü k'o lala ebe ọ rị, o nō sị, “Onwan wuchanrin onye Izrelü hụn nwọnleni ero!”

⁴⁸ Natanelü nō jụ a, sị, “Nanị k'i dọn marin m?”

Jizosì nō za, sị, “A hụngụ m'ị okpuru osisi figi hụ nị Filippu d'a kpo ị!”

⁴⁹ Natanelü nō sị, “Onye-nkuzi, ezię iyu wụ Nwa Osolobue; iyu wụ Eze ndị Izrelü!”

⁵⁰ Jizosì nō sị a, “Y'e kweriole makeni m gwa i hụ nị m hụn i okpuru osisi figi?! I jenqo d'a hụn ihien ndị ka ọnwani!” ⁵¹ O nō sị wę, “M rị a gwa unu ezioku, unu sikọ d'a hụn kę elu-igwee kpupu, hụn kę ndị mmọn-ozi Osolobue rị e jenjen, e jenlụa d'e kunrun Nwa nke ihian.”

Isi Nke Ebụo

Jesu E Gi Mirin Henrin Manya

¹ Hụn mē e akpụ-uhụohin eto, o nwọn agbaméhụhụ rị obodo Kana rị Galili. Nnē Jizosì rị ebahụn. ² Wę kpozíkwọ Jizosì lę umụ-azụn a agbamékukwọ hụ. ³ Ogèn manya gi gụ, nnē Jesu nō sị Jesu, “Manya wę a gụ.” ⁴ Jizosì nō sị a, “Okpoho, hatu m ye nụ, ogèn m e ke ru.” ⁵ Nnē e nō sị ndị rị e jen ozi, “Ihien ọwule ọ sị unu mē, unu e mē.”

⁶ O nwọn ite-mirin isin wę gi omumma mémé rị ebahụn. Ohu-ohu imē wę jenqo d'e ripu ogbogoro mirin isen mọbụ esa. W'e gi wę e dọnmę mirin wę gi a chanchan ihien, hụn wę gi e məzu omənalị ndị Ju.

⁷ Jesu nō sị idibo ndị hụ, “Gbajun ni ite ndị hụ mirin.” 'Ya wę nō gbajun wę d'a pụ ọnụ.

⁸ O nō sị wę, “Kuru ni nwan ekere jenni onye-isi ocho.” 'Ya wę nō mē ihien o ku.

⁹ Onye-isi ocho nō danmịn mirin hụ henringụ manya, bụ ọ marin ebe ọ gha bia, (kanị, ndị hụ rị e jen ozi a maringhọ), o nō kpo okennye hụ rị a gba-ekukwọ, ¹⁰ sị a, “Ndị ọzọ ile e bu ụzo e wepụha manya ka a sụo, ihian ile rajungụ efọ wę kebe wepụha hụn suoleni; kale y'e bu hụnni suonị tọ d'e ru ogenni.”

¹¹ Imē Kana rị Galili kę Jesu nō rụn ɔrun-atüménya ibuzonị hụn o gi ghosi ogho a, umụ-azụn a nō kweri n'e. ¹² Omegụ, Jesu nō si Kapanom—'ya lę nnē e lę umunę e lę umụ-azụn a, wę nō nödị ebéhụ ekere.

Jesu E Jen Ulo-nso

(Mat 21.12-13; Mak 11.15-17; Luk 19.45-46)

¹³ Ogen ndi Ju gi e me Mmemme-Nghafe e rumé, 'ya Jesu nō si Jerusalem. ¹⁴ O nō hun ndi rị Ulo-nso ebēhụ e re efin lẹ atunrun lẹ oluikuku lezi ndi a gbahutọ ego ebe wę nōdiyesonmę ni teburu wę. ¹⁵ O nō kpa iberi (aya), gi e chupu wę ile lę oken-efin wę lę nduru wę imę Ulo-nso, buoyiya egho ndi a gbahutọ egho, hukpumesonmę teburu wę. ¹⁶ O nō sì ndi rị e re nduru, "Wepu nị ihién ndinị wę ebeni; egizileni ulo Nedi m henrin ebe wę nō a zü afia!" ¹⁷ Umú-azúun a nō nyahan ni wę de e imę Ekukwó-nso nị, "Adudu ulo i jenkò d'e bu m ri."

¹⁸ Ya ndi-ndu ndi Ju nō nwan sì a, "Ghosị enyi ahima enyi e gi marin nị Osolobue sì i me ihienni."

¹⁹ Jizosị nō za wę sì, "Tikpo nị Ulo-nsoni, e gi m akpu-uhuohin eto wesi e elu."

²⁰ Ndji-ndu ndi Ju nō sì a, "Ulo-nsoni wę gi ahua isin-kwası-ogunnaı tun k'i jenkò d'e gi akpu-uhuohin eto wesi elu?" ²¹ Kanı Ulo-nso Jesu rị e ku oku e wu ehụ a. ²² Ogen o gi ghaggu onwun lihi, umú-azúun a nō nyahan n'o kuoghọ ihienni, wę nō gi ihién Ehuhuoh-nso ku lę ihién Jesu ku don.

Jesu Marin Kę İhian Nō

²³ Ogen Jesu gi rị imę Jerusalem ogen Mmemme-Nghafe, ndi bu odata nō kweri n'ę makeni wę hun orun-atumenza ndi o rị a run. ²⁴ Kanı Jizosị ebuni enwen e ye wę, makeni o maringuo kę ihián ile nō. ²⁵ Ele hun onye owitz e gi gwa a kę ihián nō, makeni 'ya lę enwen e a maringuo ihién rị imę ihián.

Isi Nke Etɔ

Nikodimosi A Bia D'a Hun Jizosị

¹ O nwon okennyę ohu w'a kpó Nikodimosi. Onye Itu Ndji Farisi rō, onye ohu imę ndi-isi ndi Ju k'o wu. ² O gi imę uhinhin bia d'e kunrun Jizosị, sì a, "Onye-nkuzi, enyi a maringuo n'i wu onye-nkuzi gha ebe Osolobue rị bia, makele o nwonnini onye jenkò d'e ri-eka run orun-atumenza ndinị i rị a run mmanị Osolobue noyen'e."

³ Jesu nō za, sì, "Ezioku kę m rị a gwa i, mmanị wę mudonzı ihián, o saeka hun Ali-eze Osolobue." ⁴ Nikodimosi nō sì a, "Nani kę w'a don mudonzı ihián ebe o kaguụ egedi? Ni ihián sazi ęka banye ęfọ nnę e, a muži w'a nke mgbe ebue?" ⁵ Jizosị nō za a, sì, "Ezioku kę m rị a gwa i, mmanị wę mu ihián ghahanị mirin lę Mmón-nso, o sakó ęka banye Ali-eze Osolobue. ⁶ Hun ihián mu wu ihián; hun Mmón-nso mu wu mmón. ⁷ Y'a tule i ęnya nị m si nị wę sikò d'a mudonzirirị unu." ⁸ Ufere e fesi ebe owitz e cho-unu a nu üzün a, kani unu ara marin ebe o gha a bia móbu ebe o fekó-eríra k'o rị ebe onye owitz Mmón Osolobue mu rị.

⁹ Nikodimosi nō sì a, "Nani kę onwan e don saeka me?"

¹⁰ Jizosị nō sì a, "I wu onye-nkuzi imę Izrelü, bu y'a ghotanị ihién ndinị? ¹¹ Ezioku kę m rị a gwa unu, enyi rị e ku ihién enyi marin, a shia ęri ihién enyi hun, kani unu ara nabanhın ęri enyi. ¹² Ebe o me nwon nị m gwa unu ihién ndi rị elu-uwá bu unu e kwerini, nani kę unu a don kweri omení a gwa m unu ihién ndi rị elu-igwee? ¹³ Makeni, o nwonnini onye jentu elu-igwee wezuka onye hụ gha elu-igwee bia-wu Nwa nke İhian."

¹⁴ "Eríra Mozizi don wesi agwo hụ elu imę atu kę wę jenkò d'e wesi Nwa nke İhian elu, ¹⁵ keni onye owitz hụn kwerini n'ę hụn ızzo nwon ndun itebite."

¹⁶ "Makeni Osolobue nwę ihién-ösüşüo jenni ndi rị uwá odata-odata, 'ya hajin o gi ye akpu Nwa ohu o nwę, k'en'ę würü nị onye owitz hụn kwerini n'ę alakò iwi, kama o nwon ndun itebite. ¹⁷ Ezię, Osolobue ezini Nwa a d'a ma ndi rị uwá ikpe, kama, o zi e keni wę hụn ızzo nwon nzupuhha ghahan'a. ¹⁸ Ikpe amanı onye owitz kwerini n'ę, kani ikpe a maguó onye owitz hụn kwerilene, makeni o kwerini imę efan akpu Nwa ohu Osolobue. ¹⁹ Onwan kę wę gi hangbu wę eñen: nị ukpę a biaguo imę uwá, kalę ishi ka ihián a suq karı ukpę,

makeni eje ihien kẹ w'e mè. ²⁰ Ize ukpé e ze ndị ile e mè eje-ihien, w'a ra bia ebe ukpé rị maké eje-ihien wę rị e mè gha a püha ifon."

²¹ "Kanị ndị hún e mè ihien rị mma a bia ebe ukpé rị, keni ihiian ile hún a nị wę rị e mè ihien Osolobue chọ."

Jizosí Lé Jönü Hún E mè Mirin-Chuku

²² Omegụ, Jizosí lè ụmụ-azụn a nò si Azụn Judia, o nò du wę nödi ebéhụ, e mè ndị ihiian mirin-Chuku. ²³ Jönü nke rịzi obodo Enom hún nökummet Salim e mè mirin-Chuku makeni mirin rị ebahun odata-odata. Ihiian hú e jen d'e kunrun e, o hú e mè wę mirin-Chuku. ²⁴ W'e ke bu Jönü che imè ulo-ngan ogèn hú.

²⁵ Ogen hú, ụmụ-azụn Jönü lè onye Ju nò dōma oku ichan-ehu w'a chansonmè hún wu ọdinalị ofufe we gi e dòn enwèn wę nsò. ²⁶ Wę nò bia d'e kunrun Jönü, sì a, "Onye-nkuzi, onye hú yu lè 'ya riitan nfetu Jodani, onye hún i gwasonmè ndị ihiian oku e, lee e nwan k'o rị ebeni e mè mirin-Chuku, ihiian ile hú e jen d'e kunrun e."

²⁷ Jönü nò za, sì, "O nwónni onye hún e nwéhen ihien ọwule mmanị wę gha elu-igwee y'e ihien hú. ²⁸ Unu lè enwèn unu wu ọsheri m nị e kughọ m'a nị 'Ele m Kristi, kanị wę zi m buru n'e uzoz.' ²⁹ Okpoho hún wę rị a lụ wu nke okennyę hún rị a lụ n'a. Ọwu okennyę hú rị a gba ekukwọ, hún wuzoye n'e e gon e ntin, a ghogho odata-odata o nụ olu okennyę hún rị a gba ekukwọ. Ya wu ni ighogho m e zuołe nwan oke. ³⁰ O k'a rịwaye mkpa, kanị mmè nwèn k'e belua.

³¹ Onye hún gha elu bia ka ihiian ile; onye hún gha ụwa bia wu nke ụwa, o ku oku ihien rị imè ụwa. Hún gha elu-igwee bia ka ihiian ile. ³² O hú a shia eri ihien ọ hún lè ihien ọ nụ, kanị o nwónni onye e gi eri e e dòn. ³³ Onye ọwule gi oku e dòn a ghosiolé nị Osolobue wu onye-ezioku. ³⁴ Makeni onye Osolobue zihé k'o wu, oku Osolobue k'o rị e ku, makeni Osolobue e yehodu n'a Mmón-nsò. ³⁵ Ihien Nwa a a suø Chuku-Nèdi, o wegwo ihien ile che e eka. ³⁶ Onye hún kweri ni Nwa Osolobue nwòn ndùn itebite; onye hún jụ n'o kwerikonị Nwa Osolobue ahunko ndùn; mba, iwe-lè-önümä kẹ Osolobue k'e gi sönsönmè e."

Isi Nke Eno

Jizosí Lé Okpoho Onye Samerja

¹ Ogen ahun, Jesu nò nwan marin nị itu-ndị Farisi a nuguo nị ụmụ-azụn ndị Jesu rị e nwéhen e mè mirin-Chuku kadé nke Jönü. ² (Kanị, ẹle Jesu rị e mè wę mirin-Chuku, ụmụ-azụn a suø rị e mè.) ³ Ya Jesu nò gha Judia pü, kinko Galili. ⁴ O nò ghasi alị Samerja makelé ọ rị mkpa n'o k'a gharirị ebéhụ. ⁵ 'Ya ọ nò püha obodo ohu w'a kpó Sika, hún rị imè Samerja, ehụ alị hú Jekopu ye nwa a wu Josef. ⁶ Omị Jekopu rị ebéhụ; ndùn gụn Jesu maké ijen o jen; otudeni, o nò nödi alị ehụ omị hú. (Ihien rike ọkụlọkụ mmèbụ efinnai ro, ogen hú anwụn gi a rị isi.)

⁷ 'Ya kẹ okpoho ohu, onye alị Samerja, nò bia d'a dori mirin. Jesu nò sì a, "Ye m mirin ra." ⁸ (Ogen hú, ụmụ-azụn a e jenmegwo imè obodo d'e nönen ihien-oriri.) ⁹ Okpoho onye Samerja hú nò sì a, "Nanị kẹ iyụ wu onye Ju dòn nwan a riọ mmè wu okpoho onye Samerja mirin?" (O ku onwan makeni ndi-Ju lè ndị-Samerja ara mèko.) ¹⁰ Jizosí nò za a, sì, "Omèni i te marin ihien Osolobue e ye lè onye hún rị a sì i, 'Ye m mirin ra', nké y'a riọ a, o ye i mirin hún e ye ndùn." ¹¹ Okpoho hú nò sì a, "Di-ókpa, omìnị mi emi bụ y'e gi mkpu y'e gi dò mirin. Elebe kẹ y'a nò nwan nwéhen mirin hú e ye ndùn? ¹² 'Yü ka Jekopu nèdi enyi kanị hún ye enyi omìnị, hún 'ya lè ụmụ a lè ihien-uriri e ra mirin rịn'a?' ¹³ Jesu nò sì a, "Onye ọwule hún ra mirinni, ẹgụn mirin jenkö d'a gunzị a. ¹⁴ Kanị, onye ọwule hún ra mirin hú m jenkö d'e ye e, ẹgụn mirin agunkozị a; kama, mirin hú m sikö d'e ye e jenkö d'e henrin n'e isi-mirin hún rị imè e e hupuha ndùn itebite."

¹⁵ Okpoho hú nò sì a, "Di-ókpa, ye m nwan mirin hú amamgbe egùn-mirin gha a gunzị m mòbụ a bijamazi m ebeni d'a dò mirin." ¹⁶ Jizosí nò sì a, "Jen d'a kpó di i, y'e kinhen azụn." ¹⁷ Okpoho hú nò sì a, "Enwòn m di." Jesu nò sì a, "Ezioku kẹ i ku ebe i nò sì,

‘Enwọn m di’, ¹⁸ makeni y'a lüpuguo di isen, bu okennye hün iyu le 'ya rị nwan ele di i; ezioku k'i ku!’

¹⁹ Okpoho hụ nọ sị a, “Di-ökpa, a hụnole m'a ni i wụ onye-amumma. ²⁰ Ndi-nedi enyi we kanị nọ ugini fe ofufe, bu ụnu ndị Ju sị ni Jerusalém wụ ebe furu ihiyan jenkö d'a norirị e fe ofufe.” ²¹ Jesu nọ sị a, “Okpoho, gi ihien m rị e ku dọn: ogen lala, hün o gi me ni elezi enu ugini móbụ imé Jerusalém kę ụnu sikö d'a nọ fe Chuku-Nèdi. ²² Unu amarin onye ụnu rị e fe; kanị, enyi a maringhọ onye enyi rị e fe, makeni eka ndị Ju kę nzüopuhaghia bia. ²³ Kanị ogen lala, o ruguode nwani, hün ndị hün e fe ezigbo ofufe k'e fe Chuku-Nèdi ofufe imé-mmón lẹ nké ezioku. Makeni ndị hün e fe ofufe nọ erirà kę Chuku-Nèdi chọ ni w'e fe e ofufe. ²⁴ Osolobue wụ Mmón, ele ihiyan; ndị hün k'e fe e ofufe sikö d'e ferirị a imé-mmón, gi ezioku fee e.” ²⁵ Okpoho hụ nọ sị a, “A maringuo m ni Onye Hụ Osolobue Tumé wụ Mezaya, (hün w'a kpọ Kraisti), lala; o bia, o gwachanrin enyi ihien ile.” ²⁶ Jesu nọ sị a, “Mmè hün rị a gwa i oku rị.”

²⁷ Ozigbo hura, umu-azụn a nọ lụa. O nọ tu we enya ọda-ọda n'o rị e son okpoho e ku oku; kanị o nwonnị onye sị, “K'i chọ”, móbụ “Kị hajin i gi rị e son e e ku oku.” ²⁸ Ya okpoho hụ nọ la ite mirin e to, kin-azụn si imé obodo; o nọ sị ndị rịn'a, ²⁹ “Bia ni d'e lee onye hün gwa m ihien ile m me. Onye ma kę 'ya wụ Onye Hụ Osolobue Tumé wụ Kraisti?” ³⁰ Wẹ nọ gha imé obodo puhia, ruhemẹ ebe Jesu rị.

³¹ Ogen hụ, umu-azụn hụ a rịo Jesu, a sị, “Onye-nkuzi, dodo ri ihien-oriri.” ³² Kanị o nọ sị we, “M nwon ihien-oriri m'e ri hün ụnu marinleni.” ³³ 'Ya umu-azụn a nọ juma ibe we, sị, “O nwondé nwan onye wehe n'e ihien-oriri ra?” ³⁴ Jizosị nọ sị we, “Ihien-oriri m wụ imé uche onye zini m le irunchanrin orun a. ³⁵ Ele ụnu a sị, ‘O hodu ifon eno ni ogen we gi a ghị ihien-ugbo ru?’ Kanị m rị a gwa ụnu, lehunme ni enya ebe ụnu rị ni ụnu hün ni ihien-ugbo a kaguole hụ w'a ghị. ³⁶ Onye hün a ghonị rị nwan a ghị, a narin ugwo-orun a; o hụ e kpónkikomé mkpuru a tonyi ndịn itebite, keni onye hün kunn'a le onye hün ghon'a hün uzọ nwongbamē ighoghị. ³⁷ O meguo nwan kę we dòn e ku, ‘Onye ozọ a kụn,

onye ozọ a ghị.’”

³⁸ “M zi ụnu d'a ghị ihien ụnu runleni; ndị ozọ a runguole orun, ụnu a banhanguo d'a ghị mkpuru we runpuha.”

Ndị Sameria A Bia D'e Kunrun Jesu

³⁹ Ndị Sameria bu ọda wụ ndị obodo hụ nọ kwerini Jesu makeni okpoho hụ sị, “O gwa m ihien ile m me!” ⁴⁰ Ogen ndị Sameria gi nwan bia d'e kunrun Jesu, we nọ rịo a n'o son we nödị. 'Ya o nọ son we nödị akp'ohin ebụo. ⁴¹ Ndị bu ọda nọ gi ufiri ihien ndị o rị e ku kwerizi, cheni ndị ibuzo. ⁴² Wẹ nọ sị okpoho hụ, “Elezi ihien i ku suọ kę enyi gi kweri, makele enyi le enwen enyi a nuołe onu a, marin ni ezioku-ezioku, onwan wụ Onye-nzüopuhaghia ụwa.”

Jizosị A Zuò Nwa Onye-isi-orun Eze

⁴³ Ogen akpụ-uhuohin ebụo gi ghafeguu, Jesu nọ gha Sameria si Galili. ⁴⁴ (Jizosị le enwen e e kuguo a ni w'a ra ye onye-amumma mgbaye imé alị onye-amumma ahun.) ⁴⁵ Ogen o gi ru Galili, ndị Galili nọ nabanhān a, makeni a hụnguo we ihien ile o me imé Jerusalém ogen Mmemmè-Nghafe (makeni we nwèn e jenghozị mmemmmé hụ).

⁴⁶ O nọ bijazi obodo Kana hün rị imé Galili ebe o nọ gi mirin henrin manya.

O nwè okennye ohu emu rị a kụ nwa-a-okennye imé Kapanom. Okennye wụ onye ohu imé ndị-isi-orun eze. ⁴⁷ Ogen okennye hụ gi nụ ni Jizosị a ghaguo Judia kinhen Galili, o nọ buru e, rịo a 'ya bia d'a zuò nwa a makeni o d'a nwun. ⁴⁸ 'Ya Jesu nọ sị a, “Manị ụnu hün ahima le ihien atumanya, ụnu ekwerikö.” ⁴⁹ Onye-isi orun hụ nọ sị a, “Di-ökpa bia ndo-o, nwa m gini d'a nwun.” ⁵⁰ Jizosị nọ sị a, “Lama, nwa i jenkö d'a rị ndịn.” Okennye hụ nọ kweri oku Jizosị gwa a, o nọ lama. ⁵¹ Ebe o lakö, ndị idibø e nọ kunrun e; we nọ gwa a ni nwa a hụ a riguo mma. ⁵² O nọ ju we kę ele ogen k'o gi rijma mma. Wẹ nọ sị a, “Okulokụ ohu efinnaị ụnyanhụn kę ehetu-ökụn hụ gi hapu a.” ⁵³ Nedi e nọ nyanhan ni

ogen hụ kę Jizosị gi sị a, “Nwa i jenkọ d'a rị ndun.” Ifiri e, kę ya le enwen e kę ikpun-ulọ a nọ kwerini Jesu. ⁵⁴ Ọnwan wụ ɔrun-atumemənya nke ẹbuo Jesu run ogen o gi ghagụụ Judia bịa Galili.

Isi Nke Isen

Jesu A Zuo Onye Nwọnleni Onye E Yen'e Eka

¹ Omegụ, Jesu nọ kin-azụn si Jerusalem makeni o nwọn mmemmem ndị Ju rịni.

² Ime Jerusalem, o nwọn mirin rị ehu Ọnụ-mgbon Atunrun, hụn ndị Hibru a kpọ mirin Beteş'da [mọbu mirin Be'zata], hụn nwọn uzọ isen wę kpumesonmẹ elu wę hụn wę gha e ru e. ³ Igunrun ndị-emu rị a kụ e dinesonmẹ uzọ ndị hụ: kę ndị enya-ishı, kę ndị nguro, kę ndị oro kinmin, [e che ni wę mēhunmę mirin hụ. ⁴ Makeni, o ru, mmon-ozi Di-nwònnoni-enyi e hidan d'e mēhunmę mirin hụ. Onye ọwule imē ndị emu rị a kụ, hụn bu uzọ banye imē mirin hụ ogen wę gi mēhunmegụ a, o dīnhin emu ọwule rị a kụn'a.]

⁵ Onye ohu imē ndịnị dinę ebahụn rị a kụ emu kete ahụa ẹbuo-aria-ogunna. ⁶ Ogen Jizosị gi hụn a, marin n'o teguo emu hụ kuma a, o nọ sị a, “Y'a chogho n'i dīnhin?”

⁷ Okennyę hụ emu rị a kụ nọ za, sị, “Di-ókpa, enwọn m onye e bu m e che imē mirinni ogen ọwule wę gi mēhunmę e; m chọ nị m banye imē e, onye ozọ e bu m uzọ banye.”

⁸ Jizosị nọ sị a, “Lih ioto! Heri ute i, jenme ijen!” ⁹ Ozigbo, okennyę ahụn nọ dīnhin; o nọ buru ute e, jenme ijen.

Uhuhin ahụn wụ uhuhin izu-iken. ¹⁰ ‘Ya ndị-ndu ndị Ju nọ sị okennyę hụ Jizosị zuo, “Onwan wụ Uhuhin Izu-iken, o furuni nị y'e bu ute i, i rị a dan Iwu.” ¹¹ O nọ za wę, sị, “Onye hụn zuo nị m sị m, ‘Heri ute i, jenme ijen.’” ¹² Wę nọ jụ a, sị, “Onye wụ onye hụ sị i, ‘Heri ute i, jenme ijen?’” ¹³ Kanị okennyę hụ wę zuo amarin onye o wụ, makeni Jizosị a rụbanguo imē igunrun rị ebahụn.

¹⁴ Omegụ, Jizosị nọ hụn a imē Ulo-nsø, o nọ sị a, “Lee enya, y'a rịguo nwan mma! Emezile njo, amamgbé ihiien ka njo gha e me i.” ¹⁵ ‘Ya okennyę hụ nọ jenburu ndị-ndu ndị Ju d'a gwa wę nị Jesu wụ onye hụ zuo n'a. ¹⁶ ‘Ya kę ndị-ndu ndị Ju nọ kpokpomẹ Jesu makeni o rị e me ihiien ndị nọ enina Uhuhin Izu-iken. ¹⁷ Kanị Jizosị nọ sị wę, “Echen kę Nedi m rịkwò a run ɔrun, mmę nwọn sikọ d'a gha a runzìkwò ɔrun.” ¹⁸ Ifiri ihienni o ku, ndị-ndu ndị Ju nọ chokemdede nị wę gbu e. Makelé, eļe n'o dan iwu Izu-iken suq, kanị, o kpozìkwò Osolobue Nedi e—gi ɔhụn ku nị 'ya le Osolobue han.

Iken Jesu

¹⁹ Jizosị nọ sị wę, “Ezioku kę m rị a gwa ụnu, Nwa a saeka gi uche e me ihiien ọwule—mmajị ihiien o hụn Chuku-Nedi rị e me; makeni ihiien ọwule Chuku-Nedi me, ‘ya kę Nwa a e mezikwo. ²⁰ Makeni ihiien Nwa a a suq Chuku-Nedi, o ghosi Nwa a ihiien ‘ya le enwen e rị a run. O jenkọ d'e ye e iken gi run ɔrun kadé ndịnị wę run keni o tụ ụnu enya. ²¹ Ezie, eríra Chuku-Nedi dọn e weli ndị nwunnị we ndun ye wę kę Nwa a donzìkwò e we ndun e ye ndị Nwa a chọ n'o ye. ²² Ozozị, Chuku-Nedi ara kin onye ọwule ikpe, kama, o buguo okinkin-ikpe ile che Nwa a eka, ²³ keni iħjan ile gbaye Nwa kę wę dọn a gbaye Chuku-Nedi. Onye hụn ghaleni a gbaye Nwa arizìkwoni a gbaye Chuku-Nedi hụn zihé n'e.”

²⁴ “Ezioku kę m rị a gwa ụnu, onye hụn nụ oku m, kweye ni onye ziheni m, onye ahụn e nwęgụo ndun itebite. Amakọ wę onye hụ ikpe; kama, onye hụ a ghaguo ɔnwụn banye ndun.

²⁵ Ezioku kę m rị a gwa ụnu, ogen lala—o rụgụdẹ nwan—hụn ndị nwunnị sikọ d'e gi nụ olu Nwa Osolobue; ndị nụn'a jenkọ d'a rị ndun. ²⁶ Kę Chuku-Nedi dọn nwọn ndun imē enwen e, eríra k'o yeziwọ Nwa iken n'o nwọn ndun imē enwen e. ²⁷ O yeguo Nwa a iken n'o kin iħjan ile ikpe—makeni iya wụ Nwa nke iħjan. ²⁸ Anilé ni ɔnwan tụ ụnu enya, makeni ogen lala hụn ndị ile rị imē ili jenkọ d'e gi nụ olu e ²⁹ püha—ndị hụn me mma jenkọ d'e lihi banye ndun itebite; ndị hụn me njo sikọ d'e lihi narin ikpe-omuma.”

³⁰ “Asa m eka gi ikən m mə ihiən ɔwule. M'a han eñen ke Osolobue dən gwa m—'ya wu ni ezigbo eñen kə m'a han, makəni arı m e mə uche m, kale uche onyə hūn zihə ni m.

³¹ M shianı enwen m eri, 'ya wu ni eri m wu ntu.

³² M nwon onyə ɔzə hūn a shia ni m eri. A maringhō m ni eri ɔ shia ni m wu ezioku.

³³ Unu e ziguo wə jenni Jönü, ɔ shiaguo eri wu ezioku. ³⁴ (Ele ni eri iħian shia rı m mkpa, kanj m rı e ku ihienni keni unu hūn uzo nwon nzuopuha.) ³⁵ Jönü e te nwungho kə ukpe—a dün, e ti, unu no gi ukpe e ghogho ekere ogen.”

³⁶ “Kanj m nwon ihiən a shia ni m eri hūn ka hūn Jönü shia. Qurun ndi hūn Nedi m ye m run, 'ya wu qrūn ndi ni m rı a run, uwē nwé a shianı m eri ni Chuku-Nedi zihə m.”

³⁷ “Chuku-Nedi le enwen e hūn zihəni m a shiaguo ni m eri. Unu anutuni olu e; unu ahuntuni k'o no; ³⁸ oku e arı imə ndün unu, makəni unu ekwerini ni onyə hūn o zihə.

³⁹ Unu a mū ihiən ndi rı imə Ekukwo-nso a mukənme, makəni unu ro ni uwé kə unu e gi nwon ndün-itebite; bu Eħuħuqo-nso rı a shianı m eri, ⁴⁰ kanj unu ekwerini bia d'e kunrun m keni unu nwon ndün. ⁴¹ Ele m chokq ojja-mma iħian; ⁴² kanj a maringhō m ndi unu wu, ni ihiən Osolobue a ra suq unu. ⁴³ M gi efan Nedi m bia, unu a nabanhannı m, kanj onyə ɔzo gi efan nke e bia, unu sikò d'a nabanhhan a. ⁴⁴ Nanj kə unu e dən kweri? Unu hūn a chø ni ibe unu ja unu mma, kanj o nwonnı ihiən unu kpo iħia-mma hūn għa eka onyə hū 'ya suq wu Osolobue bia. ⁴⁵ Erokwole ni ni m jenkó d'e kpe unu eka Chuku-Nedi; Mozizi wu hūn e kpeni unu, Mozizi ahun unu gi dən enya. ⁴⁶ Oməni unu gi oku Mozizi dən, nkə unu e gi oku m dən, makəni Mozizi de banyeni m. ⁴⁷ Kanj oməni unu egini ihiən Mozizi de dən, nanj kə unu e dən gi oku m dən?”

Isi Nke Isin

Jesu E Ye Mmadu Oġġun-iri kwasi nnu-mməbħo Ihiən-oriri
(Mat 14.13-21; Mak 6.30-44; Luk 9.10-17)

¹ Onwan e meġġu, Jizosì no fetu “Ohimin” Galili hū shi azuun hūn-ebə. W'a kpozi “Ohimin” Galili ohimin Taiberias. ² Igunrun hi-ogbe hū e son e, makəni wə hūn qrūn-atumenya ndi ɔ rı a runni ndi emu rı a kū. ³ Jizosì no si elu ugu, 'ya le umu-azuun a no nödji ali ebəħu. ⁴ (Ogen hū, mmemmmé ndi Ju e mə ahħa-ahħa w'a kpo Mməmmé-Nghafe e rumegħo.) ⁵ Jizosì e wesi enya elu, ɔ no hūn igunrun iħian kə wə lala d'e kunrun e. ɔ no si Filipu, “Elebe kə enya a no nödji brëdi keni ndi ni rı?” ⁶ (O ku ihienni n'o gi chø ihiən rı Filipu onu, makəni 'ya le enwen e a maringuo ihiən o jenkó d'e mə.) ⁷ Filipu no za a, si, “Ego qrūn ifon isin ezuko nödji brëdi sikò d'e rusonmə wə eka—osuqon'a ekere-ekere.” ⁸ Onyə ohu imə umu-azuun Jesu w'a kpo Andurū, hūn wu nwene Saimon' Pita, no si a, ⁹ “O nwon nwata-okennye bu ogbe brëdi isen wə gi ɔka bali məmə le azuun ēbəo ebeni; kale, ebe wə sikò d'a pü igunrunni?” ¹⁰ Jizosì no si, “Gwa ni wə nödji ali.”

(Irurue rı ebəħu oda.)

Ya ndi hū no nödji ali—ihiən rikə ikennye oġġun-iri-kwasi-nnu-mməbħo rı imə wə, ('ya wu ihiən nöke nnu-uku isen). ¹¹ Jesu no weri ogbe brëdi ndi hū, o yegħu Osolobue ekele, ɔ no keni ndi nödji ali 'ya; ɔ no məməzi azuñ ērira, wə no ri kə wə chø. ¹² Ogen efə gi jungu wə, Jesu no si umu-azuun a, “Kponkwama ni ifunfun e hodunji, amamgħe ihiənanai a la iwi.” ¹³ 'Ya wə no kponkwamə wə, che imə ukpalij. Ifunfun brëdi hodunji imə ogbe-brëdi bali isen hū ogħen ndi hū gi riguun jun ukpalij mməbħo.

¹⁴ Ogen ndi hū gi hūn qrūn-atumenya hūn Jizosì run, wə no gwama ibe wə, si, “Ezioku-ezioku, onwan wu onyə-amumha hū enyi rı e lee enya a n'o jenkó d'a bia imə uwa!”

¹⁵ Ogen Jesu gi hūn ni w'e d'a bia d'e gi ikən weri e, kin e eze, ɔ no għa ebahun pü, 'ya suq no kin-azuun shizi elu-ugħu.

Jesu E Jen Ijen Elu Mirin
(Mat 14.22-33; Mak 6.45-52)

¹⁶ O ru ogen enyasi, umu-azuun Jesu no shi “Ohimin”, ¹⁷ banye imə ugħo-mirin, buli, jenkó Kapanom. (Ohħihi no gbachanrin bii Jesu eke biakwə d'e kunrun wə.) ¹⁸ Mirin hū

e mēhummē odata-odata makelē okēn-ufere rī a kpō. ¹⁹ Ogēn wē gi nyanru ihiēn rikē maiili etō mōbu enō, wē nō hūn Jesu kē o jēnla ijēn elu mirin, a nōkunmē ugbo. Egun nō tūma wē. ²⁰ Kanī o nō sī wē, “Mmē rō, atūlē ni egun!” ²¹ Wē nō chō n'ō banye ni wē imē ugbo; ozigbo, ugbo hū nō ru mkpēnren mirin alī hū wē jēnkō.

Igunrun Hū A Choma Jizosí

²² Eki e fōn, o nō we ndī ahūn nōdī azūn “Ohimin” hū hūn-ebō hūn umū-azūn Jizosí gha bia Kapanom enya nī ugbo ohu suō te rī ebēhū; nī Jesu esonni umū-azūn a banye imē ugbo lē ni umū-azūn a suō gba gha ebēhū pū. ²³ Kanī ogenni, ugbo ndī ozo gha Taiberiası bia rī nwān ehijū ebahūn wē nō ri brēdi ogēn Di-nwōnni-enyi gi yegūn ekele. ²⁴ Ogēn ndī hū gi nwān hūn nī kē Jesu kē umū-azūn a arīzī ebahūn, wē lē enwēn wē nō banye ugbo ndī hū chosonmē Jesu shi Kapanom’.

Jesu Wū Ihiēn-oriri Hū Hūn E Ye Ndūn

²⁵ Ogēn wē gi hūn Jesu azūn “ohimin” hū hūn-ebō, wē nō sī a, “Onyē-nkuzi, eleē ogēn k'i gi pūha ebeni?” ²⁶ Jesu nō za wē, sī, “Ezioku kē m rī a gwa ụnū, ụnū rī a chō m makēni ụnū ri brēdi, o jun ụnū efo, elē makēni ụnū hūn orūn-atumēnya ndī hūn m run. ²⁷ Egile ni ifiri ihiēn-oriri hūn e wiwini a rụngbu enwēn ụnū, ka gi ni ifiri ihiēn-oriri ahūn sikō d'a tō jēnrin ejēn, e ye ndūn itēbītē, rụngbu enwēn ụnū, ihiēn-oriri hū Nwa nke İhian jēnkō d'e ye ụnū; makēni iya wū Nwa nke İhian kē Chuku wū Nēdi tumē.”

²⁸ Wē nō sī a, “Kī enyi jēnkō d'a rūn hūn wū orūn Osolobue chō nī enyi rūn?”

²⁹ Jesu nō za wē, sī, “Onwan wū orūn Osolobue chō nī ụnū rūn: O chō nī ụnū kweri ni onyē hūn o zihē.”

³⁰ Wē nō sī a, “Eleē orūn-atumēnya k'i jēnkō nwān d'a rụngbosí enyi kēni enyi hūn a, enyi e kweyeni ihiēn i ku? Kīnī kē i jēnkō d'e mē? ³¹ Ndī nēdi enyi kanī ri mana imē atū; ya kē wē de imē Ekukwō-nsō, sī, ‘O ye wē brēdi gha elu-igwee bia ri.’ ³² Jizosí nō sī wē, “Ezioku kē m rī a gwa ụnū, elē Mozizi ye ụnū brēdi gha elu-igwee bia; Nēdi m wū hūn rī nwān e ye ụnū ezigbo brēdi gha elu-igwee bia. ³³ Makēni brēdi Osolobue wū onyē hū gha elu-igwee bia, hūn e ye ụwa ndūn.” ³⁴ Wē nō sī a, “Di-ókpā, yemē enyi brēdini ogēn ile.”

³⁵ Jizosí nō sī wē, “Mmē wū brēdi hūn e ye ndūn. Egūn agunkō onyē hūn bia d'e kunrun ni m; egūn mirin agunkō onyē hūn kwerini ni m.

³⁶ Kanī, nōkē kē m dōn gwa ụnū mbū, ụnū a hūnolē m, kanī ụnū e kwerini. ³⁷ Ndī ile Nēdi m ye m sikō d'a bia d'e kunrun m; a chūpukō m onyē ọwule hūn bia d'e kunrun ni m.” ³⁸ Makēni elē m gha elu-igwee bia d'e mē uche m, kanī m bia d'e mē uche onyē hūn zihē ni m. ³⁹ Onwan wū uche onyē zihēni m: nī etuhukō m onyē ọwule imē ndī ile o ye m, kama, nī m jēnkō d'a gha ọnwūn weli wē Uhuohin-ikpazūn. ⁴⁰ Makēni uche Nēdi m wū nī onyē ọwule hūn hūn Nwa, kweri n'ē, jēnkō d'e nwōn ndūn itēbītē; m sikō d'e weli e Uhuohin-ikpazūn.

⁴¹ Ndī Ju nō dēnwīnnwīnma n'a makēni o sī, “Mmē wū brēdi hūn gha elu-igwee bia.” ⁴² Wē hū a sī, “Ele Jesu nwa Josefū wū onwan—hūn enyi marīn ndī mūn'a? Nanī k'o dōn nwān a sī, ‘M gha elu-igwee bia?’ ”

⁴³ Jizosí nō za wē, sī, “Edēnwīnnwīnzilē ni. ⁴⁴ O nwōnni onyē jēnkō d'a s'eka bia d'e kunrun m mmanī Chuku-Nēdi hūn zihē ni m dōha a; m jēnkō d'e weli onyē ahūn Uhuohin-ikpazūn. ⁴⁵ Wē de e imē Ekukwō ndī-amūma nī, ‘Osolobue sikō d'a kuzi wē ile.’ Onyē ọwule hūn rī e gon Chuku-Nēdi ntīn, a mūnarīn a, iya wū onyē hūn a bia d'e kunrun ni m. ⁴⁶ (Ele n'o nwē onyē hūn hūntu Chuku-Nēdi—onyē hūn gha ebe Chuku rī bia, 'ya suō hūntu Chuku-Nēdi.) ⁴⁷ Ezioku kē m rī a gwa ụnū, onyē ọwule kwerini nwōn ndūn itēbītē.

⁴⁸ Mmē wū brēdi hūn e ye ndūn. ⁴⁹ Ndī nēdi ụnū kanī ri mana* hū wē ri imē atū, kanī, a nwūnhungħo wē. ⁵⁰ Kanī onwan wū brēdi hūn gha elu-igwee bia hūn o mē ni onyē ri n'ē anwūnhunkō. ⁵¹ Mmē wū brēdi hūn rī ndūn hūn gha elu-igwee bia. Onyē ọwule ri brēdini

* Isi Nke Isin:49 mana: Iya kē wē kpō ihiēn-oriri hū Osolobue gha elu-igwee zihē ni ndī Izreļu imē atū ogēn Mozizi.

jenko d'a rị ndun jenrin ejen. Brędi hụ m sikọ d'e ye makę ufiri ndun ndị rị imę ụwa wụ ẹhụ m."

⁵² 'Ya kę ndị Ju ahụn nō dōma ndondö imę wę, a sị, "Nani kę okennye ni a dọn ye ẹnyi ẹhụ a ri?"

⁵³ 'Ya Jizosị nō sị wę, "Ezioku kę m rị a gwa ụnu, mmanị ụnu ri ẹhụ Nwa nke Ihiyan, ra edeke e,— ụnu enwọnkọ ndun imę ụnu. ⁵⁴ Onyę ri ẹhụ m, ra edeke m, o wuru onyę nwę ndun itebite; m sikọ d'e weli e Uhuhịn-ikpazụn. ⁵⁵ Makeni, ẹhụ m wụ ezigbo ihien-oriri, edeke m wuzikwo ezigbo ihien-orira. ⁵⁶ Onyę hụn ri ẹhụ m ra edeke m, bi imę m, mme le enwen m bi imę e."

⁵⁷ "Kę m dọn rị ndun makeni Chuku-Nędi hụn zihę ni m rị ndun, eriara kę onyę hụn ri ni m k'a dọn rị ndun makę ufiri m. ⁵⁸ Ọnwan wụ ezigbo brędi hụn gha elu-igwee bịa; o nonị kę ihien ahụn ndị mbụ ri, omegụ a nwụnhụnkwo wę. Onyę hụn ri brędini jenko d'a rị ndun jenrin ejen."

⁵⁹ Ogęn Jesu gi rị a kuzi imę ụlo-ofufe ndị Ju rị imę obodo Kapanom k'o gi ku ihien ndịni.

Oku Hụn E Ye Ndun Itebite

⁶⁰ Ndị bu odata imę ụmu-azụn a a nü ihienni, wę nō sị, "Okuni e zekewo! Onyę sikọ d'a saeka nabanhān a?"

⁶¹ Kanị, Jizos' a maringuo nị ụmu-azụn a rị e dęnwinnwin makę ihienni o ku. O nō sị wę, "Ọnwan k'e me ụnu ekwerizile? ⁶² Kị ụnu jenko d'e mezi nwan omeni ụnu a hụn Nwa nke Ihiyan k'o lakọ elu-igwee ebe o rị mbụ? ⁶³ Mmón-nso iya suq e ye ndun, ihien ihiyan mmaka ara ban erere ọwule: oku ndịnị m rị a gwa ụnu wụ oku imę-mmモン lę oku hụn e ye ndun. ⁶⁴ Kanị ndị hụ imę ụnu ekwerini." (Gha isi mbidon lala, Jesu a maringuo ndị hụn jenkoleni d'e kweri lę onyę hụn jenko d'e re n'e.) ⁶⁵ O nō sịzi, "Ọnwan hajin m gi sị ụnu n'o nwọnni onyę jenko d'a saeka bịa d'e kunrun m mmanị Chuku-Nędi mē e n'o bịa."

⁶⁶ Makę Ọnwan, ụmu-azụn Jesu bu odata nō kin-azụn, esonzini w'e.

⁶⁷ Ya Jizosị nō sị ụmu-azụn a mmębụ hụ, "Unu le enwen ụnu sikọ d'a puzidé nwan ra?" ⁶⁸ Saimonu wụ Pita nō za a, sị, "Di-nwọnni-enyi, onyę kę enyi jenburukọ? Iyụ nwọn oku ndị e ye ndun itebite. ⁶⁹ Enyi e kwerigho, marinzikwo, nị iyụ wụ Onyę-nso Osolobue." ⁷⁰ Jizosị nō sị wę, "Mmę hɔri ụnu mmębụ, ele 'ya? Kanị onyę ohu imę ụnu wụ Ekwensu!" ⁷¹ (Judasị nwa Saimonu Iskarotu k'o rị e ku, makeni o wụ onyę ohu imę ụmu-azụn mmębụ hụ bụ 'ya jenko d'e re e.)

Isi Nke Esa

Ogęn Umunę Jesu Keleni Kweri N'e

¹ Omegụ, Jesu nō ghagbarị imę Galili, latogụ Judia; o jenhumneni imę Judia, makeni ndị-ndu ndị Ju rị a chọ nị wę gbu e. ² Ogęn hụ, mmemmem ndị Ju gi a nödisonmę imę Ọdu* e ruguo. ³ 'Ya umunę Jesu nō sị a, "O furu n'i gha ebeni pụ, si Judia, keni ụmu-azụn i hụn orun-atumene ya ndị i rị a rụn. ⁴ Makeni o nwònni onyę hụn a rụn orun imę nzuzue ọwunị o chọ nị wę marin a. Ebe o mę ni i rị e mę ihien ndịni ile, we nwan enwen i ghosi ụwa." ⁵ (Ọnwan mę makeni kę umunę e dę e kwerini n'e.)

⁶ 'Ya Jizosị nō sị wę, "Ogęn furu ni m e ke ru, kanị ogęn ile furu ụnu. ⁷ Izize ụnu ezekọ ụwa, kale izize m e ze wę makelę m rị a gwa wę nị ihien w'e mę jo njọ. ⁸ Jenmę ni nwan mmemmeni, mmę le enwen m eke jenko mmemmem hụnni, makeni ogęn furu ni m e ke ru." ⁹ O kugụ, ihienni, o nō nödikwo imę Galili.

Jesu E Jen Mmemmę-odu

¹⁰ Kanị ogęn umunę Jesu gi jenmegụ mmemmem hụ, o nozị jenmę, kanị nzuzue k'o gi jen.

* Isi Nke Esa:2 Livitikosji 23.34

¹¹ Ndị-ndu ndị-Ju hụ a chọ a imẹ mmemmmé hụ, we hụ a sị, “Elebe k'ọ rị?” ¹² Ndị rị igunrun rịsonmę ebēhụ hụ a kasonmę murinmurin. Ndịnị sị, “Ezigbo ihiān k'ọ wụ,” ndịnị sị, “Mba, o rịhụ e dufie ndị ali.” ¹³ Kani, makəni egun ndị-ndu ndị Ju rị a tụ wẹ, o nwọnni onyę s'eka ku oku e ifonrin-ifon.

¹⁴ Ogen mmemmmé hụ gi rugụ ahanmahan, Jizosị nọ si Ulo-nsø d'a kuzime. ¹⁵ O nọ tụ ndị-ndu ndị Ju enya, wẹ nọ sị, “Nanị kę okennye ni dòn marin ihiēn oda enjna, bụ o ke jentu ozunzun ọwule?” ¹⁶ Jesu nọ za wẹ, sị, “Nkuzi m ẹlẹ nke m kanị nke onyę zihę ni m rọ. ¹⁷ Oməni ihiān a kwademę obi e n'o jenkọ d'e mè uche Osolobue, onyę hụ sikọ d'a marin oməni nkuzi m gha eka Osolobue bia ra m gi ikēn m e ku. ¹⁸ Onyę hụn e gi ikēn e e ku rị a chọ nị wẹ ja a mma; kanị onyę rị e mè nị wẹ ye onyę zihen'e ọgho wụ onyę ezioku, ntu a rị imẹ e.”

¹⁹ “Mozizi ye ụnụ Iwu, ẹlẹ 'ya? Kanị o nwònni onyę ohu imẹ ụnụ hụn e dònme Iwu hụ. Kị haịn ụnụ gi a chọ nị ụnụ gbu m?”

²⁰ Igunrun hụ nọ za, sị, “Eje-mmən rị imẹ i! Onyę rị a chọ n'o gbu i?”

²¹ Jesu nọ sị, “M rụn ọrụn-atumənya ohu, o nọ tụ ụnụ ile enya. ²² Mozizi ye ụnụ iwu ikwá-ugun. (Kanị ẹlẹ Mozizi bidon ikwá-ugun, ndị nedị ụnụ kanị bidon e.) Ụnụ a kwađe okennye ugung ụhụohin Izu-ikēn keni ụnụ hụn uzo mēzu iwu hụ. ²³ Oməni wẹ hụ a kwa okennye ugung ụhụohin Izu-ikēn amamgbe w'a dan Iwu Mozizi, kị haịn ụnụ gi e we ni m iwe makəni m zuochanrin okennye ẹhụ a ile ụhụohin Izu-ikēn? ²⁴ Ahanzilę ni eñen kę ụnụ hụn a, kama, e leban nị ihiēn enya ọhụnma keni ụnụ hụn uzo han eñen rị mma.”

Onyę Kę Jesu Wụ?

²⁵ Ya ndị hụ imẹ ndị Jerusalem nọ sị, “Elebe ọnwani wụ okennye hụ ndị-ndu rị a chọ nị wẹ gbu? ²⁶ Lee e nwan k'o rị ebeni e ku oku id'enya ihiān ile, a gba w'a nkintin! A marinquodę wẹ nwan nị 'ya wụ Kraistị, Onyę Hụ Osolobue Tume ra? ²⁷ Kanị ẹnyi a maringho ebe okennye gha bia; ogen Kraistị jenkọ d'e gi bia, o nwònni onyę jenkọ d'a marin ebe o gha bia.”

²⁸ Ogen Jesu gi rị a kuzi imẹ Ulo-nsø, o nọ weshi olu elu, sị, “Ezię, ụnụ a marinquodę m, marinjikwö ebe m gha bia! Kanị, egini m ihiēn ẹka m bia; onyę hụn zihę ni m furu wẹ gi dòn enya—'ya kę ụnụ marinleni! ²⁹ A maringho m'a makəni m gha ebe o rị bia, 'ya zihę m.”

³⁰ 'Ya wẹ nọ chọ nị wẹ nwunrun a; kanị o nwònni onyę metụ a ẹka, makəni ogen e e ke ru. ³¹ K'osileri, ndị bu ọda rị ebēhụ nọ kwerini n'e; wẹ hụ a sị, “Ogen Kraistị wụ Mezaya, Onyę Hụ Osolobue Tume, k'e gi bia, n'o runkarị okennye ọrụn-atumənya?”

E Zi Wẹ Ndị-ụnakpa Ulo-nsø D'a Nwunhan Jesu

³² Ndị Itu-Farisi a nụ kę igunrun hụ rị e ku ihiēn ndịnị wẹ banyeni Jizosị, 'ya ndị-isi nchụ-ejan lẹ ndị Itu-Farisi nọ zi ndị ụnakpa Ulo-nsø d'a nwunhan a.

³³ Jizosị nọ sị, “M jenkọ d'e sòn ụnụ nodi ekere, omegụ, a laburu m onyę hụn zihę ni m; ³⁴ ụnụ jenkọ d'a chọ m, kanị, ụnụ ahunkọ m; ebe m rị, ụnụ e ri-eka bia.” ³⁵ Ndị-isi ndị Ju nọ sị ibe wẹ, “Elebe kę okennye chọ n'o jen, hụn ẹnyi jenkoleni d'a hụn a? O chọ n'o jen alị ndị Griki—alị ndị wuleni ndị Ju—ebe ndị nke ẹnyi rịsonmę d'a kuzime imẹ igunrun ndị wuleni ndị-Ju? ³⁶ K'o gi ihienni e ku: ‘Unụ sikọ d'a chọ m, kanị, ụnụ ahunkọ m; ebe m rị, ụnụ asako ẹka bia a.’?”

Mirin Hun E Ye Ndụn

³⁷ Ụhụohin ikpazụn mmemmmé hụ, hụn wụ ụhụohin kachanrin mkpa, Jesu nọ wuzo otó, yi oro, sị, “Oməni o nwòn onyę egun mirin rị a gun, 'ya bia d'e kunrun m n'o ra!

³⁸ Onyę ọwule hụn kwerini ni m, ya ra; o sikọ d'a rị n'a kę Ẹhụhụo-nsø dòn ku:

‘Mirin hụn e ye ndụn

jenkọ d'a gha imẹ e
e hupuha kę iyi.’”

³⁹ Jizosị gi ọnwani e ku oku Mmən-nsø hụn ndị kwerini n'e jenkọ d'e nwęhen. W'e ke ye wẹ Mmən-nsø ogen hụ makəni Jesu e ke banye ọgho a.

Igunrun Hụ E Kebe

⁴⁰ Ogen wę gi nü oku ndinjị, ndị hụ imē igunrun hụ nō sị, “Ezioku, ọnwan wu onye-amuma Hụ pụ-ichẹn.” ⁴¹ Ndị ozọ sị, “Ọnwan wụ Kraistị, Onye Hụ Osolobue Tume!” Kanị ndị hụ imē wę sị, “Kraistị k'a ghadé nwan Galili bia ra?!” ⁴² Ehụhụo-nsọ e kugụn' a nị Kraistị, Onye Hụ Osolobue Tume, sikọ d'a gha ebọn Defidi pụha; n'o sikọ d'a gha Bętulehem, obodo Defidi te bi bia?” ⁴³ Oku banyeni Jizosị nō kebe igunrun ahụn. ⁴⁴ Ndị hụ imē wę te chọ nị wę nwụnrụn a, kanị o nwọnni onye mętụ a eka.

Ndị-ndu Ndị Ju A Jụ N'e Kwerikoni Wę Jesu

⁴⁵ Ogen ndị-unkpa Ulo-nsọ ahụn gi kinhen azụn d'e kunrun ndị-isị nchụ-ejan lę ndị Itu-Farisi, wę nō jumá wę, sị, “Kị haín ụnụ gileni węhe e?” ⁴⁶ Ndị unkpa Ulo-nsọ hụ nō za, sị, “O nwònni onye kutu oku kę okennyeṇi!”

⁴⁷ Ndị Itu-Farisi nō jụ wę, sị, “E dufiegwozidé wę nwan ụnụ nwèn ra? ⁴⁸ O nwòngho kaka akpụ onye-ndu mọbụ onye Itu-Farisi ohu ụnụ marịn hụn kwerini n'e? ⁴⁹ Igunrunni amarin Iwu Mozizi, ndị wę bụ ọnụ kę wę wụ.”

⁵⁰ Nikodimosi hun jen d'i kunrun Jesu mbụ, hụn wu onye ohu imē wę nō si wę, ⁵¹ “Iwu enyi a madę ihiyan ikpe bụ ebuni wę uzọ nü ọnụ a mọbụ chopuha ihiyen o mę ra?”

⁵² Wę nō za, sị, “I wuzidé onye Galili ra? Mu Ekukwọ-nsọ n'i marịn nị onye-amuma ara gha † Galili bia.” [⁵³ Onye ọwule nō lashi iwe e.]

Isi Nke Esatö

Okpoho Hụ Zо-ükü-ye-ofia

¹ Kanị, Jesu nō si Ugu Olivu. ² O ru uzọ-ütuntụn, o kinhenzi Ulo-nsọ. Ndị hụ ile nō bia d'e kunrun e, o nō nodị ali, kuzime wę.

³ Ya ndị-nkuzi Iwu lę ndị Itu-Farisi nō węhe okpoho ohu wę nwụn ebe o rị a zo-ükü-ye-ofia. Wę nō bu ę tumé ihun ihiyan ile. ⁴ Wę nō si Jizosị, “Onye-nkuzi, wę nwụn okpohoni ebe o rị a zo-ükü e ye ofia. ⁵ Imē Iwu, Mozizi sị enyi gi ọmuma magbu okpoho nō enịna, kale, k'i k'e ku nwan banyen'e?” ⁶ (Wę jụ a ihienni nị wę gi e kwondon Jizosị, keni wę hụn ihiyen wę k'a sị nị ya k'o mę.) Ya kę Jizosị nō hulụa ali, gi mkpinsin-eka a demę ihiyen ali. ⁷ Ogen wę gi tọ a jụ a, o nō lihi ọtọ, sị wę, “Onye ọwule imē ụnụ mętuleni njọ, 'ya bu uzọ ma a ọmuma.” ⁸ 'Ya ọ nō hulazị ali, demę ihiyen ali. ⁹ Ogen wę gi nü ihienni, wę ile nō puma, ohu-ohu, ndị kanị bu uzọ puma, d'e ru n'o hodụ Jizosị suọ; okpoho hụ turuhukwọ ebęhụ ihun Jizosị. ¹⁰ Ya Jesu nō lihi ọtọ, sị a, “Okpoho, elebe kę wę rị? O nwònni onye ma i ikpe?” ¹¹ O nō sị, “Di-okpa, o nwònni.” Jizosị nō sị a, “Mmę nwèn ę amakokwọ i ikpe. Jemme. Kanị, gha kikenni jemme, emezile njọ.”]

Jizosị Wụ Ukpe Uwa

¹² Jizosị nō sịzị ndị ahụn o te rị a kuzi, “Mmę wụ ukpe uwa. Onye ọwule hụn rị e sonni m aghakọ imē ishi, kama, o sikọ d'e nwòn ukpe hụ hụn e ye ndun.”

¹³ Ndị-Farisi nō shiarị a, sị, “I rị nwan a shianị enwèn i ẹri, egiko wę ẹri i don.”

¹⁴ Jesu nō za, sị, “Osụon'a nị m shia nị enwèn m ẹri, ẹri m furu wę gi don, makele a maringhọ m ebe m gha bia lę ebe m jenkö. Ụnụ amarin ebe m gha bia mọbụ ebe m jenkö.

¹⁵ Ụnụ e gi ihiyen enya e legha a han enen. O nwònni onye m'a hannị enen. ¹⁶ Kanị o suọ n'a nị m jenkö d'a han enen, enen m'a han wụ ezioku, makeni ẹlę mmę suọ a han a, kama mmę lę Chuku-Nędi hụn zihé ni m gba a han a.

¹⁷ Imē Iwu ụnụ, wę de ę nị ẹri mmadụ ebụo kę wę gi e don. ¹⁸ M rị a shianị enwèn m ẹri; Nędi m hụn zihé ni m rị a shiazikwọ nị m ẹri.” ¹⁹ Ya wę nō sị a, “Elebe kę Nędi i rị?” Jesu nō za, sị, “Ụnụ amarin m, ụnụ amarinzíkwo Nędi m. Omelé ụnụ marịn m amarin, nkę ụnụ a marinzipwọ Nędi m.”

²⁰ Jesu ku ihiyen ndinjị ogən o gi rị ehụ ebe w'e buche oyiyə imē Ulo-nsọ a kuzi, bụ o nwònni onye nwụnrụnn'a makeni ogən ę e ke ru.

† Isi Nke Esa:52 ...onye-amuma hụ pụ-ichẹn aghakọ...

Ebe Jesu Gha Bia Lé Ebe O Jenko

²¹ Jizosí nozí gwa wé, sí, "M jenkó d'a pú; ụnu sikó d'a chọ m—kaní ụnu jenkó d'a nwuntó imé njó ụnu. Ụnu asakó eka bia ebe m jenkó."

²² Ndí-ndu ndí Ju nò sí, "O sí ní enyi asakó eka bia ebe o jenkó. 'Ya wú n'o jenkó d'e gbudé nwan enwén e ra?' Iya k'o gidé nwan ihienni e ku ra?"

²³ Jizosí nò za wé, sí, "Unú gha ibe alí bia, kale m gha elu bia. Unú wú nke ụwaní, kaní ẹlé m nke ụwaní. ²⁴ 'Ya hajn m gi gwa ụnu ní ụnu sikó d'a nwuntó imé njó ụnu. Ụnu jenkó d'a nwuntó imé njó ụnu mmaní ụnu kweri ní m wú onyé ahun m sí ní 'ya ké m wú.'

²⁵ Wé nò sí a, "Onyé k'í wú?" Jesu nò sí wé, "Ihien hú m gwa ụnu isi mbidon ké m wú.

²⁶ M nwón ihien bu ọda m k'a saéka ku banyeni ụnu, ihien bu ọda m'e gi ma ụnu ikpe; kaní, onyé hún zihé ni m furu wé gi e dòn enya, m ríhú a gwa ụwa ihien ndí m nü onu a." ²⁷ (Kaní aghotani wé n'o rí a gwa wé banyeni Chuku-Nédi.) ²⁸ 'Ya Jizosí nò sí, "Ogen ụnu jenkó d'e gi wesi Nwa nke Ihian enu ké ụnu jenkó d'e gi marín ní m wú onyé m wú—Kraistí, Onyé Hú Osolobue Tumé—ní m'a ra gi uche m mè ihien ọwule, kama, ní m rí a gwa ụnu ihien ndí wé ké Nédi m dòn kuzi m. ²⁹ Onyé hú zihé ni m noyení m anoyení; o natóní m, makéni ogéne ile ké m gi e mè ihien a suón'a."

³⁰ Ogen o gi rí e ku ihien ndí wé, ndí bu ọda nò kweri.

Ezioku Jenko D'e Mè Ụnu Weri Enwén Ụnu

³¹ Jizosí nò sí ndí Ju hún kwerini n'e, "Oméni ụnu e sòn nkuzi m, 'ya wú ụnu wú ụmu-azúun m nke-esi. ³² Ụnu mè e, ụnu jenkó d'a marín ezioku, ezioku jenkó d'e mè ụnu nwónrin enwén ụnu." ³³ Wé nò za a, sí, "Enyi wú ụmu Ebraham, enyi awutuni igbon onyé ọwule. K'i rí a síní, 'Unú jenkó d'e weri enwén ụnu?'" ³⁴ Jesu nò sí wé, "Ezioku ké m rí a gwa ụnu, onyé ọwule hún e mè njó wú igbon njó. ³⁵ Igbon ara nwón ọnodí imé ezi-le-ulo jenrin ejen, kaní, nwa nwón ọnodí imé ezi-le-ulo jenrin ejen. ³⁶ 'Ya wú, oméni Nwa Osolobue mè ụnu weri enwén ụnu, ụnu jenkó d'e nwónrin enwén ụnu nke-esi. ³⁷ A maríngħo m ní ụnu wú ụmu Ebraham, kaní ụnu rí nwan a chọ ní ụnu gbu m, makéni oku m enwón ọnodí imé ụnu. ³⁸ M'e ku ihien m hún ebe Nédi m rí, kale ụnu e mè ihien ụnu nü onu nèdi ụnu."

³⁹ Wé nò za a, sí, "Ebraham wú nèdi enyi." Jesu nò sí wé, "Oméni ezié ró ní ụnu wú ụmu Ebraham, nké ụnu hú e mè ihien Ebraham mè. ⁴⁰ Kaní ụnu chọ nwan ní ụnu gbu m, onyé hún gwa ụnu ezioku hún m nü onu Osolobue. Ebraham e mèni ihien nò eríra!

⁴¹ Unú ríhú e mè ihien nèdi ụnu e mè."

Wé nò sí a, "Enyi ele ụmu ọwu; Osolobue lé enwén e suó wú Nédi enyi nwón."

⁴² Jizosí nò sí wé, "Oméni Osolobue wú Nédi ụnu, nké ihien m a suó ụnu, makéni m gha ebe Osolobue rí bia; iya mè m nwan rí ebeni. Ele mmé gi ihien eka m bia, iya zihé m. ⁴³ Kí hajn ụnu giléni a ghota ihien m rí e ku? Ụnu arí a ghota makéni ụnu asaní eka nabanhán oku m.

⁴⁴ Ụnu wú nke Ekwensú nèdi ụnu, ihien Ekwensú nèdi ụnu chọ ké ụnu chọ nwan ní ụnu mè. Ogbu-ochú k'o wú gha isi mbidon lala; o kwadontuni ezioku—makéni ezioku arí imé e. O gha a tū ntú, o nwónni ihien o wú ebe o rí, makéni onyé ntú lè nèdi ntú ile k'o wú. ⁴⁵ Ya hajn ụnu giléni kweri ihien m rí e ku, makéni m rí e ku ezioku. ⁴⁶ Onyé imé ụnu sikó d'a saéka ghosi ní m mè njó? O mè nwan ní ezioku ke m rí a gwa ụnu, kí hajn nwan ụnu giléni kweri ihien m rí e ku? ⁴⁷ Onyé ọwule hún wú nke Osolobue e gi oku Osolobue e dòn. Ihien hajn ụnu giléni e gi oku Osolobue e dòn wú ní ụnu élé nke Osolobue."

Jizosí Lé Ebrahim

⁴⁸ Ndí-ndu ndí Ju nò za, sí, "Ele ezioku ké enyi rí e ku ní i wú onyé Sameria, ní ejemmon rí imé i?" ⁴⁹ Jesu nò za, sí, "Eje-mmón a rí imé m; m'a gbaye Nédi m, kaní ụnu ara gbaye m. ⁵⁰ Arí m e mè ní wé ye m ogho; kaní, o nwóngho onyé rí e mè ni wé ye m ogho—Nédi m ró; iya a han enien. ⁵¹ Ezioku ké m rí a gwa ụnu, onyé ọwule mè ihien m ku ahunkó ọnwun, kaka."

⁵² Ndị Ju nō sī a, “O wegụo nwan ẹnyi ẹnya ọhụnma-ọhụnma nī eje-mmɔn rị imē i! Ebraham lę ndị-amụma a nwụngho, kanị i sī, ‘Onye ọwule hụn dọnmę oku m ahụnkọ ọnwụn.’ ⁵³ ‘Yü ka nedị ẹnyi wụ Ebraham hụn nwụnni lę ndị-amụma ndị nwụnzikwọ ọnwụn? Onye k'i ro nī 'ya kę i wụ?’”

⁵⁴ Jizosị nō za, sī, “M ja enwèn m mma, ojija-mma m wụ ihièn mmaka. Onye hụn a ja m mma wụ Nedi m, hụn unu sī nī 'ya wụ Osolobue unu, ⁵⁵ bù unu amarịn a, kale a maringho m'a. M sī n'a marịn m'a, m jenkọ d'a wụ onye ntụ kę unu; kanị a maringho m'a; m'e mē ihièn o ku. ⁵⁶ Nedi unu kanị wụ Ebraham ghogho n'o jenkọ d'a hụn ogèn m; o hụn a, efo nō suṣo a usụo.”

⁵⁷ 'Ya ndị Ju nō sī a, “Y'e ke ru ahụa iri-kwasị-ogunnaị, y'a hụnole Ebraham?”

⁵⁸ Jesu nō sī wę, “Ezioku kę m rị a gwa unu, nī wę d'a mụ Ebraham, m rị ari!”

⁵⁹ 'Ya wę nō tuturu ọmụma nī wę ma a, kanị Jesu nō warị, gha imē Ụlo-nsø pụ.

Isi Nke Itenei

Jizosị A Zuò Okennye Wę Mụ Ẹnya-ishi

¹ Ogèn Jizosị gi ghafekọ, o nō hụn onye ẹnya kpu-ishi kete w'a mūl'a. ² Umụ-azụn a nō ju a, sī, “Onye-nkuzi, onye mē njo hụn wę gi mụ okennye ni ẹnya-ishi, iya lę enwèn ra ndị mūn'a?” ³ Jesu nō za, sī, “Eleni okennye ni móbụ ndị mūn'a mē njo, kanị wę mụ a ẹnya-ishi keni ikèn Osolobue hụn uzọ púha ifon imē ndùn a. ⁴ Enyi sikọ d'a gha a rụn ọrun onye hụn zihé ni m ebe eki keleni gi, makeni, ọhị gba, o nwònni onye jenkọ d'a saéka rụn ọrun. ⁵ Hunningi m rị imē ụwa, mmē wụ ukpē ụwa.”

⁶ Ogèn o gi kugụ ihiènni, o nō ju eson tọ alị, gi eson hụ mémé ụrụa, gi e te onye ẹnya-ishi hụ ẹnya. ⁷ O nō sī a, “Jenmę d'e fin ihun imē mirin Silụam.” (Alị ẹfannị wụ “E zижengwo.”) O nō jen d'e fin ihun e, o nō leghama uzọ, lúaha. ⁸ Ndị nochimen'e lę ndị marịn n'o te rịo ụrịo hụ a sī, “Ọnwan ele onye hụ a nödị alị a rịo ụrịo?” ⁹ Ndị hụ imē wę hụ a sī, “Iya rọ.” Ndị ozọ sī, “Mba, ele ya; kanị o yi e eyi.”

Kanị 'ya nwèn nō sī, “Egheę, mmē wụ okennye hụ.” ¹⁰ Wę hụ a ju a, a jùdonzi, a sī, “Nanị k'i dòn nwan leghama uzọ?” ¹¹ O nō sī, “Okennye hụ w'a kpó Jizosị/Jesu mémé ụrụa gi e te m ẹnya, o nō sī m, ‘Jen Silụam d'e fin ihun.’ ‘Ya m nō jenmę d'e fin ihun, m nō leghama uzọ!’” ¹² Wę nō ju a, sī, “Elebe k'o rị?” O nō sī, “Amarịn m.”

Ndị Itu-Farisi E Leban Nzorị Hụ Ẹnya

¹³ Wę nō weri onye hụ ẹnya te kpu-ishi jenni ndị Itu-Farisi. ¹⁴ (Uhuhịn Izu-ikèn kę Jesu mémé ụrụa gi e shiapu a ẹnya.) ¹⁵ 'Ya ndị Itu-Farisi nō jumá a k'o dòn leghama uzọ. O nō sī wę, “O bu ụrụa che m ẹnya, e fin m ihun m-e leghamagụo m nwan uzọ.” ¹⁶ Ndị hụ imē ndị Itu-Farisi nō sī, “Okennye ni ele nke Osolobue makeni o rịnị e dònme iwu Izu-ikèn.” Ndị ozọ sī, “Nanị kę onye-njọ dòn saéka a rụn ọrun-atumenyə ndinị?” Wę nō kebe. ¹⁷ Wę nō sīzị onye ẹnya-ishi hụ, “K'i nwòn y'e ku banyen'e, ebe o mē ni 'ya shiapu i ẹnya?” O nō sī, “O wụ onye-amụma.”

¹⁸ Ndị-ndu ndị Ju e te kwerini nī ẹnya te kpu e ishi d'e ru n'a kpó wę ndị mūn'a. ¹⁹ Wę nō ju ndị mūn'a, sī, “Ọnwan wụ nwa unu hụn unu sī nī unu mụ a ẹnya-mpin? Nanị k'o dòn nwan leghama uzọ?” ²⁰ Ndị mūn'a nō za, sī, “Enyi a maringho nī Ọnwan wụ nwa ẹnyi; nī ẹnyi mụ a ẹnya-mpin. ²¹ Kanị, ẹnyi amarịn k'o dòn nwan leghama uzọ móbụ onye shiapu a ẹnya. O ruguo ogo; jụn'a. ‘Ya sikọ d'e ku Ọnwan a.’” ²² (Ndị mụ n'a ku eríra makenelé egún ndị-ndu ndị Ju rị a tụ wę. Makeni, ndị-ndu ndị Ju e kwerigbamaqle nī onye hụn jenkọ d'a sī nī Jesu wụ Kristi, Onye Hụ Osolobue Tume, a chupu w'a imē Ụlo-ofufe. ²³ 'Ya hain ndị mūn'a gi sī, “O ruguo ogo; jụn'a.”)

²⁴ 'Ya wę nō kpozị okennye hụ ẹnya te kpu ishi, jumazi a ajuju nke mgbe ebuo, sī a, “Ku ezioku n'i ye Osolobue ogho! Enyi a maringho nī okennye ni ẹnya-mpin.” ²⁵ O nō za, sī, “Amarịn m omení o wụ onye-njọ móbụ ele onye-njọ. Kanị ihièn ohu m marịn wụ nī ẹnya te kpu m ishi, kale, e leghamagụo m nwan uzọ!” ²⁶ Ya wę nō sī a, “K'o mē i? Nanị k'o dòn

shiapu i enya?” ²⁷ O no si we, “A gwaguo m unu, kanı unu egini e don; ki haın unu gi a cho ni unu nuzi a? Unu chozikwo ni unu wuru umu-azun a?”

²⁸ Ya we no kpoma a iyi, si, “Nwa-azun a k'i wu, kanı enyi nwən wu umu-azun Mozizi. ²⁹ Enyi a maringho ni Osolobue gwa Mozizi oku, kanı nke okennyeni, enyi amarindē ebe o gha bia!” ³⁰ Okennyę hū no za, si, “Onwan wu ihien a tu enya! Unu amarin ebe o gha bia, bu o shiapu m enya. ³¹ Enyi a maringho ni Osolobue ara gon onye-njo ntin, kanı o gon onye hūn e fe n'e le onye hūn e me uche e ntin. ³² Kete uwā e bidonle, anutuni we ni onye owitzle shiapu enya onye we mu enya-mpin. ³³ owitzle okennyeni ele nke Osolobue, o ke sa eka me ihien owitzle.”

³⁴ We no za a, si, “Ime njo kē we nochanrin mu i; i ri nwan a cho ni kuzi enyi!” We no chupu a imē ulo-ofufe.

Enya-ishī Imē-mmōn

³⁵ Ogen Jizosī gi nu ni a chupuguo w'a, o hūn a, o no si a, “Y'e kwerigho ni Nwa nke İhian?”

³⁶ O no za, si, “Onye k'o wu di-okpa? Gwa m, keni m hūn uzō kweri n'e!”

³⁷ Jizosī no si a, “Y'a hūnguo a—onye hūn ri e du i e ku oku ro.”

³⁸ O no si, “Di-nwɔnni-enyi, e kwerigho m.” O no sekpu ali, fe e.

³⁹ Jesu no si, “M bia uwani d'a han enen, keni ndi enya-ishī leghama uzō, ndi hūn e legha uzō a wuru ndi enya-ishī.”

⁴⁰ Ndī Itu-Farisi nokunmē n'e a nu ihienni o ku, we no ju a, si, “Enyi wuzikwo ndi enya-ishī?”

⁴¹ Jizosī no za we, si, “Omēni unu wu ndi enya-mpin, we e ke si ni unu me njo; kale, ebe unu si ni unu hū e legha uzō, njo unu hukwonī unu.”

Isi Nke Iri

Ilu Jesu Gi Ezigbo Onye-ndu Atunrun Ta

¹ “Ezioku kē m ri a gwa unu, onye owitzle hūn ghaleni onumuzo banye imē ulo-atunrun, kanı o gha uzō ozō nyinban, onye ahun wu onye-ohin le onye e chekin ihiān uzō a napu a ihiēn e. ² Onye hū gha onumuzo banye, 'ya wu onye-ndu atunrun ndi hū. ³ Iya kē onye nche a kpopu ni uzō; atunrun ndi hū e gon ntin olu e. O kpo atunrun a efan, o dupuha we. ⁴ O wepūhagū wē ile wu ndi nke e, o buruni we uzō; atunrun ndi hū e son e makēni we marin olu e. ⁵ Esōnkō we onye we marinleni, kama, w'a gban'a ɔso, makēni amarin wee olu e.”

⁶ Jizosī gi iluni gwa we oku, kanı a ghotani we.

Jizosī Wu Ezigbo Onye-ndu Atunrun Hū

⁷ ‘Ya Jizosī nozī si we, “Ezioku kē m ri a gwa unu, mmē wu onumuzo atunrun gha a banye. ⁸ Ndī ozō ile bu m uzō bia wu ndi ohin le ndi e chekin ihiān a napu a ihiēn e; kanı atunrun ndi hū egonni we ntin. ⁹ Mmē wu onumuzo. Onye owitzle hūn gha m banye sikō d'e nwōn nzūopuha; o jenkō d'a gha e jen, a lūa, a hunsōnmē efifia o sikō d'e ri. ¹⁰ Onye ohin ara bia wezuka n'o bia n'o zun, n'o gbu le n'o tikpō, kanı m bia keni we nwōn ndūn, nwōn e mmagi-mmagi.”

¹¹ “Mmē wu ezigbo onye-ndu atunrun. Ezigbo onye-ndu atunrun gi ufiri atunrun e ye ndūn a. ¹² Nke onye we wehū orūn, hūn wuleni onye-ndu atunrun ndi hū, hūn atunrun ndi ahun wuleni nke e, o hūn eworō* k'o lala, o la atunrun ndi hū tō, gbapu—eworō hū nwunrun we, o chuziza we. ¹³ Onye we we orūn a gbapu makēni o wuhū onye we we orūn, ele iya nwōn atunrun, o nwōnni ihiēn o kpo atunrun ndi hū.

¹⁴ Mmē wu ezigbo onye-ndu atunrun. A maringho m atunrun m; atunrun m a maringhozi m—¹⁵ rike kē Nedi m don marin m, a marin m Nedi m. M ri e ye ndūn m makē ifiri atunrun. ¹⁶ M nwōn atunrun ndi ozō rileni imē igunrunni. M jenkō d'e wehezi we. We jenkō d'e gon ntin olu m, keni o wuhū igunrun ohu le onye-ndu ohu. ¹⁷ Ihiēn m

* Isi Nke Iri:12 Griki: wofu

suo Nedi m makeni m ri e we ndun m e ye keni m werizi e. ¹⁸ O nwonnni onye ri a napu m ndun m; kama, mmee ri e gi uche m e ye e. O ri m eka iyen' e; o rizi m eka iwerizin' e. Nedi m si m me ihieni.”

¹⁹ Ya ke ndi-ndu ndi Ju no kebezi make ihien ndini o ri e ku. ²⁰ Ndji bu oda im e we hu a si, “Eje-mmmon ri im e e; era ri a pu al! Ke enyi ri e gonn'e ntin?” ²¹ Ndji ozohu a si, “Oku ndini ele oku onye eje-mmmon ri im e e. Ni eje-mmmon saeka shiapu enya onye enya-ish?”

A Ju We Jesu

²² Ogèn hu wu ogèn oyi. We ri im e Jerusalem, e me Mmemmwe we gi e don Ulo-nsø nsø†, ²³ Jizosij ghakò etu-ulø Solomoni hun ri Ulo-nsø, ²⁴ ya ndi-ndu ndi-Ju no fihunme e, si a, “Elee ogèn ke y'e konmèru enyi obi elu? Omèni 'yu wu Kraistji, Onye Hu Osolobue Tume, gwapu enyi?”

²⁵ Jizosij no za, si, “A gwaguo m unu, kanji unu ekwerini. Orun-atumenna ndi m gi efan Nedi m a run wu osheri m; ²⁶ kale unu ekwerini makele unu ele atunrun m. ²⁷ Atunrun m a maringho olu m; a maringho m we; w'e son m eson. ²⁸ Mm'e ye we ndun itebite; alako we ntikpo. O nwonnni onye sikò d'a napu ni m we. ²⁹ Nedi m hun we we che m eka ka ihien ile; o nwonnni onye jenkò d'e ri-eka wepu we eka Nedi m.”

³⁰ “Mmee le Nedi m wu ohu.”

³¹ Ndji-ndu ndi-Ju no burusonmezi omuma, cho ni we magbu e. ³² Jizosij no za we, si, “A runghosiguo m unu orun-oma bu oda gha eka Nedi m bia: elee hun im e we ke unu jenkò d'e gini ufiri e ma m omuma?” ³³ Ndji-ndu ndi-Ju no za, si, “Ele orun ri mma ke enyi k'a ma n'i omuma, kanji, aru i ku. Makeni ihian mmaka k'i wu bu i ri e weri enwen i n'i wu Osolobue.” ³⁴ Jesu no za we, si, “Ele we de e im e Iwu unu, si, ‘M si ni unu wu chi‡.’” ³⁵ Ebe o me ni w'a ra s'eka gbehutu oku ri im e Ehuhujo-nsø, omèni o kpo ndi hu we zijenni oku Osolobue mbu ‘chi’, ‘ndi ri ke Chuku’, ³⁶ nanji ke unu gi ri a si ni, mmee, hun Chuku-Nedi don nsø zihé im e uwu, ri e ku aru, makeni m si, ‘M wu Nwa Osolobue?’ ³⁷ Omelé arì m a run ihien Nedi m a run, egile ni ihien m ku don. ³⁸ Kanji omèni m hu a run we, osuon'a ni unu egini ihien m ku don, gi ni orun-atumenna ndi m run don, keni o we unu enya ni Chuku-Nedi ri im e m, mmee nwèn ri im e Chuku-Nedi.” ³⁹ ‘Ya we no chozi ni we nwunrun a, kanji o no gbunahin we.

⁴⁰ Jizosij no kin-azùn, fetu Iyi Jodani, si ebèhu Jonu no me mirin-Chuku ogèn mbu, o no nodi ebèhu. ⁴¹ Ndji bu oda no bia d'e kunrun e, we hu a si, “Jonu a runni orun-atumenna kaka akpu-ohu, kanji, ihien ile Jonu ku banyeni okènnyneni wu ezioku.” ⁴² Ndji bu oda no kwerini Jesu ebahun.

Isi Nke Mmanaij

Onwun Lazarosi

¹ O nwòn okènnyné ohu w'a kpo Lazarosi hun emu ri a kù. Onye Bétanji, obodo Meri le nwènè e okpoho wu Mata ro. ² Merini wu hun hu udèn e shin ohunma ye Di-nwonnienyi wu Jesu ukù, gi ntutu e fikorì a; nwènè e wu Lazarosi ke emu ri nwan a kù. ³ ‘Ya umune-ikpoho ebènòngi no zi ozi jenni Jizosij, si, “Di-nwonnienyi, emu ri a kù onye ahun ihien e a suo i.”

⁴ Kanji, ogèn Jizosij gi nu ihieni, o no si, “Emuni ele nke onwun, kama, o k'e weheni Osolobue ogho; o jenkò d'a wu uzo Nwa Osolobue jenkò d'e gi nwònhen ogho.” ⁵ (Ihién Mata le nwènè-e-ikpoho wu Meri lezi Lazarosi a suòkwo Jesu asuò.)

⁶ O nuguu ni emu ri a kù Lazarosi, kuguu ihieni o ku, o no nodizi ebèhu o ri akpu-uhuohin ebèbu.

⁷ Omeguu, o no nwan si umu-azùn a, “Nì enyi kin ni azùn si Judia.” ⁸ Umu-azùn a no si a, “Onye-nkuzi, o ke te ndi Ju cho ni we ma i omuma ebèhu, i choko n'i kinzi ebèhu?” ⁹ Jesu no si, “Ele mgbahunmè okulokù mmebuo ke anwun gi a ri elu? Ndji hun a ghahunmè ebe eki ri elu ara kpogburu, makeni we gi ukpe uwani e legha uzo. ¹⁰ Kanji ndi

† Isi Nke Iri:22 Mmemmwe Hanuka ‡ Isi Nke Iri:34 mòbù: Unu no ke Osolobue (Ebù-oma 82.6)

hun a ghahunmę imę ukinkin a kpogburu akpogburu, makęni ukpé a rị imę wę.” ¹¹ Ogen o gi kugụ ihienni, o nozị sị wę, “Uran e buruolę ọwụ enyi wụ Lazarosi, kale, m jenko ebęhụ d'a kpotien e.”

¹² Umụ-azụn a no sị a, “Di-nwọnni-enyi, omęni o rị ụran, o sikọ d'a rị mma.” ¹³ (Jizosị gi e e ku ni o nwụnhungu, kanị wę rị e ro n'o rị e ku ụran mmaka.) ¹⁴ 'Ya Jizosị no gwapụ wę, sị, “Lazarosi a nwụnhungu, ¹⁵ kanị, makę ufiri unu, efo rị a suq m usuo ni arị m ebahụn, makęni o k'e me ụnu kweri. Kanị, bia ni nwan ni enyi jen d'e kunrun e.” ¹⁶ Tamosi (hun w'a kpọ Ejime) no sị umụ-azụn ibe e, “Nị enyi nwẹn jenzi, keni enyi son onyę-nkuzi nwụn!”

Jesu Wụ Onyę Hun E Weli Ndị Nwụnni

¹⁷ Ogen Jizosị gi ru ebahụn, o no hun a ni Lazarosi a riolę imę ili kete akpu-uhuohin eno. ¹⁸ Bętanị nokunmę Jerusalem, egbata wę wụ ihien rikę maili ębuo. ¹⁹ Ndị Ju bu oda a ghaolę Jerusalem bia d'e kunrun Meri le Mata ni wę roko wę obi makę ọnwụn nwene-wę-okeṇnye.

²⁰ Ogen Mata gi nu ni Jizosị lala, o no jenmę d'e kunrun e, kanị Meri nodị alị imę ụlo. ²¹ Mata no sị Jesu, “Di-nwònni-enyi, omęni i te rị ebeni, nwene m e ke nwụn. ²² Kanị a maringhọ m ni kę kikenni o nwụnhugu, Osolobue jenko d'e ye i ihien ọwule i riọ a.”

²³ Jizosị no sị a, “Nwene i jenko d'a gha ọnwụn lihizi.”

²⁴ Mata no sị a, “A maringhọ m n'o jenko d'e lihi ogęn ndị nwụnni sikọ d'e gi lihi Uhuohin-ikpazuṇ.”

²⁵ Jizosị no sị a, “Mmę wụ onyę hun e weli ndị nwụnni; mmę wụ onyę hun e ye ndụn. Ndị hun kwerini ni m, o suq n'a ni wę nwụnhun anwụnhun, wę sikọ d'a rị ndụn; ²⁶ onyę ọwule rị ndụn hun kwerini ni m anwụnkọ, kaka. Y'e gigho a dọn?”

²⁷ Mata no za a, sị, “Egheę Di-nwònni-enyi, e kwerigho m ni 'yü wụ Onyę Hun Osolobue Tume, Nwa Osolobue, hun wę rị e lee enya a n'o lala imę ụwa.”

Jizosị Kwan Ekwan

²⁸ Ogen Mata gi kugụ ihienni, o no kin-azụn d'a kpọ nwene e wụ Meri. O no kagwa a, sị, “Onyę-nkuzi rị ebeni, o rị a kpọ i.” ²⁹ Ogen o gi nu ihienni, o no lihi otọ ozigbo, jen d'e kunrun e. ³⁰ Ogen hụ Jesu e ke banye imę obodo hụ—echen k'o rikwo ebe Mata no kunrun e. ³¹ Ndị Ju ahụn wę le Meri rị imę ụlo rị a roko a obi a hun Meri k'o lihi otọ ozigbo pụ, wę no sonmę e makęni wę ro n'o jenko ili hụ d'a kwan ekwan.

³² Ogen Meri gi ru ebęhụ Jizosị rị, hun Jizosị, o no dann'a alị, sị a, “Di-nwònni-enyi, omęni i te rị ebeni, nwene m e ke te nwụn!”

³³ Ogen Jizosị gi hun a k'o rị a kwan ekwan, hunzị ndị Ju ndị 'ya le wę wi kę wę rị a kwan, o no metu a obi oda-oda, fütu a.

³⁴ O no sị wę, “Elebe kę ụnu liye e?” Wę no sị a, “Di-nwònni-enyi, bia d'e lee e.”

³⁵ Jizosị no kwan ekwan. ³⁶ 'Ya ndị Ju ahụn no sị, “Euu, lee kę ihien e suohan a!”

³⁷ Kanị ndị hụ imę wę no sị, “Onyęni shiapu enya onyę enya-ishì, o ke sa eka gbondon okenneye anwụnlę?”

Jizosị A Gha Imę Ọnwụn Weli Lazarosi

³⁸ O metukènmezi Jesu obi, o no bia ebe ili hụ rị. Ili hụ wụ okporo hun wę gi ọmuma hi-ogbe nukin onu a. ³⁹ Jizosị no sị, “Nupụ ni ọmuma hụ.”

Mata, nwene okenneye hụ nwụnhunni no sị a, “Di-nwònni-enyi, o sikọ d'e shin ọda-oda, makele o męolę akpu-uhuohin eno wę li e.”

⁴⁰ Jizosị no sị a, “Agwanị m'i n'i jenko d'a hun kę Osolobue hihan ogbe omęni y'e kwerigho?”

⁴¹ E nupụ wę ọmuma hụ, Jizosị no wesi enya elu, sị, “E kele m'i Baba, makęni y'a nüguo ekpere m, ⁴² a maringu o m ni y'a nü ekpere m ogęn ile, kanị ifiri ndịnị rị ebeni kę m gi ku ihienni, keni wę kweri ni 'yü zihę m.” ⁴³ Ogen o gi kugụ ihienni, o no gi oken olu yi oro, sị, “Lazarosi, pühal!” ⁴⁴ Okenneye nwęn nwụnni no püha, ekwa wę gi li e a fükpmę e: ohu fükpmę ọku le eka, ohu fükpmęzi e ihun. Jizosị no sị wę, “Topụ n'a n'o jenmę.”

E Rini Wę Jesu Ngo Kení Wę Gbu E
(Mat 26.1-5; Mak 14.1-2; Luk 22.1-2)

⁴⁵ Ndị bu odata imē ndị Ju ahun bia d'a hụn Meri, a hụn ihien ndị Jesu mē, wę nō kweri n'e. ⁴⁶ Kanị ndị hụ imē wę nō jen d'e kunrun ndị Itu-Farisi, gwa wę ihien Jizosị mē. ⁴⁷ 'Ya ndị Itu-Farisi lę ndị-isi nchụ-ejan nō kpọ Ogwaa Ndị-isi Nkíkwama, sị, "K'i enyi jenkọ nwan d'e mē? Lee ni ɔrụn-atüménya ile okęnnnyeni rị a rụn! ⁴⁸ Oméri enyi a nị a rụnsónmę enina, ihiian ile jenkọ d'e kweri n'e; ogēn hụ, ndị Rom rị a kini enyi sikọ d'a bia d'e mē ihien banyen'e, wę sikọ d'e tikpọ Ulo-nsọ enyi lę alị enyi!"

⁴⁹ Ya kę onye ohu imē wę efan a wụ Kayafasi, hụn wụ onye-isi nchụ-ejan ahụa hụ, nō sị wę, "Unụ a marin ihien kaka! ⁵⁰ Unụ a marin n'o ka unụ mma nị onye ohu nwündonni ihiian ile, karị nị ndị alị enyi ile a la iwi?" ⁵¹ (Kanị, ezioku rị n'a wụ nị ebe o mē ni Kayafasi wụ onye-isi nchụ-ejan ahụa hụ, amụma k'o bu ihien hụ—nị Jesu jenkọ d'a nwụnnị ndị Ju ɔnwụn; bụ ọ marin nị amụma k'o bu. ⁵² Eledę ndị Ju suọ k'o k'a nwụnnị, kanị, keni o gizi ɔnwụn a wegbama ndị nke Osolobue ile rịsonmę ebe ile.)

⁵³ Gha ụhụohin hụ jenmę, ndị-ndu ndị Ju nō tuma iroro kę w'e don gbu Jesu. ⁵⁴ Ufiri e, Jesu akpazinị ebe ihiian rị imē Judia, kama ọ nō gha ebéhụ pụ, shi obodo ohu w'a kpọ Ifrem, hụn rị egberę nökunmę atụ—iya lę ụmụ-azụn a nō nodị ebéhụ.

⁵⁵ Ogēn Mmemmę-Nghafe e rumę, ndị bu odata nō ghasonmę alị ofia si Jerusalém d'e mē omenalị w'e gi e don enwèn wę nsọ, hụn wę gi a kwademę mmemmmę hụ. ⁵⁶ Wę hụ a chọ Jesu, a jụ ibe wę ebéhụ wę wuzo imē Ulo-nsọ, sị, "K'i ro? Ọ biakodę mmemmmeni ra?" ⁵⁷ Ogēn hụ, ndị-isi nchụ-ejan lę ndị Itu-Farisi e yege wę iwu banyeni Jesu: nị ɔwụnị onye ɔwụlę marin ebe ọ rị, 'ya bia d'a gwa wę, keni wę hụn ụzọ nwụnnrun a.

Isi Nke Mmębụo

E Hukpu Wę Jesu Udēn
(Mat 26.6-13; Mak 14.3-9)

¹ Ogēn o gi hodu akp'ohin isin nị Mmemmę-Nghafe ru, Jizosị nō jen Bętanị, iwe Lazarosi, okęnnnye hụ ọ gha ɔnwụn weli. ² Wę nō shi ni Jesu ihien-oriri enyasi ahun. Mata hụ e jen ozi, e buye wę ihien-oriri ahun; Lazarosi rị ndị rị e sòn e ri ihien-oriri.

³ 'Ya kę Meri nō węhę udēn e shin ọhụnmma nianranị wę gi osisi nadị mémę, hụn wę gwaleni. Udēn hụ k'e jun ihien nō kę ọgọ-nta ohu lę nkirishi. Ọ nō hu e ye Jesu ụkụ, gi ntutu rị a isi e fikorị a; ishin udēn hụ nō kungbama ulo hụ ile. ⁴ Kanị onye ohu imē ụmụ-azụn Jizosị, 'ya wụ Judasị nwa Iskarotụ (hụn jenkọ d'e re n'e), nō sị, ⁵ "K'i haín wę gileni re udēnni, we egho e ye ndị igbennye? O ruguo ihien rikę egho-ɔrụn akp'ohin ɔgün-mmisen." ⁶ (Ele ni ndị igbennye rị a mkpa haín o gi ku ihienni. Kanị, onye-ohin k'o wụ: iya nwę e dònNmę ni Jesu wę egho; o werisónmę egho wę ye e dònNmę.)

⁷ Kanị Jizosị nō sị, "Hatu n'e, n'o gi e kwademę olili m."

⁸ Unụ lę ndị igbennye rị ogēn ile, kanị mmę nwèn esonko unụ nodị ogēn ile."

E Rini Wę Lazarosi Ngo

⁹ Ndị Ju bu odata a nụ nị Jesu rị Bętanị, 'ya wę nō bia ebahun. Kanị, eélé ifiri Jesu suọ kę wę gi bia, kanị, wę chozị nị wę hụn Lazarosi, hụn ọ gha ɔnwụn weli. ¹⁰ 'Ya ndị-isi nchụ-ejan nō rimeni Lazarosi ngo ni wę gbuzi ya nwèn, ¹¹ makelę ufiri e kę ndị Ju bu odata gi rị a jụ nke wę a tọ, e kwerini Jesu.

Onye Mméri A Banhan Jerusalém

(Mat 21.1-11; Mak 11.1-11; Luk 19.28-40)

¹² Ogēn eki gi fọn, igunrun hi-ogbe hụn bia Mmemmę-Nghafe nō nụ nị Jesu lala Jerusalém. ¹³ 'Ya wę nō werisónmę iguru, jen d'e kunrun e. Ya wę nō yime,

"Ja nị Osolobue mma;
 onye ahun gi efan Di-nwọnńi-enyi bia
 wụ onye Chuku gozi agozi!

Eghee,

Eze Izreļu

wu onye Chuku gozi agozi."

¹⁴ Jesu no chori nwa jaki, nyinrin e jenme, nokē kē Ekukwo-nsø don ku—Ehuhuq-nsø si,

¹⁵ "Obodo Zayonu, a tule egun!

Lee Eze i k'o lala,

o ri elu nwa jaki."

¹⁶ Umụ-azụn Jesu a ghötani ihienni ogem hụ, kanị, ogem Jesu gi nweringu ogho, we no nyanhanyi ni Ekukwo-nsø ku ihienni banyen'e, nyanhanyikwo ni we me n'e ihienni ndini.

¹⁷ Ndị rị igunrun ahụn we le Jizosị wi ogem o gi gha ili kpopuha Lazarosi, ogem o gi gha imem ọnwụn weli e, hụ a gwasoñmè ndị ozø ihienni meni. ¹⁸ 'Ya haín igunrun hụ gi bia d'e kunrun e—makeni we nu n'o run ɔrun-atumenyani.

¹⁹ 'Ya ndị Itu-Farisi no si ibe we, "Unu hụ a hụn a?! Ihienni ile enyi ri e me a ri a danye kaka! Lee nwan, uwa ile e sonmegu o!"

Ndị Griki Hun Cho Ni We Hun Jesu

²⁰ Ogem hụ, o nwę ndị Griki hun ri ndị jen Jerusalem d'e fe ofufe ogem mmemmmem hụ.

²¹ We no jen d'e kunrun Filipu hun wu onye obodo Besaïda ri imem Galili. We no si a, "Di-okpa, enyi cho ni enyi hun Jesu." ²² Filipu no jen d'a gwa Andurụ, ya we ebubu o no wiri jenme d'a gwa Jesu.

²³ Jesu no za we, si, "Ogem e rugu o hụn w'e gi ye Nwa nke Ihian ogho. ²⁴ M ri a gwa unu ezioku, akpuru-oka nödi nke e akarikọ ohu suø wezuka n'o dan alị nwunhun. O nwunhun, 'ya wu o mi mkpuru oda-oda. ²⁵ Nke ndị hụ ndun we ka we mkpa, ndun we sikọ d'e tuhunahin we; kanị, nke ndị hụ o me ni ndun we akanị we mkpa elu uwani, ndun we k'a rinj we—e nwę we ndun itebite. ²⁶ Onye owitz hụn cho ni gba ni m odibo jenko d'e sonriri m, keni odibo m hụn uzø son m nödi ebe m ri; Nedị m jenko d'e ye onye owitz gba ni m odibo ogho."

Jesu E Ku Banyeni Ọnwụn A

²⁷ "Obi ri nwan e féri m. Ké m k'e ku nwan? Ni m si, 'Baba, anile ogem-afunfunni bia ni m?' Mba! Makeni, 'ya haín m gi ri ebeni—m bia keni m hụn uzø ta afunfunni. ²⁸ Baba, ye əfan i ogho!' 'Ya kे olu no gha elu-igwee si, "E yeguole m əfan m ogho. M jenko d'e yezi e ogho."

²⁹ Igunrun ahụn ri ebéhụ nu olu hụ. Ndị hụ si akpabø rø, ndị ozø si mmɔn-ɔzi a gwaol'a oku!

³⁰ Kanị, Jesu no si we, "Ele ufiri m kे olu hụ gi bia, kalẹ ufiri unu. ³¹ Kikenni kē we jenko d'a ma uwani ikpe; kikenni kē we sikọ d'a chupu onye hụn a ki uwani. ³² Mme nwén, ogem we k'e gi gha alị wesi m enu, m jenko d'a dohanị enwén m ihian ile." ³³ (O gi ihienni o ku ghosi ụdi ọnwụn o jenko d'a nwun.)

³⁴ Igunrun hụ no si a, "Iwu enyi gwa enyi ni Kraisti, Onye Hu Osolobue Tume, jenko d'a ri ndun jenrin ejen. Ki i ri a sini ni we sikọ d'e wesi Nwa nke Ihian elu? Onye wu Nwa nke Ihian?"

³⁵ Jesu no si we, "Ukpè jenko d'e sonzi unu nödzi ekere sụo. A gha ni ogenni unu nwọn ukpè, amamgbe ishi e kunrun unu. Makeni, onye hụn a gha imem ishi, imem mkpokiki, amarinko ebe o jenko. ³⁶ 'Ya wu, kwerini ni ukpè ogenni unu nwọn ukpè, keni unu hụn uzø wuru umu ukpe."

Ogen Jesu gi kuguu ihienni, o no gha ebe we ri pü d'a warị, ahunzini w'a.

Ndị Hun Ekwerini Ni Jesu

³⁷ Osuon'a ni Jesu runchanriñ ɔrun-atumenyi bu odata id'onya we, ekwerini ni we e, ³⁸ keni ihienni onye-amuma wu Azaya ku hụn uzø mazu: Azaya si,

"Di-nwoni-onyi, onye kweri ozi enyi zi?

Onye kē Di-nwoni-onyi ghosi ikē e?"

³⁹ Asanị we eka kweri, makeni, rike kē Azaya donzi ku e,

⁴⁰ “Chuku e męgụo ẹnya kpu wę ishi,
tikin obi wę—
amamgbe wę e gi ẹnya wę legha ụzọ,
gi obi wę ghọta,
e gbehutö wę d'e kunrun m;
a ụzọ m wę—'ya kę Chuku ku.”

⁴¹ Azaya ku ihienni makeni ọ hụn ogho Jizosi, ọ nọ ku banyeni ogho a. ⁴² K'osileri, ndị bu ọda hụn rịde imẹ ndị-ndu wę kwerini Jesu ekweri. Kanị, egun ndị Itu-Farisi anịnjị wę ku ẹ ebe ihiyan rị, amamgbe wę a chupụ wę imẹ ulo-ofufe.

⁴³ “Ojija-mma ihiyan k'a ja wę ka wę a suọ karị hụn Osolobue k'a ja wę.”

Ihien Jesu Ku Kę Wę K'e Gi Han Eñen

⁴⁴ Jesu nọ weshi olu elu, sị, “Onye ọwule hụn kwerini ni m ẹle mmę k'o kwerini, kanị onye hụn ziheni m k'o kwerini. ⁴⁵ Onye ọwule hụn nị m, a hụngụ onye hụn zihen ni m.

⁴⁶ M banhan imẹ ụwa d'a wụ ukpe, amamgbe ndị hụn kwerini ni m a tọ imẹ ishi, imẹ mkpokikị. ⁴⁷ Onye nụ ihien m ku bụ o mę n'ę, amakọ m'a ikpe. Makeni, abịanjị m d'a ma ụwa ikpe, kama, m bịa d'a ụzopuhā a. ⁴⁸ Onye hụn jụ nị m, hụn kwerileni oku m, nwọn onye k'a ma a ikpe: ihien hụn m ku, ya jenkö d'a ma a ikpe Uhuohin-ikpazuun. ⁴⁹ Makeni, ẹle m gi uche m e ku, kanị Nedi m hụn ziheni m ye m iwu ihien m sikọ d'a sị lę ihien m sikọ d'e ku. ⁵⁰ A maringho m nị iwu ę e ye ndịn itebite. 'Ya wụ, ihien m'e ku wuchanrịn ihien Chuku-Nedi sị m ku.”

Isi Nke Mmętö

Jesu Chanchan Umụ-azụun A Ụkụ

¹ Nị Mmemmę-Nghafe d'e ru, Jesu a maringuo ni ogēn ę e ruguo hụn o gi hapụ ụwanị, buru Nedi ę. Ebe o nwę ihien-osusụo ndị nke ę rị imẹ ụwa, ọ nọ nwan ghosichanrịn wę ya wụ ihien-osusụo d'e ru isi ę.

² Ekwensu e buguołe a che imẹ obi Judasi nwa Saimonu Iskarotu n'ọ re ę.

Ogen wę gi rị e ri ihien-oriri ẹnyasi, ³ Jizosi a maringuo ni Chuku-Nedi e weołe ihien ile che ę eka, n'ọ gha ebe Osolobue rị bịa lę n'o laburukọ Osolobue: ⁴ ọ nọ gha ebe ọ rị e ri ihien-oriri lihi ọtọ, yipu ękwa o yiye elu ę, jeri tọwelu wę gi e finchan ęhụ. ⁵ O nọ hu mirin ye imẹ afere, chanchanma umu-azụun a ụkụ, e gi tọwelu hụ o je e finchanpụ wę iya. ⁶ O ru Saimonu hụn w'a kpọ Pita, Pita nọ sị a, “Di-nwọnni-ęnyi, iyi k'a chanmazi m ọkụ?” ⁷ Jizosi nọ za, sị, “Y'a marin ihien m rị e mę kikenni; kanị omegụ, i k'a ghọta a.” ⁸ Pita nọ sị a, “O nwònni ogēn y'e gi chanchan m ụkụ!” Jesu nọ sị a, “Omēni achanchannị m'i, y'e nwònko okeri ọwule imẹ m.” ⁹ Saimonu wụ Pita nọ sị a, “Ya wụ nị ẹlédé ụkụ m suọ ki k'a chan, Di-nwònni-ęnyi—chanzi m nwan ęka lę isi!” ¹⁰ Jesu nọ za a, sị, “Onye hụn wugụ ęhụ, ọ rizini mkpa n'ọ wuzi ęhụ, mmanị ụkụ a—makeni o nwunchanringuo. Ụnụ e nwunguo nke-esi—kanị ẹle ụnụ ile.” ¹¹ Makeni Jesu a maringuo onye hụn jenkö d'e ren'ę, 'ya haín o gi sị, “Elep ụnụ ile nwun.”

¹² Ogen o gi chanchanguụ wę ọkụ, yiriguzi ęwuru ę, o werizi ọnodi a teburu hụ. 'Ya ọ nọ sị wę, “Ụnụ a ghøtagħo ihien m mę ni ụnụ? ¹³ Ụnụ a kpọ m ‘Onye-nkuzi’, a kpọ m ‘Di-nwònni-ęnyi’; o furu efuru, makeni 'ya kę m wụ. ¹⁴ O mę nwan nị mmę nwẹn, hụn wụ Nna-ụnụ lę Onye-nkuzi ụnụ, chanchan ụnụ ụkụ, o furu nị ụnụ chanchanzikwọ ibe ụnụ ụkụ. ¹⁵ A ghosiole m ụnụ nzomukụ ụnụ jenkö d'e son, keni ụnụ mezikwọ nị ibe ụnụ kę m dọn mę ni ụnụ. ¹⁶ Ezioku kę m rị a gwa ụnụ, odibo ara ka nna a; onye wę zi ozi ara ka onye zin'ę. ¹⁷ Omēni ụnụ a maringho ihien ndịnjị, Osolobue jenkö d'a gózi ụnụ omēni ụnụ e mę wę.

¹⁸ Kanị, ẹle ụnụ ile kę m rị e ku; a maringho m ndị hụn m hɔri. Kanị, wę jenkö d'e gi ihien k'e mènu ihien Ęhuhuq-nsọ ku, nị, ‘Onye hụn ri brëdi m e buguo nümanị m.’ ¹⁹ M rị nwan a gwatọ ụnụ ihienni o gini d'e mę, keni—o mę, nị ụnụ kweri nị mmę

wu Onyę Hụ. ²⁰ Ezioku kę m rị a gwa ụnụ, onyę ọwule hụn nabanhān onyę hụn m zihe, nabanhān m; onyę ọwule hụn nabanhān nị m, nabanhān onyę hụn zihe ni m.”

*Jesu E Ku Onyę Hun Sikọ D'e Ren'ę
(Mat 26.20-25; Mak 14.17-21; Luk 22.21-23)*

²¹ Ogen Jizosị gi kugụụ ihienni, obi eruzin'ę alị, o nọ sị, “Ezioku kę m rị a gwa ụnụ, onyę ohu imę ụnụ jenkö d'e we m ye wę.” ²² Umụ-azụn a nọ lemę ibe wę, makeni ihien o ku gba wę nghari-enyia, amarin wę onyę o rị e ku. ²³ Onyę ohu imę umụ-azụn a, onyę hụn ihien ę a suọ Jesu, noson Jesu. ²⁴ 'Ya Saimonu w'a kpọ Pita nọ gi ęka gwa a 'ya ju Jizosị onyę o rị e ku. ²⁵ 'Ya nwa-azụn hụ nọ nökunmékénmę Jizosị, sị a, “Di-nwọnni-enyi, onyę rọ?” ²⁶ Jesu nọ za, sị, “Onyę hụn m jenkö d'e ye brędini, m surugụ a imę afere rọ.” 'Ya o nọ suru brędi hụ imę afere, we e ye Judasị nwa Saimonu Iskarotu.

²⁷ Ogen Judasị gi narıngụ brędi ahụn, Ekwensu nọ banye imę ę. Jesu nọ sị a, “Mę ihien ị k'e mę ozigbo!” ²⁸ Kanị, o nwònni onyę ozọ rị ebahụn e ri ihien-oriri hụn ghota ihien Jesu gi gwa Judasị okuni. ²⁹ Makeni Judasị e kwondon ni wę ego, o nwę ndị ro ni Jizosị rị a gwa a 'ya d'e nönhen ihien wę sikọ d'e gi mę mmemmem hụ, mọbu 'ya d'e ye ndị igbennye ihien. ³⁰ Ogen Judasị gi narıngụ brędi hụ, o nọ pụ ozigbo; imę uchinchin rọ.

*Iwu Ohun
(Jerimaya 31.31; Gal 3.24-25; Hib 8.13; 1Jn 2.8)*

³¹ Ogen Judasị gi pugụụ, Jesu nọ sị, “Wę jenkö nwan d'e bushi Nwa nke İhian elu—gi Nwa nke İhian bushi Osolobue elu. ³² Omęni wę bushi Osolobue elu ghaha n'a, Osolobue sikọ d'e bushizikwọ Nwa a enu imę 'ya le enwèn ę; o jenkö d'e busi ę elu ozigbo. ³³ Umụ m, mmę lę ụnụ sikọ d'a nödizi ekere suọ. Ụnụ jenkö d'a cho m, ụnụ ahunko m. Kę m dòn gwa ndị-ndu ndị Ju kę m rị nwan a gwa ụnụ: ‘Ụnụ asako ęka bija ebe m jenkö.’ ³⁴ M rị nwan e ye ụnụ iwu ohun: e nwę ni ihien-ösüşuo ibe ụnụ. Kę m dòn nwę ihien-ösüşuo ụnụ kę ụnụ k'a dòn nwę ihien-ösüşuo ibe ụnụ. ³⁵ Omęni ihien ibe ụnụ a suọ ụnụ, 'ya kę İhian ile e gi marin nị ụnụ wu umụ-azụn m.”

*Jesu E ku È Ni Pita Jenkö D'a Ghori N'o Marin A
(Mat 26.31-35; Mak 14.27-31; Luk 22.31-34)*

³⁶ Saimonu w'a kpọ Pita nọ sị a, “Di-nwònni-enyi, elebe k'i jenkö?” Jizosị nọ za, sị, “Ebe m jenkö, y'a sakə ęka son m kikenni—kanị omegụ, i jenkö d'e son m.” ³⁷ Pita nọ sị a, “Di-nwònni-enyi, kị haịn o gi mę ni asako m ęka son i kikenni? M k'a nwündeni i ọnwụn!” ³⁸ Jesu nọ za, sị, “N'i nwunnị m ọnwụn? Ezioku kę m rị a gwa ị, ọkpa gini d'a kwan, i jenkö d'a ghori mgbe eto nị 'y'a marin m.”

Isi Nke Mmęno

Jesu Suo Ke W'a Gha D'e Kunrun Chuku-Nędi

¹ Jizosị nọ sị wę, “Anile ni obi ụnụ songbu ụnụ. Kweri ni ni Osolobue; kwerizikwọ nị nị m. ² Iwę Nędi m, mmughe bu odata rị a. Omęni ęle ęrira, nkę m'a gwa ụnụ. M shikọ nwan d'a kwademę ni ụnụ ebe ụnụ jenkö d'e bi. ³ M jengụ d'a kwademę ni ụnụ ebe ụnụ jenkö d'e bi, e kinhen m azụn d'e weri ụnụ, keni ụnụ rịzıkwọ ebe m rị. ⁴ Ụnụ a marınguọ uzor ebęhụ m jenkö.”

⁵ Tamosi nọ sị a, “Di-nwònni-enyi, enyi amarin ebe i jenkö, eghani kę enyi e dòn marin uzor a?” ⁶ Jizosị nọ sị a, “Mmę wu uzor lę ezioku lę ndịn. O nwònni onyę sikọ d'a sa ęka bija d'e kunrun Chuku-Nędi mmanị ghahani m. ⁷ Omęni ụnụ a marınguọ m, ụnụ jenkö d'a marınzikwọ Nędi m. Ụnụ a marınguọ a nwan gha kikenni jenmet; ụnụ a hụnguọ a.”

⁸ Filipu nọ sị a, “Di-nwònni-enyi, ghosihụ enyi Chuku-Nędi, efọ e jun enyi.” ⁹ Jesu nọ sị a, “Filipu, hụnnị ile mmę lę ụnụ rị, 'y'a marin m? Onyę ọwule hụnnị m, a hụnguọ Chuku-Nędi. K'i rị a sinị, ‘Ghosihụ enyi Chuku-Nędi.’?” ¹⁰ Ụnụ ekwerini nị m rị imę Chuku-Nędi lę ni Chuku-Nędi rị imę m? Arị m e gi uche m a gwa ụnụ oku ndịn m rị a gwa ụnụ; mba, Chuku-Nędi hụn rị imę m ya rị a rụn ɔrun a.”

¹¹ “Kweri ni ihien m ku ni m rị imẹ Chuku-Nędzi, Chuku-Nędzi rizikwo imẹ m. Kani, omeni ụnu egikọ oku-ọnụ m kweri, gi ni ihien ndị m rị a rụn kweri.”

¹² “Ezioku kẹ m rị a gwa ụnu, onye hụn kwerini ni m sikọ d'a rụn ọrun ndị hụn m rị a rụn; o jenkö d'a rụnkariđe ndini m rị a rụn, makelé m laburukọ Chuku-Nędzi. ¹³ Ihien ọwule ụnu gi ẹfan m rịo, m sikọ d'e me e, keni mmẹ wụ Nwa hụn ụzo węhe ni Chuku-Nędzi ogho. ¹⁴ Ụnu gi ẹfan m rịo m ihien ọwule, m jenkö d'e me e.”

Jizosí E Kwe Nkwa N'o K'e Zihé Mmon-nso

¹⁵ “Omeni ihien m a sụoghọ ụnu, ụnu jenkö d'e dönme iwu m, ¹⁶ a rịo m Chuku-Nędzi n'o zihé ni ụnu Onye-nkasi-obi ọzọ n'o noyen ihen ụnu jenrin ejen. ¹⁷ Onye ahụn wụ Mmon-nso—onye hụn a ghosi ezioku; ụwa asaeka nabanhān a, makeni ụwa as'eka hụn a mọbu marin a. Kani ụnu a maringhọ a, makeni o bi imẹ ụnu; o k'e bisonme imẹ ụnu. ¹⁸ Ele m k'a latō ụnu rikē ndị nwonleni nnę le Nędzi; m sikọ d'a bịa d'e kunrun ụnu.

¹⁹ O hodú ekere ni ụwa hụnbehi m, kani ụnu jenkö d'a hụn m. Makeni m rị ndịn, ụnu le enwen ụnu sikọ d'a rịzi ndịn. ²⁰ O ru ụhụohịn hụ, ụnu jenkö d'a marin nị m rị imẹ Nędzi m, nị ụnu rị imẹ m, mmẹ nwèn rị imẹ ụnu. ²¹ Ndị hụn marin ihien m ku, gi wę e bi, uwę wụ ndị ihien m sụo. Ndị ihien m sụo kẹ ihien wę k'a sụo Nędzi m; ihien wę jenkö d'a sụozikwo mmẹ nwèn, e we m enwen m ghosi wę.”

²² Nwa-azụn a ohu w'a kpọ Judas (kalé ele nwa Iskarotu) nọ sị a, “Di-nwonnī-enyi, kị mezi i k'e gi ghosi enwen i bụ 'y'a ghosi ụwa?”

²³ Jesu nọ za a, sị, “Onye ọwule ihien m a sụo jenkö d'e me ihien m ku. Ihien ẹ k'a sụo Nędzi m, mmẹ le Nędzi m a bịa d'e kunrun ẹ, du ẹ bi. ²⁴ Onye ọwule ihien m ghaleni a sụo ara me ihien ndị m ku—bu oku ndini ụnu rị a nụ elẹ nke m, wę wụ nke Chuku-Nędzi hụn ziheni m. ²⁵ A gwaguo m ụnu ihien ndini hụnni mmẹ le ụnu rị; ²⁶ kani, Onye-nkasi-obi wụ Mmon-nso, hụn Chuku-Nędzi jenkö d'e gi ẹfan m zihé, jenkö d'a kuzi ụnu ihien ile; o sikọ d'a nyarhan nị ụnu ihien ile m gwa ụnu.

²⁷ Udòn kẹ m rị a latō nị ụnu; udòn nke m kẹ m rị e ye ụnu—ele kẹ ụwa don e ye kẹ m'e ye. Anilé ni obi ụnu songbu ụnu, atulé ni egun. ²⁸ Ụnu a nüghọ kẹ m sị ụnu, ‘M pükö apükö’ lẹ ni ‘m sikọ d'e kinhen d'e kunrun ụnu.’ Omeni ihien m sụo ụnu, nké ụnu hụ a ghogho nị m jenkö d'e kunrun Chuku-Nędzi, makeni 'ya ka m. ²⁹ A gwatoguo m nwani ụnu ihienni hụnni o kele ni me—keni, o me, ụnu e kweri. ³⁰ Ogèn aria m'e gi gwamazi ụnu ihien bu odata, makeni onye hụn a kị ụwanị lala; o nwèni ikèn ọwule o nwon ebe m rị, ³¹ kani, m rị e me ni ụwa marin nị ihien Chuku-Nędzi sụo m a sụo, nị ihien Chuku-Nędzi sị m me kẹ m'e me; lihi ni nwani nị enyi gha ebeni pụ.”

Isi Nke Mmisen

Ezigbo Osisi-vaini Lẹ Aganaba A

¹ “Mmẹ wụ ezigbo vaini; Nędzi m wụ hụn e lepụ a ẹnya. ² Agalaba ọwule rị imẹ m hụn mieleni mkpuru, o bepụ a; kani agalaba hụn mị mkpuru, o befon ẹ, keni ọ mịkènme. ³ Oku m gwa ụnu e befonoguo ụnu, me ụnu nwunchan, keni ụnu mịkènme mkpuru. ⁴ Nodisomne ni imẹ m, mmẹ nwèn a nodisomne imẹ ụnu. K'o don wụru nị agalaba nodị nke e ara saeka mị mkpuru, mmanị ọ nyankunma osisi ẹ, erirà k'o don wụru nị ụnu asakọ eka mị mkpuru wezuka nị ụnu nodisomne imẹ m.”

⁵ “Mmẹ wụ ukun vaini, ụnu nwèn wusomne agalaba rịn'a; Onye hụn nodị imẹ m, mmẹ nwèn hụ imẹ ẹ, 'ya sikọ d'a mị mkpuru odata, makeni, wezuka m, ụnu a s'eka me ihien ọwule. ⁶ Onye ọwule hụn nodileni imẹ m, e tuhu w'a, lèkè ebe wę nọ bepụ agalaba, ọ kpopụ nkun; w'e kpɔngbamẹ agalaba ndị nọ erirà, tụ wę ye ọkun, dùnpụ. ⁷ Omeni ụnu a nodị imẹ m, oku m a nodizikwo imẹ ụnu, rịo nị ihien ọwule ụnu cho; Osolobue jenkö d'e me ni ụnu 'ya. ⁸ Omeni ụnu a mị mkpuru odata, o jenkö d'a ghosi nị ụnu wụ ụmu-azụn m: ọhụn jenkö d'e węhe ni Nędzi m ogho.”

⁹ Kẹ Chuku-Nędzi don nwę ihien-osusụo ebe m rị kẹ m don nwę ihien-osusụo ebe ụnu rị; rişonmekwo nị ndị ihien wę a sụo m. ¹⁰ Omeni ụnu e dönme iwu m, ụnu sikọ d'a rişonme

ndị ihien wę a suq m—léké kę m dòn dònme iwu Nèdi m ye m, gi e wusonmę onyę ihien e asuq Nèdi m. ¹¹ A gwatoguo m ụnu ihien ndịnị, keni ighoghọ m rị imē ụnu lę ni ighoghọ ụnu zu oke.

¹² Onwan wü iwu m: e nwę ni ihien-osusuo ibe ụnu kę m dòn nwę ihien-osusuo unu.”

¹³ “O nwɔnni onyę nwę ihien-osusuo ka onwan: nị ihiān gi ifiri ndị օwụ a we ndun a ye. ¹⁴ Ndi օwụ m kę ụnu wü—omēni ụnu e mę ihien m sị ụnu mę. ¹⁵ Arizì m a kpó ụnu igbòn, makelé igbòn ara marìn ihien di-nwɔnn'e rị e mę. Kama, m kpó ụnu ndị օwụ m makeni a gwaguo m ụnu ihien ile m nü օnụ Nèdi m.”

¹⁶ “Elep ụnu hori m; mba, mmę hori ụnu, tumę ụnu keni ụnu jen d'a mị mkpuru—mkpuru hūn sikò d'a tonyi, keni Chuku-Nèdi ye ụnu ihien օwule ụnu gi ẹfan m rịo. ¹⁷ M rị e ye ụnu iwuni: e nwę ni ihien-osusuo ibe ụnu.”

Izize Ụnu Jenkò D'e Ze Uwa

¹⁸ “Omēni izize ụnu rị e ze ụwa, nyanhankwo nị ni izize m bu uzo ze e. ¹⁹ Omēni ụnu te wü nke ụwa, nkę ihien ụnu a suq ụwa rikę nke e. Kanj, ebe o mę ni ụnu ele nke ụwa makeni a hopuguo m ụnu imē ụwa, 'ya hain izize ụnu gi e ze ụwa. ²⁰ Nyanhan nị ihien m gwa ụnu, nị, 'Odibo ara ka nna a.' Omēni wę kpokpo m ekpokpo, wę sikò d'e kpokpozikwo ụnu; omēni wę mę ihien m sị wę mę, wę jenkò d'e mezikwo ihien ụnu sị wę mę. ²¹ Wę k'e mę ụnu ihien ndịnị wę makeni ụnu wü nke m, ụnu rị a za ẹfan m, makeni amarin wę onyę hūn ziheni m. ²² Omēni abijani m d'a gwa wę oku, ikpe njo e ke ma wę; kanj o nwɔnzini nwan ihien wę k'e gi wanahin njo wę mę. ²³ Onyę օwule rị e ze izize m rị e zezikwo izize Nèdi m. ²⁴ Omēni arunnị m orun wę runtułeni imē wę, ikpe njo e ke ma wę; kanj, a hūnchanringuo wę nwan orun-atumēnya ndị m rùn—bụ ize mmę lę Nèdi m hukwo e ze wę. ²⁵ Kanj, o rị enjina nị wę hūn uzo męzu ihien hū wę de imē Iwu wę, nị, 'Izize m rị e ze wę bụ o nwɔnni ihien m mę.'

²⁶ Kanj, Onyę nkasi-obi hū m jenkò d'a gha ebe Chuku-Nèdi rị ziheni ụnu bia, o jenkò d'a shiānị m éri. Onyę nkasi-obi hū wü Mmɔn-nsø—Onyę hūn a ghosi ezioku. O k'a gha ebe Chuku-Nèdi rị bia. ²⁷ Unu lę enwèn ụnu sikò d'a shiāzikwo nị m éri, makeni mmę lę ụnu rị gha isi mbidon lala.”

Isi Nke Mmisin

¹ “A gwatoguo m ụnu ihien ndịnị amamgbe ụnu a danpụ imē okukwe. ² Wę jenkò d'a chupụ ụnu imē ulo-ofufe; ezioku-ezioku, ogèn lala hūn onyę օwule gbuni ụnu jenkò d'e weride e ni orun ọma k'o rị a rùnnị Osolobue. ³ Wę jenkò d'e mę ihienni makelé w'e ke marìn Chuku-Nèdi mòbụ mmę lę enwen m. ⁴ Kanj, a gwatoguo m ụnu ihien ndịnị, keni ogèn w'e gi mę, ụnu a nyanhan nị a gwatoguo m ụnu.”

“E te gwanị m ụnu ihien ndịnị isi mbidon, makeni m rị imē igunrun ụnu. ⁵ Kanj m jenkò nwan d'e kunrun onyę hūn ziheni m, bụ o nwɔnni onyę օwule imē ụnu jụ m kę elebe kę m jenkò? ⁶ Hūn nkę ụnu e gi jụ m'a, ụnu a sükuru makeni m gwa ụnu ihien ndịnị m gwa ụnu.”

Orun Mmɔn-nsø Sikò D'a Rùn

⁷ “Kanj ezioku kę m rị a gwa ụnu, erere ụnu rọ omēni a pụ m; makeni, Onyę-nkasi-obi abiakò mmanị m lama alama. Kanj, m lamagụụ kę m'a nọ zihē ni ụnu 'ya. ⁸ Ogèn o jenkò d'e gi bia, o sikò d'a ghosi ndị ụwa nị a ghötanị wę ihien njo wü, nị a ghötanị wę ihien Osolobue chọ, leni aghötanị wę kę okinkin-ikpe nọ. ⁹ nị aghötanị wę ihien njo wü—makeni njo wü nị e kwerini ni wę m; ¹⁰ nị aghötanị wę ihien Osolobue chọ—makeni mmę nwèn jenkò ebe Nèdi m rị, ụnu ahunkozị m; ¹¹ nị a ghötanị wę kę okinkin-ikpe nọ makeni Osolobue a maguo onyę hūn a kị uwani ikpe.

¹² Ihien bu ọda hodụ hūn m chọ nị m gwa ụnu, kanj ụnu asako eka ghota a kikenni.

¹³ Ogèn Mmɔn-nsø, Onyę hūn a ghosi ezioku, k'e gi bia, o sikò d'e du ụnu ye imē ezioku ile. Makelé, ele uche e k'o k'e ku; kama, ihien օwule o nụ, 'ya k'o jenkò d'e ku. O jenkò d'a gwazikwo ụnu ihien ndị k'e mę ihun. ¹⁴ O jenkò d'e ye m ogho, makeni o sikò d'e weri

ihien wu nke m, hun m k'e ye e, gwa unu ya—¹⁵ ihien ile Nedi m nwon wu nke m; 'ya haín m gi si ni Mmon-nso jenkó d'e weri ihien wu nke m gwa unu."

Ekwan Jenkó D'e Henrin Ighogho

¹⁶ "O nobe ekere, unu ahunkozí m; o nobezi ekere unu jenkó d'a hun m." ¹⁷ Ndí hu imé umu-azun a no si ibe we, "K'o gi ihienni o ri a gwa enyi e ku-nj, 'O nobe ekere, unu ahunkozí m; o nobezi ekere unu jenkó d'a hun m,' o sizi, 'Makeni m jenkó ebe Chuku-Nedi ri?" ¹⁸ We hu a si, "K'o gi 'O nobe ekere' e ku? Enyi aghotan ihien o ri e ku!"

¹⁹ Jesu a maringuo ni we chø ni we ju a ajuju, o no si we, "Unu ri a jutarí ibe unu ihien m gi si, 'O nobe ekere, unu ahunkozí m, o nobezi ekere, unu jenkó d'a hun m.'?" ²⁰ Ezioku ke m ri a gwa unu, unu jenkó d'a kwan ekwan, goo—kaní uwá jenkó d'a ghogho; o k'a gha a fu unu. Kaní, o nobe, ufú ahun e henrin ighogho."

²¹ "Imé gha e me okpoho, o turu a aturu makeni ogen e e ruguo; kaní o muguu, o nyanhankozí afunfun hu ebe o n'a ghogho n'o mubanhaguo nwa imé uwá. ²² Erira ke unu ri nwan a kwan; kaní, m k'a hunzi unu—ogen hu, ighogho sikó d'e jun unu obi, o nwonnini onye jenkó d'a napu unu ighogho unu. ²³ O ru ogen hu, o nwonzini ihien unu jenkó d'a río m. Ezioku ke m ri a gwa unu, gi ni efan m río Chuku-Nedi ihien ówule, o sikó d'e ye unu 'ya. ²⁴ D'e rukwo nwan ogenni, unu egituni efan m río ihien ówule; río ni, unu jenkó d'e nwónhen, keni ighogho unu zu oke."

Iméri Uwa

²⁵ "M gi ilu gwa unu ihien ndinj; kaní ogen lala hun m sikó d'e gi gwapu unu banyeni Chuku-Nedi, egikozí m ilu ogen hu. ²⁶ O ru ogen ahun, unu jenkó d'e gi efan m río. Ekuni m ni m jenkó d'a riódönni unu Chuku-Nedi, ²⁷ makeni ihien unu a suq Chuku-Nedi le enwen e a suq; ihien unu a suq a asuq makeni ihien m a suq unu a suq, lezi makeni unu kweri ni m gha ebe Osolobue ri bia.

²⁸ M gha ebe Chuku-Nedi ri bia imé uwá; m pukozí nwan imé uwá keni m laburu Chuku-Nedi." ²⁹ 'Ya umu-azun a no si a, "I ri e kuchanpu a nwan ohunma-ohunma, elezi ilu!

³⁰ Echen ke enyi marin nwan n'i maringchanrin ihien ile, n'o nwonnini onye furu n'o ju i ajuju; onwan ke enyi gi kweri n'i gha ebe Osolobue ri bia." ³¹ Jesu no za, si, "Unu e kweriguo nwan?" ³² Ogen lala—o ruguodé nwan, ogen unu jenkó d'e gi gbayiya, onye-onye e si iwe e, na mmé suq to. Kaní, ele mmé suq wi, Nedi m noyeni m anoyeni. ³³ A gwaguo m unu ihien ndinj keni obi gi ifiri m ru unu alí. Imé uwá, unu jenkó d'e nwón nsongbu; ka kwondon ni obi unu, n'e mériguo m uwá!"

Isi Nke Mmesa

Ekperé Jizosí Meni Ndí Nke È Ile

¹ Ogen Jizosí gi kuguu ihien ndinj we, o no lee enya elu-igwee, si, "Baba, ogen hu e ruguo! Ye Nwa i ogho, keni Nwa i hun izzo ye i ogho—² ebe o me ni y'e buguo ihiän ile che okpuru e, keni o ye ndí ile hun i ye e ndun itebite. ³ Onwan wu ndun itebite: imarin n'i-'yu, hun ya suq wu Osolobue nke-esi le imarin Jizos' Kraistí hun i zihé."

⁴ "E yeguo m'i ogho imé uwani ghahaní irunchanrin orun hun i ye m run. ⁵ Baba, yezi m nwan ogho i, ogho ohu hu mmé le 'yu nwóngbama ni uwá d'e bidon."

⁶ "E meguo m ndinj marin i, marin efán i—ndinj i gha imé uwá weye m. We wu nke i; 'yu we we ye m; e meguo we ihien i ku. ⁷ A maringuo we nwan ni ihien ile i ye m gha éka i bia, ⁸ makele a gwaguo m we ihien ndí hu i si m gwa we. A nabanhanguo we ihien ndí hu; a maringuo we ni m gha ebe i ri bia nke-esi. E kweriguo we ni 'yu zihé m."

⁹ "M ri e me ni we ekpere; ele ndí uwá ke m ri e me ni ekpere, kale ndí hun i ye m; makeni, nke i ke we wu. ¹⁰ Ihien ile m nwé wu nke i, nke i wuzikwo nke m. W'e wehe ni m ogho. ¹¹ Aríkozí m nwan imé uwá, kaní we ri imé uwá—mmé nwén lala d'e kunrun i. Nedi hun ri nsó, gi efán i chemé we, efán i ahun i ye m, keni we wúru ohu ke mmé le 'yu don wu ohu. ¹² Ogen mmé le we gi ri, m gi efán i chemé we—efán ahun i ye m. E chemeguo m we: etuhuni m kaka onye ohu imé we—wezuka onye ahun me ihien we e gi

tikpo a—keni ihien Ekukwosu ku hñ uzo mëzu. ¹³ Kani, m lala nwan d'e kunrun i; m rị e ku ihien ndinị imē ụwa keni wę hñ uzo nwę ighogho m imē ndun wę, nwę e hñ zu oke.”

¹⁴ “E yeguo m wę oku i, izize wę nō zemē ụwa—makeni ele wę ụwa, riké kę o dòn mē ni mmē lę enwén m ele nke ụwa. ¹⁵ Arị m a riọ i n'i gha imē ụwa wepù wę; kama, m rị a riọ n'i chemē wę make Eje-onye hụ gha e mē wę ihien ọwule. ¹⁶ Ele wę nke ụwa—k'o dòn mē ni ele m nke ụwa. ¹⁷ Gi ezioku dòn wę nsø: oku i wụ ezioku. ¹⁸ Kę i dòn zihé m imē ụwa kę m dòn rị e zi wę e ye imē ụwa.”

¹⁹ “M rị nwan e gi ifiri wę e wepùha enwén m, keni m hñ a nị wę wuru ndi wę wepùha n'i, hñ wę dòn nsø nke-esi.

²⁰ Ele ndinị sụo kę m rị e mē ni ekpere; kama, m rịzíkwö e mēni ndi hñ jenkö d'e gi ufiri ozi wę zi kweri ni m. ²¹ M rị a riọ nị wę ile wuru chanrin ohu, nöké kę iyü, Baba, dòn rị imē m, mmē nwén huzíkwö imē i; m rị a riọ nị wę rịzíkwö imē enyi—keni ụwa hñ uzo kweri nị iyü zihé m. ²² E weguo m oğho hụ i ye m ye wę, keni wę wuru ohu kę mmē lę 'yụ dòn wụ ohu: ²³ keni ọ wuru nị mmē nwén hụ imē wę, 'yụ nwén hụ imē m; a wuru chanrin wę ohu, ụwa e gi ẹ marín nị iyü zihé m leni uwę wụ ndi nke m rị i obi kę mmē nwē dòn rị i obi.”

²⁴ “Baba! M chọ nị ndi ile i we ye m sòn m nödị ebe m rị, nị wę hñ oğho m hñ i ye m make ihien-osusuo i nwę jenni m n'i d'e kedé ụwa.”

²⁵ “Euu Nedi m, Onye ezi-omumé, osuon'a nị ụwa amarín n'i, mmē nwén a maríngħo i, ndinị wę a maríngħozi nị iyü zihé m. ²⁶ E meguo m wę marín i, m jenkö d'a gha e mezikwo wę a marín i, keni ihien-osusuo i nwón ebe m rị hñ uzo rị imē wę leni mmē nwén rizi imē wę.”

Isi Nke Mmesato

A Bià Wę D'a Nwùnrun Jesu (Mat 26.47-56; Mak 14.43-50; Luk 22.47-53)

¹ Ogen Jesu gi megüü ekpereni, 'ya le ümu-azüün a nō fetu Qadanmgbagbu Kidronu. O nwę ugba rị ebéhü; Jesu le ümu-azüün a nō banye ugba ahun. ² (Judas, hñ ren'e a maríngħozi ebahün, makeni Jesu le ümu-azüün a a nō ebéhü e zu mbu-lę-ebuo.)

³ 'Ya Judasi nō weri igunrun ndi-agha Rom le ndi-ünakpa Ulo-nsø, ndi hñ ndi-isi nchü-ejan le ndi itu-Farisi zihé, banhan imē alı vajin hụ. Wę busonmę ihien-ogun ichen-ichen le ọwa le ukpe.

⁴ Jesu a marínguo ihien ile jenkö d'e mē n'e, 'ya o nō jenpùha ihun, ju wę, si, “Onye kę unu rị a chọ?” ⁵ Wę nō za, si, “Jesu, onye Nazareti.” O nō si wę, “Mmē ro.” (Judas hñ ren'e wuzoyeni wę ebahün ogen o gi ku ihienni.) ⁶ Ogen Jesu gi si wę, “Mmē ro”, wę nō jenkin azüün, danchanrin alı. ⁷ Jizosì nō juzi wę, si, “Onye kę unu chokö?” Wę nō si, “Jizosì onye Nazareti.” ⁸ Jizosì nō si, “A gwaguo m unu nị mmē ro. O mē nwan nị mmē kę unu rị a chọ, nị nị ndinị hodonji lama.” ⁹ (O ku ihienni keni ihien hụ o ku mbu hñ uzo mëzu: “Etuhuni m kaka onye ohu imē ndi hñ i ye m.”)

¹⁰ Ya kę Saimonu wụ Pita, hñ bu opia-agha, nō sepùha a, banpu odibo onye-isi nchü-ejan ntin eka-ihien. (Efán odibo ahun wụ Makusu.) ¹¹ Jizosì nō si Pita, “Wekin opia-agha i onodị al! Nị m ju n'a rakò m mkpu afunfún hñ Nedi m ye m?”

E We Wę Jesu Jennis N'o Kin E Ikpe

¹² Ya ndi-agha Rom le Onye-isi-agha wę kanj le ndi-ünakpa ndi Ju nō nwùnrun Jesu, keni e egbü. ¹³ Wę nō bu uzo we e jennis Anası. Anası wụ nedì nwunyę Kayafası. Kayafası wụ onye-isi nchü-ejan ahua hụ. ¹⁴ (Kayafasını wụ onye hñ dun ndi-isi ndi Ju ọdun n'ọ kakwo wę mma nị onye ohu nwündonni ihiyan ile ọnwun.)

Pita A Ghori N'o Marín Jesu (Mat 26.69-75; Mak 14.66-68; Luk 22.55-57)

¹⁵ Saimonu wu Pita le nwa-azụn ozo no sonmę Jesu. (Onye-isi nchü-ejan marin nwa-azụn ozo hụ amarin, 'ya nwa-azụn hụ no son Jesu banye imę ezi ogwa onye-isi nchü-ejan.) ¹⁶ Kanị Pita abanhannị. Ya nwa-azụn ozo hụ no kin-azụn d'a gwa okpoho hụn rị e che nche ọnụ-mgbon oku, webanhan Pita. ¹⁷ Okpoho ahun rị ọnụ-mgbon no si Pita, "Y'ele onye ohu imę ụmụ-azụn okennyę hụ?" Pita no si, "Mba, ele mmę."

¹⁸ Oyi rị a tu; 'ya ndị idibo le ndị-ụnakpa hụ no fiye ọkụn, fihunme ọkụn hụ, a nyan a. 'Ya Pita no jen d'e son we turu ebęhụ, a nyan ọkụn.

*Onye-isi Nchü-ejan A Ju Jesu Ajụjụ
(Mat 26.59-66; Mak 14.55-64; Luk 22.66-71)*

¹⁹ Ogęn ahun, onye-isi nchü-ejan hụ a ju Jesu ajụjụ banyeni ụmụ-azụn a le nkuzi e. ²⁰ Jesu no si, "Id'enya ihiyan ile kę m no ku ihiyen m ku; imę ụlo-ofufe rị ichen-ichen le imę Ụlo-nsø-ebe ndị Ju ile no e zu kę m no kuzi nkuzi m; ekutuni m ihiyen ọwule nzuzue. ²¹ K'i rị nwani a jụni m ajụjụ? Ju ndị hụn nụ ihiyen m ku, a maringuo wę ihiyen m ku." ²² Ogęn Jesu gi ku ihienni, ụnakpa ohu turu ęhụ ebahun no fian Jesu ihiyen, si, "Erija kę ya a gwa onye-isi nchü-ejan oku!" ²³ Jesu no si a, "Omęni o nwọn eje-oku m ku, gwa ihiyan ile rị ebeni ihiyen o wu; kanị, mbụnị ezioku kę m ku, k'i fiani m ihiyen?" ²⁴ Ya Anasi no si we weri ya le egbun hụ wę kęn e jenni Kayafasi onye-isi nchü-ejan.

*Pita A Ghorizì N'o Marin Jesu
(Mat 26.71-75; Mak 14.69-72; Luk 22.58-62)*

²⁵ Pita turukwo ebęhụ a nyan ọkụn. 'Ya ndị ozo no si, "Y'ele onye ohu imę ụmụ-azụn okennyę hụ?" Kanị, Pita no ghori, si, "Mba, ele mmę." ²⁶ Onye ohu imę ndị idibo onye-isi nchü-ejan, hụn wu nwene okennyę hụ Pita banpu ntịn no si Pita, "Ahunni m 'yụ nị 'ya imę ugba ahun?" ²⁷ Pita no ghori. Ozigbo, ọkpa no kwan.

*E We Wę Jesu D'e Kunrun Paileti
(Mat 27.1-2, 11-14; Mak 15.1-5; Luk 23.1-5)*

²⁸ Uzo-utuntụn biribiri, we no gha iwe Kayafasi weri Jizosị si imę ogwa Goyano hụn rị a kini. Kanị, abanyeni we imę ogwa hụ, makeni achonị wę nị wę merụ enwen we, kęni wę hụn uzo ri Oriri-Nghafe hụ. ²⁹ 'Ya Paileti no jenburu wę ezi, si, "Eleke ikpe kę ụnụ rị e kpe okennyen'i?" ³⁰ Wę no si a, "Omęni okennyen'i ele eje-ihiyan, enyi eke węheni i y'e." ³¹ Paileti no si we, "Weri n'e, nị ụnụ le enwen ụnụ d'e gi iwu ụnụ kin e ikpe." Ndị-ndu ndị Ju no si a, "Iwu ụnụ tini enyi si enyi egbule onye ọwule." ³² (Hunni kę ihiyen Jesu ku banyeni ụdị ọnwụn o jenkö d'a nwụn gi męzu.)

³³ Paileti no sizi imę ogwa a, zi wę kpó Jesu; ya o no juma Jesu, "Iyụ wu eze ndị Ju?" ³⁴ Jesu no si a, "Uche i k'i gide nwani a ju ajujuńi ra ndị ozo gwa i oku m?" ³⁵ Paileti no si a, "I rode ni m wu onye Ju ra? Ndị Ju ibe i le ndị-isi nchü-ejan we i che m ęka; k'i me?" ³⁶ Jesu no si, "Ali-eze m ele nke uwani. Omęni ali-eze m te wu nke uwani, nkę ndị m rị a kị a lụ ogun gi gbonđon wę ebule m che ęka ndị-ndu ndị Ju. Mba, ali-eze m ele nke ebeni." ³⁷ 'Ya Paileti no ju a, si, "Eze k'i wu nwani?" Jizosị no shiari a, si, "Iyụ ku ni m wu eze. M bia d'a shiari ezioku eri: ifiri ę kę we gi mụ m; iya hajin m gi bia imę ụwa. Onye ọwule hụn wu nke ezioku e gon ntịn oku m." ³⁸ Paileti no ju a, si, "Kị wu ezioku?"

Paileti e kugụ ọhụn, o no jenburuzi ndị hụ ezi.

*A Ma Wę Jesu Ikpe-онwụn
(Mat 27.15-31; Mak 15.6-20; Luk 23.13-25)*

Ya Paileti no si ndị hụ rị ezi, "Ahunni m ihiyen ọwule o mę hụn m'e gi ma a ikpe. ³⁹ Kanị, kę omęnalị ụnụ dọn rị, m'a hatu ni ụnụ onye-ngan ohu ogęn Mmemmę-Nghafe ọwule; ụnụ a chogho nị m hatu ni ụnụ Eze ndị Ju?" ⁴⁰ Wę no yi oro, shiari a, si, "Mba, ele iya! Barabasi kę enyi chọ!" (Barabasini rị ndị a luson ndị Rom rị a kini.)

Isi Nke Mmitenęi

¹ Ya Paileti no weri Jesu, we ę ye ndị-agha, wę no gbu ę mkpińsın.

² Ndị-agha hụ nō gi mkpinsin ogun rịsonmẹ kpa okpu-eze, bu ẹ che ẹ isi; e yimẹ w'ẹ ẹwuru e nwun ufie-ronị, ufie-ronị*. ³ Wę nō bia d'e kunrun ẹ mgbe ole-le-ole, a sị, “Isi i chei, eze ndị Ju!” E jenburu w'ę, a fjan a ihien.

⁴ Paileti nō jenzi d'a gwa wę, sị, “Lee ẹ, m jenkọ d'e wepūha nị ụnụ 'ya, nị ụnụ marịn nị ahụnnị m njø o mè!” ⁵ Ya Jizosị nō pūha: o kpuhụ okpu ogun; o yihụ ẹwuru popụ hụ wę yimẹ ẹ. Paileti nō sị wę, “Lee ni okennye hụ ebenil!”

⁶ Ogen ndị-isı nchụ-ejan lę ụnakpa Ụlo-nsø gi hụn a, wę nō yi, “Kpogbu ẹ! Kpogbu ẹ!” Paileti nō sị wę, “Weri n'ę nwan, nị ụnụ gi eka ụnụ kpogbu ẹ; nị ahụnnị m eje-ihien o mè hụn m sikọ d'e gi ma a ikpe.” ⁷ Ndị-ndu ndị-Ju nō za, sị, “Enyi nwonghọ Iwu. Iwu enyi sị n'o furu hụn a nwụnnị, makeni o weri enwen ẹ n'ọ wụ Nwa Osolobue.”

⁸ Ogen Paileti gi nụ hụnnị, egun nō tükard'a k'ọ tükhan a mbụ. ⁹ O nō shizi imẹ ọgwa a d'a ju Jesu ajuju, sị, “Elebe k'i gha bia?” Kanị Jesu ashiarin'a. ¹⁰ Paileti nō sị a, “I rị a gba m nkintin? Y'a marịn nị m nwọn ik'en hụn m'e gi hatu i lę hụn m'e gi kpogbu i?” ¹¹ Jesu nō shiari a, sị, “O nwọnni ik'en i nwọn ebe m rị wezuka nị Osolobue gha elu ye 'y'ę. Ya wụ, onye hụ bu m che eka i mè njø kanị.” ¹² Gha ogen Paileti gi nụ hụnnị jenmẹ, ọ nō memem n'ọ hatu Jizosị ye; kale, igunrun hụ nō yi oro, sị, “I hatu okennye niye, 'ya wụ nị y'ele ọwụ eze-kanị wụ Siza; makele, onye ọwule weri enwen ẹ n'ọ wụ eze rị a luson Siza ogun!”

¹³ Ogen Paileti gi nụ oku ndịnjị, ọ nō wepūha Jizosị ihun-ezi, nödị ali elu Oche Okinkin-ikpe elu Mgbä-nkpo w'a kpọ “Mgbä-nkpo Ọmụma.” (Kanị “Gabata” kę w'a kpọ a ọnụ Hibrù hụn wụ asusụ ndị Ju). ¹⁴ Uhuhịn hụn wụ uhuhịn wę gi a kwademẹ Mmemmeh-Nghafe. O rumẹ ogen anwụn gi a rị isi, Paileti nō sị ndị Ju, “Lee ni eze ụnụ!” ¹⁵ Wę nō yi oro, sị, “Gbu ẹ! Gbu ẹ! Kpogbu ẹ!” Paileti nō jụ wę, sị, “Unụ chọ nị m kpogbu eze ụnụ?” Ndị-isı nchụ-ejan nō shiari a, sị, “Siza, eze Rom, 'ya suọ wụ eze enyi nwọn!” ¹⁶ Ya Paileti nō we Jesu ye ndị-agha d'a kpogbu.

A Kpogbu Wę Jizosị

(Mat 27.32-34; Mak 15.21-32; Luk 23.26-43)

'Ya ndị agha nō weri Jesu. ¹⁷ O nō buru obe† gha imẹ obodo ahụn pụ, si ebe w'a kpọ “Ebe-Okpokom'isi.” (“Gogota kę w'a kpọ a ọnụ Hibrù hụn wụ asusụ ndị-Ju”) ¹⁸ Ebéhụ kę wę nō kpoma a elu-obe; wę kpomazikwọ ikennye ẹbụo elu obe ichen-ichen che n'ę, onye ohu rị azuunnị, onye ohu rị azuunnị, Jizosị rị etintin wę. ¹⁹ Paileti nō de ihien buche elu obe hụ. Ihien o de wụ, “Jesu onye Nazareti, eze ndị Ju.” ²⁰ Ndị bu ọda gün a, makeni ebahụn wę nō kpogbu Jesu nökunmẹ imẹ obodo hụ lezi makeni wę gi asusụ ndị Ju wụ Hibrù lę asusụ ndị Rom wụ Latinị lę asusụ Griki hụn ali ichen-ichen a sụ ogen hụ de ihien hụ. ²¹ Ndị-isı nchụ-ejan ndị-Ju nō sị Paileti, “Edelę ẹ ‘Eze ndị Ju,’ kama, de ‘Okennye ni sị, ‘Mmẹ wụ eze ndị Ju.’” ²² Paileti nō shiari, sị, “E deguọ m ihien m de.”

²³ Ndị-agha hụ a kpomagụ Jesu elu-obe, wę nō kiri ekwa ndị o yi kebe wę ụzo eno, onye-onye nō weri ụzo ohu-ohu. Nke ẹfẹ tueni o yiye enu ẹ, hụn nwọnleni ebe wę gi wegbama a makeni ibe ekwa ohu rochanrin, gha elu d'e ru ali, ²⁴ ndị-agha ndị hụ a sị ibe wę, “Enyi etikakọ n'a; nị enyi tụ nkpo gi marịn onye sikọ d'e weri n'ę.” Ọnwani mè keni ihien Ehuhuqo-nsø ku hụn ụzo mēzu, Ekukwo-nsø sị,

“E keri wę ẹwuru m,
tụ mkpọ gi weri ẹwuru m yiye elu ẹ.”

'Ya kę ndị-aghanị mè.

²⁵ Ndị wuzo ehụ obe Jesu ogen ahụn wụ nnę ẹ, nwene nnę ẹ okpoho, Meri nwunye Klopasi lę Meri onye Magidala. ²⁶ Jesu a hụn nnę ẹ lę nwa-azuṇụn hụ ihien ẹ a suọ Jesu kę wę turu ebéhụ, ọ nō sị nnę ẹ, “Okpoho, hụnnị wụ nwa i.” ²⁷ O nozị sị nwa-azuṇụn a ahụn,

* Isi Nke Mmitenęi:2 ẹwuru ndị nze lę ndị-ịdafin † Isi Nke Mmitenęi:17 Ogen hụ, obe osisi kę ndị-Rom gi e gbu onye wę ma ikpe-onzwụn. O ru, onye wę ma ikpe onzwụn e buru obe ẹ, sonmẹ ndị-agha hụn jenkọ d'a kpogbu'n'ę. Wę kpomagụ a elu ya wụ obe, a nödị wę ebéhụ, e che nche, d'e ru ni ọ nwụnhụn.

“Hunnı wü nnę i.” Ya nwa-azụn hụ nō gha ेrira weri nnę Jesu si iwe 'ya wü nwa-azụn, nnę Jesu nō du े biri.

Onwụn Jesu

(Mat 27.45-56; Mak 15.33-41; Luk 23.44-49)

²⁸ Omegụ, makeni Jesu a marịnguo ni ihien ile e mèchanringuo, o nō sị, “Egùn mirin rị a gun m.” O ku okuni n'o gi mèzu ihien Ekükwö-nso ku. ²⁹ Ite ohu manya rụ-uka jun rị ebahụn; 'ya wę nō weri eru suye imę manya hụ, gi mkpìnsin ihien-akunkun w'a kpo haịsopu wesi े elu, su े ug'b'onu. ³⁰ Manyanị a bangụ Jizosị onu, o nō sị, “O guguo!” Ya o nō bu isi koma alị, nwụnhụn.

A Dun Wę Jesu Obo Ekükkun

³¹ Makeni Uhuohin Nkwademę Izu-iken rọ—ndị-ndu ndị Ju achonị ni wę latọ ेhiụ ndị ahụn elu-obe ebéhụ, ebe o mę ni Uhuohin-Izu-iken hụ lalanị arikenmeké nso. 'Ya wę nō sị Paileti 'ya sị ndị-agha a kpagisomme ndị hụ wę kpoma elu obe ụkụ[‡], keni wę butusomme ेhụ wę enu obe. ³² 'Ya kę ndị-agha hụ nō jenmę d'a kpagisomme ikennyę ndị hụ wę kpogbu wę le Jesu ụkụ—a kpagi wę nke onyę ibuzo, kpagizikwọ nke hụn-ebọ.

³³ Kanị ogən wę gi ru ebe Jesu rị, a hụn wę n'o nwụnhụnguole, 'ya wę noləni kpagi े ụkụ. ³⁴ Kama, onyę ohu imę ndị-agha hụ nō dun Jesu obo ekunkun, ędeke le mirin nō gbapuha. ³⁵ (Onyę hụ hụn kę ihienni mę e kuguo a, keni ụnụ le enwén ụnụ hụn ụzo kweri. Ihien o ku wü ezioku; o marịngho ni ezioku rọ). ³⁶ Ihien ndịnị mę keni ihien Ekükwö-nso ku hụn ụzo mèzu: Ehuhuq-nso sị, “O nwọnni akpụ ọkpukpụ a ohu hụn jenkọ d'a kpagini[§].” ³⁷ Ekükwö-nso e kuguozi ebe ọzo, sị, “Wę jenkọ d'a gba onyę hụ wę dun ihien illee.”

Olili Jesu

(Mat 27.57-61; Mak 15.42-47; Luk 23.50-56)

³⁸ Omegụ, Josefụ, onyę obodo Arimatja, nō jen d'a sị Paileti 'ya buye े ेhụ Jizosị (Josefụ gi nzuzue e son ụzo Jesu makeni egun ndị-ndu ndị Ju rị a tị a). Paileti nō kweri, sị a d'e buru ेhụ Jesu; 'ya o nō jen d'e buru e. ³⁹ Nikodimosi hụn bịa d'e kunrun Jizosị imę ukirkin ogən mbụ nō sònme Josefụ. Nikodimosi węhe udèn e shin ọhunma wę gi ehuhuq maa le alo mémé, hụn nyinkari nkirishi ękpa nnu. ⁴⁰ Ikennyę ębuo hụ nō buru ेhụ Jesu, gi ękwa linę fügbame 'ya le ihien ndị ahụn e shin ọhunma—rịkẹ kę ndị Ju dọn a kwama ozun wę k'e li. ⁴¹ O nwọn ugba rị ebahụn wę nō gbu Jesu; ili-okporo ọhụn wę keləni liyetu ihiən rị imę ugba hụ. ⁴² Makeni Uhuohin hụ ndị Ju gi a kwademę Izu-iken a gümaguo bu ili hụ rị nsue, wę nō gwərụ bu ेhụ Jesu che ili ahụn rị ebéhụ.

Isi Nke Oğun

Okpokoro Ili

(Mat 28.1-8; Mak 16.1-8; Luk 24.1-12)

¹ Uzo-utuntụn uhuohin ibuzo imę izu-uka*, ebe eki keləni fongụ, Meri onyę Magidala nō jen ili hụ hụn nō kę okporo. 'Ya k'o nō hụn a nị e nupuguo wę omumma hụn rị onu ili hụ. ² O nō gi ọso jen d'e kunrun Saimonu hụn w'a kpo Pita le nwa-azụn ọzo hụ ihien e a suọ Jesu, sị wę, “E bụpuguo wę Di-nwọnni-enyi imę ili hụ bu ẹnyi amarin ebe wę buche e.” ³ 'Ya kę Pita le nwa-azụn ọzo hụ nō gbashi ili hụ. ⁴ Nwa-azụn hụn-ebọ hụ nō gbaghafe Pita, bu ụzo ru ebahụn. ⁵ O hulua alị, nyonye imę ili, 'ya o nō hụn ękwa linę ndị ahụn wę te gi kwama Jesu ebe wę rị alị ebéhụ, kanị o banyeni imę ili hụ. ⁶ Saimon' Pita hụn sònko a azụn e ru ebéhụ, o nō shi imę ili hụ ozigbo-ozigbo. O nō hụn ękwa linę ndị hụ alị ebéhụ, ⁷ hụnzi ękwa hụ te rị isi Jesu. ękwa hụ te rị isi Jesu le linę ndị ahụn arị ụzo ohu; kama, wę fuma ękwa hụ te rị isi Jesu, bu ę tọ nkọ ohu. ⁸ Ya nwa-azụn hụn-ebọ hụ, hụn bu ụzo ru ili hụ nō banyezikwọ; o hụn, o nō kweri. ⁹ (Ogen ahụn, w'e ke ghötakwo

[‡] Isi Nke Mmitenęi:31 Ọnwani kę wę gi e mę wę a nwụnk'enrin. [§] Isi Nke Mmitenęi:36 Eşodosi 12.46; Nombası 9.12; ębu-omma 34.20 * Isi Nke Oğun:1 hụn wü nwan uhuohin Sondे

ihien hụ Eħħuħo-nsø ku-n'o jenqo d'a għa őnwxn lihi.) ¹⁰ Ya uumu-azjun a ndi ahun no lashisomme iwe wę.

*Meri Onyę Magidala A Hun Jesu K'o Ghagħu őnwxn Lihi
(Mat 28.9-10; Mak 16.9-11)*

¹¹ Kanj Meri e turukwö ihun ili hụ, a kwan ekwan. K'o dòn rị a kwankwö, o hulja ali, nyonye imē ili hụ, ¹² o no hūn ndi mmɔn-ozi ēbux yi ċekwa őchan kę wę nodi alji ebahun ēhiu Jesu te rị, onyę ohu rị ibe isi ē, hūn-ebu rị ibe oku a. ¹³ Wę no jü a, sị, “Okpoho, k'i rị a kwannij?” ő no shiari wę, sị, “E wepugħu wę Di-nwɔnni-m, bu a marin m ebe wę buče e!” ¹⁴ Ogħen o gi kugħu ihienni, ő no gbehutō, hūn Jesu k'o turu ebexx, kanj ő marin ni Jesu ro. ¹⁵ Jesu no jü a, sị “Okpoho, k'i rị a kwannij? Onyę k'i rị a chό?” Meri ro ni onyę hūn e lefū ugħo-nta hụ ħenja ro, ‘ya ő no sị a, “Di-okpa, őnxi 'yū bupu a, gwa m ebe i buče e, m k'e jen d'e buru ē.” ¹⁶ Jizosj no hi a, “Meri!” Meri no gbehutō bu ihun zimme ē, gi asus Hibrū yi, “Raboni!” (Raboni wu Onyę-nkuzi asus nди Ju) ¹⁷ Jesu no sị a, “Ekwondonlę m ēka, makeni m'e ke jen elu-igwee d'e kunrun Chuku-Neddi. Ka jen d'e kunrun umunnej m, y'a sị wę, ‘M lako elu-igwee d'e kunrun Neddi m hūn wuzi Neddi őn, Osolobue m hūn wuzi Osolobue őn.’” ¹⁸ ‘Ya kę Meri onyę Magidala no jen d'a gwa uumu-azjun Jesu, sị, “A hūnqo m Di-nwɔnni-enção!” Ya k'o nozzi gwachanrin wę ihien ndi hụ ő gwa a.

*Jesu E Nwɔnpuha Ebe uumu-azjun A Ri
(Mat 28.16-20; Mak 16.14-18; Luk 24.36-49)*

¹⁹ Ħenjas őħħo hū, hūn wu őħħo hū ibużo imē izu-uka, uumu-azjun Jesu no kpokkin enwien wę ye ebe wę rị makeni egun ndi-ndu ndi-Ju rị a tħu wę. Ya Jesu no nwɔnpuha idenmizi d'e turu imē igunrun wę, sị, “Udón ‘ya rị nì őn.” ²⁰ Ogħen o gi kugħu ihienni, ő no ghosxi wę ēka a ēbux l-ekunkun a. Ogħen uumu-azjun a gi hūn Di-nwɔnni-enção, īghogħo e jun wę obi. ²¹ Jizosj nozzi nwan sị wę, “Udón ‘ya rịn őn.” Kę Chuku-Neddi dòn zi m kę m rị nwan e zi őn.” ²² O kugħu ihienni, ő no horokpu wę, sị, “Narin ni Mmɔn-nsø. ²³ Ӱn őn gbagħari iħian njo wę, Osolobue a gbagħar iwe ya; omni őn agbagħarini wę njo wę, Osolobue agbagħarikò wę.”

Jesu Lé Tamossi Hun Rū-uka

²⁴ Tamossi (hūn w'a kpø Ejime), hūn wu onyę ohu imē wę mmiebux, arj imē wę ogħen Jesu gi bia. ²⁵ ‘Ya uumu-azjun ibe ē no sị a, “Enyi a hūnqo Di-nwɔnni-enção.” Kanj Tamossi no sị wę, “Mani m hūn ebe wę dušonmę ē ntu ndi hū ēka ēbux, bu mkpiñsin-ēka m che ebe ntu ndi hū rušonmę ē ēħu ēka ēbux, e bu m ēka che ēkunkun a—ekwerikò m!”

²⁶ Hūn mē ē izu-uka, uumu-azjun Jesu rizi imē ulu; uwę l-ekkeri rị. Uzo kpokkin akpokkin, kanj Jesu no nwɔnpuha, turu imē igunrun wę, sị, “Udón ‘ya rịn őn.” ²⁷ ‘Ya ő no sị Tamossi, “Bu mkpiñsin-ēka i cheebi, lee ēka m ēbux; tinxu nwan ēka i buče m ēkunkun. Aruzi l-uka; kweri!” ²⁸ Tamossi no za a, sị, “Di-nwɔnni-m l-ekkeri m!” ²⁹ Jesu no sị a, “I kweri makele y'a hūnqo m? Ngħozi wu nke ndi hūn keleni hūn bu ē kweri wę.”

Ihien Wę Deni Ekukwoni

³⁰ O nwiegħozi őrġun-atumena ndi őzo bu őda wę deyeleni imē ekukwoni hūn Jesu rūnzi idenja uumu-azjun a. ³¹ Kanj, wę deye ndiñi keni őn hūn őzo kweri ni Jesu wu Kraiġi, Nwa Osolobue, Onyę Hū Osolobue Tume; l-ekkeri m-ix-xażżeq. ³² Tamossi no sị a, “Di-nwɔnni-m l-ekkeri m!” ³³ Jesu no sị a, “I kweri makele y'a hūnqo m? Ngħozi wu nke ndi hūn keleni hūn bu ē kweri wę.”

Isi Nke Ohu-kwası-ogun

Jesu E Nwɔnpuhazj Ebe uumu-azjun A Ri

¹ Ihien ndiñi ē meġġu, Jesu no nwɔnpuhazj d'e kunrun uumu-azjun a mkpenren “Ohimin” Taiberasi. Eniha k'o dòn m-ix-xażżeq. ² Sajmoni hūn wu Pita, l-ekkeri (hūn w'a kpø Ejime) l-ekkeri Natanelu (onyę obodo Kana rị Galili) l-ekkeri Zebbedi l-ekkeri ġebla uumu-azjun Jesu ēbux őzo għba nodd. ³ Sajmoni Pita no sị ndi ahun ya l-ekkeri, “E shi m d'e għu azjun.”

Wę nō sī a, “Enyi sikō d'e sonmē i.” 'Ya wę nō jenmē. Wę nō banye ugbo-mirin d'e gbumē. Kanj, egbuni wę ihiēn ɔwule ukinkin hū ile.

⁴ Ogen eki gi fongū, Jesu nō turu mkpenren mirin; kanj umu-azun a amariñ nī Jesu rō. ⁵ 'Ya k'ō nō jū wę, sī, “Umueka, o ke nwōn azun unu gbu?” Wę nō za, sī, “Kaka akp'ohu.” ⁶ O nō sī wę, “Tū nī oga unu ye azun eka-nni ugbo unu, unu jenkō d'e gbu azun.” 'Ya wę nō tuye oga hū, o te nizini wę dobahanhan imē ugbo, makeni azun wę gbu e bukē odata.

⁷ Nwa-azun hū ihiēn e a suq Jesu nō sī Pita, “Di-nwōnni-enyi rō mai!” Ogen Pita gi nwān nū nī Di-nwōnni-enyi rō, o nō yiri ewuru o yiye elu e (makeni o te yipugū a). Ya o nō tūban imē mirin. ⁸ Umu-azun isin ahun hodū imē ugbo nō gi ugbo dokpunpūha oga hū azun jun mkpenren mirin. Gha ebēhū wę rī d'e ru mkpenren-mirin eteni—ihiēn rīkē ama-ukū iri kwasi ogun-isin suq rō; o ruchanrinni polu ebūo. ⁹ Ogen wę gi ru mkpenren mirin, wę nō hūn oboko okun ebahūn; azun rī elu e; brēdi huzikwō ebēhū. ¹⁰ Jesu nō sī wę, “Wéhé ni azun imē ndī hūn unu gbu kikenni.” ¹¹ Ya Saimonu wū Pita nō si imē ugbo-mirin, dokpunpūha oga hū mkpenren mirin. Azun hisonmē ogbe jun e, azun mmētō-kwasi-ogun-esa. Azun rī imē oga hū e bukenmēkē odata bū oga hū etikanī. ¹² Jesu nō sī wę, “Bia nī nwān d'e ri ihiēn-oriri ütuntūn.” Bū o nwōnni nwa-azun a ɔwule egun nī jū a, “Onye k'i wū?” makeni a maringqo wę nī Di-nwōnni-enyi rō. ¹³ 'Ya kē Jesu nō jen d'e weri brēdi hū ye wę, werizikwō azun hū ye wę.

¹⁴ Onwan mē e mgbe etō umu-azun Jesu hūn a k'ō ghagū ɔnwūn lihi.

Jesu E Wekinhezi Pita Onqdī A

¹⁵ Ogen wę gi rigū ihiēn-oriri ütuntūn ahun, Jesu nō sī Saimonu wū Pita, “Saimonu nwa Jönü, ihiēn m a suoghō i karī ndīnī?” O nō za, sī, “Eghee Di-nwōnni-enyi, 'y'a maringhō nī ihiēn i a suoghō m.” Jesu nō sī a, “Lefū umu-atunrun m enya.” ¹⁶ Jesu nō jū a hūn mē e mgbe ebūo, sī, “Saimonu nwa Jönü, ihiēn m a suoghō i?” O nō za, sī, “Eghee Di-nwōnni-enyi, 'y'a maringhō nī ihiēn i a suoghō m.” Jesu nō sīzī a, “Lefū atunrun m enya.” ¹⁷ Jesu nō juzī a 'ya hūn mē e mgbe etō, “Saimonu nwa Jönü, ihiēn m a suoghō i?” O nō fū Pita nī Jesu jū a ya mgbe etō, “Ihiēn m a suoghō i?” Pita nō sī a, “Di-nwōnni-enyi, 'y'a maringhō ihiēn ile; 'y'a maringhō nī ihiēn i a suoghō m.” Jesu nō sī a, “Lefū atunrun m enya. ¹⁸ M rī a gwa i ezioku, ogen i gi rī okoro, y'e konrin, e jen ebe ɔwule suq n'i; kanj i kagū egedi, i jenkō d'a tīnpū eka i, ndī ozō e konmē i, we i si ebe i chōleni n'i jen.” ¹⁹ (Jesu gi ihiēnni o ku ghosi udit ɔnwūn Pita jenkō d'a nwūn gi wéhé ni Osolobue ogho). Jesu e kugū ihiēnni, o nō sī Pita, “Sonmē m!”

Jesu Lē Pita Lē Nwa-azun Ahun Ihiēn E A Suq Jesu

²⁰ Pita e lee enya azun, o nō hūn nwa-azun ozō hū ihiēn e a suq Jesu. (Hūn noson Jizosī ogen wę gi rī e ri ihiēn-oriri enyasi ahun, nwa-azun hū hūn jū Jizosī, sī, “Di-nwōnni-enyi, onye jenkō d'e re i?”) ²¹ Ogen Pita gi hūn a, o nō jū Jesu, sī, “Di-nwōnni-enyi, okennyeni?” ²² Jizosī nō sī a, “Omēni m chō n'o rī ndūn d'e ru mgbe m bia, eélé hūn biri i? Sonmē m!” ²³ 'Ya okuni nō kpogbama imē igunrun ndī e son Jesu, nī nwa-azunni anwunkō. Kanj, Jizosī ekuni n'o nwunkō, ihiēn o ku wū, “Omēni, m chō n'o rī ndūn d'e ru mgbe m bia, eélé hūn biri i?”

²⁴ Ya wū nwa-azun wū onye hūn rī nwān e ku oku ihiēn ndīnī; iya detuzikwō nwān ndīnī wę; enyi a maringhō nī ihiēn o ku wū ezioku.

Mmekin

²⁵ Kanj, o nwēzikwō ihiēn ndī-ozō bu odata Jesu mē. Omēni wę dechanrin wę ile ohu-ohu, e rogho m'a nī ụwa ile erugukō eħħuhu wę sikō d'e gi de wę.

Orun Ndi-Ozi Ahun Pü-ichen

Jesu A Lashi Elu-igwee Id'enyen Ndi E Son N'e

¹ Tiofilosi-o, imē ekukwō nke ibuzo, m de ihien ile Jesu run lē ihien ile o kuzi—gha ogēn o gi bidon orun a ² d'e ru ụhụohin hụ wé weri e si elu-igwee, ogēn o gi gigu ikēn Mmōn-nsō gwa Ndi-ozzi hụ pü-ichen o hopuhā ihien wé jenkö d'e me.

³ Ogēn o gi tagu afunfun, nwunhụngu, o hụ a bia d'e kunrun ndi-ozzi hụ pü-ichen orogbo akp'ohin ogunnai, e gi ụzo rị ichen-ichen a ghosi wé n'o ghaguo ọnwun lihi. Ogēn hụ o gi rị a bia, o hụ a gwa wé oku Ali-eze Osolobue. ⁴ O nwé ogēn o gi bia k'o dọn a bia. Ebe ya lē wé rị e ri ihien-oriri, o no sị wé, “Aghakwole ni Jerusalém pü; ka cheri ni onye ahun Nedi m kwe nkwa n'o k'e zihé, hụn m gwa ọnu oku e. ⁵ Jönü gi mirin me mirin-Chuku; kani, o gini d'e me akp'ohin ole, wé k'e gi Mmōn-nsō me ụnu mirin-Chuku.”

Jesu E Si Elu-igwee

⁶ Ogēn wé gi zuzi, wé no ju a, sị, “Di-nwonnī-enyi, ogēnni kē y'e gi nwan gbafuha enyi ndi Izrēlụ eka ndi rị a kini enyi keni enyi kima enwen enyi?”

⁷ Jizosí no shiarí wé, sị, “Ele hụn ọnu e gi marin ogēn móbu mgbe Chuku-Nedi gi eka a tumē. ⁸ Kama, ụnu jenkö d'e nwonhen ikēn ogēn Mmōn-nsō k'e gi biakwasigū ọnu, ọnu a wuru ndi-ɔsheri m imē Jerusalém lē imē Judia ile le imē Sameria lezi imē ụwa ile —d'e ru ebe ụwa ru.” ⁹ Ogēn o gi kugu ihienni, wé hụ e lee e, o no buli elu, orukpu no kpume e, ahunzini w'a. ¹⁰ Ebe wé rikwō e lee enu-igwere moo k'o lakö, ikēnnye ebuo yi ewuru ɔchan tueni no nwonpua idēnmizi, turuyeni wé, ¹¹ sị wé, “Ikēnnye Galili, kị ụnu turuni ebeni e lee elu-igwere moo? Jesuni wé gha ebe ọnu rị wesi elu-igwee jenkö d'e kinhen-azụn kē ụnu dọn hụn a k'o nakö enu-igwee.”

Onye Nokin Enya Judasi

¹² Ya ụmu-azụn Jesu no gha ugu hụ w'a kpo Oliveti hụn nokunme Jerusalém lakin Jerusalém. (Gha Oliveti d'e ru Jerusalém tehan kē ijen Uhụohin Izu-ikēn hụn wu nkirishi mai'lị ohu.) ¹³ Ogēn wé gi banye obodo hụ, wé no si immughe hụ rị ibe enu hụn w'a nodị. Wé wu ndinị: Pita, Jönü, Jemisi, Andurụ; Filipu le Tamasi, Batolomi le Matiu, Jemisi nwa Alifiosi le Saimonu le Judasi nwa Jemisi. Saimonu te wu onye ohu imē ndi hụn gi eka ikēn a nwan ni wé chufu ndi Rom rị a kị ali wé. ¹⁴ Ndinị ile hụ e gi obi ohu e me ekpere, e we enwen wé che imē e—uwé lē ikpoho ndi ọzo lē Meri nnę Jizosí lezikwō umunę Jizos' ikēnnye.

¹⁵ Ogēn hụ, Pita no lihi ọtọ imē igunrun ndi kwerini; (ihien riké madu ọgun-isin gbakikome ebēhu); ¹⁶ o no sị, “Umunę m, Ekukwō-nsō jenkö d'e mezuriri. O meguo nwan ebe Judasi rị nōkē kē Mmōn-nsō dọn ku ghahanị Defidi—Judasi hụn duhé ndi nwunrun Jesu. ¹⁷ Makeni, o te wu onye ohu imē enyi; o te nwonzikwō ogbo e imē ọrunnị.” Ya kē Pita ku.

¹⁸ (Makeni, okēnnye ahun wu Judasi gi egħo eje-ihien hụ o me nōnri anj: o dan, gi isi zu ali, etintin e no gbawa, akụ-efo a no yofuha. ¹⁹ Ndị ile bi imē Jerusalém no nụ ihienni, wé no gi asusụ wé kpo ali hụ, “Hakēdama” ya wu “Ogige ēdeke.”)

²⁰ Ya Pita no kusonme, sị, “Makeni wé de e imē Ekukwō Ebu-oma, sị, ‘Wé la ụlo a tọ okpokoro,
onye owule ebole e;
onye ọzo ya weri ọkwa a.’

²¹ Ya wu nwan ni onye ọzo jenkö d'e son enyi wuru ɔsheri. O k'a wuriyi onye ohu imē ikēnnye ndi hụ sonni enyi ogen hụ ile Di-nwonnī-enyi wu Jesu gi rị imē igunrun enyi—²² ghakwori ogēn Jönü gi rị e me mirin-Chuku d'e ru ụhụohin wé gha imē igunrun enyi weri Jesu si elu-igwee. Onye hụ sikö d'e son enyi a shia ेri nị Jesu a ghaguo ọnwun lihi.”

²³ Ya wé nō hópúha madú ebúo—Josephu lē Matíasi. W'a kpo Josephu Basabasi, a kpozíkwo a Jostusu. ²⁴ Ya wé nō mē ekpere, sì, “Di-nwónnni-ényi, iyú marín obi ihián ile; dodo, ghosí ényi onyé i hóri imé madú ebúoni, ²⁵ keni o weri ókwa lē orún onyé-ozi pú-ichén hún Judasí lató jenmè ebéhú furu n'e.” ²⁶ Wé nō tū mkpó, o nō hanrin Matíasi; wé nō we e cheni ndí-ozi pú-ichén mmanaí hú.

Isi Nke Ebúo

Mmón-nso A Bia Uhuohin Mmemmè-Pentikosu*

¹ Ogén o gi ru uhuohin Mmemmè ahún w'a kpo Pentikosu, ndí ile kwerini rí uzó ohu. ² Idénmizi, üzün nō gha elu-igwee bia: üzünni noké okéne ufere rí a kponí. O nō jun imé uló ebe wé nodisónmè aní. ³ Ya wé nō hún ihién rísonmè kē ire k'ó púha, e nwun kē okún, nokwasísonmè onyé-onyé imé wé. ⁴ Mmón-nso nō jun imé wé ile, wé nō sumá asúsú ndí ozó rí ichén-ichén, noké kē Mmón-nso dón ye wé ikéne wé gi e ku.

⁵ Ogén hú, ndí Ju hún a tū egún Osolobue, hún bisónmè alí ile rí enu-uwá, rí imé Jerusalém. ⁶ Ogen wé gi nü üzünni, igunrun ihián nō gbakikomé. O tū wé enya, makéni onyé-onyé imé wé hú a nü kē wé rí a sú asúsú a. ⁷ O gba wé nghari-énya óda-óda; wé nō sì, “Ndíni ile rí e ku oku élé ndí Galili? ⁸ Nani k'o dón nwan mé ni onyé-onyé imé ényi hú a nü kē wé rí a sú asúsú alí wé nō mü a? ⁹ Ké ndí Patia kē ndí Medja kē ndí Elamú; kē ndí bi Mésopotemja lē Judia lē Kapadosia lē Pontus lē Eshia ¹⁰ lē Frigia lē Pamfilia lē Ijiptu lē azünn Libia ndí hú nochimé Saírin, lē ndí obia gha Rom bia, ¹¹ (kē ndí Ju kē ndí gha ofufe ozó sonmè ofufe ndí Ju); lezi ndí gha Kriti bia lē ndí Arabú—ényi ile hú a nü kē wé gi asúsú ényi e ku okéne orún a tū enya Osolobue rúnsonmè.” ¹² O tükénmé wé ile enya, gba wé nghari-énya; wé hú a jú ibé wé, “Kí wú önüwan?”

¹³ Kani ndí ozó hú a mü emú, a sì, “E gíguo wé manya önü ragbu enwén wé!”

Ozi Pita Zi Ogén Mmón-nso Gi Biakwasiguú Wé

(Juélü 2.28-32; Ebú-oma 16.8-11; 110.1)

¹⁴ Kani Pita lē ndí-ozi pú-ichén mmanaí ndí ozó nō lihi otó, Pita nō wesi olu elu gwa ndí hú gbazuni oku, sì, “Ndí Ju ibé m lē ndí ile bi Jerusalém, ní m kówa ní önü ihiénni rí e mení; gonkénmé ni m ntín. ¹⁵ Manya arí a tū ndíni kē önü dón rí e ro, kaka—makéni okulokú iteneí nke ütüntüñ ríhú a kú. ¹⁶ Mba, manya a rí a tū wé. Kani, ihiénni rí e mení wú ihién hú Osolobue gi Juélü onyé-amúma ku, sì,

¹⁷ ‘Osolobue sì,

“Ogen ikpazúun,

m jenkö d'e hu Mmón-nso m kpu ihián ile.

Ümu ünu ikennyé lē ümu önü ikpoho

k'e bu amúma;

ikorobiá önü k'a hún önü,

ikennyé-oba ünu k'a ró nró.

¹⁸ Egheé, ogén hú,

m k'e hudé Mmón-nso m kpu ndí idibo m—

kē ikennyé kē ikpoho,

e bu wé amúma.

¹⁹ M k'a ghosísonmèzíkwó ihién a tū enya elu-igwere,

ghosísonmè ahíma elu-uwá—

kē edeke kē okún kē enwúnrún.

²⁰ Enya-anwúñ jenkö d'a gba ishi,

ifon e nwunmè edeke-edeke,

* Isi Nke Ebúo: Pentikosu wú mmemmè ndí Ju e mē ahúa-ahúa (Livistikosji 23.16). Gha uhuohin Jesu gi nwúnhún d'e ru uhuohin o gi lashí elu-igwee wú ihién noké akp'ohin ogunnai (1.3). Gha ogén Jesu gi nwúnhún d'e ru uhuohin Mmemmè-Pentikosu wú akp'ohin iri kwasi ogunnai.

Uhhohin Di-nwonnienyi kebe ru—
okèn uhhohin hù nwé oglo.

²¹ Ogen hù,
onye ówule hùn k'a kpóku ẹfan Di-nwonnienyi
k'e nwón nzuopuhá.”

²² Ndí Izrelù, gón ni m ntín! Osolobue wú onye hùn zihé okennye hù wú Jizos' onye Nazareti. O nò gi e rún orun-atuménya lè ahunlele lè ihién ahíma bu ọda ebe onu rí, gi e ghosi unu ni 'ya zihé e. Unu lè enwé onu a maringuo ihién ndini ọhunma-ohunma.

²³ Kani, nöké kẹ Osolobue hùn marin ihién k'e mé ihun dòn kwademé, wé nò we e che eka unu, onu nò we e ye ndí aní ndí ozo hùn marinleni Osolobue—wé nò kpóma elu-obe, kpogbuni unu 'ya. ²⁴ Kani Osolobue nò gha onzun weli e, gha ikèn onzun gbafuhá a, makéni onzun asako eka kwondon e. ²⁵ Makéni Defidi ku oku e, si,

‘M'a hùn Di-nwonnienyi ogen ile ebe o noyeni m;
makéni o rí eka-nni m,
emeħunmekò m.

²⁶ Ya haín obi gi a sùo m usùo;
ya haín m gi a bù ebù.

Eħu m enwékodé nsongbu,
makéni m nwé olile-énya.

²⁷ Makéni, y'a lakò m tó imé ili;
y'a níkò Onye-nsò i rehi.

²⁸ Y'e mego m marin úzo ndùn;
i k'e mé m ghogho ebe i rí.’

²⁹ Umuñe m, o furu ni m gwapu onu ni nedí ényi kani wú Defidi a nwúnhungó, e li wé e—ili e ríkwó nwan ebeni d'e ru tanní. ³⁰ Kani, makéni o wú onye-amúma, makéni o maringuo ni Osolobue kwe e nkwa, kun enwé e, n'o jénkò d'e tumé nwa Defidi ohu eze n'o nòdí ukpo ya lè enwé e wú Defidi, ³¹ Defidi hùn ihiénni n'o d'e mé. O nò ku e ni Kraistí, Onye Hù Osolobue Tumé, jénkò d'a gha onzun lihi, ni anamí w'a tó imé ili leni eħu a eretoni imé ili. ³² Osolobue a ghaguo nwan onzun weli Jesuni: ényi ile wú oshéri.

³³ E wesiguo w'a onzodi oglo eka-nni Osolobue; o nahanguo Chuku-Nèdì Mmón-nsò hù Nèdì kwe nkwa a. O nò nwan hupuhá ihiénni unu rí a hùn, a nü. ³⁴ Makéni Defidi lè enwé e aghaní onzun lihi lashí elu-igwee, kani 'ya lè enwé e ku, si,

‘Di-nwonnienyi sí Di-nwonnienyi-m,

“Nòdí ali eka-nni m,

³⁵ d'e ru
mgbe m giguù ndí-iñenren i
memé ihién i gi a zoma úku.”

³⁶ Unu ndí Izrelù ile, marin ni nwan ọhunma-ohunma ni Osolobue e meołe Jesuni unu kpogbu elu obe wúru Nna lè Onye-nzuopuhá hù unu rí e lee énya a, hùn wú Kraistí.”

Ndí Kwerini

³⁷ Ogen wé gi nü ihiénni, o gbu wé mgbu obi ọda-ọda. Wé nò sí Pita lè ndí-ozi pú-ichéñ ndí ozo, “Umuñe, kiní kẹ ényi k'e mé?” ³⁸ Pita nò za wé, si, “Onye ówule imé onu ya roghari, keni wé gi ẹfan Jizos' Kraistí mé e mirin-Chuku, keni Osolobue gbagharí a njó, o k'e nwónhen oyiye hù wú Mmón-nsò. ³⁹ Makéni unu kẹ Osolobue kwe nkwaní n'o k'e zihé Mmón-nsò—onu lè ümu unu lè ndí rí ebe teni—onye ówule Di-nwonnienyi wú Osolobue ényi k'a kpóri.”

⁴⁰ Pita nò gwazi wé ihién ndí ozo bu ọda, gi e do wé eka-ntín, a riø wé, si, “Zuopuhá ni enwé onu imé agboní zinléni!” ⁴¹ Wé nò mè ndí ile nabanhán ozi e mirin-Chuku. Ihién nöké madú ogun-iri kwasí nnú-esa† nò banye ni wé uhhohin hù. ⁴² Ndíjì ile nò bu enwé wé che nkuzi ndí-ozi hù pú-ichéñ, imégbama ihién ile, iri Oriri-nsò lè imé ekpere.

† Isi Nke Ebwo:41 madú nnú-uku eto

Obibi Ndị Kwerini

⁴³ Egun-Osolobue hụ a tụ onye ọwụle; Osolobue hụ e gi ndị-ozi hụ pụ-ichẹn a rụnsomme orụn-atụmụnya lẹ ihiẹn-nghoṣi bu ọda. ⁴⁴ Ndị ile kwerini hụ a nögßama; o nwọnziini onye weri e nị ihiẹn o nwę wụ nke 'ya suọ. ⁴⁵ W'e resomme ihiẹn wę nwọn, e keyesomme onye ọwụle k'o dọn nwę mkpa. ⁴⁶ Wę hụ e gi obi ohu e zu imẹ Ụlo-nsø ụhụohin-ụhụohin; e ri Oriri-nsø ụlo-ulo; a shiṣapụ ẹfọ e gi ighogho e rigßama ihiẹn-oriri iwe wę, ⁴⁷ a ja Osolobue mma. Ihiẹn wę hụ a suọ ihijan ile. Ụhụohin-ụhụohin, Di-nwọnni-enyi hụ e bucheni we ndị hụn ọ rị a zuofuha.

Isi Nke Etọ

Pita A Zụo Onye-nguro

¹ Ụhụohin ohu, Pita le Jönü jenkö Ụlo-nsø ogēn ekpere, ihiẹn noke okulokụ etọ nke efinnai. ² O nwę okennye ohu dan nguro kete w'a m'l'a, hụn w'e buhę ebęhụ. Ụhụohin ile kę wę gi e buto a onu-mgbon rị Ụlo-nsø hụn w'a kpọ "Onu-mgbon Ma mma," keni ọ hụn uzọ a rịo ndị rị a banye imẹ Ụlo-nsø ihiẹn. ³ Ogēn o gi hụn Pita le Jönü kę wę banyekö Ụlo-nsø, ọ no rịoma wę ihiẹn. ⁴ Pita nọ bu enya tuma a. (Erira kę Jönü buzikwọ enya tuma a.) Pita nọ sị a, "Bu enya zinmę enyi!" ⁵ Okennye hụ nọ bu enya tuma wę, a tụ enya n'o nwę ihiẹn wę k'e ye e. ⁶ Kanị Pita nọ sị a, "Enwon m egho ọwụle, kanị, m jenkö d'e ye i ihiẹn m nwọn: ghahanị ẹfan Jesu Kristi onye Nazareti lihi ọtọ n'i jenmę ijen!" ⁷ O nọ kwondon ẹ eka-nni, weli e. Ozigbo, ụkụ-alị a le olu-ukụ a no k'enren. ⁸ Okennye hụ nọ tusi elu, turu ọtọ, jenmę ijen. O nọ sòn wę banye imẹ Ụlo-nsø, e jen ijen, a wusi elu, a ja Osolobue mma. ⁹ Ihijan ile a hụn a k'ọ rị e jenhummę, a ja Osolobue mma, ¹⁰ wę nọ lepụha a nị iya wụ onye hụn te a nödi anị Onu-mgbon Ma-mma a rịo ụriọ. Ihienni mē n'e nō tu wę enya, gba wę nghari-enyia.

Ozi Pita Zi Ime Ụlo-nsø

¹¹ Ebęhụ ọ nyankunma Pita le Jönü imẹ ebęhụ w'a kpọ Etü-ulo Solomonu, ihijan ile nō gbaha d'e fihunmę wę makeni ihienni mēni tụ wę ile enya ọda-ọda. ¹² Ogēn Pita gi hụn ihienni, o nọ sị ndị hụ, "Ndị Izrelu, kị ihienni rị a tuni unu enya? Kị onu gbani enyi ilee noke sị iken enyi móbụ ezi-omumę enyi kę enyi gi mę okennyeji jenmę ijen?" ¹³ Osolobue Ebrahim le Aziki le Jekopu, Osolobue ndị nedị enyi wę kanị, e yeguọ odibo e wụ Jizos' ogho—Jizosí, hụn unu we ye wę, hụn unu ju id'anya Paileti—osuon'a nị Paileti e te kuguo n'o k'a hafu a. ¹⁴ Unu a ju Onye-nsø hụ, Onye ahụn rị ochan—sị wę hapu nị unu izighe. ¹⁵ Unu nọ gbu onye hụn e ye ndịn, kanị Osolobue nọ gha onwụn weli e. Enyi wụ ọsheri ihienni. ¹⁶ Makeni wę gi okukwe gi ẹfan a dọn enya, ẹfan a e megwu okennyeji k'enren —okennyeji unu a hụn, okennyeji unu marin. Eghee, itukwasị Jesu obi kę okennyeji gi nwani dīnhin idenyi unu ile.

¹⁷ Umuṇe m, a maringho m nị amarịn hajin unu gi ihienni—kę unu kę ndị-isị unu. ¹⁸ Kanị eniṇa kę Osolobue gi nwani mēzu ihiẹn ndị ọ gha onu ndị-amumma ile ku mbu-mbu—nị Kraisti a, Onye-nzüopuha hụ o tumę, k'a ta afunfun. ¹⁹ Rogharị nị nwani, unu e kinhen d'e kunrun Osolobue. Unu mē e, o jenkö d'a fitchanpu unu njo, ²⁰ keni ogēn igba-ume ihiẹn gi a rị mma hụn uzọ gha ebe Di-nwònni-enyi rị bia, o zihézikwọ nị onu Kraisti, Onye Nzüopuha hụ o tumę ni unu, hụn wụ Jizosí.

²¹ Kanị, Jizosí k'a rigude elu-igwee d'e ru ogēn Osolobue k'e gi donzichanrin ihiẹn ile, noke kę Osolobue dọn ku mbu-mbu ghahanị onu ndị-amumma a rị nsø. ²² Mozizi sị, 'Di-nwònni-enyi wụ Osolobue onu jenkö d'a gha imẹ ndị nke unu wepụha nị unu onye-amumma—k'o dọn wefụha m. Unu k'e gonrirị ntịn ihiẹn ile onye-amumma hụ k'a gwa onu. ²³ Onye ọwụle gileni ihiẹn o ku dọn, e gbupu w'a imẹ ndị Izrelu.' ²⁴ Ndị-amumma ndị ọzo ile e kughozị oku ihiẹn ndịn rị e mę ogenni—ghakwori Samuelu d'e ru ndị amumma ndị ọzo ile sonn'e. ²⁵ Unu kę ihiẹn ndị-amumma ndị ahụn ku ru nwani eka; unu kę Osolobue kwetoni nkwa o gi tumę nkwerigßama hụ o tumę ęgbata 'ya le ndị nedị onu kanị. O sị Ebrahim nedị unu, 'Eka onye hụ k'a gha ęhụ i pụha kę ndị alị ile rị elu-ụwa k'a gha nwę

ngozzi.’²⁶ Ogèn Osolobue gi wepūha odibo e, o nō bu ụzọ zihé ni ọnụ ya, n’o gozi ụnu—ghahanị imē onye-onye imē ọnụ gha imē njø a pūha.”

Isi Nke Eno

E Wéhé We Pita Lé Jònù Ògwa Ndị-isí Nkíkwama

¹ Ogèn Pita lé Jònù gi rị a gwa ndị hụ oku, ndị nchụ-ejan le onye hụn a kị ndị ụnakpa Ụlo-nsø le ndị hụ imē ndị itu-Sadusi nō bịa d'e kunrun wẹ. ² Ize hụ e ze wé odata-odata makeni ndị-ozi ahụn pü-ichẹn rị e gi ihiẹn wé rị a kuzi banyeni Jesu a gwa ndị ahụn nị ndị nwònñi jenkö d'a gha ọnwụn lihi. ³ Wé nō nwònñrụn Pita lé Jònù. Kanị, makeni eki e giguo, wé nō bu wé tọ imē ụno-angan d'e ru mgbe eki fòn. ⁴ Kanị ndị bu odata imē ndị nụ oku hụ kweri-ekwéri; wé nō mē ndị hụn kwerini ihiẹn nöké ikennye ögún-iri kwasi nnụ mmébụo, ya wú nnụ uku isen.

⁵ Eki e fòn, Ndị-isí Nkíkwama ile: kẹ ndị-isí nchụ-ejan rị a kinị kẹ ndị-isí kẹ ndị nkuzi-Iwu nō zu imē Jerusalém. ⁶ Anası wú onye-isí nchụ-ejan le Kayafasi lé Jònù le Alézanda le ndị ọzo hụn wú ndị ikpun-ulo onye-isí nchụ-ejan—ndịnị ile rị ndị zuni. ⁷ Wé nō wefúha Pita lé Jònù ihun wé, jumá wé, sị, “Elee iken móbụ ẹfan kẹ ụnu gi mē ihienni?” ⁸ Ya Pita, hụn Mmón-nsø jun imē e nō za wé, sị, “Ndị-ndu lè Ndị-isí, ⁹ oméni ọrun rị mma wé rụnni onye-nguro kẹ wé rị a junị enyi ụtaa tannị, a ju kẹ nani k'o dòn dìnhịn, ¹⁰ marịn nị nwan, ọnụ lè ndị Izrélile, nị ẹfan Jesu Kristi onye Nazaréti, hụn ụnu kpogbu enu-obe, hụn Osolobue ghagụ nwan ọnwụn weli, kẹ ehụ okennye ni wuzo ihun ọnụ gi k'enren.

¹¹ Jesuni wú

‘Omúma hụ’ ụnu ‘ndị rị a tun ulo ju’,
hụn ‘wúrúgụ nwan omúma gi ulo.’

¹² O nwònñi onye ọzo nzupupha rị imē e, makeni o nwònñi ẹfan ọzo rị okpuru elu-igwee wé ye ihiān hụn enyi k'e gi nwòn nzupupha karị ẹfan Jesu.”

¹³ Ogèn wé gi hụn kẹ Pita lé Jònù gi rị e ku e kushi iken, bụ a maringuo wé nị wé wú ndị mmaka jenleni ozunzun, o tu wé enya; o nō ban wé enya nị wé le Jesu a wiole. ¹⁴ Kanị ebe o mē ni okennye hụ dìnhinni turuyeni wé ebéhu, asazinị wé eka ku ihiẹn ọwule hụn w'e gi pa oku wé. ¹⁵ Ya wé nō sị Pita lé Jònù ye ni wé efe ekere. Wé nō tüğbama iroro, sị, ¹⁶ “Kinị kẹ enyi jenkö d'e gi ndịnị mē? O weguguo ihiān ile bi Jerusalém enya nị ndịnị rụn ọrun a tu enya pü-ichẹn. Enyi a s'eka sị n'o mēni. ¹⁷ Kanị, amamgbe okuni a kpokari enjina, nị enyi dō wé eka-ntin, sị wé agwazile onye ọwule oku ẹfanni.” ¹⁸ Ya wé nō kpobanhazị wé, gbakenmè wé mkpínsin eka, sị wé ekuzile oku ẹfan Jesu, w'e gizile ẹfan a kuzi onye ọwule! ¹⁹ Kanị Pita lé Jònù nō shiari wé, sị, “Oméni o hughọ mma enya Osolobue nị enyi gón ọnụ ntịn karị Osolobue, ụnu k'e ku; ²⁰ kanị, enyi lè enwén enyi e kubehikọ ihiẹn enyi hụn lè ihiẹn enyi nụ.” ²¹ Ogèn wé gi ronguzi Pita lé Jònù egun, wé nō hafu wé nị wé lama. Ahunzini wé kẹ w'a dòn ye wé afunfun, makeni ihiān ile rị a ja Osolobue mma maké ihiẹn hụ mēni—²² makeni okennye ni wé gi ọrun-atuményanị zuo karị nwa ahua ögunnai.

Ndị Kwerini A Rịo Osolobue N'o Wepu Wé Egun Enya

²³ Ogèn wé gi hatugụ wé, wé nō laburu ndị itu-Kraistị ibe wé. Wé nō gwa wé ihiẹn ile ndị-isí nchụ-ejan le ndị-isí gwa wé. ²⁴ Ogèn wé gi nụ ihienni, wé ile nō gi obi ohu wesi olu wé enu, mē ekpere, kpokwu Osolobue, sị, “Di-nwònñi-enyi, Onye ihiẹn ile rị eka a, Onye hụn ke elu-igwee lè ụwa lè ohimin lè ihiẹn ile rị imē wé, ²⁵ iyụ gi Mmón-nsø ku oku ghahanị ọnụ nedi enyi kanị wú Defidi, hụn wú odibo i*, sị,

‘Kinị kẹ ndị alị ndị ọzo rị e buni olulu?’

Kinị kẹ ihiān rị a tuni iroro na iwi?

²⁶ Ndị-nze ụwa e konrinsommeguo agha;

ndị rị a kinị e zugbamaguo

d'e bulumani Di-nwònñi-enyi lè Kraistị a—Onye hụn o tumé.’

* Isi Nke Eno:25 móbụ: nwa i

²⁷ Ezioku-ezioku, Hérodü le Pontus' Paieti le ndi anj ndi ozó le ndi Izrelü zugbama imé obodoni, bulumanj odibo-nsó i wú Jizosí hún i tumé. ²⁸ Ihién ile wé mé danye k'i don cho le k'i don kwademé e. ²⁹ Di-nwónni-ényi, lee nwan egun wé rí e rón ndi idibo i; dodo wepú ndi-idibo i egun enya, y'e yeni wé éka ku oku i; ³⁰ y'a tñfú éka zuo ndi emu rí a kú, rúnsonmè orun ahima le orun-atuménya ghahaní éfan odibo-nsó i wú Jesu.” ³¹ Ogen wé gi megwu ekpere, ebéhú wé nodi nò mèhunmè, Mmón-nsó nò jun imé wé ile, egun nò pù wé enya; wé nò kumé oku Osolobue, e kushi e ikèn.

Ndi Ile Kwerini Nwé Obi Ohu

³² Ndi ile kwerini hú e gi obi ohu e bi, e ro ihién ohu; o nwónni onyé wéri e ní ihién o nwón wú nke 'ya súo, kama, w'e wéri e ní ihién onyé nwé wú nke wé ile. ³³ Ndi-ozi hú pù-ichén hú a kpa okéen ikéen wé gi ghosichanrin ní Di-nwónni-ényi wú Jesu a ghagwó ònwún lihi nke-esi; Osolobue hú e yeni wé éka öhünma-öhünma. ³⁴ O nwónni onyé ihién a kó imé wé. Makéni, ndi nwón alí móbu úlo hú e re e, e wéhé egho wé re e, ³⁵ e bu e a tó ní ndi-ozi ahún pù-ichén. Ndi-ozi ahún pù-ichén e keyesonmè onyé-onyé ké mkpa a han.

³⁶ Eríra ké Josefú mè. Josefú wú onyé ebón Livai le onyé alí Saiprosi. Ndi-ozi ahún pù-ichén tu e “Banabasi” (alí éfanní wú, “Onyé akási obi”). Eríra ³⁷ k'o don re aní a, wéhé ni Ndi-ozi ahún pù-ichén egho e.

Isi Nke Isen

Ananayasi Lé Nwunye È Wú Safajira

¹ Ya okénnye ohu éfan a wú Ananayasi le nwunye e w'a kpo Safajira nozí re alí. ² O nò bu mgbube egho e tó, wéhé ni Ndi-ozi ahún pù-ichén hún hoduní. Nwunye e kweye ní e mè ihiénni o mè. ³ Kaní Pita nò sì, “Ananayasi, kí Ekwensú nu ní tû Mmón-nsó ntú, mè i bu mgbube egho i re alí hú tó? ⁴ N'í d'e re e, élé nke i ró? Ogen i gide regu a, egho e élé nke i? Naní k'i don ro eje-ihién nò énína? Elekwo ihián k'i tû ntúni, Osolobue k'i tû a!” ⁵ Ogen Ananayasi gi nù ihiénni, o nò dan, nwúnhún. Okéen egun nò tuma ndi nù ihién mèni. ⁶ Ikorobia nò púha, kwama a, buru e pù, d'e li.

⁷ Ihién nò ké mgbahunmè okulokú etó a ghafegu, nwunye e nò banhan, kaní o marín ihién mèni. ⁸ Pita nò ju a, sì, “Onu-eghoni ké yú lè di i re alí hú?” O nò sì, “Eghéé, 'ya ró.” ⁹ Ya Pita nò sì a, “Kí haín ụnu gi kwerigbama ní onu lele Mmón-nsó Di-nwónni-ényi? Le'e, ikorobia li di i lala, e ruguodé wé onumuzo; wé jénkó d'e bupuzi íl!” ¹⁰ O nò dantó éhú ụku Pita ozigbo, nwúnhún. Ikorobia ndi ahún a banhan, a hún w'a n'ó nwunhungan, wé nò buru e pù d'e li e nökunmè di e. ¹¹ Okéen egun nò tuma ndi uka Kraistí ile le ndi ile nù ihién ndiní mèni.

Ndi-ozi Pù-ichén A Zuò Ndi Bü Ọda Emu Rí A Kú

¹² Ogen hú, Ndi-ozi ahún pù-ichén hú a rúnsonmè orun-atuménya le ahima ichénen-ichén hún ihián ile rí a hún. Ndi ile kwerini hú e gi obi ohu a nò ebéhú w'a kpo Etú-úlo Solomónu e zu. ¹³ O nwónni onyé kwerileni egun ní tû kpórokporó banní wé—bü ihián ile hú e ku oku wé öhünma. ¹⁴ Kama, ndi bukénmé ọda hú e kweri ni Di-nwónni-ényi nke-esi, a banní wé, ké ikénnye ké ikpoho. ¹⁵ Wé e bufuhadé ndi emu rí a kú okp'uzo, e bu wé a tó elu ute lè ihién ndi ozó wé gi e diné, keni onyinyon Pita hún uzó kunrundé ndi hú imé wé o ghafekoni. ¹⁶ Igunrun ihián hú a gha obodo ndi nohunmè Jerusalém a bia, e wéhé ndi emu rí a kú lè ndi eje-mmón rí e ye nsongbu. Wé ile hú a dínhin.

E Kpokpo Wé Ndi-ozi Pù-ichén

¹⁷ Ya ké onyé-isi nchú-ejan nò cho ké w'e mè e, ya lè ndi ile rí e sòn n'e (ya wú, ndi wé ile gba rí itu ndi Sadusi)—wé nò gi eje enya-ufu ¹⁸ nwúnrun ndi-ozi ahún pù-ichén tuyé imé ngan ihián ile.

¹⁹ Kanị, imẹ uhinhin hụ, mmọn-ozi Di-nwọnni-enyi nọ kpopụ ụzo ụlo-angan, dufiha wẹ, sị wẹ, ²⁰ “Jenmè ni d'e wuzo imẹ Ụlo-nsọ; gwachanrịn ni wẹ oku ndịn ọhụn ni.”

²¹ Anugụụ wẹ ihienni, eki e fọn, wẹ nọ banye Ụlo-nsọ d'a kuzime.

Ogen onyę-isi nchụ-ejan lẹ ndị ya lẹ wẹ wi bịa, wẹ nọ kpogbama ndị ile e zu Ọgwa Sahedrini—ya wụ ndị ile rị Ndị-isi Nkíkwama anị Izrelụ. Wẹ nọ zi ihiyan jen ụno-angan d'e wehé Ndị-ozi hụ pụ-ichẹn. ²² Kanị, ogen ndị ụnakpa Ụlo-nsọ hụ wẹ zijen gi ru ebéhụ, ahụnnị wẹ ndị-ozi hụ pụ-ichẹn imẹ ụlo-angan, wẹ nọ kinhen d'a gwa ndị-isi, sị, ²³ “Wẹ kpokin ụlo-angan ọhụnma-ọhụnma; ndị nche turuhụ ọnumuzo, kanị ogen enyi gi kpopụ ụzo, o nwọnni onyę rị imẹ e.” ²⁴ Ogen onyę hụn a kị ndị ụnakpa Ụlo-nsọ lẹ Ndị-isi nchụ-ejan gi nụ ihienni, o gba wẹ nghari-onya, wẹ hụ a jụ enwèn wẹ ihiyen rị e mени. ²⁵ Ya onyę ohu nọ bịa d'a gwa wẹ, sị, “Lee n'ę, ndị hụ ụnụ buche imẹ ụno-angan turuhụ imẹ Ụlo-nsọ, a kuzi we!” ²⁶ Ya ke onyę hụn a kị ndị ụnakpa Ụlo-nsọ lẹ ndị ụnakpa a no jenmè d'e wehé wẹ—kanị, egun ndị rị ebéhụ aninị wẹ gi eka-ikēn mē e, amamgbe w'e gi ọmuma magbu wẹ.

²⁷ A ghagụụ wẹ Ụlo-nsọ wehé wẹ, wẹ nọ bu wẹ tumé ihun ndị rị Ọgwa Ndị-isi Nkíkwama ahụn. Ya Onyę-isi nchụ-ejan nọ juma wẹ ụtaa, ²⁸ sị, “Enyi a gbaguọ nị ụnụ mkpiinsin-eka, sị ọnụ e gizile ẹfan onyęni a kuzi? Kanị ụnụ a kuzigbamaguọ Jerusalém ile ihienni, a chozi nị ọnụ bu ẹdeke okęnnyneni che enyi isi.”

²⁹ Pita lẹ Ndị-ozi ahụn pụ-ichẹn hodụni nọ shiari wẹ, sị, “Osolobue kẹ enyi jenkọ d'e humeni isi, eélé ihiyan. ³⁰ Osolobue ndị nedị enyi kanị weli Jesu hụn ụnụ gbu ghahanị ihogbu ẹ elu obe wẹ gi osisi mémé. ³¹ Osolobue e wesiguọ a nwan elu, bu ẹ che eka-nni ẹ, ebéhụ ogbo rị, mémé e Onyę-ndu lẹ Onyę-nzuoṇuha, keni o ye ndị Izrelụ oghere w'e gi roghari, keni ọ gbaghari wẹ njo wẹ. ³² Enyi wụ ndị rị a shia ẹri ihiyen ndịnị, enyi lẹ Mmọn-nsọ hụn Osolobue ye ndị e humen'ẹ isi.”

³³ Ogen wẹ gi nụ ihiyen ndịnị, ize nọ zemẹ wẹ ọda-ọda, wẹ nọ cho nị wẹ gbu wẹ. ³⁴ Kanị, onyę ohu imẹ wẹ, hụn rị Itu-Farisi nọ lihi ọtọ: ẹfan a wụ Gamalielụ; onyę-nkuzi Iwu Mozizi k'o wụ. Ihiyan ile a gbaye okęnnyneni. Ọ nọ sị wẹ wefugụụ ndị-ozi ahụn pụ-ichẹn ezi ekere.

³⁵ Ya ọ nọ sị Ndị-isi Nkíkwama ibe e, “Ikennye Izrelụ, lebankwo nị ihiyen ọnụ cho nị ụnụ mē ikęnnye ndịnị enya ọhụnma. ³⁶ Ogen mbụ, onyę ohu w'a kpo Tiodasi pụha, sị n'ọ wụ okęn-ihiyan, ihiyen nọ kẹ madụ nnụ nọ sónmè e. Kanị e gbu wẹ e, ndị hụ sónn'ę nọ gbayiya; ọhụn a gụ. ³⁷ Ọnwan e megụụ, onyę w'a kpo ‘Judasị onyę Galili’ nọ pụha ogen hụ wẹ gi gụn ihiyan, ndị bu ọda nọ sónmè e. E gbuzikwo w'a, ndị són n'ę a gbayiya.

³⁸ O mē nke okuni rị nwan alị, ndịnmodụn m jenkọ d'e ye ụnụ wụ ọnwan: la nị ndịnị to! Hatu nị wẹ! Makení, omení ihiyen wẹ bu obi móbu ihiyen wẹ rị e mē gha ẹka ihiyan bịa, o k'a dan. ³⁹ Kanị, omení ọ gha ẹka Osolobue bịa, ụnụ eri-ẹka kusị wẹ; o ru e, ọnụ e d'a lusonmèdẹ Osolobue ọgun!”

Ya wẹ no kweri ihiyen o ku.

⁴⁰ A kpobanhān wẹ ndị-ozi ahụn pụ-ichẹn, wẹ nọ fian wẹ mkpiinsin, gba wẹ mkpiinsin-eka enya, sị wẹ kubehi oku ẹfan Jesu; ya wẹ nọ hatu wẹ. ⁴¹ Ndị-ozi ahụn pụ-ichẹn nọ gha Ọgwa Ndị-isi Nkíkwama hụ pụ, a ghogho nị Osolobue weri wẹ kẹ ndị ru ogo ịnarịn ifenren make Ẹfan Jesu. ⁴² Uhụohin ile, kẹ imẹ Ụlo-nsọ kẹ ụlo-ụlo, wẹ hụ a kuzi, e zi ozi nị Jesu wụ Kraistị, Onyę Hụ Osolobue Tumé, akusinị wẹ kaka akp'ohu!

Isi Nke Isin

Ndị Eyemeka Ẹsa

¹ Ogen hụ, kẹ ndị rị e són Kraistị gi rị e buwaye ọda, ndị Ju hụn a sụ Griki (ya wụ ndị te rị alị ihiyan) nọ kpemē—nị ndị Ju hụn a sụ Hibru (ya wụ ndị rị ụlo) arị e keye ikpohoh wẹ di wẹ nwụn ihiyen runi wẹ wẹ gha e ke ihiyen-oriri hụ w'e ke ụhụohin-ụhụohin. ² Ya ndị-ozi pụ-ichẹn mmębụ hụ nọ kpogbama ndị ile kwerini, sị wẹ, “O furuni nị enyi k'a natọ ikuzi oku Osolobue d'e kemę ihiyen-oriri. ³ Umunę enyi, lehunmè ni nwan enya imẹ igunrun ụnụ, nị ọnụ hofuha madụ ẹsa w'e ku oku wẹ ọhụnma hụn Mmọn-nsọ jun imẹ

wé a kí wé, hún marín ihién ọhúnma-ọhúnma, ní ényi ye wé ọrunní—⁴ ényi lè enwén ényi e bu enwén ényi che imé ekpere lè ikuzi oku Osolobue.”

⁵ Okuni nò suò ndí uka ile usuo; wé nò hopúha okénnye ohu w'a kpó Stivin', hún nwón okukwe ọda-ọda, hún Mmón-nso jun imé e, a kí a; iya lè Filipu lè Prokorosí lè Nikanó lè Timonu lè Paménasí lè Nikolasí onyé Antíokú. (Nikolasí elé onyé Ju, kaní o te fe ofufe ndí Ju.) ⁶ Ya wé nò wepúha ndíni ihun Ndị-ozi ahún pú-ichén, Ndị-ozi ahún pú-ichén nò mè ni wé ekpere, bu éka kwasi wé.

⁷ Oku-Chuku hukwo a ghagbarí, e ru ndí bu ọda éka, ndí kwerini hú e buwaye ọda imé Jerusalém; ndí nchü-ejan bu ọda nò gbehutó sonmè Uzó Jesu.

A Nwùnrun Wé Stivin'

⁸ Ogéen hú, makéni éka Osolobue ríkénnmé imé okénnye hú w'a kpó Stivin', o hú a run okéen orun-atumenya lè ihién-ahíma hún ihián ile rí a hún. ⁹ Kaní ndí hú imé ndí Ju, ndí ụlo-ofufe w'a kpó “Ulo-ofufe ndí Ju wérigú enwén wé”, nò lihi, dònsonmè e. Ndíni wú ndí Ju ghasónmè Saírini lè ndí ghazi Azuún Silisia lè Eshia bia. ¹⁰ Kaní a saní wé éka són amamihien lè Mmón-nso hún Stivin' gi e ku oku se. ¹¹ Wé nò gha azúñ zí ndí wé zí d'a sí, “Ényi nü ké Stivin' rí e ku arú, e kuja oku Mozizi lè Osolobue.” ¹² Wé nò kpasu ndí alí lè Ndị-isí lè ndí nkuzi-Iwu, wé nò jenburu Stivin', nwùnrun a, wehé e Ogwa Ndị-isí Nkíkwama. ¹³ Wé nò kpópúha ndí ọshéri-ntu, ndí ọshéri-ntu hú nò sí, “Okénnyení ara kujabehi oku ebeni rí nsó lè Iwu Mozizi. ¹⁴ Ényi a nüole k'o sí ní Jesu onyé Nazarétiní jenkö d'e tikpó ebeni, gbehutó ọdinalí lè Mozizi tumesonmèni ényi.” ¹⁵ Ndí hú ile rí imé Ogwa hú nò bu énya zimé Stivin', wé nò hún a ní ihun é nò ké ihun mmón-ozi.

Isi Nke Esa

Oku Stivin' Gwa Ndị-isí Nkíkwama

¹ Onyé-isí nchü-ejan nò jú Stivin', sí, “Ihién ndíni wé rí e ku wú ezioku?”

² Stivin' nò za, sí, “Umune m lè ndí nedí ényi, gon ní m ntíñ! Osolobue hún nwón ọgho mé nedí ényi kaní wú Ebraham hún a imé alí Mésopotemíá—ní Ebraham d'e jen aní Haran d'e biri. ³ O nò sí a, ‘Lató alí i lè ndí nke i, n'i si alí m jenkö d'a ghosi i.’ ⁴ Ya k'o nò la alí ndí Kal'di tó, jen d'e biri aní Haran. Ogéen nedí e gi nwùnhún, Osolobue nò zihé e aliní ụnú bi nwan—⁵ bu o yen'e alí ọwule imé e—osuon'a ama-ulkú ohu dè. O kwe e nkwa n'o jenkö d'e ye 'ya lè ụmu a iya, bu o k'e mü nwa ogéen hú. ⁶ Osolobue nò sizi a, ‘Umú i jenkö d'a wú itumunye imé alí ozó; wé k'e gi wé henrin igbón, meja wé ọrogbo ahúa nnú. ⁷ Kaní m k'e ye alí hú gi wé henrin igbón afunfun. Omeguú, ụmu i k'a fúha, bia d'e fe m ebeni’—‘ya ké Osolobue ku. ⁸ Osolobue nò kwademé nkwerigbama, tumé e egbata ya lè Ebraham. Ahíma nkwerigbamaní wú ikwa-ugun. Ebraham a mü Aziki; nke akpú-uhuhoin ẹsatø, o nò kwa a ugún. Aziki nò mü Jekopu, Jekopu nò mü ndí nedí ényi mmébuo hú.’

⁹ “Umú Jekopu ndí ahún wú ndí nedí ényi nò gi énya-ufu re nwéne wé wú Josefú ye ndí w'e si Ijiptu. Kaní Osolobue nò noyen'e; ¹⁰ o nò zuopúha a imé nsongbu e ile. O nò m'e ni ihién e suò Fero eze Ijiptu, yezikwo Josefú amamihien pú-ichén ogéen o gi púha ihun Fero, nke wú ní Fero nò tumé e n'o kí aní Ijiptu lè ezi-lé-ulo Fero ile.

¹¹ Omeguú, okéen ụnwún nò nwan müma imé alí Ijiptu ile lè Kenan' ile, okéen afunfun nò bidon, d'e ru ní ndí nedí ényi wé ahunzini ihién-oriri. ¹² Ogéen Jekopu nedí wé gi nü ní ihién-oriri rí alí Ijiptu, o nò zi ndí nedí ényi wé jen d'e nönlua ihién-oriri. Ọnwan wú nke ibuzo wé jen Ijiptu. ¹³ Ogéen umune e gi bia Ijiptu hún mè e mgbe ẹbúo, Josefú nò nwan mè wé marin ní 'ya ró, Fero nozí marin ndí nke Josefú. ¹⁴ Ya Josefú nò zi ozi sí nedí e le ebón wé ile bia alí Ijiptu. Wé ile bianí wú madú isen aria oğun-eno. ¹⁵ Jekopu nò nwan jenmè aní Ijiptu. Omeguú, o nò nwùntø ebéhu, ké iya ké ndí nedí ényi wé kaní. ¹⁶ Wé nò bukin wé ile obodo Shékém, li wé ye imé ili hú nò ké okporo, hún rí Shékém, hún Ebraham gi egho nönnarin ụmu Hamo.”

¹⁷ “Ogen e rumé hún Osolobue e gi mèzu nkwa o kwe Ebraham, ndí nke enyi nō bakénmē uba imé alí Ijiptu. ¹⁸ Omegụ, Fero ọzó hún marínleni Josefụ nō kíma Ijiptu. ¹⁹ Ezeni wú hún gi aghigho són ndí nke enyi, méjama ndí nedí enyi wé ọda-ọda, gi eka-ikén mē wé lató ụmú wé mū nke ọhun, keni ọnwún gbu wé. ²⁰ Ogenni kē wé gi mū Mozizi. Mozizi ma mma, ihién e sụo Osolobue. Ndí mún'a nō gi nzuzue zún a iwe wé ifon eto. ²¹ Ogen wé gi nwan la a tó, nwa-okpoho Fero nō munrun a, zún a noke nwa-efo a. ²² Wé nō kuzi Mozizi ihién ile ndí Ijiptu marín, o nō wúrú oké ijian—kē oku-ọnú kē orun.”

²³ “Ogen o gi rí nwa ahua ogunnai, o nō ban a obi n'o jen d'a hún ndí nke wé wú ndí Izrelü. ²⁴ O hún kē onyé Ijiptu rí e meja onyé ohu imé wé, o nō nō onyé wé rí e meja ye azúun, megwarin'a, gbu onyé Ijiptu hú rí e mejan'a. ²⁵ O te ro ni umuné e k'a ghota ní Osolobue rí e gi e a zuopuha wé, kaní aghotani wé. ²⁶ Eki e fón, Mozizi nō hún ndí Izrelü ebúo kē wé rí a lú ogun. O chọ n'o gbón wé: o nō sí, ‘Ikennye, ọnú wú umuné, kí ụnú rí a rụni enwen onu ehú?’ ²⁷ Kaní hún chọ oku no kwan a ye ụsuó, sí, ‘Onyé tumé i n'i kíma enyi, a hanní enyi eñen?’ ²⁸ I chọ n'i gbu m k'i don gbu onyé Ijiptu ahún ünyanhún?’ ²⁹ Ogen Mozizi gi nü ihienni, o nō gbasi Midianí d'e biri ebéhü ríké abiamabia, nō ebéhü mū ikennye ebúo.”

³⁰ “Ogen ahua ogunnai gi ghafegụ, mmón-ozi nō bia d'e kunrun é imé atú hún nokunmē Ugu Sainai; imé ọkun rí e nwun imé akú-ofía kē mmón-ozi ahún gha a oku. ³¹ Ogen Mozizi gi hún ihienni, o tu a enya, o nokunmē e n'o legha a ọhunma, ya o nō nü olu Di-nwónni-enyi k'o gha ebéhü sí a, ³² ‘Mmé wú Osolobue ndí nedí i—Osolobue Ebraham lè Aziki lè Jekopu.’ Ehú nō mama Mozizi nni, egun anjin'a lee enya. ³³ Di-nwónni-enyi nō sí a, ‘Gbúpụ apk'ukú i, makéni alí i turu rí nsó. ³⁴ A húnchanringúo m eje-afunfún ndí nke m rí a ta imé Ijiptu; a nüole m udé wé rí a sun; a biaole m nwan d'a zuopuha wé. Bia nwan ní m zíjen i Ijiptu.’”

³⁵ “Mozizi nwé wé ju ajú; onyé nwé wé sí, ‘Onyé tumé i n'i kíma enyi, a hanní enyi eñen?’, iya kē Osolobue zi nwan d'a wúrú onyé-ökikí lè onyé-nzúopuha. O zi e ghahaní mmón-ozi hú o hún imé akú-ofía hú. ³⁶ Mozizi nō gha alí Ijiptu dufúha wé—runko ọrun-atuménya lè ihién-ahíma imé aní Ijiptu lè Ohimin ufie lè imé atú, ọrogbo ahua ogunnai. ³⁷ Mozizini wú hún sí ụmú Izrelü, ‘Osolobue k'a gha imé ndí nke ụnú wepúha ní ọnú onyé-amúma k'o don wepúha m.’ ³⁸ Mozizini wú onyé hú ya lè Igunrun ndí nke Osolobue ahún rí imé atú ogé ahún, iya lè ndí nedí enyi wé lè mmón-ozi ahún gwa a oku elu Ugu Sainai; o nō nahán Osolobue oku rí ndún o ye e ye enyi.”

³⁹ “Kaní ndí nedí enyi kaní a ju n'e humékoni w'a isi; hún nké w'e gi mē ihién o ku, a jude w'a; wé nō lakin alí Ijiptu imé obi wé. ⁴⁰ We nō sí Eronü, ‘Mémé ní enyi mmón ndí k'e duni enyi; makéni, enyi a marínzi ihién mē Mozizini gha alí Ijiptu dupúha enyi.’ ⁴¹ Ogen hú kē wé gi kpú nwa-efin, chuyen'e ejan; wé nō rimé oriri, e gi ihién éka wé mémé a ghogho. ⁴² Ya kē Osolobue nō gbakító wé azúun, ha wé ye ní wé femé ihién ndí rí igwere. Ya kē ndí-amúma de ebahún wé nō de, sí, ‘Euu, ikpun-ülö Izrelü!

Mmē kē ụnú gbusonmèdèni anú ndí ahún,

chuyesonmèni ejan ndí ahún
imé atú

ọrogbo ahua ogunnai ra?

⁴³ Bu ụnú e buru ụnó-mmón Môlekí

lè kokisé mmón ọnú wú Refani,
mmón ndí ụnú kpú

ní ụnú hún uzó e fe wé;

m k'e gi ifiri e chü ọnú shikwori Babilonu*.”

⁴⁴ “Ogen ahún wé gi rí a ghahunmē imé atú hú, ndí nedí enyi bu Ọdu Ashia-eri hú hún a ghosi ní wé lè Osolobue rí. Wé run a kē Osolobue don gwa Mozizi, ogen Osolobue gi sí a run a n'o rí kē hún ọ ghosi a. ⁴⁵ Ọdu hú e ru éka ndí nedí enyi hún rí ogen Joshua gi

* Isi Nke Esa:43 M k'a chü ụnú ghafekwori Babilonu.

wu onye-ndu, we no bubanhan a imē alī hū Osolobue kwe nkwa. Ohun me ogen we gi banhan d'a nafu ndi alī ndi hū Osolobue chupu ni we anī. O no nodi ebēhu d'e ru ogen Defidi. ⁴⁶ Defidi nwon ewere ebe Osolobue ri; o me ekpere, ri o Osolobue n'o ni a tun ni 'ya wu Osolobue Jekopu ebe obibi. ⁴⁷ Kanī Solomonu wu onye tun ni Osolobue ulo hū.

⁴⁸ Kanī Onye Hū Kachanrinni ara bi ulo we gi eka tun—iya ke onye-amuma gi si,
⁴⁹ 'Osolobue si,

"Elu-igwee wu ukpo m;

uwā wu ihiēn m'a zoma ukū.

Elee ụdi ulo k'i k'a tun ni m,
elebe ke m'a no zu iken?

⁵⁰ Ele mmē memē ihiēn ndinjile?" ,

⁵¹ Unu ndi isi-ikēn, hūn kwaleni ugūn—ke imē obi ke ntin! Onu e gbondon Mmōn-nso ogen ile rikē ndi nedī unu don me! ⁵² Elee onye-amuma ke ndi nedī unu kanī kpokpoleni? Uwē gbu ndi hūn ku oku obibia Onye Ahūn Rī Ṣchan wu Kraistī, unu e henriguo nwan ndi ren'e le ndi gbur'e; ⁵³ ndi nwēhen Iwu Osolobue ye ndi mmōn-ozi bia, kanī unu emen'e!"

E Gi Wę Omuma Magbu Stivin'

⁵⁴ Ogen we gi nu ihienni Stivin' ri e ku, okēn ọnūma no bia we, nkesinj we node ta n'a eka eze[†]. ⁵⁵ Kanī, nke Stivin, Mmōn-nso jun imē e, a ki a; o no lee enya enu-igwee, hūn ogħo Osolobue, hūnzi Jesu k'o turu eka-nni Osolobue. ⁵⁶ O no si, "Lee ni! M ri a hūn elu-igwee k'o kpupu: m rizj a hūn Nwa nke Iħian ebe o turu eka-nni Osolobue!"

⁵⁷ Kanī, we no gi eka kükkin ntin, do oro ye ọnū, zunburu e. ⁵⁸ We no għa imē obodo dokpuppuha a; ya we no nwan mama a omuma—ogen ndi ɔsheri hū wħen'e gi gbupusonmegħu ékwa we, yotqo we ukū okorobia ohu efan a wu Solu n'o lepū enya.

⁵⁹ Ogen we gi ri a ma Stivin' omuma, o no me ekpere, si, "Di-nwonnienyi wu Jesu, nabanhān mmōn m!" ⁶⁰ Ya o no gbu osekpu, wesi olu elu, yi, "Di-nwonnienyi, agunkwolé njoni yeni we!" O kugħu onzwan, o no nwunħun.

Isi Nke Esatō

Solū E Kpokpo Ndī Uka

¹ Solū hū ebēhu ogen we gi ri a magbu Stivin', e ye we ndu we gbu e.

Għa l-ħuohin hū jenme, we no kpokpomé ndi uka ri Jerusalēm oda-oda. We ile no għbayiha, għażiex is-egħidnej idher. ² Ikennej nħi a tħalli kipkappu u kieni kien. ³ Kanī Solū hū a sükpo uka-Jesu, a għa ulo-ulo a dokpupnha ikennej le ikpoh kweri ni Jesu, e we we e che ulo-ngan.

Uka E Bidon Imē Ali Samerja

⁴ Ogen hū, ndi hūn għayiyanji hū e zi ozioma ebe őwule we ru. ⁵ Filipu no jen Isi obodo Samerja, għaw we banyeni Kraistī, Onye Hū Osolobue Tumē. ⁶ Ogen igunrun ndi riżonm ēbēhu gi nu ihiēn Filipu ri e ku, hūnzi ɔrun-atumienya o ri a run, we no għonkienm ē ntin, ⁷ makeni eje-mmōn ri imē ndi bu odata hū a puhasonm īmē we, yiko oro; ndi ɔro le ndi nguro bu odata hū a dinhin. ⁸ Okēn iġħogħo no ri imē obodo hū.

Sajmonu Hun Gi Eje-ikēn A Run

⁹ Ogen ahun, o nwex okenni ħu imē obodo hū; efan a wu Sajmonu. Onyenji e gi eje-ikēn e məsonm īhiēn a tħalli ndi Samerja ile enya; o hū a nyan isi n'o wu okēn iħjan.

¹⁰ We ile e għonkienm ē ntin, għa onye nta d'a pū onye uku, a si, "Okenni ja gi ikien Osolobue ahun w'a kpo 'Okien-ikēn.' " ¹¹ We e gox ē ntin makeni o tekemekk o gi ikien eje-mmōn ē mē ihiēn a tħalli enya. ¹² Kanī, ogen we gi kweri ihiēn Filipu ri e ku ebe o ri e ku oku ozioma Ali-eze Osolobue le efan Jizos' Kraistī, we no me wé mirin-Chuku, kien ikennej kien iħġi kipoh. ¹³ Sajmonu nwex no kwerizid; e məgħu w'a mirin-Chuku, o no sonhunm ē

[†] Isi Nke Esa:54 Griki: tan'a nkwenren-eze

Filipu; oken ɔrun-atumenza le ihiɛn ahimə ndị o rị a hụn Filipu rị a rụn hụ a tụ a enya ɔda-ɔda.

¹⁴ Ogen Ndị-ozi hụ pụ-ichẹn hụn rị Jerusalém gi nwan nụ nị ndị Sameria a nabanhano le oku Osolobue, wę no zijenni wę Pita le Jónu. ¹⁵ Ogen wę gi ru ebéhụ, wę no mè ni ndị kwerini ekpere keni wę nwọnhen Mmòn-nso— ¹⁶ (makeni o ke nwę onye Mmòn-nso biakwasị imé wę ile, wę gihụ efan Di-nwònnoni-enyi wụ Jizosị mè wę mirin-Chuku.) ¹⁷ Ya Pita le Jónu no bu eka kwasi wę, wę no nwònhen Mmòn-nso.

¹⁸ Ogen Sajmonu gi hụn nị Ndị-ozi hụ pụ-ichẹn buhụ eka kwasi wę, e nwéhen wę Mmòn-nso, o no wéhé egho n'o ye wę, ¹⁹ sị, “Yezi ni mmé nwén ikenni, keni m buhụ eka kwasi ihijan, o nwònhen Mmòn-nso.”

²⁰ Pita no sị a, “Iyụ le egho i na iwi! Makeni i ro n'i k'a saeka gi egho nònrin oyiyi Osolobue! ²¹ Y'a rị imé ihienni, o nwonzikwoni ihiɛn runi i imé e, makeni obi i ezinrinni ebe Osolobue rị. ²² Rogharikwo nwan hụn i gi mè eje-ihienni, y'e mè ekpere, rịo Di-nwònnoni-enyi; ikenkwo o gbagharị i hụn i gi ro iroroni. ²³ Makeni a hụnolé m nị eje enya-ufu gi i, nị njọ kenzikwo i egbun.”

²⁴ Sajmonu no sị Pita le Jónu, “Dodo ni, mè ni ni m ekpere, rịo Di-nwònnoni-enyi, make ihienni unu ku gha e mè m.”

²⁵ Ogen Pita le Jónu gi shiagunị Di-nwònnoni-enyi eri, zigụ ozi Di-nwònnoni-enyi, wę no lakin Jerusalém. Ké wę lakọ, wę hụ e zisomme ozioma imé obodo mesonmè ekere-ekere bu ɔda rişonmè alị Sameria.

Filipu Lẹ Oken-Ihijan Hụ Gha Alị Etiopia Bịa

²⁶ Ya mmòn-ozi Di-nwònnoni-enyi no sị Filipu, “Lahi, gha azuṇ nđidän-mirin si ụzọ hụ gha Jerusalém si Gaza.” (Uzoni rị imé atu.) ²⁷ Ya o no lihi, jenmè; o no kunrun onye alị Etiopia hụn nwę oken-ókwa; oken-okporo rọ—o lunị nwunyé*. Iya wụ onye hụn e dònme egho le ihiɛn ile okpoho wụ eze alị Etiopia wụ Kandesı nwę. O bia Jerusalém d'e fe ofufe. ²⁸ O lakọ nwan alakọ; o nödị anị imé ugbo-anyinyan a, gunko Ekukwo onye-amuma wụ Azaya. ²⁹ Mmòn-nso no sị Filipu, “Jen d'e kunrun ugbo-anyinyan hụ.” ³⁰ Ya Filipu no gbakunrun ugbo-anyinyan hụ; o no nụ kę okennyę hụ rị a gun Ekukwo onye-amuma wụ Azaya. O no ju a, sị, “I hụ nwan a ghota ihiɛn i rị a gun?”

³¹ Okennyę hụ no za, sị, “Nanị kę m'e dòn saeka ghota omeni o nwònnoni onye kowanị nị m'a?” O no rịo Filipu n'o nyinhēn d'e du e nödị imé ugbo-anyinyan hụ. ³² O rị a gun ebéhụ Ekukwo-nso no sị,

“Wę no duru e

nöké atunrun wę dushikọ
ebe wę no e gbu atunrun;

o gba wę nkintin

nöké kę atunrun wę rị a kọ eñenren
dòn a gba nkintin.

³³ Wę no kpari e;

wę no ma a ikpe—

bụ o nwònnoni ihiɛn o mè.

Onye jenkö d'e kuzi oku umu a,

ebe o mèni e wepuguo wę ndun a enu ụwa?”

³⁴ Oken-okporo hụ no sị Filipu, “Dodo, gwa m, onye kę onye-amumanị rị e ku oku e? ‘Ya le enwèn e ra onye ọzọ?’” ³⁵ Ya kę Filipu no gha ebéhụ o rị a gun zi e ozioma Jizosị.

³⁶ Kę wę jenkö nwan, wę no hụn mirin, oken-okporo hụ no sị, “Lee mirin ebeni! Kịnj k'a han m emelé mirin-Chuku?” ³⁷ [Filipu no sị a, “Omèni y'e gigho obi i ile kweri, wę k'a saeka mè i mirin-Chuku.” O no za, sị, “E kwerigho m nị Jesu Kristi wụ Nwa Osolobue.”]

* Isi Nke Esato:27 O nwę ikennyę ndị w'a wara, keni w'e fe ndị-nze ikpoho le ndị ọzo.

³⁸ Ya o no si onye ri a nyann'a ugbo-anyinian hụ kusi; 'ya le Filipu no banye imé mirin, Filipu no me e mirin-Chuku. ³⁹ Ogen we gi gha imé mirin puhā, idenmizi, Mmon-nso Di-nwɔnni-enyi no juri Filipu; oken-okporo hụ ahunzin'a, ya oken-okporo no ghoghomā, jenme nke e.

⁴⁰ Nke Filipu, ebe o nozị hụn enwen e wu obodo w'a kpó Azotusu. O no jensonme, ziko ozioma imé obodo ile ri egbere hụ d'e ru n'ọ puhā Sizaria.

Isi Nke Itene

Kę Solu Dòn Gbehutò Sonmè Uzo Jesu

(Orun Ndi-Ozi 22.6-16; 26.12-18)

¹ Kanjì Solu hukwo a ban mban, e ku n'o k'e gbuchanrin ndi ile e son Di-nwɔnni-enyi. Ya o no jenburu Onye isi nchü-ejan, ² si a deye e ekukwo-ozi jenni ndi ulo-ofufe ndi Ju ile risonme Damas'kosi, keni, o hụn onye owitz hụn e son Uzo-Jesu ebēhu, o kēnmehēn we Jerusalēm—kē ikennyē kē ikpohō.

³ Ogen o gi nwan jenko, nochimeme Damas'kosi, idenmizi, ukpe no gha elu-igwee nwunhunme e. ⁴ O no dan; o no nu olu hụn si a, "Solu, Solu, kị haín i gi e kpokpo m?"

⁵ O no si, "Onye k'i wu, Di-nwɔnni-m?" Olu hụn no si, "Mmè wu Jizosí hụn i ri e kpokpo.

⁶ Ka lihi nwan, n'i banye imé obodo, ebēhu kē we k'a no gwa i ihien i jenko d'e me."

⁷ Ikennyē ndi 'ya le we wi turuhu ebēhu—oku anizini we ku, makeni we nu olu hụ bu ahunni we onye owitz. ⁸ Ya Solu no lihi otó: enya a hukwo e ti, kanjì o leghazini uzó. We no kwondon e eka, we e ban obodo Damas'kosi. ⁹ O leghanji uzó, o rini, o rani—ɔrogbo akpú-uhuohin eto.

¹⁰ Ogen hụ, onye ohu w'a kpó Ananayasi ri imé Damas'kosi. Ananayasinri ri ndi e son Uzo-Jesu. O no hụn oğun ebe Di-nwɔnni-enyi no si a, "Ananayasi!" O no za, si, "Di-nwɔnni-enyi, lee m."

¹¹ Di-nwɔnni-enyi no si a, "Lihi n'i jen ogèle ahun w'a kpó Streti; i ru iwe Judasi, y'a ju ukwere okennyē ohu wu onye Tasosi hụn w'a kpó Solu. O ri e me ekpere kikenni, ¹² o hụnolé oğun ebe okennyē ohu efan a wu Ananayasi banhan, bu eka kwasi a, keni o leghamazi uzó."

¹³ Kanjì Ananayasi no za, si, "Di-nwɔnni-enyi, ndi bu odata a gwaole m oku okennyeni le eje-ihien ile o me ndi-nso i ri Jerusalēm. ¹⁴ O ri nwan ebeni makeni onye isi nchü-ejan e yeole a iken n'o gi nwunrun ndi ile a kpoku efan i."

¹⁵ Kanjì Di-nwɔnni-enyi no si a, "Jenme, makeni okennyeni kē m hori n'ọ wuru ihien-orun m hụn k'e we efan m jenni ndi alí ndi ozó wule ni ndi Izrelu le ndi-nze le ndi Izrelu;

¹⁶ mmē le enwen m jenko d'a ghosi a oken afunfun o jenko d'e gi ufiri efan m ta."

¹⁷ Ananayasi no jenme. O ru ebēhu, o no banye imé ulo ahun, bu eka kwasi Solu, si a, "Solu nwene m, Di-nwɔnni-enyi wu Jesu hụn i hụn uzó ogen i gi lala zihé m—keni i leghamazi uzó leni Mmon-nso jun imé i." ¹⁸ Ozigbo hụ, ihien noke okpukpu-azun no gha Solu enya danfuhā, o no leghamazi uzó. Ya o no lihi, we no me e mirin-Chuku; ¹⁹ o rigui ihien-oriri, ndun nozị ban a.

Ya le ümu-azun Krajisti ri Damas'kosi no nodi uhuohin ole-le-ole.

Solu E Zi Ozioma Imé Damas'kosi

²⁰ Ozigbo, o no kumé oku Jesu imé ụno-ofufe ndi Ju risonme ebēhu, a si we ni, "Okennyeni wu Jesu wu Nwa Osolobue!"

²¹ O tu kē we han nün'a enya, we hụ a si, "Onwan ele okennyeni te ri e kpokpo ndi hụn a kpoku efanni imé Jerusalēm? Ele ya k'o biyaní nwan ebeni, keni o kēnmehēn we jenni ndi isi nchü-ejan?"

²² Kanjì Solu hụ e zewaye imé ozi o ri e zi—nkesinji ndi Ju bi Damas'kosi asani eka e son e do makeni o hụ a ghosichanrin ni Jizosí we ri e ku oku e wu Krajisti, Onye Hụ Osolobue Tume.

Solu A Wanahin

²³ O tebe, ndị Ju nō rin'ē ngo nī wē gbu e. ²⁴ Kanị Sὸlū nō nū ihiēn wē rōmē. Wē hū e che nche ḥonu-mgbon rīṣonmē obodo hū uhinhin lē efinnai nī wē gbu e. ²⁵ Kanị ndị kweri oku e rī e sōnn'ē nō gi imē uhinhin bu e che imē ükpalī, gha oghere rī mgbon obodo hū dō a ye azụn hūn-ebō.

Sὸlū A Bịa Jerusalēm

²⁶ Ogen o gi ru Jerusalēm, o nō chō n'ō banyeni ndị rī e sōn Uzo-Jesu, kanị egun e rī a tū wē ile makēni ekwerini wē n'ō henringuo onyē nke Jesu. ²⁷ Ya kē Banabasi nō nwān we Sὸlū jenni ndị-ozi ahūn pū-ichēn, kōwa nī wē kē Sὸlū dōn hūn Di-nwōnni-ēnyi uzō, kōwazinī wē nī Di-nwōnni-ēnyi a gwaguo Sὸlū oku; o gwazi wē kē Sὸlū dōn ku oku ẹfan Jizos̄i imē Damas'kōs̄i, e ku e e kusi e ikēn. ²⁸ 'Ya lē wē nō wīma imē Jerusalēm, nī wē ile wū ohu. O hū e ku oku Di-nwōnni-ēnyi, e kushi e ikēn. ²⁹ O hū a gwa ndị Ju te rī alī ndị ozō hūn a sū Griki oku Jesu, e sōn wē a dō—kanị, wē hū a chō nī wē gbu e. ³⁰ Ogen ndị kweri ni Kraist̄i gi marin nī wē rī a chō nī wē gbu e, wē nō we e si Sizaria, gha ebēhū zipu a si Tasosi.

³¹ Ya udon nō rīnī ndị uka rī Judia lē Galili lē Samerja. Mmōn-nsō hū a gba wē umē, wē hū e zekēnmē, e buwaye ọdā, e gi egun Di-nwōnni-ēnyi e bi.

Pita E Jen Lida lē Jōpa D'a Rūn Orun Di-nwōnni-ēnyi

³² Ogen Pita gi rī e jēsonmē ebe ile d'a hūn kē ndị ile kwerini nō, o nō jēnzi d'e kunrun ndị kwerini bi obodo Lida. ³³ Ebēhū k'ō nō hūn okēnnyē ohu ẹfan a wū Enas̄i, hūn dinenē kete ahua ẹsato enwaīn, makēni orō kinmin e. ³⁴ Pita nō sī a, "Enas̄i, Jesu Kristi a zuo i nwān; lihi n'i gbama bēdi i!" Ya o nō lihi ọtō ozigbo hū. ³⁵ Ndị ile bi Lida lē Sharōnū nō hūn Enas̄i n'o lihiguo, wē nō roghari, sōnmē Di-nwōnni-ēnyi.

³⁶ Ogen hū, o nwōn okpoho ohu rī obodo Jōpa hūn e sōn uzō Jesu; ẹfan a wū Tabita. (Onu Griki Tabita wū Dokasi—ya wū "Ele.") O mē oghō ọda-ọda, e yezikwo nī ndị igbēnnyē ẹka ọhūnma-ọhūnma. ³⁷ Ogen hū, emu nō kūma a, o nō nwūnhūn. Ogen wē gi wūguu a ẹhū, wē nō bu e dinē imē mmughe rī ibe elu. ³⁸ Makēni Lida nōkunmē Jōpa, ogen ndị hūn e sōn uzō Jesu gi nū nī Pita rī Lida, wē nō zi ikēnnyē ẹbūd̄o d'a rīo a, sī, "Dodo, biakēnrin d'e kunrun enyi." ³⁹ Ya Pita nō lihi, sōnmē wē. Ogen o gi ru ebēhū, wē nō w'ē si mmughe hū rī ibe elu. Ndị ile di wē nwūn nō fihunmē Pita, a kwan ẹkwan, a ghos̄isom̄mē e ẹwuru tueni lē ẹkwa ndị ozō Dokasi kpa ogen o gi rī ndūn. ⁴⁰ Pita nō sī wē ile pū; o nō gbu osekpu, mē ekpere. Ya o nō gbehutō, bu ihun zimē ozun hū, sī, "Tabita, lihi." Ya Tabita nō shiapu enya. Ogen o gi hūn Pita, o nō nodị alī elu bedi. ⁴¹ Pita nō we ẹka a ye e, yen'ē ẹka lihi ọtō. Ya Pita nō kpo ndị-nsō ile lē ikpoho ndị ahūn di wē nwūn, we Tabita ghos̄i wē, wē nō hūn a n'o rīz̄i nwān ndūn. ⁴² Ihienni nō kpogbari Jōpa ile, ndị bu ọda nō kweri ni Di-nwōnni-ēnyi. ⁴³ Pita nō nodị Jōpa ụhūohin ole-lē-ole, iwe onyē ohu w'a kpo Sajmōnū, hūn a kwa akpukpō.

Isi Nke Iri

Pita Lẹ Konelusu

¹ Imē obodo Sizaria, o nwōn okēnnyē ohu ẹfan a wū Konelusu. Onyē a kī ndị-agha rō: o kī ndị-agha ṥogun-isēn imē itu-agha w'a kpo Itu Itali. ² Okēnnyēni e gichanrin obi e ile e fe ofufe; 'ya lē ezi-lē-ụlō a ile a tū egun Osolobue. O yesonmē ndị igbēnnyē rī imē ndị alī ahūn ihiēn. O mē ekpere, a kpoku Osolobue ogen ile.

³ Uhūohin ohu, ihiēn nōkē ọkūlōkū etō nke efinnai, o nō hūn ọhūn. Imē ọhūn ahūn, mmōn-ozi Osolobue nō banhan, sī a, "Konelusu!" ⁴ Ya Konelusu nō bu enya tūma mmōn-ozi hū, gi egun sī a, "Di-nwōnni-m, kī rō?" Mmōn-ozi hū nō sī a, "Ekpere i lē ihiēn ile i rī e ye ndị-igbēnnyē e ruguo ebe Osolobue rī nōkē ihiēn w'e gi nyanhan i. ⁵ Zi wē nwān Jōpa d'e wēhē okēnnyē ohu ẹfan a wū Sajmōnū hūn w'a kpo Pita; ⁶ o rī iwe Sajmōnū hūn a kwa akpukpō, hūn iwe e rī ẹhū Ohimin." ⁷ Ogen mmōn-ozi hū gwa a oku gi pūguu, Konelusu nō kpo ndị idibō e ẹbūd̄o lē onyē-agha ohu hūn a tū egun Osolobue hūn rī imē ndị e jēn'ē ozi. ⁸ Ogen o gi gwaguu wē ihiēn ile mēni, o nō zi wē Jōpa.

⁹ Eki e fòn, ihien nöké ọkùlòkù mmèbùo nke efinnai, ogen anwùn gi a rì isi, ikènnye ahùn nò rumè obodo hù. Ogen hù kẹ Pita gizikwò shi enu ụlo d'e mè ekpere. ¹⁰ Egùn a gunma Pita, o nò choma ihien o k'e ri. Ogen wé gi rì e mémé ihien-oriri hù, idènmizi, o nò nökèsi ụran buru e—bù ele ụran. ¹¹ O nò hùn kẹ enu-igwee kpupù, hùnzì kẹ ihien nöké erekwa shianị gha elu lala ríké sì wé dòdòn e ntìn èno. ¹² Uđi anụ ile nwòn ụkù èno le ndị ile a rịnị lezi nnùnụ ile e fe elu—rìchanrin imé e. ¹³ Ya o nò nü olu sì, “Pita, lihi, gbu n'i ri.”

¹⁴ Kanị Pita nò za, sì, “Mba-o, Di-nwònnyi-ènyi! Erituni m ihien rùnì móbù ihien ènyi a sò.”

¹⁵ Olu hù nò bijazin'a hùn mè e mgbe ẹbùo, sì, “Akporwóle ihien Osolobue mègù n'ọ rị ọchan ihien w'a sò.” ¹⁶ Ihienni e mèfù mgbe etò, wé nò weri ihien nwèn ozigbo si elu-igwee.

¹⁷ Ihienni nò gba Pita nghari-ènya ọda-ọda. Ogen o gi rì e ro ihien hù o hùn kẹ ndị-ozì hùn Kònélusu zi gihù ru ebèhù, turu onù-mgbon, a jù kẹ elebe kẹ iwe onyé w'a kpo Saimonu ri. ¹⁸ Wé nò wesi olu wé elu, jù kẹ Saimonu hùn w'a kpo Pita hù ebèhù.

¹⁹ Ogen Pita gi ríkwò e ro ihien hù o hùn, Mmón-nṣò nò sì a, “Lee e, ikènnye etò rì a cho i. ²⁰ Lìhi nwàn, n'i hidan d'e kunrun wé. Etule, ka sònme wé—ni mmé zihé wé.” ²¹ Ya Pita nò buru ikènnye ndị hù, sì, “Mmè wù onyé ahùn onù rì a cho; kì haín ụnụ gi bìa?”

²² Wé nò za, sì, “Kònélusu zi ènyi. Onyé a kì ndị-agha rò, o kì ndị-agha ogùn-isèn; o wù onyé ezi-omumé hùn a tụ egún Osolobue; ndị Ju ile e ku oku e ohùnma. Mmón-ozì rì nṣò gwa a d'a kpo i, n'i bìa iwe e keni o nü ihien i k'e ku.” ²³ Ya Pita nò sì wé banhan, o nò ye wé ebe wé k'a ranhìn.

Eki e fòn, o nò lihi, sònme wé; ndị hù imé ndị kwerini rì Jopa nò sònme e. ²⁴ Eki e fònzi, wé nò ru Sizeria. Kònélusu hù a tụ ènya wé, obi e kònrin è elu; o kpokikomègùo ndị nke e lè ndị wù ezigbo ọwù a. ²⁵ Ogen Pita gi bìa, Kònélusu nò jen d'e kunrun e, gbur'e osekpu, fe e. ²⁶ Kanị Pita nò mè e lihi otò, sì, “Lihi otò, nì ihiän mmaka kẹ m wùhù.” ²⁷ K'o dòn rì e sòn Kònélusu e ku, o banye imé ụlo, o nò hùn nì igunrun ihiän a gbakikomègùo. ²⁸ O nò sì wé, “Unù lè enwèn onù a maringhò nì Iwu kwondon onyé Ju k'e sòn onyé alì ozò mèkò móbù jen iwe e. Kanị Osolobue a ghosigùo m m'a kpolè onyé ọwùlè onyé rùnì móbù onyé wé k'a sò. ²⁹ Ya haín m giléni tu kẹ wé bìa d'a kpo m; m rì nwàn a jù, kì ụnụ kpónì m?”

³⁰ Kònélusu nò za, sì, “Nwènè mgbeni tajnò, m rì iwe m e mè ekpere, ihien nò kẹ ọkùlòkù etò nke efinnai; ya okènnye ohu nò wuzo m ihun idènmizi. O yi ewuru rì e gbukeni. ³¹ O nò sì, ‘Kònélusu, Osolobue a nñolé ekpere i, o nyanhangùo eka i rì e yéni ndị igbènnye. ³² Zi nwàn ozi jen Jopa d'a cho Saimonu hùn w'a kpo Pita, o rì iwe Saimonu hùn a kwa akpukpò, hùn rì ehù Ohimin.’ ³³ Ya m nò zi wé d'a kpo i ozigbo. Y'e mèkè i gi bìa. Ènyi ile rì nwàn id'ènya Osolobue ebeni keni ènyi gòn ntìn ihien ile Di-nwònnyi-ènyi sì i ku.”

Ozi Pita Zi Iwe Kònélusu

³⁴ Ya kẹ Pita nò gwama wé oku, sì, “A hùngùo m'a nwàn nì Osolobue ara tu onyé ihiän wù. ³⁵ Kama, o nabanhàn onyé ọwùlè hùn a tụ egún e, e mè ihien rì mma—a ra tu onyé alì ihiän wù. ³⁶ Unù a maringhò ozi o zìjenni ndị Izrèlù hùn wù ozioma hùn e wehè udòn, udòn hùn a bìa ghahaní Jesu Kristi Onyé nwè ihien ile lè ihiän ile. ³⁷ Unù a maringhòzi ihien ile mè imé alì ndị Ju. Imé Galili k'ò gha bidòn—ogen wé gi mègùù mirin-Chuku ahùn Jònù sì ihiän ile d'e mè; ³⁸ ya wù nì unù a maringhò kẹ Osolobue dòn tumé Jizos' onyé Nazareti, gi Mmón-nṣò lè ikèn gbajun e; lè k'o dòn jènhunmè, e mè ihien-òma, a zuò ndị ile Ekwensù rì a lù, makèni Osolobue nøyen'e. ³⁹ Ènyi wù ọshéri ihien ile o mè imé alì ndị Ju, kẹ hùn o mè imé obodo wé kanị wù Jerusalem. Wé nò gbu e ghahaní ihogbu e elu obe wé gi osisi mèmè. ⁴⁰ Kanị hùn m'è akp'ohin etò, Osolobue nò weli e. Osolobue nò nì ihiän hùnsonmè e, ⁴¹ kanị ele ihiän ile—kama ènyi sùo, ènyi ndị Osolobue hopuhagù, nì ènyi wùrù ọshéri, ènyi wù ndị sòn e ri, sòn e ra, k'ò ghagùù ọnwùn lihi. ⁴² O nozì sì ènyi hùn a nì ènyi zi ihiän ile ozini, gwa wé nì ịya wù Onyé hùn Osolobue tumé hùn jènkò

d'e kin ndi rị ndun le ndi nwụnni ikpe. ⁴³ Ndi-amuma ile shia n'a eri ni onye ọwule hụn kwerini n'ę e nwọnhen mgbagharị njọ ghahanị ęfan a."

Ndi Wuleni Ndi Ju E Nwọnhen Mmón-nso

⁴⁴ Ebe okuni ríkwọ Pita ọnụ, Mmón-nso no bjakwasị wẹ ile nụ oku-Chuku hụn Pita rị e ku. ⁴⁵ O no tụ ndi ahụn kwa ugu (ya wụ ndi Ju) hụn kwerini hụn gha Jọpa sònhen Pita enya ni Osolobue e hukpughozidé ndi wuleni ndi Ju Mmón-nso ahụn o sị o k'e ye. ⁴⁶ Makeni, wẹ nụ kẹ wẹ rị a sụ-asusụ ndi ọzọ rị ichen-ichen, aja Osolobue mma. Ya Pita no sị, ⁴⁷ "Onye k'a sị wẹ emeļe ndinị mirin-Chuku, ebe o mèni e nwònhenęgụ wẹ Mmón-nso kẹ ęnyi dọn nwònhen" ⁴⁸ O no sị wẹ gi ęfan Jizos' Kraistị mè wẹ mirin-Chuku.

Wẹ no sị a sònzi wẹ nödị ụhụohin ole-lẹ-ole.

Isi Nke Mmanaj

Pita A Kowanị Ndi Ghatafie N'ę K'o Jẹn

¹ Ya ndi-ozi ahụn pụ-ichen le ndi ọzọ kwerini rị Judia no nụ ni ndi wuleni ndi Ju a nabanhanguozị oku Osolobue.

² Kanị, ogen Pita gi ru Jerusalém, ndi kwa ugún kwerini no du e kpeme, ³ sị, "Kị haịn i gi jen nke ndi kwaleni ugún, son wẹ ri ihiẹn-oriri?" ⁴ Ya Pita no gi uri-uri kowamanị wẹ kẹ o dọn mè, sị,

⁵ "Ebe m rị e mè ekpere imé obodo Jopa; o nökésị ụran buru m—bụ elẹ ụran; m no hụn ohun. Imé ọhụn hụ, m no hụn ihiẹn no kẹ erekwa shianị k'o gha elu-igwee lala ríkẹ sị wẹ dòdòn e ntin eno, o no ru ebe m rị. ⁶ Ogen m gi lekpo a, a hụn m anụ rị ichen-ichen nwe ụkụ eno le anụ ndi e ri anụ le ihiẹn ndi a rini le nnunu e fee elu imé e. ⁷ M no nụ olu sị m, 'Pita, lihi, gbu n'i ri.' ⁸ Kanị, m no sị, 'Mba Di-nwònnoni-ęnyi, makeni ihiẹn rụni mọbụ ihiẹn ęnyi a sọ a bantu ni m ọnụ.' ⁹ Kani olu hụ a gha enu-igwee kuzi oku, za, sị, 'Ihiẹn Osolobue mègụụ n'o rị ọchan, akpokwol'a ihiẹn w'a sọ.' ¹⁰ Ihienni e mepụ mgbe eto, wẹ no dörị ihiẹn hụ ile shi elu-igwee.

¹¹ Ozigbo hụ hura, ikennye eto wẹ gha Sizarịa zi ozi bia ni m no ru ụlo ebe ęnyi rị. ¹² Ya Mmón-nso no sị m sònme wẹ, m'e tulẹ. Ikennye isinni wụ umunę ęnyi imé Kraistị no sònmezị m, ęnyi no banye iwe okennye hụ. ¹³ O no gwa ęnyi k'o dọn hụn mmón-ozi ohu puha, turu imé ụlo a, sị a, 'Zijen ihijan Jopa d'e wéhẹ Saiprósị hụn w'a kpọ Pita. ¹⁴ O k'e zi i ozi 'yụ le ikpun-ụlo i ile k'e gi nwòn nzugopuha.' ¹⁵ Ogen m gi kumẹ, Mmón-nso no bjakwasị wẹ k'o dọn bjakwasị ęnyi isi-ibuzo. ¹⁶ Ya m no nyangan oku Di-nwònnoni-ęnyi ku: k'o dọn sị, 'Jonụ gi mirin mè mirin-Chuku, kanị Mmón-nso kẹ wẹ k'e gi mè ọnụ mirin-Chuku.' ¹⁷ O mè nwan ni Osolobue ye wẹ ụdi oyije ohu hụ o ye ęnyi ogen ęnyi gi kweri ni Di-nwònnoni-ęnyi wụ Jesu Kristi, onye wụ mmè hụn m'e gi gbondon Osolobue!?"

¹⁸ Ogen wẹ gi nụ ihienni, o nwézini ihiẹn wẹ ku. Wẹ no ja Osolobue mma, sị, "Ya wụ ni Osolobue e yeguozidé ndi wuleni ndi Ju oghere w'e gi gbehuto imé njọ wẹ, nwòn ndun!"

Uka E Bidon imé Antıokü

¹⁹ Ndi uka gbayiyanị ogen ukpokpo le ihiẹn mè Stivin gi mè rukwori Finishia, Saiprósị le Antıokü, zikọ ozioma; kanị ezini wẹ onye ọwule mmanị ndi Ju sụo. ²⁰ Kanị, o nwégho ikennye wụ ndi ali Saiprósị le Sarin' rị imé wẹ hụn ru Antıokü, gwazikwọ ndi wuleni ndi Ju oku hụ, zime wẹ ozi Di-nwònnoni-ęnyi wụ Jesu Kristi. ²¹ Eka Di-nwònnoni-ęnyi noyen'i wẹ, igunrun ihijan no kweri, rogharị, sònme Di-nwònnoni-ęnyi.

²² Ogen ndi uka rị Jerusalém gi nụ a, wẹ no zi Banabasị jen Antıokü. ²³ Ogen o gi ru e, hụn efoma Osolobue k'o rị ọrun, o no ghogho; o no dün wẹ ọdụn wẹ wusonmè ndi Di-nwònnoni-ęnyi gi e dọn-ęnya le ndi gichanrin akpakalị obi wẹ e fe Di-nwònnoni-ęnyi.

²⁴ Banabasị wụ ezigbo ihijan; Mmón-nso jun imé e, a kị a; o nwòn okukwe ọda-ọda. Ogen hụ, ndi bugbu enwen wẹ ọda no sònme Di-nwònnoni-ęnyi.

²⁵ Ya Banabasị no jenmè Tasosi d'a cho Sọlụ. ²⁶ Ogen o gi hụn a, o no wéhẹ e Antıokü. Uwé le ndi uka ahụn hụ e zugbama ọrogbo ahụa; wẹ hụ a kuzi ndi bu ọda. Imé Antıokü kẹ wẹ no kpoma ndi kwerini Kraistị "Kristiens'", ya wụ, "Ndi Nke Kraistị."

²⁷ Ogēn hụ, o nwę ndị-amụma gha Jerusaleṁ bịa Antioqu. ²⁸ Ya kę onyę ohu imę wę hụn w'a kpọ Agabosi nō lihi ọtọ, bu amụma ghahani ik'en Mmọn-nso, nị oken ụganị k'a mugōbarị ụwa ile. Ihienni o ku mę ogēn Klodiosi gi wụ eze-kanị rị a kị Rom. ²⁹ Ndị e sòn uzo Jesu nō kwerigbama nị onyę-onyę jen'k'e węhę kę ęka a han, ni wę zięnni ndị kwerini hụn bi imę Judia. ³⁰ Ya wę nō nwan tụ ihien kę wę dòn ku; wę nō we ihien wę tụ ye Sọlụ lę Banabasi jenni ndị-isị ụka rị Jerusaleṁ.

Isi Nke Mmębụo

Herođu E Kpokpo Jemisi Lę Pita

¹ Ogēn hụ, Herođu wụ eze nō nwụnrụn ndị hụ imę ndị ụka, kęn'o mę wę eje-ihien.

² O giguu opia-agha gbu Jemisi nwene Jonu, ³ o nō hụn nị ihienni suq ndị Ju ụsụo, o nō nwan nwụnrụngu Pita. (Ihienni mę ogēn Mmemmę Brędi nwonleni yisti o gi a fụ.) ⁴ Ogēn o gi nwụnrụngu Pita, o nō bu ę che ụlo-angan, we ę che ęka itu-agha eno ndị-agha eno eno riṣonme. Herođu bu obi n'o k'e kin ę ikpe id'enyia ihiān ile wę megụ Mmemmę-Nghafe hụn ya lę Mmemmę Brędi nwonleni yisti o gi a fụ wi. ⁵ Ya we nō bu Pita tọ ụlo-angan; kanị ndị-uka nō wepuha obi wę mémén'ę ekpere, a kpoku Osolobue banyen'ę.

Mmọn-ozi E Wepehu Pita Imę Ụlo-angan

⁶ W'a kpọ a eki kę wę k'e wepehu Pita, o ru imę uhinhin, Pita rị ụran egbata ndị-agha ębụo. We gi egañ ębụo kpoma a; o nwezi ndị-agha rị ezi ęhu ọnumuzo ụno-angan ahun e che nche.

⁷ Idemizzi, mmọn-ozi Di-nwọnni-enyi nō fopuhu ebéhu; ukpę nō nwun imę mmughe hụ wę kpókin ę ye imę ụlo-angan. Mmọn-ozi hụ nō kpa Pita ęka ękunkun, kpötien ę, si, "Lihi ọtọ ozigbo!" Ya egañ ndị hụ nō gha a olu-ęka danfụ. ⁸ Mmọn-ozi hụ nō si Pita, "Kenmę akpukpo-ukun i, y'e yiri akp'ukụ i." Pita nō mę ihien o ku. O nozị si Pita, "Yiri ekwa y'e yiye ę elu ę, y'e sonmę m." ⁹ Pita nō sòn ę gha imę ụlo-angan pụ. Pita amarịn nị ihien wę rị e gi mmọn-ozi ahun e mę wụ enya-uke, o ro n'o rị a hụn ọhụn. ¹⁰ A ghafegu wę itu ibuzo lę nke ębụo rị e che nche, we nō fuhu ọnụ-mgbon igwe hụn wę gha a puhu imę ngan hụ, banye imę obodo. Ya kę ọnụ-mgbon hụ nō gi ęka a gunpunị wę, we nō pụ, puhu ogele ohu. E jenjukazi wę, idemizzi mmọn-ozi hụ nō na Pita tọ.

¹¹ Ya enya nō fon Pita, o nō si, "O wegụo m nwan enya nị Di-nwònñi-enyi zi mmọn-ozi ę d'a zuopuhu m ęka Herođu lę ihien ile ndị Ju te rị a tụ enya a."

¹² Hụn o gihu ghota ihien mени, o nō si iwe Meri, nnę Jonu, ebe ndị bu ọda gbakikome e mę ekpere. Efian Jonu wuzi Makị. ¹³ Ogēn o gi dù ęka ọnụ-mgbon rị ezi, odibo ohu wụ okpoho hụn w'a kpọ Roda nō puha d'a za. ¹⁴ Ogēn o gi ghota nị olu Pita rọ, oken ighogho nō jun ę obi, nke wụnị hụn o k'e gi gunpu ọnụ-mgbon hụ, o gabanzị imę ụlo d'a gwa we nị Pita turu ọnụ-mgbon. ¹⁵ We nō si a, "Era rị a pụ i!" Kanị ọ hukwo e ku ę nị ezioku rọ. We nō si, "Mmọn-ozi ę rọ." ¹⁶ Kanị Pita hukwo a dù ęka. Ogēn we gi nwan gunpu ọnụ-mgbon, a hụn w'a, o nō tụ wę enya. ¹⁷ O nō gi ęka si wę gba nkintin, o nō kowa nị wę kę Di-nwònñi-enyi dòn wepehu a imę ụlo-angan. O nozị si, "Gwa nị Jemisi lę ndị ụka hodunị ihienni." Ya kę ọ nō pụ, si uzo ozo.

¹⁸ Ogēn eki gi fon, oken isusu nō rị imę igunrun ndị-agha te rị e che Pita nche make ihien mени, wę gileni marịn k'o jen.

¹⁹ Ogēn Herođu gi choguu a, ọ hunn'a; o nō jukemę ndị nche hụ ọnụ—o nō si wę gbu wę. Ya ọ nō gha Judia pụ, si Sizaria d'a nödi.

Onwụn Herođu

²⁰ Ogēn hụ, Herođu rị e bu ni ndị Taya lę Sidonu olulu. Ya wę nō zugbama d'a hụn a. E buguu wę uzo jen d'a hụn Blastosi hụn e lefụ ogwa Herođu enya, keni o kweri yeni wę ęka. Ya wę nō nwan jen d'e kunrun Herođu d'a riọ a nị ya lę wę dòn—makeni anị Herođu rị a kị kę alị wę gha e nwęhen ihien-oriri.

²¹ Uhüohin wę kaye e ru, Herođu nō yiri ęwuru-nze ę, nödi alị ukpo ę, gwama ndị hụ oku. ²² Ndị ahun hụ e yi oro, a si, "Oluni wụ olu mmọn, ęle olu ihiān-mmaka!" ²³ Ozigbo,

mmón-ozi Osolobue nō titu Hérodū, makeni o narin ojija-mma hū hūn nkē o gi we e ye Osolobue. Ohori nō bu e ri, o nō nwūnhūn.

²⁴ Kaní oku Osolobue hū a gha ihun, ndí bu-oda hū e kweri.

Banabasi Lé Sólú E Kinhén Antíokú

²⁵ Ogén Banabasi le Sólú gi rūngūu ihién ahún wé bia Jerusalém d'a rún, wé nō gha Jerusalém kinhén Antíokú. Ogén hū wé gi kinkó, wé nō weri Jónu hūn w'a kpozí Makí.

Isi Nke Mmęto

Ndí-uka E Zifú Banabasi Lé Sólú D'e Zi Ozioma

¹ O nwé ndí-amúma lē ndí-nkuzi rí úka rí Antíokú. Ndíni wú: Banabasi, Simionu (w'a kpo Onye-ogi), Lushiosi (onye alí Saírin'), Manení (hūn ya le Hérodū hūn rí a kíní wú ówú gha alí lala) lezi Sólú. ² Ogén wé gi rí e fe Di-nwónnni-ényi, e bu ónu, Mmón-nso nō sī, "Wefúha ní ní m Banabasi le Sólú, ní wé hūn úzó d'a rún órun m kpo wé d'a rún."

³ Ogén wé gi bugúu ónu, megúu ekpere, wé nō bu éka kwási Banabasi le Pólú, zipú wé.

Banabasi Lé Pólú E Zi Ozi Imé Alí Saíprosi

⁴ Mmón-nso e zipugúu Banabasi le Sólú, ya wé nō si Selusia, gi ugbo-mirin gha ebéhū si ani Saíprosi hūn mirin nōhunmē. ⁵ Ogén wé gi ru Salamisi hūn rí imé Saíprosi, wé nō ku oku Osolobue imé úlo-ofufe ndí Ju rísonmē ebéhū. Wé le Jónu wízikwó, keni o hūn úzó e yéni wé éka.

⁶ Ogén wé gi ghagbarigúu alí hū mirin nōhunmē d'e rukwori Pafosi, wé nō kunrun onye ohu gi eje-ikén a rún. Onye Ju k'ó wú, onye amúma-ntu; éfan a wú Ba-Jizosí. ⁷ Ya le Góvanó rí a kíní wú Sejos' Pólósi rí. Sejos' Pólósiní wú onye nwé uche, o nō zi wé kpo Banabasi le Sólú, makeni o cho n'o nü oku Osolobue. ⁸ Kaní onye hū e gi eje-ikén a rún wú Ba-Jizosí hūn w'a kpozíkwó Élimasi (makeni éfan a wúzikwó Élimasi) hū a papú oku wé, a lílima n'o mé Góvanó hū wefú obi e, amamgbe o kwerini Jizosí. ⁹ Kaní Sólú hūn w'a kpozíkwó Pólú hūn Mmón-nso jun imé e, a kí a, nō bu énya zimé onye hū gi eje-ikén a rún, ¹⁰ sī a, "Nwa Ekwensu! Ehénen ihién ile Chuku cho k'i wú! Ero le eje-ihién ile rí ichéen-ichéen jun imé il! Y'a rúkpobehikó ezioku Di-nwónnni-ényi, e mé e n'o rí kē ntú?

¹¹ Gon nwan ntín: éka Di-nwónnni-ényi jénkó d'e bitú i kikénni—énya k'e kpu i ishi, y'e leghakozi úzó ekéré ogen!"

Ozigbo ahún, ebe ile nō mé Élimas' igirigi-igirigi, gba a ishi énya. O nō bisónmémé éka, jehunmémé, a cho onye jénkó d'e kwondón e éka, e du e. ¹² Ogén Góvanó hū gi hūn ihién mèni, o nō kweri ni Di-nwónnni-ényi; nkuzi banyeni Di-nwónnni-ényi tū a énya odata-oda.

E Zi Wé Ozi-óma Imé Antíokú Rí Pisidía

¹³ Pólú lē ndí ya le wé wí no gi ugbo-mirin gha Pafosi jenmē Pega hūn rí Pamfilia. Ebéhū kē Jónu hūn w'a kpo Makí nō la wé tó, lakin Jerusalém.

¹⁴ Wé nō jensi ihun, gha Pega si Antíokú hūn rí Pisidía. O ru Uhuohin Izu-ikén, wé nō banye imé úlo-ofufe ndí Ju, ya wé nō nódí alí. ¹⁵ Ogén wé gi gungúu Iwu Mozizi le ihién ndí-amúma de, ndí-isí uno-ofufe hū nō zi ozi jenni wé, sī, "Umune, oméni ünú nwé oku ünú k'e gi gba ndíni rí ebeni umé, ku ni nwan."

¹⁶ Ya Pólú nō lihi ọtó, gi éka gwa wé gba nkintín, o nō kume, sī,

"Unú ndí Izrelú lē ndí ozo a tū egún Osolobue, gon ni ntín! ¹⁷ Chuku ndí Izrelú horí ndí nèdi ényi kaní, mémé wé ndí uku ogén hū wé gi bi aní Ijiptu, ya o nòzí gi ikén hiogbe gha alí Ijiptu wepúha wé. ¹⁸ O nō dinchanrin ihién ile wé rí e mé imé atú ɔrogbó ahúa ogunnai. ¹⁹ Ogén o gi tikpogúu alí esa rí Kenani, o nō we alí wé ye ndí Izrelú n'o hénrin nke wé. ²⁰ Wé nō bi ebéhū ɔrogbó ahúa iri-kwási-ogunnai kwási nnú. Omegúu, o nō yesonmē wé ndí ahún hanni wé éhen d'e ru ogen onye-amúma wú Samuél. ²¹ Ogén wé gi sī ní wé cho eze, Chuku nō ye wé Sólú nwa Kishi, onye ebón Benjamini. Sólú nō kí wé ɔrogbó ahúa ogunnai. ²² Ogén Chuku gi napugúu Sólú eze, Chuku nō tumé eze wé wú

Defidi. Ihienni kę Chuku ku banyeni Defidi, ‘A hụnguọ m'a nị Defidi nwa Jese wụ ụdị ihiɛn hụn a sụo nị m, onyé hun k'e mē ihiɛn ile m chọ.’ ²³ Osolobue a ghaguọ ebon okennnyeni wụ Defidi wepūha nị ndị Izrelü Onye-nzuoƿuhā wụ Jizosí nöké k'o dòn kwe nkwa.

²⁴ Nị Jesu d'a pūha d'e bidon ɔrun a, Jonye e ziguołe ndị Izrelü ile ozi wę gi mē mirin-Chuku wę gi għosij nị e roghariguo wę. ²⁵ Ogien ɔrun Jonye gi għuma, Jonye no si, ‘Onye kę unction ro nị 'ya kę m wu? Ele m Kraisti. Mba. Kanj, o nwę onyé ohu lalani m mémegu, erudeni m hụn a tópū eriri akp'ukų rị a ukkan.

²⁶ Umuñe m, umuñ Ebraham le ndị ɔzo hụn a tu egun Osolobue, e ziheguo nị wę enyi ozioma nzuoƿuhā. ²⁷ Kanj, makeni ndị bi imē Jerusalem le ndị-ndu wę amarin nị ya ro, makeni aghoħazikwoni wę oku ndị-amumma hụn w'a gun Uħuohin Izu-iken ile, wę no għu e, gi e mżeu oku ndị hụ—bụ a marin wę. ²⁸ O sụo n'a nị a hunnij wę ihiɛn ɔwule wę gi ma a ikpe ɔnwun, a si wę Paileti 'ya għu e. ²⁹ Ogien wę gi mżuġu ihiɛn ile wę de banyen'e imē Ekkwwo-nsø, wę no għa osisi ahun (ya wu elu obe) wetu e, bu e che imē ili. ³⁰ Kanj Osolobue no għa ɔnwun weli e. ³¹ Orogħo akp'ohin ole-le-ole, o hụ e we enwen e a għosij ndị son ē għa Galili bja Jerusalem. Ndini wu nwan ndị ɔsheri e ebe ndị nke enyi ndị Izrelü rị.

³² Enyi wħedni ni ɔnū ozioma, hụn wu nị: nkwa hụ Osolobue kwe ndị nedī enyi kanj, ³³ a wuruguo nwan ihiɛn o mżuni enyi wu umu wę ghahani iweli Jesu—nöké kę wę donzikwo de e imē Ebu-oma nke ebu, si,

‘I wu Nwa m;

a għosiguo m tannij n'i wu nwa m.’

³⁴ O mē nke oweli o weli Kraisti imē ɔnwun, nke wu nị o nwonnni k'o k'a dòn rehi, Osolobue ku oku e imē Ekkwwo-nsø, si,

‘M k'e mèni i ihiɛn ndị hụ rị nsø
hụn m kwe Defidi nkwa a.’

³⁵ Ya hajn o gi kuzi uzo ɔzo imē ebu-oma, si,
‘Y'a nikk Onye-nsø i rehi.’

³⁶ O mē nke Defidi, ogien o gi mègu uche Osolobue ogien nke e, o nwunhun, e li w'e ebe wę liye ndị nedī e kanj, o no rehi. ³⁷ Kanj, onyé hụ Osolobue weli e rehini.

³⁸ Umuñe m, marin nị nwan nị wę gi efan Jizosinj e zi unction ozi mgħaghari njo; ³⁹ nị onyé ɔwule kwerinin'e k'a wanahijin ikpe-omumma ya le ihiɛn ile onyé ahun mē wị, bү Iwu Mozizi asakò eka mē ɔnū wanahijin.

⁴⁰ Kpachanpu nị nwan enya amamgbe ihiɛn ndị-amumma ku għa e mē unction. Ndị amumma si,

⁴¹ ‘Lee n'e, unction ndị emu!

Y'a tħogħbi ɔnū enya
kieni unction la ntikpo—
makeni m rị e mē ihiɛn
ogien nke unction,
ihiɛn unction jenkoləni d'e kweri,
osuon'a nị ihiɛn għaw ɔnū ya.’”

⁴² Ogien Polu le Banabasi gi puko, ndị hụ no riċ we nị wę gwazi wę ihiɛndi Uħuohin Izu-iken lalani. ⁴³ Ogien wę gi gbashiagħu, ndị Ju bu odata le ndị wuleni ndị Ju hụn e fe ofufe ndị Ju no sonnme Polu le Banabasi. Polu le Banabasi no għa wę umu, si wę turukēnme imē efoma Osolobue mèni enyi.

⁴⁴ Uħuohin Izu-iken sonn'e, ebekku ile no jun, makeni ndị obodo hụ il-e te d'e zuchanrin kieni wę nū oku Osolobue. ⁴⁵ Kanj, ogien ndị Ju gi hụn igunrun hụ, enya no fumha wę. Wę no papumma oku Polu, kumex eje-oku. ⁴⁶ Kanj Polu le Banabasi no ku e, kushi e iken, si, “O te rị mkpa nị wę bu'zo gwagħu unction wu ndị Ju oku Osolobue. Kanj, ebe o mē ni unction a jiegħu a, ma enwen unction ikpe nị unction efuruni ndị e nwę ndu itebit, lee n'e, enyi k'e weri e nwan jenni ndị wuleni ndị Ju. ⁴⁷ Makeni ya kę Di-nwonn-ensi si enyi mē. O si enyi,

‘E tumegħu m unction

nị ọnụ wuru ukpe
ebe ndị alị ozọ wuleni ndị Ju rị,
keni ụnu wehé nzuopuha ebe ile rị elu ụwa.’ ”

⁴⁸ Ogen ndị wuleni ndị Ju gi nụ ihienni, efo no suọ wé usuo, wé no ja oku Di-nwọnnyi mma. Ndị ile hụn wé hoṭo, nị uwé k'e nwé ndun-itebite no kweri. ⁴⁹ Erira kẹ oku Di-nwònnyi-enyi dọn ghagbarichanrin egberé hụ ile. ⁵⁰ Ndị-Ju no kpasu ikpoho wé marin amarin imé obodo hụ hụn e son ndị-Ju e fe Osolobue bu élé wé ndị-Ju lè ikennye wé marin a-marin imé obodo hụ, wé ile no kpokpomé Polu le Banabasi, chupu wé egberé wé. ⁵¹ Ya wé no tichanfụ ejan rị wé ụku to nị wé, gi gwa wé nị emeni wé ohunma; ya wé no gha anị hụ pụ, shi Ikoniom'. ⁵² Ighogho le Mmón-nso e jun imé ndị hụn e son Jesu hụn rị Antı̄okụ Pisidia.

Isi Nke Mmęno

Polu Lé Banabasi E Zi Ozioma Imé Ikoniom

¹ Ihienni ohu hụ mē imé Antı̄okụ rị Pisidia mezíkwọ imé Ikoniom. Ebéhụ, Polu le Banabasi banye imé ulo-ofufe ndị Ju, ku oku, nke wu nị ndị bu ọda no kwerini Jesu—kẹ ndị Ju kẹ ndị wuleni ndị Ju. ² Kani, omeguzi, ndị Ju kwerileni no kpasu ndị wuleni ndị Ju, wiwi wé obi, wé no bu lumanị ndị kwerini.

³ Wé nōbie ebéhụ, e zi ni Di-nwònnyi-enyi ozi—e zi e, e zishi e iken. Di-nwònnyi-enyi no gi wé runsonmē ihien-ahima le orun-atumenna hụn o gi ghosi nị ozi wé rị e zi banyeni efoma o mē wu ezioku. ⁴ Kani ndị obodo hụ kebe ekebe: ndị hụ a noyeni ndị Ju, ndị hụ a noyeni ndị-ozi hụ pụ-ichen wu Banabasi le Polu. ⁵ Ogen ndị hụ imé ndị Ju lè ndị wuleni ndị Ju lè ndị-ndu wé gi cho nị wé mëshi ndị-ozi hụ pụ-ichen iken, gi ọmuma magbu wé, ⁶ ndị-ozi hụ pụ-ichen wu Banabasi le Polu no nụ a; ya wé no gbasi Likonia. Wé no jensonmē obodo ndị rị ebéhụ—kẹ Listra kẹ Dębe kẹ alị ndị nohunmē ni wé, ⁷ e zisommē ozioma.

Polu Lé Banabasi E Zi Ozioma Imé Listra le Dębe

⁸ Imé Listra, o nwé okennye ohu hụn nodị anị; o jentuni ijen makeni o wu nguro kete w'a mul'a. ⁹ Okennye ahun hụ e gon ntin ebe Polu rị e ku oku. Polu no bu enya tuma a, hụn a nị o nwongho okukwe hụn o k'e gi dínhịn. ¹⁰ Polu no yi, “Gi ụku i ebuo wuzo ọtọ!” Okennye hụ no tusi elu, jenmè ijen. ¹¹ Ogen ndị hụ jun ebéhụ gi hụn ihien Polu mē, wé no gi asusụ Likonia yi oro, sị, “Ndị mmón e giolé ụdị ihiyan hidan d'e kunrun enyi-oo!”

¹² Wé no kpo Banabasi Zeusu, kpo Polu Hemisi—makeni 'ya wu onye e kuni. ¹³ Ulo-mmón wé no e fe mmón ahun w'a kpo Zeusu rihụ mkpenren obodo hụ. Ohen-mmón Zeusu no wéhē oken-efin bu ọda le obobo ọnụ-mgbon obodo hụ, makeni iya le igunrun hụ cho nị wé chuyeni ndị-ozi hụ pụ-ichen ejan. ¹⁴ Kani ogen ndị-ozi hụ pụ-ichen wu Banabasi le Polu gi nụ ihienni, wé no doka ewuru wé, yisommē oro, gbaban imé igunrun hụ, ¹⁵ sị, “Ikennye, kị ụnu rị e meni ihienni? Enyi wuhụ ihiyan mmaka nöké ụnu. Enyi wéhēnị ọnụ ozioma, keni ụnu hụn ụzo gbehutu, la ihien ndinị nwònleni-isi to püha d'e kunrun Osolobue rị ndun, hụn ke elu-igwee le ụwa le ohimin le ihien ile rị imé wé. ¹⁶ Ogen mbụ, o hapugwo ndị alị ile rị ichen-ichen nị wé bi k'o suọ wé. ¹⁷ Kani, o gibehini ihien-oma o rị e mē a shia nị enwen e eri. O hụ a gha enu-igwee e mesonmē mirin e zueni ụnu, e yesonmē ụnu mkpuru a ghorị ogen wé, e yesonmē ụnu ihiyen-oriri hụn ụnu gi e rijun efo, e me ighogho e jun ọnụ obi.” ¹⁸ Kẹ okuni ile Polu le Banabasi kudę, o fukwo wé orun ni wé d'a s'eka gbondon wé achüyelę ni wé ejan.

E Kinhen Wé Antı̄okụ Rị Siria

¹⁹ Kani ndị hụ imé ndị Ju no gha Antı̄okụ le Ikoniom bia Listra. Wé no dorị igunrun hụ ye azụn nke wé. Ya wé no ma Polu ọmuma, dökpuṇfụ a imé obodo hụ, e ro n'o nwünhungwo. ²⁰ Kani, ogen ndị kwerini gi fihunmē e, o no lihi ọtọ, banye imé obodo hụ. Eki e fon, ya le Banabasi no si Dębe.

E Kin Wé Azụn Si Antı̄okụ Rị Siria

²¹ Ogən wə gi zigüü oziomma imə Dəbe, kpohagunı Jesu ndi bu əda, wə nə kin-azüün, si obodo Listra, gha ebəhü si İkoniom, gha İkoniom si Antıokü rı Pisidıa: ²² məkə ihiyen ndi rı e son Uzo-Jesu imə obodo ndi hü gi zekənmə; a gba wə umə, a sị wə wuzo imə okukwe. A sị wə, “Eñyi k'a tarırı afunfun bu əda eməni eñyi jənkə d'a banye Ali-eze Osolobue.” ²³ Ogən wə gi ghagbarigüü əuka ndi rı ebəhü, tumesonməgənu wə ndi-isi, wə nə gi ekpere le ibu-önü ha wə ye eka Di-nwonnı-ənyi hın wə kwerini. ²⁴ Ya wə nə ghasi Pisidıa pü Pamfilıa. ²⁵ Ogən wə gi zigüü oziomma imə Pega, wə nə jənmə Atalıa. ²⁶ Ya wə nə gi ugbo-mirin gha Atalıa kin-azüün si Antıokü ebe wə nə bu wə che eka Osolobue ni wə d'a rünuma orünni wə rüngüü nwan. ²⁷ Ogən wə gi ru Antıokü, wə nə kpogbama ndi əuka, gwa wə ihiyen ile Osolobue gi wə rünuma k'o dən kropo ni ndi alı ndi əzə okukwe. ²⁸ Wə nə son ndi kwerini rı ebəhü nədə ekere.

Isi Nke Mmisen

Ndi-isi Əuka Rı Ali İchen-ichən E Zu Imə Jerusalem

¹ Ogən ahun, o nwə ndi gha Judia bia Antıokü, a kuzi ndi əuka, a sị, “Mani ənə kwa ugun gi məzu ədinalı Mozizi tumə, ənə a sakə eka nwən nzuopuha.” ² Ogən Polu le Banabası gi dugüü wə kpe əda-əda, songüü wə də oku hı əhənma-əhənma, ya ndi əuka nə han Polu le Banabası le ndi əzə imə ndi kwerini jən Jerusalem d'e kunrun ndi-əzi ahun pü-ichən le ndi-isi kəni wə ku okuni. ³ Ya ndi əuka nə zifü wə. Ogən wə gi jənkə, wə nə banyesonmə alı Finishıa le alı Sameria, gwasonmə wə kə ndi anı ndi əzə rı ichen-ichən wüleni ndi Ju dən rı e rogharı, e sonmə Jesu; ozini nə mə ndi kwerini ghəqħo əda-əda. ⁴ Ogən wə gi ru Jerusalem, ndi-əuka le ndi-əzi ahun pü-ichən le ndi-isi nə nabarhan wə, ya wə nə gwa wə ihiyen ile Osolobue gi wə rünuma. ⁵ Kanı ndi hı imə ndi kwerini hın rı itu ndi Farisi nə lihi ətə, sị, “Wə ka gwarirı ndi alı əzə wüleni ndi Ju ni wə k'a kwarirı ugın, tizikwoni wə iwu wə dənmə Iwu Mozizi.”

⁶ Ya ndi-əzi ahun pü-ichən le ndi-isi nə zugbama ni wə leban okuni ənya. ⁷ Ogən wə gi dəbe okuni, Pita nə lihi ətə, sị wə, “Umunə m, ənə a marıngħo kə Osolobue dən hopuha m imə ənə mbu-mbu, gi m mə ndi alı əzə nü oziomma, kweri. ⁸ Osolobue hın marın obi ihiyan ile nə shia ni wə əri ghahanı iye wə Mmən-nəsə k'o dən ye ənyi. ⁹ O nwənni ihiyen o sị n'ə rı ichen egbata ənyi le wə, makəni ə chanchanpużiķwə obi wə makəni wə kweri ekweri. ¹⁰ Kị hajn nwan ənə gi a nwan Osolobue ghahanı ibu okən ibu e che ndi kwerini olu; ibu hın o məni kə ənyi kə ndi nedı ənyi kanı asanı eka bu?” ¹¹ Pita nə sị, “Mba! Ənyi kweri ni kə ənyi dən nwə nzuofuha ghahanı əfoma Onye-nwənə-ənyi wü Jesu kə wə dənzikwə nwe.”

¹² Ndı hı ile zu ebəhü nə gba nkintin, e gon ntin kə Polu le Banabası rı a gwa(zikwo) wə ihiyen-ahıma le ərən-ətümənya Osolobue gi wə rünsənmə imə igunrun ndi anı ndi əzə wüleni ndi Ju.

¹³ Ogən wə gi kugüü, Jemisi nə sị, “Umunə m, gon ni m ntin. ¹⁴ Simjoni^{*} e kugüü kə Osolobue dən məni ndi alı əzə əfoma, kəni ə hın əzə gha imə wə wepūha ndi k'a wü nke ə. ¹⁵ Ihienni le ihiyen ndi-amumma ku imə Əkkwə-nəsə dangbama. Makəni, imə Əkkwə-nəsə, ndi-amumma de, sị,

¹⁶ ‘Ihienni meküü,
m k'e kinhen;
m k'a tündənzi ulo[†] Defidi,
hın danni;
m k' a tündənzi ihiyen wiwini;
m k'e mə e rızı k'ə rı mbu,
¹⁷ kəni ndi alı ndi əzə ile hodun;

hın əzə bia d'e kunrun Di-nwənni-ənyi—
kə ndi alı ndi əzə ile ahun

* Isi Nke Mmisen:14 Ərəra kə ndi Ju dən a kpə Sa'monu. † Isi Nke Mmisen:16 Eməs 9.11 Ali-eze

hụn m k'a kpọ d'a za ẹfan m.

Di-nwọnnyi-enyi hụn m e wé marin ihien ndịni ¹⁸ ketekete rị e ku e.'

¹⁹ Ya wụ, ihien m rị e ku wụ nị enyi esongbukọ ndị anị ọzọ ahụn wuleni ndị-Ju hụn rị e roghari d'e kunrun Osolobue. ²⁰ Kama, enyi k'e dejen ni wé ékukwó, sị wé hụ erile ihien ọwule wé gi rúa mmón, makeni ọ rụ a rụ; w'a gherelé; w'e rile anu ọwule wé rukwon olu; w'e rile ẹdeke. ²¹ Makeni, kete elee-mgbe, ndị a kuzi Iwu Mozizi akonị imé obodo ọwule—gha agbọ d'e ru agbọ; wé huzíkwó a gun nị ihiian ile ya imé ụlo-ofufe ndị Ju rị obodo rị ichen-ichen Uhuohin Izu-ikèn ọwule."

Ekukwó-ozı Wé Dejenni Ndị Wuleni Ndị Ju Rị E Son Jesu

²² Ya ndị-ozı ahụn pụ-ichen lè ndị-isi lè ndị ụka ile rị imé Jerusalém nō kwerigbama nị wé hanpúha ihiian imé wé, nị wé son Polu lè Banabasi jen Antıokü. Madu ębuonị kẹ wé hanpúha: Judasị hụn w'a kpọ Basabasi lè Sailasi—wé ębuo wusonmè ndị-isi imé ndị kwerini. ²³ Wé nō we ékukwó-ozı ye wé. Ihien wé de imé e wụ:

"Enyi ile wụ umuné ụnu gba de ehuhuọ-ozini, kẹ ndị-ozı ahụn pụ-ichen kẹ ndị-isi; enyi rị e dejenni umuné enyi ndị wuleni ndị Ju, hụn rişonmè Antıokü lè Siria lè Silisia. Enyi e kele ụnu!"

²⁴ Ebe o mē ni enyi a nuguo n'o nwęguo ndị gha ebe enyi rị bịa d'e kunrun ụnu, kusonmè oku rị e ye ụnu mmakp'ehu, e mē obi erulé ọnụ alị, bụ enyi ezini wé, ²⁵ enyi e kwerigbamaguo nwan hanpúha ndị k'a nočkin enya enyi, nị wé sónhen ezi umuné enyi wụ Banabasi lè Polu— ²⁶ ndị hụn bu ndịn wé che ọb'eka maké ufiri Di-nwònnyi-enyi wụ Jesu Kristi.

²⁷ Ya kẹ enyi zini nwan Judasị lè Sailasi, keni wé gizi ọnụ wé gwa ụnu ihien ndị hụ enyi de. ²⁸ Makeni ọ hughọ Mmón-nsọ lè enyi lè enwen enyi mma nị enyi ebuyekọ ọnụ ibu ọzo—wezuka ihien ndịni rị mkpa: ²⁹ erile ni ihien-oriri wé gi rúa mmón lè ẹdeke lè anu wé rukwon olu; agherelé ni. Ụnu na ihien ndịni wé tọ, o k'a rịnị ụnu mma. Nodị nị ohunma."

³⁰ Ya wé nō zipu wé; wé nō si Antıokü. Ogen wé gi kpogbamagụ ndị ụka hụ ile, wé nō we ékukwó-ozı hụ ye wé. ³¹ Ogen wé gi gunguụ a, wé nō ghoghọ makeni ozi rịn'a gba wé umé. ³² Judasị lè Sailasi, hụn wuzíkwó ndị-amuma, nō gizi oku bu ọda gba ndị kwerini umé, mē wé zekemnè. ³³ Ogen wé gi nöbe ebéhu, ndị kwerini nō gi udon zi wé lanị ndị zihé ni wé. ³⁴ [Kanị Sailasi nō si n'o k'a nodị ebéhu.] ³⁵ Polu lè Banabasi esonni ndị ahụn lama, kama, wé nō nodị imé Antıokü. Wé lè ndị ọzo bu ọda nō nodị ebéhu a kuzi, e zi ozi Di-nwònnyi-enyi.

Polu lè Banabasi E Kebe

³⁶ A nöbe wé, Polu nō si Banabasi, "Bịa nị enyi kin-azụn d'a hụn umuné enyi imé Kraistị ndị rişonmè obodo ile enyi nō zi ozi Di-nwònnyi-enyi, nị enyi hụn kẹ wé rị."

³⁷ Banabasi te chọ nị wé weri Joru hụn w'a kpọ Makị. ³⁸ Kanị Polu achonị nị wé weri onyé na wé tọ imé Pamfilia, hụn sónleni wé rụn ɔrun wé jen d'a rụn. ³⁹ Wé nō dònkenmè okuni, nke wụ nị onyé ọwule nō jenmè nke e. Banabasi nō weri Makị, wé nō chorị ugbo-mirin, buli, shi Saiprosi. ⁴⁰ Kanị Polu nō weri Sailasi. Ndị ụka nō ha a ye eka Di-nwònnyi-enyi kẹ n'o yen'ę ęka. ⁴¹ O nō jensonmè imé Siria lè Silisia, mękọ ndị ụka rişonmè ebéhu zekemnè.

Isi Nke Mmisin

Timoti E Sonmè Polu lè Sailasi

¹ Polu e ruguụ Dębe, o nō si Listra. Imé Listra, o nwę onyé ohu kwerini w'a kpọ Timoti; nné e wụ onyé Ju kweri ni Jesu; kanị nedi e wụ onyé Griki. ² Ndị kwerini rị Listra lè Ikoniom e ku oku Timotini ohunma. ³ Polu chọ nị Timoti sonmè e; ya o nō gi ifiri ndị Ju rị Listra lè Ikoniom ebéhu weri e d'a kwa a ugum—makeni wé ile amarịnguọ nị nedi e wụ onyé Griki, elẹ onyé Ju.

⁴ We nō nwan ghasonmē obodo-obodo, gwakō ndị ụka iwu ndị hụ ndị-ozi ahụn pụ-ichẹn lę ndị-isị rị Jerusaleṁ ye, a sị wę hunkwọ a nị wę e dònmechanrịn wę ile. ⁵ Ya ụka ndị hụ nō zekènmē imē okukwe, e buwaye ọda ụhụohin-ụhụohin.

Ohun Polu Hun Ime Trasi

⁶ Wę nō fetu Azụn Frigia lę Galeshịa, ebe o mē ni Mmón-nso a siguo wę ekukwolep̄ oku-Chuku imē Azụn Eshịa. ⁷ Ogen wę gi ru ebe wę gha a banye Mishịa, wę nō meme nị wę banye imē Azụn Bitinia, kanị Mmón nke Jizos' aninị wę. ⁸ Ya wę nō ghafe Mishịa jenmē Trasi.

⁹ Imē uhinhin ahụn, Polu nō hụn ohun: hụn kę okennye ohu, onyę Masedonia turuhu, a riọ a, sị, “Bia Masedonia d'e yeni enyi eka ndo-o!” ¹⁰ Ogen o gi hụngụ ọhun hụ, enyi nō kwademē ozigbo-ozigbo nị enyi fetu Ohimin banye Masedonia, makeni enyi gi e dòn ni Osolobue sị enyi d'e zi ndị rị ebéhụ ozioma.

Lidia E Roghari, Sonmę Jesu

¹¹ Ya enyi nō banye ugbo-mirin ghaferi Trasi, shi Samotresi; eki e fɔn, enyi nō ru Niapoli. ¹² Enyi nō gha ebéhụ si Filipi, obodo rị mkpa imē Azụn Masedonia. Ndị Rom keti-keti uwę bi obodo Filipi. Enyi nō nōbie ebéhụ.

¹³ O ru Ụhụohin Izu-iken, enyi nō gha imē obodo pụ, si mkpenren iyi, ebe enyi ro nị iya wụ ebe w'a nō e mē ekpere, enyi nō nōdi alị gwama ikpoho ndị gbakikomē ebéhụ oku.

¹⁴ Okpoho ohu w'a kpọ Lidia hụn e son ndị Ju e fe Osolobue, hụ e gon enyi ntin. Onyę obodo Tiatira rọ; o re ékwa ahanrannị hụn e nwun ufie-roni, ufie-roni. Di-nwọnni-enyi nō shiapu obi e n'o gi ihien Polu rị e ku dòn. ¹⁵ Ogen wę gi megụ 'ya le ikpun-ulọ a mirin-Chuku, o nō riọ enyi, sị, “Omęni ụnu e kwerigho nị m wụ onyę kweri ni Di-nwònni-enyi, bia nị iwe m d'a nōdi nwan.” Nke e nō bụn.

A Tu We Polu Le Sailasi Ye Ime Ulo-ngan

¹⁶ Uhụohin ohu, ebe enyi jenkọ ebe wę a nōdi e mē ekpere, enyi nō hụn nwa-agboö ohu wụ igbon, hụn eje-mmón o gi a hụn ụzo rị imē e. O gi ihienyi a kpahanị ndị nwònny'e egho ọda-ọda. ¹⁷ Nwa-agbooni hụ e sonhunmē Polu lę enyi ndị uwę lę Polu wị. O nōbe, o dobefụ oro, sị, “Ndịn wụ ndị-idibo Osolobue hụn kachanrinni! Wę rị a gwa ọnu kę ụnu k'a dòn nwọn nzufuha.” ¹⁸ O mepụ ihienyi akp'ohin ole-lé-ole, o nizini Polu din; Polu nō gbehutu, sị mmón hụ, “M rị e gi ẹfan Jizosị Kraisti a sị i gha imē e püha!” O nō püha ozigbo.

¹⁹ Kanị ogen ndị nwònny'e gi hụn a nị ihien wę gi a kpa egho a la, wę nō kwondon Polu lę Sailasi, dökpun wę si imē afia d'e kunrun ndị-isị okiki. ²⁰ Ogen wę gi wegụ wę ru eka ndị-isị okiki, wę nō sị, “Ikennye ndịn rị e ye obodo enyi nsongbu; ndị Ju kę wę wụ, ²¹ wę rị a kuzisomē ọdinalị hụn iwu enyi ndị Rom sị enyi anabanhanlę, enyi emele.” ²² Igunrun hụ nō son wę bulumani wę. Ndị-isị okiki nō sị wę gbugụ wę ékwa, gbu wę mkpinsin. ²³ Ogen wę gi gbugụ wę mkpinsin ọda-ọda, we nō tu wę ye ulo-ngan, sị onyę e du ndị-ngan chedon wę ọhunma-ọhunma. ²⁴ O nō mē ihien ndị-isị sị a mē, bu wę che mmughe hụn rịchanrịn imē-imē ụno-ngan. O nō kpodon wę ụkụ che aba.

²⁵ O ru imē abalị, Polu lę Sailasi hụ e mē ekpere, a bụ ebụ, a ja Osolobue mma; ndị-ngan hụ e gon wę ntin. ²⁶ Idènmizi, oken ali-omahihie nō bidon, mahihie ọda-ọda—nke wụ nị iyeto ulo-ngan nō mēhunmē; ozigbo ahụn, ụzo ile nō gunpu, egan wę gi kpodon onyę ọwule a ganpuchanrịn. ²⁷ Ogen onyę hụ e du ndị ngan gi tēnhin, hụn a nị ụzo ngan rị oghe, o nō sepüha ọpi-a gha a n'o gbu enwen e, makeni o ro ni ndị ngan a gba pugụo.

²⁸ Kanị Polu nō yi oken-oro, sị, “Egbukwolep̄ enwen i! Enyi ile hụ ebeni!” ²⁹ Ya okennye hụ nō sị wę buhę ukpe; o zụnbahan, gbu ni Polu lę Sailasi osekpu, ehu hụ a ma a nni.

³⁰ Ya o nō wepüha wę ezi, sị, “Ndị nwònnyi m, k'i m'e mē nị m nwọn nzufuha?” ³¹ Wę nō sị a, “Kweri ni Di-nwònnyi-enyi wụ Jesu, i k'e nwọn nzufuha—kę 'yụ kę ezi-lé-ulọ i!”

³² Wę nō gwa 'ya le ndị ile rị iwe e oku nke Di-nwònnyi-enyi*. ³³ O nō weri wę imē abalị

* Isi Nke Mmisin:32 oku Osolobue

hụ d'a chanchan wę ebe wę rüşonmę ęhụ, wę nō mē 'ya lę ikpun-ulo a ile mirin-Chuku ozigbo-ozigbo. ³⁴ Ebéhụ k'o nō we wę si imē ulo iwe ę, bupuhā nị wę ihiēn-oriri; ọ hụ a ghogho n'o kweriguo nị Osolobue—'ya lę ikpun-ulo a ile.

³⁵ Eki e fọn, ndi-isı ıkikì nō zi ndi ewuru-ogi d'a sị onyę hụ e du ndi ngan, "Hapu ikennyę ndi hụ nị wę lama." ³⁶ Onyę-ndu ndi-ngan hụ nō we ozi hụ jenni Polu, sị a, "Ndi-isı ıkikì zihę ozi, sị wę hatu onu nị onu lama. Puhā nị nwan nị unu gi udon lama." ³⁷ Kani Polu nō sị, "E gbuguo wę enyi ili id'enya ihiān ile bu e lebannı wę oku enya; a tuguo wę enyi ụmụ-di-alị Rom[†] ye ulo-ngan; wę cho nwan nị wę gi nzuzue hatu enyi? Mba! Wę gi eka wę bia d'e wepuhā enyi." ³⁸ Ndi ewuru-ogi nō bu okuni jenni ndi-isı ıkikì. Ogen ndi-isı ıkikì gi nụ nị wę wu ụmụ-di-alị Rom, egun nō tuma we. ³⁹ Ya wę nō bia d'a rię wę. Wę nō wepuhā wę, sị wę gha obodo hụ pü—a gwa wę, a gwadonzi. ⁴⁰ Ogen wę gi ghaguo ulo-ngan fuhā, wę nō si iwe Lidia. A hụngu wę ndi kwerini, gbagu wę umę, wę nō gha ebéhụ pü.

Isi Nke Mmesa

Nsɔ̄ngbu Hun Biānı Polu Wę Imē T̄esalonika

¹ Ogen Polu lę Sailasi gi ghaguu imē Amfipolisi lę Apolonia, wę nō ru obodo T̄esalonika. Ulo-ofufe ndi Ju rị ebéhụ. ² Polu nō jenmę ụnō-ofufe hụ k'o dòn e mē ebe ile. Ọ hụ e jen e Uhuhohin Izu-iken, Uhuhohin Izu-iken. Erira k'o jen e mgbe eto. Hun ahun ile o rị e jen, ọ hụ e gi usonron-usonron e gi ihiēn rị imē Ehuhuqo-nsø a gwa wę oku, ³ a kowa nị wę, a ghosi wę nị Ehuhuqo-nsø ku e nị Kraistī, Onyę hụ Osolobue tumę, k'a ta afunfun, n'o k'a ghazikwo oundun lihi. Ọ hụ a sị wę, "Jesuni m rị a gwa onu oku e wu Kraistī, Onyę hụ Osolobue tumę." ⁴ Ndi hụ imē wę nō kweri, wę nō sonmę Polu lę Sailasi. Ndi Griki bu odata hụn e fe ofufe ndi Ju lę ikpoho ndi wę marin amarin bu odata nozị kweri. ⁵ Kani enya nō fuma ndi Ju, wę nō chorij ndi isi-mgbaka rị imē afia, wę nō yeri wę eka kpokikomę ndi bu odata, bu isusu che imē obodo hụ. A zunban wę imē ulo iwe Jasın' d'a cho Polu lę Sailasi, keni wę wepuhā wę weye ndi alị. ⁶ Kani ahunnị wę wę; wę nō dokpurnrun Jasın' lę ndi hụ imē ndi kwerini jenni ndi-isı obodo hụ, e yi oro, a sị, "Ikennyę ndinị rị e bu ụwa isi a kpoma alị a biaziolę ebeni, ⁷ Jasın' a na wę ye ulo! Wę ile rị a dan iwu eze-kanı wu Siza, e ku n'o nwę eze ozo rịni w'a kpo Jesu." ⁸ Ogen ndi obodo hụ lę ndi-isı wę gi nụ ihienni, obi eruzini wę alị. ⁹ Wę nō be Jasın' lę ndi ozo nhan; a naguu wę wę eka mbe, ya wę nō hatu wę nị wę lama.

Ndị Beria Shiapu Efọ Nụ Ozioma

¹⁰ Ozigbo ahun, ndi kwerini nō gi imē uhinhin ahun zifụ Polu lę Sailasi si obodo Beria. E ru w'e, ya wę nō si imē ulo-ofufe ndi Ju. ¹¹ Ndi Ju rị Beria ka obi wę a shiapu karị ndi rị T̄esalonika. Makeni, wę gichanrin obi we ile nabanhān oku hụ, e leban enya Ehuhuqo-nsø uhuhohin ile keni wę marin ke ihiēn ndi hụ Polu ku wu ezioku. ¹² Ufiri e, ndi bu odata imē wę nō kweri—kẹ ikpoho bu odata wę marin amarin wuleni ndi Ju kẹ ikennyę bu odata wuleni ndi Ju. ¹³ Kani, ogen ndi Ju rị T̄esalonika gi marin nị Polu e kuolę oku Chuku imē Beria, wę nō biazi ebéhụ d'a kpasu ndi rị ebéhụ. ¹⁴ Ya ndi kwerini rị ebéhụ nō zipu Polu si alị rị ehụ Ohimin; kani Sailasi lę Timoti nō nodiguu Beria ebéhụ. ¹⁵ Ndi hun dupu Polu nō du e rukwori obodo Atensi; ọ nō zi wę gwa Timoti lę Sailasi biakenrin d'e kunrun e, ya wę nō la a to.

Ozi Polu Zi Ndị Oka-ekukwö Imē Atensi

¹⁶ Ogen Polu gi rị e che Timoti lę Sailasi imē Atensi, izize hụ e ze e makeni ọ hụn nị alị hụ ile wu mmɔn-mmɔn. ¹⁷ O nō gi ifiri e, ọ nō gwama ndi Ju lę ndi wuleni ndi Ju hụn e fe ofufe ndi Ju oku Jesu imē ulo-ofufe ndi Ju, e son wę a dọ a, a nozíkwö imē afia a gwa ndi ọwule rị ebéhụ oku uhuhohin ile.

[†] Isi Nke Mmisin:37 Ogen hụ, onyę anị ọwule a s'eka a wuru nwa-di-alị Rom omeni ndi mụ n'a wu ụmụ-di-alị Rom mɔbụ n'o fe anị-eze Rom ọhunma mɔbụ n'o gi egho ነnonrin e.

¹⁸ Ndị hụ imẹ ndị hụn a chọ anị oku hụn rị itu ndị Epikuria le itu ndị Stoiki nō sòn e dōma. Ndị hụ imẹ wẹ sị, “Kinị kę onyé ita-lé-okuni rị e ku?” Ndị ọzọ sị, “O nō kę sị o rị e ghoro mmɔn ɔhụn.” (Wẹ ku ेrira makeni o rị e zi ozioma banyeni Jesu, e ku oku igha onwụn lihi.) ¹⁹ Ya wẹ nō w'ē jen ogwa hụ w'a kpó Eropagosi, sị a, “Kowa nị nwan enyi ihien ɔhụnni i rị a kuzi. ²⁰ Enyi anütuni ihien ndịnị i rị e ku; enyi chọ nwan nị enyi għota we.”

²¹ O nwèni ihien ndị obodo Atensi ile le ndị ɔbia bi ebèhụ gi nwan ogèn wẹ e mè kari iku ihien ɔhụn le inu ihien ɔhụn.

²² Ya Polu nō wuzo ihun ndị rị ogwa Eropagosi, sị, “Ndị Atensi, a hunole m'a nị unu e fekè ihien wẹ e fe efee—kę ihun kę azụn. ²³ Makeni, ogèn m gi ghakò imẹ obodo unu, m hụ e lekpó ihien ndị onu e fe; m nō hụn ulo-mmɔn wẹ deye ihienni: ‘Onwan wụ nke mmɔn hụ enyi marìnleni.’ Ihien hụ onu rị e fe, hụn unu marìnleni, ya kę m rị nwan a gwa unu oku e.”

²⁴ Osolobue hụn ke ụwa le ihien ile rị imẹ e, Onyé hụn nwè elu-igwee le ụwa, ara bi imẹ unq-mmɔn wẹ gi eka tun; ²⁵ w'a ra gi ihien gha eka ihiyan bịa e fe e, nöké sị o nwè ihien rị a kọn'a. Mba, makeni 'ya le enwèn e wụ hụn e ye ihiyan ndịn le umerèn le ihien ile. ²⁶ O gha onyé ohu wepuha ndị alị ile nị wẹ bigbarị elu ụwa ile, o nō tumesonmè ni wẹ ogèn nke wẹ le alị wẹ k'e bi. ²⁷ O mè ihienni keni wẹ hụn ụzo chọ Osolobue—ikènkwo a hụn w'a ebe wẹ rị e bisonmè eka a chọ a—kanị, o nökummè onyé-onyé imẹ enyi anòkunmè. ²⁸ Makeni ‘Imẹ e kę enyi nō a rị ndịn; imẹ e kę enyi nō e jehunmè; imẹ e kę enyi nō a rị.’ O nwèghodè ndị nke unu e deni hụn de e, sị, ‘Ezię, enyi nwèn wuzikwo ụmụ a.’

²⁹ Ebe o mè ni enyi wụ ụmụ Osolobue, elè hụn enyi e gi e ro ni Osolobue enyi nō kę goru móbụ ọna (siva) móbụ ọmúma—ihien ndị hụ wẹ gi akó-lé-uche le iroro ihiyan kpú.

³⁰ Osolobue fepù enya ogèn ihiyan gileni marìn a. Kanị, o siguò nwan ihiyan ile rị ebe ile wẹ rogharị. ³¹ Makeni, o kayeguo ụhụohin o jenkö d'e gi kin ụwa ikpe zinrinni ghahani okennyé ohu o tumè. O meguo ihiyan ile marìn onyé okennyé hụ wụ ghahani iweli e ogèn o gi nwùnhungụ.

³² Ogèn wẹ gi nü banyeni igha onwụn weli ihiyan, ndị hụ imẹ wẹ nō kpa a ye emu; kanị ndị ọzọ sị, “Enyi chọ n'i gwazi enyi oku ihienni.” ³³ Ya Polu nō gha iko hụ pụ. ³⁴ Kanị ikènnnyé ndị hụ imẹ wẹ nō ban n'a, kweri ni Jesu. Onyé ohu imẹ wẹ wụ Diyonishusu onyé ohu imẹ ndị e zu ogwa Eropagosi, ya le okpoho ohu w'a kpó Damarisi, lezi ndị ọzọ wẹ ile wi.

Isi Nke Mmesato

Polu A Run Orun Jesu Imẹ Korenti

¹ Ihienni e megụ, Polu nō gha Atensi pụ, si obodo Korenti. ² Ebèhụ k'o nō hụn onyé Ju w'a kpó Akwila, onyé Azuṇ Pontusu, hụn 'ya le nwunyé e wụ Prisilia gba gha alị Itali bịa ebèhụ nke ɔhụn, makeni eze-kanị wụ Klodiós Siza sị ndị Ju ile gha Rom pụ. Ya Polu nō jen d'a hụn wẹ. ³ Makeni ụdị orun ohu kę ya le wẹ a rụn, o nō du wẹ nödị, a rungbama orun—orun w'a rụn wụ imemem ihien wẹ gi e mémé odu. ⁴ Ụhụohin Izu-ikèn ile, o hụ e jen ulo-ofufe ndị Ju d'a gwa wẹ oku, a liliima n'o mè wẹ kweri—kę ndị Ju kę ndị wuleni ndị Ju.

⁵ Ogèn Sailasi le Timoti gi gha Masédonia bịa, Polu nō gi ogèn e ile e zi ozioma, a kowa ni ndị Ju ni Jesu wụ Kraistị. ⁶ Ogèn wẹ gi buluma n'a, kparimé e, ya o nō zinzinfu uzunzun rị a ekwa tọ nị wẹ gi gwa wẹ n'e meqolé wẹ eje-ihien, sị wẹ, “Edeke onu rị unu isi! Eka m rị ọchan! Gha kikeni jenmè, e buru m ndị wuleni ndị Ju.” ⁷ Ya o nō gha ebèhụ pụ, si iwe okennyé ohu w'a kpó Taitiosi* Jostusu, hụn wuleni onyé Ju bụ o fe ofufe ndị Ju. Iwe Taitiosi rị e son ulo-ofufe hụ. ⁸ Krijposi wụ onyé-isi ulo-ofufe hụ nō kwerini Di-nwɔnni-enyi, 'ya le ezi-lé-ulo a ile; ndị Korenti bu odata hụn nü ozioma Polu rị e zi nozị kweri, wẹ nō mè wẹ mirin-Chuku.

* Isi Nke Mmesato:7 móbụ: Taitiosi

⁹ Uhinhin ohu, Polu nō hūn əhūn ebe Onye-nwēni-enyi nō sī a, “Atule egun; ka kumē, agbakwolē nkintin, ¹⁰ makēni m noyen i anoyeni. O nwōnni onye k'e mētu i ęka, rū i ęhū, makēni m nwōn ndī bu əda imē obodon.” ¹¹ Ya ə nō nodī ebēhū ahūa ohu lē ifon isin, a kuzi wē oku Osolobue.

¹² Kanī ogēn Galio gi wū Goyano rī a kīdōnni ndī Rom imē Azụn Akaya, ndī Ju nō kigbama, maye Polu, w'ē jen əgwa Goyano. ¹³ Wē nō sī Goyano, “Okennyen i rī a sī ihian gi uzō ozō wūlēni hūn Iwu ku femē Osolobue.” ¹⁴ Kanī ogēn Polu gi chohū n'o kumē, Galio nō sī ndī Ju, “Omēni oku idān iwu obodo rō mōbū nī wē mē ihien wū eje-ihien nke-esi, nke m'e te yēni ụnū ndī Ju ọnū. ¹⁵ Ebe o mē nwān ni oku ihien onye ku lē əfan ihian lē oku iwu ụnū rō, gi ni ęka ọnū leban a enya; ekinko m ụdī ikpe ndīnij! ” ¹⁶ Ya ə nō chupū wē imē əgwa. ¹⁷ Ya wē ile nō kwondon Sostenesi wū onye-isī ụnō-ofufe ndī Ju, gbu ə ili ihun-ezi əgwa hū, kanī Galio e feyedēni wē enya.

Polu E kinhen Obodo Antıokü

¹⁸ Polu a nobe Korenti, ya ə nō sī ndī kwerini rī ebēhū nodī əhūnma, ə nō banye ugbo-mirin shi anj Siria. Iya lē Prisila lē Akwila wī. E ru wē obodo Senkre, ə nō kō ntutu, o gi mēzu nkwa o kwe. ¹⁹ E ru wē Efesosi, ə nō na wē tō ebēhū: kanī ya lē enwen ə nō jenggu ụlo-ofufe ndī Ju d'a gwa wē oku. ²⁰ Ogen wē gi sī a nodiz, ə nō ju; ²¹ kanī, ogēn o gi pukō, ə sī, “M k'e kinhen, omēni uche Osolobue rō.” Ə nō gi ugbo-mirin gha Efesosi jēnmē.

²² Ogen o gi ru Sizaria, ya ə nō si [Jerusalēm] d'e kelegū ndī ụka, ə nō kin[zi] azụn lasi nwān Antıokü.

²³ Ogen o gi nobe ebēhū, ə nō pū, jēnsōnmē ebe rī ichen-ichen Azụn Galeshia lē Frigia, a gba ndī ile kwerini umē.

Orun Apolosji Run Imē Efesosi lē Korenti

²⁴ Ogen hū, onye Ju ohu w'a kpo Apolosji, hūn wē nō Alezandria mū nō bia Efesosi. Okennyen ma ku oku əhūnma-əhūnma, marinzi Ehuhu-nsō əda-oda. ²⁵ A kuziguo w'a Uzo-Di-nwōnni-enyi; o nwēkēnmē adudu o gi e zi ozi; ə kuzi banyeni Jesu əhūnma. Kanī mirin-Chuku Jōnū suō k'o marin. ²⁶ Ə nō kusimē iken imē ụlo-ofufe ndī Ju. Kanī, ogēn Prisilia lē Akwila gi nū nkuzi ə, wē nō weri ə shi usu d'a kowan'a Uzo Osolobue əhūnma.

²⁷ Ogen Apolosji gi chō n'o fetu si Azụn Akaya, ndī kwerini nō ye ə ndu, de ehuhu-ŋō jenni ndī kwerini rī Akaya sī wē nabanhān a. Ogen o gi ru Akaya, o yekenmē ni ndī hūn rī ebēhū Osolobue yeguni ęka kweri ęka. ²⁸ Makēni ə nō id'onya ihian ile za ndondō ile ndī Ju rī a dō, zathanrin a, gi Ehuhu-nsō ghosichanrin ni Kraistī hū Ehuhu-nsō rī e ku oku ə wū Jizosji.

Isi Nke Mmitenęi

Polu A Nō Imē Efesosi Run Orun Jesu

¹ Ogen Apolosji gi rī Korenti, Polu nō ghashi akpakalī, ghafe obodo bu əda, pūha Efesosi. Ebēhū k'o nō hūn ndī rī e son Uzo-Jesu. ² Ə sī wē, “Unū e nwēhenghō Mmōn-nsō ogēn ənū gi kweri?” Wē nō sī, “Mba, enyi e ke nūtudē ni Mmōn-nsō rī a rī.” ³ Ya ə nō sī wē, “Ele mirin-Chuku kē wē mē nwān ụnū?” Wē nō sī, “Mirin-Chuku Jōnū.” ⁴ Polu nō sī, “Jōnū gi mirin mē ndī rogharinj mirin-Chuku, a gwa wē kwerini onye hū lalani ogēn ya lē enwen ə gi mēmēgū—ya wū, wē kweri ni Jesu.” ⁵ Ogen wē gi nū ihienni, wē nō gi əfan Di-nwōnni-enyi wū Jesu mē wē mirin-Chuku. ⁶ Ogen Polu gi bu ęka kwasi wē, Mmōn-nsō nō biakwasī wē, wē nō sumā asusū ndī ozō rī ichen-ichen, bumē amūma. ⁷ (Wē ile rī ihienni nōkē madū mmēbū.)

⁸ Polu nō jēnmē ụlo-ofufe ndī Ju. Ərogbo ifon eto, ə hū e jen d'a gwa wē oku, e ku banyeni Ali-eze Osolobue, e kusi iken, e mē ə n'o we-onya, keni wē kweri. ⁹ Kanī ogēn ndī hū imē wē gi gba isi-akwanran, jū n'e kwerikō wē, kujama oku Uzo-Jesu id'onya ihian ile imē ụnō-ofufe hū, Polu nō la wē tō. Ə nō weri ndī kwerini pū d'a kuzimē wē uhuhohin ile imē ụlo hū onye w'a kpo Tairanosi a nodī a kuzi nkuzi. ¹⁰ O mē ihienni ərogbo ahūa

ebuo, nke wu ni ndị ile bi Azụn Eshia nō nū oku Di-nwọnnyi-enyi, kē ndị Ju kē ndị wuleni ndị Ju*.

Umụ Skiva

¹¹ Osolobue gi Polu rụnsomme orun-atumenza pụ-iché, ¹² nke wu ni, wę weridé ekwa wę gi e finchan ọbanje le ewuru-orun metuguu Polu ehụ jenni ndị ọri, emu wę a la, eje-mmón a gha imé ndị wę rị imé wę pu.

¹³ Ya kē ndị hụ imé ndị Ju hụn a ghahumme a chupu eje-mmón nō cho ni wę gi ẹfan Di-nwònnyi-enyi wu Jesu chufu eje-mmón: wę hụ a sị eje-mmón ndị hụ, “M gi ẹfan Jesu hụn Polu rị e ku oku e a sị ụnu pụ!” ¹⁴ Umụ-ikennye ọsa onye Ju ohu w'a kpọ Skiva rị ndị rị e mē ihienni. Skiva wu onye ohu imé ndị nchụ-ejan kani. ¹⁵ Kani eje-mmón hụ nō sị wę, “A maringho m Jesu; a maringhozị m Polu—kani onye kē ụnu wu?” ¹⁶ Ya Okennye ahụn eje-mmón hụ rị imé e nō wukwasị wę, karị wę eka, mē wę mm'onuma, nke wu ni ọtọ kē wę gi gha ulo hụ gba, wę le ehụ o rụsoromme wę. ¹⁷ Ndị ile rị Efesosi, kē ndị Ju kē ndị wuleni ndị Ju nō nū ihienni; egun nō tuma wę ile; ẹfan Di-nwònnyi-enyi wu Jesu nō nwékenme ogbo.

¹⁸ Ozozị, ndị hụ imé ndị kwerini nō fufa id'anya ihiyan ile, koma onu eje-ihiyen ndị wę te rị a run. ¹⁹ Ndị hụn te gi ikèn eje-mmón a run lę ndị a gwə eje-ogun nō kpónhensomme ekukwo ndị wę gi a run ihiyen ndị ahụn d'a dun ọkụn id'anya ihiyan ile. Ogen wę gi gbakọ onu egho ehuhu ndị hụ, o gba ihiyen nō kē egho ọrun akp'ohin nnu isen-kwasị-ogun-isin. ²⁰ Ya kē oku Di-nwònnyi-enyi nō ghakenme ihun, weri onodị ọhunma-ọhunma.

Obodo Efesosi E Susuhu

²¹ Ogen ihiyen ndịnị gi megwu, Polu nō kwadembe obi e imé Mmón-nsø n'o jengwu Masédonia le Akaya n'o k'a gha ebéhụ jen Jerusalém. O nozị sị, “M jengwu Jerusalém, m k'e ruziriri Rom.” ²² Ya o nō zi madụ ebu imé ndị rị e yen'e eka—Timoti le Erastosi—si Azụn Masédonia; iya le enwèn e nō nodịzị imé Eshia ekere.

²³ Ogen hụ kē oken nsongbu gi püha imé Efesosi maké Uzo-Jesu. ²⁴ O nwé okennye ohu w'a kpọ Demetriosi hụn a kpụ uzun-ola-siva, e gi e a kpusomme ulo-mmón wę n'e fee mmón w'a kpọ Atemisi. Ọrun a e wehene ndị a kpụ uzun ọrun ọda-ọda. ²⁵ O nō kpokikomé ndị a kpụ uzun lę ndị ọzo wę ile gba a run ụdị ọrun hụ, sị, “Ikennye, onu a maringho ni ọrunni kē enyi gi a ban ihiyen. ²⁶ Bu onu e gigho nwan ntin ụnu nụ, gi enya hụn ni Poluni e giguo ihienni o rị e ku, nị mmón wę gi eka meme ele mmón, dorị ndị bu ọda; ele imé Efesosi suq k'o rị e mē ihienni, kani, o d'a ghagbaride Azụn Eshia ile. ²⁷ Oken eje-ihiyen rị e mē. Elede eje-efan ihienni k'e ye ọrun enyini suq, kani ulo-uku mmón-onyenyen uku wu Atemisi k'a wu tan ihiyen mmaka; ogbo a, hụn ihiyan ile rị imé Eshia le ụwa ile gi e fe e, a fapụ!”

²⁸ Ogen wę gi nū ihienni, olulu e bumé wę, wę nō yime oro, a sị, “Mmón-uku kē Atemisi ndị Efesosi wu!” ²⁹ Ya obodo hụ nō susuhu; wę nō zupuha, dokpụnrụn Gayosi le Arıstakosi, ndị Masédonia wę le Polu a wị e jenhumme, si ebe ihiyan ile a nō e zu. ³⁰ Polu te cho ni o jen imé igunrun hụ, kani ndị e son Uzo-Jizosị anin'a.

³¹ Kē ndị hụ imé ndị-isi Azụn Eshia hụn wu ndị ọsi Polu nō ziken n'e ozi, rịo a, y'a makwole-ama ru ebéhụ wę nō e zu.

³² Imé igunrun hụ, ndị hụ imé wę hụ e yi ihiyen ohu, ndị hụ imé wę hụ e yi ihiyen ọzo—makeni isusu jun imé igunrun ndị ahun zuni; imerinmę imé wę amarin ihiyen wę gbakikomeni. ³³ Ebe o mē ni Alézanda kē ndị Ju nupuha ihun, ndị hụ imé ndị ahun zuni nō sị Alézanda ya kume. Alézanda nō gi eka gwa wę gba-nkitin, choma n'o kinrin onu a idenyen igunrun ahụn. ³⁴ Kani hụn wę gihụ marin n'o wu onye Ju, wę nō gi olu ohu yime, “Oken-mmón kē Atemisi mmón ndị Efesosi wu!” Wę ile hụ e yi ihienni ihiyen nöké ọrogbo mgbahunme ọkụlökụ ebu!

³⁵ Ogen akan-we obodo hụ hụn rị a kídónni ndị Rom obodo hụ gi megwu igunrun hụ ile gba nkintin, o nō sị, “Ndị Efesosi, onye wu onye ahun marinleni ni ndị obodo Efesosi

* Isi Nke Mmitenęi:10 Griki: ndị Griki

ké ulo-uku mmón uku wú Atémisi rí eka, ni eka wé ké Atémisi wé kpú hún gha igwere dan rízíkwó? ³⁶ Ebe o mé ni w'a ra rú üká ihién ndíni, o furu ni ụnú gba nkíntin. O furuni ni ọnú mé ihién ọwúlę ụnú lebanleni énya. ³⁷ Makéni, ụnú e wéhégwu nwán ndíni ebeni bù o nwónni ihién wé zu imé ulo-mmón; e kujani wé oku mmón-onyénnyen ényi.

³⁸ Oméni Démétriosi lè ndí orún-nka ya le wé wí nwé onyé wé k'e kpe, ényi nwésonmè ụnó-ikpe, ndí Góvanó hún a kíní húzí a; wé jenmé ebéhú d'e kpe wé. ³⁹ Kani, oméni o nwónghozi ihién ọzó ụnú rí a chò kari ọnwan, ya wú ni ögwa ihián ile e zu† ké wé a nō leban a énya. ⁴⁰ Makéni, ihiénni mé tanní nwón ikéñ buhé ni ényi oku ebe ndí-ókíkí rí. O ru e du wé ényi kpe ni ényi rí a lú ni ényi weri enwén ényi—makéni o nwónni ihién ényi k'a saéka ku ni iya buhé isusuni.” ⁴¹ Ogén o gi kugú ihiénni, ya ọ nō gbashia ndí ahún ile zuni.

Isi Nke Ogún

Pólú E Jén Masédonia Lé Alí Grisi D'e Zi Ozioma

¹ Ogén isusu hú gi kúsígú, Pólú nō zi ozi kpókikomé ndí e són Uzo-Jesu; ọ gbagú wé umé, sigú wé nódí ọhúnma, ọ nō la wé tó si Masédonia. ² Ogen o gi ghagbarigú azúun hú ile, kugú ihién bu odata o gi gba ndí kwerini rísonmè ebéhú umé, ọ nō púha alí Grisi*; ³ ọ nō nódí ebéhú ifón etó. Ogén o gi nwán chò n'o gi ugbo-mirin lakin Azúun Siria hún Jerusalém rí imé e, ogén hú húra ké ndí Ju gi ri n'ę ngo, ọ nō gwérú sí n'ọ ghashi Masédonia lakin ya wú Siria. ⁴ Iya lè ndíni wé wí: Sopata nwa Pájrosí, onyé Béria; Arístakosí lè Sekondusu, ndí Tésalonika; Gayosí onyé obodo Débe; lè Timoti; lèzí ndí Eshia wú Taíkíkosí lè Trofímosí. ⁵ Ndíni wé nō bu úzó jenmé Trási d'e cheri ényi. ⁶ Ogén Mmémme Brédi Nwónleni Yisti a ghafegú, ényi nwén nō gi ugbo-mirin gha Filipi bumi, hún m'ę akp'ohin isen, ényi nō kunrun wé imé obodo Trási; ényi nō nódí ebéhú izu-üká.

Pólú E Jénzi Trási

⁷ O ru ụhúohín ibuzó imé izu-üká (ya wú nwán ụhúohín-üká), ogén ényi gi nogbama ni ényi ri Oríri-nsó, Pólú nō gwáma wé oku; ebe o mé ni eki fónhú, ọ lama, ọ nō kusónmè ya wú oku d'e ru imé abali. ⁸ Wé dónmesónmè ukpé bu odata imé mmughé hú rí elu hún ényi nō zu. ⁹ Okorobía ohu w'a kpó Yutikosí nódí alí enu windo. Ogén Pólú gi kuberi oku, ezigbo ụràn nō túma Yutikosí; ụràn hú nō buru e, ọ nō gha windo ulo hú mē wé etó imé elu, dan. Ogén wé gi bia d'e weli e, a hún w'a n'ọ nwúnhungu. ¹⁰ Pólú nō hidan, ọ nō hunúa, fiedon Yutikosí, sí, “Atúle ni egún, ni ọ hú ndún†.” ¹¹ Ya Pólú nō shi ibe elu hú ényi nō e zu. Ogén o gi bebegú brédi Oríri-nsó, kegú a, ényi e rigú, ọ nō kusónmezí, eki e we fón, ọ nō jenmé. ¹² Wé nwén nō weri nwata-okeñnyé hú lè ndún lama, obi nō rúchanrin wé alí.

A Gha Wé Trási Si Miletusu

¹³ Ényi nwén nō banye ugbo-mirin jenmegú obodo Asósí, ebe Pólú jéñkó d'a nō banye ni ényi imé ugbo-mirin hú. Énína ké Pólú sí ni ényi mē e—makéni ọ chò n'ọ gha akpakali. ¹⁴ Mgbe o gi kunrun ényi imé Asósí, ényi lè iya nō wírì gi ugbo-mirin hú si Mitailini. ¹⁵ Ényi nō gi ugbo-mirin gha ebéhú pú, eki e fón, ényi nō ru nchetalí ihun obodo Kiósí; eki e fónzi, ényi nō ru obodo Samósí; eki e fónzi, ényi nō ru Miletusu—¹⁶ makéni Pólú a kwademegu ní elé o k'a banye Efésosí, amamgbe ọ gha e bie imé Eshia—ọ rí a húhú n'ọ kéré n'a ru Jerusalém ụhúohín Mmémme-Pentikosu—oméni ọ rí nfe.

Oku Pólú Gwa Ndí-isí üká Rí Efésosí

¹⁷ Pólú nō gha Miletusu zi wé d'a kpó ndí-isí üká Efésosí bia d'e kunrun e. ¹⁸ Ogén wé gi bia, ọ nō sí wé, “Unú lè enwén ọnú a marínghó ké m dón bi ogén ahún ile m gi rí imé igunrun ọnú—ghákwoří ụhúohín ibuzó m zó üká ye imé Eshia; ¹⁹ ké m dón welúchanrin enwén m aní, gi énya-mirin fe Di-nwónni-ényi, e dingbuchanrin nsongbu ile bijani ní m

† Isi Nke Mmitenēi:39 hún e zu mgbe etó ahúa * Isi Nke Ogún:2 Grisi wú alí ndí Griki; Azúun Akaya k'ọ rí. † Isi Nke Ogún:10 Ekúkwó Ndí-nze Nke Ebúo 4.32-36

make ngo ndị Ju risonmè ni m. ²⁰ O nwɔnni ihiɛn ɔwule m marin k'e yeni ụnu eka, e seri m isi; alatoni m ikuzi ọnụ id'enyia ihiɛn ile le ụlo-ụlo, ²¹ a gwa k'e ndị Ju k'e ndị wuleni ndị Ju oku irogharị buru Osolobue le ikwerini Di-nwɔnni-enyi wu Jesu.

²² Kani, m jeniko nwan Jerusalem noké onye Mmɔn-nsø tu eriri ye olu sekpunko; a marin m ihiɛn k'e kunrun ni m ebēhu. ²³ Ihiɛn m marinhu wu ni imē obodo ɔwule, Mmɔn-nsø rị a gwa m ni ngan le nsongbu rị e che m. ²⁴ Kani o nwɔnni ihiɛn m kpọ ndịn m, sükpan ni m gbaguu oso‡ Osolobue si enyi gba, runguu orun Di-nwɔnni-enyi wu Jesu buche m eka—orun izisonmè ozioma banyeni ọhunma Osolobue me.

²⁵ A maringho m nwan ni o nwɔnni onye ɔwule imē ụnu ile m no imē igunrun we zisomè ozi Ali-eze hún jeniko d'a hunjí ni m.

²⁶ M rị nwan a gwa ụnu n'o nwɔnni onye ɔwule imē ụnu ędeke e rị m isi. ²⁷ Makeni, a gwachanringuo m ọnụ ihiɛn ile wu uche Osolobue, esekinni m enwen m azuun. ²⁸ Ya wu, lefụ ni nwan enwen ọnụ le igunrun atunrun hún Mmɔn-nsø buche ụnu eka enya. O tumeguo ụnu ndị-ndu keni ụnu du uka Osolobue, hún Osolobue gi ędeke Nwa a § nwéhen. ²⁹ A maringho m ni m puguu, eje-eworó k'a bia imē ụnu d'e ripu igunrun atunrun hu. ³⁰ Ndị hu imē ọnụ jeniko d'a rukpomadé ezioku keni we gi e dori ndị e son Uzo-Jizosi. ³¹ Ya wu, munrun ni enya; nyanhan ni ni ezuni m ik'en orogbo ahua eto, k'e uhinhin ke effinai, ebe m rị e gi enya-mirin a do onye ɔwule eka-ntin.

³² M rị nwan e we ụnu e che eka Osolobue le ozi banyeni ọhunma a, ozi e hún k'a s'eka me ụnu sue imē okukwe riké ụlo we n'a runshi elu—me ụnu rị ndị k'e nwéhen ihiɛn we k'e ye ndị ile we dòn nsø.

³³ O nwéni onye ɔwule egho e mobu goru e mobu ekwa a na m enya. ³⁴ Unu le enwen ọnụ a maringho ni m gi eka m luru ihiɛn mmé le ndị mmé le wi gi bi. ³⁵ E giguo m ihienni ile ghosi ọnụ ihiɛn ụnu e leri, n'o furu ni enyi gi irun erira e yeni ndị zeleni le ndị ibeñnye eka, a nyanhan oku Di-nwɔnni-enyi wu Jesu le enwen e ku, si, 'Iyen'i ka ngozi e wéhe karị iñarínni.'

³⁶ Ogen Polu gi kuguu, ya le we no sekpu ali, o no me ekpere. ³⁷ We ile hu a kwan ekwan, a kwanshi elu, e fiedon Polu, e su e onu. ³⁸ Ihiɛn kachanrin we a fu wu ni o si ni a hunkozị w'a; ya we no du e d'e ru ebe ugbo-mirin rị.

Isi Nke Ohu-kwası-ogun

Polu E Jenmè Jerusalem

¹ Ogen enyi gi ghaguu ebe we rị pu, enyi no gi ugbo-mirin jenmè, ghafe ozigbo ru obodo Koṣi; eki e fon, enyi no ru Rodisi; enyi no gha ebēhu si Patara. ² Ebēhu ke enyi no chorị ugbo-mirin jeniko Finishia, enyi no banye, jenmè. ³ Enyi e ru ebe enyi no leghama ali Saiprosi, enyi no nu e ye azuun eka-ekpen enyi, ghasi ndidan-mirin ali Saiprosi nyanshi ali Siria; enyi no nwan kusi ali Taya—makeni ebēhu ke ugbo ahun jeniko d'a no butu ibu. ⁴ Enyi no chorị ndị rị e son Uzo-Jesu rị ebēhu, son we nodị izu-uka ohu. Ghahanị ik'en Mmɔn-nsø we no si Polu ya ejenlè Jerusalem. ⁵ Kani, ogen enyi le we gi noguu, enyi no pu, jenmèzi ebe enyi jeniko. We ile le inyenmè we le ụmu we no gha imē obodo hu dupuha enyi, duru enyi d'e rukwori mkipenren mirin. Enyi ile no sekpu ali mkipenren mirin ebēhu me ekpere, ⁶ enyi no si ibe enyi nodị ọhunma. Enyi no banye ugbo-mirin jenmè, we nwèn nké no lama.

⁷ Ogen enyi gi ghaguu Taya pu, enyi no ru Tolemaiṣi; enyi no kele umunę enyi imē Kraistị rị ebēhu, son we nodị akp'ohin ohu. ⁸ Eki e fon enyi no pu, enyi no ru Sizaria; imē Sizaria, enyi no shi iwe Filipu hún e zisomè ozioma d'e son e nodị. Filipu rị Madu Esa hu we hopuha imē Jerusalem ogen mbu. ⁹ Umụ Filipu eno wu igbagba e bu amuma. ¹⁰ Enyi nodị ebēhu akp'ohin ole-le-ole.

‡ Isi Nke Ogun:24 nkuzi, obibi le agungun Jesu tumeni ndị nke e 1 Ndị Korenti 9.24-27; 2 Timoti 2.5, 4.7 § Isi Nke Ogun:28 ędeke ya le enwen e

Ogen hụ enyi gi rị ebéhụ, onyé-amúma ohu w'a kpọ Agabosi no gha Judia bịa. ¹¹ O no bịa d'e kunrun enyi, weri akpukpo-ukun Polụ, gi e kénmè enwèn e ụkụ lè eka, o no sì, "Mmon-nso sì, 'Enina kẹ ndi Ju rị Jerusalém k'a dòn kénmè onyé nwọn akpukpo-ukunni, w'e che eka ndi wuleni ndi Ju.' " ¹² Ogen enyi gi nụ ihienni, enyi lè ndi ozọ rị ebéhụ no rioma Polụ make o gha e jen Jerusalém. ¹³ Polụ no sì, "Kị ụnụ ride e mè ihienni—a kwan ekwan, e tiwa m obi? A kwademeguo m nị m jenkö Jerusalém—osuon'a nị we jenkö d'e gbu m ebéhụ make ufiri efan Di-nwónnni-enyi wụ Jesu—eledé nị we kénmè m suọ." ¹⁴ Ebe o mèni enyi asani eka gbehutọ obi e, o nwonzini ihièn enyi ku karị isi, "Uche Di-nwónnni-enyi ya me."

¹⁵ Enyi a noberi ebéhụ, enyi no kwademé, si Jerusalém. ¹⁶ O nwè ndi rị e son Uzo-Jesu gha Sizaria hún sónmèzi enyi, weri enyi si iwe Nnasin ebe enyi k'a nodi. Nnasin wụ onyé ohu imé ndi ibuzo kwerini, onyé aní Saiprosi k'o wụ.

Ihièn Ndi-isí Sí Polụ Ya Mèni Ụka Rị Jerusalém

¹⁷ Ogen enyi gi ru Jerusalém, ndi hún kwerini no nabanhán enyi ọhunma-ohunma. ¹⁸ Eki e fòn, enyi lè Polụ no wíri d'a hún Jemisi; ndi-isí ụka ile rizikwo ebéhụ.

¹⁹ Polụ e kelegu wé, o no gi uri-uri kowachanrin nị we ihièn ile Osolobue gi orun 'ya wụ Polụ mè imé ndi alí ndi ozọ wuleni ndi Ju.

²⁰ A nugu w'a, we no ja Osolobue mma. Ya we no sì a, "Polụ nwènè enyi, y'a hunolé nwan ndi Ju madu nnu ole-lé-ole kwerini; we ile nwè adudu Iwu Mozizi—w'a gi e gu egu kaka. ²¹ A gwaguo we we ni i rị a kuzi ndi Ju ile hún bisonmè alí ndi ozọ we latø Iwu Mozizi, a sì we a kwazile ụmụ we ugún, w'e dònmezile oménaли ndi Ju.

²² Kị enyi e mè nwan? We k'a nñiríri ni y'a biaguo. ²³ Mè nwan ihienni enyi jenkö d'a gwa i. O nwòn ikennye eno rị ebeni gi efan Osolobue kwe nkwa. ²⁴ Weri ikennye ndiní, 'yù lè uwé wíri jen d'e mèzu oménaли idon-nso: y'a kụ nị we ugwo w'e gi kopu we ntutu. Ihian ile k'e gi e marín ni ezioku a rị imé ihièn we nụ ni 'ya k'í rị e mè, a marinizikwo we ni 'yù lè enwèn i e bi kẹ Iwu Mozizi dòn kụ. ²⁵ Kaní, nke ndi wuleni ndi Ju hún kwerini, enyi e zijenguo ni we ekukwó-ozí gwa we ihièn enyi kwerigbama we sikò d'e mè. Enyi sì we erilé ihièn ọwule we gi rúa mmón; w'e rile edeke móbu anú ọwule we rukwón olu; w'a ghérele."

²⁶ Ya Polụ no kweri. Eki e fòn, o no weri ikennye ndi hụ d'e mèzu oménaли we gi e dòn nso. Ogen ya le we gi mezugu oménaли idon-nso, o no banye imé Ulo-nso d'e mè we marín akp'ohin ole idon-nso hụ sikò d'a nòru, we kebe chụ ni onyé-onyé imé we ejan.

A Nwùnrun Wé Polụ Imé Ulo-nso

²⁷ Kaní, akp'ohin esa hụ e d'e zuguu, ndi hụ imé ndi Ju gha Eshia bịa no hún Polụ imé Ulo-nso. We no kpasu igunrun hụ ile, we no kwondon Polụ, ²⁸ yimé oro, a sì, "Ndi Izrelù! Bịa ni-o! Onwan wụ okennye hụ hún e jensonmè ebe ile, a kuzi onyé ọwule, e kuja oku ndi Izrelù lè Iwu enyi wụ Iwu Mozizi lè Ulo-nso. Eledé ohun suọ, o webanhanguozị nwan ndi wuleni ndi Ju imé Ulo-nso, mèrụ ebeni rị Nso!" ²⁹ (We ku ihienni makéni we hún Trofimosi onyé Efesoși lè Polụ imé obodo, we ro ni Polụ e webanhanguo a imé Ulo-nso.)

³⁰ Obodo hụ ile no susuhu, ihian ile no zùnpuhá. We no kwondon Polụ, dokpupu a, kpopinsonmè onumuzo Ulo-nso ozigbo. ³¹ Ogen we gi rị a cho ni we gbu Polụ, ozi no ru onyé-isi-agha kaní a kí itu-agha ndi Rom hún rị Jerusalém ntin ni Jerusalém ile e susuhu.

³² Ozigbo ahun, onyé-isi-agha kaní hụ no werisonmè ndi-agha lè ndi a kí ndi-agha ogun-isen, ogun-isen hún rị okpuru e, gi oso kpotu, zùnban imé igunrun ahun. A hún we ndi-agha hụ, ya we no gbubehi Polụ. ³³ Onyé-isi-agha kaní hụ no jenburu Polụ, nwùnrun a. O no sì we gi egan ebüo kpoma a; ya o no sì we, "Onyé wụ okennye? K'o mè?" ³⁴ Igunrun hụ hụ e yi oro: ndiní hụ e yi ihièn ohu, ndiní hụ e yi ihièn ichen: onyé-isi-agha kaní hụ asazini eka chöpuha ihièn hún mèni makéni isusu hụ e hiké. Ya o no sì ndi-agha a we Polụ si imé barakí, ebéhụ uwé wụ ndi-agha bi. ³⁵ E jenru we nkponyi we gha e nyinban, ya kẹ ndi-agha hụ no buru Polụ makéni enya tumé igunrun hụ. ³⁶ Igunrun ahun hụ e sòn we, e yi, "Gbu n'e! Gbu n'e!"

Połu E Kinrin Onu A

³⁷ Ogèn ndị-agha hụ gi rị a chọ nị wẹ weri Połu si imẹ ebéhụ wẹ bi, Połu nọ sị onyé-isi-agha kanị hụ, “N’i cheri nị m gwa i oku?” Onyé-isi-agha kanị hụ nọ ju a, sị, “Y’asụ Griki?

³⁸ Ya wụ, eélé ‘yụ wụ onyé Ijiptu hụ bulúmanị ndị rị a kínị, kírị ndị ikpatañ nnu iri ahụn shi imẹ atụ?” ³⁹ Połu nọ sị, “M wụ onyé Ju. Tasosị rị Azụn Silisia kẹ wẹ nọ mụ m. M wụ nwa di-alị Tasosị, obodo rị mkpa. Dodo, nị m gwa ndinị oku.” ⁴⁰ Hun onyé-isi-agha kanị hụ gi ye e efe n’o ku, Połu nọ wuzo enu nkponyi, fe eka nị wẹ gba nkintin. Ogèn wẹ gi gbagụ nkitin, Połu nọ gi asusụ wẹ wụ Hibrụ gwa wẹ oku.

Isi Nke Ebụo-kwasi-ogun

¹ “Umuné m lẹ ndị-nédi ényi, gon ni ntịn nị m kinrin onu ml!” ² Ogèn wẹ gi nụ k’o rị a sụ asusụ wẹ wụ Hibrụ, wẹ nọ gbakenmę nkintin. Ya Połu nọ kumé: ³ “M wụ onyé Ju. Tasosị rị imẹ Azụn Silisia kẹ wẹ nọ mụ m, kanị imẹ Jerusalém ebeni kẹ wẹ nọ zụn m. Gamalielụ zụn m. Wẹ zụn m zụnru m anị ebe Iwu ndị-nédi ényi kanị rị; m’te dunnị Osolobue kẹ okun leké kẹ onu ile dọn rị a dunn’atanni. ⁴ M kpokpo ndị rị e son Uzoni, kpokpo wẹ ru onwụn. M’kpoma kẹ ikennye kẹ ikpoho egan, a tụ wẹ e ye imẹ ulo-ngan. ⁵ Onyé-isi nchü-ejan lẹ Ndị-isị k’e ri-eka shianị m eri. M narindé wẹ ekukwọ m wekoni ndị Ju rị Damas’kosi keni m d’kpoma ndị rị ebéhụ rị e son Uzoni egan, wéhẹ wẹ Jerusalém d’e ye afunfun.”

Połu E Ku K’o Dọn Gbehutö

(Orun Ndị-Ozi 9.1-19; 26.12-18)

⁶ “Ogèn m gi jenkö, e rumé m ehụ Damas’kosi ogèn hụ anwụn gi e ru isi, ukpē ohu nwungbu enwèn e nō gha elu-igwee nwunkpu m idenmizi. ⁷ A dan m, m nō nụ olu hụn rị a sị m, ‘Sọlụ, Sọlụ, k’i rị e kpokpo ni m?’ ⁸ M nō za, sị, ‘Onyé k’i wụ, Di-nwọnni-m?’ O nō sị m, ‘Mmè wụ Jesu onyé Nazareti—hụn i rị e kpokpo.’ ⁹ Ndị hụn mmè lẹ wẹ wị a hụngħo ukpē hụ, kanị aghotani wẹ ihién olu onyé hụn rị e kuni rị a gwa m. ¹⁰ Ya m nō sị, ‘Di-nwònni-m, kínị kẹ m k’e mè?’ Di-nwònni-ényi nō sị m, ‘Lihi ọtọ n’i shi Damas’kosi—ebéhụ kẹ wẹ k’ā nō gwa i ihién ile Osolobue keton’i i jenkö d’e mè.’ ¹¹ Ebe o mèni asazini m eka legha uzo—makèni ukpē hụ e nwunkemeké, ndị mmè lẹ wẹ wị nō kwondon m eka, duban m imẹ Damas’kosi.”

¹² “Ime obodo hụ, o nwon okennye ohu w’ā kpó Ananayasi, hụn e fekenmę ofufe nōké kẹ Iwu dọn ku. Ndị Ju ile bi ebéhụ e ku oku e ọhunma. ¹³ O nō bia d’e kunrun m, turuye ni m, sị, ‘Sọlụ nwèn m, leghamazi uzo!’ Ozigbo, m nō leghamazi uzo, m nō hụn a. ¹⁴ Ya ọ nō sị, ‘Osolobue ndị-nédi ényi a horiguo i n’i marin uche e, n’i hụn Onyé hụ Rị Ochan, nuzikwọ kẹ o gi olu e gwa i oku. ¹⁵ Makèni i jenkö d’a wụ ọsheri e, hụn jenkö d’e we ozi e jenñi ụwa ile, a gwa wẹ ihién i hụn lẹ ihién i nụ! ¹⁶ K’i rị nwan e che!? Lihi nị wẹ mè i mirin-Chuku, keni wẹ chanchanpụ i njø i, ebe i kpokukọ ẹfan a.’”

Kẹ Osolobue Dọn Kpó Połu

¹⁷ “Ogèn m gi lụagụ Jerusalém, ebe m rị imẹ Ulo-nsø ụhụohin ohu e mè ekpere, idenmizi, o nōké sị ụran buru m bụ eélé ụran. ¹⁸ M nō hụn ọhun. M nō hụn Jesu k’o rị a sị m, ‘Mè nwan n’i gha Jerusalém pụ ozigbo, makèni, anabanhankọ wẹ ihién i jenkö d’e ku banyeni m.’ ¹⁹ Ya m nō sị, ‘Di-nwònni-ényi, wẹ lẹ enwèn wẹ a maringuo nị m’e jensomnme ulo-ofufe ile, e gbu ndị kwerini n’i ili, a tụ wẹ ngan; ²⁰ a maringhozi wẹ nị m wuzo ụsuo a kwadon ọnwụn ọsheri i wụ Stivin’, ogèn hụ wẹ gi rị e gbu e, nị mmè kwondon nị ndị rị e gbun’e ewuru wẹ.’ ²¹ Ya ọ nō sị m, ‘Jenmè! M k’e zi i jen ebe teni d’e kunrun ndị alị ndị ọzo wuleni ndị Ju.’”

²² Igurun ahụn hụ e gon Połu ntịn d’e ru ebe o nō ku okuni, ya wẹ nō yimé, “Wefu nị onyé nō énína imẹ ụwanị! O furuni onyé w’ā nị rị ndun.” ²³ Wẹ hụ e yi, e fe ekwa wẹ, a buosi uzunzun elu. ²⁴ Ya onyé-isi-agha kanị hụ nō sị ndị-agha a webanhan Połu imẹ ebéhụ wẹ bi; sị wẹ fjan a mkpinsin n’o hụn ụzo ku ihién hajin ndị Ju gi rị a hị a hụnnị ile, e yi ụdị oroni. ²⁵ Kanị ogèn wẹ gi kēnmegụ a nị wẹ fjan ihién, Połu nō sị onyé ohu turu

Orun Ndị-Ozi Isi Nke Ebụo-kwasi-ogun:26 173 Orun Ndị-Ozi Isi Nke Etọ-kwasi-ogun:19

ehu nsue hụ a kị ndị-agha ogun-isen, “Iwu ndị Rom e kwerigho nị onu fian nwa-di-alị Rom’ ihiẹn bụ ahangbuni w’ę enen ọwule?” ²⁶ Ogèn hụ a kị ndị-agha ogun-isen gi nụ ihienni, o nọ jenburu onye-isi-agha kanị hụ, sị a, “K’i cho n’i mè? Okennyę hụ wukwo nwa-di-alị Rom!”

²⁷ Ya kẹ onye-isi-agha kanị hụ no jen d’e kunrun Pölụ, sị a, “Gwa m, i wụ nwa-di-alị Rom?” Pölụ no sị a, “Eghee.” ²⁸ Onye-isi-agha kanị hụ no sị, “Egho m kụ nị m d’a wuru nwa-di-alị Rom’ e hikewo-o!” Kanị Pölụ no sị, “Wè mude m nwa-di-alị Rom.” ²⁹ Ozigbo hụ, ndị ile te k’ a fian Pölụ mkpiñsin, n’o ku ihiẹn mieni, no seri isi wę; egun hụ a tụ onye-isi-agha kanị hụ nké makeni ọ hunguọ nị Pölụ wụ nwa-di-alị Rom bụ o te kpomaguo a ega.

E We Wę Pölụ Jen Ogwaa Ndị-isi Nkíkwama Izreļu

³⁰ Makeni onye-isi-agha kanị hụ cho n’o marin ihiẹn ndị Ju rị kpe ni Pölụ, ogèn eki gi fọn, o nọ kpopụ Pölụ ega, kpozu ndị-isi nchü-ejan le ndị-isi ile. Ya o nọ wehe Pölụ, bu e tumē ihun wę.

Isi Nke Etọ-kwasi-ogun

¹ Pölụ no bu enya tuma Ndị-isi Nkíkwama hụ, sị, “Umunę m, e giolę m obi rị ọchan bi elu m id’anya Osolobue d’e ru tannị.” ² Ya onye-isi nchü-ejan wụ Ananayaşı no sị ndị nökunme Pölụ fian a ihiẹn onu. ³ Ya Pölụ no sị a, “Osolobue k’ a fian ‘yụ nwèn ihiẹn; ụsuo-ejan wę gi ihiẹn ọchan tekin k’i wụ! I nödị oche ebęhụ e gi Iwu e kin m ikpe, bụ i hụ a dan Iwu ebe i nō sị wę fian m ihiẹn?” ⁴ Ndị hụ nochimé Pölụ no sị a, “Egun a n’i kpari onye-isi nchü-ejan Osolobue?” ⁵ Pölụ no sị, “Umunę m, a marin m nị onye-isi nchü-ejan ro; makeni e deguo w’ a imé Ekukwo-nsø, sị, ‘Ekujalé oku onye-ndu onu.’ ”

Pölụ E Gi Akọ Wanahin

⁶ Ogèn Pölụ gi marin nị ndị hụ imé wę wụ ndị itu Sadusi, ndị hụ wụ ndị Itu-Farisi, o nō yi oro, sị, “Umunę, m wụ onye Farisi, onye itu ndị Farisi. Wę rị nwan e kin m ikpe maké olil’anya nị ndị nwùnnị jenkö d’e lihi!” ⁷ Ogèn o gi ku okuni, ndị itu-Farisi le ndị itu-Sadusi rịsonmè imé Ndị-isi Nkíkwama hụ no doma, Ogwaa ahun nō kebe. ⁸ (Makeni ndị itu-Sadusi a sị nị ndị nwùnnị elihikö, a sizi nị kẹ ndị mmɔn-ɔzi kẹ mmɔn ari. Kanị, ndị Itu-Farisi kwerichanrin nị ihiẹn etonị rị ari.) ⁹ Eregede isusu nō bidon. Ndị hụ imé ndị-nkuzi Iwu hụn rị itu ndị Farisi nō lihi ọtọ, doma okuni, sị, “Enyi ahunnnị eje-ihiẹn ọwule okennyenị mè. Onye ma kẹ mmɔn* mọbụ mmɔn-ɔzi gwa a oku?!” ¹⁰ Ogèn isusu hụ gi k'enren, egun a bia onye-isi-agha kanị hụ nị w’ e d’ a dökika Pölụ, ya o nō sị ndị-agha a wę jen d’ e gi iken napuha wę Pölụ, webanhan a imé ebe ahun wę ndị-agha bi.

¹¹ Imé uhinhin hụ, Di-nwɔnni-enyi nō nwɔnpuha, wuzoyeni Pölụ, sị a, “Kwondon obi i! Makeni, k’i dòn shia ni m éri imé Jerusalém, ərira k’i k’ a dòn shiazị ni m éri imé Rom.”

E Rini Wę Pölụ Ngo Nị Wę Gbu E

¹² Eki e fọn ụtuntụn, ndị hụ imé ndị Ju nō zugbama, kun Osolobue, sị erikö wę, arako wę, d’ e ru ni e gbuguụ wę Pölụ. ¹³ Wę karị madụ ogunnaị zu izuni. ¹⁴ Ya wę nō jenburu Ndị-isi nchü-ejan le Ndị-isi, sị wę, “Enyi e kunguọ Osolobue, kwę nkwa nị isi wụ isi—enyi erikö ihiẹn ọwule d’ e ru ni enyi e gbuguụ Pölụ. ¹⁵ Unu le Ndị-isi Nkíkwama, zi ni nwan ozi jenni onye-isi-agha kanị ndị Rom, n’o wehe ni unu Pölụ. Ku n’e nökész unu cho nị unu lebankenmè oku e enya; enyi nwèn a kwademeguo nị enyi gbu e o gini d’ e ru ebeni.”

¹⁶ Kanị okorobia ohu nwènē Pölụ okpoho mụ nụ ngoni wę ri. Ya o nō jenmè barakị hụ ndị-agha bi d’ a gwa Pölụ. Wę nō nị a banye d’ a gwa a. ¹⁷ Pölụ no kpọ onye ohu rị ebęhụ hụn rị ndị a kị ndị agha ogun-isen, ogun-isen, sị a, “We okorobianị jenni onye-isi-agha kanị, n’o nwɔn ihiẹn o k’ a gwa a.” ¹⁸ Hụn a kị ndị agha ogun-isen nō weri e d’ e kunrun onye-isi-agha hụn kanị, sị, “Onye-ngan hụ wụ Pölụ kpọ m, sị m wehe n’i nwata-okennyenị n’o nwɔn ihiẹn o k’ a gwa i.” ¹⁹ Onye-isi-agha hụn kanị nō kwondon

* Isi Nke Etọ-kwasi-ogun:9 Elekwọ iyi wę koma kẹ wę rị e ku ebeni.

nwata hụ ẹka, we e si ụṣuọ, jụ a, sị, “K'i nwọn y'a gwa m?” ²⁰ O nọ sị a, “Ndị-ndu ndị Ju e kwerigbamagụọ nị wẹ k'a sị i wehé Polụ Ogwa Ndị-isı Nkìkwama ekile. Wẹ k'e mè kẹ sị Ndị-isı chọ nị wẹ lebankenmè oku e enya. ²¹ Kani, egonkwole wẹ ntịn, makeni ikennye wẹ hụn warị ọfia e che e karị ogunnaị. E kunguọ wẹ Osolobue, nị erikọ wẹ, arakọ wẹ d'e ru mgbe wẹ gbuguọ e; a kwademegụọ wẹ nwan e che n'i kweri wehé e.” ²² Onye-ndu-agha hụn kani nọ sị a, “Agwakwole onye ọwule nị 'y'a gwagụọ m okuni.” Ya o nọ zi nwata-okennye hụ la.

E We Wẹ Polụ Jennis Goyano Wu Felisi

²³ Ebéhụ kẹ onye-isi-agha hụn kani nọ kpọ madụ ẹbuọ hụn a kị ndị agha ogun-isen, ogun-isen, sị wẹ, “Kwademē ni nị ụnu jen Sizaria: weri ni ndị-agha ogun-iri e gi ụku e jen, ndị-agha iri kwasi ogun-eto ndị e gi eshin a lụ agha lezi ndị-agha ogun-iri ndị e gi obo a lụ agha. Kwademē ni nị ụnu gi ọkụlukụ itenei ukinkinni jenme. ²⁴ Kwademēzi ni ni Polụ eshin hụn o k'e nyin, ọnu e du e jennis Goyano wụ Felisi, aníkwole ni ihiẹn ọwule m e.” ²⁵ Ya onye-isi-agha ahụn kani nọ de ẹkụkwọ-ozi. Ihienni k'o de:

²⁶ “Mmè wụ Klodiosi wụ Laisiasi ri e dejenni Goyano wụ Felisi; e kele m'i. ²⁷ Ndị Ju ile kwondon okennyen, a chọ nị wẹ gbu e. Ogen m gi marịn nị nwa-di-alị Rom rọ, ya m nọ weri ndị-agha d'a gbapuha a.

²⁸ Makeni m chọ nị m marịn ihiẹn hụ wẹ rị a ma n'a ikpe, m nọ we e jen Ogwa Ndị-isı Nkìkwama wẹ. ²⁹ A hụn m'a nị oku Iwu wẹ kẹ wẹ rị a man'a a ikpe—n'o nwọnni ihiẹn o mè hụn w'e gi tụ a ngan mọbụ gbu e. ³⁰ Ogen ozi gi ru m ntịn nị wẹ rin'e ngo, m nọ sị nị m zihé n'i y'e ozigbo. A gwagụọ m ndị-ikpe e wẹ d'e kunrun i, nị wẹ nọ idenya i ku ihiẹn wẹ sị nị ya k'o mè.”

³¹ Ya ndị-agha hụ nọ mè k'o don gwa wẹ: wẹ nọ gi imẹ uhinhin we Polụ sìkwori Antipatrisi. ³² Eki e fòn, ndị gi ụku nọ lakin, hapụ ndị gi ẹshin nị wẹ lẹ Polụ wịri. ³³ E ru wẹ Sizaria, wẹ nọ we ẹkụkwọ-ozi hụ ye Goyano, we Polụ che ihun e. ³⁴ O gụnguụ ẹkụkwọ-ozi hụ, o nọ jụ Polụ kẹ onye elee Azụn k'o wụ imẹ alị-eze Rom. Ogen o gi nụ nị onye Azụn Silisia rọ, ³⁵ o nọ sị, “M k'a nụ ọnu i ogen ndị-ikpe i e gi bia.” O nọ sị ndị-agha chedon e imẹ ogwa a, ogwa hụn Herodu tun ebéhụ.

Isi Nke Eno-kwasi-ogun

Ikpe Hun Ri Egbata Ndị-Ju Lẹ Polụ

¹ Hụn mè e akp'ohin isen, Ananayasi wụ onye-isi nchụ-ejan lẹ ndị hụ imẹ Ndị-isı lezi oka-iwu w'a kpọ Tetulosi nọ bia ọgwa Goyano. Wẹ nọ kpe Polụ ẹka Goyano. ² Ya wẹ nọ kpopuha Polụ. Tetulosi nọ kinmè ihiẹn wẹ rị e kpe n'e, si,

“Onye ikpen ile rịni, okikị i e weheguọ nị enyi udon kete-ele-mgbe; iroro-oma y'a tụ e donzimeguọ nị ndị alini ihiẹn. ³ Ogen ile lẹ ụzọ ile kẹ efọ gi a suokènme enyi ụṣuọ make ihiẹn ndịni. ⁴ Kani achonị m nị m riké i ogen, m rị a rịo nwan n'i mè ọhunma gonzi enyi ntịn kẹ i don e mè mbụ, ni m be oku nke-nke.”

⁵ Enyi a ụhunguọ a nị okennyen e yesonmè nsongbu ọda-ọda. O ghasonmè, e se isusu ebe ọwule ndị Ju rị enu ụwa ile. O wuzikwọ onye ohu imẹ ndị-ndu itu Onye-Nazareti ahụn. ⁶ O te rịzi a chode n'o mèrụ Ụlo-nsọ, ya enyi nọ nwündon e. [Nkẹ enyi e te gi Iwu enyi kin e ikpe, ⁷ kani onye-isi-agha kani wụ Laisiasi nọ gi iken bia d'a napụ enyi 'ya, sị ndị ikpe e bia d'e kunrun i.] ⁸ I jụ a ajuju, 'yụ lẹ enwèn i k'a saeka marinkwama ihiẹn ile enyi rị e ku nị ya k'o mè.”

⁹ Ndị Ju nọ kwadon Tetulosi, sị nị ihiẹn ndịni ile wụ ezioku.

Polụ E Kinrin Ọnu A Ihun Felisi

¹⁰ Ogen Goyano gi fe ẹka gi sị Polụ ya ku nwan, ya Polụ nọ sị, “A maringuo m n'o mèople ahụa ole-le-ole i wụ ọka-ikpe alini; ya wụ, efọ rị a suọ m ụṣuọ ikinrin Ọnu m ebe i rị.

¹¹ I k'a saeka chopuha n'o karinị akp'ohin mmèbụọ kete m'e jenle Jerusalem d'e fe ofufe.

¹² O nwònni onye ọwule wẹ hụn mmè lẹ iya rị a dō ndondö imẹ Ụlo-nsọ; o nwònni ndị wẹ hụn m rị a kpasu—kẹ imẹ ụnọ-ofufe kẹ imẹ obodo hụ ile. ¹³ Asakọ wẹ ẹka ghosi nị ihiẹn

wé rị nwan e ku ni 'ya kẹ m mè wụ ezioku. ¹⁴ Kanị m k'a saeka gwa i ni ihien ohuni wụ ezioku: Uzo hụ wé rị e ye eje-efan kẹ m gha e fe Osolobue ndị nedi enyi kanị; m kweyeni ihien ile wé de imē Iwu Mozizi lę hụn wé de imē ekukwọ ndị-amumma. ¹⁵ M nwọn olil'enya imē Osolobue—olil'enya ohu hụ hụn ndịni lę enwen wé nwọn imē Osolobue: ni kẹ ndị ezi-omumé kẹ ndị njø jenkö d'a gha ɔnwụn lihi. ¹⁶ Ufiri e kẹ m gi a nwan iken m ogən ile, igi hụn a ni obi m rị ochan ebe Osolobue lę ihian rị."

¹⁷ "O teguo m biademe Jerusalém; ya m nozị nwan bia ni m ye ndị nke m ihien ndị w'e gi yeni ndị ibegennye eka, leni m hụn uzo chü-ejan. ¹⁸ Iya kẹ m rị nwan kẹ wé hụn m imē Ulo-nsø: o mè nke omenalị idon-nsø, a riguołe m uchan ogən wé gi hụn m; o nwọnni ığunrun mmé lę wé wi; o nwonzikwonị isusu rini. ¹⁹ Kanị o te nwongho ndị Ju gha Azụn Eshia bia rị ebéhụ, k'o furu nwan wé lę enwen wé bia ebeni d'e ku onu wé id'enya i, omeni o nwọn ihien wé si ni 'ya kẹ m mè! ²⁰ Mọbu ya judele ndịni rị ebeni kẹ elee eje-ihien kẹ wé hụn ni ya kẹ m mè ogən m wuzo ihun Ogwa Ndị-isı Nkíkwama, ²¹ mmanị ihien ohuni m yi oro ku kẹ m wuzo ihun wé: 'Unu rị e kinkwọ m ikpe tannị makeni m kweri ni ndị nwunni jenkö d'e lihi!'

²² Kanị Govano wụ Felisi, hụn marinchanchingụ banyeni Uzo-Jesu, nō bu ikpe hụ si ihun, si wé, "Unu jenkö d'e cheri ni onye-isi-agha kanị wụ Laiṣasị bia m kebe han ni unu enen." ²³ O nō si onye-isi agha hụn a kị ndị agha ogun-isen ya hụn a ni wé kwondon Polu, ka wé e yen'ē efe ekere, a ni ndị ɔwụ a a bia d'a hụn a, e ye e ihien rị a mkpa.

Polu A Gwa Govano lę Nwunyę E Oku-Chuku

²⁴ O mepu akp'ohin ole, Felisi lę nwunyę e wụ Drusila nō bia. Drusila wụ onye Ju.

Felisi nō zi wé kpọ Polu. Wé nō gonme e ntin k'o rị a gwa wé oku ikweri ni Kraistị wụ Jizosị. ²⁵ K'o don rị e ku oku ezigbo obibi Chuku chọ lę ikwondon-enwen-ihian lę Okinkin-ikpe lalanị, egun nō tuma Felisi. O nō si, "I k'e jenmegụ, m nwọn efe a kpozi m'i." ²⁶ O huzi a tu enya ni Polu jenkö d'e ye e egho; o hụ e gi ufiri e e zisomme wé d'a kpo Polu mbu-le-ebuo, e son e e ku oku. ²⁷ Ahụa ebuo a ghafegụ, Poshiosi wụ Festosi nō henrin Govano, nòkin enya Felisi. Makeni Felisi choko ni ndị Ju ku n'e ɔhunma, ya o nō la Polu tó imē ngan.

Isi Nke Isen Kwasi Ogun

Polu A Si Wé We Oku E Jenni Eze-kanị Wụ Siza

¹ Hụn mè e akp'ohin eto Festosi bia d'a kima Azụn ahụn, o nō gha Sizaria jen Jerusalém. ² Ebéhụ kẹ ndị-isı nchü-ejan lę ndị-isı ndị Ju nō kinghosị a oku Polu, rịo a ³ n'o mè ɔhunma zihé ni wé Polu Jerusalém. Makeni e riguo wé ngo wé e gi gbu Polu uzo, o lalanị. ⁴ Festosi nō za wé, si, "Sizaria kẹ wé buto Polu, bu m kinko ebéhụ egwa. ⁵ Ya wụ, ndị isi unu wé sonmè m jen Sizaria, ni wé lę okennye hụ d'e kin, omeni o nwọn eje-ihien ɔwule o me." ⁶ Ogen Festosi gi songụ wé nodi—o nòkarinị akp'ohin esato mọbu iri—o nō si Sizaria. Eki e fòn, wé nō bia ogwa a. O nō nodi elu Oche Okinkin-ikpe, zi wé d'e wéhe Polu. ⁷ Ogen Polu gi puhā, ndị Ju hụ gha Jerusalém' bia nō fihunmè e, kinmè eje-ihien bu-oda jogbu enwen e wé si ni 'ya k'o mè, bu asani wé eka ghosị ni ezioku rọ. ⁸ Kanị Polu nō kin onu a, si, "Adannị m iwu ndị Ju mọbu iwu Ulo-nsø mọbu iwu eze-kanị wụ Siza."

⁹ Kanị Festosi chọ n'o mèyeni ndị Ju, ya o nō juma Polu, "Y'a chogho n'i jen Jerusalém, ni wé nō id'enya m kin i ikpeni ebéhụ?"

¹⁰ Polu nō si, "Ogwa eze-kanị wụ Siza tumé kẹ m rị hunnị, ebe furu wé k'a nō kin m ikpe. O nwònni eje-ihien ɔwule m mè ndị Ju—'yü lę enwen i a marinchanchingụ ɔhunma-ɔhunma. ¹¹ Omeni m mè eje-ihien hụn w'e gi gbu m, arị m a chọ uzo m'e gi wanahin ɔnwụn. Kanị, omeni o nwени ihien w'e kwondon eka imē ihien ndị wé si ni 'ya kẹ m mè, o nwònni onye jenkö d'a saeka bu m che wé eka. We ni m jenni eze-kanị wụ Siza n'o gi eka a kin m ikpe!"

¹² Ogen Festosi lę ndị a dùn a ọdùn gi tüğbamagụ iroro, ya Festosi nō si Polu, "Y'a sigo wé we i jenni eze-kanị wụ Siza; Siza ahụn k'i burukọ."

E Wéhé Wé Polu Ihun Eze Wú Agiripa Lé Okpoho W'a Kpo Benáisi

¹³ Akp'ohin ole-né-ole a ghagụ, eze hún rí a kí ndí Ju wú Agiripa lè (okpoho w'a kpo) Benáisi nō bia Sizaria d'a sì Festosí anụa. ¹⁴ Ogen ahun wé gi nódí ebéhụ akp'ohin ole-lé-ole, uhúohin ohu, Festosí nō wepúha ní eze hú oku Polu, sì, “O nwón okénnye ohu Félisi lató imé ụlo-ngan; ¹⁵ ogén m gi rí Jerusalém, ndí-isí nchú-ejan ndí Ju lè ndí-isí ndí Ju nō wepúha oku e, sì m ma a ikpe. ¹⁶ Kaní, m nō sì wé ní ényi ndí Rom' a ra we onyé wé kpe ye ndí kpen'e, bụ 'ya lè ndí kpen'e e ke turu kin elee-m elee-i, o hún oghere kinringü nónu a.

¹⁷ Ogen wé gi nwan zu ebeni, e tuhu ni m ogén ọwúlę, kama, eki e fon, m nō zi wé kpo ogwa, nódí alí elu Oche Okinkin-ikpe, zi wé wéhé okénnye hú. ¹⁸ Ndí kpe n'é nō lihi otó kinmę, kaní ele ụdí eje-ihien m ro ní ya rí e se kē wé kin. ¹⁹ Kama, wé nō kinsónmę oku ofufe hún wé lè Polu rí a dò lè oku okénnye ohu w'a kpo Jizosí, hún nwúnhunguní, kaní Polu hú e ku e e kushi iké n'o rí ndún. ²⁰ Amarinzí m ihien m k'e mē gi choftuha aní oku ndíni, ya m nō jú Polu k'o chogho n'o jén Jerusalém, ní wé nō ebéhụ kin e ikpe banyeni ihien ndíni wé sì ní 'ya k'o mē. ²¹ Kaní ogén Polu gi sì ényi na a tó ebeni d'e ru ni eze-kaní wú Siza e gi éka a leban oku e énya, ya m nō sì wé kwondon e d'e ru mgbe m saéka zi e jenni Siza.” ²² Agiripa nō sì Festosí, “Nké o súo m ní m gi ntín m nū onu okénnyení.” Festosí nō sì a, “Ekile y'a nū onu a.”

²³ Eki e fon nwan, Agiripa lè Benisi nō gi okéñ ogóhó ndí-nze banhan imé-ụlo uku hú, wé lè ndí-isí-agha kaní lè ndí wé marín amarín imé obodo hú wí banhan. Festosí nō zi ndí orun a d'e webanhan Polu, wé nō webanhan a. ²⁴ Festosí nō sì, “Eze wú Agiripa lè ihien ile rí ebeni, lee ni okénnyení ndí Ju ile rí e kpe éka m, kē imé Jerusalém kē ebeni, e yi oro, a sì n'o furuzini n'o rí ndún. ²⁵ Kaní ahunní m njó o mē hún wé e gi ma a ikpe ọnwún. Kaní, hunní o sì ényi we e jenni eze-kaní wú Siza, e kwerighó m ní m jenkó d'e zi e jenn'e. ²⁶ Bü ahunní m nwan ihien m'e kwondon éka hún m'e gi dejenni nna m wú Siza ekukwó banyen'e. Agiripa, iya hain m gi nwan wepúha a ebeni ụnú ile rí, tumadú ebe 'yú lè enwén i wú eze rí, keni m hún ihien m k'e kwondon éka de ya wú ekukwó-ozi, ényi jugüü a ajuju. ²⁷ Makení, o jogbu enwén e ní m zi onyé-angan jenni eze-kaní bụ o nwéni ihien m hún ku ní iya kē wé sì ní ya k'o mē.”

Isi Nke Isin-kwasi-ogun

Polu E Kinrin Onu A Ebe Agiripa Rí

¹ Agiripa nō sì Polu, “I nwón ikéñ kinrin onu i.” Ya Polu nō tñpú éka, kinmę énija:
² “Eze wú Agiripa, m weri e ní m nwé isi-oma ebe o mē ni ihun i kē m jenkó d'a nō kinrin onu m tanní banyeni ihien ile ndí Ju rí e ku ní ya kē m mē; ³ makení y'a marínguo oménałí ndí Ju ile lè ihien ndí hún e se ni wé oku, marín a ru alí. Dodo, nwé nwan ndidi gón m ntín.

⁴ Ndí Ju ile a marínguo kē m dòn bi gha alí lala, kē imé alí m kē imé Jerusalém. ⁵ Oméni wé te k'e ku ezioku, a marínguo wé ketekete ní m te wú onyé itu-Farisi, itu kachanrin e ze imé ofufe ényi lè ni m'e bi obibi ndí Itu-Farisi. ⁶ Kaní wé rí nwan ebeni e kin m ikpe makení m rí e lee énya ihien hún Osolobue kwe ndí nedí ényi wé kaní nkwa; ⁷ ihien hú* ikpun-ụlo mmébuo ndí nke ényi rí e lee énya a, e gi ufiri e e fekénnme Osolobue ukinkin lè effinnai. Eze, olil'ényaní m nwón wú eje-ihien hú ndí Ju sikwo ní ya kē m mē! ⁸ Kí hain o gi a fükénnme ụnú ndí rí ebeni orun ikweri ní Osolobue e weli ndí nwúnní?”

⁹ “Ezioku-ezioku, mmé lè enwén m te ro n'o furu ni m mē ihien ọwúlę m k'e gi gbondon éfan Jizosí onyé Nazareti. ¹⁰ Ohún kē m mē imé Jerusalém. Ogen hú, m'a narín ndí-isí nchú-ejan ikéñ, a tū ndí kwerini Jesu e ye imé ụlo-ngan; eléde ohún súo, wé cho ní wé ma wé ikpe-ónwún, e biye m éka. ¹¹ Imérinmę ogén, m'a ghasónmę ụnó-ofufe ile, e ye wé afúnfún, a liliima ní m mē wé ku arú ghahaní ikuja oku Jesu. Olulu wé bu m odata-odata, nke wú ní m'a chú wé e ruden obodo ndí rí aní ọzó d'e kpokpo wé.”

* Isi Nke Isin-kwasi-ogun:7 Nkwa Hú hún

**Połu A Kowa K'o Dọn Gbehuto
(Orun Ndi-Ozi 9.1-19; 22.6-16)**

12 “Ebe m nō a chū wē ेरিra, m nō narin ndi-isi nchū-ejan iken le ेkukwo jenkö Damas'kosi.

13 Eze, e ru m uzō, ogen anwun gi a rị isi, ya m nō hūn ukpē nwunnahin enya-anwun k'o gha enu-igwee nwunhunmē mmē lē ndi 'mē lē wē wị. **14** Enyi ile nō dan. Ya m nō nū olu gi asusū Hibru sị m, ‘Solu, Solu, k'i rị e kpokpo ni m? I rị a rūhū enwen i ehū nōkē oken-efin rị a gba egbe di-nwonn'e ụkụ.’ **15** M nō sị, ‘Di-nwonnini-m, onyé k'i wụ?’ Ya Di-nwonnini-enyi nō shiarị m, ‘Mmē wụ Jesu hūn i rị e kpokpo. **16** Kani, lihi n'i turu oto. Ihien hain m gi mē i n'i hūn m wụ keni m tumē i n'i wūrū odibo m lē ọsheri hūn jenkö d'a gwa ndi ozō ihien ndi i hūn lē ihien ndi m jenkö d'a ghosi i. **17** M k'a gbapuha i eka ndi nke i—ya wụ ndi Izreli, gbapuha i eka ndi alī ndi ozō hūn m zikō i d'e kunrun. **18** M zikō i d'a shiapu wē enya, keni wē hūn uzō gha imē ishi gbehuto si imē ukpē; gha okpuru Ekwensu pūha d'e kunrun Osolobue; keni Osolobue gbagharị wē njō, ye wē ọnodi imē ndi hūn wē dōn nsō, ndi ahūn wē dōn nsō makeni wē kweri ni m.’ ”

Połu E ku Oku Orun A

19 “Eze wụ Agiripa, ufiri e, apani m oku ihien m hūn imē ọhūn hū gha elu-igwee bia. **20** Kani, m nō zime ozi hū imē Damas'kosi. E zigụ m ndi rị Damas'kosi ya, m nozị zi e imē Jerusalem lē egberé Judia ile, e zizi m ndi alī ndi ozō ya, a sị wē gha imē njō wē gbehuto, buruhé Osolobue, mēmē ihien k'a ghosi ni e gbehutogu wē. **21** Ufiri ihiennni kē ndi Ju gi kwondon m imē Ulo-nsō, a cho ni wē gbu m. **22** Kani d'e rukwō nwan tannị, Osolobue hū e yeni m eka; ya kē m gi wuzo ebeni a shia eri, a gwa kē onyé uku kē onyé nta okuni; ihien ohu hū ndi-amuma lē Mozizi ku n'o jenkö d'e mē kē m rị e ku oku e, o nwonnini ihien ozō: **23** ni Kraistij k'a tarirị afunfun; n'o k'a wūrū onyé ibuzo k'a gha ọnwun lihi; ni, nōkē onyé ibuzo gha ọnwun lihi, o jenkö d'e wēhe ni kē ndi alī enyi kē ndi anị ndi ozō ozi ukpē.”

24 Hūn Połu gi ri e kin ọnụ a enina, Festosị nō weshi olu elu, yi, “Era rị a pụ i, Połu! Oken-ekukwo i marin rị a pụ i era!”

25 Kani Połu nō sị, “Festos' ikpēn ile rịni, era arị a pụ m! Onyé ọwule enya dōn k'a marin ni m rị e ku ezioku. **26** Eze wụ Agiripa lē enwen e a maringuo ihien ndinị! Obi ru m alī igwapu a oku, e gigho m'a dōn n'o nwonnini ihien w'a kón'a imē ihien ndinị, makeni ọnwani e mēni nzuzue. **27** Eze wụ Agiripa, y'e kwerigho ihien ndi-amuma ku? A maringho m ni y'e kwerigho.”

28 Agiripa nō sị Połu, “I cho n'i mē m wūrū onyé nke Kraistij ozigbo-ozigbo?”

29 Połu nō shiarị, sị, “Ihien m rị a rịo Osolobue wụ ọnwani: k'o mē ẹgwa-o, k'o mēni ẹgwa-o, ni elede yu sụo, kani, kē iyi kē ndi ozō ile rị e gon m ntin tannị hūn uzō rị kē mme—wezuka egan ndinị wē kpoma m!”

30 Ebēhū kē eze lē Govano wụ Festosị lē Benisi lē ndi ozō wē lē wē gba rị oche nō lihi oto. **31** Ogen wē gi pukō, wē hū a sị ibe wē, “O nwonnini ihien okennyyeni rị e mē hūn w'e gi gbu e mobu bu e che imē ulo-ngan.” **32** Agiripa nō sị Festosị, “Nkē w'a hatu okennyyeni ye omēni ẹlē hūn ọ sị wē we oku e jenni eze-kanị wụ Siza.”

Isi Nke Esa-kwasi-ogun

E Gi Wē Ugbo-mirin Buru Połu Jemnē Rom

1 Ogen wē gi kubepu a ni enyi k'e jen Itali, wē nō we Połu lē ndi hū imē ndi-ngan che eka onyé-isi-agha w'a kpō Juliosi, hūn a kị ndi-agha ogun-isen imē itu-agha-uku ndi Rom' ahūn w'a kpō “Itu Eze-Ogostosi.” **2** Enyi ile nō banye ugbo-mirin gha Adramitum bia, hūn rị a kwademē n'o jensomē ali rị ichen-ichen rị Azun Eshia risomē ẹhū Ohimin hūn wē nō a banye ugbo-mirin. Ugbo hū nō buru enyi. Enyi lē Arıstakosı onyé Tesalonika hūn rị Azun Masëdonia wị. **3** Eki e fòn, enyi nō ru Sidon'. Juliosi nō gi eka rị mma son Połu, ni a jen d'a hūn ndi ọwụ a ni wē ye e ihien rị a mkpa. **4** Enyi nō gha ebēhū buli si ohimin, a ghasomē ẹhū ali Saiprosi—makeni ufere enyi kunrun rị e bukin enyi azun, ọ ninị enyi

gbasonmè ahanmahan ohimin. ⁵ Ogèn ènyi gi ghafegu èhu alì Silisia lè Pamfilia, ènyi nò fùha Mira hùn rì Azùn Lisia. ⁶ Ebèhu kè onyè-isi ndì agha hù nò hùn ugbo-mirin gha Alezandria jènkò Itali, ya o nò bu ènyi ile che imè è.

Ijen A Fùma Orun

⁷ Ènyi nò gbama èkere-èkere akp'ohin ole-ne-ole—o fukènmékè ènyi orun nì ènyi d'e ru Nidosi. Ogèn ufere giléni nì ènyi jènshi ihun ib'eka ahùn, ènyi nò ghasonmè mkpenren Samonu hùn rì alì Kriti. Mirin nòhunmè alì Kriti. ⁸ Ènyi hù a gha mkpenren-mkpenren, kanì ọ fukenmè ènyi orun ọda nì ènyi d'e ru ebe w'a kpò “Ebè-Richanrin-Ugbo-Mma”, hùn nochimè Lasja. ⁹ Makèni ènyi e riguò ogèn ọda-ọda, nke wù nì ndì Ju e buguodè onu ahùn w'e bu*—ya wù, ogèn eje-èbi gi a kpò ohimin hù e ruguòle, ènyi sì nì ènyi jènmèzi, ijen jènkò d'a jò njø, Polù nò dùn wé odùn, sì,

¹⁰ “Ekele m'ùnù ile; a hùnguò m'a nì ènyi jènkò d'a banye eje-ònodi omèni ènyi jènmèzi, ihièn bu ọda jènkò d'e huzikwò; eledè ibu lè ugbo sùo, kanì kèzì ndùn ènyi.”

¹¹ Kanì onyè-isi-agha ahùn gi ihièn onyè-isi ugbo lè onyè nwòn ugbo ku dòn karì oku Polù. ¹² Ebe o mè ni ebeni ugbo-mirin a nòdi a rì mma hùn w'a nòdi ogen winta, udu mirin-oyi-ochan hùn a kpù okpukpù, ndì ka ọda nò kweri n'o ka mma nì ènyi jènmè. Wé rì a tì enya nì, ikenkwò, wé k'a saèka ru Finik'si d'a nòdi ebèhu ogèn mirin-oyi-ochan hùn. Finik'si wù ebe ugbo e zientò alì Kriti, o bu ihun zime ib'eka ndidan ènya-anwùn.

Eje-èbi A Kpoma

¹³ Ogèn ufere rerebèbè hùn a gha azùn ndidan-mirin a bia gi femè, wé nò ro ni a hùn wé ihièn wé rì a chò; wé nò tofù ugbo hù ebe wé limè è, ghasonmè usuo-usuo èhu alì Kriti. ¹⁴ Kanì o ke mè-eme, okèn ufere hùn a kpokènmèni nò kpoma. “Nòt-ista” kè w'a kpò ufere hù, makèni ọ gha azùn ugu e feshi azùn ọwùwa-ènya-anwùn. Ọ gha ib'eka Kriti fehé. ¹⁵ O nò kpokènmè ugbo hù, ọ nizini wé gbehutò ugbo hù zime ufere hù. Ya ènyi nò la ugbo tònì ufere hù, ọ nò buru ènyi jènmè!

¹⁶ Ènyi nò kuban azùn ndidan-mirin alì ohu mè èkere w'a kpò Kòda hùn rì etintinnai Ohimin ahùn. Ohùn e zuemè ugbo hù èkere. Ènyi nò lìlima wezuhàn ugbo-nta rì ugbo hù ebe w'a nò saèka dobhanhan a, kanì ọ fù ènyi orun ọda-ọda. ¹⁷ Wé nò dobhanhan ugbo-nta hù imè ugbo. Ebèhu kè wé nò gi eriri kènhunmè ugbo, kènèn mè è. Makèni egun rì a tì wé amamgbe w'a sunkunma ejan ubom-Ohimin rì mkpenren Setisi†, wé nò gbatopù eriri wé gi kènmè igwe hù nyinni w'a kpò drag'ankò, nu igwe hù ye imè mirin—make ugbo hù ghazi a gbakenrin. Ya ufere nò buru wé lè ugbo jènmè. ¹⁸ Èbi hù a kpokènmè ènyi, e buhunmè ènyi, nke wù nì, ogèn eki gi fòn, wé nò tuma ibu e ye imè mirin. ¹⁹ Hùn m'e akp'ohin etò, ọ nò ru hùn wé gide gi èka wé kpòn ihièn wé gi a run orun imè ugbo-mirin ye imè mirin. ²⁰ Ogèn o gi mè ni ènyi ahunní kè ènya-anwùn kè kokise akp'ohin ole-ne-ole, bù èbi rìkwò a kpokènmè ènyi, ènyi enwènzini olil'ènya nì ènyi jènkò d'a hùn isi pùha.

Polù A Nò Imè Nsòngbu Hù Kasì Wé Obi

²¹ Makèni w'e ke ri ihièn-oriri kete-ele-mgbe, Polù nò turu otò imè igunrun wé, sì, “Ikènnye, nkè onu e gon m ntìn nòdi Kriti. Omèni ùnù te gon m ntìn, iwini ile e ke ti nwàn. ²² Kanì, m rì nwàn a rìo ùnù, kwondòn ni obi ùnù makèni o nwònnyi onyè ọwùlè imè ùnù jènkò d'a nwùnni—ugboni sùo jènkò d'a na iwi. ²³ Makèni mmón-ozi Chuku bia d'e kunrun m hùn uhinhin—Chuku ahùn m wù nke è, Chuku ahùn m rì e fe. ²⁴ O sì m, ‘Polù! Atulè egun, i k'e tururirì ihun Siza. Ozozì, Osolobue e megùon'i ohunma dònmèn'i ndì 'yù lè wé rì imè ugbo, anwùnkò wé.’ ²⁵ Kwònkènmè ni nwàn obi ùnù, ikènnye, makèni m nwòn okukwe imè Osolobue n'o jènkò d'a rì kè wé dòn gwa m. ²⁶ Kanì ugboni k'a zunbanrìri akpakalàj, kùsì.”

* Isi Nke Esa-kwasi-ogun:9 ib'eka Septemba lè Octoba † Isi Nke Esa-kwasi-ogun:17 hùn rì mkpenren anì Libia

²⁷ Imẹ uhinhin hụn m'ē akp'ohịn mmено, ogɛn ebiri-mirin hụ gi bukọ ụgbọ enyi elu Ohimin Adria[‡], o ru ihien nöké etintinnai abalị, o nō rị ndị a rụn imẹ ụgbọ kẹ sị alị rị nsue. ²⁸ Ya wę nō gi eriri wę kẹnmeye igwe lele kẹ mirin mihan, wę nō hụn n'o k'e luepu ogwe-nkü eno; a gbaberi wę, wę nō lelezị e, wę nō hụn a n'o minruzini ेrịra, n'o k'e luepu ogwe-nkü eto suq. ²⁹ Makeni egun rị a tụ wę nị enyi jenkö d'a sunkunma omumma, wę nō gbatopu eriri anko[§] eno rị ibe azuṇun hụn wę gi e limẹ ụgbọ hụ, nị, ikenkwo ọ hụn uzò zudon alị; wę hụ e mè ekpere nị eki fon keni wę legha uzò.

³⁰ Kani, ndị a rụn orun imẹ ụgbọ hụ nō wetu ụgbọ-nta ye imẹ mirin, choma nị wę gi nzuzue gha imẹ ụgbọ pu, gi ụgbọ-nta ahụn wanahin; we hụ mè kẹ sị wę rị a gbatopu anko rị ihun ụgbọ. ³¹ Ya kẹ Polu nō sị Kaptin hụ lẹ ndị-agha a, “Manị ikennye ni nodị imẹ ụgboni, onu ile k'a nwụn.” ³² Ya kẹ ndị-agha hụ nō bepu eriri wę gi kwondon ụgbọ-nta hụ, mirin nō buru ụgbọ-nta hụ.

³³ Uz'utuntun biri-biri, Polu nō rịo wę ri ihien-oriri, sị, “Tannị mè e akp'ohịn mmeno unu rị enina, obi eruni unu anị, unu e rini ihien-anai. ³⁴ Dodo ni nwan, ri ni ihien-oriri, o k'e yeni unu eka rị ndịn wanahin, makeni o nwonnri onyę ọwule imẹ unu jenkö d'e tuhu kẹ akpu ntutu ohu rị a isi.” ³⁵ Ogen o gi kugụ ọnwani, o nō weri brédi, ye Osolobue ekele id'anya wę ile, beri, rimę. ³⁶ Ya ndịn nō ban wę ile, wę lę enwén wę nō rimę ihien-oriri. ³⁷ (Enyi ile rị imẹ ụgbọ hụ rị madụ eno arịa ogun-mmeno.) ³⁸ Ogen wę ile gi rijunchanringu efо, wę nō tụ ọka-witi hodụ imẹ ụgbọ ye imẹ mirin make ụgbọ gha a nyinzi.

Ugbọ Hụ E Tikpochanrin

³⁹ Eki e fon, wę nō legha alị ihun—bụ ndị hụ a marin alị o wụ, kani wę nō hụn ngugu-mirin—ebe mirin nō tụ onu hi ogbe. Ejan rị mkpenren ngugu-mirin ahụn. Ya wę nō bu obi nị wę k'a nyanban ụgbọ ebéhụ, omení o k'a nị wę mè. ⁴⁰ Wę nō tọfụ anko ndị hụ ye imẹ mirin. Ebéhụ kẹ wę nozị tolulua eriri ndị hụn kwondonsonmè amala wę gi a nyan ụgbọ ahụn, wę nō se eriri gi wesi ekwa rị ibe ihun hụn ufere gi e bu ụgbọ enu, zimē ni ufere keni ufere hụn uzò e bushi ụgbọ hụ ihun. Wę nō nyanrin ụgbọ hụ dọn ihun ngugu-mirin hụ keni ụgbọ wę kusi mkpenren e. ⁴¹ Kani, ibe ihun ụgbọ hụ nō zụnban ebe jogbu enwén, sunkunma ejan, tọ ebéhụ; ebiri-mirin nō kpukpopuma ibe azuṇun a. ⁴² Ndị-agha hụ te nō cho nị wę gburkwama ndị-angan hụ, amamgbe w'e gu mirin pụ akpakalị, wanahin.

Onyę Ọwule A Wanahin

⁴³ Kani, makeni Kaptin ndị-agha hụ cho n'o zuopuha Polu, o nịnị wę mè ihien wę ro. Kama, o sị ndị saeka gu mirin wę buzo tħaban imẹ mirin gusi akpakalị; ⁴⁴ sị ndị hodunị wę sonmè wę, ndị hụ imẹ wę e kwondon ibe-osisi, ndị ozọ e kwondon ibe ihien ndị ozọ gha ụgbọ hụ kpagipuha. ेrịra kẹ onyę ọwule mè ru alị mmaka; o nwonnri onyę nwụnhunni.

Isi Nke Esato-kwası-ogun

Ihien Polu Mè Imẹ Ali Mota

¹ Ogen enyi gi hụngụ isi fufa, enyi nō marin nị efan alị hụ mirin nōhunmè wụ Mota. ² Ndị alị hụ nō mè ni enyi ẹfoma pụ-ichẹn: gi ifiri mirin rị e zueni lę oyi rị a tụni fiye ni enyi okun nyanma, nabanhān enyi.

³ Polu nō kpari nkun. Ogen o gi rị e bu wę e che okun hụ, uwowo okun hụ nō chupuha agwo, agwo hụ nō fifiri Polu eka. ⁴ Ogen ndị anị hụ gi hụn agwo hụ k'o konrin e eka, wę nō sị ibe wę, “Ezie-ezie, okennye ni wụ izighe. Osuon'a n'o wanahingu ohimin, eje-ihien o mè hukwo e son e, o niko a rị ndịn.” ⁵ Polu nō fe agwo hụ ye imẹ okun hụ, agwo hụ a rụn'a ẹhụ. ⁶ Wę nō tuma enya nị ẹhụ Polu fun mọbụ n'o dan idumuzi, nwụnhun. E cheberi wę, wę nō hụn a n'o nwonnri ihien mè n'e, wę nō kuhuto onu, kumē n'o wụ mmọn.

[‡] Isi Nke Esa-kwası-ogun:27 Iya kẹ w'a kpọ nwan Ohimin Mediterenia. [§] Isi Nke Esa-kwası-ogun:29 igwe mè onu suen-su'en-su'en we gi e zudon alị

⁷ Onye isi alı hụ wụ okennyę ohu w'a kpọ Pobliosi. Iya nwọn alı ndị nökunme ebe ahụn enyi rị. Ọ no nabanhān enyi, lee enyi ọbia akp'ohin eto. ⁸ Ogen ahụn, nedị Pobliosi dinę edinę, emu rị a kụ a: ehụ-ökụn rị e nwun e; ọ rizikwọ a nyun—a nyündę edeke. Polụ no jen d'a hụn a, mè n'e ekpere, bu eka kwasi a, ọ no dínhin. ⁹ Onwan e meguu, ndị ọzo ile emu rị a kụ imẹ anị hụ no bia, ọ no zuchanrin wę ile. ¹⁰ Wę no mesonmę ihien bu-oda gi ye enyi ogho. Ogen enyi gi cho ni enyi pụ, wę no bu ihien ile rị enyi mkpa cheni enyi imẹ ugbo-mirin.

Enyi A Gha Mota Si Rom

¹¹ Ogen ifon eto gi ghafeguu, enyi no banye ugbo-mirin ohu hụn nodị Mota ogen mirin-oyi-ochan, jenmę. Ugboni gha Alezandria bia, ẹfan wę deye e wę gi marin a wụ “Ejime”, ẹfan mmɔn ebụo ahụn wę marin amarin. ¹² Enyi no kuban obodo Sirakusu, nodị ebéhụ akp'ohin eto. ¹³ Enyi no buli, gha ebéhụ si Regiomu. Eki e fɔn, ufere no gha azuṇu ndiadan-mirin fehę, bushimę enyi ihun; nkesinị ogen eki gi fonzi hụn mè e akp'ohin ebụo, enyi no ru obodo Putioli. ¹⁴ Enyi no hụn ndị kwerini rị ebéhụ. Wę no sị enyi d'e du wę nodị izu-uka. Enina kę enyi don ru Rom. ¹⁵ Ogen ndị kwerini ri Rom gi nụ ni enyi bia abia, we no ghakwori ebe wę rị bia d'e kunrun enyi Afia Apiosi le ebéhụ Odụ Uku Etọ hụ w'a nodị e ri, a ra, rị. Ogen Polụ gi hụn wę, ọ no kele Osolobue, nduṇ no ban a.

Ihien Polụ Me Imę Rom

¹⁶ Ogen enyi gi ru Rom, wę no ni Polụ biri nke e, ya le onye-agha hụn e che n'e. ¹⁷ Hụn m'e akp'ohin eto, ọ no kpọ ndị-ndu ndị Ju rị ebéhụ. Ogen wę gi biaguu, ọ no sị wę, “Umunę m, o nwònni ihien m mè ndị nke enyi, etikponi m omenalị ndị nedị enyi, kanị a nwuṇrun wę m imẹ Jerusalém, we m ye ndị Rom. ¹⁸ Ndị Rom a juguụ m ajuju, wę no cho ni wę hatu m, makeni o nwònni ihien ọwule m mè hụn w'e gi ma m ikpe ọnwụn. ¹⁹ Kanị, ogen ndị Ju gi ju, sị w'a hatule m, o nwònni ihien ọzo hođu nị m mè wezuka işi wę we m si ogwa eze-kanị wụ Siza—eleni m nwòn ikpe m k'e kpe ndị alị m. ²⁰ Ya hajin m gi sị ni m cho ni m hụn ụnu, gwa ọnu oku, mè ọnu marin ni oku olil'onya ahụn enyi ndị Izrelü ile nwę kę m gi rị imę eganni.”

²¹ Wę no sị a, “Enyi e nwéhentuni ehuhuo-ozı ọwule gha Judia bia banyeni i; o nwonzikwonị nwéne enyi ọwule imę ndị rị a gha ebéhụ a bia hụn kujatu oku i. ²² Kanị, enyi cho ni enyi nụ ihien i rị a kuzi: makeni, o mè nke itu Jizosị onye Nazaretni, enyi a maringho ni wę rị e kuja oku e ebe ọwule.” ²³ Wę no kaye uhuhohin wę jenkọ d'a bia d'e kunrun e.

O ru uhuhohin hụ, wę no ruhę ebéhụ ọ rị. Gha ụtuntun d'e ru enyasi, ọ hụ a gwa we oku Ali-eze Osolobue, a liliima n'o gi ihien Ekukwo-nsø ku mè wę kweri ni Jesu—kę ihien rị imę Iwu Mozizi kę ihien ndị-amụma ku. ²⁴ Ndị hụ imę wę no kweri ihien o ku, kanị ndị ọzo a ju n'e kwerikọ wę.

²⁵ Wę wę no dosonmę ndondö. Ni wę d'a lama, Polụ no kuzi oku ohu: ọ sị, “Ezioku kę Mmɔn-nsø ku ogen o gi gwa ndị nedị ụnu kanị oku ghahanị ọnu onye-amụma wụ Azaya, sị,

²⁶ ‘Jen d'e kunrun ndịnjị, d'a gwa wę, sị,

“ụnu k'a nụ, kanị

 ụnu aghotako;

 onu k'e lee ile,

 kanị ọnu ahunko

 ihien ụnu rị e lee.

²⁷ Makeni obi ndịnjị arizị a ghota;

ntịn wę e kinguo;

a nyunmaguo wę enya,

 amamgbe w'e gi enya wę legha ụzo,

 gi ntịn wę nụ ihien,

 gi obi wę ghota, gbehuto,

 a zuo m wę.”

Orun Ndi-Ozi Isi Nke Esatö-kwasị-ogun:28 181 Orun Ndi-Ozi Isi Nke Esatö-kwasị-ogun:31

²⁸ Marịn nị nwan nị e zigụo wę ozi nzụopuhani gha ẹka Osolobue bịa jenni ndị alị ndị ọzo; wę k'e gon ntịn!"

[²⁹ Ogen o gi kugụụ ihienni, ndị Ju hụ no dọnsonmę ndondö lama.]

³⁰ Pölụ bi nke e ebéhụ orogbọ ahụa ẹbụo; ọ hụ a nabanhịn kę wę han rị a bịa d'a hụnn'a; ³¹ ọ hụ e zi ozi Ali-eze Osolobue, a kuzi banyeni Di-nwọnni-enyi wụ Jesu Kristi, e kusi e ikèn, o nwònni onyę gbondonn'ę.

Ehuhuq-Ozi Pölü Dejenni

Ndị Rom

¹ Mmę wụ Pölü de ekukwo-ozini. M wụ igbọn Jizos' Kraistị. Osolobue kpọ m, tumę m onyę-ozı pü-ichęn makę Ozioma Osolobue.

² Oziomanị wụ banyeni ihięn hụn Osolobue kwe nkwa a eđeị imę Ehuhuq-nṣo ghahani ndị-amuma a. ³ Oziomanị wụ banyeni Nwa a wụ Jizos' Kraistị Di-nwɔnni-enyi—hụn bia nökę ihięn; ebon Defidi kę wę mü a ye; ⁴ Osolobue gi ikęn Mmọn-nṣo a ghosizikwo n'ọ wụ Nwa Osolobue ghahani igha önüün weli e.

⁵ Makę ufiri ęfan Osolobue, Osolobue e meęgụnị enyi ęfoma ghahani Nwa a nị wụ Jesu Kristi Di-nwɔnni-enyi; o yeguozi enyi örüñ ndị-ozı pü-ichenni ghahani'a, keni enyi hụn uzo duhe ndị alị ndị ọzo ile wüleni ndị Ju d'e kwerin'e, humen'e isi; ⁶ kęzi ụnu lę enwén ụnu, makeni wę kpozikwo önü d'a würu nke Jesu Kristi. ⁷ M rị e dejenni ndị ile rị Osolobue obi hụn rị Rom, ndị wę kpọ d'a würu ndị-nṣo. Ęfoma lę udon gha eka Osolobue Nędi enyi lę Di-nwɔnni-enyi wụ Jesu Kristi a bia ya rịni ụnu.

Pölü A Kpanmin Osolobue

⁸ Nke ibuzo, m rị a kpanmin Osolobue m ghahani Jesu Kristi makę ụnu ile, makeni wę rị e ku oku okukwe ụnu imę ụwa ile. ⁹ Osolobue, hụn m gi obi m ile e fe ghahani izisomne ozioma Nwa a, wụ ọsheri m nị m'a nyanhan ụnu ogęn ile imę ekpere m. ¹⁰ M gha e meę ekpere, m'a rięsomenne Osolobue n'o beye ni m oghere nị m saęka bia nwan d'a hụn önü—omęni uche e ro. ¹¹ Makeni ụnu rị a da m—makeni m chọ nị m yebeye ụnu ngozi imę-mmón, keni ụnu zekęnmę. ¹² Mba, keni mmę lę ụnu hụn uzo gi okukwe enyi gbatarị ibe enyi umę.

¹³ Umuńe m, m chọ nị ụnu marin n'o tekę m choma nị m bia d'a hụn ụnu. (Kanị wę eke nị m bia.) M rị a chọ nị m bia, keni m gha imę ụnu kpohazini Osolobue ihięn kę m dọn meę imę anị ndị ozozi wüleni ndị Ju. ¹⁴ M gi ihięn ile ugwo: kę ndị wa-ęnya kę ndị waleni ęnya, kę ndị jen ụlo-ehuhuq kę ndị jenlени—¹⁵ ya hań o gi a dụ m nị m bia d'e zizikwo ụnu ndị rị imę Rom' Ozioma.

Ikęn Rị Imę Ozioma

¹⁶ Ifenren ozioma arị e meę m, makeni ya wụ ikęn Osolobue gi a zuopuha onyę owitz kwerini, ndị Ju wụ ibuzo, o son ndị wüleni ndị Ju. ¹⁷ Makeni, ozioma ya nwę a ghosi kę Osolobue dọn e meę ihięn a würu onyę rị kę Osolobue chọ: o meę e ghahani okukwe onyę ahun—gha mbidon d'e ru njendemę. Ọ nohụ kę Ehuhuq-nṣo dọn ku e, si, “Onyę rị kę Chuku chọ ghahani okukwe k'a rị ndun.”

Ikpe Hun Ma Ihięn Ile

¹⁸ Iwe-lę-onyuma Osolobue a gha elu-igwee e hukwasị njọ ile lę ihięn ile rịlени mma hụn ndị-eje e meę, ndị hụn gi eje-ihięn wę e meę e gbondon ezioku.

¹⁹ Makeni, ihięn ihięn k'a saęka marin banyeni Osolobue we wę ęnya, makeni Osolobue lę enwén e e meęgụ n'o we wę ęnya. ²⁰ Makeni, kete Osolobue e kele ụwa, ikęn-itębitę Osolobue lę ihięn o gi würu Osolobue a fuhachanringuq ifon. Ọsụn'a nị elep wę ihięn wę e legha ęnya, wę e gi ihięn ndị hụn Osolobue ke a ghota wę, a hụn kę wę nọ. Ya wụ, o nwɔnni ihięn ndị nọ ेriřa k'e kin, dodo arıkoni wę ya, kaka! ²¹ Makeni, ọsụn'a nị a marininguq wę Osolobue, eyeni wę e mgbaye run'e, akpanmini w'a. Kama, iroro wę a würu ihięn olal'iwi, uche wę hụn ghazileni a rụn a gbaguq ishi. ²² Ebe wę rị e ro nị wę marin ihięn, e henrin wę ndị-nzuzu; ²³ hụn nkę w'e gi fe Osolobue hụn ghaleni a nwụn, ye e ogho run'e, e fesonme wę ihięn wę kpụ akpụ—kę ndị nọ kę ihięn hụn a nwụnni kę ndị nọ kę anu rị ichen-ichen, kę anu ndị nwę ükü-ęno kę nnunu kę ihięn ndị hụn a rịni!

²⁴ Osolobue nọ gi ifiri eje-ihięn ndị ahun rị a gun wę imę obi la wę tony imęsonne ihięn ru unyin—wę lę ibe wę nọ gi ęhu wę mesonme ihięn-ifenren; ²⁵ wę nọ gi ntụ nökın

enya ezioku Osolobue, fesonmę ihien Osolobue ke, a kpọ ni wę isi-alị hụn nkę w'e gi fe Osolobue hụn wụ Onye-okike hụn rịchanrịn mma jenrin ejen! Isẹe.

²⁶ Ufiri ọnwan, Osolobue nọ la wę tony ęgụn ihien-ifenren, nke wụ ni ikpoho wę e gi imę-mgbä ikpoho-lę-ikpoho ihiyan ghaleni e me, nökın enya imę-mgbä ikennye-lę-ikpoho hụn o me ni ya kę ihiyan e me. ²⁷ Erira kę ikennye wę gizikwọ latọ imę-mgbä wę lę ikpoho hụn ihiyan e me, ęgụn ison ikennye ibe wę e me mgba hụ a gungbu wę: ikennye lę ikennye ibe wę hụ e metari ihien ifenren—a narinzikwọ afunfun furu eje-ihien wę rị e me.

²⁸ Makeni ndịnị jụ ni eyekö wę Osolobue ọnodi wę marin run'e, Osolobue nọ la wę tony uche wę ahụn rụnị keni wę məsonmę ihien furuleni. ²⁹ Ụdị ihien ile jo-njọ e jun imę wę, ya lę eje-omume, enya-uku, iwe, enya-ufu, igbu-ochụ, ikpe, ndufie lę ero; e henrin wę ndị-oghelę, ³⁰ ndị-nkuto, ndị ize Osolobue e ze; w'a kpari ihiyan, a pache, a nyan isi, e ropuhasonmę eje-ihien rituleni, e nupụ-isi okpuru ndị muni wę. ³¹ E nwę wę uche, w'a ra gi wę dọn enya, efọ a joka wę, w'a ra me ebere.

³² A maringhö wę ni iwu Osolobue wụ ni ndị hụn e me ụdị ihien ndịnị k'a nwun, kani wę huzi e me wę—elęde ni wę e me wę suọ, wę huzi e ye ndị ozọ rị e məni wę ndu.

Isi Nke Ebụo

Okinkin-ikpe Osolobue Zin-ezin

¹ Ya wụ, y'e nwọnkwō ihien i k'e kin—onye owitz i wụ! Makeni, ebe i nọ ma ndị ozọ ikpe, i rị a mazikwō enwen i ikpe. Makeni, iyu hụn rị a ma wę ikpe rizikwọ e me ihien ndị hụ i gi rị a ma wę ikpe. ² Enyi a maringhö ni Osolobue wụ onye ezioku ebe o nọ ma ndị me ụdị ihien ndịnị wę ikpe. ³ Kani, iyu nwén, onye owitz i wụ, hụn e məzi ihien ndị hụ i gi a hangbu ndị ozọ erien, i ro n'i k'a wanahin okinkin-ikpe Osolobue? ⁴ Ra i rị e lelia oken efoma a lę nkintin o rị a gba i lę ndidi e? Y'a marin ni Osolobue rị e məni i efomanị keni i hụn uzọ roghari? ⁵ Kani, ebe i n'a kpokin obi i, a jụ ni y'e rogharikö, i rị e kpontö ni enwen i afunfun, e cheni afunfun, hụn wę jenkö d'e ye i Uhụohin iwe-le-онума, uhụohin hụ Osolobue k'e gi han enen ahụn zinrinni.

⁶ Osolobue k'a kụ onye owitz ugwo kę onye-onye dọn rụn. ⁷ Nke ndị hụ e məsonmę mma, makeni wę rị a cho ogho lę mgbaye lę ndịn nwọnleni ogugu, Osolobue k'e we ndịn itebite ye wę. ⁸ Kani, Osolobue k'e hu iwe-le-онума a kpu ndị hụn a cho nke-wę nke-wę, a ju ezioku, e son eje-ihien. ⁹ Eje-ufu lę nsongbu k'a rịnị onye owitz hụn e me eje-ihien, ndị Ju wụ ibuzo, o son ndị wụleni ndị Ju.

¹⁰ Kani Osolobue k'e we ogho lę ikpen lę udon ye kę wę han hụn e me ihien rị mma, ndị Ju wụ ibuzo, o son ndị wụleni ndị Ju. ¹¹ Makeni Osolobue ara gbeyeni onye owitz.

¹² Ndị wụleni ndị Ju enwon Iwu Mozizi; kani wę me njọ, a na wę iwi, ọsuon'a ni enwon wę Iwu Mozizi. Ndị Ju nwón Iwu Mozizi; wę me njọ, e gi wę Iwu Mozizi kin wę ikpe, ma wę ikpe. ¹³ Makeni elę ndị a nụ ihien Iwu ku kę Osolobue e kuni ọhunma, kani, ndị e me ihien Iwu ku. ¹⁴ Oməni ndị hụ wụleni ndị Ju, hụn nwònleni Iwu Mozizi, e gi omumē wę me ihien Iwu hụ cho, e nwęgho wę iwu imę obi wę, ọsuon'a ni enwon wę Iwu hụ kę ndị Ju dọn nwę e. ¹⁵ Wę rị e gi omumē wę a ghosi ni ihien Iwu cho a wuruolę ihien wę deye imę obi wę. Ihori wę hụ a shia ni wę eri: mgbe ndị hụ iroro wę a ma wę ikpe, mgbe ndị hụ o kuyeni wę. ¹⁶ Erira k'o jenkö d'a rị Uhụohin ahụn Osolobue k'e gi gi ihien zueri imę obi ihiyan kin ihiyan ikpe ghahanị Jesu Kristi, nökę kę Ozioma hụn m rị e zi dọn ku e.

Ndị Ju Lę Iwu Mozizi

¹⁷ Kani, i sị ni i wụ onye Ju; e gi Iwu Mozizi e don enya, a nyan isi ni egbata yu lę Osolobue a rịka mma; ¹⁸ a nyan isi ni y'a maringhö uche Osolobue, marin ihien ka mma—n'e giguo wę Iwu Mozizi zụn i; ¹⁹ i sị ni i wụ onye e du ndị enya-ishi, n'i wụ ukpę ndị rị imę ishi, ²⁰ ni i wụ onye a dùn ndị nzuzu ọdùn lę onye a kuzi ụmụeka—n'i nwòn amamihien lę ezioku zu oke imę Iwu Mozizi. Elę ya?

²¹ Ya wụ, iyụ hụn a kuzi ndị ozọ, i hụ a kuzi enwẹn i? I hụ a sị, “Ezunlę ohin.” Kanị yụ nwẹn, i hụ e zun? ²² I hụ a sị, “aghérele;” Kanị yụ nwẹn, i hụ a gheré? I hụ a sị, “Arụale mmọn, nị eje-ihiẹn rọ.” Kanị yụ nwẹn, y'e jẹn ụṇo mmọn d'e zun ihiẹn rịn'a? ²³ Iyụ hụn gi Iwu Osolobue a nyan isi, i hụ a dan ya wụ Iwu—e gi e a fa Osolobue? ²⁴ Eḥuhuọ-nṣọ sị, “Ufiri ụṇu ndị Ju kे ndị alị ndị ozọ gi e kuto Osolobue.”

Ikwa-ugun Lẹ Ife-Osolobue

²⁵ Ikwa-ugun a banghọ erere—omẹni i hụ a gbaye Iwu Osolobue. Kanị, omẹni y'e nupụ-isi okpuru Iwu hụ, ya wụ nị ugun i kwa ẹlezí ugun nke-esi. ²⁶ Ya wụ, omẹni ndị kwaleni ugun e mè ihiẹn Iwu ku, e werikọ wẹ wẹ nöké ndị kwa ugun—o suọ n'a nị akwannị wẹ? ²⁷ Ya wụ nị ndị kwaleni ugun nke ehhụ, bụ wẹ hụ e dònmete Iwu hụ, k'a shiagbu ụṇu ẹri—makéni ọnụ a dan Iwu hụ, ọṣuon'a nị ụṇu kẹ wẹ detun'e, ọṣuon'a nị ụṇu a kwagụo ugun. ²⁸ Makéni, ẹlẹ ihiẹn enya e legha kẹ ihijan gi a wụrụ onyę Ju; ezigbo ugun ẹlẹ hụn wẹ kwa ehhụ, w'e legha enya. ²⁹ Mba. Kanị, ezigbo onyę Ju wụ hụn wụ onyę Ju imẹ obi; ezigbo ikwa-ugun wụ hụn wẹ kwa imẹ obi—ihiẹn imẹ-mmọn lẹ Mmọn-nṣọ rọ, ẹlẹ ihiẹn ehhụ lẹ mkpurụ-oku wẹ dehụ imẹ. Udi ihijan nọ ẹnịna k'a narin ija-mma wẹ eka Osolobue ẹlẹ eka ihijan ibe e.

Isi Nke Etɔ

Kị Ndị Ju Gi Ka Ndị Ozọ Mma?

¹ Kị ndị Ju gi nwan ka ndị alị ndị ozọ mma? Elee erere kẹ ikwa-ugun banzị? ² O bukékwo! Nke ibuzo wụ nị Osolobue bu oku gha a ọnụ pụha che eka ndị Ju.

³ Kanị, omẹni o nwęghọ ndị rị imẹ wẹ wụlени ndị wẹ gi e dòn enya, nị ẹnyi gi ọhụn sị nị Osolobue ẹlẹ onyę wẹ e gi dòn enya? ⁴ Mba, kaka! Osolobue wükwo onyę ezioku, o ọṣuon'a nị ihijan ile wụ ndị-ntụ. O nohụ kẹ Ekkukwo-nṣọ dòn ku e, sị, “Wẹ k'a hụn a
nị ihiẹn i ku wụ ezioku;
wẹ kin i ikpe, i k'e ri enen;
i han enen,
w'e k'a hụn nị enen i han wụ ezioku.”

⁵ Kanị, o mè nwan nị eje-omumé ẹnyi a ghosi kẹ Osolobue mēhan onyę ezi-omumé, kị ẹnyi e ku nwan? Nị ẹnyi sị nwan nị Osolobue mè njo omẹni o ye ẹnyi afunfun? (M rị e ku e hụ kẹ ihijan dòn e ku.) ⁶ O nwọnni k'o dòn mè! Makéni, omẹni Osolobue wụ onyę njo, nanị k'o k'a dòn kin ụwa ikpe? ⁷ Kanị, omẹni ntụ m kẹ ezioku Osolobue gi a fuhachanrịn ifon, e wehen'e ọghọ, kẹ w'a mazinị m nwan ikpe nị m wụ onyę-njo? ⁸ Kị haịn ẹnyi gileni sị, “Nị ẹnyi məsənmə nwan njo keni ihiẹn rị mma hụn uzọ a pụha ifon”? (Ya kẹ ndị rị e kuto nị ẹnyi sị nị 'ya kẹ ẹnyi e ku.) Wẹ furu ndị w'a ma ikpe.

Onwọnni Onyę Rị Kẹ Osolobue Cho

⁹ Kị məzi? Ẹnyi ndị Ju ka ndị hụn wụleni ndị Ju mma? Kaka akp'ohu! Ẹnyi e kuguol'a nị njo rị a kị ihijan ile—kẹ ndị Ju kẹ ndị wụleni ndị Ju. ¹⁰ Erịra kẹ Eḥuhuọ-nṣọ dòn ku e, sị, “O nwọnni onyę rị kẹ Osolobue dòn cho,
o nwondeni kaka akpụ onyę ohu;

¹¹ O nwònni onyę a ghotani,
o nwònni onyę a cho Osolobue.

¹² Wẹ ile a kpahuguo;
wẹ ile e henringuọ ihiẹn-eti;
o nwònni onyę e mè efoma,
o nwondeni kaka akpụ onyę ohu.

¹³ Oku a gha wẹ ekpíri a pụha rị kẹ
ishin gha ili rị oghe a pụha;
wẹ gi ire wẹ e dufie,
edide agwọ kẹ

oku rị wę ug'b'onu wụ.
¹⁴ Ikpọ-iyi lę eje-oku jun wę onu.
¹⁵ Ụkụ a kerekwa wę igbu-ochu.
¹⁶ Ebe ọwule wę jen,
 we lę ntitkpọ lę nsongbu wị.
¹⁷ Amarintudeni wę ihiẹn ezigbo udon wụ.
¹⁸ Egun Osolobue aridé wę enya.”
¹⁹ Enyi a maringhọ nị ihienni ile Iwu ku, nị ndị rị okpuru Iwu k'o rị a gwa, keni onu ọwule gba nkintin, k'en'o wezikwo ihiān ile rị ụwa ile enya nị wę ile jenkpọ d'a kọ nị Osolobue kę wę jen. ²⁰ Makeni, “O nwɔnni onyę Osolobue k'e kuni ọhunma makeni o n'e mē ihiẹn Iwu chọ,” makeni Iwu kę wę gi e mē ihiān a marin nị ihiān e megwu njo.

Kę ihiān A Dọn Rị Kę Chuku Chọ

²¹ Kanị Osolobue a ghosigwo uzo ihiān gi a rị ọchan—bu ẹle ghahanị Iwu Mozizi. Kanị, kę imē Iwu Mozizi kę imē ihiẹn ndị-amumma ku, Ehuhuọ-nsø a shiagwo ẹri nị ya wụ uzo kę ihiān gi a rị ọchan.

²² Uzonị hụn gha eka Osolobue bịa, hụn wę e gi rị ọchan, wụ ikwerini Jizos' Kraistị. Onyę ọwule kwerini, Osolobue e weri e n'o rigwo ọchan—o tuni onyę wę wụ. Makeni, o nwɔnni ihiẹn rị ichen imē ihiān ile, kaka, ²³ makeni ihiān ile e megwu njo, gha imē ọghọ Osolobue danfụ. ²⁴ Ya wụ nị ẹfoma Osolobue sụo kę Osolobue gi nwan e kuni ihiān ọhunma—ihiẹn-ofe ro. O mē e ghahanị igbarinị wę ghahanị Kraistị wụ Jizosị. ²⁵ Makeni, Osolobue we Jesu ye, gi e henrin ejan wę gi e wepụ njo ihiān lę iwe-lę-ọnuma Osolobue hụn njo te k'e buhene ihiān. Ọnwụn Jesu nwụn, ya wụ ẹdeke Jesu, kę Osolobue gi mē e.

Okukwe kę wę gi e nwéhen ihienni Jesu mē. Osolobue mē ọnwan n'o gi ghosi nị ya lę enwén e wụ Osolobue wukwọ onyę ezi-omumé—ndidi e k'o gi fepụ njo ihiān mesonmę mbu enya—²⁶ makeni o kwademé n'o k'e gi ogenni ghosi n'o wụ onyę ezioku, n'o nwɔnni onyę o gbeyeni. Osolobue gi uzonị a ghosi nị 'ya lę enwén e wụ onyę ezioku, n'o hughozikwọ mma n'o nabanhān onyę ọwule kwerini Jesu, kpọ onyę hụ onyę rị ọchan.

Osolobue Sụo Mē E, Ihiān A S'eka Nyan Isi

²⁷ Kịnị kę ihiān e gizi nwan nyan isi? O nwɔnni, kaka akp'ohu! Makeni, ẹle ọrun le ugwo-ọrun kę wę gi e mē e; mba, okukwe lę ihiẹn-ofe wę e ye onyę kwerini ro—'ya hain ihiẹn wę e gi nyan isi gizileni rị a. ²⁸ Makeni, enyi gi e dọn nị ghahanị okukwe kę Osolobue gi e kuni ihiān ọhunma, ẹle imē ihiẹn Iwu chọ. ²⁹ Makeni, Osolobue wụ ohu sụo. Ra Osolobue ndị Ju sụo rōdē? Elezì nke ndị wuleni ndị Ju? Eghee, o wuzikwọ nke ndị wuleni ndị Ju, ³⁰ ebe o mē ni Osolobue wụ ohu sụo. Ya wụ, o k'e gi ifiri okukwe nabanhān ndị Ju, kuni wę ọhunma, gizikwọ ifiri okukwe nabanhān ndị alị ndị ozọ, kuni wę ọhunma.

³¹ Enyi rịdē nwan e gi oku okukweni a kagbu Iwu Mozizi ra? Mba, kaka; enyi rị e gide e a kwadon e.

Isi Nke Eno

Ebrahim Lẹ Okukwe

¹ Imē oku okukweni, kị enyi k'e ku banyeni Ebrahim wụ nedị enyi nke anụ-ehụ? Nanị k'o jen?

² Omēni ihiẹn hụn Ebrahim rụn kę Osolobue gi kun'e ọhunma, nke o nwon ihiẹn o gi nyan isi, kanị ẹle ebe Osolobue rị k'o k'a nọ nyan ya wụ isi. ³ Kị Ehuhuọ-nsø ku? O si, “Ebrahim’ kweyeni Osolobue, Osolobue nọ gi ifiri e gun a yen'e, kpọ a onyę rị ụchan.”

⁴ Lee e nwan: onyę rụn ọrun, a kụ w'a ugwo-ọrun a. W'a ra sị nị wę “ye” e ihiẹn-ofe, kama, w'a sị nị ihiẹn o rụn ro, nị wę kụ a ugwo-ọrun.

⁵ Kanị nke ndị hụn gichanrin okukwe dọn enya, ẹle ọrun, e kweyeni wę Osolobue hụn a sị onyę njo n'o rigwo nwan ọchan, okweyeni wę kweyeni Osolobue k'o gi e kuni wę ọhunma, a kpọ wę ndị rị ọchan. ⁶ Ọnwān wụ ihiẹn Defidi rị e ku ogen o gi ku oku ighogho

hun rịnị onyę hün Osolobue weri e n'o wụ onyę rị ọchan—bu o nwọnni ọrun ọma ọwule
o rụn: o sị,

⁷ “Ngozi arıkakwo nị
ndị hün Osolobue gbagharị eje-ihiẹn ndị wę me,
ndị hün o fíchanpụ njọ wę;

⁸ ngozi arıkakwo nị
onyę hün Di-nwònñi-enyi jenkoleṇi
d'a gun nị njọ a!”

⁹ Onyę nwèdè nwan ngozi hụ Defidi ku oku e? Ndị hün kwa ugún suq ra kę ndị kwaleni
ugun?

Enyi e kuguo a nị ufiri okukwe Ebraham kę Osolobue gi kpọ a onyę rị kę Osolobue
cho. ¹⁰ Elee ọnodi kę Osolobue node gun ihienni yen'e? Ebe ọ kwaguu ugún ra ebe o
keleni kwa ugún? Ele k'o kwaguu ugún, kanị k'o keleni kwa. ¹¹ Osolobue nọ gi ịkwa ugún
ye e ahíma, gi għosxi n'o rị-ochan, ya wụ n'o riguole ọchan ghahanị okukwe k'o keleni
kwa ugún—kení Ebraham wúru nedị ndị ile kwerini kwaleni ugún; kení Osolobue gi ifiri
okukwe wę kpozikwọ wę ndị rị ọchan. ¹² Ebraham wuzikwọ nedị ndị hün kwa ugún, ndị
hün o me ni ele ni wę kwa ugún suq, kama, wę nwonzikwọ ụdi okukwe ohu hụ Ebraham
nedị-enyi nwọn n'o d'a kwa ugún.

Okukwe Kę Wę Gi E Nwònhen Ihiẹn Osolobue Kwe Nkwa A

¹³ Ogen Osolobue gi kwe Ebraham' le ụmụ a nkwa nị ụwa k'a wụ nke wę, o kuni ni
idomme Iwu kę Ebraham móbụ ụmụ a e gi nwéhén e, kama, nị igi okukwe hénrin ndị rị
ochan kę w'e gi nwéhén e.

¹⁴ Makéni, omeni ndị hün e dònmé Iwu kę Osolobue e ye ihiẹn o kwe nkwa a, ya wụ o
nwònñi ihiẹn okukwe wụ—nkwa Osolobue enwòn ihiẹn o wuzi; ¹⁵ makéni iwe-le-ónuma
Osolobue kę Iwu e wéhę wę dan a; kanị ebe Iwu rileṇi, w'a ra dan iwu.

¹⁶ Ya wụ, okukwe kę wę għa e nwéhén ihiẹn ahun Osolobue kwe nkwa a, kení nkwa hụ
hun uzq wúru ihiẹn-ofe hün Osolobue e ye ndị ile wụ ụmụ Ebraham'—ele ndị wę ye Iwu
suq, kanị kę wę han nwę okukwe kę Ebraham' dòn nwę.

Makéni Ebraham' wụ nedị ndị ile nwę okukwe, ¹⁷ (nóké kę Ehuhuq-nso dòn ku e, sị,
“E meguo m'i wúru nedị ndị anị rị ichen-ichen bu odata.”) O wụ nedị enyi ihun Osolobue,
onyę hün o gi dòn enya; Osolobue hụ hün e me onyę nwùnni a rịzi ndịn, hün e gi oku-
onu a e me ihiẹn rituleni n'o ri. ¹⁸ Ebraham' nọ kweri, kwerikenme, a tu enya nị nkwa
Osolobue jenkó d'e me—osuon'a n'o nwònñi ihiẹn ozø o kwondon eka. Ya k'o gi hénrin
“Nedị ndị alị ichen-ichen bu-odata,” nóké kę Osolobue dòn gwa a mbụ n'o k'a rị, sị a, “Eriṛa
kę ụmụ i k'e buhan odata.”

¹⁹ Okukwe Ebraham ebeluanị, osuon'a n'o nyanhangho nị ęħu a anwunhụnguole
(makéni o wụ ihiẹn nóké nwa ahua օgun-isen ogen hụ), osuon'a n'o nyanhanghozị nị
Sara nwunye e wụ agan; ²⁰ o ninj obi-ebuq nu e d'a rụ nkwa Osolobue uka; kama o
zekemmede imé okukwe e, a ja Osolobue mma. ²¹ O kwerikenme nị Osolobue k'a s'eka me
ihiẹn Osolobue kwe nkwa a. ²² Ya hajin Osolobue gi “gun a yen'e, kpọ a onyę rị ọchan.”

²³ Ele Ebraham suq kę wę de ni oku hụ, nị, “Wę nō gun a yen'e.” ²⁴ Kanị, wę dezikwo
nị enyi nwən ya; makéni wę jenkó d'a gun a yeni enyi nị enyi a riguole ọchan—enyi ndị
hun kwerini Osolobue, Onyę ahun għa օnwun weli Di-nwònñi-enyi wụ Jesu. ²⁵ Osolobue
gi ifiri njọ enyi we Jesu ye n'o nwun, gizi ifiri enyi għa օnwun weli e—kení Osolobue hün
uzq kuni enyi əħunna.

Isi Nke Isen

Enyi Lę Osolobue E Dönguq Nwan!

¹ Ebe o me nwān nị Osolobue e giguo ifiri okukwe enyi kuni enyi əħunna, ya wụ nị enyi
le Osolobue e dönguq ghahanị Di-nwònñi-enyi wụ Jesu Kristi—² onyę hün Osolobue għa
eka a gi ifiri okukwe enyi webanhan enyi imé ənqodini o me efoma ye enyi, efomanu hün
enyi wuzo nwan imé e.

Enyi rị nwan a n'an makē ni enyi nwọn olil'enyā nị enyi jenḱo d'a banye oghō Osolobue!

³ Enyi a nanzikwō a n'an imē nsongbu ndị hūn a bīasomnēni enyi, makēni enyi a maringhō nị nsongbu e wéhé ndidi; ⁴ nị idisomnē ndidi e mē ihiān a gūnsomnē agungun rị mma; nị igūnsomnē agungun rị mma e buhē olil'enyā—⁵ bu olil'enyāni ekpuye�� enyi, makēni Osolobue nwē ihiēn-osusuo jenni enyi odata-oda—o huguo ihiēn-osusuo o nwē ebe enyi rị ye imē obi enyi ghahani Mimoni-nso a o ye enyi.

⁶ Makēni, ogēn o gi rīchanrīn mkpa, ogēn hū ndūn gileni rị enyi, Kraistī nō nwūn nị enyi ndị njō ɔnwūn.

⁷ O fuka orūn nị ihiān k'e gide ifiri onyē rị mma nwūn ɔnwūn—o suokwō n'a nị, ikēnkwo, ihiān k'e ri-eka rīkin obi, gi ifiri onyē rīkenmē mma nwūn ɔnwūn. ⁸ Kanj Osolobue a ghosiguo enyi kē o nwēhan ihiēn-osusuo enyi. Nanj k'o dōn mē e? Ebe enyi rīkwō imē njō, ya kē Kraistī nō nwūnni enyi ɔnwūn! ⁹ Ebe o mē nwan nị Osolobue e giguo ifiri ɔnwūn Jesu nwūn, ya wū, ifiri edeke e, kuni enyi ɔhūnma, enyi jenḱo nwan d'a wanahinchanrīn iwe-le-ɔnūma Osolobue ghahani 'ya wū Jesu. ¹⁰ Makēni, omēni ogēn enyi gi wū ndị-inenren Osolobue, o gi ɔnwūn Nwa a dōnzi ɔgbata enyi lē ya, ya wū nị, hūnni enyi lē iya dōngu, o k'e gi ndūn Nwa a mē enyi wanahinchanrīn!

¹¹ Elēdē ɔhūn sūo, kanj, enyi hūzī a n'an imē Osolobue ghahani Di-nwōnni-enyi wū Jizos' Kraistī, onyē hūn Osolobue ghaguu nwan eka a dōnzi ɔgbata enyi lē Osolobue.

Adam' Lē Kraistī

¹² Ya wū, kē njō dōn gha eka okēnnye ohu wū Adam' banhan imē ụwa, njō nō wéhé ɔnwūn, erirazi kē ɔnwūn dōn ru ihiān ile eka makēni ihiān ile mē njō. ¹³ Egheę, njō rị imē ụwa nị wē d'e ye Iwu Mozizi; kanj, ebe iwu rīleni, w'a ra si ihiān "Lee njō i mē." ¹⁴ Kanj, o suokwō n'a nị o rī erira, ɔnwūn hukwō a kīchanrīn ihiān ile, gha ogēn Adam d'e ru ogēn Mozizi—kē ndị hūn danleni iwu ɔwūlē Osolobue kpo efan kē Adam dōn dan iwu Osolobue kpo efan.

Adam wúchanrīn ihiēn wē e leri enyi a kōwa onyē hū kelēni bīa ogēn hū—hūn wū Kraistī.

¹⁵ Kanj, wē əbuo élē ohu. Ihiēn Osolobue ye ofe anoni kē njō Adam. ɔnwūn kē njō okēnnye ohu hū wū Adam' buhēni ndị bu odata. Kanj, Osolobue gha əfoma okēnnye ohu hū wū Jesu Kristi mē mēni ndị bu odata ɔhūnma, ye wē ihiēn-ofe—élē ɔnwūn.

¹⁶ Ozozí, ihiēn Osolobue ye ofe anoni kē ikpe-omumā hūn njō okēnnye ohu hū wū Adam' buhē. Makēni, okinkin-ikpe kē wē gi sōn akpū njō ohu, wē nō ma ihiān ikpe. Kanj Osolobue gi ihiēn-ofe sōn njō bu odata ihiān mēsonmē, kūn'ē ɔhūnma.

¹⁷ Omēni ifiri njō okēnnye ohu ahūn wū Adam' mē kē ɔnwūn gi ghaha eka a kīma, kīnī k'e mē ndị nabanhān okēn-əfoma Osolobue lē ihiēn-ofe o ye hūn wū iři-ochan? Ya wū nị wē k'e nwōn ndūn, élēzi ɔnwūn—wē k'a rī ndūn, kī hūn wē kpo ɔkiki—ghahani okēnnye ohu hū wū Jesu Kristi.

¹⁸ Ya wū, kē akpū njō ohu hū Adam mē dōn buhēni ihiān ile ikpe-omumā, erirā kē akpū ihiēn rī mma ohu Kraistī mē dōn nwan e mē Osolobue e kuni ihiān ɔhūnma, e we ndūn e ye e. ¹⁹ Makēni, eka ohu hū ndị bu odata gi hēnrin ndị njō makēni okēnnye ohu hū wū Adam nupū isi, ya kē Osolobue sikō nwan d'e gi mē ndị bu odata wūrū ndị rī ɔchan ebe Osolobue rī makēni okēnnye ohu hū wū Jizos' humē isi.

²⁰ Iwu Mozizi rūbanhan d'e mē ni ihiān danwaye iwu, gi e marīnwaye kē wē mēhan ndị-njō. Kanj ebe imē-njō nō ba uba, ebēhū kē əfoma Osolobue nō bakaridē uba—²¹ kēni o hūn uzo mē ni erirā njō dōn gi ɔnwūn kī kē əfoma Osolobue k'a dōn nwan gi ikuni ihiān ɔhūnma lē ikpō wē ndị rī k'o chō kī—gi erirā mē ihiān nwēhen ndūn-itēbitē ghahani Di-nwōnni-enyi wū Jizos' Kraistī.

Isi Nke Isin

¹ Kị enyi k'e ku nwan? Nị enyi mesonmę nwan njø keni efoma Osolobue hụn uzø a bawaye uba? ² Mba nụ! Nanị kẹ enyi, hụn nwunnahingụ njo e dọn tọ imē njo e bi? ³ Ra ụnu amarın ni ndị ile wę buguọ che imē Jesu Kristi ghahanị imē wę mirin-Chuku, ni e buguọ wę wę che imē onzun Jesu Kristi nwụn?

⁴ Ya wụ, e giguọ wę mirin-Chuku wę mē enyi ligbama enyi lę Jesu, gi e mē enyi wuru ndị sòn e nwụn, keni enyi nwèn hụn uzø lihi, bimezikwo ndun ọhụn, riké kẹ wę dòn gha onzun weli Jesu ghahanị ikèn ahụn Nedi enyi wụ Osolobue gi nwę ọgho.

⁵ Ebe o mē ni enyi lę ya a wuguo ohu enjina ghahanị onzun a, enyi lę iya k'a wuzikwo ohu ghahanị igha onzun lihi k'o dòn gha onzun lihi, ⁶ makeni enyi a maringho ni ya lę onyę hụn enyi te wụ kę wę kpogbu enu-obe hụ, keni wę hụn uzø nafo eje-ihiyan ahụn enyi te wụ ikèn, amamgbe njo gha a kizi enyi kę igbọn. ⁷ (Makeni onyę hụn nwunhunni a wanahingụ njo, njo e nwonzi ikèn ebe o rị.)

⁸ O mē nwan ni enyi e songuo Kraistị nwunhun, enyi kweri ni enyi k'e sonzirkwo a rịzi ndun—⁹ makeni enyi a maringho ni hunnị Kraistị ghaguu onzun lihi, o nwunkozị; onzun enwezi ikèn ebe o rị. ¹⁰ Makeni, onzun o nwụn, njo k'o nwunnahin; mgbe ohuni suø k'o nwụn, o nwunkozị. Ndun o rị e bi kikenni, Osolobue k'o rị e bi n'e. ¹¹ Erirazikwo, ụnu lę enwèn ọnụ k'e weririrị enwèn ọnụ nöké ndị nwunnahingụ njo lę ndị nō imē Kraistị wụ Jizosị a rị ni Osolobue ndun.

¹² Ya wụ, anikwole ni nwan njo a kí ẹhu ụnu, e mē ụnu a gbaye eje-ihiyan ndị hụn a gunsonmę ẹhu ụnu; ¹³ ewekwole ni mkpamkpa-ehu ọnụ yemē njo n'o gi henrin ihiyen-örün o gi e mē eje-ihiyan. Ka wechanrin ni enwèn ọnụ ye Osolobue nöké ndị hụn wę ghaguu onzun weli hụn rị ndun; ọnụ e wechanrin mkpamkpa-ehu ọnụ ile ye Osolobue nöké ihiyen-örün o gi e mē ihiyen o cho. ¹⁴ Njo akikọ ụnu—makeni ụnu arizi e bi okpuru iwu kanị okpuru efoma Osolobue kę ụnu rị e bi.

Ndị-kwerini Wụ Igbon Iri-ochan

¹⁵ Kị enyi e mezi nwan? Nị enyi mesonmę nwan njø makeni okpuru efoma Osolobue kę enyi rị elezi okpuru Iwu? Kaka akp'ohu! ¹⁶ Ụnu amarın ni onyę ụnu hatu enwèn ụnu yeni ni ya kę ụnu a gbaye, iya kę ụnu wụ igbọn e? Omēni njo rọ, ọhụn k'e buhę onzun; omēni ihumē-isi rọ, ọhụn k'e mē ụnu wuru ndị rị ochan. ¹⁷ Kanị, ekele ya rịni Osolobue, ni, o suøkwö n'a nị ụnu te wụ igbọn njo, ụnu e giguọ nwan obi ụnu ile gbaye ihiyen rị nkuzi hụ ụnu nwonhen; ¹⁸ a gbapuhaguu wę ụnu eka njo, ụnu nō henrin igbọn iri-ochan. ¹⁹ (M rị e ku e hụ kę ihiyan e ku k'en'o ni ụnu ghoha.) Eka ohu hụ ụnu gi we mkpamkpa-ehu ụnu ye ihiyen-ürü lę eje-obibi nöké igbọn—hụn ụnu te gi rị e bi eje-obibi, e biwaye, gizi ni nwan eka ohu hụ we mkpamkpa-ehu ụnu ye ezi-omumę, keni ụnu rị nsø.

²⁰ Ogen hụ ụnu gi wụ igbọn njo, onwoni ugwo ọwule ụnu gi ezi-omumę hụn ụnu e gi gbaye e. ²¹ Elee erere kę ụnu nwonhen imē ihiyen ndị hụ ụnu e mē ogen ahụn—hụn rị nwan e mē ụnu ifenren? Ọnwụn, ya kę ihiyen ndị hụ buhę! ²² Kanị, hunnị o mē nwan ni Osolobue a gbafuhaguo ụnu imē njo, ụnu e henrin igbọn Osolobue, erere ụnu e nwéhen wụ nị ụnu rị a rị nsø. Ihiyen onzwan k'e buhę wụ ndun itebite. ²³ Makeni, ugwo-örün njo wụ onzun, kanị, ihiyen Osolobue e ye ofe wụ ndun itebite hụn rị imē Jesu Kristi Di-nwonnni-enyi.

Isi Nke Eṣa

Ihiyen Wę Gi O'lulu Di-le-nwunye Kowa

¹ Umunę m, ụnu amarın ni ebe ihiyan rị ndun suø kę Iwu nō a kí a? (A maringho m nị m rị e de ni ndị marin Iwu.) ² Ya k'o gi mēni okpoho nwon di k'a lürüri di e hụ, kasị a mē ni di e ahụn hụ ndun. Kanị, di e nwunhun, iwu di-le-nwunye egizi e. ³ Ya wụ, omēni ya le okennye ozø a suøma móbụ luma bụ di e hukwo ndun, wę k'a kpó a onyę zo-ukụ-ye-ofia; kanị omēni di e a nwunhinguo, iwu hụ egizi e. O luma okennye ozø, o zonị ukụ ye ofia.

⁴ Umunę m, erira k'o rịzi nị ụnu. Makeni ụnu wụ mkpamkpa-ehu hụ Kraistị gi nwunhun, ụnu lę iya gba nwunhun; ya wụ, ụnu a nwunnahinguo Iwu Mozizi, keni wę

hun uzo we unu ye onye ozoz luru, onye hụ Osolobue gha onwun weli, keni enyi banni Osolobue erere, mịn'a mkpuru. ⁵ Makeni, ogem hụ enwem enyi gi rị a kị enyi, eje-ihiēn ndị ahụn Iwu kpotiensonmē rị ɔrun imē mkpamkpa-ehu enyi, a rumpuha ihiēn onwun gi e gbu. ⁶ Kanị, enyi e nweringuo nwan enwem enyi, enyi arizi okpuru Iwu Mozizi, makeni enyi a nwunguo—nwunnahịn ihiēn hun te gi enyi mbụ, keni enyi hun uzo gi uzo ọhụn ahụn Mmọn-nsọ a kị feme Osolobue, elezi uzo akan, uzo ahụn Iwu hụ wé de e de a kị.

Iwu Lẹ Njо

⁷ Kini kę enyi k'e kuzi nwan? Nị enyi sị nwan nị Iwu Mozizi wụ njо? Mba nụ! Makeni, emeni elep Iwu, m'e ke marin ihiēn njо wụ. Omēni Iwu asinị, "Anile ihiēn ọwule na i enya," m'e ke marin ihiēn ọ wụ nị ihiēn a la ihiān enya. ⁸ Kanị njо nọ hun ihiēn ahụn Iwu ku tudem, gi e kpotienchanrin ihiēn olila-enya rị ichen-ichen imē m. Ya wuni, omēni elep Iwu, njо wụ ihiēn nwunni.

⁹ M te hụ ndun kę iwu keleni bijani m; kanị, ogem ihiēn hụ Iwu ku gi bịa, njо nọ tuluwa — ¹⁰ m nọ nwunhụn. Iwu hun nké e ye ndun nọ wéheni m onwun! ¹¹ Njо nọ hun ihiēn ahụn Iwu ku tudem, gi e dufie m, gi e gbu m. ¹² Ya wụ, Iwu lẹ enwem e rị nsọ; ihiēn hụ Iwu ku rizikwo nsọ, rị mma enya Osolobue, rị mma nke-esi.

¹³ Ya wụ nị ihiēn hun rị mma buheni m onwun? Kaka akp'ohu! Njо ya mē e. Ọ nọ puhachanrin ifon ni njо wụ njо—makeni o gi ihiēn rị mma buheni m onwun. Ya wụ, e giguo wé ihiēn hụ Iwu ku ghosi kę njо nọ—nị njо a jōka njо.

Ndun Arị Ihiān

¹⁴ Enyi a maringho nị Iwu wụ ihiēn imē-mmモン, kanị mmē nwem wụ ihiān-mmaka hụn nwonleni Mmọn-nsọ—hụn njо rị a kitchanrin kę igbon o nòn enon. ¹⁵ M'a ra ghota ihiēn m rị e mē. Makeni, m'a ra mē ihiēn m chọ nị m mē, kama, ihiēn hun e ze m ize, ya kę m'e mē. ¹⁶ Ebe o mē nwan nị ihiēn hun m choleni nị m mē kę m'e mē, ya e mē m e kweri nị Iwu hụ rị mma nke-esi. ¹⁷ Ya wụ nwan nị elezi mmē rị e mē e, kanị, njо hun rị imē m rị e mē e. ¹⁸ Makeni, a maringho m n'o nwonni kaka akpụ ihiēn ohu rị mma hụn rị imē m, ya wụ imē mmē wụ ihiān-mmaka. Makeni, m'a chọ nị m mē ihiēn rị mma, kanị, m'a ra saeka mē e. ¹⁹ M'a ra mē mma hụn m chọ nị m mē, kanị eje-ihiēn hụ hụn m choleni nị m mē kę m'e mesonmē. ²⁰ O mē nwan nị m'e mesonmē ihiēn m choleni, ya wụ nị elezi mmē rị e mē e—njо hun rị imē m rị e mē e.

²¹ Ya wụ, a hụnguo m'a nwan n'o nwem iwu rị ɔrun imē m, a kị m, hụn o gi e mē ni m chọ nị m mē mma, eje-ihiēn suq kę m'a sa eka e mē.

²² Ezie, Iwu Osolobue a suq m asuq, a suoru m akpakalị obi. ²³ Kanị, a hụn m iwu ichen rị ɔrun imē ehụ m, a luson Iwu ahụn rị m mma ɔgun; iwu ichen ahụn rị a kini m e mē m a gbaye njо hụn rị mkpamkpa ehụ m a rụn.

²⁴ Euu, uya e gbu m! Onye k'a gbapheha m eka ehụ nị rị e buheni m onwun?!

²⁵ Ekele ya rini Osolobue n'o jen'k'e mē e ghahanị Di-nwonni-enyi wụ Jesu Kristi!

Ya wụ, o mē uche m, m wụ igbon Iwu Osolobue; kanị, makē njо hụn rị imē m, m wụ igbon njо.

Isi Nke Esato

Ndun Mmọn-nsọ Rị A Kị

¹ Ya wụ, o nwonni ikpe-omumma ọwule rị nị ndị hụn rị imē Kraistị wụ Jizosị. ² Makeni, ikēn iwu ahụn Mmọn-nsọ gi a kị, e ye ndun, hụn rị imē Jesu Kristi, a gbapheha ọnwe enyi eka ikēn iwu ahụn njо gi a kị e buhe onwun. ³ Makeni Osolobue e meguo nwan ihiēn hụ Iwu Mozizi saleni eka me, hụn Iwu saleni eka me makeni ikēn arị imē ihiān. Osolobue e meguo a ghahanị igi ifiri njо zihé Nwa a n'o wuru ihiān nöké enyi ndị-njо, ọ nozị nwan ma njо rị imē ihiān ikpe ghahanị ima ya wụ Nwa a ikpe. ⁴ Osolobue mē onwan keni ihiēn ndị ahụn rị Osolobue mma enya hụn Iwu chọ hụn uzo mēzu imē enyi ndị hụn rizileni e bi kę ihiān-mmaka, kanị kę Mmọn-nsọ dọn chọ.

⁵ Ndị hụn rị e bi kẹ ihiyan-mmaka e ro iroro kẹ ihiyan-mmaka, e mè kẹ ihiyan-mmaka; kanị ndị hụn e bi kẹ Mmọn-nsø dòn chọ e ro iroro kẹ Mmọn-nsø, e mè ihiyen Mmọn-nsø chọ. ⁶ Iro-iroro lẹ imè ihiyen kẹ ihiyan-mmaka e buhe Ọnwụn, kanị, iro-iroro lẹ imè ihiyen kẹ Mmọn-nsø dòn chọ e ye ndịn lẹ udòn. ⁷ Makeni, onyę hụn e ro kẹ ihiyan-mmaka ara kwéyeni Osolobue kaka, ara gbaye Iwu Osolobue; ezię, o sakò eka gbaye e. ⁸ Ndị hụn e bi kẹ ihiyan-mmaka a saęka mè ẹfọ suq Osolobue usụo.

⁹ Kanị, nke ụnu nwèn, ụnu a rị e bi kẹ ihiyan-mmaka. Mmọn-nsø ya rị a kị ụnu—omèni ezię rị nị Mmọn Osolobue rị imè ụnu. Bụ, onyę Ọwule nwònleni Mmọn Kraisti ẹlẹ nke Kraisti. ¹⁰ Kanị, omèni Kraisti rị imè ụnu, ezię rị nị ehu ụnu a nwunguọ makè njo, kanị mmòn ụnu rị ndịn makeni ụnu e hēnringuọ ndị rị kẹ Osolobue chọ.

¹¹ Omèni Mmòn onyę hụn gha Ọnwụn weli Kraisti bi imè ụnu, onyę hụn gha Ọnwụn weli Kraisti, mè n'ọ rịzi ndịn, sikò d'e mezikwọ nị ehu ụnu hụn a nwùnni rị ndịn—ghahanị Mmòn a hụn bi imè ndịn ụnu.

¹² Umunę m, ya wụ nwan nị o nwèn ụgwọ ẹnyi gi ihiyan-mmaka ahụn ẹnyi te wụ hụn ẹnyi e gi bi k'ọ chọ. ¹³ Makeni, ụnu bime kẹ ihiyan-mmaka, ụnu k'a nwùnriri. Kanị, ụnu ghaha Mmòn-nsø gbupụ eje-ihiyen ndị hụn ehu e mè, ụnu k'a rị ndịn. ¹⁴ Makeni kẹ wẹ han Mmòn Osolobue rị e du, uwè wụ ụmu Osolobue. ¹⁵ Makeni mmòn hụn Osolobue ye ụnu ẹlẹ nke igbọn, hụn ụnu e gi tūmazị egun, kanị Osolobue ye ụnu mmòn hụn o gi múnrun ụnu, Mmòn ahụn e mè ẹnyi a hị Osolobue, “Baba! Baba Nèdì m!” ¹⁶ Mmòn-nsø lẹ enwèn e a shia eri, a gwa mmòn ẹnyi nị ẹnyi wụ ụmu Osolobue nke-esi. ¹⁷ O mè nwan nị ẹnyi wụ ụmu, ya wụ nị ẹnyi wụ ndị ihiyen nedị wẹ k'e ru eka, ndị ihiyen nedị ẹnyi wụ Osolobue k'e ru eka—ndị wẹ le Kraisti gba nwe ihiyen Osolobue, omèni ẹnyi e sòn Kraisti ta afunfun a, keni oghọ a hụn ụzo ruzikwọ ẹnyi eka.

Ogho Hụn Lalanị Nị Ẹnyi

¹⁸ E gigho m'a dòn nị afunfun ẹnyi rị a ta ogènni enwòn ihiyen o wụ ebe oghọ ahụn jenkö d'a bijani ẹnyi rị.

¹⁹ Oghonị hajin ihiyen ile Osolobue ke gi nwan e che, e chekènme, nị Osolobue ghosi ndị wụ ụmu a. ²⁰ Makeni Osolobue bu ihiyen ile o ke eke tonyi uya; eleni ihiyen wẹ ke eke chọ n'ọ rị imè uya, kanị, makeni Osolobue hụn bu e tonyi uya chọ n'ọ rị erịra, makeni o nwègho ihiyen o bu obi: ²¹ o bu obi nị omegụ, o wepuhazikwọ ihiyen ndị ozọ ile o ke imè egbun wẹ rị, amamgbe wẹ ghazi e rehi, e sòn wẹ ụmu Osolobue weri enwèn wẹ, sòn wẹ nwérin oghọ. ²² Makeni ẹnyi a maringho nị ihiyen ile Osolobue ke hụ a sun udèn nökè opoko imè rị e mè—d'e rukwo ogènni. ²³ Elede ihiyen-okike suq rị a sun udèn; ẹnyi nwèn hụn nwònhenge ndị Mmòn-nsø hụn wụ ihiyen ibuzo Osolobue gi a ghosi nị oghọ ahụn ile lalachanrin, ẹnyi huzikwọ nwan a sun udèn, kẹ ẹnyi dòn rị e che ni Osolobue mürünchanrin ẹnyi, n'o wepuhà ehu ẹnyi imè uya, gi e hēnrin hụn ghaleni e rehi.

²⁴ Ihienni ẹnyi rị e lee ẹnya a kẹ Osolobue gi ifiri e zuofuhà ẹnyi. Ẹnyi e ke nwèhen e, nkè ẹnyi a tübèhi ẹnya a—makeni ilee-ẹnya ihiyen, bụ y'a hụnguọ a, elezi olil'ẹnya. Onyę imè ẹnyi a hụnguọ ihiyen e lemèzi ẹnya a? ²⁵ Kanị, emèni ẹnyi e ke hụn ihiyen ẹnyi rị e lee ẹnya a, ẹnyi e gi ndidi e che e.

Eyemeka Mmòn-nsø

²⁶ Mmòn-nsø huzikwọ e yeni ẹnyi eka ebe o mèni ẹnyi e zuni oke.

Enyi amarin ihiyen ẹnyi k'a rịo imè ekpere, kanị Mmòn-nsø lẹ enwèn e gi ịsùn-udèn a riòdònni ẹnyi ebe Osolobue rị; o gi ịsùn-udèn ahụn e ku ihiyen ọnu ghaleni a saęka e ku.

²⁷ Osolobue hụn e legha obi ẹnyi marin ihiyen Mmòn-nsø rị a rịo, makeni Mmòn-nsø a riòdòn ni ndị-nsø kẹ Osolobue dòn chọ.

²⁸ Ẹnyi a maringho nị Osolobue e gi ihiyen ile le onodi ile a run, a runpuhanị ndị ahụn ihiyen e a suq ihiyen rị mma, ndị ahụn o kpọ makè ihiyen chọ n'o mè. ²⁹ Osolobue a maringuole wẹ mbụ-mbụ n'o d'a kpọ wẹ. O maringuụ wẹ, o nọ hoto wẹ n'o jenkö d'e mè wẹ nị wẹ rị kẹ Nwa a, keni Nwa a wụru nwa-ibuzo imè ụmu bụ ọda. ³⁰ Ndịnị o hoto k'ọ kpọ; o kpoguụ wẹ, o nọ kuni wẹ ọhunma, ya o nọ nwan we oghọ ye wẹ.

Ihien-osusuo Osolobue Nwé Hun Rị Ime Jesu Kristi

³¹ Ebe o me ni ihien ndini no enyi, ke enyi k'e ku nwan? O me nwan ni Osolobue ri azun nke enyi, onye k'a saeka nu enyi ogun? ³² Omeni Osolobue anoni Nwa a ye azun, kama, o gi ifiri enyi ile we e ye, o yechanrinxo enyi ihien ndi ozoo ile—cheni Nwa a? ³³ Onye k'a sa nwan eka ma ndi hun Osolobue hori ikpe—ebe o me ni Osolobue le enwen e ri e kuni we ohunma? ³⁴ Onye k'a ma we nwan ikpe—ebe o me ni Jesu Kristi ri nwan eka-nni Osolobue a riodeonni enyi!? Jesu Kristi hun nwunhunni; elede onwun suo k'o nwun, kama, Osolobue ghazide onwun weli e. ³⁵ Onye k'a sa nwan eka wepu enyi ime ihien-osusuo Kraistị nwé ebe enyi ri? Ni nsongbu saeka me e? Ra afunfun? Ra ukpokpo; ra unwun le egun; ra ahunni ekwa je; ra eje-onodi; ra opia-agha we gi e gbu ihiyan hun ³⁶ Ekukwo-nsø gi si,

“Ifiri i

ke onwun gi a kpo enyi ihun ogen ile;
we e me enyi ke atunrun
we duko d'e gbu.”

³⁷ Mba nu, o nwonnini hun k'a sa-eka!! Ime ihien ndini ile, enyi wu ndi-mméri ka ndi-mméri ile, ghahanị onye ahun nwé ihien-osusuo enyi! ³⁸ Makeni, o wegwo m enya ni ke onwun ke ndun, ke ndi mmón-ozi ke eje-mmón ndi ri a kinji, ke ihien ri ogenni ke ihien ri ihun, ke ikèn ile rini; ³⁹ ke ihien jen elu ke ihien mi mgbagbu, ke ihien ozoo owule we ke eke—o nwonnini hun k'a saeka wefu enyi ime ihien-osusuo Osolobue nwé ebe enyi ri, ihien-osusuo a hun ri ime Kraistị wu Jizosí Di-nwonnini-eyi!

Isi Nke Itenei

Osolobue Lẹ Ndị-Izrelu

¹ M rị e ku ezioku id'anya Kraistị, arị m a tu ntụ—jhorị m rị a ghonj m idenya Mmón-nsø ni arị m a tu ntụ, ni ² oken ekwan jun m obi, ni ogen ile ke obi gizikwo a cho n'o gbawapu m ³ ebe m n'e ro ndi alị m! Nke o rị m ni Osolobue bu m onu—wepude m ime Kraistị—omeni ohun ke we e gi nwon nzupuha.

⁴ M rị e ku oku ndi Izrelu: uwé ke Osolobue gi henrin umu; uwé k'o ghosi ogho a; uwé k'o ye nkwerigbama ahun o kwadem; uwé k'o ye Iwu hụ; uwé k'o tumeni ofufe hụ rị ime Iwu; uwé nwehen nkwa ndi hụ Osolobue kwe; ⁵ Ebrahim le ndi-nedi mbu hụ we marin amarin wu ndi nke we; ebọn we ke we muye Kraistị rike ihiyan—Kraistị, hun wu Osolobue hun ihiyan ile le ihien ile ri okpuru e, hun richanrin mma jenrin ejen! Isẹe.

⁶ Eleñi ihien oku Osolobue ku banyeni ndi Izrelu a ghazini. Mba. Makeni, ele ndi Izrelu ile wu ndi Izrelu nke esi. ⁷ Elezikwo ndi ile gha ehụ Ebrahim puhu wu umu a nke esi, makeni, Osolobue si Ebrahim, “Eka Aziki ke umu we jeniko d'a kpo umu i k'a gha bịa.”

⁸ Onwan ghosi ni ele umu we mu ke ihiyan don a mu nwa wu umu Osolobue, kanji, umu we mu ghahanị nkwa hụ Osolobue kwe, uwé ke we a gunye ni we wu umu nke-esi. ⁹ Makeni, ogen Osolobue gi kwe ya wu nkwa, ihien o ku wu: “Mgbeni akan-ile, m k'e kinhen, Sara a mu okennyę.”

¹⁰ Eledē ohun suo. Makeni, ogen Ribeka gi rị ime ejime, nedị ohu ke we nwon, hun wu Aziki nedị enyi; ¹¹ kanji, ni we d'a mu we, ke we kele ni me ihien owule—ke mma ke njø—Osolobue no gwa Ribeka oku, igi ghosi ni omeni Osolobue cho n'o me ihien, o gi eka a a hori ihiyan, a kpo a—¹² ni ele ihien we run k'o gi a hori we. Ihien Osolobue gwa Ribeka wu, “Hun kanji sikò d'e fe hun-nta.” ¹³ O rihụ ke we don de e ime Ehuhuqo-nsø, si,
“M nwé ihien-osusuo jenni Jekopu;
kanji, enwen m ihien-osusuo jenni Iso.”

¹⁴ Ni enyi si nwan n'o nwon onye Osolobue e gbeyeni? Mba, kaka! ¹⁵ Makeni o si Mozizi, “Onye owule m cho ni m me omiken e ke m k'e me omiken e; onye owule m cho ni m me ebere e ke m k'e me ebere e.” ¹⁶ Ya wu ele ihien ihiyan cho mobu ihien ihiyan run ke we gi e me e, kanji omiken Osolobue suo. ¹⁷ Ime Ehuhuqo-nsø, Osolobue si eze ali Ijiptu wu Fero, “M tumé i eze keni m gi i ghosi ikèn m, keni m gizikwo a me efan m ghagbari ụwa ile.”

¹⁸ Ya wụ nwan nị onyę ọwụlę Osolobue chọ n'o mę omiken e kę o mę omiken e, kanị ndị ọ chọ nị wę gba isi-akwanran, o mezikwọ wę gba isi-akwanran.

Iwe-le-önüma Osolobue Lę Omiken E

¹⁹ Kanị ụnụ k'a sị m, "Omęni ẹnjina k'o mę, kị hainzị Chuku gi a kɔriani ẹnyi wụ ihiyan? Onyę gbondontu uche Chuku?" ²⁰ Kanị, iyụ wụ ihiyan-mmaka, onyę k'i wuded nwan i gi a shiagwari Osolobue? Nị ihien wę kpụ akpu juma onyę kpun'a, "Kị hain i gi kpụ m ẹnjina?"

²¹ Ele ọkpụ-ite nwę ku ihien o k'e gi ọkpükpu-urụa kpụ? O nwę ik'en igi e kpụ ite wę gi e mę ihien-ogho, o nwęzikwọ ik'en gi ya wụ ọkpükpu-urụa kpụ ite wę gi e gbu ani.

²² Kinị rị a omęni Osolobue gi ok'en ndidi sòn ndị hụn ọ kwademegụ tonyi ntikpo, keni ọ ghosi iwe-le-önüma a, mezikwọ ihiyan marin ik'en e? ²³ Kinị rị a, omęni o mę e keni o we ok'en ọgho a ghosi ndị ọ chọ n'o mę ni omiken, ndị ọ kwademetö n'o k'e ye ọgho, ²⁴ ya wụ ẹnyi, ndị ahụn ọ kpoo-hụn o mę ni ele imé ndị Ju suq k'ọ gha kpori ẹnyi kanị kę imé ndị Ju kę imé ndị wuleni ndị Ju. ²⁵ Ọnwani k'o ku imé Ekukwọ-nsø, imé ehuhuọ Hozia, sị, "Ndị wuleni ndị nke m

kę m k'a kpoo 'Ndị nke m.'

Ali hụ te riłeni m obi kę m k'a kpoo
'ali hụ rị m obi.'

²⁶ Ebe ohu ahụn wę nọ sị wę,
'Uṇụ ele ndị nke m'
kę wę k'a nozị kpoo wę
'umụ Osolobue ahụn rị ndụn.' "

²⁷ Nke ndị Izrelü, Azaya gi wę yi oro, sị,
"Osuon'a nị ndị Izrelü buhan ọda
kę ejan rị mkpennren iyi,
ndị k'e nwọn nzufuha imé wę ebuko ọda,

²⁸ makeni,
Di-nwonnı-ẹnyi sikọ d'e yek'enrin ndị ali hụ afunfun hụ o ku,
ye wę ya ru alị!" ²⁹ Ẹrịra kę ya wụ Azaya kuzikwọ mbụ, sị,

"Omęni Osolobue Hụn-nwọn-ik'en-ile e te mieni ni wę gbuhoodu nị ẹnyi umụ, nkę ẹnyi a riguọ kę Sodom, nkę ẹnyi a nọ kę Gomora."

³⁰ Kę ẹnyi k'e kuzi nwan? Nị ndị wuleni ndị Ju, hụn te riłeni a chọ kę w'a don rị ọchan, a riguọ nwan ọchan—irị-ọchan wę gi okukwe nwęhen; ³¹ bu ndị Izrelü, hụn rị a lụ nị wę gi idonmę Iwu rị ọchan, asanị eka rị ọchan. ³² Kị hain wę gileni sa eka? Makeni egini wę okukwe chụ a, kama, wę mę e kę sị ihien wę run kę w'e gi rị ọchan—ya wę nọ kpogburu "omüma-mkpogburu ahụn," kpogburu—³³ rịkẹ kę wę don de e imé Ekukwọ-nsø, sị,

"Lee ẹnya,
e butoguọ m ọmụma imé Zayonu
hụn k'e mę ihiyan kpogburu;
nkumé hụn k'e mę wę dan.
Kanị,
o kpuyekọ ndị kwerini n'e."

Isi Nke Iri

Ekperere Polu E Mieni Ndị Izrelü

¹ Umunę m, ihien hụn a gun m egun le ihien m'a riọ Osolobue imé ekpere n'o mieni ndị ali m wụ nị wę nwę nzufuha. ² M k'a saeka shia nị wę ẹri nị ihien Osolobue a du wę adu, kanị, amamihien arịa. ³ Makeni, ifiri nị amarin wę uzọ ahụn Osolobue gi e mę ihiyan a ri ọchan bụ wę hụ a nwan nị wę mę e uzọ nke wę, eweni wę enwen wę che uzọ hụ Osolobue gi e mę ihiyan a wuru onyę rị ọchan. ⁴ Makeni Kraistị wụ isi-njendemę Iwu, keni onyę ọwụlę hụn kwerini hụn uzọ hęnrin onyę rị ọchan ghahanị ikwerini Kraistị.

⁵ Nke ịri-ochan ghahanị idonmę Iwu, lee ihien Mozizi de banyen'e: "Onyę ọwule hụn e donmę ihien ndịnị Iwu ku wụ onyę k'e gi wę rị ndụn*." ⁶ Kanị, nke ịri-ochan ghahanị okukwe, ihien Ẹkukwọ-nso ku wụ, "Ajukwolę ni enwẹn unu kę 'Onyę k'e jen nwani eluigwee?" (Ya wụ, keni o d'e wehẹ Kraistị) ⁷ mọbụ 'Onyę k'e jen nwani anị-mmɔn' (ya wụ, keni o d'a gha imē օnwụn weli Kraistị)." ⁸ K'o si ihiian mẽ? Ọ si, "Oku Osolobue rị unu nsue—o rị unu ug'b'onu, rị unu imē obi." Elee oku rọ? Oku-okukweni ẹnyi rị e kusonmę: ⁹ nị, i gi onu i ku e nị Jesu wụ Di-nwọnni-i, y'e kweri imē obi i nị Osolobue gha օnwụn weli ẹ, i k'e nwọn nzupuha. ¹⁰ Makeni, ihiian gi obi e kweri, o wuru onyę rị ọchan; o gi onu a ku e n'o kwerigho, Osolobue a zuopuha a. ¹¹ Makeni, Ehuhuq-nso si, "O kpuyekö onyę ọwule kwerini n'e." ¹² Makeni eka ohu kę Osolobue gi e son onyę ọwule, kę ndị Ju kę ndị wuleni ndị Ju. Nna ohu ahun wụ Nna ihiian ile. O hu ngozi e e kpu onyę ọwule kpokun'e, e hukpu wę ya odata-odata. ¹³ Makeni Ehuhuq-nso si, "Onyę ọwule kpoku efan Onyę-nwònni-enyi k'e nwọn nzupuha."

¹⁴ Kanị, nanị kę w'a don kpoku onyę wę keleni kweri ni? Nanị kę w'a don kweri ni onyę wę keleni nütu banyeni? Nanị kę w'a don nụ banyen'e omeni o nwени onyę zi wę ozi banyen'e? ¹⁵ Nanị kę w'a don zi ya wụ ozi omeni e zipuni wę ndị-ozi d'e zi ya wụ ozi? Ya kę Ehuhuq-nso gi si nị "Obibia ndị-ozi hụn e wehẹ ozioma a rika mma, ijen wę a rika mma." ¹⁶ Kanị, eleye ihiian ile kweri ozioma. Azaya le enwẹn e si, "Di-nwònni-enyi, onyę kweri ozi ẹnyi zif?"

¹⁷ Ya wụ, ihien ihiian nụ k'o gi e nwę okukwe; ihien w'a nụ nwehen okukwe wụ ozi banyeni Kraistị.

¹⁸ Kanị, m rị a ju kę ndị Izrelu anunị ya wụ ozi? Ezie, a nuguo w'a. Ọ rịhu kę Ehuhuq-nso don ku, si,

"Olu wę a puolę, o ruolę ụwa ile;
ihien wę rị e ku e ruguo njendemę ụwa."

¹⁹ M rịzi nwani a ju kę ndị Izrelu aghotani? Nke ibuzo, Mozizi le enwẹn ku ni Osolobue si,

"M k'e gi ndị nwonleni ihien wę wụ,
me ẹnya fuma unu ụfụ;
m k'e gi anị ndị nzuzu
kpasu unu iwe."

²⁰ Azaya nọ rikin obi kudę hunnị Osolobue ku, nị,

"Ndị rileni a chọ m,

uwę hụn m;

e we m enwẹn m ghosi

ndị ghaleni a ju ukwere m."

²¹ Nke ndị Izrelu, Azaya ku ni Osolobue si, "M shiafụ eka m kę ụhuhijin han keni m nabanhān ndị nnupu-isini, ndị isi-ikenni."

Isi Nke Mmanai

Omkèn Osolobue Gi E Son Ndị Izrelu

¹ Nị m ju nwani ajụjụ, "Osolobue a juguo ndị nke e wụ ndị Izrelu?" Mba, kaka! Makeni, mmę le enwẹn m wuzikwọ onyę Izrelu, nwa Ebrahim, onyę ikpun-ụlo Benjamin.

² Osolobue ajunị ndị nke e, hụn o hotọ gha isi mbidon lala!

Unu anyanhannị ihien Ehuhuq-nso ku ebéhu Elaija nọ rị e kpe ndị Izrelu eka Osolobue? Kę Elaija don si, ³ "Di-nwònni-enyi, e gbuchanringuo wę ndị-amumma i, tikpopusonmę ebe ndị w'a nọ a chuyen'i ejan. Mmę suọ hotọ, bụ wę rị nwani a chọ nị wę gbu m!" ⁴ Kanị, kinị kę Osolobue za a? Osolobue si a, "E butoguo nị m enwẹn m madu nnu-uku esa (madu ögün-iri kwasị nnu-mmesa) hụn gbutuleni ni mmọn Baa osekpu."

* Isi Nke Iri:5 Litivikosị 18.5

⁵ Erịra k'o rikwọ nwan; o nwonghozị ndị buleni ọda hodonị hụn Osolobue gi ẹfoma a hoṭo. ⁶ O mē nwan nị ẹfoma k'o gi mē e, ya wụ elezi ifiri orun ihiyan run—nké o mē ni ẹfoma elezi ẹfoma.

⁷ Kini mē nwan? Ndị Izrelu ahunnị ihien wẹ rị a lugbu enwèn wẹ, a cho; kanị ndị ahun buleni ọda Osolobue horị sụo wụ ndị hunn'a—Osolobue a kpokin obi ndị hodonị, ⁸ rike ke Ekukwọ-nsọ don ku, sị,

“Osolobue nō mē wẹ amarinzile
ihien wẹ rị e mē;
mē enya wẹ eleghale ụzo;
mē ntin wẹ anulę ihien—
d'e rukwọ nwan tanni.”

⁹ Defidi sị,
“Ihien-oriri wẹ ya wuru ọnyan,
ọnyan wẹ gi nwündon wẹ,
ya wuru ọnuma hụn e mē wẹ a kpogburu;
ya wuru ihien wẹ gi megwari wẹ.

¹⁰ Enya ya kpu wẹ ishi,
amamgbe w'e legha ụzo;
wẹ hieto jenrin ejen!”

¹¹ A jụ m nwan ajuju: kẹ ndị Ju kpogburu, wẹ dangungwon adangungwon? Mba, kaka! Kama, makeni wẹ mē njo, nzufuha a biagunị ndị alị ndị ozọ, keni enya fuma uwé wụ ndị Ju. ¹² O mē nwan nị njo ndị Ju, ndị Izrelu, weheni ụwa eregede ihien rị mma—nị ẹdan wẹ dan weheni ndị wuleni ndị Ju eregede ihien rị mma, ihien ka ọda apuhako ogēn wẹ gi wekinhen wẹ, ogēn nke wẹ e gi ríchanrin mma?

Kẹ Nzufuha ndị Wuleni Ndị Ju Rị

¹³ M rị nwan a gwa ụnu ndị wuleni ndị Ju. Ebe o mē ni m wụ onye-ozi pụ-ich'en Osolobue ebe ndị wuleni ndị Ju rị, m'e mēkenmē oku orun m, ¹⁴ ikenkwo nị m saeka gi uzoni mē enya fukemē ndị alị m, keni m s'eka zuopuhadé ndị hụ imē wẹ. ¹⁵ Makeni, omeni ijụ wẹ togbọ kẹ ụwa lẹ Osolobue gi don, kini kẹ ịnabanhannị wẹ k'e wehe nwan? O mēkọ igha ọnwụn rịzi ndịn?

¹⁶ Omeni hụn wẹ bu ụzo beri ye Osolobue hughọ nsọ, ya wụ nị ogbe brédi wẹ gha beri e rízikwo nsọ; omeni mkpogun osisi rị nsọ, agala ndị rịn'a huzikwo nsọ.

¹⁷ Omeni wẹ kwapusonmē agala olivu wẹ kụn akun, we ụnu wụ agala olivu-ofia cheni ndị hodonị d'e son wẹ ri erere rị olivu hụ, ¹⁸ eleniakwole ni agala ndị hụ mọbụ nyanma nị wẹ isi. Kanị, ụnu nyanma isi, nyanhankwo nị nị ele ụnu bu mkpogun osisi ahun, mkpogun ya bu ụnu.

¹⁹ Kanị i k'a sị, “Eghẹe, ifiri m kẹ wẹ gi kwapụ agala ndị ahun nụ, keni o beyeni m ụzo.”

²⁰ Ezioku rọ. Kanị, wẹ kwapụ wẹ makeni ekwerini wẹ, bù ụnu nwèn wẹ buche ebuche rị ebehu makeni ụnu kweri ekweri. Ka egikwole n'e pachemē, kama, gikwọ nị egun e bil!

²¹ Makeni, omeni Osolobue ahatuni ndị Ju hụn wụ ezigbo agala osisi hụ, o hatukokwo ụnu-o!

²² Ebeni kẹ enyi nō hụn ẹfoma Osolobue lẹ eka-ikēn e: o gi eka-ikēn e son ndị hụn danpunị; kanị, o gi ẹfoma e son ụnu ndị kwerini—kasị a mē ni ụnu nodihukwo imē ẹfoma a. Kanị, omeni ụnu anodisomneni, o sikọ d'a kwapuzikwo ụnu nwèn. ²³ Nke ndị Ju hụ wẹ kwapụ makeni ekwerini wẹ, wẹ kweri, Osolobue k'e we wẹ che osisi hụ—makeni o k'e ri-eka mē e. ²⁴ Omeni Osolobue gha osisi olivu-ofia kwari ụnu, mē ihien wẹ ghaleni e mē, we ụnu che olivu wẹ kụn akun, ya wụ n'o k'a kadé Osolobue nfe iwekinzi agalaba ndị wẹ kwapụ che osisi hụn wẹ gha kwafu wẹ.

Omkèn Sụo Kẹ Osolobue Gi A Zuofuha Ihian

²⁵ Umuñe m, m cho nị ụnu marịn eziokuni mini, ghota a ọhunma—amamgbe ụnu gha e ro ni ụnu a ríka mma, pachemē. Ndị hụ imē ndị Izrelu a wúruguo nwan ndị isi-akwanran;

kanị Izrelụ agbasonmękọ isi-akwanran jenrin ejen—o k'a tɔruhụ ogən ndị wuleni ndị Ju hụn k'a bịa d'e kunrun Osolobue k'e gi zu ọnụ. ²⁶ Eriazikwọ, ndị Izrelụ ile jenkọ nwan d'e nwọn nzuopuha, nöké kẹ Ehuhuọ-nṣo dọn ku, sị,
“Onyę-nzuopuha k'a gha obodo Zayonu bịa;
o k'e wepụ njo imę igunrun ụmụ Jekopụ.”

²⁷ “Onwan wụ nkwerigbama hụn k'a rị ęgbata mme lę wę,
ogən m k'e gi wefụ njo wę.”

²⁸ Ebe ozioma rị, ndị Ju wụ ndị ihenren Osolobue makę ụnụ. Kanị, o mę nke ọhorị, ndị ihien wę a suọ Osolobue kẹ wę wụ—makę ndị nedi wę kanị hụn ọ hɔrị. ²⁹ Makeni Osolobue ara gbehutọ obi e banyeni oyiye o ye lę oku ọ kpọ.

³⁰ K'o dọn mę ni ụnụ ndị hụn te wụ ndị nnupu-isi okpuru Osolobue e nwọnheneguo nwan omiken eka Osolobue makeni ndị Ju nupu isi, ³¹ eriara k'o dọnzi mę ni wę nwẹn a wuruuguo nwan ndị nnupu-isi, keni omiken Osolobue mę ni ụnụ wuru ụzọ wę e gi nwònhenzikuomiken eka Osolobue. ³² Makeni, Osolobue a gunguọ ihiān ile ye ndị nnupu-isi, keni ọ hụn ụzọ mę ni ihiān ile omiken.

Ija-mma Ya Rịnị Osolobue!
³³ Euu! Osolobue e mękenmękẹ ọdafiń!
Amamihien e lę ako-lę-uche e
e mikę!
W'a ra saeka għota iroro ọ tu!
W'a ra saeka għota kę o mę! ³⁴ Makeni Ehuhuọ-nṣo sị,
“Onyę marin uche Di-nwònnoni-enyi?
Onyę a dün a odata?
³⁵ Onyę yetu e ihiēn əwule,
hụn o gi kükkin e ya?”
³⁶ Egħeġ! Makeni, ihiēn ile għa eka a bịa; ihiēn ile a rị ghahan'a; ihiēn ile a rizikwọ n'a.
Ojija-mma ya rīn'a jenrin ejen! Isęę.

Isi Nke Mmębụo

Obibi Furu Ndị E Fee Osolobue

¹ Umunę m, m gi nwan ifiri omiken Osolobue mieni enyi a rię ụnụ, we ni ęhụ ụnụ ye Osolobue nöké ejan rị ndun wę chuyen'ę, ejan rị nsø, ejan hụn a suọ n'a—onwan wụ ezigbo ofufe hụn furu ụnụ k'e fe. ² Akirinrınlę ni obibi ụwanị, kama, nị nị Osolobue gbanwon ụnụ ghahanị igbehutochanrın iroro ụnụ. Mę n'ę keni ụnụ hụn ụzọ marin ihiēn wụ uche Osolobue, hụn rị Osolobue mma, hụn a suọ a usuọ, hụn zu oke.

³ Ghahanị oyiye Osolobue gi efoma ye m, m si onyę əwule imę ụnụ: ewerile enwén i karj kę i han, ka dōnrin enya lele enwén i, n'i marin kę Osolobue yehan i okukwe, ọhụn k'a gwa i kę i han, gwa i ihiēn i k'a kpọ enwén i.

⁴ Kę onyę-onyę imę enyi dọn nwę ęhụ ohu hụn nwę mkpamkpa-ęhụ bu ọda bu mkpamkpa ndị hụ ile a ra rụn ihiēn ohu, ⁵ eriara k'o rị imę Kraistị. Enyi ndị rị imę Kraistị bu ọda, kanị, enyi ile wụ ęhụ ohu. Onyę-onyę rị imę ęhụ Kraistị hụ wụ nke ndị ọzọ ile.

⁶ Enyi nwesonmę oyiye rị ichen-ichen kę Osolobue dọn yesonmę enyi. Omieni oyiye ihiān wụ izi ozi Osolobue sị a zi lę ibu-amumá, y'a mę e kę okukwe e han. ⁷ Omieni oyiye ijen-ozzi rọ, ya jenmę ozi; omieni nkuzi rọ, ya kuzimę nkuzi; ⁸ omieni igi oku-Chuku a kpotien obi ihiān rọ, ya mémę e; omieni iyeni ndị nwònleni eka rọ, y'a ha eka ọhunma-ọhunma; omieni okiki rọ, ya rụnshi ikēn; omieni imę omiken rọ, ya gi ighogħo e mę e.

Ihiēn-osusuq

⁹ E nwieni ihiēn-osusuq għa akpakalı obi pħa. Izize eje-ihiēn ya e ze ọnụ; e kwonkenmę ni ihiēn rị mma. ¹⁰ Ihiēn ibe ọnụ ya suoma ụnụ ọda-ọda nöké umunę; e ye ni ibe ụnụ ọgho karj enwén ụnụ. ¹¹ Anikwolę ni adudu ụnụ benja, ka e zekemnę ni imę-mmɔn, a runnij Di-nwònnoni-enyi ɔrun. ¹² A ghogħo ni make olil'enya ụnụ nwòn; e

nwọn ni ndidi imē nsongbu ụnụ; wụrụ nị ndị wé gi e dòn ẹnya ebe imē-ekpere rị. ¹³ E sòn ni ibe ụnụ e yeni ndị nke Osolobue ihiẹn rị a kọ eka. A nabanhān nị ndị-ọbia.

¹⁴ A gozi ni ndị rị e kpokpo ni ụnụ; a gozi ni, abukwole ni ọnụ. ¹⁵ Sòn ni ndị rị a ghoghoṇi ghogho, ụnụ e sòn ndị rị a kwannị kwan. ¹⁶ E gi ni obi ohu e bi. Apachekwole ni, ajukwole ni ison ndị ọnodi wé lụa alị a kpa mọbụ ịrun ọrun ndị lụa anị w'a kporia. Erole ni nị ụnụ ka ndị ozọ mkpa a rị.

¹⁷ Emegwarikwole ni onye ọwule eje-ihiẹn. Donrin ni ẹnya a hụn a nị ụnụ e mè ihiẹn k'a rị ihijan ile mma ẹnya. ¹⁸ Lili makenné nị y'e mè ihiẹn ile furu n'i mè hụn udon e gi rị egbata 'yụ lè onye ọwule. ¹⁹ Ndị ọwụ m, e megwarile nị; ka la nị mmegwari tọ nị Osolobue, makeni Ekukwo-nsọ sị, "Di-nwọnni-ẹnyi sị, 'Mmè k'e megwari; mmè k'a kukin.' " ²⁰ Kama, "Omèni egun rị a gun enenren i, y'e ye e ihiẹn-oriri; omèni egun ihiẹn-orira rị a gun a, y'e ye e ihiẹn o k'a ra. Makeni i gha e mè e, i rị a buo ikeke-ökun a buoye e isi*." ²¹ Anilé eje-ihiẹn méri i, ka gi ihiẹn-oma méri eje-ihiẹn.

Isi Nke Mmętọ

Ihumé Ni Ndị-okíkí Isi

¹ Ihijan ile wé humé ni ndị-okíkí isi. Makeni, o nwònni okíkí rịnị hụn Osolobue tumeléni. Osolobue ya tumé okíkí ile rịnị. ² Ya wụ, onye ọwule nupụ nị ndị-okíkí isi rị e nupụ isi okpuru ihiẹn Osolobue tumé. Ndị e mè eríra rị e wéheni enwén wé afunfun. ³ Makeni, egun ndị rị a kínị ara tụ ndị e mè ihiẹn rị mma—ndị e mè eje-ihiẹn kẹ egun w'a tụ. Y'a chogho nwan nị egun onye rị a kínị tübahi i? Memem nwan ihiẹn rị mma. O k'a ja i mma. ⁴ Makeni odibo Osolobue k'o wụ—o n'a rụn ọrun maké ọrinimma i. Kanị, i mè eje-ihiẹn, egun e ya tumakwo i, makeni opia hụ o bu o gi e ye afunfun, o bukwon'a mmaka! Odibo Osolobue k'o wụ, iya kẹ Osolobue gi e ye ndị e mè eje-ihiẹn afunfun. ⁵ Ya wụ, ihumé ni ndị okíkí isi rị mkpa. Ele maké wé gha e ye i afunfun suọ, kama, maké obi i ghazíkwo a ma i ikpe.

⁶ Ya hainzíkwo ụnụ gi a kụ ugwo-isi: makeni ndị rị a kínị wụ ndị-idibo Osolobue hụn e gichanrịn ogen wé ile a ki. ⁷ Kụ ni nwan onye ọwule ihiẹn ụnụ gi e: omèni ugwo-isi kẹ i gi, y'a kụ ugwo-isi; omèni egho-alị mọbụ egho ndị ozọ w'a na rọ, y'a kụ a; omèni mgbaye kẹ i gi wẹ, y'e ye wé mgbaye; omèni oghọ rọ, y'e ye wé oghọ.

Ugwo Ẹnyi Gi Ihijan Ile

⁸ Egheé, kupụ ni onye ọwule ugwo ụnụ gi wé—mmanị ihiẹn-osusụo, w'a ra gibehi ugwo ihiẹn-osusụo. Makeni, onye ọwule nwé ihiẹn-osusụo ibe e e mezuguo Iwu. ⁹ Ihiẹn ndị hụ Iwu ku: "Agherelé; egbulé ochu, ezulé ohin; anilé ihiẹn ọwule la i ẹnya" lè ihiẹn ozọ ọwule Iwu ku kẹ wé wegbama imē iwuni hụn sị, "Ihiẹn ibe i ya suọ i kẹ ihiẹn enwén i dòn a suọ i." ¹⁰ Onye nwé ihiẹn-osusụo ihijan asaeka mè e eje-ihiẹn; ya wụ nwan nị onye nwé ihiẹn-osusụo ibe e e mezuguo Iwu.

Obibi Ndị Rị Imē Ukpé

¹¹ E bi ni nwan ẹnìna makeni ụnụ a maringuo ogen ẹnyi rị imē e; nị ogen e ruguo ụnụ e gi gha ụran tēnhin, makeni ogen nzufuha ẹnyi a riguo nsue karị k'o rị ọruru-alị hụ ẹnyi gi kweri. ¹² O teguo ọhịhị gba; eki e d'e fòn. Nị ẹnyi mèbèhi ni nwan ihiẹn ndị ahụn wụ ihiẹn ishi, ẹnyi e yiri ẹwuru-agha ndị wụ nke ukpè gi a lụ ọgun. ¹³ Nị ẹnyi e bi ni ọhunma kẹ ndị rị e bi ogen eki gi rị enu. Ẹnyi esonkọ nị wé e jen eje-mmèmme mọbụ a ra manya a tụ; ẹnyi agherékọ nị mọbụ bimé eje-obibi; ẹnyi emékọ nị ndị ikpe mọbụ ndị ẹnya-ufu. ¹⁴ Kama, yiri ni Di-nwònni-ẹnyi wụ Jesu Kristi nöké ẹwuru; erozilé ni kẹ ụnụ a dòn mè eje-ihiẹn ndị hụn a gun ẹhụ ụnụ egun.

Isi Nke Mmęno

Amalé Ni Ibe Ụnụ Ikpe

* Isi Nke Mmębụ:20 mọbụ: ...ifenren e megbu e.

¹ A nabanhān nī onyē kweri ni Jesu hūn okukwe e kelēni ze, kanī, ełekwō hūn ụnū e gi e sōn e hū a dō ihiēn onyē kweri lē ihiēn o kwerilēni:

² O nwē ndī kweri nī ihiān furu n'o ri ihiēn ile, kanī onyē hūn okukwe e zelēni e ri mkp'ehūhūo sūo. ³ Onyē hūn e ri ihiēn ile y'e leljalē onyē ghalēni e ri ihiēn ile; onyē hūn a sō nsō ya amalē onyē hūn e ri ihiēn ile ikpe, makēni Osolobue a nabanhanguo a. ⁴ Onyē k'i wū i gi a ma odibo onyē ọzō ikpe? Nna a k'e ku k'o turughō k'o turuni. Kanī o k'e turu, makēni Di-nwōnni-enyi k'a saeka mē n'o turu.

⁵ Onyē ohu weri e nī ụhūohin ohu ka nsō a rī karī ụhūohin ndī ọzō; kanī onyē ọzō weri e nī ụhūohin ile wū ohu. Onyē-onyē ya kwonkēnmē hūn we e enya. ⁶ Onyē hūn weri e nī ụhūohin ohu ka mkpa gi ifiri Di-nwōnni-enyi e mē ेrīra. Onyē hūn e ri ihiēn ile gi ifiri Di-nwōnni-enyi e ri, makēni o ye Osolobue ekele makē ihiēn-oriri hū. Onyē hūn a sōnī gi ifiri Di-nwōnni-enyi a sō—e ye Osolobue ekele. ⁷ O nwōnni onyē ọwule rī imē enyi hūn rī nī enwēn sūo ndūn; o nwōnzikwōnī onyē ọwule hūn a nwūnnī enwēn e sūo. ⁸ Omēni enyi rī ndūn, enyi rī nī Onyē-nwōnni-enyi ndūn; omēni enyi a nwūnhūn, enyi nwūnnī Onyē-nwōnni-enyi. Ya wū, ọsūon'a nī enyi rī ndūn mōbū nī enyi nwūn a nwūn, enyi wū nke Onyē-nwōnni-enyi. ⁹ Ọnwān hājī Kraistī gi nwūn, nwūngū, rīzī ndūn: kēni ọ hūn uzo wūrū Nna ndī rī ndūn lē ndī nwūnnī.

¹⁰ Iyū nwēn, kī hain nwān i gi a ma nwēnē i imē Kraistī ikpe? Kī hājī i gi e lelia nwēnē-i-imē-Kraistī? Enyi ile k'e turu ihun Osolobue n'o kin enyi ikpe. ¹¹ Makēni Ehūhūo-nsō sī,

“Di-nwōnni-enyi sī,
‘Ebe o mē eziē nī m rī ndūn,
onyē ọwule k'e sekpu ni m;
ọnū ile k'e ku e nī mmē wū Osolobue!’ ”

¹² Ya wū nwān nī, onyē ọwule imē enyi sikō d'a kōnī Osolobue k'o dōn bi.

Emēkwolē Ni Ibe Ụnū Dan

¹³ Ya wū, nī enyi mabehi ni nwān ibe enyi ikpe. Kama, nī enyi kwademē obi enyi nī enyi ebutōkōnī nwēnē enyi imē Kraistī ọmūma kpogburu mōbū bu uke che n'e.

¹⁴ Rīkē onyē nke Di-nwōnni-enyi wū Jesu, o we m enya ọhūnma-ọhūnma n'o nwōnni ihiēn-oriri ọwule rīleni ochan; kanī omēni ihiān e weri ihiēn-oriri ọwule n'o rū arū, ya wū nī ọ rū arū ebe onyē hū rī. ¹⁵ O mē nwān ni ihiēn y'e ri rī e ye nwēnē i nsongbu, ya wū nī y'a rīzī e gi ihiēn-osusūo e bi. Egikwolē ihiēn-oriri y'e ri tikpō onyē Kraistī nwūnnī ọnwūn! ¹⁶ Kpanchanpukwō enya, amamgbe ihiān a kpo ihiēn-oma i eje-efan. ¹⁷ Makēni Ali-eze Osolobue ełē ihiēn-oriri lē ihiēn-oriā, kanī obibi Chuku cho, udōn lē ighoghō hūn Mmōn-nsō e ye. ¹⁸ Onyē ọwule rī e gi uzonī e fe Kraistī, ihiēn onyē hū a sūo Osolobue ụsūo, ndī ọzō e kuzi oku e ọhūnma.

¹⁹ Nī enyi līlīma nwān e mēsonmē ihiēn ndī hūn e wēhē udōn lē hūn enyi e gi e mē ibe enyi a gha ihun imē okukwe. ²⁰ Egikwolē ifiri ihiēn-oriri tikpō ọrun Osolobue. Ezioku-ezioku, o nwōnni ihiēn-oriri rūnī, kanī eje-ihiēn k'o wū nī ihiān e ri ihiēn ọwule k'e mē onyē ọzō dan. ²¹ Ọ ka mma nī y'e erini anū mōbū ra manya mōbū mē ihiēn ọzō ọwule hūn k'e mē nwēnē i imē Kraistī dan.

²² Ya wū, ihiēn ọwule i kweri banyeni ihiēn ndīnī, ya rī egbata 'yū lē Osolobue. Ngozi wū nke ndī ahūn ghalēni e gi ihiēn wē kweri n'o hūghō mma a ma enwēn wē ikpe. ²³ Kanī, omēni ihiān gi obi-ebūo e ri ihiēn ọ rī e ri, ikpe a magūo a, makēni ọ rīnī e gi okukwe e ri e—makēni ihiēn ọwule ihiān mē bū ełē okukwe k'o gi mē e wū njo.

Isi Nke Mmīṣēn

A Chozikwō Nī Ọrīnjimma Ndī Ọzō

¹ O furu nī enyi ndī zenī imē okukwe e di ndī zelēni ebe wē nōleni mē ọhūnma, ełē imē ihiēn a sūo nī enyi. ² Nī enyi e mē ni ihiēn a sūo ibe enyi hūn k'a rīnī wē mma, kēni enyi

hun uzo enyi e gi me we sue imē okukwe. ³ Makeni Kraistī emēdeni k'o suō ya le enwēn e; kama, o mēhu kē Ekukwō-nso dōn ku, ebēhu we de, si,
“Mkpari hū wē kpari i,
mmē gi isi buru e.”

⁴ We de ihien ile wē deye imē Ehuhuq-nso kēni wē gi e kuzi enyi, kēni enyi hun uzo gi umē hun Ekukwō-nso a gba enyi lezi idin-ndidi wūru ndi nwōn olile-ēnya.

⁵ Osolobue hun e ye ndidi le nkasi-obi, ya yeni onu eka e gi obi ohu e bi—k'o furu imē Kraistī wū Jizosī, ⁶ kēni onu ile hun uzo gi olu ohu e wēheni Osolobue hun wū Nedī Di-nwōnni-ēnyi wū Jizosī Kraistī ogho.

A Nabanhan Nī Ihian Ile

⁷ A nabanhan nī nwan ibe onu kē Kraistī dōn nabanhan unu, kēni unu hun uzo e wēheni Osolobue ogho. ⁸ Makeni Kraistī bia d'a rūnni ndi Ju kēni o ghosi nī Osolobue wū onyē ezioku, ghahanj imēnu nkwa Osolobue kwe ndi nedī wē kani; ⁹ o biazikwo kēn'o me ndi alī ndi ozō wūleni ndi Ju ja Osolobue mma makē omiken Osolobue. Erira kē wē dōn de e imē Ehuhuq-nso, si,

“Makē ufiri e, m k'a ja i mma ebe ndi alī ndi ozō wūleni ndi Ju rī; m k'a bu nī əfan i əbu ija-mma.”

¹⁰ O sizi, “Ndī alī ndi ozō hun wūleni ndi Ju, son ni ndi nke Osolobue ghogho.”

¹¹ O sizi, “Anī ndi ozō ile wūleni ndi Ju, ja nī Di-nwōnni-ēnyi mma; alī ile, bunī n'a əbu ija-mma.”

¹² Osolobue gizi Azaya si, “Mkpogun Jese k'a pūha—Onyē ahun hun jēnkō d'e lihi, kīma ndi alī ile; iya kē ndi wūleni ndi Ju k'e gi dōn enya.”

¹³ Osolobue, onyē hun olile-ēnya gha eka a abia, ya gi ighogho lē udon ile gbajun unu kē unu dōn rī e gi e dōn enya. Y'a me e, kēni unu nwē olile-ēnya, nwē e əda-əda, ghahanj ikēn Mmōn-nso.

Iken Polu Gi E De

¹⁴ Umunē m, o wegug m enya nī mma-mma jun imē unu, nī amamihien jun imē unu, ni unu k'a sazikwo eka kuzi ibe unu. ¹⁵ Kani, o nwēgho ihien ndi m ku ndun-ndun imē ehuhuq-ozini, kēni m nyanhanzini unu we. M'e kushi ikēn makē eka Osolobue hun rī imē ndun m, ¹⁶ hun o gi tumē m onyē a rūnni Kraistī wū Jizosī imē igunrun ndi alī ndi ozō wūleni ndi Ju. M rī nwan a rūn kē onyē nchū-ejan ghahanj izisomē ozioma Osolobue. M rī a rūn kēni ndi anī ndi ozō hun uzo wūru ihien we ye Osolobue hun Osolobue a nabanhan, oyiye Mmōn-nso dōn nsō. ¹⁷ Ya wū, o furu nwan nī m'a nyan isi banyeni ihien Jizosī Kraistī gi m rūn imē ihien Osolobue. ¹⁸ Ekukode m ihien əwule karī ihien Kraistī gi m rūn imē igunrun ndi alī ndi ozō wūleni ndi Ju, hun o gi me wē wūru ndi e humē ni Osolobue isi. O gi oku-onu m lē ihien m rūn me e, ¹⁹ lē ikēn o gi ihien-ahīma lē ərun-atumēnya kpa, lezi ghahanj ikēn Mmōn nke Osolobue—nke wū nī e zichanringuq m ozioma Kraistī ghakwori Jerusalem d'e ru llairikōm. ²⁰ Ihien m'a chōkenmē wū nī m'e zi ozioma ebe wē kelēni nūtu əfan Kraistī, amamgbe m'a tūnyezi ebe onyē ozō tūnmagū.

²¹ Kama, m rī e me n'o rī kē Ehuhuq-nso dōn kū, nī;

“Ndī wē gwatulen'i banyen'e k'a hun;
ndi nūtulen'i banyen'e k'a għota.”

Polu A Tu Iroro Ijen Rom

²² Ifiri e kē m gileni sa eka bia d'a hun unu ogēn ile m gi cho nī m bia.

²³ Kani, hūnni o me nwan n'o nwēzini ebe hōdunī m k'a no rūn ərun azūnni ile bu o mepuguo ahua ole-lē-ole m chōma nī m bia d'a hun unu, ²⁴ a kwademeguq m nī m k'a bia m jēnkōni Speni. M bu e obi nī m k'a banhan d'a hun unu m jēnkōni, kēni unu ye ni m eka m jēnkōni ebēhu—mmē lē unu noguq ekere.

²⁵ Kani, m jēnkō nwan Jerusalem kikenni d'e yeni ndi nke Osolobue rī ebēhu eka.

²⁶ Makeni ndi kwerini rişonmē Azūn Masedonia lē Akaya e wepūhaguo obi, shiāpu efo tuni ndi igbennye rī imē ndi nke Osolobue rī Jerusalem ihien. ²⁷ Uwē gi uche wē me

ihienni. Ezioku-ezioku, o furughọ, makeni we gi ndị kwerini rị Jerusalém ụgwo. Makeni, omeni ndị wuleni ndị Ju e sòngụo uwę wụ ndị Ju keri ngozi imē-mmɔn wẹ, o furu ni ndị wuleni ndị Ju gizi ihién ụwanị wẹ nwę yeni wẹ eka.

²⁸ M runguụ ogboni, wegụ ihién ile wẹ tu ye wẹ, m k'e jen Speni; m jenkonị a banhan m d'a hụn ụnu. ²⁹ Ogen m'e gi bia d'a hụn ụnu, a maringhọ m nị m k'e gichanrin ngozi Kraistị bia.

Połu A Rịo Wę Ekpere

³⁰ Umuńe m, m rị e gi ẹfan Di-nwọnni-enyi wụ Jizos' Kraistị le ifiri ihién-osusuo gha eka Mmɔn-nsø bia hụn enyi nwę jenni ibe enyi a rịo ụnu nị ụnu son m mèkènime ekpere, ụnu a riokènme ni m Osolobue. ³¹ A rịo n'a n'o gbapuha m eka ndị kwerileni hụn rị imē alí Judia; a riòzin'a nị ndị nke Osolobue rị imē obodo Jerusalém nabanhān ihién m jenko ebéhụ d'e mèni wẹ, ³² keni m gi ighoghọ bia d'e kunrun ụnu, omeni Osolobue a chogho, e son m ụnu nödiguụ—gi e zu ikèn, ndùn a banzị m. ³³ Osolobue, onye hụn e ye udòn, ya noyeni ụnu ile. Isẹe.

Isi Nke Mmisin

Połu Ekele Ndị Rị Ichèn-ichèn

¹ Nabanhān nị nwene-enyi-okpoho wụ Fibi, hụn wụ onye ohu imē ndị-ørùn ụka rị Sènkre; o lala d'a hụn ọnu. ² M sị ụnu gi ẹfan Di-nwònñi-enyi nabanhān a k'o furu nị ndị nke Osolobue a nabanhān ihián. Yeni n'i eka ọwule o cho nị ụnu yen'e, makeni ya le enwèn e e yepukanị ndị bu oda eka, kę mmè nwèn.

³ Kele ni Prisilia lę Akwila, ndị mmè le wę gba a rụn örùn Kraistị Jizosị. ⁴ Oku m te k'e gbu wẹ. Eélé mmè suq rị e kele wẹ, kę ndị ụka ile rişonmè alí ndị wuleni ndị Ju rị e kele wẹ. ⁵ Kelezi ni ụka hụn a nō iwe wę e zu. Kele ni ezi ọwụ m wụ Epenetosị. Iya wụ onye ibuzo kwerini Kraistị imē Azuñ Eshia. ⁶ Kele ni Meri, hụn runkènme ni ụnu örùn. ⁷ Kele ni Andronikosị lę Juniasi, ndị Ju ibe m kę wę wụ, mmè le wę wị nō ụno-ngan. Wę wụ ndị w'a gbaye imē ndị-ozi pü-ichèn, uwę bu m ụzo wuru ndị nke Kraistị.

⁸ Kele ni Amplayatosị, ezi nwene m imē Di-nwònñi-enyi. ⁹ Kele ni Obanosị wụ onye-ørùn ibe enyi imē örùn Kraistị lę ezi ọwụ m wụ Stakisi. ¹⁰ Kele ni Apeləsi, hụn wę e ku oku e ọhunma imē Kraistị. Kele ni ezi-le-ülə Aristobulosi. ¹¹ Kele ni Herodionu, hụn mmè le iya wụ onye alí ohu. Kele ni ndị hụn kwerini Di-nwònñi-enyi imē ezi-le-ülə Nasisosị.

¹² Kele ni Traifina lę Traifosa, ikpohu ndị hụ a runkènmeni Di-nwònñi-enyi örùn. Kele ni ezi ọwụ m wụ Pèisisi, hụn runkènmeni Di-nwònñi-enyi örùn. ¹³ Kele ni Rufosi, hụn Di-nwònñi-enyi hɔri, ya le nnę e hụn e mè mmè le enwèn m kę nwa a ogèn ile. ¹⁴ Kele ni Asinkritosị lę Flegonu lę Hèmisi lę Patrobasi lę Hèmasi lę umuné ndị ọzo imē Kraistị wę ile rị ebéhụ. ¹⁵ Kele ni Filologusu lę Julia. Kele ni Neriusu lę nwene-e-okpoho. Kele ni Olimpasị lę ndị nke Osolobue ile hụn wę ile rị ebéhụ.

¹⁶ Dide ni ibe ụnu ndide rị nsø.

Ndị ụka Kraistị ile e zi ekele.

Oku İkpazụn

¹⁷ Umuńe m, dodo, o rị eka ụnu, kpachanpu nị enya make ndị e buhę nkebe, e mè okukwe ụnu uke ebe wę n'a kuzi ihién wuleni ezioku ahụn ndị kuzini ụnu kuzi ụnu. Gba nị nị wę ọso! ¹⁸ Makeni ndị e mè ihién ndịnị a rị e fe Nna enyi wụ Kraistị; kani wę rị e fe ẹfọ wę le ihién a gunni wę. W'e gi ọnu-oma lę oku a suq ụsuq e dufie ndị maringleni ihién.

¹⁹ Ihián ile a nuguo kę ụnu don rị e hume isi. Ufiri e, ẹfọ rị a suq m ụsuq banyeni ụnu. M cho nị ọnu a wụ ndị maringleni ihién ebe imē ihién rị mma rị, ụnu a wụ ndị maringleni ihién ebe imē eje-ihién rị. ²⁰ O biekọ Osolobue hụn e ye udòn a zökpükpo Ekwensu ye okpuru ụku ụnu.

Efoma Di-nwònñi-enyi wụ Jizosị ya noyeni ụnu.

²¹ Timoti, hün mmę lę ya wị a rụn օrun e zi ekele ụnu, ेriṛa kę Lushosi dọnzi zi ekele ụnu. Jasın lę Sosipata, ndị Ju ibe m, e zizi ekele ụnu. ²² Mmę wụ Tętiosi, hün de ękukwo-ozini gi ęfan Di-nwɔnni-ęnyi e zi ekele ụnu. ²³ Gayosi, hün m rị iwe ẹ, hün ụka nọ iwe ẹ e zu, e zi ekele ụnu. Ęrastosi, hün e dònmeni obodoni egho lę nwènè ęnyi wụ Kwɔtus' e zi ekele ọnụ.

²⁴ [Efoma Di-nwɔnni-ęnyi wụ Jizos' Kraisti, ya noyenı ọnụ ile. Isee.]

Ojija-mma Ya rịnị Osolobue!

²⁵ Ojija-mma ya rịnị Osolobue! Iya wụ onyę hün k'a saeka gi ihien rị imę oziomani m rị e zi hün wę gi a masörümę ǫkwa banyeni Jesu Kristi, mę ụnu zekenme. Oziomani lę ǫkwanị rị e ku oku ihien-mini hün te zueri ędei. ²⁶ Kanị, e wepuhaguo w'a nwan ifon; wę rị nwan ẹ gi ihien ndị-amuma desonmę imę Ęhụhụo-nso e mę ndị alị ile a marịn a; Osolobue hün rị ndịn jenrin ejen ya ye iwu sị wę mę ेriṛa, kení ndị anị ile hün ụzọ kweri, gi okweri hụ wę kweri humen'ẹ isi.

²⁷ Egheę, ojija-mma ya rịnị Osolobue! Osolobue hün ya suọ marịn ihien ile! Ya rịn'a jenrin ejen ghahanị Jizos' Kraisti! Isee.

Ehuhuqo-Ozi Ibuzo Polu Dejenni
Ndị Korenti
Ndị Korenti, Nke Ibuzo

¹ Mmę wụ Polu de Ekukwọ-ozini, mmę le nweneq enyi wụ Sostenesi. Kraistị wụ Jizosị kpọ m, tumę m onye-ozi e pụ-ichẹn makeni uche Osolobue rị. ² Enyi rị e dejenni ndị ụka Osolobue hụn rị obodo Korenti; ndị Osolobue don nsq imē Jesu Kristi; ndị wę kpọ d'a wuru ndị-nsq. Enyi rị e dejenni uwę le ndị ile rị ebe ọwule, hụn a kpoku ẹfan Nna-enyi wụ Jesu Kristi—Nna enyi le we. ³ Efoma le udon hụn gha eka Osolobue Nedi enyi le Nna enyi wụ Jizos' Kraistị bia ya noyen i unu.

Ngózi Hụn Rị Imē Kraistị

⁴ Ogèn ile kẹ m gi e gi ifiri unu a kpanmịn Osolobue, maké ihien ile o gi gozi ọnụ imē Kraistị wụ Jizosị. ⁵ Makeni, imē Kraistị, unu e nwęguo oyiyi bu ọda uzo ile—kẹ oyiyi iku-oku kẹ ụdi amamihien ile rị ichen-ichen—⁶ kẹ o dònzi rị a puhā ifon nị ozi Kraistị e weriguo onodị imē unu. ⁷ Ya wụ, oyiyi Mmón-nsq akoni unu, kẹ unu don rị e che ọbịbia Nna-enyi wụ Jizos' Kraistị.

⁸ Nna enyi wụ Jizos' Kraistị k'e mezikwọ unu turu d'e ru njendemẹ, maké unu gha e nwọn nkoriṇanị Uhuohin Nna-enyi wụ Jesu Kristi. ⁹ Osolobue hụn kpọ unu d'e sòn Nwa a wụ Jizos' Kraistị Nna-enyi mękọ wụ onye we e gi don enya.

Ikpe Lẹ Nkebe Imē Ụka!

¹⁰ Umunę, m gi ẹfan Nna-enyi wụ Jesu Kristi a riọ unu, nị unu ile e kweyeni ibe unu, amamgbe nkebe gha a rị imē igunrun unu, kama, nị unu e nwę obi ohu, a chụ ihien ohu.

¹¹ Umunę m, m rị e ku ọnwan makeni ndị hụ imē ndị ikpun-ulo Klo a gwaole m nị ikpe le nkebe rị imē igunrun unu.

¹² Ikpe le nkebe m rị e ku wụ nị ndị hụ imē unu rị a si, “Polu kẹ m'e sòn,” ndị hụ si “Apolosi kẹ m'e sòn;” ndị hụ si, “Kefasi wụ Pita kẹ m'e sòn;” ndị hụ si, “Kraistị kẹ m'e sòn.”

¹³ Kraistị kebe ekebe? Polu ya nwunnị unu ọnwun? Ra ẹfan Polu kẹ we gi mē unu mirin-Chuku?

¹⁴ A kpanminkwọ m Osolobue n'o nwonnị onye m mē mirin-Chuku imē unu mmanị Krisposi lẹ Gayosi—¹⁵ ya wụ, o nwonnị onye ọwule k'a si nị wę gi ẹfan m mē unu mirin-Chuku. ¹⁶ (Eghee, e megħożikwọ m ndị ikpun-ulo Steħanası mirin-Chuku. Wezuka ndịnị, anyanhazinj m kẹ o nwongħo onye օzo m mē mirin-Chuku) ¹⁷ Makeni, ẹle mirin-Chuku kẹ Kraistị zi m d'e mē; kama, o zi m d'e zi oziomma; ẹle nke onye ma donye oku, amamgbe օ nō kẹ si ẹlezzi iken gha onzun Kraistị welua enwén e alị nwun elu obe kẹ we gi a run a.

Kraistị Wụ Ik'en Lẹ Amamihien Osolobue

¹⁸ Makeni, ozi banyeni onwun Kraistị nwun elu obe wụ ihien nzuzu ebe ndị lakò ntikpo rị; kanị ebe enyi ndị Osolobue rị a zuopuha rị, ik'en Osolobue k'o wụ. ¹⁹ Makeni Ehuhuqo-nsq si,

“M k'e wiwi amamihien
 ndị marin ihien;
 m k'e budan akọ-lẹ-uche
 ndị nwọn uche.”

²⁰ Elebe kẹ onye hụ marin ihien rị? Elebe kẹ ọka-ehuhuqo rị? Elebe kẹ onye hụn kachanrin alị-oku amarin rị? Osolobue e megħuoni nị amamihien uwani wuru ihien nzuzu?! ²¹ Makeni, ebe o mē ni ụwa asanị eka gi amamihien we marin Osolobue ebe օ nō gi amamihien ẹ e mē ihien, օ suq Osolobue n'o gi nzuzu rị ozi enyi rị e zi zuopuha ndị hụn kwerini.

²² Ndị Ju sị wẹ k'a hunjiri ɔrun-atumenza pụ-ichẹn wẹ kebe kweri; ndị elu Griki sị mmanị ya lę amamihien wẹ dangbama, ekwerikọ wẹ. ²³ Kanị enyi hụ e zisonzmẹ ozi Kraistị hụn wẹ gi obe kpogbu: ebe ndị Ju rị, ihiẹn atụ-enya wẹ e lenia a kpogburu rọ; ebe ndị wụlenu ndị Ju rị nzuzu rọ. ²⁴ Kanị, nke ndị Osolobue kpọ, kẹ ndị Ju kẹ ndị wụlenu ndị Ju, Kraistị wụ ikẹn Osolobue le amamihien Osolobue. ²⁵ Makeni, “nzuzu” nwèn gha eka Osolobue bịa ka amamihien ihiān; “ndun-ögugu” nwèn gha eka Osolobue bịa ka ikēn ihiān.

²⁶ Umuné m, lekpọ nị ihiẹn ụnu wusonmẹ ogēn Osolobue gi kpọ ụnu: ndị bu ọda imē ụnu ele ndị ụwa a kpọ ndị marin ihiẹn; ndị bu ọda ele ndị-uku; ndị bu ọda ele ụmụ-nze. ²⁷ Kama, Osolobue horị ihiẹn ndị ahụn wụ nzuzu enya ụwa, keni o gi wẹ gbe ifenren ye ndị marin ihiẹn ihun; ọ horị ihiẹn ndị hụn zeleni, keni o gi wẹ gbe ifenren ye ndị zeni ihun. ²⁸ Osolobue horị ihiẹn ndị hụn lụa alị, hụn w'e lenia elu ụwanị, le ihiẹn ndị hụn nwọnleni ihiẹn wẹ wụ imē ụwanị, keni o gi wẹ wetu ihiẹn ndị hụn rị mkpa alị. ²⁹ Osolobue mē erirা makę onyę owitz gha a nyann'a isi. ³⁰ Osolobue mē ụnu gi nwan rị imē Kraistị wụ Jizosị e bi. O meguo Kraistị wụrụ amamihien enyi—amamihien hụn gha eka Osolobue bịa, makeni Kraistị k'o gi mē enyi wụrụ ndị rị ọchan, don enyi nsō, gbafuhā enyi. ³¹ Erirা kẹ Osolobue gi mē n'o rị kẹ Ehuhuọ-nsō don ku, si, “Onyę owitz k'a nyan isi, ya gi ihiẹn Di-nwonnī-enyi mē sụo nyan isi.”

Isi Nke Ebọ

Ikēn Osolobue, Ele Amamihien Ihiān

¹ Umuné m, ogēn m gi bịa d'e zi ụnu ozi Osolobue, ekuni m oku kẹ onyę ma ku, ekuni m nke ndị marin ehuhuọ mọbụ ndị wakenmę enya. ² Makeni m kwademę obi m nị ekuko m ihiẹn ozo, emekọ m oku ihiẹn ozo owitz imē igunrun ụnu wezuka Jesu Kristi leni wẹ kpogbu ya wụ Jesu Kristi elu obe. ³ M bi kẹ onyę nwọnleni ihiẹn ọ wụ ogēn ahụn, a kpachanpu enya ọhunma-ọhunma, e gi ẹhụ-omumma-nni e bi. ⁴ Ebe m nọ e ku oku lę ebe m nọ gwa ụnu oku-Chuku, ekuni m kẹ ndị marin ihiẹn, ekuni m hụn k'a sụo ihiān usụo ntin, o kweyeni m. Kama, m hụn e ku, a ghosi ụnu nị eka Mmọn-nsō lę ikēn e rị a. ⁵ M mē erirা keni ụnu gi ifiri ikēn lę eka Osolobue rịn'a kweri, sonmę Jesu, ele ifiri amamihien ihiān.

Amamihien Osolobue

⁶ Kanị, enyi e ku oku rịkẹ ndị marin ihiẹn ebe ndị ka-ehụ imē okukwe rị, kanị ele amamihien eluni—mọbụ nke ndị rị a kị ogenni hụn ląkọ iwi. ⁷ Mba, enyi rị e ku oku amamihien Osolobue, ya wụ, ihiẹn ahụn mini hụn Osolobue kwademę n'o d'e kedę ụwa n'o k'e gi e ye enyi ogho. ⁸ Imē ndị rị a kị ụwanị, o nwònnoni hụn ghotà ihienni; makeni, omení wẹ te ghotà a, wẹ e ke kpogbu Nna nwę ogho ile. ⁹ Kanị, nökę kẹ Ehuhuọ-nsō don ku,

“Enya ahuntuni,
ntin'anütuni,
ihiān erotuni

ihiān Osolobue kwademę ni
ndị o nwę ihiān-ösüşü wẹ.”

¹⁰ Chuku a ghosiguo enyi ihiān ndini għahani Mmọn-nsō a. Makeni, Mmọn-nsō a maringuo ihiān ile, kẹ ihiān nzuzue rị Osolobue obi.

¹¹ Onyę marin ihiān ile ihiān rị e ro wezuka mmọn rị imē e? Erirা k'o gizi wụrụ n'o nwònnoni onyę marin obi Osolobue mmanị Mmọn Osolobue. ¹² Bụ ele mmọn nke ụwanị kẹ enyi nwéhen, kanị ya wụ Mmọn hụn gha ebe Osolobue rị bịa, keni enyi hụn uzọ marin ihiān ile hụn Osolobue shiapu ẹfọ ye enyi ofe. ¹³ Ihiān ndini wẹ Osolobue ye enyi kẹ enyi e ku nwan; enyi ara gi oku wę gi amamihien ihiān kuzi enyi ku wę, kama, enyi e gi oku Mmọn-nsō kuzi enyi e ku wę; e gi oku gha eka Mmọn-nsō bịa a kowá ihiān imē-mmọn hụn gha eka Mmọn-nsō bịa.

¹⁴ Onye hụn nwọnleni Mmọn-nsọ ara nabanhān ihien gha eka Mmọn Osolobue bịa, makeni wę wụ ihien nzuzu ebe ọ ri. Ọ saeka ghota wę, makeni Mmọn-nsọ sụo e me ihiān a ghoha wę. ¹⁵ Onye nwọn Mmọn-nsọ a ghötachanrin kẹ ihien ile nọ, kanị o nwònni onye hụn a saeka a ghota ya le enwén e. ¹⁶ Ya kẹ Ehuhuọ-nsọ gi sị,

“Onye marin obi Di-nwònni-enyi?

Onye k'e ri-eka dun a ọdụn?”

Kanị, enyi e nwòngho obi Kraistị hụn enyi gi a marin obi Di-nwònni-enyi.

Isi Nke Etɔ

Ndị-uka Rị A Zụo Eka-nke!

¹ Umuné, asanị m eka gwa ụnu oku kẹ ndị nwẹ Mmọn-nsọ; kama, m gwa ụnu oku kẹ ihiān mmaka, lèkè ndị wụ ụmu-ndu imē Kraistị. ² Eran kẹ m ye ụnu, ele ihien-oriri zeni; makeni ụnu e runi ogo e ri ihien-oriri zeni. Ụnu e ke rukwo nwān ogo e ri n'ę, ³ makeni ech'en kẹ ụnu ríkwō e bi kẹ ndị nwònleni Mmọn-nsọ, kẹ ihiān-mmaka. Eghẹe, ebe o me ni enya-ufu le ikpe ri imē igunrun ụnu, ụnu anonị kẹ ndị nwònleni Mmọn-nsọ? Ele agungun ihiān-mmaka kẹ ụnu ri a gun? ⁴ Oméri ihiān a sị, “Polu kẹ m'e son;” ibe e sị, “Apolosi kẹ m'e son,” ele ụnu nō nwān kẹ ihiān-mmaka? ⁵ Kị Apolosi wude? Kị Polu wude? Ndị-idibo ụnu gha eka we kweri kẹ we wuhu—onye-onye imē we runhu ogbo Di-nwònni-enyi ye e run: ⁶ mmē kun; Apolosi gba a mirin; kanị, Osolobue wụ onye me e sue. ⁷ Ya wụ ni, kẹ onye hụn kunnị kẹ onye hụn gba mirin e nwòn ihien o wụ—Osolobue sụo, hụn e me e e sue, iya ri mkpa. ⁸ Onye hụn kunnị le onye hụn gba mirin bu ihien ohu obi a run. Onye-onye k'a narin ugwo a k'o dọn run. ⁹ Makeni, ndị-ørün Osolobue kẹ enyi wụ; enyi ri a rungbama. Ụnu wụ ugbo Osolobue, ụnu Osolobue ri a tun. ¹⁰ Ghahanị eka Osolobue hụn ri imē ndụn m, e gbeguọ m iyeto nöké ọkaa-ulo; onye ozọ ri nwān a tunye elu e. Onye-onye kpachanpukwo enya k'o dọn a tunye elu iyeto ahụn.

¹¹ Makeni onwònni onye ọwule k'a sa eka gbe iyeto ozọ karị hụn rịnjị, hụn wụ Jesu Kristi.

¹² Kẹ goru kẹ ihiān gi ri a tunye enu iyeto hụ-o, kẹ ọla-o, kẹ omuma ndị hụn a koni-o, kẹ osisi-o, kẹ irurue-ókpónkụn-o, kẹ achara-ókpónkụn-o—¹³ kẹ ørün ihiān nō jenkö d'a puhu ifon, makeni Uhuhuịn hụ lalani jenkö d'e wepuhu a ifon: wę k'e gi ọkụn ghosi k'ọ ri; ọkụn hụ k'e lele kẹ ørün onye-onye run ri. ¹⁴ Oméri ihien ihiān run turuhukwo, o k'a narin ugwo-ørün a. ¹⁵ Kanị, o dundụ ọkụn, ihien sikö d'e hunahin onye ahụn, kanị ya le enwén e k'e nwòn nzuopuhu, bụ o k'a nō kẹ onye wę gha imē ọkụn lofuhu.

¹⁶ Ụnu amarin ni ụnu wụ Ulo-nsọ Osolobue?! Ụnu a marin ni Mmọn Osolobue bi imē ụnu?! ¹⁷ Onye ọwule merụ Ulo-nsọ Osolobue, Osolobue k'e tikpọ a, makeni Ulo-nsọ Osolobue ri nsö—bụ 'ya wụ Ulo-nsọ kẹ ụnu wụ. ¹⁸ Edufiekwole ni enwén ụnu! Oméri ụnu ri e ro ni ọnụ marin ihien imē uwani, wuru kwō ni ndị-nzuzu, keni ọnụ wuru ndị marin ihien nke-esi. ¹⁹ Makeni, amamihien uwani wụ nzuzu enya Osolobue. Ya me Ehuhuọ-nsọ gi sị,

“O nwündon ndị marin ihien
imē ero wę.”

²⁰ Ehuhuọ-nsọ sịzi,
“Di-nwònni-enyi a marịnguọ
ni iroro ndị marin ihien
wụ ihien ọlal'iwi.”

²¹ Ya wụ, egizile ni nwān ihiān a nyan isi, makeni ihien ile wụ nke ụnu: ²² kẹ Polu-o, kẹ Apolosi-o, kẹ Kefasi wụ Pita-o, kẹ ụwa ile-o; kẹ ndụn-o, kẹ ọnwụn-o; kẹ ihien ri ogenni-o, kẹ ihien ri ihun-o, wę ile wụ nke ụnu; ²³ ụnu wụ nke Kraistị; Kraistị wụ nke Osolobue.

Isi Nke Eno

Ndị-ørün Kristi

¹ Ya wu, o furu ni ihiyan e weri enyi ke ndi-idibo le ndi-orun Kraistij le ndi we busonme ihiyen-mini banyeni Osolobue che eka. ² Ihiyen w'a cho eka onye we bu ihiyen che eka wu k'o furughø onye we gi e don enya. ³ O me nke m, o nwékeni ihiyen o wu ebe m ri ni unu móbu ogwa ihiyan-mmaka ówule ri e kin m ikpe; m'a ra kindé enwen m ikpe enina. ⁴ Ezie, obi m ri óchan—o nwónni eje-ihiyen m marín m me. Kaní, ohun aghosiní ni o nwónni eje-ihiyen m me; Di-nwónni-enyi ya e kin m ikpe. ⁵ Ya wu, eke hanlé ni eñen ebe ogen keleni ru. Cherigu ni ni Di-nwónni-enyi bia. O jenkó d'e wepúha ihiyen zueri imé ishi ifon. O k'e kpuchanrin ihiyen ri obi onye ówule oghe. Ogen hú, onye ówule a narín ojija-mma run'ë eka Osolobue.

⁶ Umuné m, e giguq m mmé le Apolosí kowa ihiyen ndiní ile maké orijnimma unu, keni unu munarin enyi alí oku ahun hún si, "Emeghafelé ihiyen we de imé Ekukwo-nsó," maké unu gha e gi onye ohu a nyan isi, e lenja ibe e.

⁷ Onye gwa i ni ihiyen ri ichen ri egbata 'yu le ibe i? Kini k'i nwón hún Osolobue yeleni i? Oméni o ye y'e e ye, kí i ri e gin'ë a nyan isi noké si ele ihiyen we ye i e ye ro?

⁸ Unu e me ke si efo e junguole unu! Unu e me ke si unu e higuole odafin! Unu e me ke si unu e henringuole ndi-nze, bu eka enyi aria! K'o ri m, unu e henringuole ndi-nze nke-esi, keni enyi son unu ki! ⁹ Makéni, o ri m ke si Osolobue e wegúo enyi wu ndi-ozí pú-ichen che azúun, lèké ndi we ma ikpe ónwun we dupukó d'e gbu idénya ihiyan ile. Makéni, enyi a wúruqó ihiyen úwa ile a gba ile, ke ndi mmón-ozí ke ihiyan. ¹⁰ Enyi wu ndi nzuzu maké Kraistij, kaní unu a marínka ihiyen imé Kraistij! Enyi ri anunúa, kaní unu ze e ze! We hú a gbaye unu, kaní we hú e lelia enyi! ¹¹ Echen ke egún ihiyen-oriri le ihiyen-oríra a gunkwó nwán enyi; ekwa ara zu enyi ukun; w'e mëshi enyi iké; ulò aria. ¹² Eka enyi ke enyi gi a lurú d'e ru ni ehú a gboró enyi. We kparí enyi, enyi a gózi we; we kporoko enyi, enyi e din e; ¹³ we kuto enyi, enyi e gi ónú-oma son we; enya úwa, enyi e henringuó efifia mmaka le unyin w'a chanpú—d'e rukwó tanni.

¹⁴ Ari m e de ihienni keni ifenren me unu, kama, m gi e a dun ónú odun noké umu m ri m obi. ¹⁵ Eghéé, o suó n'a ni ónú nwón ndi-ndu nnú-uku ole-le-ole imé Kraistij, unu e nwé nedí bu òda, makéni m henrin nedí unu imé Kraistij wu Jizosí—ghahaní ozioma m zi unu. ¹⁶ Ifiri e, m ri nwán a dun unu odun: kínrin ni m nwán. ¹⁷ Ya haín m gi zilani unu Timoti, ezi nwa m, hún m gi e don enya imé Onye-nwónni-enyi. O k'a nyanhan ni unu ke m'e me ihiyen imé Kraistij, nyanhan ni unu ya ke m'a kuzi e imé úka ile ri ebe ile.

¹⁸ Ndi hú imé unu a pachemeguó nwán makéni we ri e ro ni abíakó m. ¹⁹ Kaní m lala egwa, oméni Di-nwónni-enyi a chogho. M bia, a hún m ikéndi ndiní ri a pachení nwón, ele oku-ónu we suó. ²⁰ Makéni, Ali-eze Osolobue ele oku-ónu oku-ónu, ikéndi ke we gi a marín a. ²¹ Elee hún ka unu mma? Ni m wehé mkpínsin ra ni m gi ihiyen-óshusúo le eka-anunúa bia?

Isi Nke Isen

Onye Üka Ghereni

¹ E kughodé w'a ni ugħeré ri imé igunrun unu, udí hún ndi a rúa mmón għaleni a għeridde—ebe okennyé no na nedí e nwunye! ² Bu unu hú a honron! Ele ezigbo ekwan nké unu a kwanma, chħupu onye ahun me ihienni imé igunrun ónū?!

³ Ya wu, osuqon'a ni arí m ebéħu unu ri elee-m, elee-i, m hú a imé-mmón; a hangbuguole m okenneye me ihienni erien riké si m hú ebéħu. ⁴ Unu giħu ċefan Nna enyi wu Jizosí gbakkomé—mmé nwén k'a rizzi ebéħu imé-mmón, ikénd Nna enyi wu Jizosí k'a rizikkwó ebéħu—⁵ unu e we onyen i che eka Ekwensu ni we hún uzo tikpo ehú a, keni mmón a hún uzo nwón nzujopuha Uħħaqbi Nna enyi wu Jesu Kristi. ⁶ Isi unu ri a nyan arí mma! Unu amarín ni we buċċehu ċekere yisti, o ghagħbama ogbe hú ile we gi e mémé brédi, fúchanrin a? ⁷ Wepu ni nwán yisti akan, keni unu wúru ogbe qħun yisti riljeni—hún unu wu nkeesi. Makéni e għigħu we Kraistij wu Ebulu-nghafe enyi, gi e chu ejan Mmēmmé-Nghafe.

⁸ Ya wụ, nị ẹnyi gi nwan brędi hụ yisti rileni, hụn wụ iṣhiapụ-efo lę ezioku, mę ya wụ mmemmegę, ęle yisti akan hụn wụ iwe lę eje-obibi.

⁹ E deguo nị m ụnu ehụhuo-ozi mbụ, sị ụnu lę ndị-ugherę emekole. ¹⁰ Elekwọ ndị ụwanị kwerileni hụn a ghereni móbụ ndị ẹnya-uku móbụ ndị a túnarịn ihiān ihiēn wę móbụ ndị a rụa mmón kę m rị e ku. Oméni uwę kę m te rị e ku, ya wụ nị ụnu k'a gha imę ụwanị pu. ¹¹ Kanị, m rị nwan e deni ụnu, a sị ụnu esonlę onyé ọwule kpo enwenę onyé-kwerini męko, oméni o ghérę agherę móbụ nị o nwę ẹnya-uku móbụ nị o rụa-mmón móbụ nị o kpari ihiān, a kpo iyi móbụ nị o ra manya a tụ, móbụ nị o túnarịn ihiān ihiēn e. Ụnu lę ụdi ihiān nō ẹrịra erigbamadęle. ¹² Elee hụn biri mmę lę ihanńi ndị rị ogbe eñen? Ęle ndị rị imę ükä kę ụnu k'a hanńi eñen? ¹³ Osolobue ya nwę kin ndị rị ogbe ikpe: "Chụpụ nị nwan eje-ihiān hụ imę igunrun ụnu."*

Isi Nke Isin

Ewejenlę Ndị Ụka Ibe I Ogwaa

¹ Onyé ọwule rị imę ụnu hụn ya lę ibe e rị e se oku, o ru egun a nị a we oku ahụn jen ęka ndị kwerileni, hụn nké o gi jenburu ndị kwerini? ² Ụnu a marin nị ndị-kwerini, ya wụ ndị-nsø, jenkö d'a hanńi ụwa eñen? Oméni ọnụ k'e kin ụwa ikpe, kị wunị ọnụ a saékä donzi oku męhu ękere? ³ Ụnu amarịn nị ẹnyi jenkö d'e kin ndị mmón-ozi ikpe? O rị wuzi ikpe mmaka rị imę ụwanị! ⁴ O mę nwan nị ụnu nwọn ikpe nō ẹrịra, kị ụnu e bun'ę e jenni ndị hụn oku rị imę ükä gbaşiarileni? ⁵ M rị e ku ihiēnni keni ifenren mę ụnu! Ya wụ nị o nwònnoni onyé marin ihiēn imę ụnu, hụn k'a s'ęka donzi oku rị egbata ndị-kwerini—⁶ hụn onyé kwerini gi e wejen ibe e ęka ndị-kwerileni?!

⁷ Ezię, nị ikpe rịdę imę igunrun ụnu ghoşı nị e mérichanringuolę wę ụnu. Ibe i mę i njø, y'a ra wefụ ẹnya? Wę męgbu i, y'a ra gba nkintin? ⁸ Hụn nké ụnu e gi mę ẹrịra, ụnu lę enwen ụnu hụ e męde ibe ụnu eje-ihiēn, e męgbudę wę—kę ndị-ükä ibe ụnu!

⁹ Ụnu a marin nị ndị e mę eje-ihiēn abanyekö Ali-eze Osolobue? Anikwołę ni wę dufie ụnu! Ndị-ugherę lę ndị a rụa-mmón (ndị e fe ihiēn ozo) lę ndị hụn a zo-ükü-eye-ofia lę ndị a na nwunyę ihiān le ikennyę hụn ikennyę ibe wę a gba le ikennyę hụn a gba ikennyę ndị ahụn, lę ¹⁰ ndị-ohin lę ndị ẹnya-uku lę ndị-manya lę ndị a kpari ihiān, a kpo iyi lę ndị a túnarịn ihiān ihiēn e abanyekö Ali-eze Osolobue. ¹¹ Ihiēn ndinị kę ndị hụ imę ụnu te wụ, kanị Osolobue no chanchan ụnu; o nō dọn ụnu nsø; o nō gi ifiri ęfan Jizos' Kraistị wụ Nna ẹnyi kuni ụnu ọhunma ghahanị Mmón Osolobue ẹnyi.

Gba Nị Nị Ugherę Oso

¹² "M nwòn iken mę ihiēn ọwule m chọ nị m mę"—kanị, ęle ihiēn ile e ye ęka. "M nwòn iken mę ihiēn ọwule m chọ nị m mę"—kanị emekö m ighbon ihiēn ọwule. ¹³ "Ihiēn-oriri wụ nke efö; efö wụ nke ihiēn-oriri." Kanị, Osolobue k'e tikpo wę ębuo.

Ęhu ęle nke ugherę, kanị, nke Di-nwònnoni-ẹnyi rọ; Di-nwònnoni-ẹnyi wuzikwọ nke ęhu. ¹⁴ Osolobue gi iken e gha ọnwụn weli Onyé-nwònnoni-ẹnyi; o k'e welizikwọ ẹnyi nwẹn. ¹⁵ Ụnu amarịn nị ęhu ụnu wúchanriñ mkpamkpä ęhu Kraistị? Nị m gi nwan mkpamkpä ęhu Kraistị hénrin mkpamkpä ęhu ịgbaraja? O męko! ¹⁶ Ụnu amarịn nị onyé ya lę ịgbaraja gba ranhịn lę ịgbaraja e hénringuolę ęhu ohu? Makení, imę Ehụhuo-nsø, wę si, "Wę ębuo e hénrin ęhu ohu." ¹⁷ Kanị, onyé hụn we enwen e cheni Di-nwònnoni-ẹnyi lę Di-nwònnoni-ẹnyi e hénringuolę ohu imę-mmón. ¹⁸ Gbakwo nị ni ugherę ọso! Njø ndị ozo ile ihiān e mę ęle imę ęhu, kanị, onyé hụn ghereni mę ęhu a njø. ¹⁹ Ra ụnu amarindę nị ęhu ụnu wụ Ulo-nsø Mmón-nsø hụn rị imę ụnu, Mmón-nsø hụn ụnu gha ęka Osolobue nwònnonen, nị ęle ụnu nwòn enwen ụnu? ²⁰ Wę nōn ụnu e nōn. E gi ni nwan ęhu ụnu e ye Osolobue ögħo.

Isi Nke Esa

¹ Nị ẹnyi leban nwan ihiēn ndị hụ ụnu de ẹnya.

* Isi Nke Isen:13 Ditqorönümi 17.7

Oluṇu Di-le-nwunye

“O hughọ mma omeni okennyę ebuni ụkụ tükwasị okpoho.” ² Kanị, makeni ughere jun uzọ ile, okennyę ọwule ya luru nwunye; okpoho ọwule ya luru di. ³ Di k'a gha e mè ni nwunye e ihien run'e imẹ olulu di-le-nwunye; nwunye ya e mezikwo nị di e erira. ⁴ Makeni, ele nwunye k'e ku ihien o k'e gi ehu a mè, di e nwę ku; erirazikwo, ele di k'e ku ihien o k'e gi ehu a mè, nwunye e nwę ku. ⁵ Egile ni ehu unu a jo ibe unu efo, mmanị unu kwerigbama nị unu ye efe ekere ogen, keni onu hụn uzọ bu enwen onu che imẹ ekpere. Omegụ, onu a nogbamazi, amamgbe Ekwensu a nwan onu, makeni unu a saeka kwondonsonmę enwen unu. ⁶ Kanị m rịhụ e ku e n'o nị mè, ele iwu kẹ m rị e ye; ⁷ k'o rị m, ihiyan ile rị kẹ mme. Kanị, onyę-onyę nwọn oyiyę nke e, hụn gha eka Osolobue bia –hunnị nwę nke e, hunnị nwę nke e.

⁸ Nke ndị keleñi lụ le ndị hụn di wę mọbu nwunye wę nwun, m sị wę n'o hughọ mma nị wę nodị nke wę–nokę mme. ⁹ Kanị, omeni asako wę eka kwondon enwen wę, wę luru—makeni o ka mma nị ihiyan luru di mọbu nwunye karị nị egun imẹ-mgbà hụ e gbu e.

¹⁰ Nke ndị luguri, iwu m rị e ye wę wụ ḡonwan (kanị ele mme rị e ye wę ya, Di-nwọnni-enyi rọ): nwunye ajukwole di e mọbu kpechan a. ¹¹ (Kanị o ju di e tọ mọbu kpechan a, y'a lule onyę ozọ. Hụn nke o gi luru onyę ozọ, ya le di e suokin.)

Di e kpechankwole nwunye e mọbu ju a.

¹² Nke ndị ozọ, lee ihien m sị wę mè (mme rị e ku ḡonwan, ele Di-nwònñi-enyi): omeni okennyę wụ onyę itu-Kraistị nwọn nwunye hụn kwerileni ni Kraistị, bụ nwunye e e kwerigho n'o son e e bi, y'e kpechanl'a mọbu ju a. ¹³ Omeni okpoho wụ onyę itu-Kraistị nwọn di hụn kwerileni ni Kraistị, bụ di e e kwerigho n'o son e e bi, y'e kpechanl'a mọbu ju a. ¹⁴ Makeni di hụn kwerileni ni Kraistị a würüwole onyę wę dọn nsọ makę ifiri nwunye e hụn kwerini Kraistị; nwunye hụn kwerileni a würüwole onyę wę dọn nsọ makę ifiri di e hụn kwerini. Omeni ele erira, umu unu e ke rị nsọ, kanị wę hụ nwan nsọ.

¹⁵ Kanị omeni hụn kwerileni ni Kraistị a ju hụn kwerini Kraistị, ya rị erira. O rị erira, o nwònñi iwu gi hụn kwerini, makeni udon kẹ Osolobue kpọ nị enyi.

¹⁶ Nwunye, y'a maringho kẹ eka i kẹ w'a gha zuopuha di i? Di, y'a maringho kẹ eka i kẹ w'a gha zuopuha nwunye i?

Ndị Onodị I Rị Kẹ Osolobue Kpọ I

¹⁷ K'osileri, onyę-onyę ya bimę obibi Di-nwònñi-enyi keye e; wę nodị kẹ wę no ogem Osolobue gi kpọ wę; ebe okuni rị, ḡonwan kẹ m'a kuzi imẹ ụka Kraistị ile.

¹⁸ Omeni ihiyan a kwaguo ugún nị Osolobue d'a kpóbanhan a imẹ Kraistị, y'a chokwole n'o wepụ apa ugún o kwa; omeni ihiyan akwanị ugún nị Osolobue d'a kpóbanhan a imẹ Kraistị, y'a chole n'o kwa ugún. ¹⁹ Ikwa-ugún enwònñi ihiyan o wụ; akwanị-ugún enwònñi ihiyan o wụ; ihiyan rị mkpa wụ imẹ ihiyan Osolobue ku. ²⁰ Onyę-onyę ya nodị onodị o rị ogem Chuku gi kpóbanhan a. ²¹ I wụ igbon ogem o gi kpóbanhan i? Anile ohun sòngbu i; kanị omeni y'a hụn uzọ y'e gi weri enwen i, ye e weri enwen i. ²² Makeni, omeni ihiyan wụ igbon ogem wę gi kpóbanhan a imẹ Di-nwònñi-enyi, onyę werigụ enwen e k'o wụ imẹ Di-nwònñi-enyi. Erirazikwo, onyę hụn wüleni igbon ogem wę gi kpóbanhan a wụ nwan igbon Kraistị. ²³ Osolobue nòn unu enon; awuruleni igbon ihiyan.

²⁴ Umuñe m, nodị nị ḡonwan onodị ọwule unu rị ogem Osolobue gi kpóbanhan unu e fe Osolobue.

Ndị Nwònñeni Di Mọbu Nwunye

²⁵ Nị enyi ku ḡonwan nke ndị lüléni di mọbu nwunye. O nwònñi ihiyan Di-nwònñi-enyi sị m ku banyeni ḡonwan, kanị m rị e ku uche m, nokę onyę furu wę gi e dọn enya ghahanị efoma Di-nwònñi-enyi. ²⁶ Kẹ ihiyan rị ogenni, e rogho m'a n'o furu ni unu nodị kẹ unu no.

²⁷ Omeni i nwọn nwunye, achole n'i ju a mọbu kpechan a; omeni y'e nwònñi nwunye, achole n'i luru. ²⁸ Kanị, i luru nwunye, y'e meni njọ; okpoho keleni lụ di luru di, o meni njọ.

Kanị, ndị lụnị jenkö d'e nwọn nsongbu imẹ ndunni—nsongbu ahụn kẹ m chokọ nị m napụ ụnu. ²⁹ Umuṇe m, ihien m gi e e ku wụ nị ogęn hoduṇi ehizini; gha kikenni jenme, ndị hụn nwondę nwunyę wę bimę noke sị enwọn wę; ³⁰ ndị rị a kwanni, wę bimę noke sị a rị wę a kwan; ndị rị a ghoghomị wę bimę noke sị a rị wę a ghogho; ndị hụn e nnonni, wę bimę noke sị o nwonni ihien wę nwę; ³¹ ndị hụn gi ihien ụwa e bi, wę ewerile e kẹ sị o riķa mkpa, w'e gile e don-nye. E bi ni erira makeni ụwanị rị ogenni ghafekọ aghafekọ.

³² Achonị m nị ụnu e rogbu enwén ụnu. Okennyę hụn gileni nwunyę e ro ihien Di-nwonnī-nyi, o ro k'o don mē ihien efo gi a suq Di-nwonnī-nyi usuo. ³³ Kanị onyę hụn nwọn nwunyę e ro ihien ụwa, o ro k'o don mē ihien efo gi a suq nwunyę e usuo—³⁴ erira kẹ obi e e kebe. Okpoho móbụ nwa-agbọ hụn nwonleni di e ro ihien Di-nwonnī-nyi, o ro k'o don dònmechanrin eħu a lę mmón a nsó; kanị okpoho hụn nwọn di e ro ihien ụwa, o ro kẹ o don mē ihien efo gi a suq di e usuo. ³⁵ M rị e ku ihienni keni o rị nị ụnu mma, elep ni m gi e gbondon ụnu, kanị, keni ụnu hụn uzo bi k'o furu, buchanrin obi ụnu che ebe Di-nwonnī-nyi rị.

³⁶ Kanị, omení ihiān rị e ro ni o rịnị e mémé onyę hụn wę ębuq kuto nị wę k'a lụ ọhunma, bụ o temeguo hụn okpoho móbụ nị hụn okennyę a sakozị eka din—o rị hụn okennyę nị wę luma, ya mē ihien hụ o chọ, wę luma, elep njo.

³⁷ Kanị onyę hụn kwademegegu obi e n'o lükö, n'o lükö okpoho hụ ya lę iya kuto, bụ o rịnị a du a n'o luma a-kama, o hụ a sa eka e kwondon enwén e—onyę ahụn e meghozikwo ọhunma omení o lụnị. ³⁸ Ya wụ, onyę hụn lụnị mē ihien rị ma, kanị onyę hụn lulen i me ihien ka mma.

³⁹ Okpoho nwọn di k'a lurirị di e, ka sị a mē ni di e ahun hụ ndun. Kanị di e nwunhun, o nwọn ikèn luru onyę suq n'a—ka sị a mē ni onyę nke Di-nwonnī-nyi k'o nṣurun. ⁴⁰ O mē uche m, o nodị k'o rị, ya kẹ o k'a ka a mma. Ọnwan wụ uche m,—kanị e rogho m'a nị mmé lę enwén m nwonzikwo Mmón Osolobue.

Isi Nke Esatō

Ihien-oriri Wę Gi Rua Mmón

¹ Nị enyi ku nwani nke ihien-oriri wę gi rúa mmón.

Enyi a maringhọ nị, “Enyi ile marin ihien” bụ imarin-ihien e mē ihiān a honron mmaka, kanị, ihien-osusuo kẹ wę gi e mē ihiān e sue hụn wụ usue nke-esi.

² Onyę ọwule rị e ro ni o nwonghọ ihien o marin eke marin ihien o furu n'o marin.

³ Kanị, onyę hụn nwé ihien-osusuo jenni Osolobue, ya wụ onyę Osolobue marin.

⁴ O mē nwani iri ihien-oriri wę gi rúa mmón, enyi a maringhọ nị, imẹ ụwa ile, o nwonnī ihien mmón wę kpụ akpụ móbụ hụn wę koma wụ, enyi a maringhözị nị Chuku ohu suq rị—ozo a rị a. ⁵ Ikenkwọ o nwonghọ ihien ndị w'e fe noke sị wę wụ Chuku bụ ele wę Chuku—kẹ ndị rị elu-igwee kẹ ndị rị elu ụwa. (Ezioku-ezioku, mmón w'e fe barahị a barahị; ndị w'a kpọ “nna” barahịzikwo a barahị.) ⁶ Kanị, nke enyi wụ nị Chuku ohu suq rị; iya wụ Nedi enyi; ihien ile gha eka a a-bia; iya kẹ enyi rị a rị nị ndun. Nna ohu rịzi, ya wụ Jesu Kristi; Osolobue ke ihien ile ghahan'a; enyi rị a rị ghahan'a.

⁷ Kanị, ele ihiān ile nwé amamihieni. Makeni, o nwęgho ndị o mē ni ịrúa-mmón a mumarinqo, nkesinị, wę rihu ihien-oriri wę gi rúa mmón, e weri w'e kẹ ihien wę gi rúa mmón, obi wę a rụ, gbumę wę mgbu—makeni obi wę ezeni. ⁸ Bu ihien-oriri ara mē enyinochimé Osolobue: ele enyi ka njø omení enyi erini, ele enyi ka mma omení enyi ri.

⁹ Ya wụ, kpachanfụ nị nwani enya amamgbe ụnu e mémé nị ọnụ e weriguo enwén ọnụ, meghafe e oken, o henrin ihien umunę ọnụ zeleni k'a kpogburu. ¹⁰ Makeni, omení onyę nke Kraistinị, hụn obi e zeleni, a hụn iyụ, hụn sị n'lị marin ihien, ebe i rị ulo-mmón e ri ihien-oriri, o kpokinko obi ri ihien-oriri wę gi rúa mmón? ¹¹ Ya wụ, onyę zeleni, onyę itu-Kraistị ibe i, hụn Kraistị gi ifiri e nwun, e gi ifiri “amamihien i ni” na iwi. ¹² Unu gha e mē umunę ụnu njø enina, a han wę e mē ihien obi wę zeleni gi a rusonmę, Kraistị kẹ ụnu rị e mē njø.

¹³ Ya wụ, omeni ihien m'e ri k'e me nwene m danye imē njo, erikozị m anu ahun m'e ri, amamgbe m'e me nwene m dan.

Isi Nke Itenei

Ihien Ru Onye-ozi Pụ-ich'en

¹ Ele mmę nwon enwēn m? Ele onye-ozi pụ-ich'en kę m wụ? Ahunnị m Jesu wụ Nna enyi? Unu eле ihien m rụnpuhā imē örün m rị a rụnnị Di-nwonnī-enyi? ² Osuon'a ni eле m onye-ozi pụ-ich'en enya ndị ozō, m wụ onye-ozi pụ-ich'en ebe unu rị! Ni unu rị imē Onye-nwonnī-enyi a ghosiguo ni m wụ onye-ozi pụ-ich'en imē Di-nwonnī-enyi.

³ Ihienni kę m rị a za ndị hụn rị e kin m ikpe.

⁴ Enyi eruni ndị wę k'e yerirị ihien-oriri lę ihien-orira? ⁵ Enyi enwē ikēn iluru onye kwerini keni enyi lę iya a wihunme—lękē kę ndị-ozi pụ-ich'en ndị ozō lę umunę Onye-nwonnī-enyi lę Kefasi (wụ Pita) don e me? ⁶ Ra we méméni mmę lę Banabasi suq ya ni enyi k'e girirị eka enyi nūrūn ihien enyi e gi e bi? ⁷ Elee onye-agha gi ihien e a lụ agha? Onye a rụn ugbo vajin hụn ghaleni e ri mkpuru gha imē e pụha? Onye e du anu hụn ghaleni a ra mirin-eran wę gha anu hụn wepụha?

⁸ M rịdē nwani e ku ihienni nökē ihiyan mmaka ra? Ele enjina kę Iwu Osolobue ku e?

⁹ Imē Iwu Mozizi, wę de si, "Ekenmele oken-efin onu o gha a zopuha mkpuru oka-witi." Efin kę Osolobue rịdē e ro ra? ¹⁰ Ele ifiri enyi k'o gi ku e? Iya-nu, ifiri enyi kę wę gi de e. Makeni, onye rị a kụn ọka lę onye rị a kükponi furu ni wę e me e, e nwon olile-enya ni o nweghō hụn k'e ru wę eka. ¹¹ Omēni enyi a kunguo ihien imē-mmōn imē igunrun unu, o hikē omēni enyi a ghonarin unu ihien uwani unu nwę? ¹² Omēni unu hụ e ye ndị ozō rị a rụn örün Osolobue ihien ndịnị runi wę, ele enyi k'o te furu ni unu ka e ye?

Kanị enyi a doni unu ihien ndịnị runi enyi, kaka! Hụn nkę enyi e gi me ेrira, enyi no dingbuchanriñ ihien ọwule—hụn nkę enyi e gi bu uke cheni ozioma Kraistī. ¹³ Unu amarin ni ndị hụn a rụn örün imē Ulo-nsø gha Ulo-nsø e nwonhen ihien w'e ri? Unu a marin ni wę e keye ndị a rụn örün ebe w'a no a chü ejan ihien wę gi chü ejan? ¹⁴ Erirazikwo, Di-nwonnī-enyi ti iwu, ni ndị rị e zi ozioma k'a gha ozioma e nwonhen ihien wę gi e bi.

¹⁵ Kanị, adotuni m kaka akpụ ihien ohu imē ihien ndịnị ile runi m. Aridēni m nwani e de ihienni keni unu meni m wę. O kadę m mma ni m nwunhun anwunhun karị ni ihiyan a napu m ihienni m gi a nyan isi.

¹⁶ Kanị, anyankö m isi ni m rị e zi ozioma, makeni iwu rọ ni m k'e zirirị a. Nsòngbu k'a rị ni m omēni ezini m ozioma! ¹⁷ M wefụha obi m ile rụn ya wụ örün ozioma, ugwo-örün rịnị m; omēni ewepuhanị m obi m ile rụn a, örün wę ye m rụn rọ, m k'a rụnriri a.

Eka-örün Lę Ugwo-örün

¹⁸ Ki wuzi nwani ugwo-örün m? Ugwo-örün m wụ ni m'e zi ozioma ofe, m'a ra dō wę ye m ihien runi m nökē onye rị e zi ozioma.

¹⁹ Ezię rọ ni mmę nwon enwēn m; ni ari m okpuru ihiyan. Kanị, e giguo m enwēn m henrin odibo ihiyan ile—keni m hụn uzō węhēni Kraistī ndị bu ọda.

²⁰ M ru ebe ndị Ju rị, e bimē m kę onye Ju, keni m hụn uzō węhē ndị Ju d'a marin Kraistī; m ru ebe ndị hụn rị okpuru Iwu rị, e henrin m onye rị okpuru Iwu. (Elekwō ni mmę lę enwēn m rị okpuru Iwu.) M'e me e keni m hụn uzō węhē ndị hụn rị okpuru Iwu d'a marin Kraistī. ²¹ M ru ebe ndị rilēni okpuru Iwu rị, e bimē m rikē onye rilēni okpuru Iwu, keni m hụn uzō węhē ndị rilēni okpuru Iwu d'a marin Kraistī. (Elekwō ni iwu Osolobue a rị a kị m, kanị m rị okpuru iwu Kraistī.) ²² M ru ebe ndị zelēni rị, e henrin m onye zelēni, keni m hụn uzō węhē ndị zelēni d'a marin Kraistī.

E henringuo m ihien ile rị ichen-ichen ebe ndị ile rị ichen-ichen rị, keni m gi uzō ọwule rịnị zuopuha ndị hụ imē wę.

²³ Ifiri ozioma kę m gi e mésomné ihien ndịnị ile, keni Osolobue e keye m ngozi rịn'a.

²⁴ Unu amarin ni wę gha a gba ọso wę gi a dō ọnụ, a zuo ihien ohu, ndị hụn a dō ọnụ e

bu odata, kanji onye ohu suyo e nwéhen ihién wé ri a zuo. Gbakwo ni nwan hun unu e gi nwéhen ihién ahun unu ri a chü.

²⁵ Onye ọwule hun a do ọnụ imé egumegu, a napusonmè enwèn e ihién ile ri ichen-ichen. W'e mechanrịn ihienni ile keni wé gi okpu onye-mméri ahun wé ri do tu wé ugón—okpu mméri hun e wiwini. Kanji, enyi ri e mè nke enyi ni enyi hun uzó nwónhen hun ghaleni e wiwi. ²⁶ Ya wú, m'a ra gba oso kẹ onye marinleni ihién o chukó; m'a ra du ikpa kẹ onye ri a du ufere. ²⁷ Mba! M'e meshi ehu m ikèn, e gi e e hénrin igbón m—amamgbe m'e ziguu ndí ozo ozioma, mmé nwèn a wúru onye wé ju, ni agbaní m ọhunma.

Isi Nke Iri

Gba Ni Nị Irùa-mmón Oṣo

¹ Umuné m, m cho ni ụnu marin ihién mè ndí nedí enyi wé kanji, marin a ọhunma-ohunma. Wé ile kẹ orukpu hú du; wé ile ghafechanrịn Ohimin-Ufie hú; ² wé ile hénrinsonmè ndí e son uzó Mozizi ghahaní mirin-Chuku ahun wé mè wé—orukpu hú du ni wé le Ohimin hú wé ghafe kẹ wé gi mè wé mirin-Chuku. ³ Wé ile ri ihién-oriri ohu ahun hun gha imé-mmón bia; ⁴ wé ile razíkwó ihién ohu ahun hun gha imé-mmón bia—makéni wé ra marin hun gha ọmúma hú sónkoni wé púha, hun gha imé-mmón bia. Ọmúma hú wú Kraistí. ⁵ Kẹ ihién ndíni ile mèni, imérinmè wé emèni ihién suyo Osolobue usúo efo, wé no nwùntosonmè imé atú.

⁶ Ihién ndíni wé mèni no wúru ni enyi ihién-nghosi wé gi a do enyi eka-ntín, amamgbe eje-ihién gha a na enyi enya k'o dòn la wé. ⁷ Emékwole ni ndí a rúa mmón kẹ ndí hú imé wé—hun wé de imé Ehhuhuo-nsó, ni!

“Ndí hú no nòdí aní,
e ri, a ra;
wé no lihi oto, tènmè egú,
mesonmè ihién wé gi a rúa mmón.”

⁸ Enyi agherekókwo ni kẹ ndí hú imé wé dòn mè, hun madú nnú-uku etó-kwasí-ogún (madú ogún-iri kwasi nnúnaí aria nnú-ogún-etó) gi nwùnhun akp'ohin ohu; ⁹ Enyi a chòkókwo ni ihién ri Di-nwónnni-enyi ọnú kẹ ndí hú imé wé dòn mè, agwó no tagbu wé; ¹⁰ edéñiññíñkwole ni kẹ ndí hú imé wé dòn mè, mmón-ozi ahun etikponí no gbupú we.

¹¹ Ihién ndíni mè ni wé wúsonmè ihién nlerí. Wé detu ihién ndíni igi do enyi eka ntín—enyi ndí ri e bi ogéne ikpazuññi ihién ile e gi mezuchanrịn. ¹² Ya wú, onye hun ri e ro n'o wuzoké, ya kpachanpúkwo enya amamgbe o dan. ¹³ O nwónnni ọnwùnwan bìjaní unu hun ghaleni a bìjaní ihián. Osolobue wú onye wé gi e dòn enya, o níkó ọnwùnwan k'a kari unu eka bìjaní unu. Kama, ọnwùnwan bìja, o k'a ghosi unu kẹ unu a dòn mè e, keni unu sa eka mèri e.

¹⁴ Ifiri ọnwànan, umuné m, gba ni ni irùa-mmón oṣo! ¹⁵ Ndí nwé uche kẹ m ri a gwa oku; gi ni eka unu lele ihién m ri e ku. ¹⁶ Mkpu ohu ahun enyi e ye Osolobue ekele, a rarisonmè, ele mméko kẹ enyi ile le edeke Kraistí ri e mèkó? Brédi ahun enyi e ye Osolobue ekele, e keri, ele mméko kẹ enyi ile le ehu Kraistí ri e mèkó? ¹⁷ Ebe o mè ni brédi ohu suyo ro, ya wú ni ehu ohu kẹ enyi wú, osuon'a ni enyi bu odata—makeni enyi ile gba e ri brédi ohu hú. ¹⁸ Ro ni k'o ri ndí alí Izrelú: wé ile hun e ri ihién wé gi chü ejan e songuoní wé mè ihién wé ri e mè ebe ahun wé no a chü ejan? ¹⁹ Kini? kẹ m ri nwan e ku? M gi e nwan ri e ku ni ihién-oriri wé gi rúa mmón nwón ihién o wú móbú ni mmón nwón ihién o wú? ²⁰ Mba. Kama, m ri e ku ni eje-mmón kẹ ndí a rúa mmón a chüye ni ejan w'a chü, ele Osolobue. Achoní m ni unu lè eje-mmón mèkó. ²¹ Unu asakó eka a rari ihién ri mkpu Di-nwónnni-enyi, a rarízkwo ihién ri mkpu eje-mmón. Unu asakó eka e ri ọkwa ihién-oriri Di-nwónnni-enyi, e rízi ọkwa ihién-oriri eje-mmón. ²² Kini? Enyi ríde nwan a cho ni enyi mè enya fúma Osolobue ụfú ra? Enyi ka a e ze?

²³ Wę si, “Ihien ọwule ihiyan chọ n'o mè ya mè e” Kani, ẹle ihien ile ihiyan e mè e ye ẹka. Wę si, “Ihien ọwule ihiyan chọ n'o mè ya mè e.” Kani, ẹle ihien ile e mè okukwe ihiyan e sue. ²⁴ Onye ọwule y'a choma ɔriniimma ndị-ozọ, ẹle nke e.

²⁵ Ri ni ihien ọwule wę re ọdụn anụ, ajusonmele ni ọnụ—makẹ obi gha e gbumé ihiyan mgbu; ²⁶ ri ni makeni Ehuhipo-nsø si, “Uwa lę ihien ile rịn'a wụ nke Di-nwọnni-enyi.” ²⁷ Onye wuleni onye itu-Kraistị kpo ị oriri, bụ y'a chogho n'i jen, i ru e, ri ihien ọwule wę ye i, ajusonmele ọnụ hụn obi e gi gbumé ihiyan mgbu. ²⁸ Kani, omeni ihiyan a sị i, “Wę gi ihienni rua mmọn,” erile e nwan—makẹ ufiri onye hụ gwa n'i lę makẹ obi gha e gbumé ihiyan mgbu, makeni, [“uwa lę ihien ile rịn'a wụ nke Osolobue.”] ²⁹ M si, “Makẹ obi gha e gbumé ihiyan mgbu.” Obi onye ahun kę m rị e ku, ẹle nke i.

I k'a si, “Kị wę rị e gini obi rị e gbu onye ozọ mgbu a gba m njụ m gi mè ihien m marin ni ẹle eje-ihien? ³⁰ Omeni e meguo m ekpere, kelegụ Osolobue, nị m d'e rimę e, kị wę rị e gini ihien m ri e kutọ m, bụ e yeguhọ m Osolobue ekele nị m d'e rimę?” ³¹ Kę oriri kę ɔrira kę ihien ozọ ọwule unụ e mè—e mèchanrịn nị wę ile ụzọ o k'e gi weheni Osolobue ogho. ³² Ebikwolę ni obibi e mè okukwe onye ọwule uke, kę ndị Ju kę ndị alị ndị ozọ kę ndị ụka-Osolobue. ³³ E bi ni hụ kę mmę: m'a liliima ụzọ ile nị m'e mè ihien a sụo onye ọwule. Makeni ẹle ɔriniimma m kę m rị a chọ, kani ɔriniimma ihiyan ile, keni wę hụn ụzọ nwę nzuopuha.

Isi Nke Mmanai

¹ Esòn ni nzom'okụ m kę m dọn e sòn nzom'okụ Kraistị.

Ikpumé-isi Ogèn Ofufe

² M rị a ja ụnụ mma ụnụ gi a nyanhan m imẹ ihien ile, e dọnmèchanrịn omenalị ndị itu-Kraistị ndị hụ kę m dọn gwasonmę ụnụ nị 'ya kę wę e mè e.

³ Kani, m chọ nị ụnụ ghota nị Kraistị wụ onye-isi okennyę ọwule, di wụ onye-isi nwunyę e, Osolobue wụ onye-isi Kraistị. ⁴ Okennyę ọwule kpumé isi e e mè ekpere mọbụ e zi ozi Osolobue si wę zi rị e budan onye-isi e. ⁵ Kani, okpoho ọwule bu isi-oghe e mè ekpere mọbụ e zi ozi Osolobue si wę zi rị e budan onye-isi e ebe ọ no bu isi-oghe, makeni ya le ikpụnpụ ntutu wụ ohu. ⁶ Makeni, omeni okpoho ekpumekọ isi e, ya kofu nwan ntutu e. Kani, omeni ihien-ifenren rọ nị okpoho kọ ntutu e mọbụ kpụnpụ a, ya kpumé e.

⁷ Okennyę efuruni n'o kpumé isi e ebe o mè ni o yi Osolobue, o wuzikwo ogho Osolobue; kani okpoho wụ ogho okennyę. ⁸ Makeni, aghanị wę okpoho mémę okennyę, kama, wę gha okennyę mémę okpoho; ⁹ egini wę ifiri okpoho ke okennyę, kama wę gi ifiri okennyę ke okpoho. ¹⁰ Ya haịn o gi me ni okpoho k'e nwériri ihien rị a isi o gi a ghosị nị o nwongho onye o rị okpuru e—makẹ ifiri ndị mmọn-ozı.

¹¹ Kani, imẹ Di-nwònñi-enyi, okennyę rị okpoho mkpa, okpoho rị okennyę mkpa.

¹² Makeni, k'o dọn mè ni okennyę kę wę gha mémę okpoho, ẹrira k'o dọn mè ni okpoho kę wę gha a mufuha okennyę. Bụ ihien ile gha ẹka Osolobue bia. ¹³ Gi ni ẹka ụnụ lele ihienni: ọ hughọ mma nị okpoho e bu isi-oghe e mejenni Osolobue ekpere? ¹⁴ Wę k'a gwazi ụnụ a gwa nị ntutu okennyę rukę ọ würü n'a ihien-ifenren? ¹⁵ Kani, nke okpoho ru, ogho a rọ, makeni wę ye e ntutu n'o gi e kpumé.

¹⁶ Kani, onye chọ n'o dōma ihienni, enyi enwę ụzọ ozọ enyi gi e mè e—kę enyi kę ndị ụka Osolobue.

Oriri-nsø

(Mat 26.26-29; Mak 14.22-25; Luk 22.14-20)

¹⁷ Imẹ ihien ndịnị m jenkö d'e ku, a jakö m ọnụ mma. Makeni, iko ụnụ a ra wehē ihien ọma, kama, eje-ihien k'o wehē.

¹⁸ Nke ibuzo, a nüguo m nị ọnụ zu ozuzu ụka, nị nkebe a riṣonmę imẹ ụnụ. O nwongho ihien haịn m gi gi e dọn. ¹⁹ W'a rụ ụka a, ihien rị ichen k'a rị imẹ ụnụ, hụn wę e gi marin ndị rị e mè ihien rị Osolobue mma. ²⁰ Kani, ihien ahun ụnụ e ri, ụnụ zu, elekwo Oriri-nsø Di-nwònñi-enyi. Kaka! ²¹ Makeni, o ru ogèn oriri hụ, onye-onye e rimę nke e, echekọ wę

ndị ọzọ, nke wụnị onyé ohu e buru ẹgụn, kanị ibe e e giguo manya rajunchanrịn ẹfọ, o hụ a tudem we! ²² Kịni! Ụnụ enwọn ụlọ ụnụ a nō ri, ra? Ra ụnụ rị e legberi ụka Osolobue, e gbe ifenren e ye ndị nwọnleni ihiẹn ọwule ihun? Kịni kẹ m k'a gwa nwan ụnụ? Ni m gi e jama ụnụ mma? Emekọ m'a!

²³ Makeni, ihiẹn m nwònhen eka Di-nwònnoni-enyi, ya kẹ m kuzi ụnụ: ni uhinhin hụ we re e, ni wẹ d'e we e ye, Di-nwònnoni-enyi wụ Jesu nō weri brèdi; ²⁴ o yeguụ Osolobue ekele, o nō bebe e; o nō sị, “Onwan wụ ẹhụ m, hụn we gi ifiri ụnụ ye; e mè ni ọnwan e gi e a nyanhan m.” ²⁵ Erija k'o mezikwọ ogen we gi riguụ ihiẹn-oriri enyasị ahun: o weri mkpu manya hụ, o nō sị, “Mkpuni wụ nkwerigbama ọhụn hụ we gi ẹdeke m biye eka. E mè ni ihienni—ogen ọwule ụnụ gi a ra a ụnụ gi e a nyanhan m.” ²⁶ Ya wụ ni, d'e ru mgbe Di-nwònnoni-enyi bia, ogen ọwule ụnụ gi e ri brèdini, a rari ihiẹn rị mkpuni, ụnụ rị a nyanhan ọnwụn Di-nwònnoni-enyi.

²⁷ Ya wụ nwan ni onyé ọwule ri brèdi Di-nwònnoni-enyi móbụ rari ihiẹn rị mkpu Di-nwònnoni-enyi ụzo furuleni rị e mè ẹhụ le ẹdeke Di-nwònnoni-enyi njo. ²⁸ Ya wụ ni onyé ọwule k'e lekpoguụ enwén e, o kebe ri brèdi hụ móbụ rari ihiẹn rị imē mkpu hụ. ²⁹ Makeni, onyé hụn ri brèdi hụ móbụ rari ihiẹn rị imē mkpu hụ bụ ọ gbayeni ẹhụ Nna-enyi, rị e riri ikpe-omumma, a rari ikpe-omumma, e che enwén e isi. ³⁰ Ya hajin ndịn gileni rị ndị bu ọda imē ụnụ, emu hụ a kụ ndị bu ọda, o nwęguodę ndị ranhinni, ya wụ, ndị nwuṇhunni. ³¹ Kanị, omeni enyi te buzo lekpoguụ enwén enyi, Di-nwònnoni-enyi eke ma enyi ikpe, ye enyi afunfun enina. ³² Kanị, Di-nwònnoni-enyi kin enyi ikpe, ye enyi afunfun, ọ rị e ye enyi afunfun k'e yeni enyi eka, amamgbe enyi e sòn ụwa narin ikpe-omumma.

³³ Umuṇe m, ụnụ zu nwan ni ụnụ rị, e che ni ibe ụnụ. ³⁴ Omeni ẹgụn gi ihiān, ya riguụ ihiẹn-oriri iwe e, amamgbe izu ọnụ gha e buhę ikpe-omumma.

Banyeni ihiẹn ndị hodonu, m bia, a gwa m ụnụ ihiẹn ụnụ jenkọ d'e mè.

Isi Nke Mmębụo

Oyiye Mmón-nso E Yesonme

¹ Umuṇe m, ni m ku nwan nke oyiyi Mmón-nso. M chọ ni ọnụ ghota a ọhụnma. ² Ụnụ a maringho ni kẹ ọnụ keleni kweri, we dufie ụnụ, téri ụnụ d'e feme mmón ndị riléni ndịn ghadeléni e ku oku. ³ Ifiri e, m chọ n'o we ụnụ enya ni o nwònnoni onyé gi iken Mmón Osolobue e ku hụn k'a sị, “Jesu arị mma.” O nwònzikwoni onyé k'a saéka sị, “Jesu wụ Di-nwònnoni-enyi” sukpan ni Mmón-nso mè e n'o ku eriịa.

⁴ Oyiye rị ụdị ichen-ichen, kanị Mmón-nso ohu ahun e ye we ile. ⁵ Ọrun w'a run hụn we gi e fe Nna-enyi rị ụdị ichen-ichen, kanị Nna ohu hụ kẹ w'a runni we. ⁶ Ihiẹn we gi iken Osolobue e mè rị ichen-ichen, kanị Osolobue ohu ahun suọ rị ọrun imē onyé ọwule, e mè we ile.

⁷ Mmón-nso e yesonme onyé-onyé imē enyi oyiyi, keni onyé hụ gi e yeni ndị ụka ile eka. ⁸ Osolobue gha eka Mmón-nso ye onyé ohu oyiyi o gi a dun ọdụn, ọ ghazi eka Mmón-nso ohu hụ ye onyé ozọ oyiyi o gi ku oku ihiān e gi marin ihiẹn ọ marinleni. ⁹ Ọ ghazi Mmón-nso ohu hụ ye onyé ozọ okukwe, ghazi ya wụ Mmón-nso ye onyé ozọ oyiyi izuo-emu le oria, ¹⁰ yezi onyé ozọ oyiyi irun ọrun-atumenna, ye onyé ozọ oyiyi izi ozi Osolobue sị we zi, ye onyé ozọ oyiyi o gi a marin ụdị mmón rị ọrun, yezi onyé ozọ oyiyi isu-asusụ rị ichen-ichen, yezi onyé ozọ oyiyi isuhuto ihiẹn onyé sunị ku. ¹¹ Mmón-nso ohu hụ, iya nwę e mè ihiẹn ndịn ile; o keyesonme onyé-onyé oyiyi ọ chọ n'o keye we.

Ẹhụ Ohu, Bü Mkpamkpa Bu Ọda

¹² Ẹhụ ohu suọ kẹ ihiān nwę, kanị m kpamkpa-ehụ bu ọda rị imē e. Kanị, kẹ m kpamkpa ndị hụ buhanlé ọda, ẹhụ ohu suọ kẹ we wụ. Erija k'o rizikwọ ẹhụ Kraistij. ¹³ Makeni, Mmón-nso ohu hụ kẹ we gha gi mirin-Chuku we mè enyi bu enyi ile che imē ẹhụ ohu —kẹ ndị Ju kẹ ndị alị ndị ozọ wuleni ndị Ju; kẹ ndị wụ igbọn kẹ ndị wuleni igbọn; we nō mè enyi ile rarisonme Mmón-nso ohu ahun.

¹⁴ Ezie, eħu ele mkpamkpa ohu suq, kanj mkpamkpa bu odata ro. ¹⁵ Uku ihiyan si, “Makeni ele m eka, ele m nke eħu,” ele oħun k'e me ē awuziħe mkpamkpa-eħu. ¹⁶ Omēni ntin si, “Makeni ele m enya, ele m nke eħu,” ele oħun k'e me ē awuziħe mkpamkpa-eħu. ¹⁷ Omēni eħu ile wu enya-enya, k'o k'e gi nū ihiyen? Omēni eħu ile wu ntin-ntin, k'o k'e gi nū ishin? ¹⁸ Mba, ezioku rị n'a wu ni, Osolobue e giguq eka a dōnmeṣonmē mkpamkpa outhule rị eħu k'o don chø a. ¹⁹ Omēni wé ile wu mkpamkpa ohu, elebe nke eħu a ri? ²⁰ Kanj, k'o rị wu ni mkpamkpa-eħu bu odata, kanj eħu ohu suq ro. ²¹ Enya e ri-eka si eka, “O nwonnī ihiyen m gi i e me!” Isi e ri-eka si ukū, “O nwonnī ihiyen m gi i e me!” ²² Kama, mkpamkpa-eħu ndi hū noke si we ka anunja rikennmede mkpa nkesinj omēni ari w'a, eħu ezuni oke. ²³ Mkpamkpa-eħu ndi ahun enyi e weri ni enwōn wé oħġo kē enyi e yedē oħġo pu-ichēn; mkpamkpa ndi hū furuleni enya e legha kē enyi kadə outhunma e dōnzi, amamgbe wé a hūn wé kē wé ri.

²⁴ Kanj mkpamkpa-eħu ndi ahun nwé oħġo achokanij uđi ndonzini. Enjina kē Osolobue dōnme eħu—o we oħġo kanj ye mkpamkpa ndi hū noke si arinj wé mkpa—²⁵ makē nkebe għa a ri imē eħu, kama, ni mkpamkpa outhule hūn użo e gi eka ohu e lepu ibe wé enya.

²⁶ Omēni mkpamkpa ohu nwōn nsongbu, wé ile e buru nsongbu hū; o bō mkpamkpa ohu, wé ile e son ē ghogħo.

²⁷ Unu ile wu eħu Kraist. Onye-onye imē unu wusonmē mkpamkpa rịn'a.

²⁸ Imē ndi ukā, Osolobue e tumesonmegħuq ndi rị ichen-ichēn: nke ibuzo wu ndi-ozzi pu-ichēn; hūn me ē ebqo wu ndi-amumma l-ndi e zi ozi Osolobue si wé zi, hūn me wé eto wu ndi-nkuzi; ndi ozo wu ndi a run orun-atumēnya, ndi a zuq emu, ndi e yeni ndi ozo eka, ndi nwé oyyiye iki-okiki l-ndi a sū asusū rị ichen-ichēn. ²⁹ Ihiyan ile wu ndi-ozzi pu-ichēn? Ihiyan ile wu ndi-amumma l-ndi Osolobue e zi ozi? Ihiyan ile wu ndi-nkuzi? Ihiyan ile a run orun-atumēnya? ³⁰ Ihiyan ile nwōn oyyiye izuq-emu? Ihiyan ile a sū asusū rị ichen-ichēn? Ihiyan ile a suħu to wé? ³¹ A nwankenme ni nwan ni unu nwōnhen oyyiye ndi hū ka mkpa a ri. Kanj, ni m ghos iunū użo ahun kachanriñdeni.

Isi Nke Mmęto

Ihien-osusuo

¹ Omēni m'a sū asusū ile—kē nke ihiyan kē nke ndi mmɔn-ozzi—bu e nwōn m ihien-osusuo, m wħu ħegħiġi mōbū okpokoro-ogbogoro rị a zun uzun!

² O mezikkwō ni m nwōn oyyiye m gi e bu-amumma, e zini Osolobue ozi, nwexikkwō oyyiye m gi a ghota ihien ile mini l-ħun m gi a marinchanrin ihien ile; o mezikkwō ni m nwōnchanrin okukwe ile—nwedek hūn m k'e gi saekha bupu ugu qnodi a—bu enwōn m ihien-osusuo, o nwōnnī ihien m wu!

³ Osuqon'a ni m wechanrin ihien ile m nwōn ye ndi igbennye, o suokwon'a ni e kweride m ni wé kpo m okun makē okukwe m—ikenkkwō e gi m'ē nyan isi—kanj, omēni e nwōn m ihien-osusuo, o banko ni m erere outhule!

⁴ Ihien-osusuo nwé ndidi; ihien-osusuo e me efoma; a ra we iwe-enya; a ra nyan isi; a ra pache.

⁵ Ihien-osusuo a għabu ihiyan; a ra chø nke ē suq; a ra bukentrin olulu; ihien-osusuo a ra a gunto eje-ihien wé e me ē. ⁶ Eje-ihien a ra suq ihien-osusuo usuq—ezioku kē o ghogħo ni.

⁷ O nwōnnī ihien a guu ihien-osusuo ndun, a ra kweribehi ni ihien rị mma k'a għa imē ihiyan puha, a ra nwebħiñi ihiyan olile-enya, ndun ndidi ara guu a.

⁸ Ihien-osusuo k'a tø jenrin ejen. Kanj, nke ibu-amumma l-izini Osolobue ozi, ogen ē k'a ghafe; o me nke asusū ichen-ichēn, ogen wé k'a ghafe; o me nke amamihien, ogen ē k'a ghafe.

⁹ Ogħenni, enyi amarinxu; amumma enyi e bu l-ozi enyi e zini Osolobue ezuni. ¹⁰ Kanj, ogen hūn zu oke e gi biex, e bu wé hūn zu l-ole-enya, ndun ndidi ara guu a. ¹¹ Ogħen m gi rị nwata, m'e ku kē nwata, m'e ro iroro kē nwata, m'a tu iroro kē nwata. A kagħu m eħu, m no na obibi

nwata tọ. ¹² Ogenni enyi a hụn bishi-bishi rịkẹ onyé rị e lee ughegbé* riléni mma. Kanị, o ru ogen hụ, enyi lè iya k'a hùntari, elee-m, elee-i; kikenni, enyi amarịnzuni, kanị ogen hụ, m k'a marinchanrin ihien ile kẹ Osolobue dòn marinchanrin m.

¹³ Ihien eto hụn a toni wụ: okukwe, olil'enya lè ihien-osusuo. Kanị, hụn kachanrinni wụ ihien-osusuo.

Isi Nke Mmęno

Oyiye Asusụ Lẹ Igi Oyiye Yeni Ndị-uka Eka

¹ Liliima nị nwan nị ụnu e nwọn ihien-osusuo leni ụnu a chokenmę oyiye Mmón-nso—tumadụ igi asusụ ihiyan rị a ghota e zini Osolobue ozi. ² Makeni, onyé hụn rị a sụ asusụ “ire”, asusụ wę riléni a ghota, rị a gwa Osolobue oku, elé ihiyan k'ọ rị a gwa, makeni, o nwonnı onyé rị a ghota n'a. O n'e gi iken Mmón-nso e ku ihien-mini. ³ Kanị, onyé hụn gi asusụ wę rị a ghota e zini Osolobue ozi rị a gwa ihiyan oku, oku hụn k'e mę okukwe wę sue, gba wę umę, kasị wę obi. ⁴ Onyé hụn a sụ asusụ wę riléni a ghota rị a gba enwén e umę. Kanị, onyé hụn gi asusụ wę rị a ghota e zini Osolobue ozi rị a gba ndị uka umę.

⁵ K'ọ rị m, ụnu ile a sụ asusụ “ire” rị ichen-ichen. Kanị hụn m ka a cho wụ nị ụnu e gi asusụ wę rị a ghota e zini Osolobue ozi. Onyé hụn gi asusụ wę rị a ghota e zini Osolobue ozi ka onyé hụn rị a sụ asusụ “ire” wę riléni a ghota—sukpan nị ihiyan suhuto ihien ahụn o ku ye asusụ wę k'a ghota, keni ọ gba ndị uka umę.

⁶ Umunę m, lee n'e nwan: omení m bịa ebe ọnụ rị, nị a suma m asusụ “ire” ọnụ riléni a ghota, nanị kẹ m'e dòn yeni ụnu eka, wezuka nị m gi asusụ ụnu k'a ghota gwa ụnu oku? Ikéenkwo e gi m ya wụ asusụ ụnu a ghota gwa ụnu ihien Osolobue ghosi m, mọbu a gwa m ụnu oku ụnu e gi marin ihien ụnu marinleni; ikéenkwo e zi m ụnu ozi Osolobue sị zi; ikéenkwo a kuzi m ụnu ihien?

⁷ Eríra k'o rizidé ihien ndị hụ riléni ndịn wę gi a kụ egú—nóké ekpíri mọbu ubo: omení eyeni wę olu we enya, nanị kẹ ihiyan e dòn ghota ihien onyé rị a kpónị wę rị e ku? ⁸ Opi wę gi a kpogbama ndị jénkọ agha ye olu wę ghotaléni, onyé k'e konrin agha? ⁹ Eríra kẹ nke ụnu rizikwo: ụnu gi asusụ ozó hụn wę riléni a ghoha ku oku, nanị kẹ wę e dòn marin ihien ụnu rị e ku? Ya wụ nị ufere kẹ ụnu rị a gwa oku.

¹⁰ W'a ra rụ uka a, olu ichen-ichen bu ọda rị enu ụwa, bụ o nwonnı hụn nwonleni ihien wę gi e ku. ¹¹ O mę nwan nị aghotanị m olu ahụn, m k'a wụ otumunyé enya onyé rị e gi e e ku oku, ya lè enwén e a wụrụ otumunyé enya m. ¹² Eríra k'o rị ebe ụnu lè enwén ụnu rị: ebe oyiye Mmón-nso rị a dụ ụnu, liliima nị nwan nị ụnu e nwekénémę wę, nị ụnu e gizikwo wę a gba ndị-uka umę, e mę uka a gha iħun.

¹³ Ya wụ, onyé gi asusụ wę riléni a ghota ku oku, ya mę ekpere n'o nwọn iken suhuto ihien o ku ye asusụ ndị ọ rị a gwa oku k'a ghota. ¹⁴ Makeni, m gi asusụ m marinleni mę ekpere, mmón m hụ e mę ekpere, kanị, uche m arị a ghota, o nwonnı ihien uche m rị a rụn. ¹⁵ Kị m'e mę nwan? M k'e gi mmón m mę ekpere, kanị, m k'e mèzikwo ekpere m k'a ghota. M k'e gi mmón m bụ ẹbü, kanị m k'a bùzìkwò ẹbü m k'a ghota. ¹⁶ Omení elé eríra, i gigiụ mmón i ja Osolobue mma, nanị kẹ ogbori a dòn nwan sị “Isẹ!” gi kweyeni ekele ahụn i kele Osolobue, ebe o mèni onyé hụ amarin ihien i rị e ku? ¹⁷ Ikéenkwo y'a jagugho Osolobue mma nke-esi, kanị o nwonnı kẹ ojija-mma i dòn yeni okukwe hụn-ebó ẹka sue.

¹⁸ A kpanmin m Osolobue nị mmę ka ụnu ile asusụ “ire” ichen-ichen a sụ. ¹⁹ Kanị, imę ozuzu ndị-uka, ọ ka m mma nị m ku mkpuru-oku isen m ghota, hụn ndị ozó k'a ghota, ọ ban nị wę erere, karị nị m gi asusụ “ire” wę ghotaléni ku mkpuru-oku nnu ole-lé-ole.

²⁰ Umunę m, erole ni iroro kẹ umüeka! Kama, ebe njo rị, a wụ nị umüeka, kanị, o mę nke iroro, e ro ni iroro kẹ ndị ka-ehụ. ²¹ Imę Ehuhuho-nso, wę de e nị Di-nwonnı-enyi sị,

“Ndị asusụ ozó,

lè ọnụ itumunyé

kẹ m k'e gi gwa ndịnị oku;

* Isi Nke Mmęto:12 Igwe wę finchanchanrin ọhunma kẹ wę gi e henrin ughegbé ogen ahụn.

kanị ẹle wé k'e gonzikwó m tan ntin."

²² Ya wú, ndị kwerileni kẹ we gi asusú-ire a ghosi eka Osolobue, ẹle ndị kwerigunị; kanị, ndị kwerigunị kẹ we gi "Osolobue sì" a gwa oku, ẹle ndị kwerileni.

²³ Ya wú, o mé nwan ní ndị ụka ile zu, ihiyan ile a suma asusú ire, ní onye marinleni enya ihien ndinị móbu onye kwerileni a banhan, o kukó ní era rí a pú ụnụ? ²⁴ Kanị, omeni ihiyan ile gi asusú w'a ghota e zini Osolobue ozi, onye hún kwerileni móbu onye marinleni enya ihien ndinị banhan, ihien ihiyan ile rí e ku a mama a ikpe, o juma enwen e njú. ²⁵ Ihiyen rí a obi k'a púha ifon, bù o nwéni onye o gwa ihiyen ọwule. O k'a kpóni Osolobue isi-alí, ye Osolobue ogbo, sì, "Ezioku-ezioku, Osolobue rí imé igunrun ụnụ!"

Igi Usónron E Mé Ihiyen Imé Ụka

²⁶ Kịní furu nwan enyi k'e mé, umuné m? Ụnụ zu, onye-onye nwé ihiyen o k'a s'eka mé: ikéenkwo ebú ró; ikéenkwo nkuzi ró; ikéenkwo ihiyen Osolobue ghosi ihiyan k'o chọ n'o ku; ikéenkwo ozi wé jenkö d'e gi asusú ndị ozó zi ró; ikéenkwo wé jenkö d'a súhutó oku ye asusú wé k'a ghota. E mé ni ihiyen ile k'o k'a don yeni ndị ile rí ụka eka, gba wé umé.

²⁷ Omeni ihiyan k'e gi asusú ndị ozó zi ozi, ya wúru madú ebúo—o kari-eka, madú eto. Wé ku e onye-ohu onye-ohu. Kanị onye sikó d'a súhutoní k'a ríriri a. ²⁸ Kanị, omeni onye k'a súhutoní arí a, ndị te k'a suní wé gba nkintin imé ụka; wé gwama enwen wé lè Osolobue oku imé obi wé.

²⁹ Nke ndị hún k'e gi asusú w'a ghota zini Osolobue ozi, madú ebúo móbu eto wé ku—ndị hodunị wé gonmè ntin, e leban ihiyen wé rí e ku enya.

³⁰ Omeni Osolobue a ghosi onye nodị alí ihiyen, onye rí e ku oku ya kusi.

³¹ Ụnụ ile k'a sa nwan eka e zi ozi Osolobue sì ụnụ zi—onye ohu, onye ohu—keni onye ọwule munrun ihiyen, a gba wé onye ọwule umé.

³² Ozozi, mmon onye amúma lè onye e zini Osolobue ozi ri okpuru onye ahun—o k'a saeka gba nkintin. ³³ Makeni Osolobue ẹle Chuku isusu, kanị Chuku udòn lè usónron k'o wú.

Ríké kẹ enyi don e mé e imé ụka ndị-nsø ile, ³⁴ ikpoho wé gba nkintin imé ụka ile. Enyi ara ní wé ku oku. Wé we enwen wé che okpuru. Iwu e kughozí eríra. ³⁵ Omeni wé nwón ụtaa, wé ru ụnø a jü wé di wé ya, makeni ihiyen ifenren k'o wú ní okpoho k'e ku oku imé ụka.

³⁶ Ra eka ụnụ kẹ oku Osolobue ghadé bidon? Ụnụ suø k'o ru eka?

³⁷ Onye ọwule sì n'o wú onye-amúma lè onye e zini Osolobue ozi, n'o ze eze imé mmón, ya ku ezioku ní ihienni m rí e de ni ụnụ wú ihiyen Onye-nwónnni-enyi sì wé e me. ³⁸ Onye ọwule sì ní ele ezioku, weri n'e ní 'ya nwén ẹle ihiyen ahun o sì ní 'ya k'o wú.

³⁹ Umuné m, igi asusú wé k'a ghoha bu amúma lè izini Osolobue ozi ya dumá ụnụ; k'a síkwolé ni w'a súlé asusú "ire".

⁴⁰ Kama, e gi ni usónron e mé ihiyen ile, e mé e n'o na enya.

Isi Nke Mmisen

Ndị Nwùnní Jenkö D'a Rízì Ndùn

¹ Umuné m, m chọ nwan ní m nyanhan ní ụnụ ozioma hún m zi ụnụ, hún ụnụ nabanhán, hún ụnụ turu nwan imé e; ² ozioma ahun Osolobue gi rí a zúopuhá ụnụ—oméri ụnụ e kwórikéñmègho ozi hú m zi ụnụ—mmaní ụnụ kwerihú nke olal'iwi.

³ Makeni, ihienni ríkenmè mkpa imé ihiyen ndị ru m eka rí ihiyen ibuzo m mé n'o ruzikwó ụnụ eka: ní Kraistí gi ufiri njo enyi nwún nöké kẹ Ehuhuqo-nsø don ku e edei; ⁴ ní wé li e; ni, nke akp'ohin eto, Osolobue nò welí e—nöké kẹ Ehuhuqo-nsø don ku e edei; ⁵ ní Kefasi (wú Pita) hún a; uwé Mmèbuø wú ndị-ozi pú-ichéñ nözí hún a.

⁶ Omeguu, ihiyen karí madú ogun-isen kwasí nnú imé ndị kwerini nogbamaní nò hún a. Imérinmè wé hukwó nwan ndùn, kanị ndị hú imé wé a ranhinguqo—ya wú, a nwùnhunguqo wé. ⁷ Omeguzí Jemisi nò hún a; omeguzí ndị-ozi pú-ichéñ ile nò hún a. ⁸ Nke ikpazúun

imē wē ile, mmē nwēn noz̄i hūn a: mmē hūn nō kē nwa wē mū ogēn furulēni. ⁹ Ezioku-ezioku, imē ndī ozi pū-ichēn ile, onwōnni onyē m han kē 'ya. Erudēni m onyē w'a kpo onyē-ozi pū-ichēn, makēni m kpokpo ụka Osolobue. ¹⁰ Kanj, m wū nwān ihiēn m wū ghahanị efōma Osolobue, bū efōma hū o mēni m alani iwi. Kaka! Mmē rūnkariđe onyē ọwūlē imē wē. Kanj, ẹlē ni mmē rūn—kama, eka Osolobue hūn rī imē ndūn m rūn a. ¹¹ Ya wū, ọsuon'a ni mmē zi mōbū ni uwē zì, onwan wū ihiēn ẹnyi e zì; onwan wū ihiēn ụnụ kweri.

Osolobue E Weli Ndị Nwūnni Eweli

¹² O mē nwān ni ozi ẹnyi wū ni Osolobue gha onwūn weli Kraistī, kīnī kē ndī hū imē ọnū rī e kuni ni Osolobue e welikō ndī nwūnni? ¹³ Omēni Osolobue ara weli ndī nwūnni, ya wū ni o welini Kraistī—ya wū ni Kraistī aghanị onwūn lihi; ¹⁴ omēni Osolobue ewelini Kraistī, ya wū ni ozi ẹnyi zi enwēni ihiēn ọ wū, okukwe ọnū enwōnzikwōnị ihiēn ọ wū. ¹⁵ Ya wūz̄i ni ẹnyi rīdē nwān e buokin Osolobue ọnū—makēni ẹnyi e kuguo ni Osolobue a ghaguo ọnwūn weli Kraistī—bū o welin'ē, omēni ara weli ndī nwūnni. ¹⁶ Omēni Osolobue ara weli ndī nwūnni, ya wū ni o welini Kraistī, ¹⁷ omēni Osolobue ewelini Kraistī, ya wū ni okukwe ụnụ wū ihiēn la iwi, ya wū ni ụnụ rīkwō nwān imē njo ụnụ. ¹⁸ Ya wū ni ndī hūn rī imē Kraistī ogēn wē gi nwūnhūn, ndī ranhingunị, a laguo iwi. ¹⁹ Omēni ịri-ndūn enu-uwani sụo kē ẹnyi gi rī e nwōn olil'ẹnya imē Kraistī, ya wū ni nke ẹnyi kachanrīn njo imē ihiān ile rī ụwa.

²⁰ Kanj, ezioku rīn'a wū ni Osolobue a ghaguo ọnwūn weli Kraistī, gi e hēnrin ihiēn-ugbo ibuzo* o wepūha ni enwēn e imē ndī nwūnni, gi e għosj kē ndī hōdūnī k'e jen.

²¹ Makēni, ebe o mē ni eka onyē ohu kē ọnwūn ghaha bia, igha ọnwūn lihi a ghagħożikwō eka onyē ohu bia. ²² Makēni, k'o dōn mē ni ihiān ile a nwūn ọnwūn makēni wē lē Adam wū ohu, ērira k'o dōnzi mē ni ihiān ile k'a għa ọnwūn lihi makēni wē lē Kraistī wū ohu. ²³ Kanj, o ru onyē o lihi, o ru onyē o lihi: Kraistī wū onyē ibuzo, mkpuru-ibuzo; ọ biażi, ndī nke e e lihi. ²⁴ Ohun meġġu, njendemē ogēn e ru, hūn Kraistī jenko d'e gi we Ali-eze che eka Chuku-Nedī—o mērīchanringu okikī ile lē onyē ọwūlē rī a kīnī lē onyē ọwūlē iken ọwūlē rī eka a. ²⁵ Makēni, Kraistī k'a kirirī d'e ru mgbe o buguū ndī-iñenren e ile che okpuru ükü a. ²⁶ Ehēnren ikpażuun o k'e tikpo wū ọnwūn. ²⁷ Makēni, “Osolobue e buguo ihiēn ile che e okpuru ükü.” Ya kē Eħuhuq-nsø ku. Kanj, omeni Eħuhuq-nsø si ni “ihiēn ile rī okpuru ükü a” o wechanrīn ẹnya ni Osolobue, hūn bu ihiēn ile che e okpuru ükü arī ihiēn o bu che e okpuru.

²⁸ Osolobue buguū ihiēn ile che okpuru ya wū Nwa a, ogēn hū, Nwa a lē enwēn e a bia d'a rīzikkwō okpuru Osolobue hūn bu ihiēn ile che e okpuru—kēni Chuku wūrū ihiēn ile ẹnya onyē ọwūlē, wūrū onyē ihiēn ile rī okpuru e.

²⁹ Omēni Osolobue ara weli ndī nwūnni, kīnī kē ndī ahūn rī e mēfū ni ndī nwūnni mirin-Chuku k'e mē? Omēni Osolobue ara weli ndī nwūnni, kē ihiān rī e mēpūnī ni wē mirin-Chuku? ³⁰ Kī ẹnyi rī ni nwān e buni enwēn ẹnyi e che ihiēn ọnwūn gi a kpo ẹnyi ihun ogēn ile? ³¹ M'a nwūndē uheqojin ile ma! Ezioku ročhanrīn umunē m—k'o dōn wūrū ezioku ni m gi ụnụ a nyan isi makē ihiēn Kraistī wū Jesu Nna ẹnyi mē imē ndūn ụnụ. ³² Emēni olil'ẹnya ihiān-mmaka sụo, olil'ẹnya ndūnni sụo, kē m gi kweri luson ejeanū ndī hū ogūn imē ali Efesosij, elee erere k'o bannī m?

O mē nwān ni Osolobue ara weli ndī nwūnni,

“Nī ẹnyi ri nwān;

nī ẹnyi ra—

makēni o ru eki,

ẹnyi a nwūnhūn!”

³³ Aníkwolē ni wē dufie ụnụ! “Eje-ogbo e wiwi ezi-omumē!”

* Isi Nke Mmisen:20 Ihiēn-ugbo ibuzo mōbū Mkpuru ibuzo wū hūn wē wefuha imē ihiēn ugbo, gi ye Osolobue oyiye, wē kebe ghōrima hūn hōdūnī. Ọ nōkin ẹnya hūn hōdūnī; k'o rī kē wē rī.

³⁴ Tēnhin ni nwan nwōnrin uche; ụnu e mēbehi njō-njì ndị hụ imē ụnu amarín Osolobue. Kaka! M rị e ku ọnwān keni ifenren mē ụnu.

Ehụ Ndị-nwụnni Sikọ D'e Gi Lihî

³⁵ Kanị, ikēnkwo ihiān k'a jumā kē “Nani kē Osolobue e dōn weli ndị nwụnni? Elee ụdi ehụ kē wē k'e gi bia?” ³⁶ Onye-nzuzu! Ihiān i kụnye anị ara rị ndun, pu, wezuka n'o nwụnhụngụ anwụnhụn. ³⁷ Ozozị, i gha a kụn ihiān, ele ehụ o jenkọ d'e gi pụha kē y'a kụnye, mkpuru gba-otọ kē y'a kụnye: ikēnkwo mkpuru ọka-witi mōbụ mkpuru ihiān ozo. ³⁸ Kanị Osolobue e ye e ehụ hụ Osolobue chọ; o ye ụdi mkpuru ọwule ehụ nke e. ³⁹ Ehụ ihiān ile ele ụdi ohu: nke ihiān wụ ụdi ohu; anúmanụ nwọn ụdi ozo; nnunu nwọn ụdi ozo; azụn nwọnzikwo ụdi ozo. Onye lę ụdi a, onye lę ụdi a. ⁴⁰ O nwonghọ ihiān ndị rị elu-igwere, nwézikwo ihiān ndị rị elu-uwā; kanị oghọ ihiān ndị rị enu-igwere wụ ụdi ichen, oghọ ihiān ndị ahụn rị elu-uwā wụ ụdi ichen. ⁴¹ Enya-anwụn nwọn oghọ nke e; ifon nwọn oghọ nke e; kokisę nwọnzikwo oghọ nke e, kokisę ichen-ichen nwọn oghọ ichen-ichen.

⁴² Eríra k'o jenkọ d'a rị ogen Osolobue k'e gi weli ndị nwụnni: ehụ wē li wụ hụn e rehini, kanị hụn o k'e weli ara rehi; ⁴³ wē li e ebe o nwọnleni oghọ, kanị hụn o k'e weli k'e nwę oghọ; wē li e ebe o kēnrenleni, kanị hụn o k'e weli k'e nwę ikēn; ⁴⁴ ihiān wē li wụ ehụ ihiān-mmaka, kanị ehụ imē-mmón wē e legha k'o k'e weli[†] Oméri ehụ-mmaka rị a rị, ya wụ ehụ imē-mmón rịzikwo a rị. ⁴⁵ Eríra kē wē de e imē Ekkukwọ-nsọ, sị, “Onye ibuzo, hụn wụ Adam, nọ hēnrin ihiān rị ndun,” Adam ikpazuṇ e hēnrin Mmón hụn e ye ndun.

⁴⁶ Kanị ele hụn imē-mmón bu uzọ bia, kama, hụn wụ ihiān-mmaka bu uzọ bia, n'o d'e ru onye imē-mmón hụ. ⁴⁷ Onye ibuzo hụ gha ụwanị bia, onye wē gi ejan mémé rọ; hụn-ebó gha elu-igwee bia. ⁴⁸ Kē onye hụ wē gi ejan mémé rị, eríra kē ndị hụn wē gi ejan mémé rị; kē onye hụn gha enu-igwee bia rị, eríra kē ndị hụn wụ nke elu-igwee rịzikwo. ⁴⁹ Kē enyi dōn nwọn nwan ehụ hụn yi onye nke ejan, eríra kē enyi k'a dōnzi nwọn ehụ hụn yi onye nke elu-igwee.

⁵⁰ Umuñe m, ọnwān wụ ihiān m rị a gwa ụnu: ehụ-le-edeke asakọ eka banye Ali-eze Osolobue; ihiān a nwụnni abanyekọ hụn ghaleni a nwụn.

⁵¹ Gon ni ntịn: njị m gwa ụnu ihiān-mini: ele enyi ile k'a nwụn (ranhịn), kanị, enyi ile jenkọ d'e nwọnhuto! ⁵² O k'e mē idumuzi: ozigbo-ozigbo, imē ntabe-enya ohu, hụn wē gihụ gbu opि ikpazuṇ hụ! Makeni, ogen opि hụ e gi han, ndị nwụnni k'e gi ehụ ghaleni a nwụn lihi; enyi ndị hụn rị ndun e nwọnhuto. ⁵³ Makeni, ehụ enyini hụn e rehini k'e nwọnhutorirị hēnrin hụn ghaleni e rehi; ehụ enyini hụn a nwụnni k'e nwọnhutorirị hēnrin ehụ hụn ghaleni a nwụn.

⁵⁴ Ogen ehunị e rehini e gi hēnringụ ihiān ghaleni e rehi, ehunị a nwụnni e hēnringụ hụn ghaleni a nwụn, o wụrụ njị ihiān ahụn wē de imē Ehụhụ-nsọ e mēzugụo: njị

“E mériole wē ọnwụn,
nke e a guguo!

⁵⁵ Euu ọnwụn!

Elebe kē mméri i rị nwan?

Euu ọnwụn!

Elebe kē ihiān i gi e gbu rị nwan?”

⁵⁶ Ihiān ọnwụn gi e gbu wụ njọ; ikēn njọ wụ Iwu.

⁵⁷ Kanị ekele ya rịnị Osolobue, hụn e ye enyi mméri hụ ghahanị Nna enyi wụ Jesu Kristi! ⁵⁸ Ya wụ, ezi umuñe m, wuzokēnme ni nwan; emēhunmēlē ni; a rịnwaye ni ọrun Di-nwọnni-enyi—ebe o mē ni ọnu a marịnghọ njị ọrun ụnu rịn imē Di-nwònñi-enyi alako iwi.

† Isi Nke Mmisen:44 ehụ imē-mmón hụn w'e legha enya. Luk 24.33-46; Ndị Filipi 3.21

Isi Nke Mmisin

Ihiēn Wę Tü Nị Ndị Nke Osolobue

¹ Ni ẹnyi ku nwan oku ihiēn wę rị a tūni ndị nke Osolobue rị Jerusalém. Mę ni ihiēnni m gwa uka ndị rịsonmę Galeshịa mę: ² ụhụoghịn ibuzo ọwule imę izu-uka, onyę-onyę imę ọnụ y'a gha ihiēn Osolobue ye e we pụha, e dònme—amamgbe m'a bịa ụnụ a tuma ihiēn.
³ M bịa, e we m ụhụhụ-ozi ye ndị ọnụ hanpụha, e zi m wę bu oyiye ụnụ shi Jerusalém.
⁴ Omęni o ụhụoghịn mma nị mmę lę enwèn m jen, e sònjen wę m.

Ihiēn Polụ Cho N'o Mé

⁵ M sikọ d'a bịa d'a hụn ụnụ—m ghagbarigụ Masędonia—makeni m bu e obi nị m k'a ghaha Masędonia. ⁶ Ikénkwo e son m ụnụ noye móbu a nodichanrịndę m ogęn oyi*, keni ụnụ hụn ụzọ yeni m ẹka ijen m—ebe ọwule m jeniko d'a cho nị m jen. ⁷ Ogenni, achonị m nị m hụnhụ ụnụ ghafe. Makeni, m cho nị, m bịa, a noye m—omęni Di-nwọnni-ẹnyi a nị m.

⁸ Kanị m k'a nodị imę Efesosi d'e ru ogęn Mmęmmę-Pentikosu, ⁹ ni ezigbo oghere m'e gi rụnpụha ihiēn a fuhagụoni m—osuon'a nị ndị ọdakin buzikwo ọda.

¹⁰ Omęni Timoti a biaghị, ụnụ e mękwo obi ru e alị imę igunrun ụnụ, makeni orụn Nna-ẹnyi ohu ahụn m rị a rụn k'ọ rị a rụn. ¹¹ Ya wụ, onyę ọwule y'e legberikwol'a. Hụn n'a n'o gi udon la, keni o bịa d'e kunrun m—nị m rị a tụ ẹnya ya lę umunę ẹnyi ndị hụ.
¹² Nke nwéné ẹnyi wụ Apolosị, a rịokénmeguq m'a n'o sònhen umunę ẹnyi ndị ọzo hụ d'a hụn ụnụ, kanị o ke cho n'o bịa. Kanị, ezigbo oghere puhan'a, o k'a bịa.

Oku Ikpazụn

¹³ Dònrin ni ẹnya; turukēnmę ni imę okukwe ụnụ; atụlę ni egun; zekēnmę ni. ¹⁴ Gi ni ihiēn-osusụo e mę ihiēn ile ụnụ e mę.

¹⁵ Umunę, ụnụ a maringụo nị ikpun-ụlo Stęfanasi wụ ndị ibuzo kwerini Jesu imę Azụn Akaya. Ọzo wụ n'e buchanringụo wę enwèn wę che ịrụnnị ndị nke Osolobue orụn. ¹⁶ M rị a sị ụnụ hụn a nị ụnụ e mę ihiēn ọwule ndị nọ ेri'a sị ụnụ mę hụn k'e yeni wę ẹka rụn orụn hụ—kę uwę kę ndị ile e son wę a rụn orụn hụ, a rụnshi e ikēn.

¹⁷ Obibịa Stęfanasi lę Fotunatosi lę Akayatosi bịa hụ a sụo m. A nokingụo wę ẹnya ụnụ nwén rileni ebeni. ¹⁸ Wę gba mmón m umę, gbazikwo nke ụnụ. A gbaye ni nwan ndị nọ ẹnịna.

¹⁹ Uka ndị rịsonmę Azụn Eshia e zi ekele ụnụ. Akwila lę Priska† lę uka hụn e zu iwe wę e kele ụnụ ọhụnma-ọhụnma imę Nna-ẹnyi. ²⁰ Umunę ẹnyi ile rị ebeni e zi ekele. Dide ni ibe ụnụ odide rị nsọ.

²¹ Mmę wụ Polụ gi ẹka m de ekeleni. ²² Ibu-ọnụ ya rịnị onyę ọwule ihiēn Di-nwònnoni-ẹnyi ghaleni a sụo!

Di-nwònnoni-ẹnyi, bịa!

²³ Efoma Di-nwònnoni-ẹnyi wụ Jizosị ya noyenı ụnụ.

²⁴ M nwę ihiēn-osusụo jenni ụnụ ile imę Jesu Kristi.

* Isi Nke Mmisin:6 ogęn winta

† Isi Nke Mmisin:19 móbu: Prisilia

Ehuhuq-Ozi Nke Ebuo Polu Dejenni
Ndị Korenti
Ndị Korenti, Nke Ebuo

¹ Mmē wu Polu de Ekukwō-ozini. M wu onye-ozi pu-ichēn nke Kraistī wu Jizosī ghahanī uche Osolobue. Mmē lē Timoti nwene enyi gba de e. Ndị uka Osolobue rị alī Korenti kē enyi rị e dejenni Ehuhuq-ozini, uwē lē ndị nsō ile hūn wę ile gba rị Azuun Akaya*.

² Efoma lē udon hūn gha eka Osolobue Nedi enyi lē Di-nwēni-nyi wu Jizos' Kraistī bia ya rīnī unu.

Polu E Ye Osolobue Ekele

³ Ojija-mma ya rīnī Osolobue hūn wu Osolobue lē Nedi Di-nwōnni-nyi wu Jizos' Kraistī. Nedi omiken k'o wu, Osolobue hūn nkasi-obi ile gha eka a a bia. ⁴ Iya wu onye a kasī enyi obi imē nsongbu enyi ile, keni enyi saeka e gi nkasi-obi hūn Osolobue ye enyi nwēn a kasī ndị ozo rị imē nsongbu ọwule obi. ⁵ Makeni, kē enyi dōn a ta okēn afunfun makē ifiri Kraistī, erīra kē Osolobue donzikwō a kasī enyi obi ọda-oda ghahanī Kraistī.

⁶ Omēni nsongbu rị a bīanī enyi, ọ hū a bīanī enyi kēni wę gi e kasī ọnū obi, kēni ọnū gizikwō a nwē nzupopuha; omēni we rị a kasī enyi obi, wę rị e gi e kasī ọnū obi ebe ọnū nō e wetu obi alī e dingbu ụdị afunfun ohu hū enyi rị a ta. ⁷ Ya wu, olil'nye enyi nwōn banyeni ọnū turukwem. Makeni, enyi a maringhō nī kē ọnū dōn e sōn enyi a ta afunfun kē ọnū dōnzi e sōn enyi a narin nkasi-obi.

⁸ Umunē m, enyi chō nī ọnū marin nī enyi ta okēn afunfun kē enyi rị Azuun Eshia: wę songbu enyi ọda-oda, kariđe hūn enyi lē enwēn enyi saeka din—nke wu nī enyi erozini nī enyi k'a hūn isi. ⁹ Ezię, o te rị enyi kē si a maguo wę enyi ikpe-onywun. Kani, ọnwan mē kēni enyi gi Osolobue dōn enya, Osolobue hūn e welī ndị nwūnnī—hūn nke enyi e gi enwēn enyi dōn enya.

¹⁰ Iya gbapuha enyi imē eje-onyodị hū te k'e gbuni enyi. Ọ k'a rị a gbapuha enyi. Iya kē enyi rị e lee enya n'o k'a gbatuhazi enyi—¹¹ ọnū gha e sōn ndị ozo e gi ekpere e yenī enyi eka, kēni ndị bu ọda hūn uzo gi ufiri enyi a kpanmin Osolobue, makē ihiēn rị mma o gi efoma mēni enyi ghahanī ekpere ndị bu ọda mē.

Ihiēn Hajn Polu Gizileni Jen Korenti

¹² Ihiēn enyi gi a nyan isi wu ọnwan: nī obi enyi rị a shianī enyi eri nī enyi gi obi rị ọchan lē ezioku Osolobue bi obibi enyi imē ụwa, tūmadu ęgbata enyi lē ọnū; nī enyi egini amamihien ụwa bi, kanj eyemēka Osolobue. ¹³ Makeni, enyi ara deni ọnū ihiēn ọwule kari hūn ọnū a gun, ọ nī ọnū ghota; kanj m rị e lee enya nī ọnū k'a ghötachanrin enyi, ¹⁴ kē ọnū dōn nwān ghota enyi ekere. Egheę, ọnū a ghötaguo nī ọnū k'a saeka gi enyi nyan isi Uhuhin Nna enyi wu Jizosī k'a bia—nökē kē enyi nwēn k'a dōn saeka gizikwō ọnū nyan isi.

¹⁵ Makeni ọnwan we m enya hajn m te gi kwademē nī m k'a biaguzi d'a hūn ọnū, kēni o wuru nī ọnū ngozi mgbe ebuo. ¹⁶ M te chō nī m bia d'a hūn ọnū m jenkonj Masēdonia lē m kinkozinj, mmē lē ọnū nōdigū, ọnū e yeni m eka m jenkonj Judia.

¹⁷ Ogēn m gi tū iroroni, m rị eroshi-azuunni, eroshi-azuunni? Ra m'a tū iroro kē ndị ụwa hūn a sị, “egheę, egheę” lē “mba, mba” mgbe ohu? ¹⁸ Kaka! Ebe o mē ezię nī Osolobue wu onye-ezioku, oku enyi a gwa ọnū e metuni “egheę lē mba” nke onye e ku ebuo. ¹⁹ Makeni Nwa Osolobue wu Jesu Kristi, hūn mmē lē Sivanosi, hūn w'a kpozi Sałasi, lē Timoti zi ọnū ozi e, ele onye a sị “egheę,” a sị “Mba;” kama, ihiēn rị imē e ogēn ile wu “egheę.” ²⁰ Makeni, imē e kē nkwa Osolobue ile nō e mezuchanrin, a wu “egheę.” Ya hajn enyi gi a sị “Isẹe” ghahanī iya wu Jesu Kristi, e gi e ye Osolobue ọgho. ²¹ Osolobue lē enwēn e wu onye hūn e mē enyi lē ọnū e turukenmē imē Kraistī; iya tumē enyi, ²² ye

* Isi Nke Ohu:1 Akaya lē Grisi e d'e mē ihiēn ohu.

enyi ahima a ghahanị iwe Mmọn-nsọ a che imẹ obi enyi, gi e hēnrin mbiye ihien ile o k'e mени enyi.

²³ Kanị, m rị a kpokwu Osolobue n'ọ shiagbu m ẹri omeni ele ezioku kẹ m rị e ku nị ihien haín m gileni biazi Korenti wu nị a chonị m nị m bia a jugboma m ụnụ. ²⁴ Ari m e gi e e ku nị enyi nwę e ku ihien ụnụ gi okukwe ụnụ e me. Ele 'ya—ihien rịn'a wu nị enyi lę ụnụ gba a rụn keni ụnụ nwęhen iğhogho hụn k'a biañi ụnụ makeni ụnụ turu ọhunma imẹ okukwe ụnụ.

Isi Nke Ebue

¹ Ya kẹ m gi kwademẹ obi m nị abiañozị m ijen k'e buheni ụnụ ụfụ. ² Makeni, m mè ụnụ ihien ụfụ, onye k'a gbazi m nwan umé? Ele ndị hụn m megwu ihien ụfụ? ³ M de ni onu ẹhụhụo-ozi hụ m de, amamgbe m'a bia, ụnụ nwèn, hụn nké e mè m ghogho, e mè m ihien k'a fụ nị m. Makeni, a maringho m onu ile ọhunma-ọhunma, nị, m ghoghomma, ụnụ ile k'a ghoghomma. ⁴ Ekwan le obi rị a gbawani m kẹ m gi de ya wu ekukwo-ozi. E deni m'e n'ọ fụ ụnụ, kanị m de e ni ụnụ marin nị ụnụ rị m obi ọda-ọda.

Gbagharị Nị Nwan Onye Ahun Mè Njo

⁵ Omeni o nwọn onye mè ihien ụfụ, ele mmè suq k'o mè e, kanị o nwongho k'o gi mè ezioku nị ụnụ ile k'o mè e. M sị nị "o nwęgho k'o dòn mè ezioku" makeni achonị m nị m benyeni oku. ⁶ Udi afunfunni ndị ka ọda buche eka ye onye nọ enjina e higwo. ⁷ Gbagharị n'a nwan, ụnụ a rökö a obi, amamgbe o sükürüghafe oken, ndịn okukwe a gụ a. ⁸ Ya wu, dodo, o rị eka ụnụ, għosizj n'a n'ọ rị ụnụ obi.

⁹ Lee ni ihien haín m gi de ya wu ẹhụhụo-ozi: m de e nị m gi e lele onu, gizi e marin kẹ onu k'e mèchanriñ ihien ile m sị ụnụ mè.

¹⁰ Onye ọwule ụnụ gbagharị, a gbagharị m'a. Ihien m gbagharị—omeni o nwogho ihien m gbagharị—m gbagharị maké ufiri ụnụ id'anya Kraisti, ¹¹ keni enyi gi e gbondon Ekwensi, amamgbe o tunarin enyi ihien rị mma—makeni enyi a maringho ero e.

Nwene i?

¹² Ogen m gi ru alị Trasi d'e zi ozioma Kraisti, m nọ hụn nị Di-nwonnini-enyi a kpopugwo ụzo m'e gi rụn'a orun ebèhụ. ¹³ Kanị, obi eruni m alị, makeni ahunnị m Taitosi wu nwene m imẹ Kraisti ebèhụ. Ya m nọ sị wę nödị ọhunma, m nọ jenmè Masëdonia.

Imeri Ghahanị Kraisti

¹⁴ Kanị ekele ya rịnị Osolobue—makeni, Osolobue hụ e yesonmè enyi mméri ogen ile ghahanị onye-mméri ahun wu Kraisti—rịkẹ ndị rị e sonhunmè onye-mméri, e gi enyi e zisonmè ozi Kraisti ebe ọwule enyi jen, nöké ishin-oma rị e kungbamani. ¹⁵ Makeni, ebe Osolobue rị, ishin Kraisti kẹ enyi wụ—kẹ ebe ndị rị e nwọn nzüopuhā rị kẹ ebe ndị lako iwi rị. ¹⁶ Ebe ndị ahun lako iwi rị, enyi rị e shin ishin hụn e gbuni; ebe ndị wę rị a züopuhā rị, enyi rị e shin ishin hụn e ye ndịn. Onye k'a sa nwan eka mè ihien ndịn? ¹⁷ Enyi anoni kẹ ndị bu ọda hụn e għoro oku Osolobue lekse si ibu-afia rō; kama, rịkẹ ndị rị imẹ Kraisti, enyi e ku oku-Chuku rịkẹ ndị-ezioku lę ndị Osolobue zi, rịkẹ ndị rị id'anya Osolobue e ku.

Isi Nke Etɔ

Ndi-ørün Nkwerigbama Ọhunni

¹ Enyi a jamazidé nwan enwèn enyi mma ra? Enyi rịdè nwan ndị ahun a chọ onye e deye wę ẹhụhụo biañi ụnụ keni ụnụ kweri nabanhān wę ra? Enyi rịdè nwan ndị ahun a chọ nị ụnụ deye wę ẹhụhụo wę e gi nabanhān wę ra? ² Mba! Ụnụ lę enwèn ụnụ wu ẹhụhụo-ozi enyi, hụn wę deye imẹ obi enyi, hụn iħian ile marin lę hụn iħian ile a gun.

³ Ihien wę a hụn ebe ụnụ rị a għosix nị ụnụ wu ẹhụhụo-ozi Kraisti de, hụn o għa eka enyi zihe. Ele hụn wę gi peni de, kanị hụn wę de ghahanị Mmọn-nsọ Osolobue—Osolobue hụn rị ndịn; ele hụn wę deye ibe qmūma—rịkẹ Iwu mbu ahun, kanị hụn wę deye imẹ obi iħian.

⁴ Erịra kẹ obi ruhan enyi ali ebe Osolobue rị ghahanị Kraistị. ⁵ Eleni enyi lẹ enwèn enyi nwè ikèn me ihièn ọwùlè hùn enyi e gi sì ni o nwòn ihièn gha eka enyi a bia. Osolobue ya e me enyi gi e nwòn iken e me ihièn ọwùlè enyi e me. ⁶ Osolobue ya me enyi gi saeka wùrụ ndị-ørùn hùn ma rùn örùn imè nkwerigbama ọhunnị. Nkwerigbama ọhunnị eле nke Iwu wé de ede, kanị nke imè-mmòn. Makeni hùn wé de e gbu egbu, kanị Mmòn-nsò e ye ndùn.

Nkwerigbama Akan Lẹ Nke Ọhùn

⁷ O me nwàn ni ofufe mbu hùn gi ọgho bia, ofufe hùn e gbuni, hùn wé kayesonmè ihièn rịn'a elu ọmuma, nke wù ni ndị Izrel' asanị eka lee Mozizi enya ihun makeni ọgho rị n'a rị e gbuke—oghø hùn fapukonị—⁸ oghø ofufe hùnni wé gha eka Mmòn-nsò e fe akarikò a nwàn, karị a ọhùnma-ọhùnma?

⁹ Omèni ofufe hùn wé gha a ma ihièn ikpe e nwongho ọgho, ya wù ni ofufe hùnni, hùn wé gi a kpø ihièn onye rị ọchan k'a ka a ọghø e nwòn, ka a ọhùnma-ọhùnma!

¹⁰ Ezioku rị n'a wù ni ihièn hùn te nwòn ọghø mbu enwònzi nwàn ọghø, kaka—makeni hùn ka ọghø e nwòn e kpumeguò a.

¹¹ O me nwàn ni nkwerigbama mbu hùn lè ofufe rịn'a, hùn wé bugụụ nwàn che usụo, gi ọghø bia, ya wùni nke ọhùnni hùn k'a tọ jenrin ejen ka a ọghø e nwòn ọhùnma-ọhùnma!

¹² Ebe o me nwàn ni enyi nwòn ụdị olile-ènyani, enyi e ku, ekushi ikèn. ¹³ Enyi anoni kẹ Mozizi hùn gi erekwa kpumè ihun, amamgbe ndị Izrel' a hùn ebe ọghø ahùn rị e gbukeni nọ fapuchanrin. ¹⁴ Ezie, wé kpumè nghota wé ogen hùn. D'e rukwo nwàn tanní, wé gha a gun móbù e gon ntìn kẹ wé rị a gun Ẹhuhuọ-nkwerigbama akan hùn, erekwa hùn huzíkwo ebèhụ—makeni imè Kraistị sụo kẹ wé nọ e wepù ya wù erekwa. ¹⁵ Ezie, ezie, d'e rukwo nwàn tanní, ogen ọwùlè wé gi a gun Mozizi, erekwa hùn e kpumechanrin uche wé.

¹⁶ Kanị, ihièn buruhé Di-nwònñi-ènyi, o wepù a erekwa hùn kpumè uche e ¹⁷ “Di-nwònñi-ènyi” ahùn wé rị e ku oku e wù Mmòn-nsò: ebe ọwùlè Mmòn Di-nwònñi-ènyi rị, ebèhụ kẹ ihièn nọ e weri enwèn e. ¹⁸ Enyi ile, hùn wé kpupugụụ erekwa hùn, rị nwàn e legha ọghø Di-nwònñi-ènyi nökè onyinyon rị imè ughegbè; wé hùn e nwònhtuò enyi ni enyi hùn ụzø rị kẹ ihièn ahùn enyi rị e legha, e nwè ọghø hùn, e nwèwaye e. Ihiènni gha eka Di-nwònñi-ènyi, hùn wù Mmòn-nsò, a bia.

Isi Nke Enø

Ndị-ozu Nke Ukpè

¹ Ya wù, ebe o me nwàn ni Osolobue e megùonì enyi omiken ye enyi örùnni, ndùn ara gu enyi. ² Enyi a juguo ihièn-ifènren ndị hùn ihièn e zueme, juzíkwo imè-ero lè itu-ntu ye imè oku Osolobue. Eghè! Kama, enyi hùn e kuchanrin ezioku k'o nọ, e gi e e wepùha enwèn enyi a ghosi ihièn ile idènya Osolobue, keni ndị ile e ku ezioku hùn ụzø e lele kẹ enyi nọ.

³ Omèni echèn kẹ ozioma enyi rị e zi zueri, ndị rị a la iwi sụo k'o zuerini. ⁴ Nke wé wù ni mmòn hùn rị a kí ụwanị e k'enkinguò uwé ndị kweriléni enya, amamgbe w'e legha ukpè ozioma ọghø Kraistị; Kraistị, hùn o me ni onye hùnn'a a hụnguò Osolobue. ⁵ Makeni elep ozi enwèn enyi kẹ enyi rị e zi; enyi rị e zi ozi ni Jizos' wù Kraistị wù Di-nwònñi-ènyi, ni enyi lè enwèn enyi wù idibø ụnụ makè ifiri Jizosì. ⁶ Makeni Osolobue ohu hùn sì, “Ukpè ya nwunmè ebe ishi rị” ya nwun nwàn imè obi enyi hùn enyi gi nwè ikèn legha ọghø Osolobue ihun Kraistị.

Ihièn Rị Mkpa W'e Buche Imè Ihièn E Tikponi

⁷ Kanị Osolobue buche örùn oziomanị rị okèn mkpa imè enyi—enyi hùn wù ite-ayogbe hùn e tikponi, keni o we enya ni ikenni pü-ichèn enyi gi a run a wù nke Osolobue—n'o ghanị eka enyi bia. ⁸ W'e songbu enyi ụzø ile, kanị asanị wé eka biangbu enyi; ihièn ndị hùn a gba enyi nghari-ènya hùn a, kanị ndùn ara gu enyi; ⁹ wé e kpokposonmè enyi, kanị Osolobue a jùnì enyi tọ; w'a kütu enyi, kanị enyi ara nwùn. ¹⁰ Ihièn erekwa enyi a hùn ogen ile e me ihièn a hùn ọnwùn Jesu nwùn, keni, ihièn gha a hùn ni enyi hukwo ndùn, e gi

w'e marin ni Jesu rị ndun. ¹¹ Makeni, hunnị enyi rị ndun, ihien onwun gi a kpọ enyi ihun a bia ni enyi ogən ile makə ufiri Jizosí, keni iħian gi eħu enyini hūn a nwunħunnī a hūn ni Jizosí rị ndun. ¹² Ya wu ni onwun rị orun eħu enyi, kani, ndun k'o rị a runfuhha imē unu.

¹³ Kani ebe o mē ni enyi nwon agungun okukwe ohu ahun wę ku oku e imē Ekukwo-nso, si, "M kweri ekweri, ya haġin m gi ku ihien m ku," enyi nwən kwerizikwə ekweri, ya haġin enyi gi rị e ku oku-Chuku enyi rị e ku. ¹⁴ Makeni, enyi a maringħo nī Osolobue hūn għa onwun weli Nna enyi wu Jesu jenqo d'e welizikwə enyi k'o dōn weli Jesu, webanhan enyi le unu ebe 'ya le enwən e rị.

¹⁵ Ezię-ezię, ihienni ile wu n'q rini unu mma, keni ndi efoma Osolobue rị e ru eka hūn uzo e buwaye odata, ekele rị a biañi Osolobue a bawaye uba.

Igi Okukwe E Bi

¹⁶ Ya wu, ndun agukō enyi. Qsuon'a ni eħu enyi rị a kpọ nkun, enyi hū e nwonwaye ndun əħħun imē-mmɔn uħuohin-ħuħuohin. ¹⁷ Makeni, ekere afunfunni enyi rị a ta ogenni, hūn għaleni e bie, rị nwan a kwadem enyi a tħoni oħġo it-tibbi hūn wę għaleni a saekha e ku k' o han. ¹⁸ Egħeġ, makeni enyi arī e lee ihien enya e legha, kani ihien enya għaleni e legha; makeni ihien enya e legha k'a għarri, kani ihien enya għaleni e legha k'a tħejra ejen.

Isi Nke Isen

¹ Makeni enyi a maringħo nī omeni e tikpo wę eħu enyini, ədunni enyi bi imē e imē uwani, enyi e nwongħo ulo hūn Osolobue tun, hūn wę għileni eka tun, hūn rị elu-igwee, ulo hūn k'a tħejra ejen. ² Imē ədunni enyi rị kikenni, enyi hū a sun-udien, o hū a gun enyi odata-odata ni wę yimē enyi eħu enyi hū—ulo enyi hū, hūn rị elu-igwee—³ hūn o mē nwan ni enyi yirigū a, enyi e məkō ndi għa qto. ⁴ Makeni, hunnji enyi rikw imē ədunni, imē eħħuni, enyi hū a sun udien makeni ibu rị a nyin enyi. Eleni enyi chonni enyi għa qto, kani, enyi chonni enyi hūn-ebq ahun, keni ndun luuħu hūn a nwunni—weri onodi a. ⁵ Onye hūn kwadem enyi tħoni onwħiħuton wu Osolobue. O yequ enyi Mmɔn-nso nokx mbiye, gi għosxi n'o k'e mē e.

⁶ Ya wu, obi e ru enyi ali ogən ile, qsuon'a ni enyi a maringħo nī omeni enyi rị imē uloni wu eħu enyi, enyi arī ebe Di-nwonn-ensi rị, ⁷ makeni ihien enyi kweri banyeni Kraist ġe enyi gi e bi obibi, eħżejj ihien enya enyi rị e legha. ⁸ Egħeġ, obi e ru enyi ali, nke wu ni o kade enyi mma ni enyi għa imē eħħuni pū, laburu Di-nwonn-ensi d'a nodd ulo enyi hūn rị ebe o rị. ⁹ Ifiri e, enyi a liliżma ni enyi e mē ihien a suq a usu q-efaq ogən ile—kē enyi rị ndun imē eħħuni wu ulo enyi kē enyi arī. ¹⁰ Makeni enyi ile k'a puhha ihun Oche-okink'ikpe Kraist ġe n'o kin enyi ikpe, keni onye-onye hūn uzo narin ugħo-ørun ihien o rūn k'o rị imē eħħuni—kē mma kē njo.

Orun Iwekinħen Iħjan Ebe Osolobue Rị

¹¹ Makeni enyi a tu egun Di-nwonn-ensi, ya haġin enyi gi a liliżma ni enyi mē ndi ozo kweri; kani Osolobue a maringħo enyi le enwən enyi əħħunma-ħuħunma; e għiġi m'a dōn ni unu nwən a maringħożi kwo enyi imē obi ən-nu.

¹² Elekwo ni enyi rizi a gwa ən-nu ni enyi a rikka mma! Mba. Enyi rị e ye ən-nu ihien k'e mē ən-nu gi enyi nyan isi, keni unu saekha za ndi gi ihien enya e legha a nyan isi hūn nkē wę gi ihien rị iħjan obi nyan isi.

¹³ Makeni, omeni enyi e mē kē ndi uche wę zu, ifiri unu ro; omeni enyi e mē kē ndi uche wę zu, ifiri unu ro. ¹⁴ Ihien-qsusq Kraist ġe jenni iħjan ya rị e nu enyi, makeni o wegħo enyi enya ni, ebe o mē ni onye ohu a nwunġuon iħjan ile onwun, ya wu ni iħjan ile a nwunġu. ¹⁵ O nwunni iħjan ile onwun, amamgħe ndi rị ndun għa e bizini enwən wę, kama, ni wę e bini onye hū gi ifiri wę nwunħu, Osolobue e gi ifiri wę weli e.

¹⁶ Enyi arizì nwan e gi enya-ihian e lee ihian. O suon'a ni enyi te gi enya-ihian e lee Kraistì mbu, enyi ara gizi e e lee e. ¹⁷ Ya wu, onye owitz rì imé Kraistì a wuruoté onye wé kedonzi; ihién akan a ghariguo, lee e, ihién ile e hénringuo nke ohun!

¹⁸ Ihienni ile gha éka Osolobue bia, onye hún donzi egbata enyi le iya, wekinhen enyi ebe o rì ghahaní Kraistì; o no nwan ye enyi orùn iwekinhen ndí ozó ebe o rì. ¹⁹ Ya wú ni Osolobue rì imé Kraistì, e donzi egbata ya le ndí uwá; ara gizi njó wé son wé. O wegúo nwan ozi ya wú idonzi-egbata che enyi éka zisónme. ²⁰ Ya wú ni ndí-ozi Kraistì kē enyi wú, Osolobue gi enyi e ku onu a; enyi gi nwan efan Kraist' e ku: dodo, o rì éka unu, "Kinhen ni d'e kunrun Osolobue!" ²¹ Osolobue gi ifiri enyi gi Kraistì hún méléni njó owitz hénrin onye mé njó, keni enyi hún uzó hénrin ndí rì óchan.

Isi Nke Isin

¹ Noké ndí wé le Osolobue gba a run, enyi rì nwan a gwa unu oku: dodo, o rì éka unu, anilé ni efoma Osolobue hún unu nabanhangu la iwi. ² Makéni Osolobue sì, "Hún o gihu ru ogen furu ni,
m no nü olu unu;
o ru uhuohin nzupuha,
m no yeni unu éka."

Lee n'e, kikenni wú ogen hú furuni! Tanní wú uhuohin nzupuha!

³ Enyi arí e mé onye owitz uke, amamgbe ihian a hún ihién w'e gi körjaní orùn enyi rì a run ni Osolobue. ⁴ Mba. Kama, imé ihién ile, enyi a ghosichanrin ni enyi wú ndí-orùn Osolobue: ghahaní idin oken ndidi-imé nsongbu, imé afunfun le ebe o no rì kē si ihién ile e wiwichanringuo ni enyi; ⁵ wé hú e gbu enyi ili, e gbu enyi mkpiñsin; w'e bu enyi e che imé ulo-ngan, w'a kpú enyi e gbu; enyi a run oken-orùn, e chu-uran, e bu egún. ⁶ Ozozí, enyi hú e donmè obi enyi óchan, e nwé amamihien, e nwé ndidi, a rì nsò imé-mmón, e nwé efoma, e nwé ihién-ösüşuo ibe enyi hún gha akpakali-obi fúha. ⁷ Ozozí, enyi e ku ezioku, enyi a ghosi ikèn Osolobue, ihién-ögún Osolobue chò suò kē enyi gi a lú, iya suò rì enyi éka-nni, rì enyi éka-ekpen. ⁸ Wé hú a gbaye enyi, e legberizikwò enyi; w'e ku oku enyi ohunma, e kujazikwò oku enyi; w'e mé enyi kē si enyi élé ihién enyi sì ni iya kē enyi wú; kaní iya kē enyi wú. ⁹ Enyi no kē ndí wé marinleni, kaní a maringuo wé enyi; enyi no kē ndí rì a nwunní, ka lee n'e nwan, enyi hú ndún! W'e ye enyi afunfun, kaní enyi anwunní. ¹⁰ Ihién ekwan e mésomme enyi, kaní, enyi a ghogho ogen ile; enyi no kē ndí igbennyé, kaní enyi e mé ndí bu odata a wuru idafin; enyi no kē ndí nwónleni ihién owitz, kaní ihién ile wú nke enyi.

¹¹ Enyi a shiapuguo ni onu ndí Korenti éfo! Unu a hunchanringuo k'o rì enyi obi. ¹² Enyi arí e zueméni unu éfo—kaní unu e zuemé nke unu. ¹³ M rì nwan a riò unu noké umu m: mé ni ni m kē m dön meni unu: shiapuchanrin ni nwan éfo.

Dönme Ni Ulo-nsò Osolobue Nso

¹⁴ Anilé ni wé kpabgama unu le ndí kwerileni ntutu ohu. Elee mmékó kē ezi-omumé le eje-obibi nwéde? Elee mmékó kē ukpé le ishi nwéde? ¹⁵ Elee ogen kē Kraistì le Ekwensu gidé kwerigbamama? Kini rídé egbata onye kwerini le onye kwerileni? ¹⁶ Elee ogen kē Ulo-nsò Osolobue le mmón gidé nwémé mmékó?

Enyi wú Ulo-nsò Osolobue, Chuku hú rì ndún—noké kē Osolobue dön ku e, sì,
"M k'e biri imé ndún wé,

e jenhunmè imé igunrun wé.

M k'a wuru Chuku wé,
a wuru wé ndí nke m."

¹⁷ "Di-nwónni-enyi sì,
gha ni nwan imé igunrun wé púha,
unu a nodí azúun ichen;
emétekwole ni ihién owitz ru unyin éka:
ogen ahun kē m'e gi nabanhán unu;

¹⁸ a wuru m nedị onu,
onu a wuru umu-m-ikennye le umu-m-ikpoho,
Iya ke Di-nwonnini-enyi Hun-nwọn-iken-ile ku.”

Isi Nke Esa

¹ Ndị rị m obi, ebe o me nwan n'o kwesonmeguo enyi nkwa ndịnị we, ni enyi chanchan nwan enwen enyi, chanpu ihien ọwule hụn e mera ehu le imē-mmɔn, e gi egun Osolobue a hụn a ni enyi rịchanrin nsɔ.

Nke We Kę Polu Rị E Ro

² Nabanhan ni enyi imē obi onu; o nwonnini onye enyi me eje-ihiend; o nwonnini onye enyi wiwi; o nwonnini onye enyi tumarin ihiend e. ³ Ari m e ku onwan ni m gi ma unu ikpe, makeni e kuolé m'a mbu ni unu rị enyi obi—nke wu ni enyi k'a saeka son unu nwun, enyi k'a sazikwo eka son unu rị ndịn. ⁴ M'e gi unu a nyan isi odata; m'e gi unu a dükənme eka obi; unu a gba m umē odata; imē nsongbu enyi ile, m'e gi ifiri unu e nwę ighogho odata.

⁵ Makeni, ke ogēn enyi gi rudę Masędonia, ehu enyi e ezuni iken kaka; we kpokpo enyi azuun ile—oku-le-uka fihunmę enyi, egun hụ a tụ enyi imē obi enyi. ⁶ Kanji Osolobue, hụn a kasị ndị ndịn guchanrin obi no gi obibia Taitosi kasị enyi obi. ⁷ Elede obibia a suq kasị enyi obi, kanji, nkasi-obi hụn ya le enwen e nwę makē ihiend o hụn ebe unu rị, kasizi enyi obi. Makeni, o gwaghę enyi ke m don rị a da unu! Ke eje-ihiend hụ meni don wute unu! Ke m rịhan unu obi! Ya ke m no ghoghökēnme.

⁸ Ifiri e, osuon'a ni ihiend m de imē ehu-hu-ozi ahụn a fughę unu, akwanzinị m mmanị—(kanji e te kwanghę m, makeni m hụn a ni e giguo m ya wu ehu-hu m de me unu ihiend ufu—osuon'a ekere ogēn suq rọ.) ⁹ M rị nwan a ghoghę. Ari m a ghoghę n'o fughę unu, kanji, n'o fughę unu hụn unu gi rogharị—ya wu ni unu a nighę a fü unu ụdi hụn Osolobue cho. Ya wu ni enyi a runi unu ehu ọwule, kaka. ¹⁰ Makeni ihiend futu ihiend ke Osolobue don cho, o me ihiend gbehutu obi, bihitu eka, o wehe nzupopuha. Mmanị ara rị a! Kanji ihiend futu ihiend ke o don a fü ndị ụwa, o buhe onwun. ¹¹ Unu ahunnị nwan ke imē ihiend rị mma rị a du unu makeni ihienni fü unu ke Osolobue don cho?! Unu ahunnị nwan k'o rịhan unu mkpa ighosi ni enya unu eruni ihiend meni! Lee k'o rị e zehan unu ize! Lee k'o tuhan unu enya! Lee ke m rị a dahani unu! Lee oken adudu o buhe! Lee afunfun unu ye onye hụn mafieni! Unu a ghosichanringo ni eka unu a rị ihiend meni.

¹² Ya wu, osuon'a ni m de ni unu ehu-hu hụ, ele ifiri onye me eje-ihiend mōbu onye we meja ke m gi de e. Kama, m de e n'o we unu enya id'anya Osolobue ni enyi rị unu obi nke-esi. ¹³ Onwan a kasiguo enyi obi.

Elede obi suq k'o kasị enyi; kama, ighogho Taitosi mēde enyi ghoghökēnme, makeni, unu ile e meguo nwan obi ru e alị! ¹⁴ Eghęe, unu aninị ifenren isi m gi unu nyan ebe o rị me m. Isi enyi nyan ebe Taitosi rị e me nwan ezioku nöké ke ihiend ile enyi gwa unu mbu don wuru ezioku. ¹⁵ Ifiri e, ihiend unu rị nwan a suqēnme e—o gha a nyanhan ke unu ile don hume isi, a nyanhanzi egun le ehu-omuma-nni unu gi nabanhān a. ¹⁶ M rị nwan a ghoghę—makeni m gichanrin unu don enya.

Isi Nke Esato

Kę Ndị Uka Don E Ye

¹ Umune, enyi cho nwan ni unu marin efoma Osolobue me ni uka rişonme Azuun Masędonia: ² osuon'a ni we rị imē oken nsongbu, cheni igbennye-mgbeleke we wu, oken ighogho we nwę imē Di-nwonnini-enyi aninị onodi we gbondon we, we no ye, ye odata!

³ Mmē rị a shianị we eri ni we wefuhā obi ye ke we nwonhan, yekariđe ke we nwonhan!

⁴ We rişonme enyi, enyi dodo me ohunma bu we cheni ndị rị a tụ ihienni we rị a tunni ndị nke Osolobue; ⁵ kanji, we yekariđe ke enyi tụ enya a: e bugu we uzor we enwen we ye Di-nwonnini-enyi, ya we no nwan gi ifiri uche Osolobue we enwen we ye enyi.

⁶ Ya haín nwan enyi gi sị Taitosi, hụn bidon ɔrun-eyemekanị, ya d'e yeni nwan ọnụ eka rụnfu a. ⁷ Ya wụ, kę ụnu dòn nwan e mè ọhụnma imẹ ihien ile—kę okukwe kę iku-oku kę imarin-ihien kę adụdu rị mma kę ihien-osusuo hụn rị ẹgbata enyi lę ụnu, ेriṛa kę enyi chozi nị ụnu mè ọhụnma ebe ɔrun-eyemekanị rị.

⁸ Ele ni m rị e ye iwu, kama, m choko nị m ghosi ụnu adụdu ndị ozọ nwọn, gi e chopuhà kę ihien-osusuo ụnu nwé wụ ezigbo e. ⁹ Makeni, ụnu a maringhọ kę Onye-nwọnni-enyi wụ Jesu Kristi mèhan efoma: nị, k'o mele ọdafiñ ru, o gi ufiri ụnu hénrin ogbennye keni ụnu gha ogbennye o dan wuru idafin.

¹⁰ Ndunmodun m imẹ ihienni wụ ṣonwan: o furu ni ụnu rụnchanrịn nwan ɔrun-eyemekanị ụnu bidon akan-ahụn. Ụnu bu uzø rụnma a; elede ọhụn sụo, ụnu k'o bude uzø duma nị ụnu mè e. ¹¹ O ruguo nị: rụnchanrịn n'a nwan; gi ni nwan ihien ụnu nwọn rụnchanrịn a k'o dòn du ụnu nị ụnu rụn a isi-ibuzo hụ. ¹² Makeni, omeni ihiian wepuhà obi e ile ye ihien, ihien o nwé kę wę e lee enya a narin a ya, ele ihien o nwònleni.

¹³ Ele ni m cho n'o rị nị ndị ozọ nfe, o wuru ni ụnu ibu. Kama, n'o wuru ahanmahan: ¹⁴ hunnị ụnu nwọn nwan ọda bụ mkpa gi wę nwèn, nke ụnu a ban nị wę; o ruzi, ọda wę nwọn e węhę ni ọnụ ihien rị ọnụ mkpa—o wuru ahanmahan. ¹⁵ ेriṛa kę wę de e imẹ Ehuhuọ-nsø, nị

“Nke onye hụn kpónrin ọda
ehikeni;
nke onye hụn kpónrin ekere
emekeni ekere.”

Taitosi Lẹ Ndị Hụn Ya lẹ Wę Wi

¹⁶ Ekele ya rịnị Osolobue hụn bu adụdu ohu hụ m nwé maké ɔriniimma ọnụ che obi Taitosi. ¹⁷ Elede n'o kweri aririo enyi rịo a sụo, kani, ebe o mè ni kikenni k'o k'a dù, o k'e gi uche e bia d'a hụn ụnu. ¹⁸ Enyi zila 'ya lę nwènè-enyi hụ ndị ile kwerini marin ọhụnma-ọhụnma makeni o zisonmè oziomma. ¹⁹ Elede ni ndị ile kwerini marin nwènè enyi hụ sụo, kani ụka ile kwerigbamadé, tumé e n'o son enyi, enyi gha e jensommè a rụn ɔrun-eyemekanị enyi gi e ye Di-nwònñi-enyi lę enwen e ogho, a ghosiizi nị enyi cho n'o rịnị umuné enyi mma.

²⁰ Enyi bu obi nị ihiian ahunko ihien w'e gi koriṇi enyi maké oyiyeni hi-ogbe enyi rị a na, ²¹ makeni, o ríka enyi mkpa nị enyi rụn a hụn rị mma, ele enya Di-nwònñi-enyi sụo, kani enya ndị ozozị.

²² Enyi zilazi nwènè enyi ozọ cheni wę, nwènè enyi hụn enyi lelegu mgbe ole-le-ole hụn a nị o nwònghọ adụdu ihien bu ọda—kikenni k'o kazì adụdu hụ e nwòn karị mbụ, makeni obi rukemem e alị ebe ụnu rị.

²³ O mè nke Taitosi, onye mmé lę iya a wị lę onye mmé lę 'ya gba a rụn ɔrun enyi gi e yeni ụnu eka rọ; nke umuné enyi ndị ozọ hụ 'ya lę uwè wị, wę wụ ndị-ozi pụ-ichèn rị a nòkin enya ụka ichèn-ichèn, e węhēni Kraisti ogho. ²⁴ Ya wụ, gi ni nwan oghereni ghosi ndịnị wę nị ụnu nwé ihien-osusuo wę, keni ndị ụka ile hụn uzø gi e dòn, a hụn wę ihien enyi gi e gi ụnu a nyan isi.

Isi Nke Itene

Ihien Wę Tunị Ndị Ụka Rị Jerusalém

¹ O ríkanị mkpa nị m de ni ụnu ihien ọwule banyeni ihien wę rị a tunị ndị kwerini rị Jerusalém. ² Makeni, a maringhọ m nị ihienni hụ a dù ụnu. Adụdu ụnu haín m gi gi ụnu nyan isi ebe ndị Masedonia rị, sị wę nị ndị rị Akaya a kwademèölè kete akan-ahụn; adụdu ọnụ a kpasuguo ndị bu ọda imẹ wę. ³ Kanị m zila nị ụnu umuné-enyi ndịnị, amamgbe isi enyi gi ụnu a nyan a wuru ihien-mmaka ogenni. Kama, m cho nị ụnu kwademè, e che —kę m don gwa wę nị ụnu k'e mè; ⁴ omeni ụnu akwademèni, ndị Masedonia sònhen m hụn a nị ụnu eke kwademè, ifenren e megbu enyi imẹ ihienni—o rị wuzi ụnu lę enwen ụnu. ⁵ Ya haín o gi rị m mkpa nị m zi umuné enyi ndị hụ, nị wę bu uzø biagụ d'e kunrun

onu d'a kwademechanrin ihien ile gbaşıarı oyiyeni hi-ogbe onu kwe nkwa a, m kebe bia; keni ọ hun uzo wuru oyije unu wepuha obi unu ye, eleni we waye unu ya olu.

⁶ Ihien rin'a wu hunnı: onye hun kùnlensi ọda jenkö d'a ghori hun buleni ọda; onye hun kùn ọda jenkö d'a ghoriżikwo hun bu ọda. ⁷ Onye-onye ya ye ihien owitz rị a obi, y'e meyele e ele; y'e yele nöké si we wa a ye e olu—makeni onye a shiapu ẹfọ e ye kę ihien e a suq Osolobue. ⁸ Osolobue k'a saeka yesonmè unu ihien ile rị unu mkpa, hunzi uzo e ye ọda ogèn owitz orun rị mma gi fufa. ⁹ Eriira kę Ehuhuqo-nso dòn ku e, si,

“O buyosonmè ndi-igbenyye ihien

ọda-ọda;

o k'e mesonmè ihien Chuku cho

jenrin ejen.”

¹⁰ Osolobue, hun e ye ihiyan mkpuru ọ k'a kùnye le ihien-oriri o k'e ri, k'e ye unu mkpuru unu jenkö d'a kùn; o k'e me e sue, me e mi mkpuru ọda-ọda; o k'e me onu ghori mkpuru hun wu imē ihien Chuku cho, ghori a ọda-ọda. ¹¹ O k'e me onu wuru ndi-idafin uzo ile, keni onu hun uzo a hakemnè ẹka. Enyi nwèn k'e me e ru ndi bu ọda ẹka. Eriira kę iha-ekani k'a dòn weheni Osolobue ekele. ¹² Makeni, ihienni unu rị e wepuha obi unu e me siko d'e ye ndi nke Osolobue ihien rị we mkpa; kanji ele ohun suq, o k'e mezikwo ndi bu ọda e kelesonmè Osolobue. ¹³ Unu k'e gi orun-eyemekani weheni Osolobue ogho, makeni o k'a ghosi ndi bu ọda, hun k'e ri erere e, ni unu hụ a gbaye ozioma Kraistị ahun unu kweri nke-esi, ni ya hajin unu gi ye we le ndi ozo ọda. ¹⁴ Ihien unu k'a suokènmè we; we k'a gha e me ni unu ekpere makè efoma Osolobue me ni unu ebe o no me unu sa ẹka meni we ihienni.

¹⁵ Ekele ya rini Osolobue make oyije e hun onu ghaleni a saeka a kowa!

Isi Nke Iri

Połu A Kowa Orun A

¹ Mmè wu Połu rị a riò unu; m rị e gi nwayo, e gizi ẹka-alulua Kraistị, a riò unu. Mme hun we si ni m'e welua enwen m alì omèni mmè le unu nodi elee-m, elee-i, kanji m ghahụ ebe onu rị pu, a ganma m onu, kushimè ikèn! ² M rị a riò unu, anikwolè n'a wuru ni, m bia, a gwapu m ndi hụ rị e ro ni enyi rị e bi kę ndi-uwà oku, a hun w'a ni egun arì m enya. ³ Makeni, osuon'a ni enyi bi imē uwà rikè ihiyan, enyi ara lụ agha kę ndi-uwà dòn a lụ. ⁴ Makeni, ihien-ogun enyi ele nke ndi-uwà, kama, ihien-ogun enyi nwosonmè ikèn Osolobue, hun we gi e tikposonmè ebe zeni le ihien ndi hụ zeni. Enyi e tikposonmè atumiroro-lé-ndondò ⁵ le ihien owitz hun e bushi enwen e elu, hun e gbondon ihiyan amarinlè Osolobue; enyi a nwundon iroro owitz, me e n'o humeni Kraistị isi. ⁶ Enyi a kwademeguo hun enyi e gi gi afunfun son nnupu-isi owitz, omèni onu nwèn e humechanrin isi uzo ile.

⁷ E leban ni ihien enya ohunma: omèni o wegwo unu enya ohunma-ohunma ni unu wu nke Kraistị, nyanhankwo ni ni kę unu dòn wu nke Kraistị kę enyi donzi wu nke e. ⁸ Di-nwonni-enyi ye m ikèn m'e gi du unu: ikèn m'e gi me unu sue imē okukwe—ele idotu unu. Ya wu, o suq n'a ni m'e gikèzi ikèn ahun a nyan isi, ohun emekò m ifenren. ⁹ Achonj m n'o no kę si m gi ehuhuqo-ozi m e ron unu egun. ¹⁰ Makeni, o nwè ndi a si, “Ehuhuqo-ozi Połu e ze eze, ele we ihien we gi e gu egwu; kanji, i hun ya le enwen e k'ọ no, o zeni, o nwondeni ihien we gi oku-onu a e me!” ¹¹ Ndị rị e ku enina we marinkwo ni ihien ohu hụ enyi rị e de ebe enyi rị uzo ozo kę enyi jenkö d'e me enyi bia ebèhụ.

¹² Enyi esonkokwò ndi ahun rị a ja enwen we mma ma-usue. Makeni, we gha e gi ibe we e lele enwen we, e gi ibe we a ma enwen we, we rị a ghosi ni aghotani we. ¹³ Kanji o me nke enyi le enwen enyi, enyi a nyanghafekò isi okèn. Ihien rị ogbo Osolobue keye enyi run imē orun izi-oziomma suq kę enyi k'e gi nyan isi. Ogbo hụ rudè ebe unu rị. ¹⁴ Ya wu ni enyi arunghafeni ogbo enyi ogèn enyi gi weheni unu ozioma—hun o me ni enyi wu ndi ibuzo bia ebèhụ teni unu rị d'e zi unu ya wu ozioma Kraistị. ¹⁵ Enyi arì a nyanghafe isi

okęn—ya wu ęnyi ara gi örünen ndị ozə run a nyan isi. Olil'ęnya ęnyi wu ni okukwe ụnu k'a gha e suewaye, keni ęnyi hụn uzo e nwonwaye oghere ęnyi e gi run örünen imę igunrun ụnu; ¹⁶ ęnyi a hụn uzo gha alı ụnu si alı ndị ozə d'e zi ozioma. Ogęn hụ, oku igi örünen ndị ozə a nyan isi arıkodzi.

¹⁷ Ehuhuqo-nso sị,
“Onye k'a nyan isi
ya gi ihiyen Di-nwonnı-ęnyi mę nyan isi.”

¹⁸ Makeni, elep onye hụn a ja enwén e mma kę wę e ku oku e ọhunma, kanị onye hụn Osolobue ja mma.

Isi Nke Mmanaij

Połu Lę Ndị-ozi pü-ich'en Ntu

¹ K'o rị m ụnu e din m ni m zuzu ekere. Dodo ni, nwon ni ni m ndidi! ² Enya rị a fụ m makę ọnodi ụnu, ụdi ęnya-ufu hụn gha eka Osolobue bia. Ụnu wu nwa-agbọ m kwe okennyę ohu suqo nkwa ni m jenkö d'a luye e ya. Okennyę ahun wu Kraistị. M kwe nkwa ni m jenkö d'e wę ọnụ ye e ebe ọnụ keleńi marin okennyę. ³ Kanị, egun rị a tụ m ni wę jenkö d'e dufie ọnụ, noke kę Ekwensu dọn gi ero dufie Iwu, mę ụnu e fezile Kraistị ofufe ezioku le hụn rulen: ⁴ makeni ụnu a nabanhankazi onye ọwule bia d'e zimę ụnu ozi Jesu ozə hụn wuleni hụn ęnyi zi ụnu ozi e; ara fụ ụnu örünen inabanhan mmọn ozə móbụ ozioma ozə hụn wuleni hụn ụnu gha eka ęnyi nwéhen. ⁵ Kanị, o weni m ęnya n'o nwégho kę ndini ụnu a kpo “okęn ndị-ozi pü-ich'en” dọn ka m. ⁶ Ikéñkwo a ma m ku oku; kanị, a maringho m ihiyen—ęnyi e giguqo uzo ile ghosị ụnu ọnwan imę ọnodi ile.

⁷ M mę njo m gi welua enwén m alı zi ụnu ozioma Osolobue ofe, keni Osolobue gi e busi ụnu elu? ⁸ Ogęn m gi rị a rünni ụnu örünen, ụka ndị-ozə ye m ihiyen, a narin m wę bu elep wę kę m gi e a rünni, o no kę sị m rị e zunarin wę ihiyen wę—keni m hụn uzo rünni ụnu. ⁹ Ke m rị imę igunrun ụnu, ogen ihiyen gi rị a fụ m örünen, ebuyeni m onye ọwule ibu, makeni umunę ęnyi gha Masedonia bia wéheni m ihiyen ile rị m mkpa. Ya wu, mmę sị n'a wukọ m ibu ebe ụnu rị. Erira k'o jenkö d'a risonme: awukọ ni m ụnu ibu. Kaka! ¹⁰ Makeni ezioku Kraistị rị imę m, m rị e ku e n'o nwonnı ihiyen jenkö d'a saékä napu m ihienni m gi a nyan isi imę Azuun Akaya ile! ¹¹ Kị hajin nwan? Makeni enwé m ihiyen-osusuo ụnu? Mba. Osolobue a maringho ni m nwé ihiyen-osusuo ụnu!

¹² M jenkö d'e mésomme ihienni m rị e mę, amamgbe ndị hụ rị a nyan isi ni wę wu ndị-ozi pü-ich'en a hụn oghere hụ wę choko hụn ihiyen e gi sị ni ęnyi lę wę wu ohu. ¹³ Ndini ẹlep ndị-ozi pü-ich'en nke-esi; ndị-ndufie kę wę wu. Wę rị a za ndị-ozi pü-ich'en Kraistị e gi e e kpumé ihun. ¹⁴ Ọnwan ẹlep ihiyen a tụ ęnya! Makeni, kę Ekwensu le enwén e e mèdè kę sị o wu mmọn-ozi ukpe! ¹⁵ Ya wu ni ẹlep ihiyen a tụ ęnya omení ndị-örünen a hụ e mę kę sị wę wu ndị a run ihiyen rị mma. Wę jenkö d'a narin ugwo-örünen furu ihiyen wę rị e mę.

Afünfun Połu Ta Makeni O Wu Onye-ozi Pü-ich'en

¹⁶ Ni m kuzi e, erokwolę ni ni m wu onye-nzuzu! Kanị, omení iya kę ụnu rị e ro, weri ni m nwan rikę onye-nzuzu, keni m hụn uzo nyan isi ekere.

¹⁷ Elep Di-nwonnı-ęnyi sị m ku ihienni m chọ ni m gi nyan isi—kanị, m rị e kuhu rikę onye-nzuzu. ¹⁸ Ebe o mę ni ndị bu odata hụ e gi ihiyen ihiyan-mmaka a nyan isi, mmę nwén jenkö d'e mezíkwo erira. ¹⁹ Ụnu lę enwén ụnu a marinka ihiyen! Iye ndị-nzuzu efe, a nabanhankazi wę, a suqka ụnu. ²⁰ Ụnu a nabanhankazi onye ọwule hụn e mę ụnu kę igbon, móbụ hụn e rigbu ụnu móbụ hụn a tunarin ụnu ihiyen ọnụ móbụ hụn e mę kę sị o rikę mkpa móbụ hụn a madé ụnu ora! ²¹ Ọsụon'a ni ifenren m ro, ni m ku e: obi ęnyi ezeruni erira.

Kanị, ihiyen ọwule wę nwé egun ni wę gi nyan isi, egun k'a nizíkwo m gi ihiyen ahun nyan isi; (m rị e ku kę onye nzuzu.) ²² Wę wu ndị Hibru? Ya kę mmę nwén wuzi. Wę wu ndị Izrel? Ya kę mmę nwén wuzi. Wę wu ụmu Ebraham? Ya kę mmę nwén wuzi. ²³ Wę wu ndị-örünen Kraistị? M rị e ku rikę onye isi zuleni oke: mmę ka wę onye-örünen Kraistị

a wụ, mmę ka օrun a rụn, mmę ka ngan e jen, mmę kę wę ka mkpińsın a fjan—mgbe ole-lę-ole kę wę fjanpụ m mkpińsın. Ọnwụn a kposonmęzi m ihun. ²⁴ Mgbe isen kę ndị Ju fjanpụ m ube-mkpińsın ohu-arịa-ogunnai wę ahụn.

²⁵ Mgbe eto kę ndị Rom fjanfụ m mkpińsın. A maguọ wę m օmụma mgbe ohu. Mgbe eto kę ugbo-mirin m rị imę e tikpopụ. A noghọ m elu mirin uhụohịn ohu gbe-gbe-gbe—uhinhin lę efinnai, ibe osisi suq kę m hụn kwondon eka elu mirin ahun. ²⁶ M'a risonmę uzo-ijen; eje-ihien a kposonmę m ihun elu-iyi; ohin a kposonmę m ihun; eje-ihien ndị alị m k'e mę m a kposonmę m ihun; eje-ihien ndị alị ndị ozọ k'e mę m a kposonmę m ihun; eje-ihien a kposonmę m ihun imę obodo—ihian jun, a kposonmęzi m ihun imę atu—ihian rileni; eje-ihien a kposonmę m ihun elu-ohimin; nsongbu ndị kpọ enwén wę ndị kwerini bụ ekwerini wę a kposonmę m ihun. ²⁷ M'a rungbu enwén m; m'a ta afunfun; m'e chusonmę-uran; m'e busonmę egun ihiien-oriri le ihiien-orira; ihiien-oriri a kosoñmę m; m'a risonmę onodị oyi gi a tụ m; ekwa a kosoñmę m. ²⁸ Wezukadę ihiien ndị ozọ ile, uhụohịn ile kę m gi e bu ibu iroro orinimma ụka ile. ²⁹ Onye kę ndun gụ, hụn ndun ogugu a güləni mmę nwén ndun? Onye kę wę mę dan imę okukwe, o noləni fükənmę m?

³⁰ Oməni m k'a nyanriji isi, ihiien ndị hụn a ghosi ni ndun arị m kę m'e gi nyan isi. ³¹ Osolobue a maringhọ ni ẹle m rị a tụ ntụ—Osolobue, hụn wụ Osolobue le Nedi Di-nwọnni-enyi wụ Jesu—ojija-mma ya rịn'a jenrin ejen! ³² Imę obodo Damas'kosị, Goyano kị okpuru eze Areṭasi buto ndị-nche օnụ-mgbon obodo hụ, keni օ nwündon m, ³³ kanị wę nō gi ükpalị gha oghere rị mgbon hụ wetu m, m nō wanahin a.

Isi Nke Mmębụo

Ihiien Osolobue Ghosisónmę Polụ

¹ O rị mkpa ni m nyansonmę isini—osuon'a ni o nwéni erere օ ban. Ni m ku nwan oku ohụn lę ihiien ndị hụn Di-nwònni-enyi ghosi m.

² A maringhọ m onye nke Kraistị ohu, hụn wę weri shi elu-igwee nke eto ahua mmęno ghanị—kę imę-ehụ k'o mę k'o gha imę ehụ pụ, a marin m; Osolobue ya marin. ³ A maringhözị m ni wę weri onyenı—amarin m k'o rị imę ehụ ra օ gha imę ehụ pụ, Osolobue ya marin—⁴ w'e shi alị Izu-iken wụ Paradaisi, o nō nụ ihiien ndị wę ghaleni a gwa ihiian, ihiien ndị wę ghaleni a ni ihiian e ku.

⁵ M k'e gi nwan onye nō enjna nyan isi, egikọ m mmę lę enwén m nyan isi; ihiien ndị hụn a ghosi ni ndun arị m suq kę m'e gi nyan isi. ⁶ Kanị, o mèdè ni m chọ ni m nyan isi, ẹle ya wụ ni m wụ onye-nzuzu, makəni ihiien m k'e ku wụ ezioku. Kanị, emekọ m'a, make ihiian gha e ro ni m wụ ihiien օwule karị ihiien wę hụn m mę lę hụn wę nụ m ku—⁷ makəni ihiien ndịnị m hụn a puka ichen. Kanị, igi gbondon m amamgbe m'e gi ifiri ihiien ndịnị pụ-ichen m hụn pachemę, Osolobue nō bu nsongbu che m ehụ—rikę ebe wę nō kpọ ogun ye ihiian ehụ. Nsongbuni wụ onye-ozi Ekwensu. Wę we e che m ehụ n'o hụn uzo a lụ m, amamgbe m'a pachemę. ⁸ Mgbe eto kę m rịo Di-nwònni-enyi banyeni ihienni, n'o mę e hapụ m. ⁹ Kanị Di-nwònni-enyi nō sị m, “Mba; eyemeka m e higụo i, makəni ebe ndun noləni rị ihiian kę ikən m nō a puhachanrịn ifon.” Ya wụ, m gi nwan ighogho a nyan isi ni ndun arị m, keni iken Kraistị hụn uzo risonmę imę m. ¹⁰ Ya wụ, makə ufiri Kraistị, o hụgho m mma ni ndun arị m; ni w'a kpari m, ni m'a ta afunfun, ni wę e kpokpo m lę ni օdakin rị ichen-ichen a bianị m. Makəni, ogen օwule ndun giləni rị m ya kę m gi e kənren.

Orinimma Ndị Kọrentị Rị Polụ Obi

¹¹ E meguo m kę onye-nzuzu! Ụnụ hajin m gi mę e! Ụnụ te furu hụn e kuni m օhunma—makəni o nwònni kę ndịnị ụnụ rị a kpọ oken ndị-ozị pụ-ichen dọn ka m mkpa a rị, osuon'a ni o nwònni ihiien m wụ.

¹² Ogen m gi rị imę igunrun օnụ, m tu-udon runchanrịn ihiien bu օda wę gi a marin ezigbo onye-ozi pụ-ichen: kę ihiien-ahimə kę ihiien a tụ ənya kę ihiien a ghosi iken

Osolobue. ¹³ Kị wé mē ni ụka ndị-ozō hún wé mēleni ni ọnú, wezuka ní ebuyeni m ụnú ibu iye m ihien m'e gi bi? Dodo ni, gbaghari ní m njø m mē hún m gileni buye ụnú ibuni!

¹⁴ Lee n'è, a kwademeguo m nwani ní m lala d'a hún ụnú nke mgbe eto. M bia, anako m ụnú ihien ọwule, emekö m ibu. Makeni, ụnú kē m chọ, elē ihien ụnú. Egheę, makeni elē ụmụ a kpatoni ndị mū ní wé ihien, ndị mūnị wé nwé a kpatoni wé. ¹⁵ O k'a suogbude m igi ihien ile m nwón yeni ụnú eka—gizidé ndun m. O mē nwani ní m rị a nwewaye ihien-osusuo ụnú, ụnú k'e belua nwani ihien-osusuo ụnú nwé ebe m rị?

¹⁶ Ụnú nwé ikēn sì, “Osuon'a ní ezie rø ní y'e buyeni enyi ibu, y'e megho enyi ero, dufie enyi, teri enyi.” ¹⁷ Nanị kē m dòn mē e? M gidé nwani ndị m ziheni ụnú tunarin ọnú ihien ọnú ra? ¹⁸ Mmē río Taịtɔsi n'o bia d'a hún ụnú; m nò zizikwo nwéne-enyi hún-ebø hú chen'è. Taịtɔsi a tunarinni ụnú ihien ụnú. Ra o tunarindé ụnú atunarin? Elē agungun ohu hú kē enyi gun? Elē usonron ohu kē enyi gi run?

¹⁹ Ụnú rịdè e ro ní enyi gi ihienni ile enyi rị e ku e kinrin ọnú enyi ebe ụnú rị ra? Mba. Enyi rị e ku nöké ndị rị imé Kraistị; enyi rị e ku riké ndị rị id'enya Osolobue. Ndị rị m obi, enyi rị e mē ihien ile enyi rị e mē ní enyi gi e yeni ụnú eka sue imé okukwe.

²⁰ Egun rị a tū m ní ikenkwo, m bia, ahunko m ụnú kē m dòn chọ, ụnú nwéen ahunko m kē ụnú don chọ; egun rị a tū m ní, ikenkwo, ikpe lę enya-ufu lę eje-olulu jenkö d'a rị; ní ndị hú imé ụnú k'a choma nke-wé, nke-wé; ní nkuto, oku-azụn, mpache lę isusu jenkö d'a rị. ²¹ Egun rị a tū m, ní, ikenkwo Osolobue m e welua m alị ebe ụnú rị—ogen m'e gi bijazi, ikenkwo a kwanma m ékwan maké ndị bu ọda mē njø mbu, hún keleni gbehutø obi wé banyeni ihien ndị hú ru unyin wé mē lę ugheré lę ihien-ifenren ile wé mesonmē.

Isi Nke Mmęto

Mkpinsin-eka Lẹ Ekele Ikpazụn

¹ Onwan k'e mē e mgbe eto m lala d'a hún ụnú: “Osheri madụ ebụo móbụ eto kē wé sikö d'e gi gi ikpe ọwule dòn.” ² A gbaguo m ndị hú mē njø mbu lę ndị ozō hoduni mkpinsin-eka—kē m bia hún mē e mgbe ebụo; m rịzi nwani a gba wé ya húnni m rileni ebéhụ, ní, m bia, egikö m eka alulua son onye ọwule—³ ebe o mē ni ụnú chọ ní m ghosi ọnú ní Kraistị rị imé m e ku nke-esi. Kraistị a ra gi eka-alulua e son ọnú—mba! O gi ikēn e mē ihien imé ọnú. ⁴ Osuon'a ní wé kpogbu e elu-obé nöké onye nwónleni ikēn, o húzị nwani ndun ghahanị ikēn Osolobue. Imé e, enyi nwéen nke rịzıkwo kē ndị nwónleni ikēn; kanị, o mē nke eka enyi k'e gi son ụnú, enyi k'e son e gi ikēn Osolobue bi, gi ikēn Osolobue hú son ụnú.

⁵ Lekpø ní enwén ụnú, ní ụnú marin kē ụnú hú imé okukwe. Lele ni enwén ụnú. Ụnú amarin ní Jizos' Kraistị rị imé ụnú? Ụnú a maringhö nü—sunkpan ní ụnú a danguo nlele hú.

⁶ M nwón olil'enya ní ụnú k'a hún a ní enyi nwéen adanní nlele hú. ⁷ Kanị, enyi hú e mē ekpere a río Osolobue, amamgbé ụnú e mē ihien ọwule rileni mma—elē keni wé sì ní enyi púha ọhunma, ní enyi a rụnka ọrun imé igunrun ụnú, kama, keni ọnú mēhụ ihien rị mma—osuon'a ní enyi nō kē ndị dan nlele hú. ⁸ Makeni, enyi a saeka mē ihien ọwule e gbondon ezioku, kama, ihien a kwadon ezioku suø kē enyi e mē.

⁹ Enyi a ghogho aghogho omení enyi ezeni bụ ọnú e zeghø. Ekpere enyi wú ní ụnú zuchanriñ oke. ¹⁰ Ya hajn m gi deni ụnú ihien ndịnị ogenni m keleni bia ebahun ụnú rị, amamgbé m'a bia, e gi m ikēn hú Di-nwónni-enyi ye m gi du ụnú gi eka-ikēn son ụnú—ikēn hún o ye m gi mē ụnú sue, elē hún m'e gi tikpo ụnú.

¹¹ Nke ikpazụn, umuné m, ghoghomá ní; [nodi ní ọhunma!] Bihutø ní eka; a gba ní ibe ụnú umé; e nwón ni obi ohu; e gi ni udon e bi. Ụnú mē enjina, Osolobue hún udon lę ihien-osusuo gha eka a bia k'a noyen ọnú.

¹² Dide ni ibe ọnú odide rị nsø. Ndị nke Osolobue ile e zi ekele ụnú.

¹³ Efóma Di-nwónni-enyi wú Jesu Kristi lę ihien-osusuo Osolobue lę mmekö rị imé Mmón-nsø ya noyen ọnú ile.

Ehuhuq-Ozi Pölü Dejenni
Ndị Galeshịa

¹ Mmę wụ Pölü de ekukwó-ozini. M wụ onye-ozi pụ-ichēn—ele hụn ihiān zi móbụ hụn ndi-ókíkí wụ ihiān tumé—kaní hụn Jesu Kristi lè Chuku-Nédi hụn gha imé ɔnwụn weli Jesu Kristi tumé. ² Mmę lè umuné enyi imé Kraistí ndị mmę lè wé rị ebeni gba de e. Enyi dejenni uka rị ichen-ichen rịsonmę Azụn Galeshịa ya.

³ Efoma lè udon hụn gha eka Osolobue Nédi enyi lè Di-nwọnni-enyi wụ Jesu Kristi bia ya ríni onu.

⁴ Nna enyi wụ Jizos' Kraistí we ndùn a ye make ifiri njo enyi, keni o gbapuha enyi imé eje-agboni rị ogenni, igi mèzu uche Osolobue enyi wụ Nédi enyi. ⁵ Ogho ya ríni Osolobue Nédi enyi jenrin ejen! Iseę.

Ozioma Ozø Aría

⁶ O tu m enya ní ụnu a latomakenrinkezi onye hụn gi ifiri efoma Kraistí kpó ụnu, nabanhama “ozioma ozø”. ⁷ Ele ni ozioma ozø rị arí, kaní o nwonghọ ndí rị e ye ụnu nsongbu, e mè obi eruzile ụnu alí, a cho ní wé rükpo ozioma Kraistí. ⁸ Kaní, osuon'a ní enyi lè enwén enyi móbụ mmón-ozí ghadé enu-igwee bia e zimé ụnu “ozioma” ozø hụn wúleni hụn enyi zi ụnu, onye ahụn ya wúrụ onye wé bù onu—ya la ntikpo jenrin ejen! ⁹ Ké enyi dòn ku mbụ, m rízi nwan e ku e: omení onye owlé rị e zi onu “ozioma” ozø wúleni hụn onu nabanhangu mbụ, ya wúrụ onye wé bù onu: ya la ntikpo jenrin ejen!

Jesu Tumé M, Ele Ihiān

¹⁰ M ríde nwan a cho ní ihiān kuni m ọhunma ra Osolobue? Ra a chomaguo m nwan ní m mè n'o suø ihiān? Omení echén kē m ríkwó a cho ní m mè n'o suø ihiān, ya wụ ní ele m igbón Kraistí.

¹¹ Umuné m, m cho ní ụnu marín ní ozioma m zi aghaní eka ihiān bia; ¹² amúnnarínni m ihiān ya; ele ihiān kuzi m'e. Kama, Jesu Kristi lè enwén e we e ghosi m.

¹³ W'a ra rụ uka a, ụnu a nuguø kē m dòn bi mbụ, ogèn m gi rị e fe ofufe ndí-Ju lè nke Iwu Mozizi: kē m dòn kpokpokénmé uka Osolobue, cho ní m tikpo a. ¹⁴ Imé ofufe enyi wụ ndí Ju, mmę ka ndí isi-otu m bu odata ofufe e fe ogèn ahụn. M'e mékénmę oku oménaли ndí nedi enyi we.

¹⁵ Kaní, ogèn o gi suø Osolobue, hụn gi efoma a hotø m, kpó m—kē m ríde efø nné m,

¹⁶ o nò mè m marín Nwa a, keni m zi ndí aní ndí ozø wúleni ndí Ju ozi banyeni ya wụ Nwa a. Ogèn o gi mè e, ejenni m d'e kunrun ihiān n'o gwa m ihién owlé móbụ buche ni m ihién owlé. ¹⁷ Ejendéni m Jerusalém d'e kunrun ndí bu m úzo wúrụ ndí-ozí pü-ichēn, kama, m nò shi Arebiá ozigbo. O megü, m nò gha ebéhü kinhenzi Damas'kosi.

¹⁸ Ahúa eto a ghafegü, m nò shi Jerusalém d'a hụn Kefasi wụ Pita; m nò sòn e nòdí akp'ohin mmisen. ¹⁹ O nwònñi onye ozø m hụn imé ndí-ozí pü-ichēn hoduní, wezuka Jemisi nwènè Di-nwònñi-enyi.

²⁰ M rị a gwa ụnu, id'enya Osolobue, ní ihieni m rị e de ni ụnu wụ ezioku, ele ntü!

²¹ Omegü, m nò jen Azụn Siria lè Silisia. ²² Ndí uka Kraistí hụn rịsonmę egbéré Judia e ke marín m ọmarín-enya ogèn ahụn. ²³ Wé nü a hụ a nü ní wé sì ní “Onye ahụn te rị e kpokponi enyi mbụ rízi nwan e zisónmę ozi okukwe ahụn o te cho n'o tikpo!” ²⁴ Wé nò gi ifiri m ja ẹfan Osolobue mma.

Isi Nke Ebụo

Pita, Jemisi lè Jönü Nabanhán Pölü Anabanhan

¹ O mèpụ ahúa mmeno, m nò shizi Jerusalém. Mmę lè Banabasi wí ogèn ahụn, m nòzí weri Taitosi. ² M jen ebéhü makéni o nwòn ihién Osolobue ghosi m; m nò kówa ní wé ozioma hụn m rị e zi ebe ndí wúleni ndí Ju rị. Kaní m mè e usúo—egbata mmę lè ndí wé

weri ni wę wu ndị-isi suq—amamgbe o wuru ni m rị a gba ọsọ olal'iwi mọbu ni hụn m gbafo a laguo iwi, o wuru ni ọrun m la iwi.³ Awadeni wę ikwa-ugun ye Taitosi mmẹ lę iya wị olu, ọsụon'a ni ẹle onye Ju, ni onye Griki ro—⁴ kani oku ikwa a ugur e te puhagho maké ndị hụn gi nzuzue rúbanhan, e mè kẹ sị wę wu ndị kwerini. Wę bia d'a hündele ụdi inwónrin-enwén hụ ẹnyi nwọn imē Kraistị, keni wę wezi ẹnyi che imē igbọn.⁵ Kani, ẹnyi ekweyeni ni wę kaka akpụ-ohu, makéni ẹnyi chokénmé ni ẹnyi chedon ni ụnu ezioku ri ozioma, keni ụnu marin a k'o ríchanriñ.

⁶ Nke ndị hụn no kẹ sị wę wu ndị-ndu—o nwonnini ihién ọhụn wę buche ni m. (Ihién ọwule wę wu enwón ihién o wu ebe m rị, makéni Osolobue ara gbeyeni ijian.)⁷ Mba. Kama, o wede wę ẹnya ni Osolobue e yeguo m ọrun ịgbashịa ozioma ebe ndị kwaleni ugur rị, ya wu ndị alị ozọ wuleni ndị Ju, k'o don ye Pita ọrun ịgbashịa n'a ebe ndị kwa ugur rị, ya wu ndị Ju.⁸ (Makéni onye ohu hụ gi Pita a rụn ọrun onye-ozi pü-ichéne imē igunrun ndị Ju, ndị kwa ugur, iya gizikwo mmẹ nwén a rụn ọrun onye-ozi pü-ichéne imē igunrun ndị wuleni ndị Ju, ya wu ndị kwaleni ugur.)⁹ Ogen Jemisi le Pita le Jony, ndị hụn wę weri nöké ndị-isi, gi hụn ni eka Osolobue rị imē m, wę no na mmẹ le Banabasi eka, nabanhān ẹnyi, ni ẹnyi le wę wu ohu. Wę no kweri n'o hughọ mma ni mmẹ le Banabasi jenmè d'a rụnma imē ndị wuleni ndị Ju, ya wu ndị kwaleni ugur, uwę le enwén wę a rụnma imē ndị Ju, ya wu ndị kwa ugur.¹⁰ Ihién ohu suq kẹ wę sịhụ ẹnyi mè: ẹnyi a nyanhankwo ndị-igbenneye, hụn a duzíkwoni m.

Połu A Jugbo Pita Imē Antioqu

¹¹ Kani, ogen Kefasi wu Pita gi bia Antioqu, m jugbo a elee-m, elee-i, makéni o mafie hụn wę hụn ẹnya ogen ahụn.¹² Makéni, kẹ ndị ahụn Jemisi zihé keleni bia ebéhụ, Pita e son ndị wuleni ndị Ju e ri ihién-oriri. Kani, ogen ndịnị gi biagụ, Pita no noye nkọ, o duzini ndị wuleni ndị Ju ri, makéni o rị a tụ egun ndị rị itu ndị hụn a kwadon ikwa-ugun.¹³ Ndị Ju ndị ozọ rị ebéhụ no son e meme ihunnai ahụn, nke wu ni e dufiede wę Banabasi le enwén e.¹⁴ Ogen m gi hụn a ni ihién wę rị e mè le ezioku rị ozioma a dangbamanị, m no no id'enyi wę ile sị Pita, “Onye Ju kẹ i wu, kani i rị e bi kẹ ndị wuleni ndị Ju, y'a ra bi kẹ ndị Ju. Nanị kẹ i dọnzi nwan a chọ ni i wa obibi ndị Ju ye ndị wuleni ndị Ju olu?”

Okukwe Suq

¹⁵ M nozị sị Pita, “Nke ẹnyi le enwén ẹnyi, ndị Ju mu ẹnyi, ẹnyi ẹle ndị hụn w'a kpo ‘ndị wuleni ndị Ju, ndị omé-njo’.”

¹⁶ Bu ẹnyi a maringho ni ẹle idonmè Iwu kẹ Osolobue gi e kuni ijian ọhúnma, kani ikwerini Jesu Kristi, gi e e don ẹnya. Ifiri e, ẹnyi le enwén ẹnyi e kweriguo ni Jesu Kristi, keni Osolobue kuni ẹnyi ọhúnma, makéni ẹnyi kwerini Kraistị, gi Kraistị e don ẹnya, ẹle makéni ẹnyi e dönme Iwu Mozizi. Makéni, Osolobue ekukonị onye ọwule ọhúnma makéni onye ahụn e dönme Iwu.¹⁷ Kani, o mè nwan ni, ebe ẹnyi no rị a chọ ni Osolobue kuni ẹnyi ọhúnma makéni ẹnyi rị imē Kraistị, a hụn w'a ni ẹnyi le enwén ẹnyi wu ndị njọ, ya wu Kraistị a kwadon njọ? Kaka!¹⁸ O mè nwan ni a tundonzime m ihién m tikpo, ya wu m rị a ghosi ni m dan Iwu ogen m gi tikpo a.¹⁹ Egheę, makéni, e giguo m ihién rị imē Iwu nwunnahịn Iwu, keni m hụn uzorinị Osolobue ndịn.²⁰ A kpogbuguo wę mmẹ le Kraistị enu obe Kraistị. Elezi mmẹ rị ndịn, Kraistị ya rị ndịn imē m. Ndịnni m rị nwan e bi imē ehụ, m rị e bi e ghahanị okukwe m nwé imē Nwa Osolobue, hụn nwé ihién-osusuo m, we enwén e ye maké ufiri m.²¹ Emekọ m efoma Osolobue wuru ihién na iwi—makéni, oméni ezie rọ ni ijian dönme Iwu, Osolobue e gi e kun'e ọhúnma, ya wu ni ọnwụn Kraistị nwụn la iwi!”

Isi Nke Ẹtọ

Iwu ra Okukwe?

¹ Euu ndị Galeshịa, ndị-nzuzu! Onye mè ọnụ ihienni? Bu id'enyi ụnu kẹ wę no ghosichanriñ ni wę kpogbu Kraistị elu obe.² Ihién ohuni suq kẹ m chọ ni m marin: gwadele ni m, nanị kẹ ụnu don nwéhen Mmọn-nsọ? Ụnu nwéhen e ghahanị idonmè

Iwu ra ghahanị ikweri ozioma ụnụ nụ? ³ Eríra kẹ ụnụ e zuzuhan? Eka Mmọn-nsọ kẹ ụnụ gha bidon; ọnu rị nwan a lịlìma nị ọnu gi ikèn ụnụ—ikèn ihiyan—mechanrin a? ⁴ Ni m judele ụnụ: afunfun nèi ile ụnụ ta wụ nke ọlal'iwi? Ra ọ laguodé iwi nke-esi? ⁵ Osolobue hụn e ye ụnụ Mmọn-nsọ a, a rụn ɔrun atu-enyà imé igunrun ụnụ, o ye ụnụ ya makeni ụnụ rị e dònme Iwu Mozizi ra makeni ụnụ hụ a nụ e kweri ihiyen ụnụ nụ?

⁶ Nke Ebrahim, Ehuhuqo-nsọ sị nị “O kwéyeni Osolobue, Osolobue nō gun a yen’e, kpo a onye rị kẹ Osolobue cho.” ⁷ Gi ni ɔnwan marin nị ndị hụn wụ ezigbo ụmụ Ebrahim wụ ndị kwerini. ⁸ Ekukwó-nsọ e kutoguo a nị Osolobue jenkọ d'e gi ifiri okukwe ndị wuleni ndị Ju kuni wę ɔhunma; ọ sị nị Chuku zi Ebrahim ozioma edei, si, “Ndị anị ile jenkọ d'e nwéhen ngozi ghahanị i.” ⁹ Ya wụ, ndị hụn kwerini k'e son Ebrahim hụn kwerini wuru ndị wę gozi agozi.

¹⁰ Ndị hụ gi idònme Iwu e don enya a wuruole ndị wę bu onu. Makeni, Ehuhuqo-nsọ sị, “Onye ɔwule hụn ghaleni e dònme ihiyen ile wę de imé ehuhuqo Iwu, e henringuo onye wę bu onu!” ¹¹ O wegụ nwan enya n'o nwónni onye ɔwule hụn Osolobue jenkọ d'e kuni ɔhunma makeni o dònme Iwu. ɔnwan wụ ezioku, makeni, Ehuhuqo-nsọ sị nị, “Okukwe kẹ onye rị kẹ Chuku cho k'e gi rị ndụn,” ¹² bụ ẹlẹ okukwe kẹ Iwu gi a rụn, makeni, Iwu le enwèn e e kuguo nị, “Onye hụ hụn rị e dònme ihiyen ndịnị ile Iwu ku k'e gi rị ndụn makeni o rị e dònme wę.”

¹³ Kraistī gbafuha enyi imé abumonu Iwu ghahanị igi ifiri enyi henrin onye we bu onu. Makeni, Ekukwó-nsọ sị nị, “Onye ɔwule wę hogbu elu osisi a wuruole onye wę bu onu.”

¹⁴ O gbapuha enyi keni ngozi Osolobue gozi Ebrahim hụn uzø bijani ndị alị ndị ozø ile hụn wuleni ndị Ju, ghahanị Kraistī wụ Jizosị, keni enyi hụn uzø gi okukwe nwónhen Mmọn-nsọ hụn Osolobue kwe nkwa a.

Iwu Lẹ Nkwa Osolobue

¹⁵ Umuñe m, nị m gi ihiyen w'e me ụhụohin ile kowa ihiyen: madụ ebụo kwerigbamahụ banyeni ihiyen ɔwule, biyegu a eka, ọ nwónni onye ɔwule k'a saeka kagbu e mọbu we ihiyen ɔwule chen'e. ¹⁶ Ogen Osolobue gi kwe nkwa hụ, o kwe Ebrahim lẹ nwa a ya wụ nkwa, Ehuhuqo-nsọ asini “Umụ i” ya wụ, hụn karị onye ohu; kanị ọ sị “nwa i” ya wụ ohu sụo—hụn wụ Kraistī. ¹⁷ Ihiyen m gi e e ku wụ nị Osolobue e biyeguo nkwerigbama hụ eka, tumé e; ya wụ nị Iwu wę webanhan ogen o gi mepụ orogbọ ahụa iri-kwasí-ogun kwasí nnu as'eka kagbu nkwerigbama hụn Osolobue biyegu ẹka le nkwa o kwe imé nkwerigbama ahụn. ¹⁸ Makeni, omení idònme Iwu kẹ wę gi e nwónhen ihiyen Osolobue kwe nkwa a, ya wụ nị elezi n'o kwe nkwa hajin wę gi e nwéhen e. Kanị, ezioku-ezioku, Osolobue ye Ebrahim ya ofe igi mēzu nkwa a.

Kị Hajin Nwan Wę Gi Ye Iwu Hụ?

¹⁹ Kị wuzi nwan mkpa Iwu hụ rị? Wę webanhan a nị ihiyan e gi e a marin njo le mmefie, a marin njo wę le mmefie wę, d'e ru ogen nwa ahụn, onye hụ wę kwe ya wụ nkwa e gi bia. Wę gha ẹka ndị mmọn-ozi tumé ya wụ Iwu, we e ye ukọ ye wę. ²⁰ Kanị w'a ra cho ukọ ebe onye ohu sụo nọ e me ihiyen. Osolobue gi ẹka a me ihiyen e ogen o gi kwe Ebrahim nkwa ahụn.

²¹ Arị m'e ku nị Iwu wụ enenren nkwa Osolobue. Kaka akp'ohu! Makeni, omení wę te ye iwu hụn a saeka e ye ihiyan ndụn, nkẹ o wuru nị, ezioku-ezioku, onye dònme e, o wuru onye rị ochan. ²² Kanị Ehuhuqo-nsọ e kuguo a nị ihiyan ile rị imé egbun njo, ku e hụn we enya, keni ọ wuru nị uzø ohu sụo kẹ wę gi e nwéhen ihiyen Osolobue kwe nkwa a. Uzø ohu hụ wụ ikweri ni Jesu Kristi, gi Jesu Kristi e don enya: onye kweri, o nwéhen e. ²³ Kẹ enyi keleni kweri ni Kraistī, Osolobue bu enyi dònme okpuru Iwu, kpokin enyi ye, nöké ndị ngan, e che ogen okukwe e gi bia. ²⁴ Ya wụ, Osolobue tumé Iwu n'o wuru nị enyi onye bu mkipinsin e lepụ enyi enya, d'e ru nị Kraistī a bia, keni, o ru, o gi okweri enyi jenkọ d'e kweri ni Kraistī kuni enyi ɔhunma. ²⁵ Kanị, hunnị enyi kweriguo nwan, enyi arizị okpuru onye-nlepụ-enya.

²⁶ Unụ ile wụ ụmụ Osolobue ghahanị okweri unụ kwerini Kraistị wụ Jizosị, ²⁷ makeni, onụ ile, hụn wę bugụụ che imẹ Jesu Kristi ghahanị imẹ onụ mirin-Chuku, e yiriguọ Kraistị. ²⁸ Ya wụ nị o nwọnzi ihien rị ichen egbata ndị Ju lè ndị wuleni ndị Ju; egbata igbon lè onye nwọn enwén e; egbata ikennye lè ikpoho: enyi ile wụ ohu imẹ Kraistị wụ Jizosị. ²⁹ O mè nwan nị enyi wụ nke Kraistị, ya wụ nị enyi wụ ụmụ Ebrahim, nị enyi k'e nwònhen ihien Osolobue kwe nkwa n'o k'e ye.

Isi Nke Eno

Unụ E Nweringuọ Enwén Unụ!

¹ Ihien m rị e ku wụ nị, ebe nwa ahun jenkọ d'e nwònrin ihien nedị e keleñi ru ogo, o rịhụ kẹ igbon, ihien ichen arị a, ọsuon'a nị ihien ile wụ nke e. ² O rịsonmè okpuru ndị e du n'e lè ndị e lepụ a enya d'e ru ogen hụ nedị e kaye. ³ Erira k'ọ rị enyi kẹ enyi keleñi ru ogo, ya wụ kẹ enyi keleñi kweri, enyi wusonmè igbon ihien ndị hụn a kị obibi rị imẹ ụwani. ⁴ Kanị, mgbe ogen gi zu, Osolobue nō zihe Nwa a; okpoho mü a; wę mü a ye okpuru Iwu. ⁵ Osolobue zihe e n'o hụn uzọ gbari ndị rị okpuru Iwu, keni enyi henrin ụmụ Osolobue, ụmụ Osolobue ru ogo ụmụ. ⁶ Makeni unụ wụ ụmụ, Osolobue nō zihe Mmón nke Nwa a ye imẹ obi unụ; Mmón ahun rị nwan imẹ enyi ile a hị, “Baba! Baba-Nedị ml!” ⁷ Ya wụ nwan nị y'elezi igbon; nwa kẹ i wụ, Osolobue k'e keye i ihien e.

E Kinlẹ Ni Azuṇun Imẹ Egbun

⁸ Mgbe mbụ, ogen unụ keleñi marịn Osolobue, unụ wụ igbon mmón ndị hụ furuleni w'e fe, unụ e fe wę e fe. ⁹ Kanị hụnni unụ maringụụ Osolobue—mba, hụnni Osolobue maringụụ unụ, kini kẹ unụ kinkozinị azuṇun d'e kunrun mmón ndị ahun lè ihien ndị hụ ndịn guụ? Unụ cho nị unụ henrinzi igbon wę? ¹⁰ Unụ e mesonmè mmemmm wę gi a nyanhansonmè ụhụohin lè ifon lè ogen lè ahụa rị ichen-ichen! ¹¹ Egun unụ rịkwọ a tụ m, nị ikenkwo ọrun ile m rịn ebe onụ rị a laguọ iwi!

¹² M rị a rịo unụ umunẹ m, rị nị kẹ mmé, makeni a rịguo m kẹ unụ. Unụ emeni m njọ. ¹³ Unụ a maringho nị emu rị a kụni m ogen ahun wụ ihien węheni m oghere m gi zi unụ ozioma isi-ibuzo ahun. ¹⁴ Kanị, ọsuon'a nị ehu hụn rị e songbuni m wuru nị unụ ibu lè ihien-nlele, unụ elegberini m, unụ ajunị m; kama, unụ nabanhān m nöké sị m wụ mmón-ozị Osolobue, nöké sị m wụ Kraistị lè enwén e. ¹⁵ Kị mèzi ighoghog hụ ile unụ nwę ogen hụ?! M k'a s'eka shia eri nị, omeni o rị nfe, nke unụ e te guye m akpuru-onya unụ, omeni o te k'e yeni m eka! ¹⁶ Kẹ m henrinni eñenren onụ makeni m gwa unụ ezioku?

¹⁷ Ndị ahun rị nwan a liliima nị wę dori onụ, kanị ele ihien rị mma kẹ wę bu obi! Ihien wę bu obi wụ nị wę wepụ onụ ebe unụ rị, keni unụ buchanrin obi unụ che ebe wę rị. ¹⁸ O hughokwọ mma ibu obi e che ihien enjina, e mèkènmè oku e—omeni ifiri ihien rị mma rọ, omeni w'e mè e ogen ile—ele mmé lè unụ nodiụ sụo.

¹⁹ Umụ m hụn rị m obi, imẹ unụ e mèmèzi m, oku unụ a kpamazi m, d'e ru nị unụ e sonmèchanrin Kraistị. ²⁰ K'o te rị m, m rị nwan ebe unụ rị kikenni, keni m hụn uzọ gbehutu oлу, makeni obi eruzini m alị ebe unụ rị!

Ihien Polụ Gi Sara Lẹ Haga Ghosi

²¹ Gwadele ni m, unụ ndị chọkọ nị unụ rị okpuru Iwu, unụ anụnị ihien Iwu Mozizi ku? ²² Wę de e imẹ Iwu nị Ebrahim mü ikennye ebụo: Haga, nnę ohu wụ igbon; Sara, nnę hụn-ebụ nwę enwén e, ele igbon. ²³ Wę mun'a hụn nnę e wụ igbon kẹ ihiän dọn a mü nwa; kanị wę mun'a hụn nnę e nwę enwén e ghahanị nkwa Osolobue kwe.

²⁴ Enyi k'a s'eka gi ihien ndịnị ghosi ihien: ikpoho ebụoni nökın enya nkwerigbama ebụo. Ohu wụ hụn wę nō elu Ugu Sajnai mèmè. Ohun kẹ Haga nökın enya a; o mü ụmụ, a wuru wę igbon. ²⁵ Haga nökın enya Ugu Sajnai, hụn rị imẹ atu ali Arebia. O ghosi obodo Jerusalem hụn rị ogenni, makeni Jerusalem lè ndị rịn'a wụ igbon kikenni. ²⁶ Kanị Jerusalem hụn rị enu- igwee nwọn enwén e, ele igbon. Iya wụ nnę enyi. ²⁷ Makeni Ehụhụ-nsọ sị,

“Ghoghoma nwan!

İyụ wụ agan,
hụn mütuleni nwa!
Kwankpoma ębu! Yime oro!
İyụ, hụn marıntuleni ụfụ-nwa!
Makeni, ụmụ okpoho hụ wę juto,
a kariguo
nke okpoho hụ ya lę di ę bi!"

²⁸ Umuñe m, ụnụ wụ ụmụ Osolobue ghahanị nkwa hụ o kwe, nöké kę Aziki dòn wụ.
²⁹ Kanị, ọ rị nwan k'ọ rị ogən hụ: ogən ahụn, nwa wę mụ kę ihiyan dòn a mụ nwa kpokpo hụn wę mụ ghahanị Mmọn nke Osolobue. ³⁰ Kanị, kini kę Ehụhụo-nsọ ku? Ọ sị, "Chụpụ igbon hụ lę nwa a; makeni nwa igbon hụ esonkọ nwa okpoho hụn nwọn enwèn ę keri uku."

³¹ Umuñe m, ya wụ nị ẹnyi ẹle nwan ụmụ igbon-okpoho hụ, kama, ụmụ okpoho hụn nwे enwèn ę kę ẹnyi wụ.

Isi Nke Isen

Unu E Wericuokwo Enwèn Unu!

¹ Kraistị gbañha ẹnyi keni ẹnyi wuru ndị nwे enwèn wę. Wuzokemé ni nwan kę ndị weriguñ enwèn wę! Anikwolé ni wę kpomazi ụnụ egan igbon!

² Gon ni ntin! Mmę wụ Polu rị a gwa ọnụ nị ọnụ nị wę kwa ọnụ ugún, ya wụ nị o nwònńni erere Kraistị k'a ban nị ụnụ. ³ M rị a gwazi okennye ọwule hụn k'a nị wę kwa a ugún ya kwademekwo nwan n'o dònmechanrịn Iwu ile. ⁴ Onye ọwule rị nwan e dònme Iwu, e gi ę e ro ni Osolobue rị e kun'e ohunma, a ghaguoñkwo imē Kraistị pụ; ọ ghaguoñkwo imē efoma Osolobue danpụ. ⁵ Kanị, okukwe lę ikèn Mmọn-nsọ kę ẹnyi nwèn gi rị e chekènme ohunma ahụn Osolobue jenkọ d'e kuni ẹnyi, hụn ẹnyi rị a tụ ẹnya a. ⁶ Makeni, imē Kraistị wụ Jizosí, ikwa-ugún lę akwani-ugún enwònńni ihiyen ọ wụ. Ihiyen rị mkpa wụ okukwe hụn gi ihiyen-osusuo a ghosi n'ọ hụ a.

⁷ Unu te rị a gba-osó ohunma! Onye bu uke che ni ụnụ, unu gizileni e son ezioku? ⁸ Elekwo Osolobue hụn kpo ọnụ dunye ọnụ ụdị ọdụnyeni! ⁹ Ọ rị hụ kę wę dòn e ku ę, "Ekere yisti suò kę w'e buchehụ, o ghagbarị flawa brèdi hụ ile." ¹⁰ Kanị, makeni a maringhò m ihiyen Di-nwònńni-ẹnyi k'a saeka mę imē ndùn ọnụ, obi ru m alị nị ụnụ eroko ihiyen ichen, sonmę nkuzi ọzọ. Onye hụ rị e nuhunmèni ụnụ—onye ọwule ọ wụ—k'a narinriri afunfun rịn'a.

¹¹ Umuñe m, omeni echèn kę m ríkwò a kuzi nị ikwa-ugún rị mkpa, kị haínzị wę gi e kpokpo m? Omeni ezioku rọ nị m rị a kuzi nị ikwa-ugún rị mkpa, ya wụ nị ozi m rị e zi banyeni obe Kraistị e ke gha e buhè oku. ¹² K'ọ rị m, ndị hụ rị e ye ụnụ nsongbu e jen d'a waradę enwèn wę, elede ikwa-ugún suò!

Anile Enwèn I Kị I

¹³ O mę nke ụnụ umuñe m, Osolobue kpo ụnụ d'e weri enwèn ụnụ. Kanị, egikwolé ni nị ọnụ e weriguñ enwèn ọnụ mémé k'ọ rị ọnụ, ríkè ihiyan-mmaka; ka gi ni ihiyen-osusuo e fetari ibe ụnụ. ¹⁴ Makeni, wę wegbamachanrịn Iwu ile che imē akpụ iwu ohu hụn wụ "Ihiyen ibe i k'a suorirị i kę ihiyen enwèn i dòn a suò i." ¹⁵ Kanị, omeni ụnụ hụ a tagbu ibe ọnụ e ri, kpachanfukwo nị nwan ẹnya, amamgbe ọnụ e gbupụ ibe ọnụ!

Mmòn-nsọ Lẹ Ihiyan-mmaka

¹⁶ M sị ụnụ, a nị nị nwan Mmòn-nsọ a kị ụnụ, make ụnụ gha e mę kę ihiyan-mmaka. ¹⁷ Makeni, ihiyen ihiyan-mmaka a chọ ẹle ihiyen Mmòn-nsọ a chọ; ihiyen Mmòn-nsọ a chọ ẹle ihiyen ihiyan-mmaka a chọ. Wę ebuo a luson ibe wę ogun, nke wụ nị, y'a saeka mę ihiyen i chọ. ¹⁸ Kanị, omeni Mmòn-nsọ rị e du ụnụ, ya wụ nị ụnụ arizì okpuru iwu.

¹⁹ Ihiyen ihiyan-mmaka e mę puhachanrịn ifon; wę wụ ihiyen ndịnị: ugheré, ibi obibi riñeni ọchan, imē ihiyen-ifenren, ²⁰ ịrụa-mmòn, ibu-nshi lę igi ikèn eje-mmòn a rụn, idu-enenren, ikpe, ẹnya-ufu, eje-olulu, ịchọ nke-i nke-i, nkebe, izuq eka-nke, ²¹ iwe-ẹnya,

igbu-ochu, ịra-manyia tụ, eje-mmemmmé lè ihiẹn ndị ọzọ nọ ेrịra. M rị nwan a gba ụnụ mkpiñsin-eka kę m dọn gba ụnụ ya mbụ, nị ndị hụn e mę ihiẹn ndị nọ ेrịra a banko Ali-eze Osolobue.

²² Kanị, ihiẹn Mmọn-nsọ a mipuha wụ: ihiẹn-osusuo, ighogho, udon, ndidi, efoma, imę-mma, ịwụ onyę wę gi e dọn enya, ²³ imę-jụ, ikwondon-enwén-ihiän. Onyę mę ihiẹn ndịnị adannị iwu ọwule. ²⁴ Ndị hụn wụ nke Kraistị wụ Jizosị a kpogbuguo ihiän-mmaka wę te wụ lè ihiẹn a gunn'a lè ihiẹn a sụon'a enu obe Kraistị. ²⁵ Ebe o mę ni Mmọn-nsọ e ye enyi ndun, nị enyi e bi ni nwan kę ndị Mmọn-nsọ rị a kị. ²⁶ Ele hụn enyi e gi a pache mọbụ a kpasu ibe enyi iwe mọbụ e we ni ibe enyi iwe-onya.

Isi Nke Isin

E Bu Ni Ibu Ibe Ụnụ

¹ Umunę m, onyę mę njọ, ụnụ ndị rị e bi kę Mmọn-nsọ chọ, gi ni nwayo wekinhen e. Ka kpachanpukwo nị enya amamgbe ọnwụnwan a biazikwo nị ụnụ nwẹn. ² E bu ni ibu ibe ọnụ. Ụnụ gha e mę e, ya wụ nị ọnụ hụ e męzu iwu Kraistị. ³ Onyę rị e ro n'o nwọngho ihiẹn ọ wụ bụ o nwọnni ihiẹn ọ wụ rị e dufie enwén e. ⁴ Onyę-onyę ya lele ihiẹn ọ rị e mę. Omení ọ hughọ mma, ya honròn makę ihiẹn rị mma o mę, ka y'e gile enwén e tunị onyę ọzọ, ⁵ makęni onyę-onyę furu n'o buru ibu e.

⁶ Ndị wę rị a kuzi oku-Chuku furu ni wę keye ndị rị a kuzi ni wę oku-Chuku ihiẹn-omma ọwule wę nwọn. ⁷ Edufiekwole ni enwén ọnụ: Osolobue anıkókwọ onyę ọwule megbu e; ihiẹn onyę kụn k'o k'a ghori. ⁸ Omení ugbo wę kụnye e wụ imę-ihiẹn a sụo nị wę, wę k'a gha ugbo hụ ghori ntikpo; omení ugbo imę-ihiẹn a sụo Mmọn-nsọ kę wę kụnye e, wę k'a gha ebéhụ ghori ndun-itębitę. ⁹ Ya wụ, ndun imę ihiẹn rị mma y'a gùkwole enyi. Makęni, omení enyi aninị ndun guụ enyi, ogéen ru, enyi jenkö d'e ri erere e. ¹⁰ Ya wụ, nị enyi gi ni nwan oghere ile enyi nwę e mę ni onyę ọwule ohunma, tsumadụ ndị hụn rị ikpun-ulọ okukwe.

Mkpinsin-eka Ikpażụn Lę Ekele

¹¹ LEE NI AKPURU-EKUKWỌ NDỊNỊ NỌ JAGBO-JAGBO M GI EKA M DENI ỌNU. ¹² Ndị hụn rị a chọ nị wę gi ihiẹn enya e legha dù eka obi, uwę rị nwan a chọ nị wę wa ikwa-ugun ye ụnụ olu. Wę rị e mę e amamgbe wę e gi ifiri obe Kraistị kpokpo wę. ¹³ Kę ndị hụn kwa ugún lè enwén wę aridé e dònme lwu, bụ wę hụ a chọ nị ụnụ kwa ugún keni wę gi ihiẹn rị ụnụ ehụ nyan isi: nị ụnụ e dònmeguo omenalị hụn w'e legha enya. ¹⁴ O bugharị m! Egikọ m ihiẹn ọwule nyan isi, wezuka obe Nna enyi wụ Jesu Kristi. E giguo wę obe hụ kpogbu ụwani—o wuru ihiẹn nwụnnị ebe m rị, gizikwo obe hụ kpogbu m—a wuru m ihiẹn nwụnnị ebe ụwa rị. ¹⁵ Kę ikwa-ugun kę akwani-ugun arinị mkpa, kaka! Ihiẹn rị mkpa wụ nị wę kedonzi ihiän. ¹⁶ Udon lè omiken ya rini kę wę han gi usonronni e bi —uwę wụ ndị Izrelụ Osolobue nke-esi!

¹⁷ Gha ogenni e jen, onyę ọwule egizile oku ikwa-ugun ye m nsongbu, makęni apa ehụ wę rusonmę m makę ufiri Jesu hüşonmę m ehụ.

¹⁸ Umunę m, efoma Onyę-nwọnni-onyi wụ Jesu Kristi ya noyenı ụnụ imę-mmọn. Isẹe.

Ehuhuq-Ozi Pölü Dejenni
Ndị Efesosi

Ekele

¹ Mmè wụ Pölü de Ekukwɔ-ozini. M wụ onyé ozi pü-ichēn Kraistī wụ Jizosí ghahani uche Osolobue. M rị e dejenni ndị nke Osolobue rị Efesosi, ndị wę gi e dön-enyi ime Kraistī wụ Jizosí. ² Efoma lę udon, hụn gha eka Osolobue Nedi enyi lę Onye-nwọnnyi-enyi wụ Jesu Kristi bịa, ya noyenı ụnu.

Ngoozi Enyi Nwọn Ime Kraistī

³ Ekele ya rị nị Osolobue, onyé hụ wụ Osolobue lę Nedi Onye-nwònnyi-enyi wụ Jesu Kristi, n'o yeołe enyi ngozi imē-mmón ile rị elu-igwee makeni enyi rị imē Kraistī.

⁴ Nị Osolobue d'e kedę ụwa, o hotoguołe enyi imē Kraistī, makeni o nwę ihien-ösusuo ebe enyi rị—keni enyi wuru ndị rị nsø, nwònleni nkɔrjanị enya Osolobue. ⁵ O nọ kwademē nị, o ru, o múnrun enyi ye ikpun-ulọ a ghahani Jesu Kristi—makeni o suogho a, makeni uche e ro. ⁶ O mè e keni wę gi e ja Osolobue mma maké oken efoma o mè, hụn o hukpu enyi ghahani ezi Nwa a! ⁷ Makeni enyi rị imē Kraistī, enyi a wurułe ndị wę gi edeke e gbari—ya wụ nị Chuku a gbagharigu enyi njọ; ifiri oken efoma a k'o gi mè e. ⁸ O gi amamihien lę nghota a ile mè ni enyi oken efomanı. ⁹ O nọ nwan mè enyi marin ihien o bu obi, hụn o te zueme; ihien hụn o kwademē ketekete n'o jenkö d'a runfuhā imē Kraistī. O megoo enyi marin a makeni o suogho a n'o mè erira. ¹⁰ Ihienni o bu obi wụ nị, ogēn zu, o wegbama ihien ile che okpuru Kraistī—kẹ ihien rị elu-igwee kẹ ihien rị enu-uwá.

¹¹ Makeni enyi rị imē Kraistī, ihien Osolobue e ruguo enyi eka—makeni Osolobue, hụn e mè ihien ile hụn o mè n'o gi e mezu uche e, gi eka a hoto enyi ketekete n'o gi enyi mezu uche e. ¹² O mè e keni enyi ndị ibuzo tükwası Kraistī obi hụn uzo wuru ihien wę gi ifiri e a ja Osolobue mma n'o nwéké ogho.

¹³ Kẹ ụnu lę enwén onu, onu henrinzikwo ndị nke Kraistī ogēn onu gi nụ oku hụ wụ ezioku, kweri—oku ahun wụ ozioma ahun ụnu gi nwéhen nzuopuha. Ụnu e kwerigụ nị Jesu, Osolobue nọ bu Mmon-nsø o kwe nkwa a che imē ndịn ụnu, gi e ye ụnu ahima a —gi ghosi ni ụnu wụ nke e. ¹⁴ Mmon-nsø kẹ Osolobue e bu uzo e ye; iya kẹ Osolobue gi a ghosi ni enyi jenkö d'e nwònhenchanrin ihien ile o kwe nkwa—o ru ogēn ahun Osolobue k'e gi werichanrin enyi—enyi ndị o gbarigụ. Ọnwan k'e wéhé ni Osolobue ojija-mma n'o nwéké ogho.

Ekpera Pölü Mè Ni Ndị Kwerini

¹⁵ Iya hain o gi mè ni, kete m'a nulé oku okweri ụnu kwerini Di-nwònnyi-enyi wụ Jesu lę ihien-ösusuo ụnu nwòn ebe ndị nke Osolobue ile rị, ¹⁶ akusituni m iye Osolobue ekele maké ufiri ụnu. M hụ a nyanhan ụnu ogēn ile m gha e mè ekpere. ¹⁷ M'a rịo Nedi hụn nwę ogho, hụn wụ Osolobue Onye-nwònnyi-enyi wụ Jesu Kristi, n'o ye ụnu mmón imarin-ihien; ya ghosisonmè ụnu ihien—kẹ ụnu dọn rị a marinwaye e oğunma. ¹⁸ M'a rịo a ọnwan keni enya imē-mmón ụnu shiapu, ụnu a hụn uzo marin ihien ahun o buto o gi ifiri e kpọ ụnu, marin kẹ ihien o kwademē o jenkö d'e ye ndị-nsø a hihan ogbe, marinzikwo k'o nwéhan ogho; ¹⁹ onu a ghotazi kẹ iken o gi a rụn ɔrun imē enyi ndị kwerini han, iken hụn wę ghaleni a sa eka e ku k'ọ han, hụn han kẹ iken o gi wuru Osolobue. ²⁰ Ya wụ iken k'ọ ghosi ogēn o gi gha ọnwụn weli Kraistī, m'e nödị anị eka-nni e imē elu-igwee; ²¹ nke wụnī Kraistī kachanrin ökikị ile lę iken ile rị ichen-ichen lę ihien ile w'a gbaye agbaye lę efan lę nzere ile—eledę ndị rị ogenni suq, kanị kezị ndị rịde ogēn hụn lalani. ²² Osolobue e weguo ihien ile che e okpuru ukụ, tumē e Onye-isi uka, Onye ihien ile rị okpuru e. ²³ Uka wụ əhụ a; imē uka kẹ ihien ile banyen' e rị; ya lę enwén e wụ onyé hụn rị ebe ile, hụn e mè ihien ile e zu oke.

Isi Nke Ebụo

Wę Gha Ọnwun Wepuhā Enyi Shi Ndụn

¹ Ogēn mbụ, ọnu wụ ndị nwụnnị, makē njo lē mmefie ² ụnu rị e mēsonmē. Ogēn hụ, ụnu e sōn eje-uzo ndị ụwa, e sōn onyē hụn iken eje-mmōn rị elu rị okpuru e, mmōn hụ hụn rị nwān orūn imē igunrun ndị hụ e nupu-isi okpuru Osolobue. ³ Ezie, enyi ile te rị e bi kē wę, e mē ihien ọwule a sụo ehụ enyi lē obi enyi, e bi k'o rị enyi; e mē ihien ọwule gunni enyi lē ihien ọwule la enyi enya. Iwe-le-onyuma Osolobue te rịzıkwo e che enyi nöké ndị ọzo ile. ⁴ Kanị, makēni Osolobue e mēkē onyē-omiken, makēni o nwē okēn ihien-osusuo ebe enyi rị—⁵ kē ogēn hụ enyi te gide wụ ndị nwụnnị makē njo enyi, o nō gha ọnwun wefuhā enyi, mē enyi sōn Kraistī rịzi ndūn.

Efoma Osolobue kē ụnu gha nwē nzupuha.

⁶ O ghaguu ọnwun weli enyi, o nō wesi enyi elu k'o don weshi Kraistī, mē enyi sōn Kraistī nōdị anị imē elu-igwee—makēni enyi rị imē Kraistī. ⁷ Osolobue mē ọnwān n'o gi efoma hụn o mē ni enyi imē Kraistī mē elu ile lalani marin efoma a—hụn wę ghaleni a sa eka e kuchanrin k'o han. ⁸ Makēni, efoma kē Osolobue mē ni ụnu zupuha ụnu ghahani okukwe ụnu, ele ụnu gi eka ụnu mē e, ihien Osolobue ye ụnu ofe rọ—⁹ ele makē ihien ihiān run, amamgbe ihiān e gi e nyan isi. ¹⁰ Ihien Osolobue mē enyi wuru kē enyi wụ. Osolobue ya ke enyi ye imē Kraistī wụ Jizosị, kēni enyi hụn uzo e mēsonmē ihien ọma ndị hụ o kwademeto ni enyi ketekete ni uwę kē enyi k'a gha e mēsonmē.

Enyi Ile Wụ Ohu Imē Kraistī

¹¹ Nyanhan ni nị ogēn mbụ ụnu wụ ndị ali ọzo—ebe ehụ rị; ụnu, hụn ndị Ju a kpō “ndị kwaleni ugún,” a kpō enwen wę “ndị kwa ugún”—o sụo n'a nị ugún wę rị e ku oku e wuhu nke ehụ sụo, ihien eka ihiān e mēmē. ¹² Nyanhan ni nị, ogēn hụ, ụnu enwọn Kraistī; ogēn ahun, itumunye kē ụnu wụ ebe ikpun-ulọ ile rị Izrelu rị. Ụnu e te rị imē nkwerigbama Osolobue tumē egbata ya lē ndị nke e lē nkwa ndị o kwesonmē imē e. Ogēn hụ, ụnu bi enu ụwa bù ụnu e nwọn olil'enya, ụnu enwọn Osolobue imē ndūn ụnu.

¹³ Kanị, makēni ụnu rị imē Kraistī wụ Jizosị, e giguo wę nwān edeke Kraistī, ya wụ ndūn a, wezuhān ụnu hụn te rị ebe teni. ¹⁴ Makēni, Kraistī lē enwen e wụ udon enyi—makēni o meguo ndị Ju lē ndị ali ndị ọzo wuru ohu, o giguo ehụ a lē ọnwun a titu mgbon hụn te rị egbata wę, ihien hụ te rị egbata wę, e buhē enienren. ¹⁵ O giguo ọnwun ahun o nwun kagbu Iwu lē umu-iwu lē ọdinali rịn'a. O mē e kēni o ke agbō ọhun, wę ile a wuru ohu imē e, o gi wę nōkin enya azuṇen ebubuọ hụn te rịnị, gi uzo ahun węhē udon egbata wę—o mēkozi ndị Ju lē ndị wüleni ndị Ju, kanị ndị kwerini Kraistī.

¹⁶ Kraistī mē e kēni o gizi erjira wekinhenni Osolobue azuṇen ebubuọ hụ imē ehụ ohu, ghahani ọnwun o nwun elu obe; o gi uzo nị gbupu iwe rị egbata wę, węhē udon.

¹⁷ Ya Kraistī nō bia d'e zi ihiān ile ozi udon hụ—kē ụnu ndị anị ndị ọzo hụn rị ebe teni kē ndị Ju hụn rị nsue. ¹⁸ Ghahanị Kraistī, enyi ile a sa nwān eka a gha Mmōn-nsō ohu a banhan ebe Nēdi enyi wụ Osolobue rị, kē ndị Ju kē ndị ali ọzo.

¹⁹ Ya wụ, ụnu ndị kwerini hụn wüleni ndị Ju elezi itumunye; ụnu elezi ndị ali ọzo. Ụnu e songuo ndị nke Osolobue, ndị nsō, wuru umu di-alị Ali-eze, wuru zikwo ndị ikpun-ulọ Osolobue. ²⁰ Osolobue a tñunguo ụnu rikē ulọ ye elu iyeto hụn wụ ndị-ozu pü-ichēn lē ndị-amuma. Adansu hụn gi ya wụ ulọ wụ Jesu Kristi lē enwen e. ²¹ Iya gi azuṇen ile rị ụno hụ; ghahan'a kē ulọ gi rị e jenwaye elu d'a wuru Ulo-ofufe rị nsō imē Di-nwōnni-enyi. ²² Imē Kraistī, wę hụ a tun ọnụ lē enwen ọnụ, a tunshi ụnu enu imē-mmōn d'a wuru ebe obibi imē-mmōn hụn Osolobue e bi ghahanị Mmōn-nsō.

Isi Nke Eto

Orūn Pölụ Imē Ndị Ali Ọzo

¹ Ozioma Kraistī wụ Jizosịnị m rị e zi ụnu ndị wüleni ndị Ju hụn wę gi beye ni ụnu oghere kē mmē wụ Pölụ gi rị imē ngan. ² A maringho m nị ụnu a nuguo nị Osolobue ye m ọrūnnị o gi a ghosi efoma a rụn makē ọriṇimma ụnu; ³ ụnu a nuguozị k'o dòn ghosi m ya

wu ihien, hụn te zuerini, mè m ghot'a a. Iya kę m benitan ụnu nke-nke imē ehhuhuq'-ozini. ⁴ Unu gun a, ụnu k'a hụn kę m ghötahan ihienni mini, kę m ghötahan Kraist'i. ⁵ Osolobue aghosinu ndị mbụ ya k'o dọn nwani ghosi ndị-ozi pụ-ich'en nsø a lę ndị-amumma nsø a ya ogenni ghahanị Mmɔn-nsø. ⁶ Ihien nzuzueni wu ni, ghahanị ikweri ozioma, ndị anị ndị ozø a rịgwozị ndị ihien Osolobue e ru eka, wurużikwø mkpamkpa imē ehhu ohu ahun, rịzikwø ndị wé ile gba nwé ihien Osolobue kwe nkwa n'o k'e mè ni ndị rị imē Kraist'i wu Jizosí.

⁷ E henringuq' m onye-ørùn oziomanị ghahanị oyiy'e hụn Osolobue mè efoma ye m, hụn ik'en e gi rị orùn imē ndụn m. ⁸ Osuon'a nị ahandeni m kę onye hụn kachanrin ntin e mè imē ndị-nke Osolobue, Osolobue e ye m oyiyeni keni m wejenni ndị alị ndị ozø ozi ihien ndị ahun jun imē Kraist'i, hụn nwonleni oken, ⁹ leni m ghosi ihiyan ile kę Osolobue hụn ke ihien ile dòn a runpuha ihien ahun o rotø ketekete, zueme.

¹⁰ Ihien Osolobue bu obi wu n'o gi ụka mè amamihien Osolobue hụn nwé ihun rị ichen-ich'en fòn ndị-okikí lę ndị ile nwé ik'en hụn rị enu-igwere enya.

¹¹ Iya wu ihien kę Osolobue bu obi ẹdei; o mezuq' a nwani ghahanị Kristi wu Jesu Onye-nwonn'i-enyi. ¹² Makeni enyi rị nwani imē Kraist'i wu Jizosí, eguna arị a tu enyi ịbanye ebe Osolobue rị-ebe o mè ni enyi kwerini Jizosí.

Dikenmè Ni Nwan

¹³ Ya wu, m rị nwani a rịo ụnu: anikwole afunfun m rị e gi ifiri ɔrịnimma ụnu a ta guu ụnu ndụn; ezie, ihien k'e wéhe ni ụnu ogho ro.

Ighota Ihien-osusuo Kraist'i

¹⁴ Make ọnwan, m rị e gbu nwani osekpu ihun Nedi enyi, ¹⁵ onye hụn ezi-le-ulø ile rị elu-igwee lę ụwa gha eka a nwéhen ẹfan wé. ¹⁶ M rị a rịo a n'o gi ihien ile o nwon, hụn o gi nwé ogho, ye ụnu ik'en, hụn k'e mè ụnu zekemne imē obi ụnu ghahanị Mmɔn-nsø a.

¹⁷ M rịzi a rịo a nị ụnu wuru ndị Kraist'i birichanrin imē obi wé makeni ụnu hụ e gi oku e e dòn, ụnu a gbasonmè nkpogun, e wuzowaye imē ihien-osusuo—¹⁸ keni ụnu saék'a son ndị nke Osolobue ile ghota kę ihien-osusuo Kraist'i shijahan, k'o suehan, k'o jenhan elu lę k'o mihan; ¹⁹ ụnu a ghota ya wu ihien-osusuo a, hụn wé ghaleni a ghötachanrin—keni ihien ile rị imē Osolobue hụn uzø jun imē ọn.

²⁰ Nke Osolobue, Onye hụn k'e ri-eka gi ik'en e ri orùn imē enyi runkari ihien ile enyi k'a saék'a rịo móbụ ro, runkari a ọhunmma-ọhunma, ²¹ ogho ya rịn'a—kę imē ụka a kę ghahanị Kraist'i wu Jizosí d'e ru agbø ile, jenrin ejen. Isée.

Isi Nke Eno

Kę Mkpamkpa Ehhu Ille Dòn Wuru Ehhu Ohu

¹ Mmè, hụn wu onye-ngan makeni m rị e jenni Di-nwonn'i-enyi ozi, rị nwani a rịo ụnu nj ụnu bi obibi furu ọkpukpø Osolobue kpo ọn. ² E wenüachanrin nị enwen ụnu alị ogen ile; e mè ni juụ; e gi ni ndidi e son ibe ụnu. E gi ni ụzon'i a ghosi ihien-osusuo ọn nwé.

³ Liliima nị uzø ile nị udøn rịsonmè egbata ọn, e kengbama ụnu, keni ụnu e gi e e chedon iri-ohu hụ hụn gha eka Mmɔn-nsø a bia. ⁴ Ehhu ohu le Mmɔn-nsø ohu rị, nöké k'o dòn mè ni olile-enya ohu kę Osolobue kpo ụnu d'e nwon. ⁵ Nna ohu ro; okukwe ohu ro; mirin-Chuku ohu ro. ⁶ Osolobue ohu ro—hụn wu Nedi ihiyan ile, hụn wu Nna ihiyan ile, hụn gi ihiyan ile a run, hụn rịzikwø imē ihiyan ile.

⁷ Kani wé yesonmè onye-onye imē enyi oyiy'e ichen-ich'en nöké kę Kraist'i dòn cho n'o ye e. ⁸ Ya kę Ekukwø-nsø gi si,

“Ogen o gi lashi elu,

o weri ihien hụ k'en ihiyan egbun che imē egbun,
o no ye ndị ihiyan oyiy'e ichen-ich'en.”

⁹ (Ogen Ekukwø-nsø gi si, “O lashi elu,” k'o gi nwani “O lashi enu” e ku? Ya wu n'o buzo hidanguụ, shi ebéhụ kachanrin e mi imē anị. ¹⁰ Ya wu nị onye ohu hụ hidannı wuzikwø onye hụn lashi elu, ghafechanrin elu-igwere, keni ọ hụn uzø gi enwen e mejunkwama

ihien ile.) ¹¹ Iya yesonmè oyiye ndinị: o nwę ndị o ye oyiye iwụ ndị-ozi pụ-ichẹn, ye ndị ọzọ oyiye iwụ ndị-amụma lę ndị e zi ozi Osolobue sị wę zi, ye ndị ọzọ oyiye iwụ ndị e jehunmèni e zi oziomà, ye ndị ọzọ oyiye iwụ ndị ụkọ-Chuku lę ndị-nkuzi. ¹² O yesonmè oyiye ndinị n'o gi wę a zụn ndị-nke Osolobue ile nị wę d'a run ɔrun Kraistị leni o gi wę e me ẹhu Kraistị wụ ụka a gha ihun rikę ụlo wę n'a tunshi elu. ¹³ O me e d'e ru ni enyi ile a wuru ohu ebe okukwe lę ịmarịn Nwa Osolobue rị, wuru ndị ka ẹhu, sueruchanrin ogo Kraistị, nochanrin kę 'ya. ¹⁴ O me e makę enyi gha a wuzi ụmuęka, ndị ębi e bushi ihun-lę-azụn, ndị nkuzi ọwụlę e buhunmè kę ufere e buhunmesonmè ihien, ndị ihiän gi nkuzi ero lę aghigho e dufie. ¹⁵ Kama, nị enyi a wuru ndị a gwa ibe enyi ezioku, e gi ihien-osusuo e me e, enyi ile e gi e e sue; enyi e gi erira suekunrun Kraistị, hụn wụ isi ehụni, ríchanrin kę 'ya. ¹⁶ Iya wụ Kraistị gi ẹhu. Makeni, iya me ẹhu ile gi nyangbamachanrin ọhụnma-ọhụnma ghahanị akwanran ile rịn'a. Iya rịzi e me mkpamkpa ọwụlę a sa ęka a run ɔrun run'ę ọhụnma, hụn ẹhu ile gi a rị ikèn, e sue, e nwewaye ihien-osusuo.

Obibi Ọhụn Hun Rị Ime Kraistị

¹⁷ Ya wụ, m rị e gi ẹfan Di-nwọnni-enyi a gba ụnu mkpinsin ęka, a gbashị ụnu 'ya ikèn: ebizile ni kę ndị hụn ghaleni e fe Osolobue, ndị iroro wę nwònleni isi. ¹⁸ Uche wę a gbaguọ ishi. Enwon we ndịn Osolobue makeni o nwònni ihien wę marịn ebe ezioku rị, obi wę kpokinzikwọ akpokin. ¹⁹ Makeni, ifenren arizi wę enyi; e wechanriŋguo wę enwen wę ye ihien-ifenren lę ihien ile ru unyin rị ichen-ichen, a rịzi wę a sa ęka e kwondon enwen wę.

²⁰ Kani, elekwo erira kę wę kuzi ọnụ banyeni Kraistị! ²¹ Egheę, ụnu a nuguo banyen'e, ụnu a muguo ezioku hụn rị imē Jesu.

²² Ụnu a muguo nị ụnu jenkö nwan d'a ma eje-obibi hụ ụnu te rị e bi tuhu—onye hụ ụnu wụ mbụ hụn rehigụ ihe nle azụn, hụn ihien ọlila-enya dufiegụ. ²³ Mmón ọnụ lę uche ụnu k'a wúriri nke ọhụn; ²⁴ ụnu e yiri onye ọhụn hụ, hụn wę gi ụdị Osolobue ke —hụn rị kę Osolobue dọn cho nke-esi, rị nsọ nke-esi. ²⁵ Ya wụ, atuzile ni ntụ! Kama, a gwa nị ibe ụnu ezioku, makeni enyi lę ibe enyi wụ ẹhu ohu. ²⁶ Olulu nwę ikèn bu i, ka anil'a han i me njo. Olulu y'e bulé i nị eki gi. ²⁷ Eyele ni Ekwensu efe.

²⁸ Onye e zun ohin y'e zunzile. Kama, ya runma ɔrun nwònleni nkoriäni, e gi e e bi, e yezikwọ nị ndị mkpa kwondon ęka. ²⁹ Anilé ni eje-oku püha ụnu ọnụ, kani, oku hụn a gba ihiän umę, ban n'a erere imē ọnodi ọ rị—kèni oku ụnu hụn uzö e yeni ndị hụn rị e gon ntìn ęka. ³⁰ Emekwolę ni ihien k'a fü Mmón-nsọ Osolobue, makeni iya kę wę gi yime ọnụ ahima Osolobue, make ụhụohin hụn Osolobue k'a gba füha ndị nke e. ³¹ Wepụ nị iwe ile, olulu ile, ọnụma ile, oro ile, nkutö ile lę eje-ihien ile ihiän gi e son ibe e. ³² Kama, e gi ni efoma lę omiken e son ibe ọnụ, a gbagharị ibe ụnu kę Osolobue dọn nwan gbagharị ụnu ghahanị Kraistị.

Isi Nke Isen

Obibi Umụ Ukpe

¹ Ebe o me ni ụnu wụ umụ Osolobue hụn rị a obi, kịnrịn n'a nwan—e bi ni nwan kę iya. ² E gi ni ihien-osusuo e bi—nöké kę Kraistị dọn nwę ihien-osusuo enyi, gi ifiri enyi we ndịn a ye, nöké oyiye lę ejan hụn e shin ọhụnma hụn Osolobue nabanhān.

³ Nöké ndị nke Osolobue, anikwolę ni wę nüde oku ughere móbụ ihien ọwụlę ru unyin móbụ enya-uku imē igunrun ụnu. ⁴ Anilé ni oku ihien-ifenren móbụ oku-nzuzu móbụ oku ọwụlę ru unyin püha ụnu ọnụ. Kama, e gi ni ọnụ ụnu e yesonmè Osolobue ekele.

⁵ Marinkwọ nị nị o nwònni onye ọwụlę hụn a ghereni móbụ onye rileni ọchan móbụ onye enya-uku (hụn wuzi ịrúa-mmón) jenkö d'a ban Ali-eze Kraistị lę Osolobue! ⁶ Anikwolę ni onye ọwụlę gi oku nwònleni isi dufie ụnu, makeni, ufiri ihien ndinị kę iwe-lę-ọnụma Osolobue gi a bijanị ndị nnufu-isi. ⁷ Ya wụ, esonkwolę ni wę mékọ kakal!

⁸ Makeni ụnu te rị imẹ ishi, kanị hụnnị ụnu würügụ nwan nke Di-nwọnni-enyi, ọnu wụ ukpẹ. E bi ni nwan kę ụmụ ukpẹ—⁹ makeni mkpuru ukpẹ a mị wụ ihiẹn ile rị mma, ihiẹn ile kürü-otọ le ihiẹn ile wụ ezioku.

¹⁰ Liliema nị nị ọnu a chopuhā ihiẹn hụn k'a sụo Di-nwònñi-enyi ụsụo.

¹¹ Esònle ni wẹ e mè ihiẹn ndị hụ w'e mè hụn wụ nke ishi, hụn ghaleni a ban erere, ka e kpu ni wẹ oro. ¹² Ihiẹn ndị nnufu-isi e mè nzuzue e mede ifenren okuku! ¹³ Kanị, wẹ wepuhā ihiẹn ọwule ebe ukpẹ rị, a hụn wẹ k'o no—¹⁴ makeni ukpẹ nwunkpuhụ ihiẹn, o henrin ukpẹ. Ya haín Ẹhụhụ-nsọ gi sị,

“Onye-uran, tēnhin!

Gha Ọnwụn lihi,
kèni Kraistị nwunkpu i.”

¹⁵ Kpacanpụ nị nwan enya kę ụnu dọn e bi; ebièle ni kę ndị marinleni ihiẹn, ka e bi ni kę ndị marin ihiẹn. ¹⁶ Egile ni oghere ọwule ụnu nwę gupu egwu, makeni ogenni jo njo.

¹⁷ Awukwolé ni nwan ndị-nzuzu, ka ghota nị ihiẹn wụ uche Di-nwònñi-enyi. ¹⁸ Arakwolé ni manya tụ, makeni ihiẹn-ifenren rọ nị manya rị a kị ihijan; ka a nị nị Mmón-nsọ e jun imẹ ndụn ụnu, a kị ụnu ogèn ile—¹⁹ ụnu e gi ẹbụ rị imẹ ẹkukwö Ẹbụ-oma le ẹbụ-ofufe le ẹbụ ndị ọzọ rị nsọ a gwa enwèn ụnu oku, a bụ nị Di-nwònñi-enyi ẹbụ a sụo ụsụo imẹ obi ụnu; ²⁰ e gi ẹfan Di-nwònñi-enyi wụ Jesu Kristi e ye Chuku-Nđedi ekele ogèn ile make ihiẹn ile.

Egbata Di Lẹ Nwunyé

²¹ E welua nị nị ibe ụnu isi ali, e gi ẹ a gbaye Kraistị. ²² Nwunyé, e welua nị di i isi ali kę y'e mè ni Di-nwònñi-enyi. ²³ Makeni, di wụ isi nwunyé e nöké kę Kraistị dọn wụ isi ụka—uka, hụn wụ ẹhụ Kraistị—hụn Kraistị wụ onye-nzupuha a. ²⁴ Ya wụ, nwunyé k'e weluarịri nị di e isi anị imẹ ihiẹn ile kę ụka dọn e wenua nị Kraistị isi ali.

²⁵ Di, nwę ihiẹn-osusụo nwunyé i kę Kraistị dọn nwę ihiẹn-osusụo ụka, gi ifiri ẹ we ndụn a ye—²⁶ kẹn'o gi mirin hụ wụ oku-Osolobue chanchan a, dọn ẹ nsọ, ²⁷ kèni o gi ẹnìna wefuha nị enwèn ẹ ụka hụn nwọn ogho, hụn nwonleni ntụpo, hụn seleni alili—hụn nwonleni ihiẹn ọwule nō erirà, ụka rị nsọ, nwonleni ihiẹn we gi korian'a. ²⁸ Erirazikwö, di furu n'o nwę ihiẹn-osusụo nwunyé e kę o dọn nwę ihiẹn-osusụo ẹhụ ya le enwèn ẹ. Onye nwę ihiẹn-osusụo nwunyé e nwę ihiẹn-osusụo enwèn ẹ. ²⁹ Makeni, o nwònñi onye ize ẹhụ a e ze. Mba. Kama, ihijan a zụn ẹhụ a, e mémé e ohunma—nöké kę Kraistị dọn e mè ụka—³⁰ makeni ẹnyi wụ ụka wụ mkpamkpa ẹhụ a. ³¹ “Onwan haín okennyye k'e gi latò nđedi e le nné ẹ, banni nwunyé, wę ẹbụ e henrin ẹhụ ohu.” ³² Ihienni e mike; m gi ẹ e ku banyeni Kraistị le ụka. ³³ K'osileri, di ọwule ya nwę ihiẹn-osusụo nwunyé e k'o dọn nwę ihiẹn-osusụo enwèn ẹ; nwunyé ọwule y'a gbaye di ẹ.

Isi Nke Isin

Umụ Lẹ Ndị Mụ Nị Wẹ

¹ Umụ, e humeni ni ndị muni ụnu isi kę Onye-nwònñi-enyi dọn ku ẹ, makeni ọnwan wụ ihiẹn furu nị ụnu mè. ² “Gbaye nđedi i lę nné i.” Ọnwan wụ iwu ibuzo wę kwe nkwa chen'ę, sị, ³ “kèni o rị n'lí mma, y'e nwọn isi-nka elu ụwa.”

⁴ Nđedi lę nné, akpasulé ni umụ ọnu iwe, amamgbe ndụn a guụ wẹ, ka e gi ni ọzunzun le nkuzi Di-nwònñi-enyi kwadon a zụn wẹ.

Ndị Idibo Lẹ Ndị Wẹ Rị Okpuru Wẹ

⁵ Ndị wụ idibo mọbụ igbọn, e gi ni egun lę ẹhụ ọmuma-nni e humeni ndị ọnu rị okpuru wę isi. E gichanrin nị obi ụnu ile e mè ẹ, nöké sị Kraistị kę ụnu rị a gbaye. ⁶ Elekwö id'enya wę sụo—ebe ụnu n'a chọ nị wẹ ja ụnu—kama, e gi ni akpakalị obi ụnu e mè ya wụ uche Osolobue—rikę igbọn Kraistị. ⁷ A shiapuni ẹfọ a rụn orun ụnu—nöké sị ụnu rị a rụnnị Di-nwònñi-enyi ya, ele ihijan. ⁸ Makeni ụnu a maringhọ nị Di-nwònñi-enyi jenkọ d'a kụ onye-onye ụgwọ ihiẹn-oma ọwule o mè—kę igbọn rọ kę onye nwọn enwèn ẹ rọ.

⁹ Ndị ihiyan rị okpuru wẹ, e mezikwọ ni wẹ ẹrira. Eronzile ni wẹ egun. Ụnụ a maringho ni ụnụ lẹ wẹ nwọn Nna ohu hụn rị enu-igwee—bụ ara gbeyeni ihiyan.

Ezikwu-aghị Onye Nke Osolobue

¹⁰ Nke ikpazụn, zekènmete ni imē ihiyen Di-nwọnni-enyi; nwènkenmete ni ikèn e ahụn hi ogbe. ¹¹ Yiri ni ihiyen-agha Osolobue ile, keni ụnụ saeka turu, gbondon ero Ekwensu ile.

¹² Makèni, eélé ihiyan (nwè ehetu lè edeke) kę enyi lè wẹ rị a do, eje-mmɔn ichen-ichen kę enyi lè wẹ rị a do: ndị-isi wẹ lè ndị-ókíkí wẹ lè eje-mmɔn ndị hụn a kí ishini gba elu-uwà lè eje-ikèn imē-mmɔn ndị rị elu-igwere.

¹³ Kọnrin ni nwani agha! Weri ni nwani ihiyen-agha Osolobue ile, keni ụnụ hụn uzo saeka turu ogen eje-uhuohin e gi bia; keni ụnụ saeka mèchanrịn ihiyen ile furuni, bụ ụnụ turuhukwọ ebe ụnụ turu.

¹⁴ Turukènmete ni nwani! Ụnụ e gi ezioku kénmete ukun nöké akpukpọ onye-agha gi e kénmete ukun; ụnụ e yiri imē-ihiyen-Chuku-chọ nöké ewuru igwe ahụn onye-agha gi e chedon obi. ¹⁵ Yiri ni adudù izi-ozioma hụn e wéhẹ udòn ụkụ, gi n'è henrin akp'ukụ, nöké akp'ukụ onye-agha; ¹⁶ imē ihienni ile, buru ni okukwe, nöké ikpan onye-agha, hụn ọnụ e gi saeka e gbondon ụta ile rị e nwụn ọkụn hụn Eje-onye hụ rị a gba; ¹⁷ weri ni nzuopuha Osolobue zuopuha ụnụ kpuru riké okpu onye-agha, gi gbondon isi ọnụ; ụnụ e weri oku-Chuku hụn wụ opia-agha Mmɔn-nsø, kwondon.

¹⁸ E mè ni ekpere nöké kę Mmɔn-nsø dòn chọ ogen ile; ụnụ e gi udị ekpere lè aririo ọwule e sòn ihiyen ile. Muñrun ni enya ebe ekpere rị, anileni ndùn gụụ ụnụ; e mè ni ni ndị nke Osolobue ile ekpere. ¹⁹ E mezikwọ ni ni mmè nwèn ekpere, keni m shiapus ọnụ ni m zi ozioma, Osolobue e ye m ihiyen m sikọ d'e ku; o wepụ m egun enya, e kusi m'è ikèn; e mè m wè marin ihiyen rị imē ozioma—²⁰ m yi nwani egan makèni m rị e zi ya wụ ozioma riké onye-nnokin enya Kraist. E mè ni ni m ekpere ni m hụn uzo e kushi e ikèn k'o furu ni m'e ku e.

Ekele Ikpazụn

²¹ Ezi nwènè enyi wụ Taikikosi, hụn wuzikwọ onye-ɔrun wẹ gi e dòn enya imē Nna-enyi k'a gwachanrịn ụnụ ihiyen ile, keni ụnụ marin k'o rị m lè ihiyen m rị e mè. ²² Iya kę m zilanị ni ụnụ ya—ni ụnụ marin kę enyi ile nō, k'en'ọ hụn uzo kasizikwọ ụnụ obi.

²³ Udòn Chuku-Nèdi lè Di-nwònni-enyi wụ Jesu Kristi ya rịnị ndị nke Kraist ile—'ya lè ihiyen-osusụ hụn okukwe rị imē e. ²⁴ Efoma Osolobue ya rịnị kę wẹ han nwè ihiyen-osusụ ghaleni a nwụn anwụn jenni Onye-nwònni-enyi wụ Jesu Kristi.

Ehuhuq-Ozi Pölü Dejenni

Ndị Filipi

¹ Pölü le Timoti de ękukwɔ-ożini. Ənyi wụ igbọn Kraistị wụ Jizosị. Ənyi rị e dejenni ndị ile rị imē Kraistị wụ Jizosị, ndị nke Osolobue, hụn rị Filipi ya—uwę le ndị-isị wę le ndị-ørün ụka we. ² Efoma le udon hụn gha eka Osolobue Nədi ənyi le Nna ənyi wụ Jesu Kristi bịa ya rịni ụnu.

Pölü E Mę Ni Wę Ekpere

³ M'e ye Osolobue m ekele ogən ile m gi a nyanhan ụnu; ⁴ ogən ile m gi e mę ni ụnu ile ekpere, m'e gi ighoghọ e mę e, ⁵ makəni ounu hụ e yeni m eka imē ørün oziomma—ghakwori ụhụohin-ibuzo ounu nụ a d'e ru nwani ogənni. ⁶ O wegħo m enya ni Onye hụ hụn bidon ørün-omanị imē ụnu, k'a gha e mę e e zu oke d'e ru Ụhụohin Kraistị wụ Jizosị k'e gi bịa. ⁷ O furugho nị oku ụnu a rị m ənina, makəni ụnu rị m obi ogən ile! Eghęe, makəni mme le ụnu e keyetarı ibe ənyi ihien Osolobue gi gozi ənyi—kẹ ebe m rị imē ngan, kẹ ebe m rị a kwandon oziomma, e mę ihien o gi e werichanrin ənodi. ⁸ Osolobue wụ əsheri m nị ụnu a da m əda-əda—udi ədida hụn gha eka Kraistị wụ Jizosị bịa.

⁹ Ekpere m wụ nị ihien-əsusuo ụnu nwę k'a gha e mę ụnu e nwę amamihien le nghoha, e nwę, e nwewawaye—¹⁰ kəni ụnu hụn ụzo sa əka a horị ihien ka mma suq—ụnu a wuru ndị nwɔnleni ntupo mɔbụ nkɔrjanị Ụhụohin Kristi k'e gi bịa, ¹¹ makəni o ru a hụn w'a nị ndịn ụnu a mijunguo mkpuru rị mma Chuku chọ, hụn gha əka Jesu Kristi a bịa. Ọnwan k'e węhę ni Osolobue əgho le əjija-mma.

Jesu Rị Imē M E Bi

¹² Umuñe m, m chọ nị ụnu marin nị ihien meni m e yego nị oziomma əka ghagbari nke-esi. ¹³ O meguođe ndị ile rị əgwa eze-kanị wụ Siza le ndị əzọ ile marin nị ifiri Kraistị kẹ m gi rị ngan.

¹⁴ Ngan m rị e meguođi obi rukemnem ndị itu-Kraistị ibe ənyi bu əda anị imē Di-nwɔnni-ənyi, w'e kushi nwani oku-Osolobue ikən karị kẹ w'e ku ə mbụ—egun arizi wę enya.

¹⁵ Ndị hụ imē wę gi iwe-ənya e zi ozi Kristi—e gi e a do ounu. Kanị, ndị əzọ bu ihien rị mma obi e zi e. ¹⁶ Ndị hụ bu ihien rị mma obi e zi e gi ihien-əsusuo e zi ya wụ ozi Kraistị, makəni a maringuo wę nị Osolobue mę wę bu m che imē ngannị makə ichedon le ikwadon oziomma. ¹⁷ Ndị hụ gi iwe-ənya e zi e gi ozi wę rị e zini Kristi a chọ nke wę, ə rịni a gha wę akpakalị obi a puhā; wę rị a chohu nị wę we afunfun cheni afunfun m rị a ta imē ngannị m ri.

¹⁸ Kanị o nwɔnni ihien ə wụ! Hụn ka m mkpa, hụn m gi a ghogħo, wụ nị wę hụ e gi ụzo ile e zi ozi Kraistị, kẹ wę bu ihien rị mma obi e zi e kẹ wę bu eje-ihien obi.

Eghęe, m k'a gha a ghogħo, ¹⁹ makəni a maringuo m nị wę k'a hatu m—ghahani ekpere ụnu le eyemeka Mmɔn-nsq Jesu Kristi. ²⁰ M nwækemnem olile-ənya nị egikq m egun mę ihien ifenren e gi mę m; kama, nị m k'e kuzi oku ə kikenni, kushizi e ikən—kẹ m dọn e ku ə mbụ—gi əħu m buli Kristi elu—kẹ ghahani irin'a ndịn, kẹ ghahani inwunn'a ənwon.

²¹ O mę nke m, m rị ndịn, m rị nị Kraistị; m nwunhun, erere rō. ²² Kanị, m rị ndịn imē əħuñi, a runpuha nị m Kraistị mkpuru: amarinzi m nwani hụn m k'a hanrin! ²³ M rị e roshi azuñnni, e roshi azuñnni: k'o rị m, a la m əwanị tō d'e du Kristi ənodi—makəni əhun ka mma. ²⁴ Kanị, m rị ndịn, iya k'a ka ụnu əka e yeni.

²⁵ Makəni o wegħo m enya nị m rị ndịn k'a ka ụnu əka e yeni, a maringuo m nị m k'a ənodi, runsonmə ihien m rị a run ebe ụnu ile rị, kəni ụnu hụn ụzo a gha iħun imē okukwe, a ghogħo imē okukwe. ²⁶ Ya wụ nị wę k'a hatu m, a biazi m d'e kunrun ụnu—obibja m a wuru nị ụnu ihien ụnu e gi nyankemnem isi əda-əda imē Kristi wụ Jesu.

²⁷ Ka bisonmə ni obibi furu oziomma Kristi, kəni ə wuru nị, kẹ m bia d'a hụn ụnu kẹ abjanị m—nị ntin kẹ m għiñ nụ ukwere ụnu, e gi m'ę dòn nị ụnu gi mmɔn ohu wuzo, lę ni ənụn gi obi ohu a luni ụzo-Kraistị hụn rị imē oziomma əgħu; ²⁸ e gizikwɔ m'a dòn nị ụnu

egini egun ndị-inhenren ụnụ belua okukwe ụnụ kaka akp'ohu. Ọhụn k'a ghosi wę ni wę k'a la ntikpo, ghosizikwo wę ni ụnụ nwẹn k'e nwę nzufuha. Osolobue ya jenko d'a han a mē ेrira. ²⁹ Makeni, Osolobue e yege ụnụ ezigbo oghere ife Kraistị, eélé ghahanị ikwerini n'e sụo, kanị ghahazikwoni ita n'a afunfun. Iya kę ụnụ rị nwan a ta n'a— ³⁰ makeni ụnụ e shimegwo nwan ọnwụn ohu hụ ụnụ hụn kę m rị e shi mbụ— ụnụ a nuguozị ni m rikwo nwan e shi e.

Isi Nke Ebụo

Welua Ni Enwen Ụnụ Ali Kę Kraistị

¹ Oméri ịwụ ndị nke Kristi a gba umé; oméri ihien-osusuo e mē ihiyan a roko ibe e obi; oméri enyi ile hụ e mēkọ imē Mmón-nso; oméri ihiyan e mē ni ibe e efoma, a ni k'o rị ibe e e metu a obi— ² mē ni nwan ni ighoghị m zu oke. Mē n'e ghahanị iro ihien ohu, inwontari ihien-osusuo, ikwerigbamani, ichu ihien ohu. ³ Emekwolé ihien ọwule n'i gi e chorị nke i sụo mōbu ni wę hụn i. Ka e welua ni enwen ụnụ ali, e ye ibe ụnụ ogho kari enwen ụnụ. ⁴ Onye-onye imē ụnụ k'a rizikwo a cho orinimma ibe e, eélé nke ya le enwen e sụo.

⁵ A gun ni agungun ohu hụ Kraistị wụ Jizosị gun:

⁶ Oṣuon'a ni Osolobue k'o wuchanrin,
o mèdeni ni 'ya le Osolobue han.

⁷ Kama,
o no bu ihien o wụ che usuo,
wuru odibo;

wę no mụ a ihiyan.

O wurugụ nwan ihiyan,
⁸ o no wenua enwen e ali, e hume isi,
d'e ru ebe o no kweri ni wę gbu e—
kweride hụn wę gi kpogbude e enu obe!

⁹ Ifiri ọnwan,
Osolobue no weli e, bushichanrin a elu,
bu e che ọnodi kachanrinni,
ye e ẹfan
hụn kachanrin ẹfan ile.

¹⁰ Nke wuni,
wę kpohu ẹfan Jesu/Jizosị,
ihien ile rị enu-igwee le elu-ụwa le okpuru ụwa

k'e gbu osekpu.

¹¹ Ọnụ ile k'e ku e
ni Jesu Kristi wụ Nna—
ogho e gi e biañi Chuku-Nedi.

Chuku Rị Ọrun Imē I, Rụnma Nwan

¹² Ifiri e, ndị rị m obi, kę ụnụ dọn a gbaye m ogēn ile, e mē ihien m gwa ụnụ, ogēn mmē le ụnụ gi rị uzọ ohu, e mēkemmezidé e hụnni m rilén'a, mēsonmē ni nwan ेrira: e gi ni egun le ẹhu-omuma-nni e bi, e mē ihien ile Osolobue e gi zuopuha ụnụ. ¹³ Makeni Osolobue ya rị Ọrun imē Ọnụ ogēn ile, e mē Ọnụ a sa ẹka a hɔri ni uche e kę ụnụ k'e mē, e mezikwo ụnụ e mē ya wụ uche e.

¹⁴ E mē ni ihien ile wę si ụnụ mē—edenwinnwini ni; adole ni, ¹⁵ keni ụnụ wuru ndị nwonloneni nkoriani, ndị ẹka wę rị ọchan, ụmụ Osolobue obibi wę nweleni ntupo—osuon'a ni wę bi imē igunrun eje-agbọ rụni ẹnya rileni uzọ ohu; no ni imē igunrun wę e nwun, e ke imē ụwanị kę kokise. ¹⁶ Makeni, ụnụ kwonkemē oku hụn e ye ndun, a hụn m ihien m'e gi nyan isi Ụhụohin Kraistị k'a bia, ni osó m gba le Ọrun m rụn alanị iwi.

¹⁷ Ya wụ, ọṣuon'a nị wẹ rị nwan e hupụ ndụn m kẹ manya, e hu ẹ e kpu okukwe ụnụ hụn wụ ejan ụnụ chuyeni Osolobue, ẹfọ rị a suọ m ụsuọ; m rị e sòn ụnụ a ghogho! ¹⁸ Ẹfọ ya suozikwọ ụnụ ụsuọ, ụnụ e sòn m ghogho.

Nyemeka Timoti Lẹ Epafroditosi

¹⁹ M rị e lee ẹnya nị Di-nwọnni-enyi wụ Jizosị k'a nị m zihe ni ụnụ Timoti egwa, keni m nụ ozi ụnụ, ndụn a ban m. ²⁰ Enwọn m onye ozọ hụn rị kẹ Timoti, hụn gichanrin akpakalị obi ẹ a cho ọrịnimma ụnụ. ²¹ Ndị ile hođunị e ro nke-wẹ, nke-wẹ, ẹle nke Jesu Kristi! ²² Kanị, o mè nke Timoti, ụnụ lẹ enwen ụnụ a maringuo mkpa o rị; ụnụ a maringuo nị o sòn m a rụn ọrun oziomma kẹ nwa dọn e sòn nedị ẹ a rụn. ²³ M bu ẹ nwan obi nị m zihe ni ụnụ iya egwa—m maringuhụ kẹ ihien k'a rị nị m ebeni. ²⁴ Obi ru m anị imẹ Di-nwònnoni-enyi nị mmé lẹ enwen m k'a bijazikwọ egwa.

²⁵ K'osilerị, e roguo m n'ọ rị mkpa nị m zihe ni ụnụ Epafroditosi. Nwene m k'ọ wụ imẹ Nna-enyi; ọ wuzikwọ onye-ọrun lẹ onye-agha ibe m. Onye-ozi ụnụ rọ, hụn ụnụ zihe, hụn rị a rụnni ụnụ ghahanị iyeni m eka. ²⁶ M zila a makeni ụnụ rị a da a ọda-ọda, ọ fuka a nị ọnụ nụ nị emu kụ a. ²⁷ Ezioku-ezioku, emu kụ a ọda-ọda, o te d'a nwündę! Kanị, Osolobue nō mè omiken ẹ—kanị ẹle iya suọ k'o mè n'e, o mezikwọ nị mmé nwèn ya, amamgbe ekwan m a waye.

²⁸ O rị nwan a dukènmete m nị m zihezi ẹ, keni ụnụ hụn a, ẹfọ a suọ ụnụ ụsuọ—uhue m e belua. ²⁹ Gi ni nwan ighogho nabanhān a kẹ ẹnyi e mè imẹ Di-nwònnoni-enyi; a gbaye ni ndị nō kẹ iya—³⁰ makeni ọrun Kraistị e d'a napụ a ndụn a, o buzidę ndụn a che ọb'eka ebe ọ rị e yeni m eka ụnụ saleni eka yeni m makeni ebe ụnụ rị e teke.

Isi Nke Etɔ

¹ Umunę m, m gini d'e mèkin, m sị ụnụ, e nwọn ni anwịnrịn imẹ Di-nwònnoni-enyi.

Ndụn idezini ụnụ ihien m degunị ụnụ mbụ agukọ m—makeni o k'l'chemet ụnụ.

Natọ Ihien I Gi E Dọn Ẹnya Ogèn Mbụ

² Kpachanfụ nị ẹnya ebe nkite ndị hụ rị! Kpachanfụ nị ẹnya ebe wẹ rị makeni eje-ihien kẹ wẹ rị e mè; eghẹ, kpachanfụ nị ẹnya ebe ndị hụ e bekika ihiyan ehu nị wẹ rị a kwa ugụn rị! ³ Makeni, ẹnyi wụ ndị hụ kwa ezigbo ugụn: ẹnyi ndị rị e fe Osolobue ofufe imem-mmon ghahanị Mmomon-nsọ; ndị gi Kraistị wụ Jizosị e dọn ẹnya, a nyan isi; ndị ghaleni e gi ihien ẹnya e legha e dọn ẹnya—⁴ ọṣuon'a nị mmé nwèn e nwèghozikwọ ihien ẹnya e legha hụn nké m'e gi dọn ẹnya, gi e nyan isi. Eghẹ, emeni ndị ozọ enwonghọ ihien wẹ wụ rikę ihiyan hụn w'e gi nyan isi, mmé ka wẹ e nwè: ⁵ Wẹ kwa m ugụn kẹ m rị nwa akp'ohin esato; m wụ nwa-di-alị Izrelu—onye ikpun-ulọ Benjamina; onye Hibru keti-keti—onye-Hibru ndị-Hibru m. O mè nke idonmę Iwu Mozizi, m te wụ onye-Farisi, ⁶ o mè nke adudu, m kpopko ụka Kraistị; nke ịri-ochan ghahanị idonmę Iwu Mozizi, ahunnị wẹ ihien ọwule w'e gi kɔrjanị m.

Ihien Ahun Kachanrin Mma W'e Nwè

⁷ Kanị, e giguo m nwan ifiri Kristi gun ihien ile te wụ erere ebe m rị ye ihien la iwi. ⁸ Elede ihien ndị hụ suọ—e weriguo m ihien ile noke ihien na iwi, makeni onwèni ihien wẹ wụ ebe ihien kachanrin wẹ ile mkpa rị, hụn wụ imarin Kraist' Jizosị wụ Di-nwònnoni-m—hụn m giguu ifiri ẹ nị ihien ile la. Kanị, m weri wẹ ile kẹ nsin, keni m kwonkènmete Kraistị, ⁹ rịsonmę imẹ ẹ. Ele nke onye rị ochan ẹnya enwen ẹ makeni o n'e dönmete Iwu Mozizi, kama, rikę onye rị ochan makeni o kweriguoni Kraistị, e gi Kraist' e dọn ẹnya—ịri-ochan ahun gha eka Osolobue a bia, hụn wẹ gi okukwe e nwèhen. ¹⁰ M cho nị m marin Kraistị lę ikèn hụ o gi gha ọnwụn lihi, sòn ẹ ta afunfun ọ ta, sòn ẹ nwụn ọnwụn ọ nwụn, ¹¹ k'en'o nwède kẹ m'e mè rị ndị k'a gha ọnwụn lihi.

Lilima Nị

¹² Eleni e nwònheteguolę m ihien ndịnị mọbụ nị e zuchanringuolę m oke. Kama, m'a lilima a chụ a, keni m nwèhen ẹ—keni m nwündon ihien hụ Kristi wụ Jesu gi ufiri ẹ

nwündon m, gi m hēnrin nke e. ¹³ Umuñe, arí m'e ro ni e ruguo m'a. Mba! Kama, ihien ohuni kē m'e mē: m'a zō ihien ndị hūn m runguñu mbu—nu wē ye azuñu, a nwankēnme ni m kunrun ihien rī ihun. ¹⁴ M'a liliima, e buchanrīn ihun e zimē ebe m gbako, kēni m nwōnhen ihien hūn Osolobue jēnkō d'e ye enyi, hūn o gi ifiri e kpō enyi oku elu-igwee ọ kpō enyi ghahani Kraistj.

¹⁵ Ya wū, enyi ile ka-ehu imē mm̄on furu nwan ni enyi e nwōn ụdi agungunn̄i. Kani, omēni ihiān rī e ro ichēn, Osolobue k'e mē e n'ō għoġa ihienn̄i. ¹⁶ Ka ni enyi kwonkēnme hūn enyi nwēhenguñu.

Ndị Wē K'e Leri

¹⁷ Umuñe m, sōn ni ndị ɔzo a kīnriñ m; leri ni obibi ndị hū e lerini enyi. ¹⁸ Makēni, ndị bu ɔda e bi kē ndị-iñenren obe Kraistj. A gwaqle m ụnū ya mgbe ole-le-ole mbu; m gi nwan enya-mirin a gwazi ụnū ya. ¹⁹ Wē shikō ntikpo; efo wē wū Chuku wē; ihien nkē e mē wē ifenren k'e wē gi a nyan isi; ihien-uwā ihien-uwā kē wē e ro.

²⁰ Kani, o mē nke enyi, enyi wū ụmū-di-alí enu-igwee; enyi rī nwan a tu enya Onye-nzūopuha wū Nna-enyi wū Jesu Kristi, hūn għa ebħu lala. ²¹ O k'e nwōnhuto əhu enyi ndiñi zeleni, hūn a nwūnni, memē wē ni wē nō kē əhu a hūn nwē əgho; o k'e mē e ghahani ikēn hū o gi saekā e bu ihien ile e che okpuru e.

Isi Nke Eno

¹ Umuñe m rī m obi, hūn rī a danī m, ụnū wū ighoħgħo m lē ihien wē k'e gi tu m ugōn! Ndị ihien wē a suq m, wuzo ni nwan imē Di-nwōnni-enyi erira!

Ndūnmodun

² Yodia, dodo! Sintike, dodo! Ụnū əbuo, dodo ni, e gi ni obi ohu e bi—nokē ndị rī imē Di-nwōnni-enyi. ³ Egħeq, 'yū wū onye-ørūn ibe m furu wē gi e dōn enya, m rī a riżq i n'i yeni ikpoho ndiñi əka, makēni e songuø wē m lūnī ozioma ogun—uwē lē Klementi lē ndị ɔzo ile mmē lē wē gba a rūn örūn—hūn əfan wē rī imē Ehħuħuø nke ndūn.

⁴ A ghogħo ni imē Di-nwōnni-enyi ogen ile! E kuzi m'e: a ghogħo ni!

⁵ Ihiān ile wē gi əka rī mma ụnū gi e sōn ihiān marīn ụnū; Di-nwōnni-enyi lala egwa. ⁶ Ehuelē ni uhue ihien əwule, ka e mē ni ekpere imē ənodi əwule; e gi ni arirjō lē ekele a gwa Osolobue ihien rī ụnū mkpa. ⁷ Ogen hū, udon Osolobue k'a banhan obi ụnū—udon e, hūn ihiān għaleni a għoġa—o k'e chemē obi ụnū lē uche ụnū imē Kristi wū Jesu.

⁸ Umuñe m, igi mēkin, m sī ụnū, e bu ni obi e che ihien əwule wū ezioku, ihien əwule w'a għaye, ihien əwule furuni; ihien əwule nweleni nkorjani, ihien əwule a suq ihiān usu qfo, ihien əwule wē gi a ja ihiān; omumē əwule rīħanrīn mma, ihien əwule furu w'a ja mma. ⁹ E mēsonmē ni ihien ndị hūn ụnū mūnarīn m, ihien ndị hū ụnū għa əka m nwēħen, ihien ndị ụnū nu ənqū m lē ihien ndị ụnū hūn m əka. Ụnū mē wē, Osolobue udon k'a noyeni ụnū.

Ụnū E Mékē!

¹⁰ A ghogħokakwō m imē Onye-nwōnni-enyi ni ụnū e giguø nwan ogenni nyanhan, ghosizj ni ụnū hū e ro m. Ezię, ụnū hū a chō ni ụnū yeri m əka, kani ụnū ahunn̄i oghere ụnū e gi mē e. ¹¹ Ele ni ihien rī a fu m örūn kē m gi rī e ku ihienn̄i. Mba, makēni a mūrunguø m kē m dōn a ni ihien m nwē e jun m qfo. ¹² A marīngħo m ihien o wū ni ihien rī a kō ihiān, marīnzikwō ihien o wū ni ihiān nwē əda. A muġuø m ihien rīn'a—nke wū ni obi e ru m alī ebe əwule lē ogen əwule: kē m rijun qfo kē m bu eġun; kē e nwōnkē m kē enwē m enwē. ¹³ M k'a saekā mē ihien ile ghahani Kraistj, Onye hūn e ye m ikēn.

¹⁴ K'osileri, ụnū e mékē ụnū gi yeri m əka buru nsongbu m.

¹⁵ Ụnū ndị Filipi a marīnchanriñguø k'o mē ogen hū enyi gi zimē ozioma ebe ụnū rī—ni o nwōnni ɻuka ɔzo gi ihien wē nwē yeri m əka gi sōn m rūn ogen m gi għa Masedonia pū karj ụnū suq. ¹⁶ Kē ogen m għid rī Tēsalonika, elede mgħeġġi ohu suq kē ụnū zihé ni m ihien ogen mkpa gi kwonkēn m.

¹⁷ Eleńi m choko ihięn ụnu k'e ye m. Kaka akp'ohu! M rị a chọ nị wę gun օrun-oma ụnu yeni ụnu keni o węhé ni ụnu erere. ¹⁸ Osolobue a kuchanringuo m ihięn ile furu ni m! E nwonchanringuo m ihięn ile rị m mkpa—nwonkaridé! Hunni Epafroditosi węhegụ ni m ihięn ile ụnu ye e bijani m, efọ e junguo m. Oyiye e shintu Osolobue ohunma k'ọ wụ! Ejan Osolobue a nabanhān rọ, ejan hụn a sụo a ụsụo. ¹⁹ Ezioku-ezioku, Osolobue m jenko d'e yechanrin ụnu ihięn օwule rị ụnu mkpa. O k'e yehan ụnu ya kę akụ-le-uba o gi nwę ogho han imē Kristi wụ Jesu. ²⁰ Ogho ya rịnị Osolobue wụ Nedi enyi jenrin ejen. Isẹ!

Ekele Ikpazụn Lẹ Ngozi

²¹ Kele ni ndị-nsọ Kraist' Jizos' ile. Umunę enyi imē Kraistị hụn mmę lę wę rị ebeni e zi ekele ụnu. ²² Ndị-nsọ ile e zi ekele, t̄umadụ ndị rị օgwa eze-kanị wụ Siza.

²³ Efoma Di-nwonne-nyi wụ Jesu Kristi mę ya noyenı mmɔn ụnu.

Ekukwọ-Ozi Pölü Dejenni

Ndị Kolosi

¹ Mmę wụ Pölü de eħħħuq-oziini. M wụ onyę-ozi pü-ichēn Jesu Kristi, makeni uche Osolobue rọ. Mmę lę Timoti nwęneq ẹnyi gba de e.

² Ndị nke Osolobue rị Kolosi, umunę furu wę gi e dọn ẹnya imẹ Kraistị, kę ẹnyi dejenni e. Osolobue wụ Nədi ẹnyi ya mę ni ụnu efoma, ya ye ụnu udon.

Pölü E Kele Osolobue Makę Okukwe Wę

³ Ogen ile kę ẹnyi gi a kpanmin Osolobue wụ Nədi Onyę-nwonni-enyi wụ Jesu Kristi, ẹnyi gha e mę ni ụnu ekpere. ⁴ Egħeq, makeni, ẹnyi a nūgħo oku okukwe ụnu nwę imę Kraistị wụ Jizos i le ihien-osusuo ụnu nwon ebe ndị nke Osolobue ile rị—⁵ makeni ụnu rị e lee ẹnya ihien hụ Osolobue dōnmę ni ụnu elu-igwee. Ụnu a nūgħo banyeni ihieni rị elu-igwee lę olile-ẹnyanı wę gi e sòn e. Ụnu nü a ogen wę gi gwa ụnu oku hụ wụ ezioku ụnu nü—hun wụ ozioma. ⁶ Ya wụ ozioma e rugħo ụnu eka. Oziomanı hụ a mị mkpuru, e sue, a ghagbari ụwa ile. Erira k'o gizi nwan rị a mị mkpuru imę ụnu lę enwén ụnu kete ụħuqin hụ ụnu nü a, ụħuqin hụ ụnu ghota efoma Osolobue mę nke-esi.

⁷ Epafrasi hün wụ ezi igbon-Kraistị ibe ẹnyi wụ onyę hün zi ụnu oziomanı. Onyę-ørun furu wę gi e dọn ẹnya k'o wụ imę Kraistị. Ọ n'a run n'o rịn ụnu mma, ọ n'a nökin ẹnya ẹnyi ebe ụnu rị. ⁸ Ọ gwagħo ẹnyi kę ụnu nwéhan ihien-osusuo hün rị imę Mmən-nso.

⁹ Kete ẹnyi a nul'a, ẹnyi eke mħebħikwö ni nwan ụnu ekpere, ẹnyi eke riħbehikwö Chuku n'o mę ụnu marin uche ċi ħaġħiġ-ħaġħiġ, nwę amamihien le nghoġta imem-mmon, nwę wę mmagi-mmagi. ¹⁰ Ya dodo mę e keni ụnu e bi obibi furu Di-nwonni-enyi, obibi hün a suq n'a, e junchanrin a efq żuq il—a miġuha mkpuru hün wụ ørun ɔma ile rị ichen-ichen, a marin Osolobue, a marinwaye.

¹¹ Ya gi iken e hi-ogbe, hün o gi nwę ogħo, mę ụnu wuru ndị zeni; ya kwadem ụnu keni ụnu saekha gi agugħun rị mma le īghoġħo dingbchanrin ihien ile. ¹² Ya məzi ụnu a sa eka a kpanmin Nədi-enyi, hün mę nwan ụnu rị ndị nwon ihien ọ kwademeni ndị nke e, ndị-nso a, makeni wę rị imę ukpe.

¹³ Ọ rị erira makeni ọ zuopuhaġo ẹnyi okpuru iken ishi, we ẹnyi che Ali-eze ezi Nwa a, ¹⁴ ezi Nwa a, hün o gigu nwan ędeke ġafuha ẹnyi, għagħar ẹnyi njo—makeni ẹnyi rị imę ya wụ Nwa a.

Onyę Kristi Wụ

¹⁵ Ẹnya hün Nwa a nị wụ Kraist' a hħuq qalenti wę għaleni e legha; iya wuzikwö Ibuzo, Onyę-isu hün ihien ile wę ke eke rị okpuru e. ¹⁶ Makeni, eka a kę Osolobue ghaha ke ihien ile rị elu-igwee lę ụwa—kę ndị w'e legha kę ndị wę għaleni e legha; kę ukpo ile kę əkikk iile; kę ndị-isu eje-mmmon kę ndị-əkikk wę. Osolobue ke ihien ile ghaha n'a; iya k'o ke ni wę ile.

¹⁷ Ọ rị arī nị ihien əwule d'e bidon; iya gi ihien ile. ¹⁸ Iya wụ isi unction hün wụ əħħu a. Iya wuzi isi-mbidon; iya wụ onyę-ibuzo lihini imę ndị nwunni—wę ile k'o gi wuru onyę-ibuzo le onyę-isu ihien ile. ¹⁹ Makeni, ọ suq Osolobue ħusqo n'o mę nị ihien ile o gi wuru Osolobue rị imę ya wụ Kraistị. ²⁰ Ọ suqikwö Osolobue n'o ghaha eka a wekinhēn ni enwén e ihien ile o ke—kę wę rị elu-żu kę wę rị elu-igwee—għahani ędeke ọ għa elu-obe e, ndun a hün o ye, hün o gi mę ni udon rị.

²¹ Mgħe mbu, egbata ụnu lę Osolobue arī mma; iroro ụnu lę iya adangbamanı—ụnu e bisoñmę eje-obibi. ²² Kanji o gigu nwan əħħu o gi bi elu-żuwanji dōnzi egbata ụnu lę Osolobue, għahani ənwxn օ nwun. O mę erira keni ụnu wuru ndị o jenqo d'e wepūha iħun e—ndị nwelieni ntupu lę nkɔrjanji. ²³ Qnwan k'e mę—omieni ụnu e wuzoq əħħu qalenti, omieni ụnu e turukēnmet imę okukwe, omieni ụnu aghħani imę olile-ẹnya hụ rị ozioma ụnu

nü pü—ozioma hụn wę zigüụ ndị ile rị okpuru elu-igwee*. Ọrun Oziomanị kę wę tumé mmé wụ Pölü d'a rụn.

Ọrun Pölü Nöké Onye-ɔrun Ụka Kraistị

²⁴ Oghogho kę m'a ghogho make afunfun m rị ta nị ụnu—m gi nwan eħu m a tapu ni Kristi afunfun hođunu wę k'a tanị eħu a wụ ụka. ²⁵ Osolobue wụ onye hụn gi m hēnrin onye-ɔrun ụka; o tumé m d'a rụn n'o rịni ụnu mma. Ọrun hụ wụ igwachanrin iħian ile oku Osolobue k'o dòn ku e—²⁶ mè wę marin ihien hụ Osolobue zuemé ketekete, hụn agbo ile għani marinleni—kanj o kpupugħo a nwan għosix ndị nke e.

²⁷ Chuku mè e makeni o chọ n'o mè ndị nke e marin kę ya wụ ihien-mini meħan oken ihien-ogħo, mè wę marin nị ndị wuleni ndị Ju rịzi ndị o kwarem n'e. Ihien ahun mini wụ nị: omeni Kraistị rị imē ụnu, lemè ni enya nị ụnu jenqo d'e nwę oħġo ahun lalani.

²⁸ Oku Kraistini kę enyi rị nwan a ghahumnej e kusonme; enyi rị e gi amamihien ille Osolobue ye enyi a dō onye əwule eka-ntin, a kuzi onye əwule. Enyi rị e mè ihien ndinij nị enyi mè onye əwule wurū onye ka-eħu imē Kristi—keni enyi hụn uzo wepħha wę ihun Osolobue. ²⁹ Onwan kę m gi rị a rungbu enwén m, e shi ənwon, ghahanji ikēn hụ ile hiġbe hụn Kraistị gi rị ɔrun imē m.

Isi Nke Ebụo

¹ M chọ nị ụnu marin kę m dòn rị a lunị ụnu lę ndị ali Laodishia lę ndị ile keleni huntu m elee-m, elee-i. ² M rị a lụ nị m kasị wę obi; ni wę gi ihien-osusqo wurū obi ohu, a hụn wę uzo għotachanrin ihien Osolobue—obi e ruchanrin wę ali; a marin wę ihien ahun mini banyeni Osolobue. Ihien ahun mini wụ Kraistị lę enwén e. ³ Imē Kraistị kę Osolobue zuemé amamihien lę nghota ile.

⁴ M rị e ku ənwan amamgħe wę e gi oku rīgbu enwén e mma dufie ụnu. ⁵ Makeni, m hụ a hụn kę ụnu dòn rị e gi usonron-usonron e bi, a hunjżi kę ụnu dòn turukēnnej imē okukwe ụnu imē Kristi—o hụ e mè m a ghogħo; m hụ a hụn a makeni, əsusqon'a nị arī m ebe ụnu rị elee-m elee-i, m hụ ebħeħu imē-mmɔn.

Igi Kraistị Zu Oke

⁶ Ebe o mè ni ụnu a nabanhanguo Jesu Kristi nöké Di-nwəni-ụnu, e bisoñmè ni nwan obibi ụnu imē e; ⁷ għa nị nwan nkopogħu imē e, ụnu a tun ndun ụnu imē e kę wę dòn a tun ulo, e wuzzo əħunna imē okukwe—kę wę dòn kuzi ụnu ya—a kpanmin Osolobue əħunna-əħunna ogħen ile.

⁸ Hụn n'a nwan n'o nwonnni onye gi oken imarin-ihien nwoni-leni-isi dufie ụnu, nwundon ụnu, dofu ụnu imē okukwe. Makeni, o nwiegħo ndị rị a kuzi ihien no ċerira. Nkuzi iħian lę usonron mmɔn lę iwu ichen-ichen gi a han ihien e mè k'o mè elu umenti kę wę rị a kuzi. Ele enya Kristi gi e lee ihien kę wę rị a kuzi. ⁹ Kanj, eħu Kraistị kę ihien ille Osolobue gi wurū Osolobue richanrin. ¹⁰ Ifiri ənwan, ụnu a wurugħo nwan ndị zu oke, hunnij ụnu rị imē Kraistị—makeni ụnu rị imē onye hụ ndi-əkikji ile lę əkikji ile rị okpuru e.

¹¹ Imē Kristi, a kwagħo wę ụnu ugħun imē-mmɔn—hụn wụ nke ezigħo e. Ele hụn wę gi eka kwa, kama, hụn Kraistị lę enwén e a kwa, hụn wụ ibepu onye hụ enyi te wụ. ¹² Makeni ogħen wę gi mè ụnu mirin-Chuku, wę gi e ligħama ụnu lę Kristi. Ogħen wę gi wefħha ụnu imē mirin, wę gizi e weligħama ụnu lę Kraistị. Ənwan mè ghahanji okukwe ụnu nwoni hụn ụnu gi gi ikēn Osolobue, onye hụn għa ənwon weli Kraistị, dòn enya.

¹³ Ụnu te wụ ndi nwiġi; ụnu te bi imē mmefie; ụnu te wụ ndi wę kwaleni ezigħo ugħun wepħu onye njo wę wụ. Kanj, Osolobue no mè ụnu sòn Kraistị rị ndun—ogħen o gi għbagħar i enyi njo ile enyi mè. ¹⁴ O no kagħbu Iwu ahun wę de ede hụn wę gi a għosix nị enyi gi ugħwix leżi umenti l-ħalli hụ il-riċċa rīgħ a ma enyi ikpe, kpomma a elu-obe Kraistị, gi ġerira bu e che үusqo. ¹⁵ O no napu ihien ile rị a kiniżżejjix lę əkikji ile ikēn wę, għe ifenren kpu wę ihun id' enya iħian ile, gi ihien o mè elu obe hụ m'erħiħanrin we.

* Isi Nke Ohu:23 Ebeni rị e ku oku hụn megħunji, ele hụn keleni mè ogħen ahun.

¹⁶ Ya wụ, anikwolé ni nwan onye ọwule gi oku ihiẹn-oriri lę ihiẹn-örira ma ụnu ikpe, móbụ oku mmemmem ọwule móbụ Mmémém ifon-ohun móbụ ụdị Ụhuohin-nsø rị ichen-ichen wę gizi e zu ikēn. ¹⁷ Ihiẹn ndịnile wuhu onyinyon ihiẹn lalani-ezigbo e wụ Kristi.

¹⁸ Anikwolé ni onye ọwule hụn e meghafe oku imeshi ehụ ikēn oken móbụ onye e mē oku ife ndị mmón-ozi gi e ma ụnu ikpe. O mēkēnme oku ohun ọ hụn lę ihiẹn ọ marin-kanị ihiẹn nwéléni erere ọ ban ọ rị e ro rị e bu ẹ hụ isi makeni Mmón-nsø arị a kị iroro e. ¹⁹ O kwondonzini Kristi, hụn wụ isi ehụ-hụn e ye ehụ ile ihiẹn-oriri, a zụn a, e gi akwanran rịn'a e kwondonsonmē mkpamkpa ile rịn'a; e mē e n'o hụn uzọ e sue ụdị usue hụn gha eka Osolobue a bia.

Idu Kristi A Nwụn Lẹ Idu E E Bi

²⁰ O mē nwan ni ụnu e sònguọ Kraistị nwụnhụn, ụnu a nwụnnahịnguọ mmón lę iwu a han ihiẹn e mē k'o mē elu uwani. Kị hajin nwan ụnu gi e bi nöké sị ụnu wụ nke uwani? Kę ụnu a gbayeni omenalị ndịnile wę? ²¹ “Ekwondonle!” “Adamínle!” “Emetule eka!”?

²² Omenalị ndịnile nwę ebe w'a rụnrụ a rụnbəhi wę, makeni we wuhu iwu lę nkuzi ihiən-mmaka. ²³ Ezioku-ezioku, i hụn ndị e son iwu lę usonron ndịnile, o no kę sị a marinaka we ihiẹn-tumadụ kę we dọn a wa omenalị rị ofufe e ye enwén wę olu, e welua enwén wę ali hụn wuleni nke zigbo e, e meshi ehụ we ikēn. Kanị, ihiẹn ndịnile wụ ihiẹn la iwi, makeni, w'a ra yeni ihiən eka e kwondon enwén e amamgbe o mesonmē eje-ihiẹn a gun n'a.

Isi Nke Etọ

¹ O mē nwan ni ụnu e sònguọ Kraistị gha ọnwụn lihi, choma ni nwan ihiẹn ndị hụn rị elu-ebehụ Kristi nödị ali azụn eka-nni Osolobue. ² Bu ni obi ụnu che ihiẹn ndị rị elu, ele ihiẹn ndị rị ụwa. ³ Makeni, ụnu a nwụnguọ; e buguọ we ndịn ụnu che imē Kraistị zuemē imē Osolobue. ⁴ Ogen Kraistị hụn wụ ndịn ụnu jenkö d'e gi püha, ụnu nwèn k'e sonzi e gi ogħo püha.

Ndịn Akan Lẹ Ndịn Ohun

⁵ Gbu ni nwan egun ihiẹn-ụwa hụn rị imē ụnu a rụn ɔrun—kę ugheré kę obibi ru unyin kę ihiẹn-ɔnịna-enyia kę egun ihiẹn riləni mma kę enya-uku (hụn wuzikwọ ifee-mmón.)

⁶ Ifiri ihiẹn ndịnile wę kę iwe-le-ɔnụma Chuku gi lalani ni ndị e nupụ ni oziomma isi. ⁷ Ụnu e te son wę e bi ेrịra ogēn mbụ ahụn ụnu lę wę gi wụ ohu.

⁸ Kanị, ụnu sikọ nwan d'e wepuriri ihiẹn ile nō ेrịra—olulu, ɔnụma, iwe, nkuto lę igi ɔnụ ụnu e ku oku ọwule ru unyin. ⁹ Atukwolé ni ibe ụnu ntụ, makeni ụnu a gbupuguọ ndịn-akan lę obibi e leké ेwuru. ¹⁰ Ụnu e yiriguọ ndịn ohun—ndịn ohun hụn rị a marinwaye Onye hụn ken'e, a riwaye kę iya. ¹¹ Imē ndịn ohunni, w'a ra tu onye ihiən wụ: o nwonzini ihiẹn nöké ndị Ju lę ndị wuleni ndị Ju; móbụ ndị kwa ugún lę ndị kwaleni ugún móbụ ndị rị imē ofia lę ndị waleni enya móbụ igbòn lę onye nwę enwén e. Kraistị sụo—ya wụ ihiẹn ile; Kraistị ya rị imē wę ile.

¹² Riké ndị Chuku hɔri, ndị rị nsø, ndị rị a obi, yiri ni nwan omiken, efoma, iwelua-enwén-ihiən-alị, imē-jụl lę ndidi. ¹³ E gi ni ndidi e son ibe ụnu; onye nwèn e meja ya gbagharị a: ụnu k'a gbaghaririri ibe ụnu kę Di-nwɔnni-enyi wụ Kraistị dọn gbagharị ụnu.

¹⁴ Hụn kadeni, yiri ni ihiẹn-osususo, makeni iya e kengbama ihiẹn ndịnile, a rụngbama wę hụn a na enya. ¹⁵ E gi ni udịn ahụn Kraistị e ye a marin imē obi ụnu ihiẹn ụnu jenkö e mē imē igunrun ụnu—makeni, ezioku-ezioku, iya kę Osolobue kpö ụnu d'e nwòn nöké ndị rị ehụ ohu. A kpanmin ni Osolobue. ¹⁶ Ni nị oku Kristi biri imē ụnu, nin'a junchanrin imē ụnu. E gi ni amamihien lę akọ-le-uche ile ụnu nwòn a kuzi ibe ụnu, a gwa wę ni wę e mē ihiẹn rị mma. E gi ni obi ekele a bùsonmē ni Osolobue ębụ rị imē ekukwọ Ębụ-oma lę ębụ-ofufe lę ębụ ndị ozọ rị nsø. ¹⁷ E gi ni efan Di-nwɔnni-enyi wụ Jesu e mē ihiẹn ọwule—kę omumē kę oku-ɔnụ—e ye Chuku Nedi ekele ghahanị Di-nwɔnni-enyi wụ Jesu.

Obibi Furu Ndị Rị Ich'en-ich'en

¹⁸ Nwunyę, e bu enwén i e che okpuru di i, makeni ेrịra k'o furu n'i bi—nöké onye nke Di-nwɔnni-enyi.

¹⁹ Di, nwę ihien-osusuo nwunyę i; egile iwe e sòn e.

²⁰ Umụ, e hume ni ni ndị muni ụnu isi imē ihien ile, makeni ya kę Di-nwọnni-enyi cho nị ụnu e me nökę ndị nke e.

²¹ Ndị nedị, ahanlę ni umu ụnu enya, amamgbe ndịn a gụụ we.

²² Ndị-idibo lę igbọn, a gbaye ni ndị ụnu rị okpuru wę imē ọnodi ọwule. Ele wę rịhụ ebęhụ e lee ụnu, ụnu e meme ni we ja ụnu mma. Ka gi ni akpakalị obi ụnu e me e, make egun Di-nwònni-enyi. ²³ Ihien ọwule wę si ụnu rụn, gi ni obi ụnu ile rụn a, nökę si ụnu rị a rụnni Di-nwònni-enyi ya, ele ihijan. ²⁴ Nyanhankwo nị nị Di-nwònni-enyi gjenkọ d'e ye ụnu ihien hụ o dònme ni ndị nke e nökę ụgwọ-ørùn. Kristi wụ Di-nwònni-enyi kę ụnu wụ igbọn e—iya kę ụnu rị a rụnni. ²⁵ Ndị rị e me eje-ihien k'a narin ụgwọ eje-ihien wę me—o nwònni onye k'a pụn'a.

Isi Nke Eno

¹ Ndị ihijan rị okpuru wę, e gi ni eka rị mma e sòn wę, emegbulę ni we. Nyanhankwo nị nị ụnu le enwèn ụnu nwònzi Nna ụnu rị okpuru e hụn rị elu-igwee.

Ndịnmodun

² E me ni ekpere ogèn ile; e we ni enya e ru alị ebe ekpere rị; e gi ni ekele e me e.

³ E mezikwo nị nị enyi ekpere, keni Chuku kpọpụ nị enyi ụzo enyi e gi ku oku-Chuku, nị enyi hụn ụzo e kusonmę oku ihien ahụn mini banyeni Kristi—hụn wę gi ifiri e we m che imē ngannị m rị. ⁴ E me ni ni m nwan ekpere, keni m saeka a kowa a hụn w'a ghota—k'o furu ni m e me.

⁵ E gi ni uche e sòn ndị kwerileni; anile ni oghere ọwule ụnu nwòn nahin ụnu. ⁶ Oku-ọnụ ụnu ya wụzị hụn e ye eka, a suọ kę nnu, keni ụnu sa eka a shiarị onye ọwule oku ohunma.

Ekele Ikpažun

⁷ Ezi nwene enyi wụ Taikikosi hụn furu wę gi e dòn enya jenkọ d'a gwachanrin ụnu kę m rị—odibo ibe enyi imē Onye-nwònni-enyi k'o wụ. ⁸ Ya hajin m gi zila nị ụnu ya, keni o gwa ụnu kę enyi nō, gba ụnu ume. ⁹ Iya lę ezi nwene enyi wụ Onesimosi hụn furu wę gi e dòn enya, hụn wụzị onye alị ụnu, wi lala. Wę k'a gwachanrin ụnu kę ihien ile nō ebeni.

¹⁰ Arıstakosi onye-ngan ibe m e kele ụnu. Makị nwa-nwene Banabasi e kelezi ụnu. (Enyi a gwatoguo ụnu nabanhān Makị—omeni o bia ebęhụ.) ¹¹ Jizosị, hụn w'a kpozi Jostusu, e kelezi ụnu. Madụ etonị suọ wụ ndị Ju, ndị kwa ugún, imē ndị mmę le wę wi a rụn örùn Ali-eze Osolobue—wę e me ndịn a ban m.

¹² Epafrazi hụn gha obodo ụnu bia, hụn wụzị odibo Jesu Kristi, e kele ụnu. Epafrazi e shi onwun ọda o gha e me ni ụnu ekpere. O riłosonmę Osolobue n'o me ụnu wuzo nökę ndị ka-ehụ, ndị marin ihien wę rị e me ebe ihien ọwule wụ uche Osolobue rị. ¹³ M k'a saeka shian'a eri n'o luka nị ụnu—ụnu le ndị rị Laodishia lę Hirapolis. ¹⁴ Dokita wụ Luku hụn ihien e a suọ enyi e zi ekele; Démasi e zizikwo ekele.

¹⁵ Kele ni ni m umunę enyi imē Kraistị hụn rị Laodishia, ụnu e kele nwene enyi okpoho wụ Nimfa le ụka hụn e zu iwe e.

¹⁶ Wę gungụ nị ụnu ehụhụq-oziini imē ụka ụnu, hụn n'a nị wę gunzị nị ndị ụka rị Laodishia ya. Hunzıkwo n'a nị ụnu gun nke ndị ụka Laodishia imē igunrun ụnu.

¹⁷ Sị nị Akiposi, “Hunkwo a n'i rụnchanrin ogbo wę keye i imē örùn Di-nwònni-enyi.”

¹⁸ Ni m gi eka m de nwan ekele m: Mmę wụ Polu e kele.

Azokwolę ni nị m rị ngan!

Ohunma Osolobue me ya noyen ụnu.

Ekukwɔ-Ozi Ibuzo P̄olụ Dejenni
Ndị T̄esalonika
Ndị T̄esalonika, Nke Ibuzo

¹ P̄olụ lę Sivanosi* lę Timoti de ehhuhuo-ozini. Enyi dejenni ụka T̄esalonika h̄un rị imē Osolobue N̄edi enyi lę Di-nwọnni-enyi w̄u Jesu Kristi ya. Efoma lę udon ya r̄inị ụnu.

Ezigbo Okukwe Ndị T̄esalonika

² Oḡen ile k̄e enyi gi a kpanm̄in Osolobue mak̄e ụnu ile, a kp̄o ẹfan ọn̄u oḡen ile enyi gha e m̄e ekpere. ³ Mak̄eni, oḡen ile k̄e enyi gi a nyanhan ụnu ebe Osolobue enyi w̄u N̄edi enyi rị. Enyi a nyanhan orun ọn̄u rị a run mak̄eni ọn̄u kweri ekweri lę ihiēn-oma ile ọn̄u rị e m̄e mak̄e ihiēn-osusuo ọn̄u nw̄e, lezi k̄e ụnu d̄on wuzokēnm̄e mak̄eni ụnu nw̄e olile-enya ebe Di-nwòn̄ni-enyi w̄u Jesu Kristi rị.

⁴ Umuné enyi h̄un rị Osolobue obi, enyi a maringh̄o ni Osolobue a horiguo ụnu nke-esi. ⁵ Mak̄eni, ozioma enyi zi ụnu egin̄i oku-ọn̄u suq̄ b̄ianị ụnu, kama, o gizi iken lę ihiēn Mm̄on-ns̄o e m̄e b̄ia; o n̄o ruchanr̄in ụnu akpakal̄i obi, wechanr̄in ụnu enya ni ezioku k'ō w̄u.

Eledē ohun suq̄: ụnu a maringuozi k̄e enyi d̄on bi oḡen enyi gi rị imē igunrun ụnu. Enyi bi ेrīra k̄en'ō r̄inị ụnu mma. ⁶ Ụnu ile n̄o k̄inrin enyi lę Onye-nwòn̄ni-enyi, gi ighogh̄o h̄un gha eka Mm̄on-ns̄o b̄ia nabanhān oku-Chuku—o suq̄'a n'o wehēni ụnu afunf̄n odata-oda. ⁷ Nke w̄u ni ụnu n̄o h̄enrin ihiēn ndị kwerini r̄isom̄e Masēdonia lę Akaya e leri. ⁸ Mak̄eni, oku Onye-nwòn̄ni-enyi a ghaguo eka ụnu ghagbari—eledē imē Masēdonia lę Akaya suq̄, a n̄uchanr̄inguo w̄e banyeni okukwe ụnu nw̄e imē Osolobue ebe ile—nke w̄u ni ɔrizin̄i mkpa ni enyi kum̄e e. ⁹ Mak̄eni, w̄e h̄u e ku oku enyi; w̄e h̄u e ku k̄e ọn̄u d̄on nabanhān enyi oḡen enyi gi b̄ia d'e zi ọn̄u ozioma. W̄e h̄u e kuzi k̄e ọn̄u d̄on gha ifee-mm̄on gbehut̄o d'e fem̄e ezigbo Osolobue h̄un rị nd̄un, ¹⁰ e che Nwa a h̄un k'a gha elu-igwee b̄ia. Nwa a, h̄un o gha ọn̄wun weli—ya w̄u Jesu, Jesu h̄un a zuofuhani enyi, amamgbe iwe-l̄e-ọn̄uma Osolobue h̄un lalan̄i e kunrun enyi.

Isi Nke Ēbụo

Orun P̄olụ W̄e R̄un Imē T̄esalonika

¹ Umuné, ụnu lę enwen ụnu a maringuo ni ijen enyi b̄ia ebe ụnu rị alani iwi. ² Ụnu a maringh̄o afunf̄n enyi ta imē Filipi lę k̄e w̄e d̄on gbe ifenren ye enyi ihun ebēh̄u ni enyi d'a b̄ia T̄esalonika d'e zi ụnu ozioma. Kanị, ọsuq̄'a ni w̄e kpokpo enyi odata, nd̄un agunị enyi, egun atunị enyi—mak̄eni enyi rị imē Osolobue enyi—enyi noz̄i zi ụnu ozioma Osolobue.

³ Enyi ezini ozioma ni enyi gi e dufie ihiān mōb̄u ni enyi chok̄o ihiēn zinlēni mōb̄u ni enyi gi e t̄unarin̄ ihiān ihiēn e. ⁴ Mba! Kama, k̄e Osolobue d̄on weri enyi k̄e ndị furu o gi e d̄on enya, bu orun izi-oziom̄a che enyi eka, ेrīra k̄e enyi e kuzi oku k̄e ndị furu w̄e gi e d̄on enya. Enyi ara ku n'o suq̄ ihiān—kama, enyi e ku n'o suq̄ Osolobue h̄un e lele obi enyi.

⁵ Osolobue w̄u osh̄eri enyi, kanị ụnu lę enwen ụnu a maringuozi—ni enyi egini oku a suq̄ni w̄e gi e dufie ihiān b̄ia, enyi egizikwoni enya-uku b̄ia—gi ihiēn oz̄o kpuru ihun!

⁶ Enyi emeni ni ihiān ja enyi mma—k̄e ụnu k̄e ndị oz̄o. ⁷ Ọsuq̄'a ni enyi nw̄on iken si ụnu ye enyi ihiēn runi enyi noz̄e ndị-oz̄i p̄u-ichēn Kristi, enyi emeni ेrīra. Kama, enyi gun agungun ụm̄ueka imē ụnu, e gi eka-alul̄ua e son ụnu noz̄e ebe nn̄e-omum̄ rị a zun ụm̄u a. ⁸ Mak̄eni ụnu rị enyi obi odata enyina, enyi n̄o kwadem̄ ni ele ozioma Osolobue suq̄ k̄e enyi k'e ye ụnu, kama, ni enyi k'e yezikw̄o ụnu enwen enyi, mak̄eni o suq̄ enyi asuq̄—mak̄eni ụnu a riguo enyi obi odata!

* Isi Nke Ohu:1 Sāilas̄i

⁹ Umunę, ụnu a nyanhanghọ kē enyi dòn a rụn ɔrun, a rụngbu enwèn enyi ogèn hụ. Enyi a rụn kē uhin hin kē efinnai, amamgbe enyi gha a wuru ni onyé ɔwule ibu imē ụnu ebe enyi rị e zi ụnu ozioma Osolobue.

¹⁰ Ụnu wụ ɔsheri enyi; Osolobue wuzikwo ɔsheri—ni enyi meson ụnu ndị kwerini omumē rị nsø, rị mma enya Osolobue lē omumē nwọnleni nkɔrjanị. ¹¹ Ụnu a maringhọ ni enyi gi eka nedì gi e sòn ụmu a sòn onyé ɔwule imē ụnu: ¹² a dun onu ɔdun, a gba onu umē, a riọ onu—ni ụnu e bi obibi furu Osolobue hụn kpo ụnu d'e sòn e nòdi imē Ali-eze e le ogho a.

¹³ Enyi a kpanminzíkwo Osolobue ogèn ile, ni, ogèn ụnu gi nabanhān oku-Osolobue ụnu nụ onu enyi, ụnu anabanhann'a kē oku ihiān, kama, onu nabanhān a kē ihien ọ wụ nke-esi—oku Osolobue; ya wụ oku-osolobue rị nwan ɔrun imē ndùn onu ndị kwerini.

¹⁴ Umunę, nke ụnu rizì kē nke ndị ụka risonmē Azụn Judia, alị ndị Ju—makeni, ụdi afunfún ohu hụ ụnu ta eka ndị alị ụnu kē wé le enwèn wé ta eka ndị Ju. ¹⁵ Ndị Ju, hụn gbu Di-nwònñi-enyi wụ Jesu Kristi lē ndị-amumà, chufuzikwo enyi. W'e mesonmē ihien ghaleni a sụo Osolobue; a luson onyé ɔwule—¹⁶ ghahanị igbondon enyi ezile ndị anị ozø ozi wé k'e gi nwòn nzuiorị! Eríra kē w'e me ogèn ile hụn wé gi e mejuń mkpu njø wé ile. Kanj, iwe-le-onyuma Osolobue e kunrunguọ wé nwan ikpazụnni.

Kē Wé Dahan Polu Wé!

¹⁷ Umunę, o me nke enyi, ekeré ogèn ahun enyi le ụnu gileni hụn, obi enyi hukwo ebe ụnu rị; kanj, makeni enyi ahunni ụnu elee-m, elee-i, o te rị enyi kē si enyi wụ ụmu wé latō. Ya kē ụnu nō dama enyi, dama enyi oda-oda! ¹⁸ Enyi te cho ni enyi biazi d'a hụn ụnu—tumadụ mmē nwèn wụ Polu: a nwanghọ m mgbe ole-le-ole ni m bia—kanj Ekwensu gbondon enyi.

¹⁹ Egheé, kī wuzi nwan olile-enya enyi? Kī wuzi nwan ighoghọ enyi? Kī wé k'e gi tu enyi ugón? Onyé kē enyi k'e gi nyan isi ihun Di-nwònñi-enyi wụ Jesu ogèn o k'e gi bia? Ele ụnu? ²⁰ Ezie, ụnu wụ ɔgho enyi le ighoghọ enyi!

Isi Nke Ēt̄o

O Rini Ụka Mma, Ndùn A Ban Ndị-isı Wé

¹ Mgbe enyi gileni nwan sazì eka din e, enyi nō si ni osuon'a ni enyi sụo k'a nòdi Atensi, enyi a nòdi. ² Enyi nō gwèrụ zi Timoti nwènè enyi hụn enyi le iya gba a rụnni Osolobue ɔrun izisomē ozioma Kraistị d'a gba ụnu umē, me ụnu zekènmē imē okukwe ụnu—³ amamgbe ukpokpo ndịnị gha e mèhunmē onyé ɔwule imē ụnu. Ụnu le enwèn ụnu a maringhọ ezioku-ezioku ni ukpokpo ndịnị wụ okeri enyi imē Kraistị. ⁴ Ezioku-ezioku, enyi gwatò ụnu ya ogèn enyi le onu gi rị uzò ohu, ni wé jenkö d'e kpokpo enyi. Ụnu le enwèn onu a maringhọ n'o mèolé nwan eríra. ⁵ Maké ukpokponi biañi ni ụnu, asazini m eka din. M nō zi ozi, ni m marin kē okukwe ụnu nō, makeni egun rị a tun m ni, ikenkwo, onyé-onyuwunwan a nwanguọ ụnu, ihien enyi rụn a la iwi.

⁶ Kanj, Timoti a ghaguo nwan ebe ụnu rị lụa; o wéheguo ni enyi ozi rị mma banyeni okukwe ụnu le ihien-osusuo ụnu nwè. O kuguozi kē ụnu dòn a nyanhan enyi ɔhunma-ɔhunma, kuzikwo ni enyi hụ a da ụnu—kē ụnu dòn a da enyi.

⁷ Umunę, ya wụ ni e giguo wé nwan okukwe ụnu gba enyi umē imē nsongbu lē ukpokpo enyi ile. ⁸ Ndùn a banguo nwan enyi—ebe o me ni ụnu turuhụ imē Di-nwònñi-enyi.

⁹ Euu, nanị kē enyi a dòn saékà kelegüụ Osolobue maké ụnu, maké ighoghọ ile enyi rị e nwòn ebe Osolobue rị maké owuzo ụnu wuzo imē Kraistị? ¹⁰ Enyi e mèshi ekpere ikèn uhin hin lē efinnai ni enyi le ụnu hùntari enya, keni enyi hụn uzò ye ụnu ihien ɔwule rị a kònị ụnu ebe okukwe ụnu rị.

Ekpere Polu Wé Meni Wé

¹¹ Chuku enyi wụ Nedi enyi le enwèn e ya dodo duhé enyi nwan ebe ụnu rị, iya le Di-nwònñi-enyi wụ Jizosị! ¹² Di-nwònñi-enyi ya mèzikwo ihien-osusuo ụnu bawaye uba egbata onu le ibe onu le egbata onu le ndị ozø ile—rìkè kē ihien-osusuo enyi nwòn ebe

unu rị gi a bawaye. ¹³ Ya mè obi unu zekemnè ebe iri-nsø rị, amamgbè unu gha e nwòn nkɔrjani ihun enya Chuku Nèdi enyi ogèn hụ Di-nwònñi-enyi wụ Jesu lè ndị nke e, ndị nsø a, k'e gi bia.

Isi Nke Eno

Obibi Hun A Suo Osolobue

¹ Umunè enyi, igi mèkin, enyi gi ẹfan Di-nwònñi-enyi wụ Jizos' a riọ unu: bisònme ni obibi hụ unu múnarín enyi ní 'ya a suo Osolobue usuo—obibi ahùn unu rị nwan e bi; bikènmè ni eríra. ² Makèni, unu a marìnguò iwù enyi gisònme ẹfan Di-nwònñi-enyi wụ Jesu ye unu.

³ Makèni, uche Osolobue wụ ní unu rị nsø; ni unu juchanrin ugheré; ⁴ ni onyè-onyè imè unu marín k'o dòn kwondon èhu a, dònme e nsø, mè e nwè mgbaye; ⁵ elè hụn imè-mgba e gi lagbu e enya lèkè ndị hụn marínleni Osolobue; ⁶ ni ihiyan ewerikò ihiyen nwènè e móbu megbu nwènè e imè ihienni. Enyi a gwagwù unu ya mbu, gba unu mkpìnsin-eka, ni Di-nwònñi-enyi e megwarikwò ụdị ihiyen ndịní ile. ⁷ Makèni, elè obibi ru unyin kę Osolobue kpò enyi d'e bi, kanj obibi rị ochan.

⁸ Ya wụ, onyè ọwule ju n'o gikò iwù ndịní bi, elè iwù ihiyan k'ọ ju, kanj nke Osolobue, bụ Osolobue nwèn e ye unu Mmón-nsø a.

⁹ O mè nke inwètarí ihiyen-ösüşuo nökè umunè imè Kraistí, o rìnì mkpa ní wè deni unu ihiyen ọwule. Makèni, Osolobue e gigwù eka a kuzi unu inwè ihiyen-ösüşuo ibe unu.

¹⁰ Ezie rọ ní unu hụ e nwè ihiyen-ösüşuo ndị ile kwerini rị Azùn Masedonia. Kanj, enyi rị a riọ unu, umunè, ni unu e mèkènmè eríra, ¹¹ ni unu a chòkènmèzi ni ní unu e bi obibi mè jùù, e bu enya e zimè orùn unu, e gi eka unu a lùru—rikè kę enyi dòn gwa unu mbu. ¹² Unu e gi e mè ndị kwerilèni a gbaye obibi unu, gi e hụn ní o nwònñi ihiyen a kònì unu.

Obibìja Jesu

¹³ Umunè, enyi chọ ní unu marín ihiyen k'e mè ndị rị ụran (ndị nwùnni), make unu gha a kwan kę ndị hụ nwònñleni olile-enya dòn a kwan. ¹⁴ Makèni, ebe o mè ni enyi kweri ní Jesu nwùn, lihizi, eríra kę enyi gizi kweri ní Osolobue k'e wekinhen ya lè ndị hụn kwerini n'e hụn rị ụran (ndị nke e nwùnhunni).

¹⁵ Ni enyi gwa unu ọnwan makèni oku Di-nwònñi-enyi rọ: enyi ndị hụn rị ndùn, hụn kelèni nwùnhun ogèn Di-nwònñi-enyi k'e gi bia, ebukonì ndị hụn rị ụran ụzọ d'e kunrun Di-nwònñi-enyi. ¹⁶ Makèni, o ru ogèn hụ, Di-nwònñi-enyi k'e gi okèn olu ku oku; wè k'a nü olu onyè-isi ndị mmón-ozi; opì Osolobue k'a han—Di-nwònñi-enyi wụ Kraistí a gha elu-igwee hidan; ndị nke Kraistí hụn ranhingunị e bugwù ụzọ gha ọnwùn lihi. ¹⁷ Ogèn hụ, wè k'a jùrù enyi ndị hòdùni, ndị ríkwò ndùn, cheni wè imè orukpu, enyi e shi elu d'e kunrun Di-nwònñi-enyi imè-elu—eríra kę enyi k'a dòn buru Di-nwònñi-enyi d'e sòn e nòdị jenrin ejen. ¹⁸ E gi ni nwan oku ndịní a kasí ibe unu obi.

Isi Nke Isen

Kwademè Ni Obibìja Jesu

¹ Kanj, umunè—o mè nke ogèn lè udu o k'e gi mè—o rìnì mkpa ní wè deni unu ihiyen ọwule. ² Makèni, unu lè enwèn unu a marìnguò ọhùnma-ọhùnma ní Uhùohin hụ Di-nwònñi-enyi k'e gi bia, o k'a bia idènmizi kę ohin a bia imè abali. ³ Ogèn hụ wè k'e gi rị a sị, “Uđon a rigwù! Nsòngbu arízi a!” ya kę ntikpò k'e gi kunrun wè idènmize, nökè ebe imè nō mémehù okpoho! Mwanahin arikozì a!

⁴ Kanj nke unu, umunè, ọnù arì imè ishi, hụn Uhùohin hụ e gi kunrun ọnù idènmize nökè ohin. ⁵ Makèni, ümù ukpè lè ndị e bi ebe eki rị enu kę unu wụ; enyi elè ümù ukinkin móbu ümù ishi. ⁶ Ya wụ, enyi aranhinkò ní kę ndị ọzọ; kama, ni enyi múnrun ní enya, ni enyi dònrin enya. ⁷ Makèni, uhinhin kę ndị a ranhịn ụran gi a ranhịn; uhinhin kę ndị a ra manya a tụ gizi a ra a tụ. ⁸ Kanj, ebe enyi wụ ndị e bi ebe eki rị elu, ni enyi dònrin ni nwan enya; ni enyi yiri okukwe lè ihiyen-ösüşuo kę ewuru igwe onyè-agha gi e gbondon

obi e, enyi e yiri olile-ṣenyā nzụopuhā nōkē okpu onyē-agha gi e gbonđon isi e. ⁹ Makēni, Osolobue etumēni enyi d'a narin afunfun iwe-lē-ṣonuma a; kama, o kpō enyi d'e nwɔnrin nzụopuhā ghahanị Di-nwɔnni-ṣenyi wū Jesu Kristi. ¹⁰ Makēni, Di-nwɔnni-ṣenyi wū Jesu Kristi nwụnni enyi ṣonwun kēni enyi hūn uzọ sōn e rī ndūn—kē enyi rī ndūn ogēn o gi bia kē enyi a nwụnhunguō.

¹¹ Ya wū, a gba nī nwān ibe ụnu umē—kē ụnu dōn rī e mē; e yēni ni ibe ụnu eka nī w'e sue—kē ụnu dōn rī e mē.

Ndūnmōđun Ikpazụn Lē Ekele

¹² Kanị, umunē, enyi rī a riō ụnu nī ụnu gbaye ndī rī a runshi ọrun ikēn imē ụnu, hūn e lepū ọnụ ᷄nya imē Di-nwɔnni-ṣenyi, a dūn ọnụ ọđūn. ¹³ E nwē ni ihiēn-osusuo wē, e gi ifiri e e ye wē mgbaye kachanrinni—make ọrun wē rī a run. Udōn ya riṣonmē egbata ọnụ lē ibe ọnụ.

¹⁴ Umuñē, enyi rī a dūn ụnu ọđunnī: a gba nī ndī nōđi mmaka mkpinsin-eka; a kasī nī ndī-ujō obi; e yēni ni ndī zelēni eka—ka gi ni ndidi e sōn onyē ọwule. ¹⁵ Hūn n'a n'o nwɔnni onyē ọwule imē ụnu e gi njō a kū njō, kama, a chō nī nī ụnu e mē ni ibe ụnu lē ndī ọzō ile ihiēn rī mma.

¹⁶ A ghogho nī ogēn ile. ¹⁷ E mē ni ekpere ogēn ile. ¹⁸ E ye ni ekele imē ọnōđi ọwule, makēni ṣonwan kē Osolobue chō eka ụnu imē Kristi wū Jesu.

¹⁹ Etinyünlē ni ihiēn Mmōn-nsō rī e mē. ²⁰ Elelialē ni amūma lē ozi ihiān sī Osolobue sī a zi—²¹ kama, e lele ni ihiēn ile, ụnu e kwonkēnme hūn rī mma. ²² Gba nī nī ụđi eje-ihiēn ọwule ọsō.

²³ Osolobue lē enwēn e, hūn udōn gha eka a bia, ya dodo dōnchanrin ihiēn ile rī imē ndūn ụnu nsō: ya dōnmēchanrin mmōn ụnu lē umē-ndūn ụnu lē ẹhụ ọnụ ọhunma—amamgbe ọnụ gha e nwōn nkoriānī ogēn Di-nwɔnni-ṣenyi wū Jesu Kristi k'e gi bia. ²⁴ Onyē hūn kpō ọnụ furu wē gi e dōn ᷄nya, o jenkō d'e mē e!

²⁵ Umuñē, e mē ni ni enyi ekpere!

²⁶ Dide ni umunē enyi ile odide rī nsō.

²⁷ M rī e gi ẹfan Di-nwɔnni-ṣenyi a sī ọnụ gunni ndī ile kwerini ẹhụhụo-ozini.

²⁸ Efoma Onyē-nwɔnni-ṣenyi wū Jesu ya noyenī ụnu.

Eb̄u-ozu Nke Eb̄o Polu Dejenni
Ndị T̄esalonika
Ndị T̄esalonika, Nke Eb̄o

¹ Polu le Sivanosị le Timoti de eb̄u-ozini. Enyi rị e dejenni ụka T̄esalonika h̄un rị imē Osolobue Nedi enyi le Di-nwɔnni-enyi w̄u Jesu Kristi ya. ² Efoma le udon h̄un gha eka Chuku Nedi le Nna enyi w̄u Jesu Kristi bia ya rịnị unu.

Osolobue E Dōnméké Ünu

³ Umunę, o furu efuru n̄i enyi gi ifiri unu a kpanmịn Osolobue ogēn ile, makēni okukwe ọn̄u rị e sue ọda-ọda, ihien-ɔṣṣuṣo onyē-onyē imē ọn̄u nw̄e ebe ibe e rị rizikwo a bawaye. ⁴ Ya hain enyi le enwēn enyi gi e gi unu a nyan isi imē ụka Osolobue ile rị ichen-ichen. Enyi gi unu a nyan isi makē owuzo unu wuzo le okukwe unu t̄o e nw̄on imē ukpokpo ile w̄e rị e kpokpo unu le nsongbu ile unu rị e dingbu.

Okinkin-ikpe Kraistī Wela

⁵ Ihien w̄e rị e mē unu rị a ghosi ni okinkin-ikpe Osolobue wela furu efuru. W̄e gizi nsongbu ndinị w̄e e mē unu a w̄urụ ndị ru ogo ibanye Ali-eze Osolobue h̄u unu rị a tanị afunfūn. ⁶ Ezioku r̄o, makēni, o furugho ni Osolobue we afunfūn yegwarị ndị ahun rị e ye unu afunfūn, ⁷ mē unu ndị rị a ta afunfūn zu ikēn-mezikwo enyi nw̄en zu ikēn. O jeniko d'e mē e ogēn Di-nwɔnni-enyi w̄u Jesu k'e gi gha enu-igwee bia-'ya le ndị mm̄on-ozi e h̄u kin-akwanran.

⁸ W̄e k'e gi ọkun rị e nwunni bia; w̄e k'e megwari w̄e ile marinleni Osolobue le ndị h̄un humeleni ni ozioma Di-nwɔnni-enyi w̄u Jesu isi. ⁹ Ndinị k'a narin afunfūn h̄un w̄u ntikpo itebite; w̄e k'a gha ebe Di-nwɔnni-enyi le ikēn o gi nw̄e ogho rị wepū w̄e—¹⁰ o ru Uhuhin h̄u—Uhuhin ahun o k'a bia keni ndị ns̄o a ye e ogho, keni w̄e ile kwerini jazikwo a mma n'ọ makazi. Unu le enwēn unu k'a rizi imē w̄e, makēni unu kweri oku e h̄un enyi gwa unu.

¹¹ Ya hain enyi gi e meni unu ekpere ogēn ile—a riọ Osolobue enyi n'o mē unu w̄urụ ndị k'a ghosi ni oku o kpo unu alanị iwi; enyi a riọzị a n'o gi ikēn e r̄unzuchanrin ihien-oma ọwule unu kwademē obi n̄i unu k'a r̄un—le ọrun ọwule unu gi okukwe a r̄un—¹² keni w̄e gi ifiri ihien w̄e rị a h̄un ebe unu rị ye ẹfan Di-nwɔnni-enyi w̄u Jesu ogho, gizi ifiri Jesu ye ọn̄u ogho—ghahanị efoma Osolobue le Di-nwɔnni-enyi w̄u Jesu Kristi.

Isi Nke Eb̄o

Onye Ahun H̄un A Danchanrin Iwu Ile

¹ Dodo ni umunę, o mē nke ọbịbia Onye-nwɔnni-enyi w̄u Jesu Kristi le owegbama w̄e jeniko d'e wegabama enyi ile d'e kunrun e, ² anilē ni obi nahinkenrin ọn̄u; anilē ni obi gbakama ọn̄u makē amumā mōbụ oku-ọn̄u mōbụ ekukwo-ozi ọwule—w̄e s̄i n'ọ gha eka enyi bia—h̄un s̄i n̄i Uhuhin Di-nwɔnni-enyi a biaguo.

³ Anikwole ni onye ọwule gi uzо ọwule dufie unu: Uhuhin h̄u abiajoko mmanị okēn nnupu-isi h̄u biaguo, e wefuhaguo w̄e Onye h̄u a danchanrin iwu ile—Onye h̄u a danchanrin iwu ile h̄un ntikpo rizikwo e che ya le enwēn e. ⁴ O k'a gha a luson mm̄on le iyi ọwule le ihien ọwule w̄e fe efe ogho; o k'e weshi enwēn e elu n̄i iya kachanrin w̄e ile, nke w̄u n̄i o k'a banyedē imē Ulo-ns̄o Osolobue, weri ocho, kpo enwēn e Osolobue.

⁵ Unu anyanhazinị n̄i m gwa unu ihien ndinị ogēn mm̄e le unu gi rị uzо ohu? ⁶ Ya w̄u, unu a maringho ihien gin'e—w̄e gileni ke wepūha a, n̄i w̄e rị e che n̄i ogēn e rugu w̄e kebe wepūha a.

⁷ Makēni ikēn h̄u e buhē idan-iwu a riguole nwan ọrun, gi nzuzue a r̄un ihien o rị a r̄un; o ke p̄uha ifon. Kanị, o k'e zuerih̄u d'e ru ni e wepū w̄e onye h̄u rị e gbondonn'e.

⁸ Ogēn h̄u, e wepūha w̄e Onye h̄u a danchanrin iwu ile—h̄un Di-nwɔnni-enyi w̄u Jizosị

k'e gi uzun gha a ọnụ p̄uha tikpopu. Di-nw̄onni-enyi k'e gi ogh̄o ya l̄e enw̄en e w̄u Di-nw̄onni-enyi gi b̄ia gbu e la iwi.

⁹ Obibia Onye h̄u a danchanrin iwu ile k'a w̄u eka-orun Ekwensu. O k'e gi ik̄en ile r̄i ichen-ichen l̄e ihiēn-ah̄ima l̄e ɔrun-atumēnya ichen-ichen w̄e gi e dufie ihiān b̄ia, ¹⁰ ya l̄e ụdi eje-ndufie ile r̄i ichen-ichen o k'e gi s̄on ndị h̄un lak̄o ntikpo, mak̄eni aninj̄i w̄e ezioku weri onodị imē obi w̄e, ezioku h̄un nk̄e a zuopuha w̄e; ¹¹ Osolobue k'e gi ifiri n'a juguo w̄e ezioku zih̄e ni w̄e ok̄en ndufie ah̄un w̄e jenko d'e dufie w̄e, h̄un k'e m̄e w̄e kweriyeni nt̄u. ¹² Osolobue k'e m̄e e k̄eni w̄e gi e ma w̄e ikpe, uw̄e ile gil̄eni ezioku don, kama, eje-ihiēn a ka w̄e a sūo.

W̄e H̄oṭo Ụnụ K̄eni Ụnụ Nw̄e Nz̄uopuha

¹³ Kan̄i, nke ụnụ, umun̄e enyi, ọnụ ndị Di-nw̄onni-enyi bu obi, enyi k'a gha e gi ifiri ọnụ e ye Osolobue ekele ogen ile. Mak̄eni, Osolobue h̄oṭo ụnụ isi-mbidon nōk̄e mk̄puru-ibuzo, k̄eni ụnụ nw̄e nz̄uopuha, ghahani odidon-ns̄o Mm̄on-ns̄o l̄e ik̄werini ezioku. ¹⁴ Onwan h̄aīn Osolobue gi nwan kp̄o ụnụ ghahani oziōma enyi zi ụnụ; k̄eni ụnụ nw̄ehēn ogh̄o Onye-nw̄onni-enyi w̄u Jesu Kristi. ¹⁵ Umun̄e, wuzok̄enm̄e ni nwan! Ụnụ e kwonk̄enm̄e ɔdinali ndị h̄un enyi kuzi ụnụ—k̄e h̄un enyi gi ọnụ kuzi k̄e h̄un enyi gi ekukwo-ozi kuzi.

¹⁶ Onye-nw̄eni-enyi w̄u Jesu Kristi l̄e enw̄en e l̄e Osolobue w̄u N̄edi enyi h̄un gi ihiēn-osusuo o nw̄e ebe enyi r̄i m̄eni enyi ogh̄unma ye enyi nk̄asi-obi itebite l̄e olile-enya r̄i mma, ¹⁷ dodo kas̄i nwan onye-onye imē ụnụ obi, m̄e obi ụnụ zek̄enm̄e, ebe oku-ọnụ l̄e ɔrun ɔw̄ule r̄i mma r̄i.

Isi Nke Ēt̄o

E M̄e Ni Ni Enyi Ekpere

¹ Umun̄e, nke ikpaz̄un r̄in'a w̄u ɔnwan: e m̄e ni ni enyi ekpere, n̄i oku Di-nw̄onni-enyi h̄un üz̄o ghagbari egwa; ni w̄e e ye e ogh̄o ebe ile—k̄e ụnụ don ye e ogh̄o. ² E mezikwo ni n̄i enyi ekpere ni Osolobue gbapuha enyi eka ndị eje-obi l̄e ndị eje-ihiān, mak̄eni ele ihiān ile kwerini Osolobue.

³ Kan̄i, Di-nw̄onni-enyi furu onye w̄e gi e don enya; o k'e m̄e ụnụ zek̄enm̄e, chedon ọnụ—mak̄e Eje-onye h̄u gha e m̄e ọnụ ihiēn ɔw̄ule. ⁴ Mak̄eni enyi a maringhōz̄i ihiēn Onye-nw̄eni-enyi k'a saeka m̄e, obi ru enyi al̄i n̄i ụnụ r̄i e m̄e ihiēn ndị enyi si ụnụ m̄e, ni ụnụ k'e mesonm̄e w̄e.

⁵ Di-nw̄onni-enyi ya dodo du obi ụnụ ile n̄i ụnụ gh̄ota ihiēn-osusuo Osolobue nw̄e l̄e ok̄en-ndidi Kraist̄i, e nw̄ezikwo w̄e.

Ak̄utopukwole Ni Eka

⁶ Umun̄e, enyi gi nwan ẹfan Onye-nw̄eni-enyi w̄u Jizos' Kraist̄i e ye ụnụ iwuni: ụnụ l̄e onye Itu-Kraist̄i ɔw̄ule k̄utopu eka h̄un nke o gi bi k̄e enyi don gwa ụnụ akpakwole.

⁷ Mak̄eni ụnụ l̄e enw̄en ụnụ a maringhō n̄i o furu n̄i ụnụ k̄inr̄in enyi. Enyi ak̄utopun̄i eka oḡen enyi l̄e ụnụ gi r̄i üz̄o ohu; ⁸ enyi anarinn̄i onye ɔw̄ule ihiēn-oriri b̄u enyi akun̄i ugwo. Enyi a r̄un ɔrun a r̄ungbu enw̄en enyi uhinhin l̄e efinnai, amamgbe enyi a w̄urun̄i onye ɔw̄ule imē ụnụ ibu. ⁹ Elekw̄o n̄i o runi enyi; mba, ihiēn runi enyi r̄o. Kan̄i, enyi m̄e er̄ira k̄eni enyi gh̄osi ụnụ ihiēn ụnụ e leri e bi. ¹⁰ K̄e oḡen enyi gid̄e r̄i imē igunrun ụnụ, enyi ye ụnụ iwuni: "Onye ju n'o r̄unko, y'e rile."

¹¹ Kan̄i, enyi a n̄uguo n̄i ndị h̄u imē ụnụ k̄utopu eka, e busonm̄e eka e che ɔrun ruleni w̄e; o nw̄onni ihiēn w'a r̄un. ¹² Enyi gi ẹfan Onye-nw̄eni-enyi w̄u Jesu e ye ndị no er̄ira iwu, a dun w̄e ɔdun: w̄e nw̄e ihiēn eka k̄uma w̄e; w̄e gi eka w̄e a l̄ur̄u ihiēn w̄e e gi bi.

¹³ Umun̄e, nd̄un imē ihiēn r̄i mma y'a gukw̄ole ụnụ.

¹⁴ Onye ɔw̄ule gbayeleni ihiēnn̄i enyi r̄i nwan e deni ụnụ, ụnụ a k̄oma a enya, gban'a ɔso—k̄eni ifenren m̄e e. ¹⁵ Ewerikwole n'a k̄e enenren, ka a gba n'a mk̄piñsin-eka k̄e nw̄enē ụnụ.

Oku Ik̄paz̄un

¹⁶ Di-nwɔnni-enyi l̄e enwèn e, onyè hùn udòn gha ẹka a abia, ya ye ọnù udòn ogèn ile l̄e uzò ile. Di-nwɔnni-enyi ya nøyeni ọnù ile.

¹⁷ Mmè wù Pòlù gi ẹka m e de ekeleni. Ọnwan wù mbiye-ẹka m, ẹniña k̄e m'e biye ẹkukwo-ozi m ile ẹka.

¹⁸ Efòma Nna enyi wù Jesu ya rịní ọnù ile.

Ekukwɔ-Ozi Ibuzo Polu Dejenni
Timoti
Timoti, Nke Ibuzo

¹ Mmè wu Polu de ekukwɔ-ozini; m wu onye-ozi pu-ichen Kraistij Jizosij. Osolobue wu Onye-nzuopuhha enyi le Kristi wu Jesu onye enyi gi don enya tumé m. ² M ri e dejenni Timoti wu nwa m esi imé okukwe. Efoma le omiken le udon hún gha éka Chuku-Nédi le Jesu Kristi Nna enyi bia ya ríñi i.

Mkpinsin éka Banyeni Eje-nkuzi

³ Ndi nwani Efesosi kę m don gwa i ogen m gi jenkö Masédonia, keni i gwa ndi hú rí a kuzi ihién wuleni ezioku w'a kuzizile ihién ndi hú wé rí a kuzi; ⁴ w'e gonzièle ntin akikò nwónleni isi le itu-mpupu ihién hún w'e tusonmè hún nwéleni njédenmè—makeni ihién ndiní e mè ihian a masonmè omúma nwéleni ali hún nké o gi yeni ihian éka bi obibi okukwe hún Osolobue cho. ⁵ Ihién hajin i k'e gi gwa wé eríra wu ni ihian hún uzó gi ihién-ösusuo e bi—ihién-ösusuo hún gha obi rí mma le ihorí rí mma le okukwe gha akpakali obi puhá. ⁶ O nwéolé ndi lató ihién ndiní, kpahu, sonmè oku nwónleni isi. ⁷ Wé cho ni wé wúru ndi nkuzi Iwu Mozizi, bu aghotaní wé ihién ndi wé rí e ku móbu ihién ndi wé rí e ku oku wé—e ku, a du éka obi.

⁸ Enyi a maringhó ni Iwu rí mma—oméni ihian a maringhó gi e mè ihién wé gi ifiri e ye Iwu. ⁹ O furu ni ihian ghota ni élé ifiri ndi ezi-omumé kę wé gi ye iwu. Kama, wé gi ifiri ndi a dan iwu le ndi e nupu-isi ye e, uwé le ndi ghaleni e fe Osolobue le ndi e mè njó, ndi e mè ihién runí le ndi e lelia ihién rí nsó, ndi e gbu nedi wé móbu nné wé le ndi izighe. ¹⁰ Wé yezi e maké ndi ughére, maké ikennyé hún e mésón ikennyé mgba le ikpoho hún e mésón ikpoho mgba, ndi e re ihian le ndi e nón ihian, ndi-ntu, ndi a shia éri-ntu le ndi e mè ihién ndi ozó ówule wé le ezigbo nkuzi ghaleni a dangbama. ¹¹ Ezigbo nkuzini rí imé ozioma hún Osolobue, Onye hú ríchanrin mma, buche m éka.

Ikele Chuku Makéni O Mè Ebere Nabanhán Enyi

¹² M rí a kpanmin Kraistij wu Jizosij Di-nwónni-enyi hún ye m ikéni m gi rí a run ɔrun, makeni o weri m nöké onye o gi don-ényi, we m ɔrun, ¹³ ɔsúon'a ni m te kuto a, kpokpo ndi nke e, gi éka-ikéni son wé. Kaní o nö mè ebere m, makeni amarin m ihién m rí e mè ogen ahún, m'e ke kwerizikwó ogen ahún. ¹⁴ Di-nwónni-enyi nö gi éka rí mma son m, mè ni m omiken odata-odata, wezi okukwe le ihién-ösusuo rí imé Jizosij ye m odata-odata. ¹⁵ Okuni wu ezioku hún furu w'a nabanhanchanrin: ni, "Kraistij wu Jizosij bia imé úwa d'a zuopuhha ndi njó"—hún o mè ni mmé kachanrin njó imé uwé ile.

¹⁶ Kaní, ufiri e kę Osolobue gi meni m omiken, mmé hún kachanrin njó e mè, keni Kraistij wu Jizos' hún uzó gi m ghosíchanrin ndidi zu oke, gi m mè ihién nleri, keni ndi ozó, hún k'e kweri n'e gi e marín ni wé le enwen wé jenkö d'e nwón ndun itébité.

¹⁷ Eze Itébité kę Osolobue wu! Eze Ghaleni a nwún! Onye wé ghaleni e legha énya! Chuku ohu suó ríñi! Mgbaye le ogóho ya ríñ'a jenrin ejen! Iséé.

Gi Oku Osolobue Lé Ihorí Rí Mma Lúní Osolobue Ogún

¹⁸ Timoti nwa m, m rí e ye i iwu ndiní nöké kę amuma ndi wé busonmè banyeni i mbú don ku, keni i saéka gi ihién wé ku imé amuma ndi ahún lú ogún hú rí mma, ¹⁹ e kwónkénmè okukwe le ihorí rí mma. O nwéguo ndi lató ihorí wé, sukopuhha okukwe wé.

²⁰ Himéñosi le Alezanda rí imé wé. E wegúo m wé ebúo ye Ekwensú n'o mè wé ihién, keni wé marín kubehi arú.

Isi Nke Ebúo

Ifé Ofufe Imé Üka

¹ Igi bidon nwan, m sị onu a rịosonmení ni ihiyan ile Osolobue; e mení ni wé ekpere; a riòdonni ni wé; e gi ni ifiri wé a kpanmin a, ² e mèzini ni ndí-nze lè ndí ile rị isi-ókíkí ya, keni ényi hún uzó e bi obibi mè juú, e gi udon e bi, e bi obibi ndí e fe Osolobue, e yetari mgbaye. ³ Makéni ụdi ekpereni rị mma, wúzíkwo ihién a sụo Osolobue wú Onye-nzúopuhá ényi usúo, ⁴ makéni Osolobue chọ ní onyé ọwúle nwón nzúofuhá, marínzíkwo ezioku.

⁵ Makéni,

Osolobue ohu sụo rị;

Onyé ohu sụo rizikwo

hún e wegßama Osolobue lè ihiyan.

Onyéni wú Kraist wú Jizosí

hún wúzíkwo ihiyan;

⁶ hún we enwén e ye,

kení o wúru ihién w'e gi gba-puhá ihiyan ile—

Osolobue a shiaguo éri banyeni ihiénni ogé furuni.

⁷ Wé tumé m onyé e zisónímé ozi ihiénni lè onyé-ozi pú-ichéen lè onyé a kuzi ndí aní ndí ozo wúléní ndí Ju okukwe lè ezioku. M rị e ku ezioku, arí m a tū ntú!

⁸ Ya wú, m chọ ní ikénnye rị ebe ọwúle hún a ní wé e mè ekpere. Wé gha a kíshi éka ekpere elu, ya wúrukwo éka rị nsó, elekwo hún wé gi iwe lè ndondó mérú.

⁹ M chozikwo ní ikpoho e gi uche e kén ekiken: w'e yile ihién e mè ifénen, w'e yi ihién furuni. Ekiken wé y'e mèlé ichó ntutu mma, móbü iyi goru móbü ihién-mma móbü ékwa ndí ñanranní. ¹⁰ Kama, w'e gi ɔrun-oma e kón ekiken—k'o furu ní ikpoho ndí rị e fe Osolobue, a tū egún e, e me.

¹¹ Wé gha a kuzi, ikpoho w'a gba-nkíntin, e góñ ntíñ ihién wé rị a kuzi, wé wechanrin enwén wé che okpuru. ¹² M sị ikpoho* y'a kuzile; y'a kílè okennye; y'a gba nkintin.

¹³ Makéni Adam' ké wé buzo ke ní wé d'e ke Iwu; ¹⁴ e dufieni wé Adam', kama, ikpoho ké wé dufie, o nō wúru onyé njó. ¹⁵ Kaní Osolobue jénkó d'a zuofuhá ikpoho amamgbe isi wé a tó nsongbu rị ɔmumú nwa, ka sị a mení e bisónmégħo wé imé okukwe, ihién-osusúo lè iři-nsó, e kwondón enwén wé.

Isi Nke Etọ

Ndí-isi Ụka

¹ Okuni w'e ku wú ezioku, ní, “Onyé ɔrun onyé-isi Ụka n'a dù, ɔrun rị mma k'o chọ nō rún.”

² Ya wú, onyé-isi Ụka k'a wúriri onyé nwónleni nkóriani. O k'a wúriri onyé nwón nwunye ohu sụo; onyé e kwondón enwén e; onyé nwón uche; onyé nwón mgbaye. O k'a wúriri onyé ma nabanhán ndí Ọbi; onyé ma kuzi ³ O mèkó onyé-manya móbü onyé éka-ikéen, kaní onyé e mè nwayo; ele onyé-ikpe móbü onyé egho a sụo. ⁴ O k'a wúriri onyé hún e ri-éka a kí ikpun-uló a Ọhúnma, a hún a ní ụmú a hú e humé isi, a gbaye ihiyan uzó ile. ⁵ Makéni, oméni ihiyan a saní éka kí ikpun-uló a, naní k'o dòn lepù Ụka Osolobue énya? ⁶ O wúkó onyé rogharí nke Ọhún, onyé sonmè uzó Kraistí nke Ọhún, amamgbe o honronma bú o nwónni ihién o marín, ikpe ma Ekwensu a ma a. ⁷ O k'a wúzíriri onyé ndí rị ogbe e ku oku e Ọhúnma, amamgbe o danban onyan Ekwensu, fa.

Ndí-ɔrun Ụka

⁸ Eríazíkwo, ndí-ɔrun Ụka k'a wúriri ndí ghaleni e gi ihién wé buche wé éka e gu egú; awúkó wé ndí irenai; awúkó wé ndí okéen-manya móbü ndí egho rị énya. ⁹ Wé k'a wúriri ndí e kwonkénmé ihién ndí ahún miní rị ofufe-Kraistí, wúrúzikwo ndí ghaleni e mè ihién obi gi e gbu wé mgbu. ¹⁰ Wé k'e buríri uzó lelegü wé. Oméni enwón wé nkóriani, wé rúnma ní Ụka.

* Isi Nke Ebụo:12 nwunye ihiyan

¹¹ Erirazikwø, ikpoho wé k'a wúriri ndí nwón mgbaye; awukó wé ndí-nkuto. Wé k'a wúriri ndí enya dón, eélé ndí okén-manya; wé k'a wúriri ndí w'e gi e dón enya imé ihién ile.

¹² Ndí-ørún úka k'a wúriri ndí nwón nwunyé ohu suó; ndí a kí umú wé lè ikpun-úlo wé ohúnma. ¹³ Ndí hún rún örún-úkaní ohúnma k'e wéhé ni enwén wé ezigbo éfan, ya wú örún k'e mézikwø obi rukénmé wé alí imé okweri wé kwerini Kraistí-Jizosí.

Okukwe Enyi Emike!

¹⁴ M bu é obi ní m lala d'a hún i egwa. Kani, m rí e de ni i ihién ndíni ¹⁵ keni, oméni m bie d'a bía, ní marín k'o furu ní ihián e bi imé ikpun-úlo Osolobue, úka Osolobue, Osolobue hún rí ndún. Úka a ní wú iyeto lè idén hún gi ezioku.

¹⁶ W'a rú úka a, ihién ahún enyi kweri e miké; ihién ahún mini wú banyeni:

Onye* ahún gi éhú púha;

o no ghosí ní iya ró nke-esi
ghahaní Mmón-nso;

ndí mmón-ozi a húngó a.

Ihián e zisónmégú ozi é alí ichen-ichen;

e kwerigú ozi w'a imé úwa.

O gi ogó lashí elu-igwee.

Isi Nke Eno

Eje-nkuzi

¹ Mmón-nso e kupúgú o n'o ru ogé ikpazuún, o nwé ndí k'a lató okukwe-Kraistí, sonmé mmón ndí hún e dufieni lè ihién eje-mmón rí ichen-ichen a kuzisonmé, ² ebe wé n'e són nkuzi ndí-ntú lè ndí ihunnai ihorí wé nwungú noke sí wé gi igwe-ókun dagbu é. ³ Wé k'a kuzimé ihián w'a lúlè di-lé-nwunyé. O nwéghozí ihién-oriri ndí wé k'a sí wé sôma, ihién-oriri Osolobue ke keni ndí hún kwerini, hún marín ezioku, hún úzo e ri, e ye é ekele. ⁴ Ihién ile Osolobue ke rí mma, o nwónni hún w'a ju, ka sí a mè ni wé gi ekele narín a, ⁵ makéni oku Osolobue lè ekpere e dón é nsó.

Ezigbo Odibo Jesu Kristi

⁶ I gwa umuné enyi imé okukwe ihién ndíni wé, ya wú ní i wú ezigbo onye-ørún Kraistí-Jizosí, hún wé gi ihién ndí rí imé okukwe-Kraistí lè ezigbo nkuzi hú i rí e són zun.

⁷ Lató ilu ndí ahún nwéleni erere o ban ebe ihién Osolobue rí, hún ndí marínleni ihién gi e dón. Kama, e gi ihién Osolobue a zún enwén i. ⁸ Makéni, w'a sí, "Erere húogóhó izún éhú ihián, kaní igí ihién Osolobue a zún enwén ihián ké erere ka a rí úzo ile, makéni w'e ri erere é imé ndúnní lè imé ndún lalaní." ⁹ Ezioku ró, o furu ní wé nabanhán a ohúnma-ohúnma. ¹⁰ Ya hain enyi gi a rúngbu enwén enyi, a lúgbu enwén enyi, makéni enyi gi Osolobue rí ndún dón-enya, Osolobue hún wú Onye-nzúopúha ihián ile—túmadú ndí kwerini.

¹¹ A gwa wé ní wé k'e méríri ihién ndíni, a kuzi wé ya. ¹² Aníkwolé onye ówúlé legber'i ní wú nwata. Ka wúru onye ndí kwerini e leri oku-ónu a, obibi é, ihién-óssusó a, okukwe e lè k'o donmè obi é óchan. ¹³ M gini d'a bía, hún a ní i hú a gunpúha Ekúkwó-nso ebe ihián ile rí, e gi oku-Chuku a kpasu mmón wé, a kuzi wé ogéen ile. ¹⁴ Alatókwolé oyiyé hún rí imé i, hún Osolobue ye i ogéen hú wé gi bu amúma banyeni i, ndí-isí úka nò bu éka kwasi i.

¹⁵ Hún a ní i hú e mè ihién ndíni ile; wechanrin enwén i che imé wé, keni ihián ile hún a ní i hú e mè wé ohúnma, a rúnpúha ihién rí'n'a. ¹⁶ È leban enwén i lè nkuzi i enya; e mésomné ihién ndíni wé. Makéni, i gha e mè wé, i sikó d'a zuofúha ké enwén i ké ndí rí e góñ i ntin.

* Isi Nke Etq:16 Ndí Kolosi 1.26-27; 2.2

Isi Nke Isen

Eka W'e Gi E Son Ndị Rị Ichẹn-ichẹn Rị Ụka

¹ Aganlę okennye-oba, ka gi mgbaye gwa a oku lękẹ onyę rị a gwa nedi e oku; a gwa ikennye rị ibe anị oku lękẹ umunę-ikennye; ² a gwa ikpoho-oba oku lękẹ onyę rị a gwa nnę e; a gwa ikpoho rị ibe alị oku lękẹ umunę-ikpoho—ka dönmęchanrịnkwo enwèn i ọchan.

³ E lepụ ndị di wę nwụn hụn nwéléni eyemeka nke-esi ẹnya, n'i gi e tu ni wę ụya. ⁴ Omęni okpoho di e nwụn e nwonghọ umu, mọbu umu-oye, ndịnị wę mürüngüde ke wę don a run ihiẹn furu ni wę runnị ndị ezi-le-ulọ wę, e gi eka wę rị e yeni ndị munị wę a kükibelu wę ugwo, makeni iya a suọ Osolobue. ⁵ Nke okpoho di e nwụn hụn wụ ogbennye nke-esi, hụn nwonleni onyę ọwule, o k'a rị e gi Osolobue e don ẹnya, e mesonmę ekpere, a riọ Osolobue uhinhin le efinnai. ⁶ Kani, hụn rị e bi obibi ẹhụ-ufu anwụnhunguole—osuon'a ni ọ rị ndịn. ⁷ Hụn a ni y'e yezi wę iwu ndịnị amamgbe wę a wụrụ ndị nwọn nkorianị. ⁸ Onyę ọwule ghaleni e lefụ ndị nke e ẹnya, tümüz ikpun-ulọ a, a jujuo okukwe-Kraistị, onyę ahụn ka onyę kwerileni njo.

Ikpoho Di Wę Nwụn Hụn Ụka Jẹnkọ D'e Lepụ Ẹnya

(Orun Ndi-Ozi 6.1; 9.36-39)

⁹ Okpoho di e nwụn hụn ruguu ahua ögün eto mọbu kari suọ ke wę jẹnkọ d'a gunye ikpoho di wę nwụn hụn ụka jẹnkọ d'e lepụ ẹnya; o k'a wúrirí onyę lükarieleni di ohu.

¹⁰ O k'a wúrirí onyę wę gi orun oma o rúnsonmę marin: ya wụ, n'o zụngħo umu; n'o nabanhangħo ndị obia; n'o fegho ndị-nke Osolobue, chanchanpu wę unyin ükü; n'o yegħoni ndị rị nsongbu eka; n'o gigho enwèn e kwani orun oma uzqo ile.

Ikpoho Di Wę Nwụn Hụn Keleni Ka Egédi

¹¹ Ka ekwerile gunye ikpoho di wę nwụn hụn keleni ka egédi. Makeni, ihiẹn a gun ẹhụ nwę iken ban egbata wę le Kraistị, a choma wę ni wę lürü di. ¹² Ogēn hụ ikpe a ma wę makeni e tikpoguole wę nkwa ibuzo wę kwe.

¹³ Wezukadę oğun, o ru, a munrun wę eka-nkutopu, a gha uno-unlo. Elede eka-nkutopu suọ, a si si-si-si, e busonmę eka e che orun ruleni wę, e kusonmę ihiẹn furuleni ni wę ku.

¹⁴ Ufiri ɔnwan, ndunmودun m wụ: ikpoho di wę nwụn hụn keleni ka egédi wę lürü di, wę mu umu, wę e lepụ ikpun-ulọ wę ẹnya—amamgbe eñenren a hụn oghere o gi kuja oku ẹnyi. ¹⁵ Makeni, ndị hụ imē ikpoho ndịnị wę a kpahuguole, sonmę Ekwensu.

¹⁶ Okpoho ọwule kweri ni Jesu hụn ndị di wę nwụn wụ ndị-igbennye nke-esi rị ikpun-ulọ wę, ya yeni wę eka, makę ụka gha e bu oken ibu—keni ụka hụn uzqo saeka e yeni ndị ahụn di wę nwụn hụn nwéléni onyę e yeni wę eka nke-esi eka.

Eka Wę Gi E Son Ndị-isi Ụka

¹⁷ Ndị-isi ụka rị a kị ohunma ru w'e ye oğho le ugwo-orun furu w'e ye ndị-isi—uzo ebuo, tümüz ndị rị a gbakenmę ebe iku oku-Chuku le ikuzi n'e rị. ¹⁸ Makeni, Ekukwo-nso si, “Ekenmęle efin ɔnụ ebe ọ rị a zokpọ ọka,” sizi, “Onyę-orun e furughọ hụn w'a kụ ugwo-orun a.”

¹⁹ Wę kinghosị i ihiẹn ọwule banyeni onyę-isi, egikwolę e don, mmanị madu ebuo mọbu eto puhu ɔsheri. ²⁰ Nke ndị hụn e mesonmę njø, jugbọ wę id'ẹnya ihiān ile, keni egun hụn uzqo tuma ndị hodunu.

²¹ M rị a gba i mkpiñsin-eka id'ẹnya Osolobue le Kraistị wụ Jizosị le ndị mmɔn-ozi nsɔ: e dönmę iwu ndịnị; egbeyekwolę ni onyę ọwule; elekwolę ihiān ẹnya ihun.

²² Ahuhukwolę bu eka kwasi onyę ọwule tumę e onyę orun-uka, bụ y'e leban n'a ẹnya ohunma. Kpachanfu ẹnya amamgbe y'e bi eka ye njø ndị ozqo me; dönmę enwèn i ọchan.

²³ Arazile mirin suọ, kama, a rari erekere manya makę ufiri efọ i le makę emu hụn a kụ n'i mbu-le-ebuo.

²⁴ O nwę ndị njø wę a puhachanrịn ifon, a ma wę ikpe wę kebe kinmę wę ikpe, kanị nke ndị ozqo, njø wę a ra fuhu ifon egwa, kanị ọ hụ e son wę, wę kingụ wę ikpe ọ puhu ifon.

²⁵ Erira ke ɔrun ɔma donzikwo a puhachanrin ifon. Osuoden'a n'o ke puhachanrin ifon, o zueriko jenrin ejen.

Isi Nke Isin

¹ Ndị ile wu igbon mobu odibo eka ihiyan we weri ndị we ri okpuru we ni e rugho we ogo mgbaye, a gbayechanrin we—make ihiyan gha e kuto ɛfan Osolobue le ihien enyi ri a kuzi.
² Emeni ihiyan ri e fe onye kwerini, y'e benuakwole mgbaye o ye e makeni we wu umune imē okukwe. Kama, ya fedę e kari, makeni onye ri e ri erere ɔrun a wu onye kwerini le onye ri Osolobue obi.

A kuzi we ihien ndinji, e nu we e me we.

Eje-nkuzi Lẹ Ihiyan E Buhen'e

³ Onye ɔwule hun a kuzisomme ihien ozø wuleni ezioku, onye hun ghaleni e kweye ni oku ndị hụ zu oke Onye-nwени-enyi wu Jizos' Kraistị ku le nkuzi furu ofufe Osolobue, ⁴ rihụ a pache; o nwɔnni ihien ɔ marin. Adudu ido-ndondò le iru-uka mkpuru-oku wu nsongbu e. Eje-adudunị e buhe iwe-nyen, ikpe, nkuto, inyonsomme-ihiyan onyinyon rileni mma ⁵ le idosomme ndondò—hun o meni o nwé ndị e men'e. Uche ndị no erira arị mma; ezioku a nahingwo we. We ri e ro ni ife Osolobue wu uzø we gi e nwé erere. [Esɔnkwole ndị no erira a kpa.]

Ezigbo Akụ-le-uba

⁶ Ifedę Osolobue wu erere hi-ogbe nke-esi omeni ihiyan a ni ihien o nwé jun e efo. ⁷ Makeni, o nwɔnni ihien enyi wehé imē ụwa, o nwɔnzikwonị ihien ɔwule enyi jenko d'e weri imē e enyi pukonị. ⁸ Ya wu, o mehụ ni enyi e nwɔngho ihien-oriri le ekwa*, ya jun enyi efo. ⁹ Kani, ndị ri a cho ni we hi ọdafin a danbansomme imē onwunwan; egun ri ichen-ichen nwɔnləni isi a nwundon we ke ɔnyan—egun ri ichen-ichen hun a ru ihiyan ehụ, a do ihiyan e ye imē iwi le ntikpo. ¹⁰ Makeni, ekipiri-egho wu mkpogun ụdi eje-ihien ile gha a suepụha. O nwégho ndị ghagwu imē okukwe kpahu ebe ihi-ọdafin n'a du we, mesonme ihien bu odata gi e gbusonme we mgbu.

Ndumodun Rịnị Onye-ɔrun Osolobue

¹¹ Kani, iju wu onye nke Osolobue, na ihien ndinji ile to. Chumma ezi-omumé Osolobue cho, ife-Chuku ɔhunma, okukwe, ihien-ɔsusuo, ndidi le imē-jụ. ¹² Lu ezigbo ɔgun ahun okukwe enyi cho, y'e kwonkemé ndun itebite hun Osolobue gi ufiri e kpɔ i, hun i gizi ifiri e no id'enyia ndị bu odata ku e n'i kwerichanrin ni Jizosi. ¹³ Ihun enya Osolobue hun e ye ihien ile ndun le Jizos' Kraistị hun no id'enyia Pontus' Paileti ku ezioku, kwerichanrin n'o wu Onye o wu†, m sị i ¹⁴ donmèchanrin iwuni; enwɔnkwole ntupø mobu nkɔrjanị ebe i n'e domme e d'e ru obibia Onye-nwени-enyi wu Jesu Kristi. ¹⁵ Obibia Jesu, hun Osolobue jenko d'e me n'o mezu ogen furuni. Osolobue, Onye hun rìchanrin mma, Onye ya suø wu Eze nke-esi, Eze ndị-nze le Nna ndị-nna; ¹⁶ Iya suø wu onye ghaleni a nwun; Onye hun bi imē ukpere we ghaleni a saeka a nökunme; Onye ihiyan leghatulenı bu asako we eka legha a! Mgbaye le okiki itebite ya rịn'a! Isẹe.

Ihiyan We K'a Kuzi Ndị-ịdafin

¹⁷ Nke ndị wu odatain imē ndunnị, gba we mkpiñsin eka, sị we a pachele mobu gi akụ-le-uba dọn enya, akụ-le-uba hun ghaleni a to. Ka we gi Osolobue dọn enya, iya wu onye hun e yesonme enyi ihien ile, e yekwasị, keni efo hun uzø a suø enyi usuo. ¹⁸ Sị we mesonme mma, a wu odatain ebe iru ɔrun-ɔma ri; we a ha-eka, we wuru ndị a cho ni we yebeye ndị ozø ihien—¹⁹ e gi uzoni e dommetoni enwen we akụ-le-uba wu akụ-le-uba nke-esi, e gi e e gbetoni enwen we ezigbo iyeto make ogen hụ lalanị, keni we hun uzø kwondon ndun hụ wu ndun nke-esi.

* Isi Nke Isin:8 le ebe enyi e buche isi † Isi Nke Isin:13 Jọn 18.33-37

²⁰ Euu, Timoti, kwonkènmekwo ihièn wé buche i èka-o; latòkwó oku ndí ahùn nwéléni erere ọ ban ebe ihièn Osolobue rí lè oku rijunleni ẹfò wé rí a kpò, “Amamihien” bụ elè ya.
²¹ Makèni, o nwègùo ndí ghagùù imè okukwe-Kraistí kpapú, ebe wé n'e sòn ya wú ihièn. Efòma Osolobue ya rí ní ụnụ ile.

Ekukwó-Ozi Nke Ebwo Pólú Dejenni
 Timoti
 Timoti, Nke Ebwo

¹ Mmè wú Pólú de ekukwó-ozini. M wú onyé-ozi pú-ichén Kraistí wú Jizosí makéni uche Osolobue ró. Wé tumé m onyé-ozi pú-ichén d'a rún ɔrun w'e gi mè nkwa Osolobue gha—nkwa ahùn o kwe n'o k'e ye ndùn imé Kraistí wú Jizosí. ² M rí e dejenni ezi nwá m wú Timoti: efoma, omiken lè udòn, hún gha éka Chuku Nédi lè Kraistí wú Jizosí Di-nwónnni-ényi bia ya ríni í.

Pólú E Kele Osolobue, O Gba Timoti Umé

³ M rí a kpanmín Osolobue, hún m gi obi rí ɔchan e fe nòké ké ndí nèdi m kaní dòn gi obi rí uchan fe é. M'a kpanmín a m gha a nyanhan í ogéen ile imé ekpere m—ké uhin hin ké effinnai.

⁴ M gha a nyanhan énya-mirin i, o hú a rí m ní m hún í, keni ighogho jun m obi. ⁵ M rí a nyanhan okukwe i hún gha akpakali obi i púha; okukwe ohu hú hún bu uzó rí imé nne-i-kaní wú Loísí le nné i wú Yunisi, hún m marin n'o rizikwó nwan imé i. ⁶ Ufiri é, m rí a nyanhan n'i n'i fúnwun oyiye Osolobue hún rí imé i, hún Osolobue ye i ogéen m gi bu éka kwasi í. ⁷ Makéni, Osolobue eyeni ényi mmón egún, kama, mmón ikéñ lè ihién-óssusúo lè ikwondón-enwen-ihian k'o ye ényi. ⁸ Ya wú, emékwolé nwan ifénen iku oku Onyé-nwónnni-ényi, emézikwolé ifénen mmé nwén hún gi ifiri é rí imé ngan. Kama, gi ikéñ Osolobue ye i tarí afúnfun nke i hún ozioma e gi gha ihun.

⁹ Osolobue wú onyé zúopuhá ní ényi, kpo ényi oku rí nsó. Ele ɔrun-oma ényi rún hain o gi kpo ényi, kaní makéni érirá k'o chò n'o mè e lezi maké ifiri efoma a hún o mè ni ényi imé Kraistí wú Jizosí' ní úwa d'e bidòn—¹⁰ o nò nwan mè e n'o púha ifón ogénni ghahaní ɔbibia Onyé-nzúofuhá ényi wú Kraistí Jizosí bia imé úwa. Kraistí wú Jizosí e mériguó ónwún, napú a ikéñ. O gigúo Ozioma wepuha ndùn lè ibi-jenrin-ejen ifón.

¹¹ Ufiri oziomaní k'o gi tumé m onyé e zisónmè ozi, onyé-ozi pú-ichén lè onyé-nkuzi, keni m d'e zisónmè e, a rún ɔrun rí'n'a; ¹² ifiri é ké m gizikwó rí a ta afúnfun énjina. Kaní ifénen arí e mè m, makéni a maríngħo m onyé m gi dòn énya; a maríngħozi m n'o k'a saékha chedòn ihién hún m buče é éka, d'e ru Uħluohin hú.

¹³ Sonmè үdi nkuzi ahùn zu oke i nü onu m; e gi okukwe lè ihién-óssusúo hún rí imé Jesu Kristi e són é. ¹⁴ Chedòn ihién-oma ahùn wé buče i éka; mè e ghahaní eyeméka Mmón-nsó hún bi imé ényi.

¹⁵ Y'a maríngħo ní ndí ile rí Azúun Eshja a gbakítogħo m azúun; Figelosi lè Homojinisi a gbagużidé m tó.

¹⁶ Osolobue ya mè ni ezi-lé-ülö Qnésiforós' omiken, makéni Qnésiforós' a gbaka m umé! Ifénen égan m e mèden'ē. ¹⁷ Kama, o ruħu Rom, o nò chosónmèdè m d'e ru n'o hún m.

¹⁸ Di-nwónnni-ényi ya mè ni Qnésiforósí nrweħen omiken éka a Uħluohin hú! Iju lè enwén i a maríngħo éka ile o yéni m imé Efesoši.

Isi Nke Ebwo

Onyé-agħa Kraistí Furuni

¹ O mè nke i nwa m, gi efoma hú Osolobue mèni ényi imé Kraistí wú Jizosí e zekénmé.

² Weri ihién ndí hú i nü onu m id'énya ndí bu odata kuzi ndí furu wé gi e dòn énya, hún jenkö d'a saékha kuzizi ndí ɔzø ya.

³ Tarí afúnfun nòké ezigbo onyé-agħa Jesu Kristi. ⁴ O nwónni onyé-agħa hún e kón éka e ye oku-elu; makéni onyé-agħa k'e mériri ihién a suq onyé-isi agħa o rí okpuru e үsuo

efo. ⁵ O nwɔnni onye a dɔ-ɔnụ egumegu e mɛrini mmanị o sɔngho iwu rịn'a. ⁶ Onye-ugbo hụn a rụnshi ɔrun iken iya e bu'zọ e ri erere ihiɛn ɔ rụnpụha. ⁷ Romi ihiɛn m rị e ku; Di-nwɔnni-enyi k'e mɛ i ghota ihiɛn ile.

⁸ Nyanhan Jizosị wụ Kraistị hụn Osolobue gha imɛ onwụn weli, hụn wę muye ikpun-ulo Defidi—ohun wụ ozioma m rị e zi. ⁹ Ufiri e kɛ m gi a ta afụnfụn d'e ru nwan ebe wę no kpoma m ɛgan nöké onye-ohin—kanị oku Osolobue arị ɛgan.

¹⁰ Ya wụ, m'e gi ufiri ndị Osolobue hɔri e dingbuchanrịn ihiɛn ile, keni wę sazikwo ɛka nwɔnhen nzuopụha hụn rị imɛ Kraistị wụ Jizosị lę ɔgho itebeitẹ rịn'a. ¹¹ Ihiɛnni w'e ku wụ ezioku:

“Omɛni enyi e sɔnguọ a nwụnhụn,
enyi k'e sonzikwo a rị ndụn;

¹² omɛni enyi e din ndidi,
enyi k'e sonzikwo a ki;
omɛni enyi a jụ a,
o k'a juzikwo enyi;

¹³ enyi wụbehi ndị wę gi e dọn-enyi,
ya le enwèn e k'a wusonmè onye wę gi e dọn-enyi,
makèni o sakò ɛka jụ enwèn e.”

¹⁴ Nyanhan nị wę ihiɛnni; gi ɛfan Osolobue gbakenmè wę mkpinsin-ɛka. Sị wę adozile akpuru-oku, nị ara ye ɛka, kama, o wiwihụ ndị a nụn'a.

Onye-ɔrun Hụn A Sụo Osolobue

¹⁵ A liliema n'i y'a ghosi n'i wụ onye Osolobue kwadon; onye-ɔrun nweleni ihiɛn ɔwule ifenren e gi mɛ e, hụn marin enya oku-Osolobue, oku ahụn hụn wụ ezioku, a kuzi ɛ ohunma. ¹⁶ Latɔ oku nwɔnləni-isi hụn ghaleni e yeni ihiɛn ɛka fe Osolobue, makèni o mɛ ihiɛn a latokènme ihiɛn Osolobue. ¹⁷ Ihiɛn ndị rị imɛ e rị a kuzi a bagbama nöké ete rị a bani. Himenosi lę Filetosị rị imɛ ndị no ɛrira. ¹⁸ Madụ ebuongị a ghaguo imɛ ezioku pụ, makèni wę rị e ku nị Osolobue e weliguołe ndị nwụnni. O nwę ndị wę gi ihiɛnni e wiwi okukwe wę. ¹⁹ Kanị iyeto Osolobue türükwo ebe o rị; ihiɛn wę deye ɛ wụ: “Di-nwɔnni-enyi a maringuo ndị wụ nke e” lę “Onye ɔwule hụn a kpoku ɛfan Di-nwɔnni-enyi ya la njo tọ.”

²⁰ Imɛ ulo hi-ogbe, w'a hụn udị aria ichen-ichen—ele aria wę gi goru le hụn wę gi ola kpụ sụo, kanị kę hụn wę gi osisi tụ le hụn wę gi ụrụa kpụ rizikwo arị. O nwę aria wę gi e mɛ ihiɛn ɔgho, nwɛzikwo ndị wę gi e mɛ ihiɛn-mmaka. ²¹ ɛrịrazikwo, kę wę hanlę chanchanpu eje-ihiɛn ndịnị m rụtụ ɛka imɛ obibi wę k'a wụrụ aria nwę ɔgho; wụrụ aria wę dònme ichen, hụn onye nwę unọ gi e mɛ ihiɛn, aria w'e gi mɛ ihiɛn ile rị mma.

²² La ihiɛn ndị ahụn a nasonmè ikorobịa enya tọ; y'a chusonmè ezi-omume, okukwe, ihiɛn-osusụo le udon, yụ le ndị hụn gi obi rị-ɔchan a kpoku Di-nwɔnni-enyi. ²³ Adole ndondö nwɔnləni isi hụn ndị marinleni ihiɛn wę rị e ku a dɔ—y'a maringho ni ikpe k'o buhę—²⁴ bụ odibo Di-nwɔnni-enyi awụkọ onye-ikpe; kama, o sikọ d'e girirị efoma e son onye ɔwule, wụrụ onye a saeka a kuzi, e nwọn ndidi, ²⁵ e gi nwayo a kowa nị ndị ghaleni e kweye n'ę ebe wę no ghøtafie. Osolobue nwọn iken mɛ wę gbehutø, bija d'a marin ezioku, ²⁶ [memem uche Osolobue;] wanahin onya Ekwensu te gi kwɔndon wę, hụn wę gi e mɛ uche Ekwensu.

Isi Nke Eto

Ogen İkpazuyun, Ọ K'a Fụ Ọrun Ife Osolobue

¹ Kanị, ghota onwan ohunma-ohunma, nị ogen ikpazuyun, ogen ihiɛn gi e zekemē k'a bija. ² Makèni ihiɛn k'a wụ ndị enwèn wę ka wę a sụo, ndị egho a sụo, ndị a nyan isi, ndị mpache, ndị-mkpari, ndị e nufu isi okpuru ndị mụ nị wę, ndị ohunma-ogodan, ndị e mɛ ihiɛn runị. ³ Wę k'a wụ ndị efo-njọ, ndị oku ghaleni a gụụ efo, ndị-nkutø, ndị ghaleni e kwɔndon enwèn wę, ndị obi wę rị azụn, ndị ihiɛn rị mma ghaleni a sụo; ⁴ Wę k'a

wu ndi hñun e bu iñjan mbu-azun, ndi a si "iñien chø n'o me ya me", ndi e ro enwen wé kari iñien wé wu, ndi iñien a suq usuo ka mkpa kari Osolobue.⁵ Wé k'a wu ndi e mezuchanrin omenalí rí imé ofufe Osolobue, kaní iken w'e gi bi obibi ríñ'a a rí imé ndun wé. La ndi no ेrira tó.⁶ Ndí hñ imé wé wu ndi e gi ero a rúbansonmè ikpun-ulo d'e dufie ikpoho obi wé zeleni, ikpoho obi rí e gbu mgbu maké njø ndi wé me, ikpoho egún iñien rí ichen-ichen rí e buhunmè.⁷ Ikpoho w'a tó a kuzi, kaní w'a ra saeka munrun ezioku.⁸ Ké Janesi lë Jambresi don papu oku Mozizi, ेrira kë ndinj uche wé riléni mma, danpuguu imé okukwe-Kraisti, don a papu ezioku.⁹ Kaní, o biekò a kusí wé wé, makéni nzuzu wé k'a púha ihun iñjan ile noke nke madú ebúo hñ wu Janesi lë Jambresi.

Ndumodun Ikpazuun

¹⁰ Nke i, ya hunguo nwan nkuzi m, obibi m, iñien m rí a chü, okukwe m, ndidi m, iñien-osusuo m, kë m don wuzo,¹¹ ukpokpo ile wé gi ifiri okukwe m kpokpo m lë afunfun ile m rí a ta. Ya maringho iñien ile m hñ imé Antíokü, imé Ikoniom lë imé alí Listra. Y'a maringho okéen ukpokpo hñun m din; kaní Di-nwónni-ényi no gba phachanrin m imé wé ile.¹² Ezie, wé k'e kpokporirí kë we han chø ni we bi obibi ndi e fe Osolobue imé Kraisti wu Jizosi.¹³ Kaní ndi eje-iñjan lë ndi ndufie jenkò d'a gha a jowaye njø; wé k'a gha e dufie ndi ozø, ndi ozø hñ e dufie wé.

¹⁴ Kaní iyú nwén, mesonmè iñien hñun i mụ, hñun i kwerikenmè, makéni y'a maringho onyé i munarin a;¹⁵ y'a maringuozí Ekukwo-nsø—gha éhü nwa-ndu i lala, Ekukwo-nsø hñun k'a saeka kuzi i iñien y'e gi nwón nzuopuha ghahani ikwerini Kraisti wu Jizosi.¹⁶ Iñien ile rí imé Ekukwo-nsø gha onu Osolobue púha; wé e gi e a kuzi, a jugbo, e wekinhen iñjan ebe o no fie uzø, a zun iñjan ozunzun wé gi e me iñien Osolobue chø,¹⁷ keni onyé nke Osolobue wúru onyé wé zun ohunma, hñun wé kwademé tó ni orun-oma ile.

Isi Nke Eno

¹ M rí a gbakenmè i mkpinsin-eka idénya Osolobue lë Kraisti wu Jizosi hñun jenkò d'e kin ndi rí ndun lë ndi nwunní ikpe; m rízi a gba i ya maké ifiri obibìa Kraisti lë Ali-eze e, a si i,² e ku oku-Chuku; e kusonmè e ogen ile—ké onodí rí mma kë onodí jo-njø; a gwapu iñjan eje-iñien wé me, a jugbo, a kasí obi, e gichanrin ndidi lë nkuzi e me e.³ Makéni ogen lala hñun iñjan jenkozileni d'e gi kweri din ndidi nusonmè ezigbo nkuzi. Ebe ntin wé n'a chosonmè n'o nu iñien a suqni wé, wé k'a chorisonmè ndi nkuzi k'a kuzi wé iñien wé chø ni wé nu.⁴ Wé k'a gbakito ezioku azun, sonmè ilu.⁵ Kaní, iyú nwén, donrin enya e leban iñien ile enya; e dingbu afunfun; a run orun onyé e zisomé ozioma. Mèchanrin iñien ile orun i chø.

⁶ O me nke m, wé rí nwan e hupu m noke manya wé gi a chü ejan; ogen m'e gi lama e ruguo.⁷ A luguo m ezigbo ogun hñ! A gbaguo m oso hñ! E songuo m uzø okukwe hñ!

⁸ Gha kikenni jenmè, iñien hoduní nwan wu okpu onyé me iñien Chuku chø hñun rí e che ni m, hñun Onye-nwónni-ényi, Oka-Ikpe ahun ghaleni a tu ntü, jenkò d'e ye m Uhuohin hñ, gi tu m ugón. Ele mmé suq k'o k'e ye e, kaní ndi ile buchanrin obi wé che obibìa a.

Polu E Ku Oku Enwen E

⁹ Nwankemé n'i bia d'e kunrun m egwa,¹⁰ ni Démás' a laguo m tó shi Tésalonika—makéni iñien uwani rí a suq a; Kresens' e shigu Galeshja; Taitós' e jenmeguo Damashja.

¹¹ Luku suq son m nodi. Chø Makí n'i wéhe e i lalaní, makéni o wu onyé e yekemé ni m èka odata.

¹² E ziguo m Taikikos' shi Efesosi.¹³ I lalaní, wéhe ewuru hñ w'e yiye elu e hñun m lató èka Kapozi imé Trasi; wéhezi ekukwo ndi hñ, tumadú ndi hñ wé gi akpukpo-anu meme.

¹⁴ Alézanda hñun a kpú uzun kopa mèkenmè m eje-iñien. Nna enyi jenkò d'a kú a ugwo iñien o me.¹⁵ Iyu lë enwen i k'a kpachanpukwo n'a enya maké ogun ile hñun o luson ozi enyi.

¹⁶ Ogen wé gi kpó m ikpe ibuzo, o nwónni onyé púha d'e kuye ni m, iñjan ile la m tó. Wé gile e ma wé ikpe!¹⁷ Kaní Di-nwónni-ényi noyení m anoyení; o no ye m iken, keni

m hūn üzə ziru oziomma ali, zi e n'o ruchanrin ndi anı ndi ozə ile wüleni ndi Ju ntin; m nə hūn isi wanahin onu eworø. ¹⁸ Di-nwɔnni-enyi jenkö d'a gbafuhā m make eje-ihiēn ɔwule gha a rü m ehü, o zuo m, keni m hūn üzə banye Ali-eze e hūn ri elu-igwee. Ogho ya rìn'a jenrin ejen! Isée.

Ekele İkpazun

¹⁹ Kele Priska le Akwila le ikpun-ulø Onesiforosi. ²⁰ Erastosi esonni ndi ozə, o nodi Korenti; m la Trofimosi to imé Miletusu makeni emu ri a kù a. ²¹ Nwankemē n'i bia ogen oyi gini d'e ru. Yubulosi le Pudensi le Lainosi le Klodiosi le umunę enyi ile e zigho ekele.

²² Di-nwɔnni-enyi ya noyeni mmɔn i. Efoma Osolobue ya noyeni onu.

Ehụhuo-Ozi Pölü Dejenni
Taịtosı

¹ Mmę wu Pölü de ehụhuo-ozini. M wụ igbon Osolobue; m wuzikwo onye-ozi pü-ichẹn Jizos' Kraisti. Orun m wụ ikwadon okukwe ndị hụ Osolobue hорi, kен'o gha ihun, lę imę ihian marin ezioku ahụn k'e mę wę feme Osolobue k'o furu. ² M rị a run keni wę nwéhẹn ihiẹn ahụn enyi rị e lee enya a: ndịn itebite ahụn Osolobue ghaleni a tụ ntụ kwe nkwa a nị ogęn d'e bidondę, ³ o ru nwani ogęn otumę, ọ no nwani wepuha ihiẹn o ku ifon ghahani ozini ya wụ Osolobue Onye-nzupuha-enyi ye m zisònme.

⁴ M rị e dejenni Taitosi, hụn wụ ezigbo nwa m imę okukwe enyi. Efoma lę udon, hụn gha eka Osolobue Nedi enyi lę Kraisti wụ Jizos' Onye-nzupuha enyi a bia, ya rịn'i.

Orun Taitosi K'a Run

⁵ Ihiẹn hajin m gi na i to alị Kriti wụ n'i hụn uzo dọnkwama ihiẹn ndị hoduni lę n'i hụn uzo tumesonmę ndị-nduuka imę obodo ọwule kę m dọn gwa i.

Ndi-isi Uka

⁶ Onye-isi uka k'a wuriị onye nwonleni nkorijanị. O k'a wuriị onye nwon nwunyę ohu sụo; onye ụmụ a wụ ndị kwerini—ndị hụn o mę ni o nwonnı onye k'a s'eka kpö wę ndị e mę ihiẹn-ifenren lę ndị isi-iken.

⁷ Ebe o mę ni onye-isi uka e lefụ orun Osolobue enya, o furuni n'o nwon nkorijanị. O wukọ onye ghaleni a nị ndị ọzo e kuye mọbu onye e bukennin olulu mọbu onye-manyा mọbu onye eka-iken mọbu onye e gi enya-nai a cho egho.

⁸ Kama, o k'a wuriị onye ma nabanhān ndị ọbia; onye ihiẹn rị mma a sụo; onye e leban ihiẹn enya, e gi uche e mę ihiẹn; onye kuma enwèn e ọtọ; onye rị nsọ, onye e kwondon enwèn e.

⁹ O k'a marinriri enya nkuzi ahụn furu w'a tükwasị obi hụn rị okukwe enyi, marin ke wę dọn a kuzi e, keni o saeka gi nkuzi zu oke a kpasu obi ndị ọzo, e gi e a ghozíkwo ndị hụn a papu nkuzi ahụn nị wę rị e mefie.

¹⁰ Makeni ndị rị a gba isi-akwanran ebe ezigbo-nkuzi rị lę ndị e ku mpụ lę ndị-ndufie bu ọda, tummingsu ndị hụn a kwadon ikwa-ugun.

¹¹ O furu ni wę kpuke wę ọnụ! Makeni, wę rị e gi ihiẹn ahụn furulenı wę gi ifiri egho a kuzi a sükposonmę ikpun-ụno.

¹² Onye Kriti ibe wę hụn e deni e kuguod'a, sị, "Ndị Kriti wụ ndị-ntụ; ezigbo eje-anụ ke wę wụ, ndị oken ihiẹn-oriri, ndị ghaleni e ri-eka a run ihiẹn ọwule." ¹³ Ihienni o ku wụ ezioku. Gi ifiri e a jugbọ wę ọhunma-ọhunma, keni wę hụn uzo turu ọhunma imę okukwe, ¹⁴ gonbehi ilu ndị Ju ntịn, mēbehi ihiẹn ndị gbakitogu ezioku azụn sị wę e mę.

¹⁵ Ndị rulenı e weri e nị ihiẹn ile rị uchan, kanị, nke ndị runị, hụn kwerileni, ihiẹn ile rụ-arụ ebe wę rị: ke uche wę ke ihorị wę rüchanrindę arụ. ¹⁶ Wę sị n'a maringhọ wę Osolobue, kanị wę e gi ihiẹn w'e mę a ghoṣi n'a marin w'a. Wę wụ ihiẹn izize; wę a gba isi-akwanran; o nwonnı orun-oma wę furu ịrụnni.

Isi Nke Ebụo

Ihiẹn Wę K'a Kuzi Ndị Rị Ich'en-ich'en

¹ Kanị iyụ nwèn, i k'a kuziriri ihiẹn ya lę nkuzi kuru-otọ wụ ohu.

² Kuzi ikennye-oba w'e bukenninle olulu; wę wuru ndị ghaleni e gi ihiẹn wę buche wę eka e gu egwu, ndị e kwondon enwèn wę, ndị zeni imę okukwe lę ihiẹn-osusụo lę ndidi.

³ Kuzizikwo ikpoho-oba nị wę e bi obibi furu ndị rị nsọ e bi; wę e mélé ndị-nkutu, w'e mélé igbón manya; kama, wę wuru ndị a kuzi ndị ọzo ihiẹn rị mma—⁴ keni wę s'eka e mę ikpoho rị wę ebe alị munrun kę w'a dọn nwę ihiẹn-osusụo di wę lę ụmụ wę, ⁵ wuru

ndị e kwondon enwèn wẹ, ndị e donmè enwèn wẹ, ndị ma bi obi-ulọ, ndị efoma, ndị e we enwèn wẹ e che okpuru di wẹ—amamgbe ihiyan e kuto oku Osolobue.

⁶ Erirazikwo, kuzi ikorobia ni wẹ wuru ndị e kwondon enwèn wẹ.

⁷ Gi enwèn i henrin ihiyan wẹ e leri ebe orun-oma ọwule ri. Ebe nkuzi i ri, wuru onye ezioku le onye ghaleni e gi nkuzi e gu egwu. ⁸ E gi oku kuru-otọ nwọnleni nkɔrjanị a kuzi, keni ifenren me ndị inenren makeni ahunni wẹ eje-ihiyan wẹ e gi kuja oku enyi.

⁹ Kuzi ndị-idibo le ndị ri okpuru ihiyan wẹ e humeni ndị wẹ ri okpuru wẹ isi; si wẹ a liliima ni wẹ e me ihiyan a suq ndị hụ wẹ ri okpuru wẹ. W'a shiagwarile wẹ oku. ¹⁰ W'e zunle wẹ ohin. Kama, wẹ ghosichanrin ni wẹ wu ndị furu wẹ gi e don-enya ogen ile, keni wẹ gi obibi wẹ e me nkuzi Osolobue Onye-nzufuha enyi a wuru ihiyan a la enyi.

¹¹ Makeni, efoma Osolobue hụ e wẹhe nzufuha a puhagunị ihiyan ile. ¹² Efoma hụ a kuzi enyi ijụ obibi rileni mma enyi Osolobue le ihiyan-olila-enya uwani, igi uche e bi, ibi obibi kuru-otọ le itu egwu Osolobue—hunnị enyi ri eluni, ¹³ ke enyi don ri e che okengozu ahun enyi ri e lee enyi a, hụn wụ obibia Osolobue uku enyi wụ Jizosị Kraistị Onye-nzufuha enyi jenko d'e gi ogbo bia. ¹⁴ Jizosị Kraistị gi ifiri enyi we enwèn e ye, n'o gbafulha enyi imé njọ ile, keni o gi e chanchanpuhanị enwèn e ndị k'a wụ nke e, don wẹ nsø, a wuruchanrin wẹ ndị ihiyan ri mma a du omume.

¹⁵ Ya wụ, ihiyan ndini kẹ i k'aghà a kuzi wẹ, a gba wẹ umē, a jụgbọ wẹ. E mechanrin wẹ ile rikę onye oku ríchanrin eka. Anikwole onye ọwule legberi i.

Isi Nke Etọ

Obibi Onye Itu-Kraistị

¹ Nyanhan ni wẹ ni wẹ e we enwèn wẹ e che okpuru ndị-ndu le ndị-okiki, wẹ e hume isi; wẹ kwademè ni wẹ e me ihiyan ọwule ri mma. ² Gwa wẹ ekutole onye ọwule, wẹ e mele oku, wẹ wuru ndị e me juu le ndị e ye onye ọwule mgbaye. ³ Makeni, enyi nwèn te wuzikwo ndị-nzuzu, ndị nnupu-isì; eje-ihiyan ndị a gunni enyi le ihiyan a suq usuq ri ichen-ichen te dufiezikwo enyi, kwondon enyi ke igbon. Enyi e te e me ibe enyi eje-ihiyan, e we iwe-enyi, ize enyi hụ e ze ihiyan, enyi hụ e zetari izize ibe enyi. ⁴ Kanị, ogen efoma le ihiyan-osusụ Osolobue Onye-nzufuha enyi gi bia, ⁵ o no zuopuha enyi, ele ifiri ihiyan ri mma enyi mesonmè, kanị, maké omiken e. O no chanchan enyi ghahanị imudonzi ni enyi le imé enyi wuru ndị ọhun ghahanị Mmon-nsø ⁶ hụn o ghaha eka Jesu Kristi Onye-nzufuha enyi hukpu enyi ọhunma-ọhunma. ⁷ Ya wụ, hunnị o giguụ nwan efoma a kuni enyi ọhunma, enyi e henringuọ umu a hụn nwẹ olile-enya ghaleni e me ntụ: n'o k'e keye enyi ndun itebite. ⁸ Onwan wụ ezioku. M chọ ni y'e ku ihiyan ndini, e kushi wẹ ikèn, keni ndị hụn kwerigu ni Osolobue donrin enya e mesonmè ihiyan ri mma.

Ihiyan ndini a rika mma, w'a ban ni ihiyan ile erere.

⁹ Kanị, latò ndondò nzuzu le itu-mpupu ihiyan hụn w'e tusonmè le ndondò le ikpe banyeni Iwu Mozizi, makeni oku ndị hụ wụ ihiyan la iwi, o nwònni erere ri imé we.

¹⁰ O me nke onye e kebeni, do a eka-ntin nke ibuzo, y'a dozi a ya nke ebio; o tokwo e me ihiyan ahun o me, y'a la a tọ—yụ le iya enwèzile mmekọ, ¹¹ makeni ya maringho ni uche onye no erira a rüguo, ni ome-njọ k'o wụ; o giguọ njọ o ri e me ma enwèn e ikpe.

Mmekin

¹² Ozigbo m zihe n'i Atemasi móbụ Taikikosi, y'a nwan ikèn i ile n'i bia Níkopolisi d'e kunrun m, makeni a kwademeguọ m obi m nị m k'a nödị ebéhụ ogen oyini lalanị.

¹³ Me ihiyan ile i k'a s'eka me n'i yeri Ọka-iwu wụ Zenasi le Apolosị eka we jenkoni ijen we; hụn a n'o nwònni ihiyan koni we. ¹⁴ Ndị nke enyi wẹ munrun imesonmè ihiyan ri mma, keni wẹ saeka e ye eka ogen ọwule ezigbo mkpa gi puhà; w'e bilə obibi ghaleni a ban erere.

¹⁵ Ndị ile mmè le wẹ ri ebeni e zi ekele. Kele ndị ile ihiyan enyi a suq maké okukwe enyi.

Efoma Osolobue ya rịnị onu!

**Əhəhəq-Ozi Pölü Dejenni
Filemonu**

¹ Mmə wü Pölü de əhəhəq-ozini. M wü onyə-ngan makə ufiri Jizos Kraistj. Mmə le Timoti nwənə-ənyi gba de e. Iyu wü Filemonu ezi onyə-örün ibe ənyi kə ənyi rị e dejənn'ə—iyu ² le əuka hün a no iwe i e zu le Afia nwənə-ənyi-okpoho le Akiposı onyə-agha ibe ənyi. ³ Efoma le udon hün gha əka Chuku Nədi ənyi le Di-nwənni-ənyi wü Jesu Kristi bia ya rını onu.

Ihiən-əsəsuə Lə Okukwe Filemonu Nwe

⁴ Filemonu, m'a kpanmin Osolobue m ogən ile m gi a nyanhan i imə ekpere m. ⁵ Makəni, m hū a nū n'i nwə ihiən-əsəsuə jənni ndi nsə ile le ni i kwerichanrın n'i Di-nwənni-ənyi wü Jizosı. ⁶ Ekpere m wü ni okweri ənyi le 'yü kweri ni Jesu jənkə d'e duzi i ni y'a ghətawaye ihiən ile wü nke ənyi imə Kristi.

⁷ Ezigbo nwənə m, ihiən-əsəsuə i nwən e meğuo m ghəghə əda-əda, o gbaguəzə m umə əda-əda—makəni Osolobue e giguo i gba ndi nsə umə.

Pölü A Rjədənni Onesiməsi

⁸ Makə ufiri ənwan, əsəqən'a ni imə Kraistj ni m nwən iken ye i iwu n'i mə ihiən furu n'i mə, ⁹ o ka m mma ni m gi ufiri ihiən-əsəsuə rị i a rị. Mmə wü Pölü, hün wü egədi, hün rị a nəkin ənya Jizos' Kraistj, hün rjəzikwə imə ngan makə ifiri Jizos' Kraistj, rị nwən a rị i. ¹⁰ M rị a rị i makə nwə m wü Onesiməsi, hün m wəru nədi e imə ngannı m rị.

¹¹ O nwənni erere o ban n'i mbü. Kanj ə banguə nwən erere nke-esi—ban n'i, banzikwə ni m.

¹² M zikinla n'i iya azəyən—ya wü, mkpury obi m kə m zila n'i. ¹³ O te rị m ni m si a nədi ebəni m rị, kəni ə nəkin ənya ənə, e jənni m ozi hənni m rị ngan makə ufiri oziomə.

¹⁴ Kanj, achənji m ni m mə ihiən əwüle bu a gwanj m'i—kəni əhənma i wəru ihiən gha akpakalı obi i puhə, ebe ni wə wa a ye i olu.

¹⁵ Ikənkwə wə napu i ya ekərə kəni i nwəhənzi e, o wəru nke i jənrin ejen—¹⁶ əlezə nəkə igbən, kanj nəkə nwənə i, hün rị i obi—hün ka igbən. Ohun k'o wü, təmadə ebe m rị; kanj, ebe i rị k'o kad'a wü—kə ebe anu-əhu rị kə imə Di-nwənni-ənyi.

¹⁷ Ya wü, oməni y'e werighə m nəkə onyə 'yü lə iya gba a rüñ, nabənhan a nəkə si mmə ro.

¹⁸ Oməni o nwə eje-ihiən o mə i məbə n'o gi i ihiən əwüle, gun a yeni m—m k'a kụ a.

¹⁹ Mmə wü Pölü gi əka m e de ənwan: egheə, gun a yeni m; m k'a kụ a. Əlezə mmə nwən gwazi i ni i gi m ugwo enwən i.

²⁰ Egheə nwənə m, ni m gidə əfan Di-nwənni-ənyi ri əghənə əka i. Gi ifiri Kraistj gba m umə.

²¹ M rị e deni i ihiənni makəni a manriŋhə m n'i k'e humə-isi—a manriŋhə m n'i k'e məkaridə ihiən m gwa i.

²² Ozəzj, kwademə ni m mmugħə əbia a nədi, makəni m rị a tu ənya ni Osolobue k'a za ekpere onu, mmə le ənə a hün uzə nədizi.

Ekele İkpazuyun

²³ Epafrasi e kele i. Mmə le Epafrasi gba rị nwən ngannı makə ifiri Kraist wü Jizosı.

²⁴ Ndi ərən ibe m wü Makj le Aristakosı le Demasi le Luku e kelezikwə i. ²⁵ Efoma Di-nwənni-ənyi wü Jesu Kristi ya noyeni mmən ənə.

Ehụhụ-Ozi Wę Dejenni
Ndị Hibru

Osolobue E Kuguo Nwan Oku Ghahanị Nwa a

¹ Ogèn mbụ, Osolobue gi ụzọ rị ichen-ichen gwasonmẹ ndị nedị enyi wę oku ghahanị ndị-amuma. ² Kanị, ogèn ikpazụnni, o gwaolé enyi oku ghahanị Nwa a. Iya kę Osolobue yechanrin ihien ile. Eka Nwa a nị kę Osolobue gha ke ụwa ile lę ihien ile rịn'a. ³ Iya kę wę gi a hụn kę oghọ Osolobue nọ. Enya hụn n'a a hụngụ Osolobue*. O gi oku e hụ hụn nwọn iken hi-ogbe e kwondon ụwa ile. Ogèn o gi chugụ ejan wę gi a chanchanpụ njo, o nọ nödị alị azụnn eka-nni Osolobue, Onye hụn kachanrin ihien ile oghọ e nwọn, ⁴ makeni iya ka ndị mmɔn-ozi, ka wę ọhụnma-ọhụnma; nökę kę efan (nzere) o nwę dọn ka nke wę.

Nwa Osolobue Ka Ndị Mmɔn-ozi

⁵ Eghee; makeni, elee mmɔn-ozi kę Osolobue sịtu,
“Nwa m kę i wụ;

a ghosiguo m tannị n'i wụ nwa m” mọbụ sịzi,

“M k'a wuru nedị e,
o wuru nwa m.”?

⁶ Ogèn Osolobue gidé węhę Nwa-ibuzo a hụ imé ụwa, o sị,
“Ndị mmɔn-ozi Osolobue ile, fe n'e.”

⁷ Nke ndị mmɔn-ozi, ihien Osolobue ku wụ nị
“Chuku mē ndị mmɔn-ozi e e hęnrin ufere;
o mē ndị idibo e e hęnrin ọkụn rị e nwunni.”

⁸ Kanị, nke Nwa a, ihien Osolobue ku wụ,
“Euu, Osolobue!
Ukpo i nọ a kị

k'a tọ jenrin ejen;
ezi-omumé wụ ọkpọ i

hụn i gi a kị Ali-eze i.

⁹ Ihien furuni wụ ihien a sụonị i;
njo e ze i ize.

Iya haịn Osolobue—Osolobue i—
gi hukpu i udèn-ighogho,
tumé i,
ye i ọnodi
hụn kachanrin nke ibe i.”

¹⁰ Osolobue sịzi Nwa a,
“Di-nwọnni-enyi,
iyu ke ụwanị ogèn mbidon;
eka i meme igwere
lę ihien ndị rị n'a.

¹¹ Wę k'e wiwi,
kanị i k'a riferi;
wę k'a fafụ rịké ekwa.

¹² I k'a fumma wę rịké ekwa, wepụ wę;
gi ozọ nökin enya wę,
kę wę dọn e yihuto ęwuru.

Kanị, yụ nwèn egbehutoko;
ndịn i enwònko oğugụ.”

¹³ Elee mmɔn-ozi kę Osolobue sịtu,

* Isi Nke Ohu:3 Jọn 14.9

“Nodi ali eka-nni m ebeni,
d'e ru mgbe m gigu ndi iñenren
i meme n'i ihien i gi a zoma ukú”?

¹⁴ Kini kē ndi mm̄on-ozi wude? Ele mm̄on ndi e jen ozi kē wē wū; mm̄on ndi Osolobue zihē d'a run ɔrun makē ɔrīnīmma ndi jenko d'e nwōn nzufuhā?

Isi Nke Ebụo

Nabanhankwo Nị Okę Nzuopuhani!

¹ Ya wū, enyi k'e kwonkemriri ihien enyi nū, amambe enyi a kpahu. ² Makeni, omeni ozi mbu hū, Iwu ahun, we gha eka ndi mm̄on-ozi ye ndi nedị enyi ogen Mozizi wukemē ihien wē gi don enya, nke wū nị onye ɔwule nupu isi okpuru e mobu dan iwu rịn'a a narin afunfun furuni, ³ nanị kē enyi k'a don nwan wanahin omeni enyi e lelia okę nzuopuhani nō enina? Nzuopuhani Di-nwōnni-enyi le enwen e bu uzor zime ozi e; hūn ndi gha onu a nū a shia eri, ghosi enyi nị ezioku k'o wū, ⁴ Chuku le enwen e noz shia eri nị ozi wē wū ezioku, ghahanị okę-ihiēn rị ichen-ichen o mesonmē—kē ihien ahjma o gi ghosi nị eka a k'o gha bia kē ɔrun atumēnya kē hūn o gi ghosi ikēn e. O shiaghōzīkwō eri ghahanị oyiye Mm̄on-nsø o yesonmē k'o don cho.

Jesu Wū Onye-nzuopuhā Zu-oke

⁵ Ele ndi mm̄on-ozi kē Osolobue tumē nị wē k'a kī ụwa hūn lalani, hūn enyi rị e ku oku e. Kaka! ⁶ O nwōnghodē ebe wē nō ku oku e imē Ehuhu-nsø, sị,

“Kini kē ihiān wude nwan
i gi e ro e?

Ki ihiān mmaka wude
i gi e lepū a enya?

⁷ Y'e meolē ndi mm̄on-ozi karị a
ekere ogen;

⁸ y'e gigu ogho le mgbaye kpumē e.”

O mē nwan nị Osolobue “e bugu ihiēn ile che e okpuru ukú”, ya wū nị o nwōnni ihiēn riñeni okpuru ukú a. Bu enyi hū a hūn a nị ihiēn ile eke rị nwan okpuru ihiān. ⁹ Mba. Ihien enyi rị a hūn wū nị Jizosí, hūn Osolobue mē “ndi mm̄on-ozi karị a ekere ogen,” “e kpuruguo nwan ogho le mgbaye rikē okpu-eze.” Osolobue mē “ndi mm̄on-ozi karị a ekere ogen” keni o nwundonni ihiān ile ɔnwūn makē ifiri efoma Osolobue: “O kpuruguo nwan ogho le mgbaye rikē okpu-eze” makeni o nwūn ya wū ɔnwūn.

¹⁰ Osolobue mē ihiēn furuni. Eka a kē ihiēn ile gha bia; ihiēn ile wuzikwo nke e. Makeni o cho n'o zuopuhā ndi bu odata, webahan wē ebe o rị, keni wē wuru ụmū a, son e nwē ogho a, o nō gi afunfun kwademē onye hūn o gi bidon ya wū nzufuhā, mē e ru ogo onye-nzuopuhā.

¹¹ Kē onye hūn e don wē nsø wū Jesu kē ndi o rị e don nsø a wuruguo nwan ụmū onye ohu. Iya hain ifenren gileni e mē e o gha a kpō wē umunē e. ¹² O sị,

“M sikō d'a gwa umunē m oku ẹfan i;
enyi gbakikome,

m sikō d'a ja i mma.”

¹³ O sizi,

“M k'e gi e don enya,” siziikwo,

“E lee mm̄e le ụmū Osolobue ye m.”

¹⁴ Ya wū, ebe o mē ni ụmū a ndi hū wū ihiān nwōn ehū-le-edeke, ya le enwen nō son wē wuru ihiēn ohu hū, keni o nwunhūn, gi ɔnwūn a tikpō ikē onye hūn gi ikē ɔnwūn, ya wū Ekwensu. ¹⁵ O mē e keni o gi uzoni tōpū ndi hūn egun ɔnwūn rị a kī rikē igbōn kete w'a mule wē. ¹⁶ Makeni, o wū ihiēn wechanrin enya ɔhūnma-ɔhūnma nị ele ndi mm̄on-ozi k'o bia d'e yeni eka, kanị ụmū Ebrahim. ¹⁷ Ya hain Osolobue gi mē e n'o rjchanrin kē enyi wū umunē e uzor ile, keni o hūn uzor wuru onye-isi nchū-ajan hūn nwē omiken le

hun furu wę gi e dọn ẹnya imę օrun Osolobue, n'ọ hun uzo chunu ihiyan ejan w'e gi wepu njo wę le afunfun njo te k'e buhé. ¹⁸ Makeni ẹnya hun a ihien ogen wę gi nwan a, ọ sa nwan eka e yeni ndị hun wę rị a nwan eka.

Isi Nke Etɔ

Jizosí Ka Mozizi

(Ditoronnomi 18.18-19; Luk 9.33-36)

¹ Umuné m rị nsò wę kpó mmé le wę oku elu-igwee, e rokwó nị nwan Jizosí, hun wụ onyę ozi pü-ichén Osolobue gi węhé okukweni ẹnyi rị imę e, hun wuzikwó onyę-isí nchuejan rịn'a, ² hun għoġi n'o furu onyę wę gi e dòn ẹnya ebe Osolobue hun tumé n'e rị, nōkē kē Mozizi dòn għoġi nī iya wu Mozizi furu onyę wę gi e dòn ẹnya imę ulo Osolobue ile. ³ Kani, o furu nị wę ka Jesu oħġo e ye karj Mozizi, nōkē kē onyę tun ulo dòn ka ulo oħġo e nwon. ⁴ (Makeni ulo əwulé nwon onyę rūn n'a, kani Osolobue ya rūn ihiyen ile). ⁵ Ezie, Mozizi rūn əħunma imę ulo Osolobue ile; kani ərūnhu əħunma kē odibo, hun wę zi d'e ku oku ihiyen ndị Osolobue jenqo d'e ku omegħu. ⁶ Kani, Kraistī rūn əħunma nōkē Nwa hun ulo Osolobue rị eka. Ənyi wu ulo Osolobue—o mékwo nị obi e rusonmę ənyi ali gisónmę olile-ənyanı ənyi nwon e dòn ẹnya.

Y'e Kwerini, Ya wu nị Y'e Nupuguo Isi

⁷ Ya wu, nōkē kē Mmōn-nsò dòn ku,
“Unu nū olu Osolobue tanní,
⁸ etikinkwolé ni obi unu—
kē ndị nēdi unu dòn me
ogen ahun wę gi nupu isi;
kē wę dòn me
uhuohin hū wę chō ihiyen rị m ənū imę atu.
⁹ Ndị nēdi unu nō nō ebēħu chō ihiyen rị m ənū,
m nō għoġi wę ikēn m
orogbō ahua ogunnai—
¹⁰ makeni iwe agbō hū we m.
M nō sī,

‘Ogen ile kē obi wę gi a kpahu,
w'e ke marin kē m'e mē.’
¹¹ M nō gi iwe kun enwēn m, sī,
‘Abanyekō wę d'e zu ikēn ahun m kwademe! ’’

¹² Umuné m, kpachanpukwó nị nwan ẹnya amamgbe ə għa e nwon onyę əwulé imę unu hun nwon eje-obi, obi hun kwerileni, obi hun k'a għa ebe Chuku hun rị ndun rị pü. ¹³ Kani, e gi ni oku-Chuku a kpotien obi ibe unu uhuohin-uhuohin, hinni “tanní” ahun wę ku oku e imę Ehħħuq-nso keleni ghafe, amamgbe ə għa e nwon onyę njo dufie, mē e n'ọ kpokin obi e. ¹⁴ Makeni ənyi le Kraistī k'a riżonmę omeni ənyi e kwonkēnme obierumalı ahun ənyi gi bidon d'e ru njendem. ¹⁵ Nōkē kē wę dòn ku e imę Ehħħuq-nso:
“Unu nū olu Osolobue tanní,
e tikinkwolé ni obi unu,
kē ndị nēdi unu dòn me
uhuohin hū wę nufu isi.”

¹⁶ Ele ndị wu ndị ahun nū olu e nupu isi? Ele ndị hū ile Mozizi għa ali Ijiptu dupuha?
¹⁷ Ele ndị kē ize wę ze Osolobue orogbō ahua ogunnai? Ele ndị ahun mē njo? Ele wę nwu ntosonmę imę atu? ¹⁸ Ele ndị k'o kunnī enwēn e nī abanyekō wę d'e zu ikēn ahun o kwademe? Ele ndị hū nupu isi? ¹⁹ Enyi a hħnqgo a nwan nī abanyeni wę makeni ekwerini wę.

Isi Nke Eno

Izu-ikēn Osolobue Kwademę Ni Ndị Nke E

¹ Ya wụ, hunnị nkwa ahụn o kwe—ni ẹnyi jenk'o d'a banye d'e zu ik'en hụ o kwademē—keleñi għar i nwan, ni ẹnyi gikwō ni egun kpachanpu ẹnya, makę ọ għa enwé onyé rị imē unu hūn furuleni n'ọ banye d'e zu ik'en ahụn.

² Makeni, ẹnyi a nughó ozioma kę wę dòn nü a, kanj' ozi wę nu abanni ni wę erere, makeni arj' wę ndị gi okukwe nabanhān a. ³ Ẹnyi ndị hūn kwerini k'a banye d'e zu ik'en hụ noķe kę Osolobue dòn ku imē Ehuhuqo-nso, si,

“Noķe kę m dòn gi iwe kun enwən m, ku,

‘Abanyekö wę d'e zu ik'en ahụn m kwademē!’ ”

Osolobue ya kuzi oku izu-ikenni, osuon'a n'ọ runctiongħu orun a kete o tunle yeto uwa. ⁴ O nwongħo ebe օ no ku oku uthuohin nke esanji imē Ekukwō-nso, si, “Hūn mē ɛ akpu-uthuohin esa, Osolobue no zu ik'en orun ile օ run.” ⁵ O nozzi nwan ku hunnị ẹnyi rị e leban ẹnya ebeni, si,

“Abanyekö wę d'e zu ik'en ahụn m kwademē.”

⁶ Ebe o mē ni oghere iħjan e gi banye d'e zu ik'en hụ hużi a, bu ndị hụ bu üzə nü ozioma abanyeni makeni wę nupu isi, ⁷ Osolobue no kayezi uthuohin ozo, kpø a “tannı.” O no ku ɛ imē Ehuhuqo-nso ghahani Defidi—ebħeħu ẹnyi rütu ēka n'ọ si,

“Unu nu olu ɛ tannı,

etikinkwolę ni obi unu.”

⁸ Makeni, omeni Joshua e te dubanguo wę d'e zuru ik'en ahụn, Osolobue e ke kumexi oku uthuohin ozo.

⁹ Ya wụ nwan niżi izu-ik'en orun hukwō e che ndị nke Osolobue, ¹⁰ makeni, onyé banye d'e son Osolobue zu ik'en, o zu ik'en orun a, noķe kę Osolobue dòn zu ik'en orun a. ¹¹ Ni ẹnyi nwankenmē ni nwan, keni ẹnyi banye d'e zu ik'en hụ, amamgħe օ għa e nwon onyé danpuni ghahani inupu-isi—udj hūn ndị mbu nupu.

¹² Makeni, Oku Osolobue ri ndun; օ run orun; օ tu nkø, tükari opia-agħa ɔnunai ɔwule—o zubanchanrin imē d'e rudę umē-ndun l-e mmor, d'e rudę oken-ehu l-e umi-okpukpu. O ru imē obi iħjan d'e lele iroro ɛ l-e ihiġen o bu obi—ku kę wę hụ mma ra arj' wę mma. ¹³ Ebe Osolobue ri, o nwonnxi ihiġen zuerini. Eghaq, ihiġen ile għa qto ẹnya onyé hụ ẹnyi jenk'o d'e ye mgħakko, օ hunctioni ihiġen ile kę wę no.

Jizosì Wụ Oken Onyé-isi Nchħu-ejan Ẹnyi

¹⁴ Ebe o mē ni ẹnyi e nwongħo oken onyé-isi nchħu-ejan wụ Jizosì Nwa Osolobue, hūn ghafegħu elu-igwre, banye ebe Osolobue ri, ni ẹnyi kwonkenmē nwan ihiġen hụ ẹnyi si ni ja kę ẹnyi kweri. ¹⁵ Makeni onyé-isi nchħu-ejan ẹnyi ele hūn marīnleni ni ẹnyi e nwon ik'en, kanj' hūn wę nwangħu üzə ile noķe ẹnyi, bu o meni njo. ¹⁶ Ni ẹnyi wefū nwan egun, bia ukpo efoma Osolobue, keni ẹnyi nwəħen omiken, nwoniħenzikwō eyemeka a—ogħen o gi ri ẹnyi mkpa.

Isi Nke Isen

¹ Wę a għa imē igunrun iħjan a hori onyé ɔwule hūn jenk'a wụ onyé-isi nchħu-ejan, e tumē, keni օ noķin ẹnya wę ebe ihiġen Osolobue ri, e ye Osolobue oyiye, e gi ifiri njo a chħu ejan. ² O marīngħu kę wę dòn e gi ēka alulua e son ndị marīnleni ihiġen l-e ndị-mmiegie makeni o runctioniżi kwa ya l-e enwən ɛ arunahij. ³ Iya haġi o gi mē ni o k'a għa a churriji ejan makę njo ya l-e enwən ɛ l-e njo ndị hụ. ⁴ Iħjan ara ye enwən ɛ okwanji l-e oħġo rinn'a. Osolobue suq ya a kpo iħjan, e ye e ya. Erija k'o dòn kpø Eronu. ⁵ Erirazikwō, ele Kraistī ye enwən ɛ əkwa l-e oħġo onyé-isi nchħu-ejan—Osolobue ya tumē ɛ, Osolobue hūn si a,

“Nwa m k'i wu;

a għosigħu m tannı n'i wu nwa m.”

⁶ Ebe ozo imē Ehuhuqo-nso, օ sizi,

“Onyé nchħu-ejan k'i wu jenrin ejen—

udj nke Mekizedekji.”

⁷ Ogen Jizosì gi ri elu uwani, o mē ekpere, a riċ Osolobue arirri; e gi oken-ekwan l-e ẹnya-mirin a kpoċu Osolobue hūn k'a saekha zuopuha a imē ɔnwxun, Osolobue no nü

ekpere e makeni o lachanrin enwen e toni Osolobue. ⁸ Osuon'a ni nwa a ro, afunfun kę Osolobue gi zun a, o ta afunfun, humechanrin isi. ⁹ O gigu a nwan zu oke, ruchanrin ogo, o no wuru onye hın nzugopuha itebite gha eka-a a bijani onye owitz k'e humen'e isi — ¹⁰ makeni Osolobue e tumeguo a onye isi nchü-ejan, ụdi nke Mekizedeki.

Nkuzi Ibuzo Rị Ime Ofufe Kraistị

¹¹ Ihien enyi cho ni enyi ku banyeni onwan bu odata, kanị o fuka orun okowa, makeni unu arizi a s'eka a ghota. ¹² Eghẹ, makeni, o te furu nwan ni unu rị a kuzi ndị ozø, kanị unu e henringuozi ndị we k'a kuzimezi ihien ibuzo rị oku Osolobue! Unu e henringuozi ndị we k'e ye mirin-eran ele ihien-oriri zeni! ¹³ Makeni onye owitz rị a ra eran wuhu ogbori ebe oku ihien Osolobue cho rị, makeni nwata k'o wuhu. ¹⁴ Kanị, ihien-oriri zeni wu nke ndị ka ehụ; nke ndị hın zungu enwen we ghahanị imesonmę ihien we rị a mu d'e ru ni a marin we ihien rị ichen imē njø le mma.

Isi Nke Isin

Ni Enyi Jensi Ni Ihun Ime Okukwe

¹ Ya wu, ni enyi la ni nwan nkuzi ibuzo ndini w'a kuzi banyeni Kraistị, hın enyi muguu to, jensi ihun, keni enyi hın uzø ka ehụ imē okukwe. (Ele hın enyi e gi gbemęzi iyeto, kuzimezi banyeni iroghari mebehi ihien ndị ahun ghaleni e ye ndun, le ikwerini Osolobue ² le nkuzi banyeni ụdi mirin-Chuku rị ichen-ichen le ibu eka kwasi ihiyan le igha onwun lihi le okinkin-ikpe itebite.) ³ Eghẹ, enyi sikọ d'e jensi nwan ihun—emeni Osolobue e kwerigho. ⁴ Makeni, asako we eka me ndị hın latogu okukwe we ni we gbehutozi obi we, kwerizi: ndị hın o me ni Osolobue e te shiapuguo we enya; a daminguo we oyiyi elu-igwee; Mmon-nso e ruguo we eka; ⁵ a daminguo we oku Osolobue, hın a n'o rika mma; a hunguo we ikən ogen hı hın lalani— ⁶ bu a lazikwo we Osolobue to!

Asakozị we eka wekinhen we d'e gbehutozi obi we, makeni we rị a kpogbuzi Nwa Osolobue elu obe, e gbe ifenren e ye e ihun ebe ihiyan ile rị, e gi e e me enwen we.

⁷ Ali hın a ra mirin hın e zueyesonmę'e, e gi e me ihien we kun e sue, a bannị ndị kun n'a erere, ngozi k'o narin eka Osolobue. ⁸ Kanị, o pume ogun le ekirika, o bannị erere owitz, lehụ ni Osolobue e d'a bu a onu, okun we k'e gi la iwi 'ya rị e che e.

⁹ Kanị, umunę enyi ri enyi obi, osuon'a ni enyi ri e ku enina, obi ru enyi ali ni nke unu jenkọ d'a ka mma; ni nke unu k'a wu nzugopuha le ihien ndị rịn'a. ¹⁰ Makeni, Osolobue ara megbu ihiyan; o zoko orun unu run le ihien-osusuo unu gi ifiri əfan a ghosi ghahanị iyeni ndị nke e eka—hın unu rikwo nwan e me. ¹¹ Kanị, enyi chokēnme ni onye owitz imē unu kwonkenme adudu ohu hı d'e ru njendemę, keni ihien unu rị a tu enya a hın uzø mezu; ¹² amamgbe unu a lama nzunzun imē okukwe onu; kama, ni unu e son nzom'oku ndị hın gi okukwe le ndidi nwonhen ihien ndị hın Osolobue kwe nkwa a.

Osolobue K'e Məzuriri Nkwa O Kwe

¹³ Ogen Osolobue gi kwe Ebrahim nkwa, ebe o me ni o nwonni onye ka Osolobue, Osolobue no kun enwen e, si, ¹⁴ "Ezioku-ezioku, m jenkọ d'a gozi i əhunma-əhunma, me umu i ba ụba." ¹⁵ Ebrahim no gichanrin ndidi cheri; o megwu, o no nwonhen ihien hı Osolobue kwe e nkwa. ¹⁶ Ihiyan e kun ihien kanị we; ihiyan kunhụ ihien we e kun gi ghosi ni k'o don ku e k'o rị, oku e bi. ¹⁷ Erịrazikwo, ogen Osolobue gi cho n'o ghosi ndị o kwe nkwa n'o gbehutozo ihien o bu obi, o no kun enwen e yen'e, gi e ghosi n'o sikọ d'e mərịrị a: ¹⁸ keni o gi ihien ebuo hın ghaleni e gbehuto —ya wu nkwa a le okunkun ahun o kun enwen e—, hın a ghosi ni Osolobue asaeka tu ntụ, gbakenme enyi ndị gbabon ni n'e umę, keni enyi hın uzø kwonkenme olile-enya hı o si enyi nwon. ¹⁹ Olile-ənyanị wu agbun zeni, hın furu we gi e don enya, hın k'e kwondon enyi, che enyi—agbun hın we gi limę umę-ndun enyi. Olile-ənyanị e we enyi a ghafe ekwa mgbonbepu hı, e weban enyi imē-imē ebęhụ Osolobue rị; ²⁰ ebęhụ Jesu buruguo ni enyi uzø banye make ufiri enyi —makeni o würügu onye isi nchü-ejan jenrin ejen, ụdi nke Mekizedeki.

Isi Nke Esa

Kę Mekizedeki No (Jenesisi 14.17-20)

¹ Mekizedekini wu eze ali Salém; o wuzikwo onye nchü-ejan Osolobue, Chuku Ahun Kachanrinni. O kunrun Ebraham ke Ebraham kinla, ogen Ebraham gi mérigu ndi-nze hụ agha, o no gozi Ebraham. ² Ebraham no kebe ihien ile o bulua agha uzö iri, we uzö ohu ye Mekizedeki. Nke ibuzo, efannı wu Mekizedeki wu “Eze Ihien-Chuku-chö”. Ozozı, Mekizedeki-ni wuzikwo eze ali Salém, ya wu “Eze Udòn,” makeni Salém wu Udòn. ³ O nwé nedí; o nwé nné; o nwónni ndi wé sì ni uwé mu a. O nwé mibidon; o nwé ogugu. O nohụ kę nwa Osolobue. O wu onye nchü-ejan jenrin ejen. ⁴ Lee k'o mehan oken-ihiyan! Nke wu ni Ebraham nedí-ényi kanı le enwén e kebede ihien ile o bulua imé agha hụ, ye e uzö ohu imé uzö iri!

⁵ Lee nwan: nke ụmụ Livai wu ndi nchü-ejan, Iwu Mozizi si wé a narin ụmụ Izrelu ibe we uzö ohu imé uzö iri. Ya wu, wé a narin ndi nke wé uzö-ohu-imé-uzö-iri, osuon'a ni wé ile wu ụmụ Ebraham. ⁶ Kanı, okennyyeni wu Mekizedeki ele onye ebón wé, bù o narin Ebraham' uzö ohu imé uzö iri, gozide e—o gozide onye nwén Osolobue le enwén e kwe nkwa! ⁷ Onye ọwule a maringuo ni onye kanı ya nwé a gozi ibe e.

⁸ Nke ụmụ Livai, ndi hụn a narin uzö-ohu-imé-uzö-iri wu ihiyan mmaka, hụn o me ni, omegu u nwünhun wé. Kanı, ụdi nke Mekizedeki, onye hụn a narin ni wu onye hụn Ehuhuqo-nsø ku n'ọ hụ ndun. ⁹ Ya wu, ényi k'a sazide eka si ni Livai le enwén e, hụn ụmụ a a narin uzö-ohu-imé-uzö-iri ghaha eka Ebraham kụ Mekizedeki uzö-ohu-imé-uzö-iri, ¹⁰ makeni Livai ríkwó ẹhụ nedí e kanı wu Ebraham ogen hụ Mekizedeki gi bia d'e kunrun Ebraham.

Jesu Wu Onye Nchü-ejan, Udi Nke Mekizedeki (Ebu-oma 110.4)

¹¹ Ya wu, omeni ụdi ejan ebón Livai a chü—ejan ahun ya le Iwu hụ we ye wé wí bia, te nwón iken o gi e mé ihien n'o zu oke ke Osolobue dọn chö, kí hajin nwan o gi rí Osolobue mkpa ikumézi oku onye nchü-ejan ozö—ụdi nke Mekizedeki, elezide ụdi nke Eronu?

¹² Wé wepú ụdi ejan le ndi nchü-ejan ríni, ni e webanhan wé ụdi ozö, wé k'e webanhaziriri iwu ọhụn hụn ya le ụdi ọhụn hụ wu ohu.

¹³ Jesuni, hụn ihien ndiní rí e zin eka, wu onye ebón ozö, bù o nwontuni onye ebón hụ rún ɔrun ríké onye nchü-ejan. ¹⁴ Makeni, o we enyia ni Onye-nwónni-ényi wu onye ebón Juda, bù Mozizi a kpóni ya wu ebón ẹfan ogen o gi ku oku ndi nchü-ejan. ¹⁵ Ihien o gi wekenmèdè enyia wu ni, ezioku-ezioku, ụdi onye nchü-ejan ozö, hụn no ke Mekizedeki a puhaguo nwan. ¹⁶ Ele ebón hụ Iwu Mozizi kpó ẹfan ke Onye nchü-ejan ozoní gha puhá; ya wu, ele ebón o gha bia k'o gi wúrú onye-isi nchü-ejan, kama, o wu a make iken o nwón hụn o gi a rí ndun jenrin ejen. ¹⁷ Makeni ihien Ehuhuqo-nsø ku banyen'e wu, “I wu onye nchü-ejan jenrin ejen,
 ụdi nke Mekizedeki.”

¹⁸ Ya wu, Osolobue a kagbuguo Iwu mbu, makeni ndun a rí Iwu hụ, makeni Iwu hụ asani eka mé ihien hụn rí mkpa—¹⁹ makeni Iwu mbu hụ e meni ihien ọwule n'o zu oke. Kama, Osolobue e webanhanguo nwan uzö ọhụn, olile-entya ọhụn, hụn ka mma, hụn entyi e gi s'eka nokunmè Osolobue.

²⁰ Osolobue kun enwén e gi biye ihienni eka. O kunni ihien ọwule ogen o gi tumé ndi nchü-ejan mbu hụ ndi, ²¹ kanı o kun enwén e tumé Jizosí onye nchü-ejan. Makeni Osolobue si a,

“Di-nwónni-entyi e kunguo enwén e,
 o gbehutokó obi e.

O sì,

“I wu onye nchü-ejan jenrin ejen,
 ụdi nke Mekizedeki!””

²² Ihienni ichenni hajn nwan Jizosi gi wuru onye obi gi e ru enyi alii ni nkwerigbama ohunni ka mma. ²³ Ihienni ozor rị ichen rizikwo: ndị nchukwu hụ bu ọda makeni onwun a nini onye ọwule imẹ wẹ rūnsomme ya wu orun. ²⁴ Kani, ya nwem awubehiko onye nchukwu makeni o rị a-rị jenrin ejen. ²⁵ Ya wu n'o k'a saeka zuopuhachanrin ndị hụ ghaha eka bia d'e kunrun Osolobue, zuopuhachanrin wẹ d'e ru njendem, makeni o rị ndun jenrin ejen, a riòdonni wẹ ebe Osolobue rị. ²⁶ Onye isi nchukwu makeni no enina e furugho enyi: onye isi nchukwu hụn rị nsø, hụn meleni njo, hụn nwonleni ebe o no ru, hụn ya le ndị-njo wüleni ohu, hụn wẹ busigụ elu, ye e onodị kachanrinni imẹ elu-igwee. ²⁷ O noni kẹ ndị isi nchukwu ozor hụ; o rini mkpa n'o k'a chusomme ejan uhuhijin-uhuhijin: o giguifiri njo a chukwu ejan, o gi ifiri njo ndị ozor chukwu. O chukwu ejan mgbe ohu, chukchanrin a-ojen hụ o gi we enwen e ye. Iya wuzikwo ejan ikpazun.

²⁸ Iwu Mozizi e tumē ihian-mmaka zuleni oke ni wẹ wuru ndị isi nchukwu ejan; kani Osolobue e giguifiri oku o ku tumē Nwa Osolobue hụn zu oke jenrin ejen n'o wuru onye isi nchukwu ejan. Osolobue kun enwen e yeni oku ahụn o ku; o ku ya wu oku ọsuon'a ni Iwu Mozizi a riguole.

Isi Nke Esatō

*Onye Nchukwu ejan Ohun Lẹ Nkwerigbama Ohun
(Jerimaya 31.31-34; Mat 26.28)*

¹ Isi-oku rị ihienni enyi rị e ku wu ni enyi nwon nwan ụdi onye isi nchukwu ejan hụn rị oche eka-nni ukpo Osolobue imẹ elu-igwee, ebekwu ogwo kachanrinni rị—² hụn rị a run Ebekwu Kachanrin Nso imẹ Ọdu-ofufe hụ wu nke ezigbo e hụn rị elu-igwee, Ọdu-ofufe hụ hụn Osolobue lẹ enwen e memem, ele hụn ihian gi eka memem.

³ Ihienni hajn wẹ gi e tumē onye isi nchukwu ejan ọwule wu keni o yesomme oyiye, a chusomme ejan. Ya wu ni o k'e nwéziriri ihienni onye nchukwu ejannu enyi rị e ku oku e ye.

⁴ Oméri elu-uwa k'o rị, o ke wu onye nchukwu ejan kaka-ebe o me ni ndị nchukwu ejan hụn a chukwu ejan kẹ Iwu Mozizi don ku hụ a.

⁵ Ebekwu wẹ no e fe ofufe hụn rị elu-uwa yihụ nke ezigbo e hụn rị elu-igwee eyi, onyinyo e ro. Makeni, ogen hụ Mozizi gi jenku d'a run Ọdu-ofufe hụ, Osolobue no gba a mkipinsin-eka, si a, "Hunkwo a ni i run ihienni ile n'o yi hụn wẹ ghosi i elu-ugwu."

⁶ Kani, Jesu e nwéhengwo orun ka nke wẹ mma, ebe o me ni o wu onye e donzi egabata imẹ nkwerigbama hụn ka nke wẹ mma—nkwerigbama Osolobue tumē, kwesonmẹ nkwa ka mma.

⁷ Makeni, oméri ya wu nkwerigbama ibuzo zuchanrin oke, o k'e nwon mkpa o rị ni Osolobue k'e webanhan nke ebwo. ⁸ Kani Osolobue hụn ihienni rilenu mma imẹ ndị nke e, makeni ya wu nkwerigbama ibuzo ezuchanrinni oke, 'ya hajn o gi si,

"Di-nwonni-enyi si,

'Lee e,

ogen lala,

hụn m k'e gi tumē nkwerigbama ohun
egbata mmem le ndị Izrelu le Juda;

⁹ o rikwu kẹ nkwerigbama hụ

mmem le ndị nedị wẹ kanj nwon,
uhuhijin hụ m kwondon wẹ eka
gha alii ijipu dupuha wẹ.

Makeni edonmene wẹ
nkwerigbama m—

'ya hajn

m gi la wẹ to.'

Ya kẹ Di-nwonni-enyi ku.

¹⁰ 'Di-nwonni-enyi si, onwan wu nkwerigbama hụ
hụn m jenku d'e tumē

egbata mmę lę ndị Izrelu,
o megü:
m jenkö d'e bu iwu m rị ichen-ichen
che imę uche wę,
de wę ye imę obi wę.
M k'a wụ Osolobue wę,
a wuru wę ndị nke m.
¹¹ Elezi hụn ihiyan k'a kuzime ibe e,
mobi gwama ibe e,
“Marinkwọ Onye-nwọnni-enyi.” Kaka!
Makeni,
wę ile jenkö d'a marin m;
gha onyę kachanrịn ntịn imę wę
d'e ru onyę kachanrịnni.
¹² Makeni,
m k'e mę ni wę omiken,
gbagharị wę eje-ihiyen ndị wę mę;
a nyanhankozị m njọ ndị hụn wę mesonmę.’’
¹³ Hunni o rị nwan e ku oku nkwerigbama ohun, ya wụ n'o meguo nke mbụ wuru nwan
ihiyen-akan; bụ omení ihiyen wụ ihiyen-akan bụ ọ hụ a kawaye egedi, ya wụ nị ogən e e d'a
gụ.

Isi Nke Itenei

Kę Wę E Fee Ofufe Mbụ Ahun

¹ Nkwerigbama nke ibuzo hụ nwọn ụmu iwu ndị sòn n'e hụn wę gi e fe Osolobue,
nwęzıkwọ ebe w'a no e fe ofufe hụn rị elu-uwani.

² Odu-ofufe ahun wę rụn nwọn mmughe ębuo. Imę mmughe nke ibuzo kę teburu lę
obu-ukpę ahun rị; ogbe bredi ndị ahun w'e dọnmę elu teburu ogən ile rịzikwọ ebəhụ. W'a
kpọ mmugheni “Ebe rị nsə.” Wę gi ekwa gbonbepu mmugheni ihun lę azụn. ³ Wę ghafe
ekwa mgbonbepu hụn ębo—ya wụ, hụn rị ęgbata mmughe ębuonj, a banye wę mmughe
hụn m'e ębuo, hụn w'a kpọ “Ebe Kachanrịn nsə.” ⁴ Ebeni kę ihiyen hụ wę gi goru mémé,
hụn wę no elu e a dùn nsensi ọkụn, rị. Ekpeti-nkwerigbama hụ rịzikwọ ebeni. Wę gi
osisi rụn a, gi goru nyankwama ęhụ a ile, kę imę e kę azụn a. Imę e kę mkpu goru
hụ wę buche ihiyen ahun wę risonmę imę atụ hụn wę kpọ mana rị; ọkpọ Erönụ ahun
gborini lę ibe omuma ębuo hụ we kaye Iwu iri ahun Osolobue ye Mozizi rịzikwọ ebəhụ.
⁵ Elu ekpətini kę ndị mmɔn-ozi ębuo wę kpụ rị. Ihiyen w'a kpọ ndị mmɔn-ozi ębuonj wụ
cherobim. Uwe a ghosi nị ogho Osolobue rị ebəhụ. Wę shiafụ nku wę elu ekpəti ahun.
Ihiyen w'a kpọ elu ekpəti ahun wụ Oche-omiken.

Kanị, enyi a s'eka kuru ihiyen ndịnị alị kikenni.

⁶ Enjna kę wę dònmesonmę ihiyen ndịnị wę. Ndị nchụ-ejan a banyesonmę mmughe
nke ibuzo ogən ile d'a rụn ɔrun rịnị nị wę, hụn wę gi e məzu oménalị ofufe. ⁷ Kanị, onye-
isi nchụ-ejan suq a banye mmughe hụ mę e ębuo. Mgbe ohu suq k'ọ banye e ahụa. Ọ
banyekonj, o k'e girirị edeke anụ, hụn o jenkö d'e gi chụ ejan. Ọ chụ ya wụ ejan make
njọ ya lę enwèn e lę njọ ndị Izrelu kpachampuleni enya mę. ⁸ Mmɔn-nsə gi ihiyen ndịnị
a ghosi nị omení ech'en kę wę rịkwọ e fe ofufe Odu-ofufe ibuzo hụ, uzo wę gha a banye
Ebe ahun rị nsə nke-esi e ke puha. ⁹ Wę gi ihienni a kowa ogənni enyi rị imę e. Onwan
rị a ghosi nị oyiyi w'e yesonmę lę ejan ile w'a chuyeni Osolobue imę ofufe mbụ ahun
asaeka mę obi ndị rị e fe ofufe hụ rị ochan. ¹⁰ Makeni oyiyi lę ejan ndịnị wę wụhụ oku
ihiyen-oriri lę ihiyen-ɔriṛa ichen-ichen lę nchanchan rị ichen-ichen wę gi e dòn ihiyen nsə.
Ihiyen ndịnị ile wụhụ oménalị enya e legha, hụn Osolobue tumę ni wę nị w'e mesonmę
d'e ru ogən o k'e gi tumę ihiyen ọhụn hụn zu oke.

Kę Wę E Fee Ofufe Ọhụn

¹¹ Kani, Kraistị a biaguo nwan nöké onyé-isi nchụ-ejan d'e wéhé ihien ọma ndị hụ rịtuleni. Ọ banyeguo Ọdụ-ofufe hụn kani, hụn ka a oke e zu, hụn wé gileni eka mémé, ya wụ, hụn wé gileni ihien ụwanị wé ke eke mémé. ¹² Ọ giguo nwan mgbe ohu banyechanrin Ebe Kachanrin Nso. Elekwó edata ewu lẹ nwa oken-efin k'o gi banye, kani, edata ya lẹ enwén e, gi e wéhé nzufuha itebite.

¹³ Makeni, omeni ifekpu wé hụ edata ewu lẹ oken-efin lẹ ntun nwa-efin wé dun okun kę onyé rileni ụchan (onyé mę ihien Iwu a sọ) gi a rịzi ụchan, a nabanhazị w'a, ¹⁴ ya wụ nị edata Kraistị jenkö d'a sa eka chanchan obi enyi ọhunma-ọhunma, chanchanpu ihien ndị ghale ni e ye ndun hụn enyi e mésomé, chanchanpuchanrin a, keni enyi hụn ụzọ fe Osolobue rị ndun makeni ndun Kraistị hụn nwéléni ntupọ kę Kraistị gi chuyeni Osolobue ejan, ghahanị Mmón-nso itebite. ¹⁵ Ya wụ nị Jizosị wụ onyé e wegbananị imé nkwerigbama ọhun. Iya k'o wụ keni ndị hụ wé kpó oku hụn ụzọ nwónhen ihien hụ k'a tọ jenrin ejen Osolobue kwe nkwa a. Wé k'e nwéhen e, ebe o mę ni o nwóngu onyé nwúnhunnị hụn wé gi ndun a gbapuha wé, maké njo wé mésomé okpuru nkwerigbama ibuzo hụ gha e ri isi we.

¹⁶ Makeni, ihiian kuguu kę wé k'a don ke uku e, wé sikọ d'a ghosiguu nị onyé hụ a nwúnhugu, wé kebe gi ihien o ku runma ɔrun. ¹⁷ Ihiian nwúnhugu suọ kę uku e o ke no a pa ire. Egikọ w'a run ɔrun ebe ọ rị ndun.

¹⁸ Ya hain nkwerigbama mbu hụ gileni bidonde bu edata anu wé gbu egbu arị a. ¹⁹ Makeni, ogen Mozizi gi gwachanringu nị ihien ile Iwu hụ sị wé e mę, ya ọ nọ weri edata nwa-efin [lẹ ewu] wé gbu lẹ mirin, gi eñenren anu e nwun ufie-ufie lẹ ukun efifia w'a kpó haisopu derisomé edata lẹ mirin hụ, fekpusomé kę Ehuhu-İwu hụ lẹ enwén e kę ndị Izrelü ile—²⁰ a sị wé, “Hunnị wụ edata wé rị e gi e tumé nkwerigbama hụ hụn Osolobue kwademé ni ụnu.” ²¹ Erirazikwo kę Mozizi don fekpusomé Ọdụ-ofufe hụ lẹ aria ile wé gi e fe ofufe. ²² Ezioku-ezioku, okpuru Iwu Mozizi, o d'a wúru nị edata ke wé gi e don ihien ile nsọ: omeni egbuni wé anu—omeni edata aria, mgbaghari njo aríkọ.

Ejan Kraistị E Wepu Njo

²³ O mę nwan nị omenalị ndị hụ ile rị mkpa igi don Ọdụ-ofufe rị ụwa nsọ—bu onyinyon mmakalaka rọ, ya wụ nị ejan ka ndị hụ mma kę nke ezigbo e rị elu-igwee chọ. ²⁴ Makeni, ele Ebéhụ wé gi eka mémé wé no e fe ofufe—hụn wúhu onyinyon nke ezigbo e kę Kraistị banye, kama, o banyeguo nwan elu-igwee lẹ enwén e, weri onodị ebe Osolobue rị make orinimma enyi. ²⁵ Elekwó hụn o k'e gi gi enwén e chusomé ejan, a chụ, achudonzi rikę kę onyé-isi nchụ-ejan rị elu-ụwa don e mę, e gi edata wuleni nke e a banye Ebéhụ Kachanrin Nso ahua-ahua. ²⁶ Omeni nke Jizosị rị eríra, nké ọ hụ a nwun anwúndonzi kete w'e kele ụwa! Kani, ezioku wụ n'o biaguo nwan mgbe ohuni suọ ogugu-ogenni, d'e wepuchanrin njo ghahanị igi enwén e chụ-ejan.

²⁷ K'o don wúru nị ihiian a nwúnhun mgbe ohu, ọhun meguu, okinkin-ikpe e son e, ²⁸ eríra k'o donzi wúru nị hunnị Osolobue giguu Kraistị chụ ejan mgbe ohu suọ chuchanrin a, hụn Kraistị gi buru njo ndị bu ọda, Kraistị lalazi hụn mę e mgbe ebụ—elezi oku njo k'o lalani, kama, ọ lala d'a zupuha ndị hụn rị e lekenmę enya a.

Isi Nke Iri

Jizosị E Giguo Ejan Ohu Hụ Ọ Chụ Chuchanrin Ejan Ile

¹ Ebe o mę ni ihien rị imé Iwu Mozizi wúhu onyinyon ihien rị mma lalani, ele ezigbo e; ya wụ nị ejan hụ w'a chusomé ahua-ahua asako nwan eka chanchanu njo ndị a bia d'e fe Osolobue, mę wé zu oke. ² Omeni o te sa eka a chanchanu njo, nké ndị hụn e fe ofufe a chubehi ejan. Makeni, nké njo wé a wúru ihien wé chanchanu mgbe ohu hụ, chanchanpuchanrin a, obi e ke gha e gbuzi wé mgbu. ³ Kani, ejan ndị hụ w'a chụ a nyanhansonmę ni ndị rị a bia d'e fe ofufe njo wé ahua-ahua, a nyangan nị wé nị w'e mésomé njo, ⁴ makeni edata oken-efin lẹ ewu asaeka wepụ njo. ⁵ Ya hain ogen Kraistị gi bia imé ụwa, ọ sị,

- “Kẹ ejan-o, kẹ oyiye-o, o nwɔnni hūn i chọ;
kama, ẹhụ k'i kwademeni m.
- ⁶ Kẹ oyiye wę dun օkun-o kẹ oyiye w'e ye makę ifiri njø-o,
o nwɔnni hūn a sụo i ụṣụo.
- ⁷ Ya m nō sị ‘Lee e, Osolobue, a biaole m d'e mē uche i—
nōké kẹ wę dọn de banyeni m imē Ẹkukwø-nsø.’ ”
- ⁸ Nke ibuzo, o sị, “Kẹ ejan-o, kẹ oyiye-o, kẹ oyiye wę dun օkun-o, kẹ oyiye w'e ye
makę ifiri njø-o—o nwɔnni hūn i chọ, o nwɔnni hūn a sụo i ụṣụo” (osuon'a nị Iwu sị
w'e məşonmę ihien ndịnjị). ⁹ Ya o nōzị sị, “Lee e, a biaole m d'e mē uche i.”

Ya wụ nị o buguo nke ibuzo che ụṣụo keni o tumę hūn mē e ẹbuo. ¹⁰ Iya wụ uche
Osolobue kẹ Kraistị mē nwan, hūn wę gi nwan dọn ẹnyi nsø ghahanị ejan Kraistị gi ẹhụ
a chụ, chụ a mgbe ohu, chüchanrịn a.

¹¹ Onyę nchụ-ejan օwule a rụn օrun a ụhụohin-ụhụohin, a chusonmę ụdị ejan ohu
hụ—ejan hūn ghaleni asaeka e wepụ njo. ¹² Kanị, nke Kraistị wụ nị ogen o gi giguụ ifiri
njø chụ ejan ohu hụ o gi chüchanrịn ejan ile, o nō nodị alị ẹka-nni Osolobue. ¹³ Kete mgbe
hụ, o rị e che mgbe Osolobue k'e gi gi ndị iñenren e mémé n'ē ihien o gi a zoma ụkụ a,
¹⁴ makęni o giguụ ejan ohu mē ndị hụ o dọn nsø wuru ndị zu oke jenrin ejen. ¹⁵ Mmón-nsø
rịzíkwø a shia eri o gi a ghosi ẹnyi ni ihienni wụ ezioku. O bu ụzo sị,

¹⁶ “Di-nwɔnni-ẹnyi sị,
‘Onwan wụ nkwerigbama hūn m jenkọ e tumę
egbata mē lę wę ogen hụ:
m jenkọ e bu iwu m che imē obi we,
m k'e de wę ye imē uche wę.’ ” ¹⁷ O nō sịzi, “Anyanhankozị m njø wę lę mmefie wę.”
¹⁸ Ya wụ, ebe wę nō gbaghariгу hụ njø ndịnjị wę, w'a ra chuzi ejan wę gi e wepụ njo.

Nị Ẹnyi Nokunmę Osolobue

¹⁹ Umuńe m, ẹnyi e nwęguo nwan ihien obi gi e ru ẹnyi alị a banye Ebe Osolobue rị
makę ihien ẹdeke Jizosị mē. ²⁰ Egheę, makęni Jizosị a kwaguo nị ẹnyi ụzo ọhụn hụ rị
ndịn għħanị ẹhụ a, ya wụ օnwun a, hūn o gi dowapu nị ẹnyi ekwa mgbonbepu hụ.
²¹ Ozozị, ẹnyi nwɔn oken onyę nchụ-ejan hūn ulo Osolobue rị ẹka a. ²² Ifiri ihien ndịnjị
wę, nị ẹnyi gi ni nwan obi ẹnyi ile lę obi erumalị ndị gi ya wụ onyę nchụ-ejan dọn ẹnya
buruhę Osolobue. Nị ẹnyi bia nwan makęni o giguụ ẹdeke e fekpu obi ẹnyi, chanchanfụ
ihien ile obi te gi a ma ẹnyi ikpe, gi mirin nwunni wuchanpu ẹnyi ẹhụ.

²³ Nị ẹnyi kwonkénéni ni nwan olile-ẹnya hụ ẹnyi nwɔn—makęni Osolobue hūn kwe
ẹnyi nkwa furu onyę wę gi e dọn ẹnya. O k'e məzu nkwa a.

²⁴ Nị ẹnyi a chosonmę ni ụzo ẹnyi e gi e mē ibe ẹnyi e nwę ihien-osusụo, a rịnzikwø
orun rị mma. ²⁵ Ele hūn ẹnyi e gi a latọ ison ibe ẹnyi a gbakikomę kẹ ndị hụ imē ẹnyi
dọn e mē. Kama, nị ẹnyi a kasị ibe ẹnyi obi, tumadụ hunnị ẹnyi rị a hūn kẹ ụhụohin
Di-nwɔnni-ẹnyi rị a rịwaye nsue.

²⁶ Makęni, omeni ẹnyi a kpachanpu ẹnya tọ njø e mē, ebe ẹnyi maringụ ezioku, o
nwɔnzini ejan օwule hodonị hūn wę jenkọ d'a chụ gi wepụ njo. ²⁷ Kama, ihien k'a gha e
che onyę ahun wụ ikpe-omuma hūn a tụ egun lę oken օkun hūn jenkọ d'a dunpuchanrịn
ndị-iñenren Osolobue. ²⁸ Makęni, ebe o mē ni onyę օwule dan Iwu Mozizi, e gbu w'e,
emeni wę omiken e—madụ ẹbuo mōbụ eto shiahụ eri n'o mē ihien hụ, ²⁹ nanị k'i ro
nị afunfun furu wę k'e ye ndị legberi Nwa Osolobue k'a johan njø—ndị leniā ẹdeke
nkwerigbama hụ wę gi dọn wę nsø, kpasu Mmón-nsø wę għa mēn'e efoma iwe? ³⁰ Makęni
ẹnyi a maringḥo Osolobue, onyę hūn sị, “Mmē nwę e megwari; m k'a kükın ugwo;” sịzi,
“Di-nwɔnni-ẹnyi jenkọ d'e kin ndị nke e ikpe.” ³¹ Ihien a tụ egun k'o wụ nị ihiän danye
ẹka Osolobue hūn rị ndịn.

Nyanhan Nị Kẹ Ụnụ Dọn Bidon

³² Ka nyanhankwø nị օrụrụ-alị hụ ụnụ gi kweri, ogen hụ wę gi shiapugụ ụnụ ẹnya;
nyanhankwø nị kẹ ụnụ dọn dingbuchanrịn eje-afunfun bu odata bịa nị ụnụ; ³³ kẹ wę

dön kparisomnem ụnu, kpokposonm ụnu, k ụnu dön sonda ndị ozo w e r i e m e ेrira ta afunfun. ³⁴ Eghe, ụnu a tadę ni ndị r i ulo-angan afunfun ogen h u; ogen w e gi napu ụnu ihien ụnu, ụnu e gide ighogh o din e, makeni ụnu a maringh o ni ụnu le enwen ụnu nwon h u n ka mma le h u n k'a t o jenrin ejen.

³⁵ Etuhukwol e ni obi-erumal i h u ụnu nwon im e Di-nwonn i-enyi, makeni ugwo-ørun r i n'a e hikewo ogbe. ³⁶ Makeni, o r ika mkpa ni ụnu din ndidi, keni ụnu h u n uzo mesonm e uche Osolobue, gi e nwonhen ihien h u o kwe nkwa a. ³⁷ N oke ke Ekukw o-ns o d o n ku,

“O h o d u ekere,
onye h u n lalan i a bia—
o biek o.

³⁸ Kani,
okukwe k e onye nke m h u n r i k e m cho
k'e gi e bi.
O gbakin azuun,
ihien e asuok o m.”

³⁹ Kani, enyi a r i nd i h u n a gbakin-azuun, gi ेrira tuhu; kama, enyi r i nd i k'a gha e nwon okukwe, Osolobue e gi ifiri e zuopuha w e.

Isi Nke Mmanaij

Okukwe

¹ K i w u nwan okukwe? Okukwe w u igi e dön n'i k'e nwonhen ihien i r i a t u enya a; igi ihien dön, bu y'a r i n i e leghan'a.

² Ufiri okukwe nd i mbu ahun nw e k e Osolobue gi kunn i w e oughunma. ³ Okukwe k e enyi gi a ghota ni oku-онu k e Osolobue gi ke ụwa, ya w u ni w e gha ihien enya ghaleni a legha meme ihien nd i h u enya e legha. ⁴ Ebelu nw e okukwe: iya k'o gi chuyeni Osolobue ejan ka nke Keni mma. Iya h a i n Osolobue gi ku ni Ebelu oughunma, kp o a onye r i k e Osolobue dön cho, shia n'a eri ni oy iye o ye r i mma. Makeni o nw e okukwe k'o gi w u r u ni osuon'a n'o nwunhunqu o hukwo e ku oku*. ⁵ Enoku nw on okukwe: iya h a i n Osolobue gi weri e shi elu-igwee ebe o r i ndun. O nwunhunni. A cho w'a, ahunzini w'a, makeni Osolobue e weriguo a. Makeni, ni Osolobue d'e weri e, Ekukw o-ns o e kuol'a ni “ó m e ihien a su o Osolobue.”

⁶ Bu ihiian as'eka m e ihien a su o Osolobue, mman i o nw egho okukwe. Makeni, onye owule bia d'e kunrun Osolobue k'e girir i a dön n'o r i ar i, n'o kuzikwo nd i a chokenmen'e ugwo. ⁷ Nua nw on okukwe. Ifiri e, ogen Osolobue gi gwato a ni ihien metulen i jenko d'e m e, o no gi e dön, gi egun Osolobue run ugbo-mirin pu-ich en, h u n Osolobue gi nwan zuopuha ezi-le-ul o ya w u Nua. Ihienni Nua m e k e ikpe gi ma ụwa. Nua no gi e w u r u onye r i k e Osolobue dön cho, w u r u a makeni o nw e okukwe.

⁸ Ebraham nw on okukwe. Iya h a i n o gi kweri ogen Osolobue gi kp o a, si a shi ebe o jenko d'e ye e, o no jenme bu o marin ebe o jenko. ⁹ Okukwe k'o gi kwashi al i h u Osolobue kwe e nkwa d'e biri k e otunmuy e-e bisonm e im e odu. ेrira k e Aziki le Jekopu, nd i rizikwo nd i Osolobue kwe ya w u nkwa, bisonm e im e odu. ¹⁰ Ebraham m e ेrira makeni o bu obi le enya zimme obodo ahun nw on iyet o h u n k'a toni, obodo ahun Osolobue gi eka a rof uha, tun.

¹¹ Okukwe k e Ebraham gi saeka mu nwa, osuon'a n'o kaguo egedi oda-oda; osuon'a ni Sara le enwen e w u agan. Makeni, Ebraham gi e dön ni Chuku h u n kwe nkwa, furu w e gi e dön enya, n'o jenko d'e m ezu nkwa a. ¹² Ya okenny e ohuni ehu a nwunhunqu ebe imu-nwa r i no mu umu bukenm e oda—noke kokise r i elu-igwere, noke ejan r i mkpenren ohimin h u n w e ghaleni a saeka a gunguu.

¹³ Nd i ni ile kwondon okukwe nw un, bu w'e ke nwonhen ihien nd i h u Osolobue kwe w e nkwa, kani, e lecheguoni w e ihien nd i h u, gi ighogh o nabanh an w e. W e kwerizikwo

* Isi Nke Mmanaij:4 Jeneesi 4.10

nị wę wụ itumunyé imē ụwanị, e kuzikwọ a. ¹⁴ Ndị e ku enīna rị a ghosị n'o nwonguọ alị ẹnya wę rị hụn wụ nke wę. ¹⁵ Omēni alị hụ wę gha pūha kę wę te rị e ro, efe te hụ a w'e gi kin-azụn. ¹⁶ Kanị, wę rị a chọ alị hụn ka mma, ya wụ, nke elu-igwee. Ya hain ifenren gileni e mē Osolobue ịza Osolobue wę, makeni, ezioku-ezioku, o nwęgho obodo o kwademeni we.

¹⁷ Makeni Ebrahim nwọn okukwe, ogēn Osolobue gi lele e, o nō bia d'e gi Aziki chụ ejan. Onyę nwən wę kwe nkwa ndị hụ nō mémé n'o gi akpụ nwa a ohu chụ ejan! ¹⁸ Nwa nwən wę gwa a oku e, sị, “Eka Aziki kę ụmụ wę jenkọ d'a kpọ nke i k'a gha bia.” ¹⁹ Ebrahim gi e dòn ni Osolobue k'a saeka weli onyę nwụnni. Kę ihiēn ile dòn mē, o rịchanrịnhụ kę ebe o nō gha imē ọnwụn nwęhēnzi Aziki nke-esi.

²⁰ Aziki nwọn okukwe. Iya hain o gi gozi Jekopụ lę Iso—kusonmē ihiēn k'e mē imē ndịn wę ihun.

²¹ Jekopụ nwọn okukwe: o d'a nwụn, o nō gozi onyę-onyę imē ụmụ Josefụ ębụo, gi ọkpọ a wuzo, hulua isi, fe Osolobue. ²² Josefụ nwọn okukwe: ogēn o gi jenkọ d'a nwụn, o nō ku oku ọpụpụ ụmụ Izreļu jenkọ d'a gha Ijiptu pụ, gwa wę kę wę k'e mē ọkpükpu a.

²³ Ndị mụ Mozizi nwọn okukwe. Ya hain wę gi zuemē Mozizi gha ogēn wę gi mụ a d'e ru ifon eto, makeni wę hụn a nị o wụ nwa pu mma odata-oda, atunị wę egun iwu hụ eze ye.

²⁴ Mozizi nwọn okukwe: ogēn o gi suepūha, o nō jụ w'a kpol'a nwa nwa-okpoho Fero, eze alị Ijiptu. ²⁵ O hanrịn n'o ka mma nị ya lę ndị nke Osolobue wịri ta afunfun karị imē Osolobue njo ebe o n'a chọ n'o ri-uwā, iri-uwā hụn ghaleni a to. ²⁶ O gi e dòn nị mkpari lę nlegberi hụn gi ifiri Kraisti bijani ihiān wụ aku-lę-uba hụn ka aku-lę-uba rị Ijiptu. O mē erira makeni o bu ẹnya zinmę ụgwọ-ørün lalani. ²⁷ Makeni o nwę okukwe, o nō gha Ijiptu pụ; egun atun'a nị iwe jenkọ d'e we eze wụ Fero. O leni ẹnya azụn, kama, o dinsonmē lèkè sị o rị e legha Osolobue, onyę ahụn wę ghaleni e legha ẹnya. ²⁸ Okukwe k'o gi mē Mmemmē-Nghafe lę Ifesonmē ędeke ye Ọnumuzo, hụn o gi mē ni mmɔn-ozi hụ rị e gbu ụmụ ikennye ibuzo ndị Ijiptu e gbuni ụmụ ikennye ibuzo ndị Izreļu.

²⁹ Okukwe kę ndị Izreļu gi ghafe Ohimin-Ufie lèkè sị wę ghakọ akpakalị. Kanị, ogēn ndị Ijiptu gi chọ nị wę nwən ghafe, mirin nō rukpumē wę, wę nō ragbu enwēn wę.

³⁰ Okukwe ndị Izreļu nwę kę ụgba Jériko gi dan ogēn wę gi jenhunmeguụ a akpụ-ụhuohin esa. ³¹ Okukwe igbaraja hụ wụ Rehabu nwən hain o gileni son ndị hụn nufu isi la ntikpo—makeni o gi ifiri okukwe e gi udon nabanhān ndị Izreļu hụ gi nzuzue bia d'e lele alị wę wụ Jériko.

³² Kị m k'e kuzi nwan? Ogēn arịa, nké m'e te kumē oku Gidionị lę Baraki lę Samsinị lę Jefta; oku Defidi lę Samuelu lę ndị-amụma mbu-mbu—³³ ndịn ile nwọn okukwe—gi e méri alị rị ichen-ichen; gi e kị ọkịkị zinrinni; gi e nwonhen ihiēn Osolobue kwe wę nkwa a; gi e kpukinsommē ęwɔrọ ọnụ; ³⁴ gi e tinyụn oken-okun; gi e wanahin ogbugbu wę te k'e gi opia-agha gbu wę; gi e nwonhen ikēn ebe ndịn guguu wę; gi e kpa ikēn agha; gi e chuziza ndị-agha ndị alị ọzọ. ³⁵ Ikpoho ndị hụ imē wę nwę okukwe, Osolobue nō gi e welini wę ndị nke wę nwụnhugunu.

Nke ndị ọzọ wụ nị wę gi ifiri okukwe wę mēshi wę ikēn odata-oda, kanị a jụ wę w'a hatule wę, hụn nké w'e gi tuhu okukwe wę, makeni wę nwụn, wę k'e lihizi rị ndịn ka mma.

³⁶ A kpa wę ndị ọzọ ye emu makē okukwe wę, gbu wę mkpiñsin; e kendē wę ndị hụ imē wę egbun, tụ wę ye ụlo-ngan—makē okukwe wę. ³⁷ E gi wę ọmụma magbu ndị hụ imē wę; a kpowa wę ndị hụ imē wę ụzọ ębụo; e gi wę opia-agha gbu ndị hụ imē wę.

Akpükpo atunrun lę akpükpo ewu sụo kę w'a hụn e yi, e nwę wę ihiēn ọwụlę mɔbụ ndị e yeni wę ẹka; e kpokpo wę wę; e meja wę wę! ³⁸ Uwanị efuruni ndị nō erira! W'a wahunmē imē atu lę elu-ugu lę imē okporo lę ọnụ ndị rịsonmē alị.

³⁹ Ezię, wę ku oku ndịn ile ohunma makē okukwe wę, kanị, o nwonni onyę ọwụlę imē wę hụn nwonhen ihiēn ahụn Osolobue kwe nkwa a. ⁴⁰ Makeni, Osolobue kwademeni ẹnyi ihiēn ka mma, hụn o gi mē ni ezukọ wę oke bụ ẹnyi a rị a.

Isi Nke Mmębụo

Nị Enyi Sὸnmę Nzomukụ Krajstị
(Mat 11.28-30)

¹ Ya wụ, ebe o mē nwan ni igunrun ndị ọsheri han eniha fihunmę enyi lęké ọgbọ*, ni enyi latō nwan ihien ọwule hụn a nyindannị enyi, natozikwọ njo ahụn e mesonmę enyi uke. Ni enyi dikemne, gba osonị Osolobue ketoni enyi, ² bu enya zinmę Jizosị, hụn wụ mbidon lę ọgugu okukwe enyi; hụn gi ifiri ighoghọ hụn rị e che n'e dingbu obe hụ, legberi ifenren rịn'a. O nodiguo nwan alị eka-nni ukpo Osolobue.

³ Rokpo nị onyen'i dingbu ihien ahụn ile eka ndị-njo—amamgbe ndun a gụụ ụnụ mọbụ ụnụ e tuhu okukwe ụnụ. ⁴ Ogunni ụnụ rị e che njo, ụnụ e ke cherudę e ebe o no napụ ụnụ ndun ụnụ. ⁵ Ụnụ a zoguodę oku nkasi-obini Osolobue ku, hụn o gi a gba ụnụ umę nökę ụmụ a ra? O si,

“Nwa m,
elegberile afunfun Di-nwọnni-enyi gi a zun i;
anile ndun gụụ i ebe o rị a jụgbọ i;

⁶ makeni,
afunfun kę Di-nwònñi-enyi gi a zun
onye o bu obi;
onye hụn o nabanhān nökę nwa a
k'o fjan mkpinsin.”

⁷ E digbu ni nwan afunfun, e weri e nökę ọzunzun. Osolobue gi e a ghosi nị ụmụ a kę ụnụ wụ nke-esi. Elee nwa kę nedị e ghaleni e ye afunfun ebe o n'a zun a? ⁸ Omeni eyeni we ụnụ afunfun wę gi a zun nwa kę wę dọn e ye onye ọwule wụ nwa nke-esi, ya wụ nị ụnụ elę ụmụ nke-esi. ⁹ Ebe o mē ni enyi a gbayeghọ ndị nedị enyi rị elu ụwanai ogən wę gi e ye enyi afunfun wę gi zun enyi, o furuni nị enyi wepụha obi enyi bu enwén enyi che okpuru Nedị enyi nke imē Mmọn wụ Osolobue, keni enyi hụn uzọ nwọn ndun? ¹⁰ Ndị nedị enyi e yeghọ enyi afunfun ekere ogən ebe wę n'a zun enyi kę wę marinhān, kanị ya le enwén e wụ Osolobue gi afunfun a zun enyi keni o rịnị enyi mma nke-esi, keni enyi sòn e ri nsø. ¹¹ Afunfun w'e ye ihien wę gha a zun a ra sụo usụo ogən hụ ihien gi rị imē e, ufu k'o fü. Kanị, omeguu, o mipuha nị ndị wę gi e zun mkpuru, hụn wụ udon lę ibi kę Chuku cho.

Ndị nmodun Lę Eka-ntin

¹² Gbakemnemē ni nwan eka, ụnụ a gbakemmezikwọ mkpụ-ükü ndị ahụn rị a ma nni.
¹³ Kwa nị nị nwan ọkụ ụnụ uzọ zinrinni, keni ükü riləni ikən hụn uzọ dīnhịn, amamgbe o kwapu.

Ajukwolę Ni Eyemeka Osolobue!

¹⁴ A liliima nị nị udon a rị ęgbata ụnụ lę onye ọwule lę ni ụnụ a rịzikwọ nsø, makeni onye riləni nsø ahunko Onye-nwònñi-enyi.

¹⁵ Hụn n'a n'o nwònñi onye efoma Osolobue fie; nị ize arinị imē igunrun ụnụ, buhę nsongbu, mérę ndị bu ọda—erịra mkpogun dọn e suepụha. ¹⁶ Hünzikwọ n'a nị o nwònñi onye rị a ghereni, mọbụ onye nökę Iso—hụn nwònñleni ihien o kpo ihien Osolobue, hụn gi ifiri ọkwa ihien-oriri ohu repụ onodị nwa-ibuzo o wụ. ¹⁷ Unụ a marinhān nị omeguu, o no chọ nị o nwònñhen ngozi hụ, kanị a jụ w'a; o sanị eka gbehutọ ihien, ọsụon'a n'o gi enya-mirin chọ ngozi hụ.

¹⁸ Makeni, elę ihien wę a saeka e mètụ eka kę ụnụ bia d'e kunrun—nökę kę ụmụ Izrelü dọn bia Ugu Sainai; elę oken ọkụn rị e nwunni lę ishi lę ebe wę n'o a kwan “okokoko!”; elę oken ufere rị a kponi. ¹⁹ Elę olu opị rị a hannị lę olu rị e ku ihien o mē ni ndị nụn'a n'o rịoma nị asa wę eka nuzi—²⁰ makeni obi wę asani eka bu iwu o ti: nị, “Ihien ọwule eħu a mètụ ugu hụ, wę magbu e, ọsụon'a nị anụ rọ”! ²¹ Ihien ile wę rị a hụn a wükemeké ihien egun, nke wụ nị, Mozizi lę enwén e node si, “Egun rị a tụ m, eħu rị a ma m nni!”

* Isi Nke Mmębụo:1 Griki: orukpu

²² Mba! Ugu Zayonu kẹ ụnu bia, obodo uku Osolobue rị ndun, Jerusalém hún rị elu-igwee; ụnu bia d'e kunrun igunrun ndị mmモン-ozi wę ghaleni a sa eka a gun; ụnu bia d'e kunrun ndị rị e mē mmemmmé, a ghogho. ²³ Ụnu a biaguo d'e kunrun igunrun ụmu ibuzo Osolobue, hún wę deye ẹfan wę elu-igwee. Ụnu a biaguo d'e kunrun Osolobue hún wu ọka-ikpe ihiyan ile. Ụnu a biaguo d'e kunrun ndị bi elu kẹ Osolobue dọn chọ hún Osolobue megwu nwani mmモン wę zu oke. ²⁴ Jizosị kẹ ụnu bia d'e kunrun, onye hún e wegbara Osolobue le ihiyan imē nkwerigbama ọhun. Ụnu a biaguo d'e kunrun ẹdeke-nfesonmę ahun hún rị e ku ihiyan ka mma karị mmegwari ahun ẹdeke Ebelu sị wę megwari, makeni onwan sị gbaghari.

²⁵ Hunkwo n'a nwani nị ụnu apanị oku Osolobue, onye ahun rị a gwa ụnu oku ogenni. Makeni, omeni awanahinni wę ogən hụ wę gi pa oku Mozizi hún nō elu-uwani ogən ahun a dō wę eka-ntin, enyi asakokwo eka wanahin kaka, omeni enyi a pa oku Osolobue hún gha elu-igwee a dō enyi eka-ntin. ²⁶ Ogən hụ, ụwa kẹ olu e zinzin; kanị, ogenni, o kweguo nkwa, sị, “M k'e zinzinzi ihiyan ile: elezi ụwa sụo kẹ m sikọ nwani d'e zinzin, m k'e zinzinzipo elu-igwere ile le ihiyan rịn'a.” ²⁷ Okuni o ku: “M k'e zinzinzi” rị a ghosi nị Osolobue sikọ d'e wepụ ihiyan ndị hụ wę a sa eka e zinzinfu, ya wu ihiyan wę ke eke, keni ọ hún uzor hodu hún wę ghaleni a saeka e mēhunmę. ²⁸ Ebe o mē nwani nị enyi rị e nwonyen alị-eze hún wę ghaleni a saeka e mēhunmę, nị enyi gi nwani ekele le egun le ẹhu-omuma-nni fe Osolobue ofufe furu hún ọ nabanhān; ²⁹ makeni ezioku-ezioku, Chuku enyi wu okun hún e bu ihiyan e ri.

Isi Nke Mmęto

Obibi Hún A Sụo Osolobue Usụo

¹ E nwę ni ihiyan-osusụo umunę ụnu imē Kraistị ogən ile. ² Egikwolę ni ịnabanhan ndị ọbia gu egū—makeni, o nwonyo nị gi enjina nabanhān ndị mmモン-ozi, lee wę ọbia—bụ a marin wę nị ndị-mmモン ozi rọ. ³ A nyanhan nị ndị rị ụlo-ngan nökə sị ụnu le wę rị ụlo-ngan; a nyanhan nị ndị wę rị e mēshi-iken nökə sị ụnu kẹ wę rị e mēshi iken. ⁴ Gbayekenmę ni olulụ di-le-nwunye; kẹ di kẹ nwunye ewiwikwolę enwèn e, mērụ elu-ukpo wę*—makeni Osolobue jenkö d'a ma ndị ughere ikpe. ⁵ Anıkwolę ni egho a sụo ụnu; a nị nị ihiyan ụnu nwọn e jun ụnu ẹfo. Makeni, Osolobue e kuolę, sị, “Ahabukọ m ụnu mōbụ la ụnu tọ.” ⁶ Ya wu, enyi k'a saeka du eka obi, sị,

“Di-nwonyi-nyi wu onye e yeni m eka,
egun atukọ m;

kị ihiyan k'a saeka mē m?”

⁷ Nyanhan nị ndị-ndu ụnu, hún gwa ụnu oku Osolobue; lekpo nị ihiyan ndun wę runpụha; kịnrin nị okukwe wę. ⁸ Kẹ Jizosị Kraistị rị unyanhun k'o rị tannị; ọ k'a rị ẹrija jenrin ejen. ⁹ Awukwolę ni ndị wę gi nkuzi rị ichen-ichen e dufie; makeni ọ rịka mma ebe ọ nō mē ni eyemeka Osolobue kẹ obi gi ru ihiyan alị, nị eélé idonmęsonmę iwu ihiyen-oriri—iwu ihiyen-oriri hún bantuleni ni ndị e dònNmę ni wę erere. ¹⁰ Ukpo nchụ-ejan nke enyi wu ụdi hún o mē ni ndị nchụ-ejan hún a rụn imē Ọdụ-ofufe akan hụ efuruni nị wę ri ihiyan rị n'a.

¹¹ Onye-isi nchụ-ejan Ofufe-akan hụ e webanhan ẹdeke anụ wę gi chụ-ejan njọ imē Ebēhụ Kachanrin Nso, kanị w'e bu anụ hụ e shi ebe ihiyan bileni d'a dun ọkun. ¹² Ya hajin Jizosị gileni nō imē obodo nwunhun, kama wę gha imē obodo wepụ a d'e gbu, keni ọ hún uzor gi ẹdeke e dòn ndị ihiyan nso. ¹³ Nị enyi gha nwani imē obodo pụ, buru e ebēhụ ihiyan bileni—d'e son e narin ihiyan ifenren wę mē e, ¹⁴ makeni enyi e nwọn obodo ọwule hún k'a tonị elu uwari enyi rị; kama, enyi rị a tu enya obodo hụ lalani. ¹⁵ Nị enyi ghama nị nwani eka Kraistị a ja Osolobue mma ogən ile, makeni ebe Osolobue rị, ọhun wu ejan enyi rị a chuyen'ę—mkpuru ọ rị a ghori ugbo'nu ndị rị e fen'ę, a kpoku ẹfan a.

* Isi Nke Mmęto:4 Di esonlę okpoho ọzọ; nwunye esonlę okennye ọzọ.

¹⁶ Hun n'a ni ụnu hụ e mè mma lè ni ụnu e keye ibe ụnu ihiẹn ụnu nwọn, makeni ụdi ejanni a sụo Osolobue ụsụo.

¹⁷ E hume ni ni ndị-ndu ụnu isi; e bu ni enwèn ụnu e che okpuru wę. Makeni, wę rị e lepù umē-ndun ụnu enya. Wę jenkö d'e ye Osolobue mgbakọ banyeni ụnu. Hun n'a ni wę gi ighoghọ ye ya wụ mgbakọ, ele enya-mirin, make ọ gha a jọ ụnu njo.

¹⁸ E mè ni ni enyi ekpere. Makeni, enyi a maringhọ ni obi enyi rị ochan, ni enyi a chọzìkwò ni enyi e bi obibi nwę ogho imē ihiẹn ile enyi rị e mè. ¹⁹ M rị a riọkènme ụnu, mè ni ihienni, keni wę hun uzọ wekinhen m ebe ụnu rị egwa.

Ekpere

²⁰ Osolobue e ye udon; iya gha ọnwụn wekinhen Di-nwọnni-enyi wụ Jesu, okèn onye-ndu atunrun ahụn wę gi ędeke ẹ (ya wụ ọnwụn a) biye nkwerigbama itebite hụ Osolobue tumé eka; ²¹ ya dodo yechanrin ụnu ihiẹn ile rị mma hun ụnu e gi mè uche ẹ. Ya dodo mè ẹ, keni ihiẹn a sụon'a hun uzọ e mè imē ndun enyi ghahanị Jesu Kristi. Ogho ya rini Jizos' Kraistị ogen ile jenrin ejen! Iseę.

Oku Ikpażun

²² M rị a riọ ụnu umuné m, dodo, nabanhān ni oku nkasi-obini m de ni ụnu, n'o suekeni.

²³ M chọ ni ụnu marin ni a hatuguo wę nwènè enyi wụ Timoti—n'ọ ghaguo ụlọ-ngan pụha. Mmè lè 'ya jenkö d'a wị m lalani d'a hun ụnu, omeni ọ biaghọ egwa.

²⁴ Kele ni ndị-ndu ụnu ile lè ndị-nsọ ile. Ndị hun gha Itali bia rị ekele ụnu. ²⁵ Efoma Osolobue ya rini ụnu ile. Iseę.

Ekukwo-Ozi
Jemisi
De

¹ Mmę wụ Jemisi de ehụhụo-ozini. M wụ igbọn Osolobue lę Di-nwọnni-enyi wụ Jesu Kristi. M rị e dejenni ndị ikpun-ulo mmębụo alị Izrelụ, hụn rịsonmę alị ndị ọzọ rị ichen-ichen ya; e kele m ọnu!

Afufun, Okukwe Lẹ Amamihien

² Umunę m, ogèn ọwule ụdị ọnwụnwan rị ichen-ichen gi a bịańi ụnu, weri n'e nị ihiẹn ụnu e gi ghogho rọ—³ makeni ụnu a maringho nị wę lele okukwe ụnu, o węheni ụnu ndidi. ⁴ Nị nị nwan ndidi rụnchanrin ọrun a, keni ụnu hụn uzọ wuru ndị ka ẹhu, zu oke, nwònleni ebe wę nọ a la azụnu.

⁵ Onyę ọwule rị imę ụnu hụn marinleni ihiẹn o k'e mẽ, ya mẽ ekpere rị Osolobue hụn a shiapu ẹfọ e ye ihiẹn—o k'e ye e amamihien. ⁶ Kanị, ya gikwo okukwe rịo; y'e gikwolę obi ẹbụo, kaka. Makeni, onyę obi-ẹbụo nohụ kę ebiri-mirin ohimin hụn ufere rị e nu, e nūhunmę. ⁷ Onyę nọ ेrịra y'e rokwole n'o k'e nwònhen ihiẹn ọwule eka Di-nwònni-enyi, ⁸ makeni onyę obi-ẹbụo k'ọ wụ; imę ihiẹn ile o mẽ, a ra sa eka kwademẹ obi e, mẽ ihiẹn ọwule.

Egbeyelę Ni Onyę Ọwule

⁹ Onyę ọwule kwerini bụ ọ wụ ogbennye, ya ghoghomma nị Osolobue e bushiguo a elu; ¹⁰ hụn wụ ọdafiń ya ghoghomma ni e wetuguo w'a anị. Makeni, ndị-ịdafiń jenkö d'a ghafe kę obobo ọfia: ¹¹ anwụn wahụ, ẹfifia rị ọfia e shinwụn, obobo e a danfụ, mma a agụn! ےrịra k'ọ rizi nị ndị-ịdafiń, wę k'e shinwụn ebe wę rị e bi elu we.

Onwụnwan

¹² Onyę ọwule gi ndidi sòn ọnwụnwan k'a narin ngozi, makeni, ọ fuhà ọhunma, Osolobue e gi ndùn ahụn o kwe ndị ihiẹn e a suò nkwa a tu onyę ahụn ugón mméri.

¹³ Ọnwụnwan bịa nị ihijan, y'a sìkwole, "Osolobue rị a nwan m." Makeni, eje-ihiẹn ara gun Osolobue egún omume; ya le enwén e ara nwanzíkwo ihijan. ¹⁴ Nị ọnwụnwan bịańi ihijan wụ nị eje-ihiẹn la a ẹnya, gunma a. ¹⁵ Ihiẹn ọlila-ẹnya kwonkènmegụ ihijan, ọ mupuha njo; njo karagụ, ọ mu ọnwụn.

¹⁶ Umunę m, aníkwole ni wę dufie ọnu. ¹⁷ Makeni, ihiẹn ile wę shiapu-efọ ye le ihiẹn ọwule zu oke wę e ye eye gha elu-igwee, eka Osolobue, bia. Osolobue wụ Nedi hụn e ye ukpę ile rịnjị hụn ghaleni e bi ẹkanai—a ra gbehutö, ara yebe ukpę, yemē ishi. ¹⁸ Iya kwademẹ obi e, shiapu ẹfọ mudionzı ẹnyi, ghahanị oku e hụn wụ ezioku, keni ẹnyi wuru'n'a mkipuru-ibuzo ọ gha imę ihiẹn ile o ke ghori.

Inụ Oku-Chuku Lẹ Igi E Bi

¹⁹ Umunę m rị m obi, marin nị ọnwān: onyę ọwule ya a nükpo oku; y'e kukenrinle oku; y'e bukenrinle olulu—²⁰ makeni olulu ihijan ara rụnpụha ihiẹn Osolobue cho. ²¹ Wepụ nị nwan ihiẹn ile ru unyin lę eje-ihiẹn ile ụnu rị e gi e mèkarị enwén ọnu; ọnu e welua enwén ụnu alị, nabanhān oku Osolobue wę kụnye imę obi ụnu, hụn k'a s'eka zụopụha umé-ndùn ụnu. ²² Kanị, e gikwo nị ya wụ oku Osolobue e bi; awukwole ni ndị a nụ ọnụnu suò, hụn rị e dufie enwén wę. ²³ Makeni, onyę ọwule hụn a nụ oku-Chuku bụ ara gi e bi nohụ kę onyę gihụ ughegbe lee enwén e. ²⁴ Egheę. Makeni, o leghahụ enwén e, gha ebéhụ pụ, ọ zo kę ọ no ozigbo. ²⁵ Kanị, nke ndị hụn e leban ẹnya iwu hụ zu oke wụ oku Osolobue, hụn e mẽ ihijan e nwònrin enwén e, omeni w'e dikènmę, mèsonmę ihiẹn ọ cho—nị emeni wę ndị a nụ, a zo ihiẹn wę nụ, kanị ndị e gi e bi, Osolobue k'a gózi wę makeni wę rị e gi e bi.

²⁶ Onyę hụn sị n'o rị e fe Osolobue bụ ara kwondon ire e, rị e dufie enwén e; ofufe e wụ ihiẹn-eti. ²⁷ Ezigbo ofufe zu oke, rụleni arụ ẹnya Osolobue Nedi ẹnyi wụ hunnị: ilepụ

ndi nwɔnləni nn̄e mɔb̄u n̄edi l̄ ndi di w̄ nw̄n̄ enya ebe w̄ r̄i a ta afunfun—l̄ezi idonm̄e enw̄en ihiān make ɻwa gha e m̄eru a.

Isi Nke Ebue

Egbeyeleni ihiān

¹ Umuñe m, ebe o m̄e nw̄an ni ɻunu kweri ni Di-nwɔnni-enyi w̄u Jesu Kristi, Di-nwɔnni-enyi nw̄e ogho, ni ɻunu w̄uruzi ndi e gbeyeni ihiān?

² Om̄eni onyē yi ɻkwa-oma ñanrann̄i, yisom̄e ɻla-eka goru, a banhan ebe ɻonu r̄i e zu, ni ogbenneye yi ɻkwa r̄ileni mma kaka a banhanzikwo ebēhu, ³ ɻonu a gbaye h̄un k̄en ekiken r̄i mma, si a, “Dodo, n̄od̄i al̄i ocheni r̄i mma,” si h̄un ogbenneye, “Wuzo ebēhu,” mɔb̄u “N̄od̄i ebeni ɻuk̄u m r̄i”—⁴ ohun a ghosigun̄i ni ɻunu e gbeyeni ihiān im̄e igunrun ɻunu, ni ɻunu e gi obi zinrinleni e m̄e ihiān ɻunu? ⁵ Umuñe m r̄i m obi, gon ni nt̄in! Osolobue a horiguon̄i ndi-igbenneye? Egheē, o horiguon̄i ndi-igbenneye im̄e ɻwan̄i ni w̄ w̄ru ndi-idañin im̄e okukwe, w̄uruzikwo ndi k̄a banye Ali-eze h̄u o kwe ndi nw̄e ihiān-øsusuo a nkwa. ⁶ Kani, ɻunu e legberi ndi-igbenneye! Ele ndi-idañin a kpangbu ɻunu? Ele w̄ a dojen ɻunu ogwa? ⁷ Ele w̄ e kut̄o ɻfan Onyē h̄u r̄ichanrin mma h̄un ɻunu r̄i a za?

⁸ Om̄eni ɻunu e donm̄e iw̄u h̄u Eze ye k̄e w̄e don de e im̄e ɻkukwo-ns̄o, iw̄u h̄u h̄un si, “Ihiān ibe i ya s̄o j̄ k̄e i ihiān i don a s̄o i”—ɻunu e meguo ihiān r̄i mma. ⁹ Kani, om̄eni ɻunu e gbeyeni ihiān, ɻunu r̄i e m̄e n̄jo, ikpe a maol̄e ɻunu makeni ɻunu r̄i a dan iw̄u.

¹⁰ Makeni, onyē donmechanrin iw̄u ile—dan ohu, ikpe a maol̄'a noke onyē danchanrin iw̄u ile. ¹¹ Makeni, Osolobue ohu h̄u h̄un si, “Agherele,” iya s̄izikwo, “Egbule ochu.” Ya w̄u, om̄eni y'e gbu ihiān, y'a danchanringuon̄o iw̄u h̄u ile—osuon̄'a ni y'a ghereni.

¹² Ya w̄u, k̄e iku-oku k̄e omum̄e, e mechanrin ni w̄e k̄e ndi w̄e k̄e gi iw̄u h̄u e m̄e ihiān e nw̄onrin enw̄en e kin ikpe. ¹³ Makeni, onyē ɻowule meleni ebere, w̄e jenkon̄i d'e kin e ikpe, emekoni w'a ebere. Ebere y'e m̄eri ikpe-omum̄a.

Okukwe L̄e Orun

¹⁴ Umuñe, elee erere k'o ban n'i si ni i nw̄on okukwe, om̄eni y'e gin'e run orun? Ni okukwe ahun saeka zuopuha i? ¹⁵ Om̄eni ɻkwa ezuni onyē nke Kraisti ibe ɻunu ukun mɔb̄u ni ihiān o k̄e ri ɻuhuohin h̄u a r̄i a, ¹⁶ onyē ohu im̄e ɻunu a si a, “Ijen ewere-o! Oyi atukwole-i-o! Rijunkwo ɻefo-o!”—kani, y'e yen'e ihiān ɻehu a cho. Elee erere k'o ban?

¹⁷ Ya w̄u, okukwe n̄od̄ini bu egini w'e run orun a nw̄unhun̄guo.

¹⁸ Kani, ihiān k'a si, “Onyē l̄e nke e ro: nke i w̄u okukwe, nke m w̄u orun.”

Aziza m w̄u, “Ghosidele m k̄e onyē ɻowule e gi saeka nw̄on okukwe nke-esi bu orun ari a. Mm̄e nw̄en, m jenkon̄i d'e gi orun m ghosi i okukwe m.”

¹⁹ Y'e nw̄ongho okukwe nu—hun i gi kweri ni Osolobue ohu s̄o r̄i, ele iya? Y'e m̄ek-e-o! Kani, eje-mm̄on kwerizikwo ekweri!—ya k̄e egun gi a tu w̄e, ɻehu h̄u a ma w̄e nni!

²⁰ Onyē-nzuzu! I cho ni w̄e ghosi i ni okukwe n̄od̄ini bu y'e gin'e run orun a nw̄unhun̄guo? ²¹ Ele ihiān n̄edi enyi w̄u Ebrahim run k̄e Osolobue gi kun'e ohunma—ogen h̄u o gi w̄ehē nwa a w̄u Aziki, n'o gi e ch̄u-ejan elu ukpo nch̄u-ejan h̄u? ²² Y'a h̄un a? Okukwe e le orun a rungbama; ihiān o m̄e k̄e okukwe e gi zu oke. ²³ Erira k̄e ihiān h̄u Ehuhuq-ns̄o ku don m̄ezu, ni, “Ebrahim kweye ni Osolobue, Osolobue no gun a yen'e, kp̄o a onyē r̄i k̄e Chuku cho, kp̄o a ɻowu a.”

²⁴ Y'a h̄un a nw̄an ni ihiān onyē run k̄e Osolobue gi e kun'e ohunma—ele okukwe s̄o!

²⁵ Ele erira k̄e Osolobue gizi gi ihiān igbaraja h̄u w̄u Rehabu m̄e kun'e ohunma—ogen h̄u o gi nabanhān ndi h̄un Joshua zi d'e gi nzuzue lele al̄i Jériko, zueme w̄e, yeni w̄e eka ghashi uzo ɻoz̄ wanahin? ²⁶ Ya w̄u, k'o don m̄e ni ɻehu ihiān mm̄on r̄ileni a nw̄unguо, erira k'o donzi m̄e ni okukwe orun r̄ileni a nw̄unguо.

Isi Nke Et̄o

¹ Umuné m, emeļe ni ndi-nkuzi, ndi-nkuzi, makeni onu a maringho ni eka we k'e gi kin enyi ndi-nkuzi ikpe k'a ka e ze. ² O runahinsomé enyi ile arunahin. Onye ɔwule oku-onu ghaleni arunahin e zuguo oke, o k'a sazikwo eka kwondonchanrin ehü a ile.

³ Enyi kene me eshin onu keni o hume ni enyi isi, enyi k'a saeka ki ehü a ile. ⁴ Lezide ugbo-mirin: osuon'a ni e hiké we ogbe, osuon'a ni oken ufere suq nwon e bu we—sterin mehu ekere ke onye a nyan n'a gi a fi a e shi ebe ɔwule o cho. ⁵ Eriira ke ire rizikwo—mkpamkpa-ehü me ntin ro, kanj o kukari enwen e!

Lezide nwani ke ɔkun me ekere a dunfu ɔgboko! ⁶ Ire wu ɔkun nke-esi. Ire nohü ke ebe we no bu njø han ke uya ile che enyi ehü! O ruchanrin ehü ile unyin! O bu ndun i ile e che imé ɔkun! ɔkun ire gi a dun gha ɔkun-mmón a bia.

⁷ O nwoni uya anu ɔwule hñ a kpa anj, hñ a ri ari, hñ ri imé ohimin mobu nnunu hñ ihian keleni zun mobu hñ o me ni ihian asako eka zun a. ⁸ Kanj, o nwoni onye ɔwule wu ihian hñ k'a sa eka zun ire. Eje-ihien ghaleni e zu ikèn k'o wu. Eje-nshi hñ e gbu ihian ya jun imé e. ⁹ Ya ke enyi gi a ja Onye-nwoni-enyi le Nedi enyi mma; iya ke enyi gizikwo a bu ihian we ke uya Osolobue onu! ¹⁰ Onu ohu hñ ojija-mma gha a púha ke ibu-onu ghazi a púha! Umuné m, o furuni n'o ri enina. ¹¹ Ni isi-mirin ohu gha onu ohu a gbapúha mirin ri mma hñ a suq usuo le hñ e lu ilu? ¹² Umuné m, ni osisi figi mi mkpuru olivu? Ni osisi grepu mi mkpuru figi? Mba! Ya wu ni mirin hñ a suq nnu-nnu a s'eka wefúha hñ a suq ɔhunma.

Amamihien Nke Osolobue Lé Nke Ekwensu

¹³ Onye marin ihien nke-esi imé igunrun onu? Onye nwé nghota? Ya gi obibi ri mma o ri e bi le k'o dòn e welua enwen e alí ghosi ni ihien o ri e me gha ezigbo amamihien a bia. ¹⁴ Kanj, omeni eje enya-ufu le icho nke-i nke-i ri i obi, ezuemekwole ezioku rin'a, a nyan isi ni y'a maringuo ihien, makeni ntu k'i ri a tu.

¹⁵ Elekwó enu-igwee ke uya amamihien hu gha bia! Nke uya ro; nke ihian-mmaka ro, eka Mmon-nsø arja; nke Ekwensu ro. ¹⁶ Makeni ebe ɔwule enya-ufu le icho nke-i nke-i ri, ebéhu ke we no a hñzì isusu le uya eje-ihien ile ri ichen-ichen.

¹⁷ Kanj, nke amamihien ahun gha elu-igwee bia—nke ibuzo wu ni o nwoni kaka eje-ihien ɔwule rin'a; udon k'o cho, a ra me iken-iken; o lee k'o ri ndi ozø; ebere le mkpuru ri mma jun imé e; a ra gbeye ni ihian; ihunnai ari a. ¹⁸ Ndi-udon marin ke we dòn e gi udon a kun mkpuru, o mijúha ezi-omume.

Isi Nke Eno

Awule Owu Uwa

¹ Elebe ke ikpe risonmè imé igunrun unu gha a bia? Elebe ke ɔgun risonmè imé igunrun onu gha a bia? Ele ihien ndi ahun a gungbuni unu ri imé unu a lü agha? ² Unu cho ihien ni unu enwonhenni ihien unu cho, unu e gbumé ɔchü. Ihien na unu enya, ni unu asani eka nwéhen e unu e kpeme ikpe, luma ɔgun.

Unu enwon makeni unu ara ri. ³ Unu ri unu ara nwónhen—makeni ihien unu bu obi arj mma: unu ri a ri unu e gi me ihien a suq ni unu. ⁴ Ndì obi we riленi uzø ohu! Unu amarin ni iwù ɔwu uwa wu iwù enenren Osolobue? Ya wu, onye cho n'o wuru ɔwu uwa o henrin enenren Osolobue. ⁵ Ra unu ri e ro ni Ekukwo-nsø enwon ihien o ri e ku ogen o gi si ni “Enya a fu Mmon hñ Osolobue we che imé enyi ufú omeni enya enyi ri uzø-ebuø”?

⁶ Kanj Osolobue e yecheni eka, e yecheni ikèn; ya hain Ehhuhuo-nsø gi si, “Osolobue a nòkin onye-mpache uzø, kanj, o yeni onye e welua enwen e alí eka.” ⁷ Ya wu, bu ni nwani enwen unu che okpuru Osolobue. Che ni Ekwensu ɔgun, o k'a gbanj unu osø. ⁸ Nòkunmè ni Osolobue keni Osolobue nòkunmè unu. Kwopu ni eka unu, ndi njø! Chanchanpu ni obi unu, ndi obi-ebuø! ⁹ Goo ni! Kwan ni! Enya-mirin ya gba unu! Emu unu ya henrin ekwan, unu a na ighogho unu to, sükuru!

¹⁰ Wenüa ni enwen unu alí ebe Di-nwoni-enyi ri keni o bushi unu enu.

Ekutolé Ni Ibe Ünu

¹¹ Umuné m, ekujakwolé ni oku onyé Itu-Kraistí ibe unu, makéni onyé owitzé kuja oku onyé Itu-Kraistí ibe e móbu kin e ikpe rí e kuto Iwu Osolobuē ye, e kin Iwu Osolobuē ikpe. I gha e kin Iwu ikpe, y'elezi onyé e dönmé Iwu—y'a wúrúgúo ɔka-ikpe! ¹² Onyé ohu súo rí hún e ye Iwu, onyé ohu hú wúzíkwó ɔka-ikpe; iya a sa éka a zuópúha, iya a sazikwó éka e tikpó. Onyé k'i wú nwan i gi e kin onyé Itu-Kraistí ibe i ikpe?

Kpachanpú Ní Ènya Banyeni Ìnyan-isi

¹³ Lee ni ènya, unu ndí hún a sí, “Tanní móbu ekile, ènyi k'e jen aliní móbu aní-néi; ènyi k'a nò aháa ebéhú—zún afia, kpa egho”—¹⁴ bu unu amarín ihien eki k'a mū! Kí wú ndún i? O nòhú ké igirigi hún a púha, o nòhú ekere, o fopú! ¹⁵ Ihien furu unu k'e ku wú, “Oméni uche Di-nwónní-ènyi ró, ènyi k'a rí ndún, mè ihienni móbu ihien-néi.” ¹⁶ Kani, hún nké unu e gi e ku éríra, unu hú a pache, a nyan isi. Údí ìnyan-isi ile nò ènìna wú njo.

¹⁷ Ya wú nwan ní onyé owitzé marín ihien furu o k'e mè bu o mén'è, e meóle njo.

Isi Nke Isen

Ndí-ìdafín, Kpachanfú Ní Ènya!

¹ Unu ndí-ìdafín, gon ni ntíñ: kwanmakwó ní èkwan; e gokwó ní—maké nsongbu hún lala ní ní onu!

² Akú-lé-uba onu e wiwigúo! Ékika e ripugúo ékwa unu! ³ Goru unu le ola onu a gbagúo ncharaní wé gba k'a shiagbu unu éri; o jénkó d'e ripú uru rí unu éhú ké okún dón e ri ihien. Unu a kpatogúo akú-lé-uba imé uwani rugúu njendeme. ⁴ Gon ni ntíñ! Egho-órun ndí sun ní unu ofia, hún onu gi mmegbu ju ní onu akúkó ugwo rí nwan a kwan! Èkwan ndí ghóní unu ihien-ugbo e rugúozí Nna nwón ikéñ ile ntíñ! ⁵ Unu e bigúo obibi éhú-ufu le irí-úwa elu uwani. Unu a zungúo akp'obi unu tóní uhúohin ogbugbu. ⁶ Unu a magúo ndí nwónléní ihien wé mè ikpe, gbu wé—bu o nwónní ihien wé ju unu!

Din Ndidi

⁷ Umuné m, e nwón ni nwan ndidi d'e ru ni Di-nwónní-ènyi a bía. Lee ni ké onye-ugbo e che mkpúrú ihien o kúnye alí hún ríkéñmè e mkpa, e din ndidi ni mirin ibuzó le mirin ikpazúun zueyegúu a ɔhúnma-ɔhúnma. ⁸ Unu nwéñ k'e nwónzíkwó ndidi éríra, kwónkéñmè obi unu—makéni ɔbijá Di-nwónní-ènyi a ríguo nsue.

⁹ Umuné m, edéñwínnwínkwoñení ni ibe onu, maké Osolobuē gha a ma onu ikpe—makéni ɔka-ikpe e rugúo ɔnumúzo, o d'a banhan! ¹⁰ Umuné m, leri ni agungún ndí-amúma hún gi éfan Di-nwónní-ènyi ku oku ogéñ mbú, keni unu gi e marín ké unu a dón dingbu afúnfun. ¹¹ Ezié, ènyi a ja ndí din ndidi mma. Unu a nughó ké Jobu dón din ndidi; unu a húngħozi údí obi Di-nwónní-ènyi nwé, ní Di-nwónní-ènyi e mèké onyé-efoma le onyé-ebere.

Ekunlé Iyi

(Mat 5.33-37)

¹² Hún ka mkpa umuné m, ekunlé ni ihien owitzé, kaka! Ké elu-igwee ké enu-úwa ké ihien ɔzo owitzé—ekunlé ni hún owitzé. Kama, oméni égħeġ ró, sí ní hú “égħeġ;” oméni mba ró, sí ní hú “mba” amamgbe ikpe-omúma a ríñi unu.

Ekpere

¹³ O nwé onyé nwé nsongbu imé unu? Ya mè ekpere. O nwéghó onyé rí a ghogħoni? Ya bu ēbú ija-mma. ¹⁴ O nwé onyé emu rí a kú imé unu? Ya kpó ndí-isi uka ní wé mén'è ekpere, gi éfan Di-nwónní-ènyi hu udéñ kpu e. ¹⁵ Ekpere wé gi okukwe mè k'a zuó onyé emu hú, Di-nwónní-ènyi e welí e; oméni onyé hú mè njo, o gbagħari a ya.

¹⁶ A gwa ní nwan ibe onu njo onu mè, e mèni ni ibe unu ekpere—keni unu hún uzó dñihin. Ekpere onyé rí e bi ké Chuku chø gi akpakalí obi e mè nwón ikéñ, o runkéñmè ɔrun.

¹⁷ Elaija wụ ihiyan hụn nọ kę enyi. Kani, ọṣuọn'a n'o wụ ihiyan, ogen o gi mékénmę ekpere amamgbe mirin gha e zue—mirin ezueni ọrogbo ahụa eto le ifon isin, alị ahụnnị mirin! ¹⁸ O nọ mèzi ekpere, elu-igwere nọ ye mirin, alị nọ mị mkpuru a.

¹⁹ Umuṇe m, omeni o nwọn onye ọwule imẹ ụnu gha imẹ ezioku kpahu, nị onye ọzọ e wekinhen e azụn; ²⁰ hụn wekinhen e azụn ya marịn nị onye hụ wekinhen onye-njọ rị e huni azụn k'a zuopuha umę-ndụn onye njọ hụ eka ọnwụn, kpumę njọ bu ọda.

Ehuhuq-Ozi Ibuzo
 Pita
 De
 Pita, Nke Ibuzo

¹ Mmē wü Pita hūn wü onyē-ozi pü-ichēn Jesu Kristi de ehuhuq-ozini jenni ndi nke Osolobue rilēni ulō, hūn rişonmē alî ichen-ichēn rī Azüün Pontusu lē Galeshia lē Kapadosia lē Eshia lē Bitinia—² ndi Chuku Nedi hotō hūn Mmōn-nsō dōn nsō—kēni wē hūn üzō humēni Jizos̄ Kraist̄ isi, leni wē wūru ndi wē fekpu ędeke e—a rī wē őchan. Efoma lē udon ya rī nī ounu mmagi-mmagi.

Olile-enção Hū Rī Ndūn

³ Ojija-mma ya rī nī Osolobue, hūn wü Chuku lē Nedi Onyē-nwōnni-enção wü Jizos̄ Kraist̄! O giguo okēn omikēn e mūdonzi enyi, mū enyi ye imē olile-enção őhun rī ndūn. O mē ihienni ebe o nō gha őnwūn weni Jizos̄. ⁴ O meguo enyi wūru nwān ndi k'e nwēhen ihiēn ndi hūn o dōnmētoni enyi, ihiēn ndi hūn ghaleñi e rehi mōbū a rūhū mōbū a fapū. O buguo ihiēn ndiñi tōñi ounu imē elu-igwee. ⁵ O gi nwān ikēn o gi wūru Osolobue e chemē ounu, ghahanj̄ okukwe ounu, kēni nzūofūha hū ő kwademegu, hūn lalani ogugu-ogen, hūn üzō ru ounu ęka.

Osolobue Gi Afūnfūn E Lele Okukwe

⁶ Ihienni Osolobue mē rī nwān e mē ounu a ghogho—osuon'a nī wē rī nwān e gi afūnfūn rī ichēn-ichēn e lele ounu ękerē ogen, ⁷ igi ghosi nī okukwe ounu wü nke ezigbo e. Erira kē wē e gi őkun e lele goru makēni o rī mkpa—goru hūn e wiwini! Bü okukwe ounu ka goru mkpa a rī, ka a őhunma-őhunma! Ya wü, o rika mkpa nī wē lele okukwe ounu, kēni ogen Jizos̄ k'e gi bia, a ja wē ounu mma, yezikwo ounu ogho lē mgbaye; ⁸ Jizos̄ hūn ihiēn e rī a suq ounu—osuon'a nī ounu e ke leghatu e; ounu kwerin'e—o suon'a nī ounu arī nwān e legha a kikēnni. Ӧhun e mē ounu a ghogho őda-őda—okēn ighogho ounu ghaleñi a saéka a kowa! ⁹ ounu a ghogho enjina makēni ounu hū e nwōnhēn erere rī okukwe ounu—ya wü, wē hū a zuopūha umē-ndūn ounu.

¹⁰ Nke nzūopūhanj̄, ndi-amūma hūn Osolobue gi ku oku ęfoma hūn jēnkō d'e ru ounu ęka te chōkenmē alî a, dōnrin enya leban a enya ebe wē n'a chō nī wē ghōha a. ¹¹ Wē hū a ju enwen wē ihiēn Mmōn Kraist̄ rī imē wē rī e ku oku e ogen o gi gwatō wē afūnfūn Kraist̄ k'a ta lē ogho k'e sōn n'e—a ju enwen wē onyē o rī e ku lē ogen o gi jēnkō d'e gi mē. ¹² Osolobue nō ghosi wē nī ęlefiri wē lē enwen wē kē wē gi e ku ihiēn ndi ahūn wē ku, kanj̄, ifiri ounu. ounu a nūguo nwān ihiēn ndi hū. ounu ndi ahūn wēheni ounu ozioma kē ounu gha nū wē. Ikēn Mmōn-nsō ahūn Osolobue gha enu-igwee zihē kē wē gi zi ounu ya wü ozioma. Ndi mmōn-ozi nkē a chōkadē nī wē leghadē ihiēn ndiñi!

Wē Kpō ounu D'e Bi Obibi Rī Nso

¹³ Ya wü, kōnrin ni nwān őrun imē obi ounu, e dōnrin enya e bi; buchanrin nī olile-enção ounu che ngozi hū Jesu jēnkō d'e gi ęfoma a wēheni ounu—ogen o k'e gi bia. ¹⁴ Lekē ezigbo ounu hūn e humē isi, emēzile ni ihiēn ndi hū te rī a gun ounu ogen ounu kelēni marin Jizos̄. ¹⁵ Kama, obibi ounu ya rīchanrin nsō üzō ile nökē kē Osolobue hūn kpō ounu dōn rī nsō. ¹⁶ Makēni ękukwo-nsō si, “Rī nī nsō, makēni mmē nwēn rī nsō.”

¹⁷ Ebe o mē ni Osolobue hūn ghaleñi egbeyeni onyē őwulē kē ounu a kpō Nedi ounu—Osolobue hūn e gi ihiēn onyē-onyē mē e kin e ikpe—gikwo nī nwān egun e bichanrin ogeni hōdūnī ounu k'e bi elu-uwani ounu wü itumunye.

Kē Wē Dōn Gbapūha Enyi

¹⁸ ounu a maringuo kē Chuku dōn gbapūha ounu imē obibi-eti hū ounu gha ęka ndi mūnī ounu nwēhen; nī ęlefiri e wiwini rīkē egho őna (siva) mōbū goru—kē wē gi gbari ounu, ¹⁹ kanj̄, ędeke hūn rīkēnmē mkpa—ędeke Kraist̄, hūn rī kē nwa-ebulu ęhu a zu oke

nwọnleni ɔrụsi. ²⁰ Osolobue a hotoguo a nị Osolobue d'e ke ụwa, o ru ogən ikpazụnni, ọ nō nwan wepụha a ifonrin-ifon makę ɔriñimma ụnu.

²¹ Ụnu a ghaguo nwan eka Kraistị bia d'e gi Osolobue dọn ẹnya, Osolobue hụn gha ọnwụn weli Kraistị, ye Kraist' oğho. Ya wụ nị Osolobue kę ụnu kwerini; Osolobue kę ụnu rị e lee ẹnya.

Onye Wę Gbafula Nke-esi E Nwę Ezigbo Ihien-osusuo

²² Hunni ụnu chanchangụ nwan umę-ndụn ọnụ ghahanị ığbaye ezioku Osolobue, ihien ọnụ ile kwerini k'a sa nwan eka a sütari ibe ọnụ. Ya wụ, gi ni nwan akpakalibobi ụnu e nwę ihien-osusuo ibe ụnu. ²³ Ụnu a würüguo ndị wę mündonzi. Ele mkpuru wę gha a mü ihiyan hụn a nwunnị kę Osolobue gha mündonzi ụnu, kama, mkpuru ghaleni a nwụn kę wę gha mü ụnu. Mkpuru ahụn wụ oku Osolobue—oku rị ndụn, hụn a tọ jenrin ejen. ²⁴ Makeni, Ehuhuqo-nsø si;

“Ihiyan ile nohụ kę efifia;
oğho ile ihiyan nwọn nohụ kę obobo efifia.

Efifia shinwụn, obobo a danpu!

²⁵ Kanị, oku Onye-nwọnni-enyi

jenkọ d'e turu jenrin ejen!”

Oku hụ wụ ozioma hụ wę zi ụnu.

Isi Nke Ebue

Omuma Hụ Rị Ndụn Lẹ Ebọn Hụ Rị Nso

¹ Ya wụ, wepụ nị nwan ụdi eje-ihien ile ihiyan gi e son ibe e, ero ile, ihunnai, iwe-ẹnya le nkutọ ile. ² Rikę ụmụ wę mü nke ọhụn, a nị nị erekirị mirin-èran imę-mmモン hụn rị ọchan a dọ ụnu—keni ụnu hụn uzo a ra a, e gi e e sue imę nzüopuha ụnu, d'e ru isi e, ³ o me nwan nị ezioku rọ nị ụnu a danminguo efoma Di-nwònñi-enyi, hụn a nị Di-nwònñi-enyi rị mma.

⁴ Ụnu a biaguo nwan d'e kunrun e: omuma hụn rị ndụn—hụn ihiyan ju; kanị omuma wę horị ahori, rị oken mkpa, k'o wụ ẹnya Osolobue. ⁵ Imę e, onye-onye imę ụnu wuzikwo omuma rị ndụn. Nokę omuma ndị rị ndụn, ọ hụ e gi ụnu a tun ulo imę-mmモン, keni ụnu hụn uzo würü ndị nchụ-ejan rị nsø, hụn gha eka Jizoṣi Kraistị a chụ ejan imę-mmモン hụn Osolobue a nabanhān. ⁶ Makeni, Ehuhuqo-nsø e kuguu a, si,

“Lee n'e, m rị e buto omuma imę obodo Zayonu,

omuma gin'e;

omuma m horị ahori, rikenme mkpa.

Ifenren emekọ onye hụn kwerini n'e.”

⁷ Ya wụ, omuma hụ rị ụnu mkpa ọda-ọda—ụnu ndị kwerini; kanị nke ndị hụn kwerileni

“Omuma ndị rị a tun ụno juto,

a würüolę hụn gi ulo!”

⁸ O würüguozi

“Omuma w'a kpogburu;

nkumé a han wę a dan.”

Makeni agbayeni wę oku hụ, ya hain wę gi kpogburu—kę wę dọn deto nị wę ya.

⁹ Kanị, ụnu nwèn wụ agho Chuku horị ahori; ndị nchụ-ejan Eze; ebọn rị nsø; ndị nke Osolobue—keni ọnụ hụn uzo e me onye owitz a mariñ oken orun rị ichen-ichen Osolobue rünsönme, Osolobue hụn kpopuha ọnụ imę ishi bu ụnu che imę ukpe e rigbu enwen e mma. ¹⁰ Ogèn mbụ, ụnu “ele ndị nke Osolobue”, kanị, ụnu a würüolę nwan ndị nke e; mbụ, “omiken e eruni ụnu eka”, kanị omiken e e ruguo nwan ụnu eka.

Enyi Wụ Igbo Osolobue

¹¹ Ndị rị m obi, m rị a riọ ụnu nökे ndị ọbia lę ndị rileni anị wę, gbalà nị nị egùn ndị hụn a gunsonme ihiyan hụn a luson umę-ndụn ụnu agha. ¹² E bi ni obibi kürü-otọ imę

igunrun ndị alị ndị ọzọ rị ichen-ichen kwerileni; keni, ọṣuon'a nị wẹ e kuja oku ụnu nöké sị ụnu e mè eje-ihiẹn, wẹ k'a gha a hụn obibi-oma ụnu—e gi w'ẹ ye Osolobue ọgho ogēn o k'e gi bia.

A Gbaje Ni Ndị Rị A Kini

¹³ Gi ni ifiri Di-nwọnni-enyi e hume ni ndị ile rị a kini isi—kè eze, hụn wụ onyę-isı ndị ọkíkí, ¹⁴ kè ndị Govano rị Azụn ichen-ichen a kí—nöké ndị eze zi d'e ye ndị e mè eje-ihiẹn afunfun, a ja ndị mè ihiẹn rị mma mma. ¹⁵ Makeni uche Osolobue wụ nị ụnu gi imè ihiẹn furuni kpukin ndị-nzuzu rị e ku ihiẹn wẹ marinleni ọnụ; ¹⁶ e mè n'e kè ndị wuleni igbon makeni ụnu e nwéninguo enwén ụnu; ka egikwolé ni inwónrin-enwén ụnu kpu enya, e mè eje-ihiẹn, ka bi ni kè ndị wụ igbon okpuru Osolobue. ¹⁷ A gbaje ni ihijan ile; e nwé ni ihiẹn-osusu ụndị Itu-Kraist' ibe ụnu; a tụ nị egun Osolobue; a gbaje ni eze.

E Leri Ni Afunfun Kraistị Ta

¹⁸ Ndị wụ idibo mọbu igbon, e weluachanrịn nị enwén ụnu alị ebe ndị ụnu rị okpuru wẹ rị, a gbaje wẹ ụzo ile—ele ndị-efoma lẹ ndị eka-alulua suọ, kani kè ndị eka-ikēn.

¹⁹ Makeni, ihiẹn w'e gi ja i mma rọ omeni y'e mèni eje-ihiẹn, e ye wẹ i afunfun furuleni nị wẹ ye i bụ y'e gi ifiri Osolobue dingbu ụfụ a. ²⁰ Kí wụ erere i n'i dingbu ili wẹ gbu i, omeni eje-ihiẹn i mè kè wẹ gi gbu i ya wụ ili? Kani, omeni y'a ta afunfun makeni i mè ihiẹn rị mma, bụ y'e digbu e, Osolobue k'e gi ifiri e gozi i. ²¹ Ya kè wẹ kponi ụnu; makeni Kraistị tazikwo nị ọnụ afunfun, latọ nị ọnụ ihiẹn ụnu e leri, keni ọnụ hụn uzọ e son nzom'uku a.

²² O metunị njo;

oku-ndufie aghatun'ę ọnụ püha.

²³ Ogen wẹ gi kpari e,

o kparigwarinị we;

ogen o gi ta afunfun,

o nyannị isi n'o k'e mè ihiẹn ọwule.

Kama,

o no we enwén e

kwanị Osolobue,

onye hụn a han ezigbo eñen.

²⁴ Kraistị lẹ enwén e gi ẹhu a buru njo enyi, bu ẹ shi elu obe osisi ahụn, keni enyi gi ẹhu a nwùnnahin njo, gi ndịn enyi mémé ihiẹn Osolobue chọ. Ẹhu wẹ rúsonmè e kè enyi gi nwé nzueri. ²⁵ Ụnu te rị a kpahu kè atunrun, kani ọnụ e kinheṇguo nwan, buru onye hụn e du umé-ndịn ụnu ríké anu, e chemè e.

Isi Nke Etɔ

Di Lẹ Nwunye

¹ Nwunye, mèzikwo ेriira. E humeni di i isi, keni, ọṣuon'a nị o nwégho ndị di kwerileni oku Osolobue, e gi wẹ omumé nwunye wẹ dòbanhan wẹ imè Osolobue—bu o nwònni oku wẹ gwa wẹ; ² makeni di i k'a rị a hụn kè i dòn rị e bi ọhunma, e gi egun Osolobue e bi.

³ Anjèle ni mma ụnu wúru nke ẹhu—mma ntutu mma lẹ iyi goru lẹ iyi ékwa ma mma. ⁴ Ka nị nị mma ụnu wúru hụn rị imè obi, mma ahụn ghaleni a fapu—mma imè-jụụ lẹ agungun omehen—hụn ríkenmè mkpa enya Osolobue. ⁵ Enjina kè ikpoho rị nsø hụn gi Osolobue e dòn enya dòn chọ enwén wẹ mma mbụ-mbụ ghahanị ihumé ni ndị di wẹ isi.

⁶ ेriira kè Sara dòn gbaye Ebrahim, a kpó a “nna-m.” Ụnu wụ ụmu a ikpoho o mèkwö nị ụnu e mesonmè ihiẹn rị mma, nị ụnu aninị egun ihiẹn k'e mèni ụnu kusị ụnu.

⁷ Ndị di, ेriira k'o rízíkwö ebe ọnụ rị. Di, gi uche e son nwunye i—a nyangan nị okpoho ka alulua a rị; e ye e ọgho makeni o nwézikwo ndịn ọhun hụn Osolobue e ye ofe kè yu nwén dòn nwé. E mè ni enjina maké ọdakin ọwule gha a rị ekpere ụnu.

⁸ Nke ikpazụn, ụnu ile, a wụ ni ohu imē mmɔn; ọnodi ibe ọnu ya e metu ụnu; a nị ni ihiɛn ibe ụnu a sụo ụnu rikę umunę; e nwę ni obi alulụa; e wenụa ni enwɛn ụnu alị imē obi ụnu. ⁹ Emegwarikwole ni ihiɛn eje-ihiɛn mɔbu kpogwari wę iyi. Hun nké ụnu e gi megwari wę, gi ni ngozi kụ wę ugwo, makeni ngozi kę Osolobue kpɔni ọnu, iya k'ọ chọ eka ụnu. ¹⁰ Makeni Ehuhuọ-nso si,

“Onye chọ ndun,
onye chọ nị elu e rị mma,
ya wefụ eje-ihiɛn ire e;
ya wepuzìkwọ oku-ndufie ụgb'onu a.

¹¹ Ya gbakịtọ eje-ihiɛn azụn—
 mɛṣonmɛ ihiɛn rị mma;
ya chomma udon,
 chusonmɛ e.

¹² Makeni,
enya rị mma ke Di-nwɔnni-enyi e lee
 ndị e me ihiɛn o chọ,
ntin a rizikwo ekpere wę.
Kanị,
eje-nyen k'o lee
 ndị e me eje-ihiɛn.”

¹³ Onye k'a sa nwan eka me ụnu ihiɛn ọwule omeni ụnu wụ ndị e me ihiɛn rị mma?
¹⁴ Kanị, osuon'a nị ụnu ta afunfun makeni ụnu me ihiɛn Osolobue chọ, ya wụ ni ndị Osolobue gozi kę ụnu wụ. Atule ni nwan egun wę; emehunmélé ni. ¹⁵ Ka yechanrin nị Kraistị ọnodi run'e imē obi ụnu nöké Di-nwèni-ụnu, ụnu a kwademē ogèn ile nị ọnu a kowani onye ọwule k'a ju ụnu ihiɛn hain ụnu gi nwọn olile-nyen ụnu nwę. ¹⁶ Ka e gi ni nwayo le mgbaye e me e. E dònmete ni obi ụnu ọchan, keni ifenren me ndị hun e kuto omumē ọma ụnu rị e me imē Kraistị.

¹⁷ Makeni o ka mma nị ihiɛn gi ifiri ihiɛn rị mma o me ta afunfun, omeni uche Osolobue ro, karị nị ihiɛn gi ifiri eje-ihiɛn o me ta afunfun. ¹⁸ Makeni, Kraistị gi ifiri njo tazikwo afunfun, nwun; mgbe ohu k'ọ nwun, ọ nwunkozị, Onye rị ọchan hun nwunnị ndị njo ọnwun—keni o hun uzo wehe enyi ile ebe Osolobue rị. Wę gbu e, ọ nwunhun kę ihiɛn dọn a nwun, kanị Chuku nō me e rị ndun imē-mmɔn. ¹⁹ Ogèn o gi rị imē-mmɔn, ọ nō jen d'e zi ndị-mmɔn rị imē ngan ozi ọma— ²⁰ ndị hun gileni oku-Chuku wę gwa wę dòn ogèn mbu, ogèn mbu ahun Osolobue gi rị e din ndidi e che; ogèn hụ Nua gi rị a tun ugbo-mirin hụ. Ndị wę gi ya wụ ugbo-mirin zuopuha ebuni ọda, ya wụ, wę rị madu esatọ sụo; mirin ahun kę wę ghaha zuopuha wę. ²¹ Wę gi ọnwani gwato enyi kę mirin-Chuku hun wę gha nwan a zuopuha ụnu kikenni nō. Ele ni w'e gi mirin-Chuku a wupu unyin rị ihiɛn ehụ, kama, ihiɛn gi e a ghosi Osolobue nị o gi obi e ile bia d'e kunrun e. Ọ zuopuha ụnu makeni Jesu gha ọnwun lihi. ²² Jesu Kristi a lashigwo nwan elu-igwee; ọ nɔdị nwan eka-nni Osolobue; ndị mmɔn-ozi ile lę ọkikị ile lę ikèn ile rị nwan okpuru e.

Isi Nke Eno

Obibi Ndị Wę Gbehutogu

¹ Ebe o me ni Jizosị narin afunfun nöké ihiɛn, gun ni nwan agụngụn ohu hụ o gun, ụnu e konrin imē obi ọnu. Makeni, onye gi ifiri Kraistị kpachanpụ enya narin afunfun imē ndunnị a jụgwo njo— ² a ra bizi n'o me ihiɛn ndị hun a gun ihiɛn, kama, o bi ndun a hođunị enu-uwà kę Chuku dọn chọ.

³ Ogèn ụnu tuhu ogèn mbu ebe ụnu rị e mɛṣonmɛ ihiɛn ndị hun a sụo ndị ghaleni e fe Chuku usuq e higwo. Rikę wę, ụnu te rị e bi obibi ifenren ogèn hụ, eje-ihiɛn a gunsonmɛ ụnu; ụnu a ra manya a tụ, e me eje-mmɛmmɛ, e jen ọgbọ manya, ọnu a rụa mmɔn ọnu a marinzi hụn ụnu rụakọ.

⁴ O tuka wé nwan enya ni ụnụ arizí e són we e bi obibi ahun na iwi—wé hú e gi e e kuja oku ụnụ. ⁵ Kaní wé jénkó d'e ye Osolobue mgbakó—Osolobue hún rí nwan e che ni ogénu n'o kin ndí rí ndún lè ndí nwúnní ikpé.

⁶ Ọnwan hajin wé gi zizikwó kẹ ndí nwúnní ozioma, keni wé hún uzó rí ndún imé-mmón ríké Osolobue, ọsụon'a ni a nariinguo wé ikpe-omumá, nwún kẹ ihian.

Kẹ Wé Dọn A Rún Orún Osolobue

⁷ Ihién ile e d'e ru njéndemé; e kwondón ni nwan enwén ụnụ, a wú ndí ghaleni e gi okukwe wé e gu egú. E mé n'e maké ọdakin gha a rí ekpere ụnụ. ⁸ Hún kachanrín mkpa, e nwé ni ihién-osusuo ndí Itu-Kraist' ibe ụnụ ogéne ile, makéni ihién-osusuo e kpumé njó bu ọda. ⁹ E gichanrín ni obi ụnụ a nabanhán ibe ụnụ iwe ụnụ—e dénwínnwínlé ni. ¹⁰ Ríké ezigbo ndí-nlepú enya, hún Osolobue méri efóma yesonmé oyiye ichen-ichen, onyé-onyé imé ụnụ ya gi oyiye o nwéhen éka Osolobue e yéni ibe e éka. ¹¹ Onyé ọwule hún e kuni, ya ku ihién Osolobue ku—ríké onyé Osolobue gi e ku; onyé ọwule hún a rún orún ọwule ya gi ikéen Osolobue ye e rún a, keni ogho hún uzó a bia ni Osolobue imé ihién ile ghahaní Jesu Kristi. Ogho lè ikéen ile wú nke e jenrin ejen. Iséé.

Ita-afunfun Noké Onyé Nke Kraistí

¹² Ndí rí m obi, aníkwole ni okéen afunfunní ụnụ rí a ta, hún wé gi rí e lele ụnụ, tū ụnụ enya noké si ahunlele ró. ¹³ Ka ghoghomá ni, makéni ụnụ rí e són Kraist' a ta afunfun a—keni ụnụ hún uzó nwé ighoghó, e yi oro-ighoghó ogéne ogho a k'e gi puhachanrín ifón.

¹⁴ Oméni wé gi ifiri Jesu Kristi kparí ụnụ, onu a wúruole ndí Osolobue gozi, makéni ohun ghosi ni Mmón ahun nwé ogho hún wú Mmón Osolobue nökwasí onu. ¹⁵ Ka emekwole ni ndí rí a ta afunfun maké eje-ihién wé mé—maké igbu-ochu móbu izu-ohin móbu makéni ihian wú eje-ihian lè n'o mé eje-ihién wé gi a cho ihian móbu ni ihian a chosonmé oku.

¹⁶ Kaní, oméni y'a ta afunfun makéni i wú onyé Itu-Kraistí, ewerile e ihién-ifénenren, ka ja Osolobue mma n'i rí a za ẹfan hú, n'i rí a za “Onyé nke Kraistí.” ¹⁷ Makéni, ogéne e ruole hún okinkin-ikpé e gi bidón—bú o k'a gha imé uló Osolobue bidón. O mé nwan ni okinkin-ikpé k'a gha éka enyi ndí nke Osolobue bidón, kini rí e che ndí nupú ni ozioma Osolobue isi? ¹⁸ Ozozí,

“Oméni nzúopuhá fú ndí ezi-omumé orún
naní k'o k'a rí ni ndí-njó

lè ndí ghaleni e fe Osolobue?”

¹⁹ Ya wú, ndí hún rí a ta afunfun—udí afunfun hún wú uche Osolobue—wé we nwan enwén wé che éka Onyé-oke hú hún furu w'e gi dòn enya; wé mesonmé mma.

Isi Nke Isen

Ndí-isi Uka Lé Ndí Wé Keye Wé Lefu Enya

¹ M rí nwan a riọ ndí-isi rí imé ụnụ—m rí a riọ ụnụ nöké onyé-isi ibe ụnụ lè onyé gi enya a hún afunfun Kraistí ta lè onyé rí ndí k'e nwéhen ogho ahun lalani: dodo ni, ² e lepú ni atúnrun Osolobue hún wé buche ụnụ éka enya; e du ni wé. Arúnle ni nöké si wé wa a ye onu olu, ka shiápú ni efó rún a—nöké kẹ Osolobue dòn cho; egíle ni ekpíri ihién ụnụ k'e nwéhen mé e, ka mé n'e makéni irún ni Osolobue orún rí a du onu. ³ Emele ni ndí wé keye ụnụ lepú enya nöké si ụnụ nwé wé; kama, a wúru ni ni wé ihién-nleri, ⁴ keni, ogéne Onyé-isi ndí-ndu atúnrun e gi bia, ụnụ e nwéhen okpu-eze ogho ahun ghaleni a fapú hún o k'e gi tu ụnụ ugón.

⁵ Erírazíkwó, ụnụ ndí rí ibe alí, ndí hoduní, e humení ni ndí-isi isi.

Ụnụ ile, e welúa ni enwén ụnụ alí ebe ụnụ lè ibe ụnụ rí e mé ihién. Makéni, Ehuhuó-nso si,

“Osolobue a nökin onyé-mpache uzó,

kani,

o mé ni onyé e welúa enwén e aní efóma,

e yen'ę eka."

⁶ Ya wụ, wenua nị nwan enwẹn ụnụ alị che okpuru Osolobue hụn nwę ikèn hi-ogbe—kèni ogèn ru, o bushi ụnụ elu—⁷ ụnụ e bu mkpa ile ụnụ nwę kwasị a, makèni ọrinimma ụnụ rị a obi.

⁸ E donrin ni ẹnya; e che ni nche—makèni eñenren ọnụ wụ Ekwensu rị aghahunmè nökè ẹwòrò rị e dènni, a chọ onye o k'a nwụn ri. ⁹ Chekènme n'ę nwan ọgụn! E turukènme ni imè okukwe ọnụ—ebe o mè ni ụnụ a maringhọ nị ndị Itu-Kraistị ibe ụnụ ile rị ụwa rị a tazi ụdi afunfun ohu hụ. ¹⁰ Kanị, ụnụ taguu afunfun ekere ogèn, Osolobue hụn e mèchanrịn efoma ile, hụn kpọ ụnụ d'e du e nwonrin ọgho-itèbitè ahụn rị imè Jizos' Kraistị, k'e donzichanrịn nị ụnụ ihièn, mè ụnụ turu, mè ụnụ ze, mè ụnụ nödichanrịn ọhụnma, obi e ruchanrịn ụnụ alị.

¹¹ Ikèn ile wụ nke e jenrin ejen! Isẹe.

Ekele Ikpazụn

¹² Sivanosi*, ya yeni m eka de ehhuhuo-ozini mè ekere; nwènè ẹnyi m weri n'o furu onye wę gi e don ẹnya k'o wụ. M de e keni m gi e gba ụnụ umè, gizi e ku nị ọnwani wụ ezigbo efoma ahụn Osolobue mè ni ihièn; turukènme ni imè e.

¹³ Ụka ahụn rị Babilonu, hụn wę hɔri kę wę dòn hɔri ụnụ, e zigho ekele ụnụ. Nwa m wụ Makị e keleghozikwọ ọnụ. ¹⁴ Dide ni ibe ọnụ odide ihièn-ọsusụo.

Udòn ya rị nị ụnụ ile hụn rị imè Jizos' Kraistị.

* Isi Nke Isen:12 ịya wụ Saìlasị.

Efuhuqo-Ozi Nke Ebuo
 Pita
 De
 Pita, Nke Ebuo

¹ Mmę wụ Simionu hụn w'a kpọ Pita de efuhuqo-ozini. M wụ igbọn Jizos' Kraistị; m wuzikwo onye-ozi e pụ-ichẹn. M rị e dejenni ndị Osolobue ye okukwe ohu hụ rikenme mkpa hụn enyi le enwèn enyi nwọn—okukwe hụn wę nwònhen makeni Jesu Kristi wụ Osolobue enyi le Onye-nzufuha enyi rị ọchan. ² Efoma le udon ya rịni ọnụ mmagi-mmagi—ebe ụnu n'a marin Jizos' Kraistị wụ Onye-nwèni-nyi le Osolobue enyi amarinwaye.

Ghosi Ni Ni Osolobue Kpo Ụnu

³ O giguqo ikèn o gi wụru Chuku ye enyi ihièn ile rị enyi mkpa hụn enyi e gi bi elu le hụn enyi e gi fe Osolobue; ọmarin enyi marin ya wụ Jesu, onye hụn kpo enyi d'e son e nwę ogho a, son e rị ọchan hụ o rị, kẹ enyi gha nwènhen ihièn ndịni; enyi gha a marinwaye e, enyi hụ e nwènwaye ihièn ndịni o ye enyi. ⁴ Ogho a ahụn le ọchan ahụn ọ rị k'o gi nwan kwesonme enyi oken nkwa ndị hụn o kwesonme enyi, nkwa ihièn w'a cho acho rị ichen-ichèn hụn o cho ni enyi nwèrin. O mè e keni ọnụ gi ihièn ndị hụ o kwe nkwa a bịa d'a rị kẹ Osolobue, e bi kẹ iya, ebe ụnu n'o wanahingụ ụrụ rị imé ụwa le ihièn olila-nyia hụn e buhen'e.

⁵ Ufiri ọnwan, liliima ni nwani uzor ile ni ụnu we iri-mma cheni okukwe ụnu; ụnu e we ịmarin-ihièn che ni iri-mma ụnu. ⁶ Wezi ni ikwondon-enwèn-ihièn che ni ịmarin-ihièn. E nwę ni ezigbo-ndidi e che ni ikwondon-enwèn-ihièn; ụnu e we ịtu-egun Osolobue e cheni ezigbo-ndidi. ⁷ E gi ni obi-nwènè e son ibe ụnu ndị kwerini—ụnu e we ọhụn che ni ịtu-egun Osolobue. E nwèzi ni ihièn-osusụ hụn ghaleni e tu e cheni obi-nwènè.

⁸ Makeni, omeni ụnu nwę ihièn ndịni ile imé ndun ụnu, e nwènwaye wę, ụnu awuko ndị marin Onye-nwèni-nyi wụ Jesu Kristi bụ w'a ra mị n'a mkpuru, w'a ra rụnpụha n'a ihièn ọwule. ⁹ Kanị, o mè onye hụn nwònleni ihièn ndịni, ọ rịni e leghakenme uzor, enya-mpin k'o wụ. O zoguqo ni a chanchanpuguo w'a njo mbu.

¹⁰ Liliima ni nwani uzor ile, umunę m, ni ụnu ghosi ni Osolobue kpo ụnu nke-esi le ni ọ hori ụnu nke-esi. Makeni, ụnu mè e, o nwònnoni ogèn ụnu e gi dan! ¹¹ Ụnu sikọ d'e gi e ru ogo ndị wę k'a nabanhān ọhunma-ọhunma imé Ali-eze itebite Jesu Kristi—Di-nwònnoni-nyi le Onye-nzufuha-nyi.

Pita Wę Gi Enya Hụn Ogho Kraistị

¹² Ya wụ, m cho nwan ni m'a nyanhan ni ụnu ihièn ndịni ogèn ile—osuon'anị ụnu a maringuołe wę; osuon'a ni ụnu e turuguo ọhunma imé ezioku hụ wę weheni ụnu. ¹³ E rogho m'a n'o hughọ mma ni m'a nyanhan ni ụnu ihièn ndịni wę, hunnị m rikwo ndun imé ehunị. ¹⁴ Makeni, a maringuo m ni ogèn m'e gi nwùnhun, gbupụ ehunị, a riguqo nsue, rikè kẹ Di-nwònnoni-nyi wụ Jesu Kristi dòn ghosi m. ¹⁵ Eghere, m k'a nwankenme uzor ile gi hụn a ni ọnụ k'a sa eka a nyanhan ihièn ndịni wę, m ghagụ ụhunị pụ—m nwùnhungụ.

¹⁶ Makeni ele akiko ndị ma kọ akiko mémé kẹ enyi sónkọ ogèn enyi gi gwa ọnụ oku ikèn le obibia Nna enyi wụ Jizos' Kraistị. Mba; enyi gi enya enyi hụn ogho a. ¹⁷ Chuku-Nđi ye Jizos' ogho le ikpèn ogèn hụ o gi gha elu-igwee gi olu e ku oku. Olu ahụn le Ogho ahụn Kachanrinni wị bịa ebe Jizosị rị. Olu ahụn si, “Onwan wụ ezi Nwa m; ihien e a sụoka m!” ¹⁸ Enyi le enwèn enyi gi ntin enyi nụ kẹ oluni gha elu-igwee bịa ogèn ahụn enyi le iya gi rị elu ugu-nsø hụ.

¹⁹ Enyi gi e nwani marin ni ihièn ndị-amuma ku imé Efuhuqo-nsø wụ ezioku furu w'e gi dòn enya. Ya wụ, ọ ka ụnu mma ni ụnu gi wę e dòn—nókè ukpè-eka rị e nwun imé ishi—gi wę dòn d'e ru mgbe eki e gi fòn, hụn ukpè Onye ahụn wụ Kokise-ütuntun e gi timé imé obi ụnu.

Ké Ihien Rị Ime Ekukwo-nsø Dön Bia.

²⁰ Ka ghoha ni ọnwan riké ihien ibuzo: ni, o nwonni ihien owule wé ku móbu de imé Ehuhuọ-nsø hún wé gi uche ihiyan ku móbu hún wé gi uche ihiyan a kówa; ²¹ makéni, o nwonni ihien owule rí imé Ehuhuọ-nsø hún gha uche ihiyan púha. Kama, Mmón-nsø 'ya nu ndí hún kuni, wé nō ku ihien gha ebe Osolobue rí bia.

Isi Nke Ebue

Ndi-amuma-ntu Lé Ndí nkuzi-ntu

¹ Kaní ndí-amuma-ntu puhazikwó imé ndí Izrel' ogéen mbu hú. Erija kē ndí nkuzi-ntu k'a donzí rí imé unu. Wé k'e gi nzuzue webanhansonmè nkuzi-ntu hún e buhé ntikpo, jude Di-nwonní-wé, hún honni wé—onwan kē wé k'e gi buhékénrin ni enwéen wé ntikpo.

W'e Dufie Ihiyan, A Tunarin Ihiyan Ihien E

² Kaní, ndí bu odata k'e son wé bímé eje-obibi ifénenren ahun wé rí e bi. Ihiyan sikó d'e gi ifiri wé kuto Uzo-ezioku. ³ Enya-uku wé k'e mé wé e gi ọnú-omá e dufie unu, a tunarin ọnú ihien ọnú. Ikpe-omúma lè afunfun wé buto ni wé edei hú a—o nodítuni mmaka; ntikpo Osolobue jenkó d'e tikpo wé a ranhíntuni uran!

Osolobue A Marínguọ Ye Onye-onye Ihien Wé Chó

⁴ Ebe o mé ni Osolobue ahatuni ndí mmón-ozi hú ogéen ahun wé gi mé njó, kama, o tu wé ye imé okun-mmón, kénmesónmè wé, busónmè wé che imé olu rísonmè imé ishi kachanrinni d'e ru Uhuhohin okinkin-ikpe—kínjí k'o k'e mé ndí nkuzi-ntu ndíni?

⁵ O mé nwan ni Osolobue ahatuzikwoní ụwa mbu ye, ogéen hú o gi zihé okéen mirin d'e tikpo ụwa ndí-njó hú; oméni o zuopuhaghó Núa, hún e zisónmè wé ozi keni wé mé ihien Chuku chó, ya lè madú esa ndí ozo—k'o k'e mé ndíni wé?

⁶ Oméni o maghó aní Sodómü lè alí Gomora ikpe, gi okun dünfú wé, wé nō henrin ntun—nke wú ni arízi wé, o nō gi wé ghosi ihien jenkó d'e mé ndí k'e nupu isi okpuru oku Osolobue—k'o k'e mé ndí nkuzi-ntuní?

⁷ Di-nwonní-enyi zuopuhá onyé rí-óchan wú Lotu, hún ize eje-obibi wé lè obibi ifénenren wé rí e bi e ze odata-oda. ⁸ (Ezioku-ezioku, ogéen ahun ile Lotu gi bi alí wé, o hú a fúgbu onyé ezi-omuméni, obi e hú rí óchan hú a gbawa—makéni o hú e gi énya a hún eje-ihien ile wé rí e mé uhuhohin-uhuhohin, e gi ntin a nū a.)

⁹ Ya wú ni Di-nwonní-enyi marín k'o don a gbapuhá ndí hún e fer'e imé ọnwunwan, marinzíkwó k'o don e bu ndí-njó e che imé afunfun d'e ru Uhuhohin okinkin-ikpe, ¹⁰ tūmadú ndí hún e mé ihien ụru a gunní wé lè ndí e ledan okíki.

W'e Ledan Okíki, E Kuto Ihien We Ghotaleni

Obi ndí nkuzi-ntu ndíni e zeké, ihien owule obi wé ye wé kē w'e mé; egun ikpari ndí nwón ogho ara tu wé. ¹¹ Kaní, ọsùon'a ni ndí mmón-ozi ka e ze, ka ikéen e nwé, w'a ra kpari ndí nwón ogho, w'a ra kuto wé ihun Di-nwonní-enyi. ¹² Kaní, ndíni nō kē anú-ófia nwónléri uche, anúmanú hún ghalení e leban ihien énya—hún wé mñhú ní wé nwúnrun gbu. W'e kuto ihien wé ghotaleni. Wé k'a la ntikpo kē anú-ófia don a la ntikpo—¹³ eje-ihien e kunrun wé maké eje-ihien ndí wé rí e mé!

Ihiyan Hún A Gün Ehu Wé Ké W'e Mé

O súo wé ní wé e mé ihien-ifénenren ebe eki rí enu. Unyin lè ntupó kē wé wú imé igunrun unu. Iya kē wé wú makéni w'a nozidé ebe wé n'e son unu e ri Oriri Ihien-óssusó unu e mé ihien-ifénenren lè ihien-ndufie ndí ahun asúoni wé, e mepuhá wé ifon. ¹⁴ Ugheré jun wé énya; éfo imé-njó ara jun wé. W'e gi éro a dòri ndí zeleni. E giguo wé énya-uku zùn obi wé. Ndí wé bu onu kē wé wú!

A Kpahuguọ Wé

¹⁵ A laguo wé ezigbo Uzo hú zinrinni tó, ghasónmè ụzo Balam' nwa Beo, hún eje-erere a súo, a dù—¹⁶ kaní Osolobue nō júgbó a maké njó a: ebe jaki ghalení e ku oku nō gi olu ihiyan ku oku, hún wé gi júgbó éra ahun rí a pú onyé-amúma hú.

¹⁷ Ndị nkuzi-ntụ ndịnị wụ isi-mirin tahiṇi; igirigi ufere bukọ; uwę kę wę dönmę ni ishi hụn kachanrịn.

Oku-onu Wę Asuoka Kanị A Rịziolę Wę Egbun

¹⁸ I nü oku-onu wę, y'e gbu ni wę osekpu! Kanị oku wę enwèn anị. W'e gi ihiēn a na ẹnya a dori ndị ghahụ imē ndị-mmefie gbafuha. ¹⁹ W'e kwesonmę wę nkwa nị wę k'e weri enwèn wę, kanị, uwę lę enwèn wę wusonmę igbọn ihiēn rụni. Makeni, ihiēn rị a kị ihiān kę onyē hụ wụ igbọn e.

²⁰ Makeni, omeni wę wanahịngụ ihiēn ndị e məru ihiān hụn rị imē ụwa ghahanị imarịn Jesu Kristi hụn wụ Di-nwènì-enyi lę Onye-nzupuha ẹnyi, anizị wę ihiēn ndị hụ nwundon wę, karị wę eka, ọnodi ikpazụn ndị nọ ेrịra a kaguo njo karị nke ibuzo. ²¹ Makeni, o te ka wę mma nị amarintudeni wę Uzo hụ rị ochan karị nị a maringu w'a, a gbakịtọ wę oku lę iwù hụ rị nsọ wę weye wę eka azụn. ²² Ilu hụ wụ ezioku e megwu nwan ebe wę rị, “Nkité e kin azụn buru ęgbọ a.” Ozozị, “Wę chanchanhụ ezin n'o shi imē ikpoto d'e gu.”

Isi Nke Etio

Nkwa Obibia Di-nwònñi-enyi

¹ Ndị rị m obi, ọnwan mē ekukwo-ozi nke ebue m deheni unu. Imē wę ebue, m rị a nwan nị m kpötien iroro zu oke imē unu ghahanị ịnyanhan nị ọnụ ihiēn. ² M rị a sị unu nyanhankwo oku hụ ndị-amụma nsọ Osolobue ku ogen mbụ lę iwù Onye-nzupuha ẹnyi ye ghahanị ndị-ozi pụ-ichēn o ziheni unu.

Eleni Di-nwònñi-enyi Rị E Bi Mbie

³ Nke ibuzo, ghota nị ọnwan: nị ndị-emu k'a pụha ogen ikpazụn, a mü emu, e bi k'ọ suq wę. ⁴ Wę k'a sị, “Elebe kę nkwa nwèn o kwe n'o lala alala rị? O biaguo nwan? Ndị nedi ẹnyi wę a ranhingu ụran (ọnwụn) kete-ele-mgbe; ihiēn ile nohụ kę wę rị kete wę e kelę ụwa!”

⁵ A kpachanpuguo wę ẹnya zo nị oku-onu Osolobue k'o gi kę enu-igwee hụ rị mbu-mbụ; nị oku-onu k'o gizi gha mirin mémé akpakalị, gha imē mirin wefuhā a; ⁶ o nọ gizi oku-onu a mē mirin, oken-mirin, tikpo ụwa mbụ hụ la iwi. ⁷ Kanị, nke elu-igwee lę ụwa rị ogenni, Osolobue e giguo ya wụ oku-onu a bu wę dönmę n'o k'a dun wę okun; o rị e che Ụhụohịn ahụn o k'e kin ndị-njọ ikpe, tikpo wę.

Di-nwònñi-enyi Rị Eche Nị Ihiān Wanahịn

⁸ Kanị, nke unu ndị rị m obi, azokwolę ni ihiēn ohuni: nị ebe Di-nwònñi-enyi rị, apk'ohịn ohu nöké ahụa nnụ-uku (ahụa ọgun-iri kwasi nnunai); ahụa nnụ-uku rịzi kę apkụ-ụhụohịn ohu. ⁹ Eleni Di-nwònñi-enyi rị e bie mbie imēzu nkwa a kę ndị hụ dòn a ghoha ibie-mbie; mba, o gi ndidi e sòn unu. O chonị nị onyē ọwule la iwi, kama, o chonị nị onyē ọwule roghari.

Ụhụohịn Di-nwònñi-enyi Lala

¹⁰ Kanị Ụhụohịn Di-nwònñi-enyi jenkọ d'a bịa idenmizi lęké ohin. Ogen hụ, igwere sikọ d'e gi oken üzün fopụ, okun a rịnrantụ ihiēn ile rị igwere; ụwa lę ihiēn ile ihiān nọ imē e mē e kpufu, pụha ifon.

¹¹ Ebe o mē ni wę k'e tikpopụ ihiēn ndịnị ile ẹnịna, elee ụdị ihiān k'o furu ni unu wuru? O furu nị ọnụ e bi obibi rị nsọ, e gi egun Osolobue e bi; ¹² e che Ụhụohịn Osolobue, e mē e n'o biakénrin, Ụhụohịn hụ o k'e gi mü okun ye elu-igwere, dęnpụ a, gi ेrịra rịnrantụ ihiēn ile rịn'a.

¹³ Kanị, nöké kę Osolobue dòn kwe nkwa, ẹnyi rị a tụ ẹnya enu-igwee ọhụn lę ụwa ọhụn –ebehụ wuchanrịn ebe obibi ihiēn ile rị-ochan.

¹⁴ Ndị rị m obi, ebe o mē ni ọnụ rị a tụ ẹnya ihiēn ndịnị, lịlima nị nwan nị udon hụn üzö a rị ęgbata ọnụ lę iya, amamgbe unu gha e nwòn ntupọ móbu nkɔrjanị ogen unu

k'e gi püha ihun Osolobue. ¹⁵ Bun'ę obi nị ndidi Di-nwọnnyi-enyi rị e nwọn wụ oghere nzüopụha.

Enjina kẹ ezi nwene enyi wụ Polu donzi deni ụnu ghahani amamihien Osolobue ye e. ¹⁶ O kusonmę oku ihienni imẹ ekukwọ-ozi e ile. O nwonghọ ihien ndị a fụ orun oghọta imẹ ihien ndị o de, hụn ndị marinleni enya wẹ le ndị wuzoleni oghunma a fjhutọ—kẹ we e mezi ihien ndị ozọ rị Ehuhuọ-nso, e gi e e sehəni enwən wẹ ntikpọ.

¹⁷ Ndị rị m obi, a gwatoguọ wẹ nwan ụnu ihien ndịnị. Donrin ni nwan enya, amamgbe mmefie ndị e bi k'o sụo wẹ e dufie ụnu, mẹ ụnu ewuzozile ke ụnu don nwan wuzo. ¹⁸ Ka gi ni efoma Jesu Kristi wụ Di-nwònnyi-enyi lẹ Onye-nzüopụha enyi mẹ e suewaye imẹ okukwe; a marinwayezikwo nị Di-nwònnyi-enyi.

Oghọ ya rị n'a ogenni, rịzıkwọn'a d'e ru Ụhụohịn hụ k'a tọ jenrin ejen! Iseę.

Ehuhuwo-Ozi Nke Ibuzo
 Jonu
 De
 (Jonu, Nke Ibuzo)

Oku Hun E Ye Ndun

¹ Hun ahun rị gha mbidon lala kẹ enyi ri a gwa onu oku e, Hun ahun enyi gi ntin nu, hun enyi gi enya enyi hun. Enyi e leguwo a, enyi e metugwo a eka. Oku hu e ye ndun wu Jizosí kẹ enyi ri e ku oku e. ² Ndun hu no puhu hun w'e legha enya. Enyi a hughwo a. Enyi hu e ku banyen'e, a gwa unu banyeni ndun itebite hu. Ndun itebite hu le Chuku-Nèdi te ri, kanj o no puhu ni enyi legha. ³ Enyi ri nwan a gwa unu ihiien enyi hun le ihiien enyi nu, keni unu hun uzò du enyi mèkò—makèni Nèdi-enyi le Nwa a wu Jesu Kristi kẹ enyi le we rị e mèkò. ⁴ Enyi ri e de ihiien ndinji keni ighogho enyi hun uzò zu oke.

Ukpè Suo Kẹ Osolobue Wu

⁵ Onwan wu ozi hu enyi nu onu a, hun enyi ri nwan e zi unu: ni Osolobue wu ukpè, o nwɔnni ishi ri imè e—kaka. ⁶ Omèni enyi si ni enyi le iya ri e mèkò bu enyi a to imè ishi e bi, ya wu ni enyi ri a tu ntu, enyi a ri e gi ezioku e bi. ⁷ Kanj, omèni enyi hu e bi imè ukpè, nökè kẹ ya nwèn dòn ri imè ukpè, ya wu ni enyi le iya hu e mèkò nke-esi, edeke Nwa a wu Jizosí k'a ri a chanchanfu enyi njø owitz enyi me.

⁸ Omèni enyi si ni enyi ara mè njø, enyi ri e dufie enwen enyi, ezioku arì imè enyi. ⁹ Kanj, omèni enyi e kupuhu njø enyi, onye wé gi e dòn-enya le onye-ezioku k'o wu, o k'a gbaghari enyi njø enyi, chanchanpuchanrin enyi ihiien ile rilèni mma.

¹⁰ Omèni enyi si ni enyi e mèni njø, ya wu ni enyi ri a si ni Osolobue wu onye-ntu, ya wu ni oku e a ri imè enyi.

Isi Nke Ebwo

Kraistí Ya E Dònmè Enyi Uchan

¹ Umueka m, m rị e de ni unu ihiien ndinji amamgbe unu gha e mè njø. Kanj, omèni ihiian mè njø, enyi nwɔn onye a riòdon ni enyi ebe Chuku-Nèdi ri—onye hu wu Jesu Kristi, onye hu rị ochan. ² Ya le enwèn e wu ejan hun wé gi wepù njø enyi le iwe-le-lé-onuma-Osolobue; èlé njø enyi suo, kanj, kẹ njø uwà ile.

³ Ihiien o k'e gi nwan we enyi enya ni enyi a maringwo Osolobue nke-esi wu ni enyi e mesonmè ihiien o si enyi me. ⁴ Onye owitz enyi legha sì ni o maringwo a bu a ra mè ihiien o si enyi me, onye hu wu onye-ntu, ezioku arì imè onye no enina. ⁵ Kanj, nke onye owitz enyi legha sì ni o maringwo a bu a ra mè ihiien o si enyi me, onye hu wu onye-ntu, ezioku arì imè onye no enina. ⁶ Kanj, nke onye owitz enyi legha sì ni o maringwo a bu a ra mè ihiien o si enyi me, onye hu wu onye-ntu, ezioku arì imè onye no enina.

Ihiien enyi gi a marin ni enyi ri imè e wu onwan: ⁶ onye si n'o rị imè Osolobue ya bi obibi kẹ Jizosí Kraistí dòn bi.

Iwu Ohun

⁷ Ndí rị m obi, arì m e deni unu iwu ohun; kama, iwu ohu ahun wé ye unu isi-ibuzo ro. Ozi hu unu nu, iya wu iwu mbu ahun m rị e ku oku e. ⁸ Kanj o wuzikwo iwu ohun. Iwu ohunni wu ezioku, o hu imè Kraistí, o huzikwo imè onu—makèni ishi hu a ghafe, ezigbo ukpè e nwunmeguo.

⁹ Onye owitz enyi legha sì ni o maringwo a bu ize onye Itu-Kraistí ibe e hu e ze e, echèn kẹ onye hu rikwo imè ishi. ¹⁰ Onye owitz enyi legha sì ni o maringwo a bu ize onye Itu-Kraistí ibe e bi imè ukpè—o nwɔnni ihiien rị imè e hun e mè ihiian a kpogburu. ¹¹ Kanj, onye hun e ze ize onye Itu-Kraistí ibe e ri imè ishi; o ghakò imè ishi, o marin ebe o jenkö—makèni ishi hu a gbakingwo a enya.

¹² Umueka,

m rị e de ni onu ni m gi gwa onu

nị Osolobue e giguọ ifiri ẹfan Jizosị
gbaghari ụnụ njo.
¹³ Ndị nedị,
m rị e deni ụnụ nị m gi e gwa ụnụ
nị ụnụ a maringuọ onyę hụ rịnị gha mbidon lala.
Ndị-ikoro,
m rị e de ni ụnụ nị m gi e gwa ụnụ
nị ụnụ e mériguọ Eje-onyę hụ.
¹⁴ Umueka,
m de ni ụnụ ihienni nị m gi e gwa ụnụ
nị ụnụ a maringuọ Chuku-Nedị enyi.
Ndị nedị,
m de ni ụnụ ihienni nị m gi e gwa ụnụ
nị ụnụ a maringuọ onyę hụ rị gha mbidon lala.
Ndị-ikoro,
m de ni ụnụ ihienni nị m gi e gwa ụnụ
nị ụnụ e zeghọ,
nị oku Osolobue rị imē ụnụ
lẹ ni ụnụ e mériguọ Eje-onyę hụ.

Ihien-uwā Y'a Sùokwolé Ụnụ!

¹⁵ Enwekwolé ni ihien-osusuo uwā mobu ndị rị imē uwā, makeni ihien Chuku-Nedị enyi ara suọ onyę ihien uwā a suọ. ¹⁶ Makeni, ihien ile rị imē uwā, kẹ eje-ihien ndị a gunsonmę ehụ ke ihien-ọnina-enyi kẹ nhonron ihiyan a honron makeni o nwęghọ ihien-uwā, aghanị eka Nedị-enyi bịa—uwā kẹ wę ile gha a bịa. ¹⁷ Uwa le ihien-olila-enyi ile rịn'a ghafekọ aghafekọ; kanị, onyę ọwule hụn e mè uche Osolobue k'a tọ jenrin ejen.

Eñenren Kraistị Ahun W'a Kpọ Anti-Kraistị

¹⁸ Umụ m, ogenni wụ ogen ikpazụn! Kẹ ọnụ dòn nụ nị eñenren Kraistị ahun w'a kpọ anti-Kraistị lala, erịra k'o rị nwan nị ndị bu ọda wụ ndị-iñenren Kraistị a puhagụo. Iya kẹ enyi gi a marin nị ogenni wụ ogen ikpazụn. ¹⁹ Imē igunrun enyi kẹ ndịnị gha pụ nke-esi, kanị, elẹ wę ndị nke enyi. Makeni, omeni wę te wụ ndị nke enyi, nke e son wę enyi nodị. Kanị, ọpupụ wę gha imē igunrun enyi pụ k'o gi wechanrịn enya nị elẹ wę ndị nke enyi.

²⁰ Kanị, ọnụ ile marin ezioku makeni Onyę-hụ-rị-nṣe e hukpuguo ọnụ udèn imē-mmịn gi tumę ụnụ umụ a. ²¹ Eleni ụnụ amarin ezioku hajin m gi e deni ụnụ, kanị, makeni ụnụ a maringuọ a-ụnụ a maringhọ n'o nwọnni ntụ a gha imē ezioku a fufa. ²² Onyę wụ nwan onyę ntụ emeni elẹ onyę kwerileni nị Jizosị wụ Kraistị, Onyę-nzuzopuha hụ Osolobue tumę. Onyę nọ erịra wụ eñenren Kraistị hụ—hụn w'a kpọ Anti-Kraistị; a ra kwerini Chuku-Nedị lẹ Nwa a. ²³ Eghe! Makeni, onyę ọwule ju Nwa a ekwerini ni Chuku-Nedị; onyę ọwule kwerini Nwa a nwonzikwọ Chuku-Nedị.

²⁴ Nị nị ozi hụ ụnụ nụ isi-ibuzo rịsonmę imē ndịn ụnụ. Omeni ihien ụnụ nụ isi-ibuzo hụ a rịsonmę imē ndịn ụnụ, ụnụ k'a rịsonmę imē Nwa Chuku lẹ imē Chuku-Nedị. ²⁵ Ihien o kwe enyi nkwa n'o k'e ye enyi wụ ndịn itebite.

²⁶ Ifiri ndị rị a chọ nị wę dufie ụnụ kẹ m gi rị e deni ụnụ ihien ndịnị. ²⁷ Kanị, o mè nke ụnụ, udèn imē-mmịn hụ o hukpu ụnụ, hụn o gi tumę ụnụ umụ a hụ imē ndịn ụnụ a kuzi ụnụ ihien ile. Ya wụ, o nwonzini nwan mkpa o rị nị onyę ọwule k'a kuzi ụnụ. Ihien udèn ahun o gi tumę ụnụ a kuzi ụnụ wụ ezioku—ntụ arị a. Noké kẹ ọ dòn kuzi ọnụ—nodị nị imē Kraistị. ²⁸ Eghe! ụmụ m, nodị nị imē e, keni obi ru enyi ile alị ogen o k'e gi puhā; amamgbe enyi e gi ifenren warị Ụhụohin hụ.

Kẹ W'a Dòn Marin Umụ Osolobue

²⁹ Omeni ọnụ a maringhọ n'o rị ọchan, ọnụ k'e gi e marin nị ya mụ onyę ọwule hụn e bi obibi onyę rị-ọchan.

Isi Nke Eto

¹ Lee ni nwan kę Chuku-Nędi nwęhan ihien-ösüşuo ęnyi—nke wü ni w'a kpö ęnyi ụmu Osolobue! Ezioku-ezioku, iya kę ęnyi wü! Ihien hain ụwa gileni marin ęnyi wü ni ụwa amarin n'a. ² Ndị rị m obi, ęnyi wü nwan ụmu Osolobue. Kani, ihien ęnyi jenkö d'a würü e ke püha ifon—bu ęnyi a maringho ni ogen o k'e gi bia, ęnyi k'a no kę iya, makeni ęnyi k'a hunchanrin a k'o no. ³ Ndị ile nwọn olile-ęnyani imé wę e dönmé enwén wę ọchan nöké kę ya le enwén e dòn rị ọchan.

⁴ Onyę ọwule hün e me njo rị a dan iwu makeni imé-njo wü ịdan-iwu. ⁵ Ụnu a maringho ni Kraistị bia d'e wefụ njo, ụnu a maringhozi ni o nwonnii njo rị imé e. ⁶ O nwonnii onye rị imé e hün e me njo; onyę ọwule hün e me njo e ke huntu e móbụ marin a.

⁷ Umueka, anile ni onyę ọwule dufie ụnu! Onyę hün e bi obibi onyę rị-ọchan rị ọchan kę Kraistị dòn rị ọchan. ⁸ Onye ọwule e me njo wü nke Ekwensu—makeni Ekwensu gha alí mela njo. Iya hain Nwa Osolobue gi bia—keni o tikpo ọrun Ekwensu.

⁹ O nwonnii onyę hün Osolobue mu hun e me njo. Makeni, mkpuru Osolobue rị imé onyę ahun. O s'eka me njo, makeni Osolobue mu a. ¹⁰ Ọnwan kę wę gi a marin ndị wü ụmu Osolobue le ndị wü ụmu Ekwensu: onyę ọwule ghaleni e me ihien rị mma móbụ hun ihien ndị Itu-Kraistị ibe e ghaleni a suọ ele nwa Osolobue.

E Nwe Ni Ihien-ösüşuo Ibé Unu

¹¹ Makeni ozi hün ụnu nü isi-ibuzo wü ni ęnyi k'a gha e nwę ihien-ösüşuo ibe ęnyi. ¹² Ęnyi anokokwo ni kę Keni—o wü nke Eje-onyę hụ, o gbupu nwene e. Kị hain Keni gi gbu e? Makeni Keni le enwén e me eje-ihien kanj nwene e me ihien rị mma.

¹³ Umunę m, y'a tülé ụnu ęnya ni ize ụnu rị e ze ụwa. ¹⁴ Ihien ęnyi gi marin ni ęnyi a ghaguo ọnwun fuhà, banye ndun, wü ni ęnyi nwę ihien-ösüşuo ibe ęnyi. Onyę nweleni ihien-ösüşuo ibe e a nwunhunguo.

¹⁵ Onye ọwule ize nwene e e ze wü izighé—bu ụnu a maringho n'o nwonnii izighé ndun itebite rị imé e. ¹⁶ Ihien ęnyi gi a marin ihien-ösüşuo nke-esi wü Ọnwan: ni Kraistị gi ifiri ęnyi we ndun a ye. O furu nwan ni ęnyi gizikwo ifiri ibe ęnyi we ndun ęnyi ye. ¹⁷ Nanị kę ihien-ösüşuo Osolobue gi rị imé ijian, omeni ijian e nwongho ihien ụwanị, kanj o hün nwene e ihien rị a kọ, o ju n'o yekon'a ęka? ¹⁸ Umueka, ni ęnyi e nwọn ni ihien-ösüşuo nke-esi—elekwo hün wę gi onu suọ e ku, kanj, hün wę gi ęka e me.

¹⁹ Ohun kę ęnyi e gi marin ni ęnyi wü nke ezioku, iya kę ęnyi gi e me obi e ru ęnyi anị ebe Osolobue rị—²⁰ omeni obi e gbumé ęnyi mgbu. Makeni, Osolobue ka obi ęnyi, o maringhozíkwo ihien ile.

²¹ Ndị rị m obi, omeni ijori ęnyi hụ a ghoni ęnyi, obi e ruchanrin ęnyi alí ebe Osolobue rị, ²² ęnyi e nwęhenzíkwo ihien ọwule ęnyi rị a—makeni ęnyi hụ e dönmé iwu e, e me ihien a suọ a usuo ęfo.

²³ Iwu e wü hunnı: ni ęnyi k'e kweri ni ęfan Nwa a wü Jesu Kristi le ni ęnyi k'e nwę ihien-ösüşuo ibe ęnyi—nöké k'o dòn gwa ęnyi. ²⁴ Kę wę han hün e dönmé iwu e rị imé e, iya nwén rịzíkwo imé ndun wę. Ihien ęnyi gi a marin n'o hụ imé ęnyi wü Ọnwan: n'o yeole ęnyi Mmón-nso.

Isi Nke Eno

Mmón Osolobue Lẹ Mmón Eñenren-Kraistị

¹ Ndị rị m obi, ele mmón ile gi ijian ku kę ụnu k'e kweleni, ka e lele ni wę, keni ụmu marin kę mmón ndị hụ gha ęka Osolobue bia nke-esi. Makeni, ndị-amum-a-ntụ bu ọda a pühaguo imé ụwa. ² Kę onu k'a dòn marin ni Mmón Osolobue rọ wü Ọnwan: mmón ọwule gi e dòn ni Jizosí hün wü Kraistị, Onye ahun Osolobue tumé, henrin ijian bia, e ku e—mmón hụ gha ęka Osolobue bia, ³ kanj, mmón ọwule hün kwerileni ni Jizosí hün wü Kraistị, Onye hụ Osolobue tumé, henrin ijian bia, mmón ahun aghani ęka Osolobue bia. Ohun wü mmón Eñenren-Kraistị, ya wü, mmón Anti-Kraistị—hụn onu nü n'o lala alala; o riguo le nwan imé ụwa.

⁴ Umueka, ụnu wụ nke Osolobue—onu e mēriguo wę, makeni onye hụ rị imē ụnu ka onye hụ rị imē ụwa. ⁵ Ndị-amuma-ntu ndini wụ nke ụwa—ya wụ, ihiẹn w'e ku wụ nke ụwa, ụwa e gon wę ntin. ⁶ Enyi nwèn wụ nke Osolobue. Onye ọwule hụn marin Osolobue e gon enyi ntin. Onye ọwule hụn wüleni nke Osolobue ara gon enyi ntin. Ọnwani kę enyi gi a marin mmɔn hụn wụ nke ezioku lę mmɔn hụn wụ nke ndufie.

Imē Osolobue Kę Ihiẹn-osusuo Ri

⁷ Ndị rị m obi, nị enyi e nwè ni ihiẹn-osusuo ibe enyi, makeni ihiẹn-osusuo gha eka Osolobue a bia. Onye ọwule hụn nwòn ihiẹn-osusuo, Osolobue mü a, onye hụ marin Osolobue. ⁸ Onye hụn nwònleni ihiẹn-osusuo amarin Osolobue, makeni Osolobue wụ ihiẹn-osusuo. ⁹ Osolobue a ghosi gwo ihiẹn-osusuo o nwè ebe enyi rị; enjna k'o dọn mē e: o zihé akpụ Nwa a ohu imē ụwa, keni enyi hụn ụzọ rị ndùn ghahan'a. ¹⁰ Ọnwani wụ ihiẹn-osusuo: eleni enyi nwè ihiẹn-osusuo Osolobue, kama, nị Osolobue nwè ihiẹn-osusuo enyi, gi e zihé Nwa a n'o wuru ejan wę gi wepụ njo enyi lę iwe-le-ọnuma Osolobue hụn njo e buhę.

¹¹ Ndị rị m obi, ebe o mē ezie nị Osolobue nwèhan ihiẹn-osusuo enyi enjna, o furu nị enyi nwèn nwézíkwö ihiẹn-osusuo ibe enyi. ¹² O nwontuni onye gi enya a hụn Osolobue—kanji, omeni enyi e nwégho ihiẹn-osusuo ibe enyi, ya wụ nị Osolobue bi imē enyi; ya wuzi nị ihiẹn-osusuo a zu oke imē enyi.

¹³ Ihiẹn enyi gi marin nị enyi rị imē e lę ni ya nwèn rị imē enyi wụ n'o yeguo enyi Mmɔn-nsø a.

¹⁴ Enyi a hụnguo a, ku e, nị Chuku-Nèdi e zihégwu Nwa a d'a wụ Onye-nzupuha ụwa. ¹⁵ Osolobue bi imē ndị ile gi e dọn, e ku e, nị Jesu wụ Nwa Osolobue—uwę lę enwen wę bi imē Osolobue. ¹⁶ Enyi a maringho nwan, enyi e giolę e nwan dọn, nị Osolobue nwè ihiẹn-osusuo enyi.

Osolobue wụ ihiẹn-osusuo. Onye hụn gi ihiẹn-osusuo e bi rị imē Osolobue, Osolobue lę enwen e rị imē onye hụ. ¹⁷ Eríra kę ihiẹn-osusuo e gi zu oke imē ndùn enyi, keni obi ru enyi alí Uhuohin Okinkin-ikpe—makeni kę Jesu nō, eríra kę enyi nō imē ụwanị. ¹⁸ Egun ara tụ onye gi ihiẹn-osusuo e bi; ihiẹn-osusuo zu oke a chupu egun. Onye rị a tụ egun rị a tụ egun afunfun o jenkó d'a ta—ihiẹn-osusuo onye rị a tụ egun ezuni oke.

¹⁹ Ihiẹn-osusuo o bu ụzọ nwòn jenni enyi hajin enyi gi a saeka e nwòn ihiẹn-osusuo. ²⁰ Omeni ihijan si, “M nwè ihiẹn-osusuo jenni Osolobue,” bụ ize nwèn e rị e ze e, onye-ntu k'ọ wụ. Makeni, omeni ihijan e nwonnwi ihiẹn-osusuo nwèn e—nwèn e rị e legha, o sakó eka nwè ihiẹn-osusuo Osolobue—Osolobue o leghatulenı. ²¹ Iwu o ye enyi wụ Ọnwani: nị, onye nwè ihiẹn-osusuo Osolobue k'e nwézíkwö ihiẹn-osusuo nwèn e.

Isi Nke Isen

Kę Enyi Don E Méri Ụwa

¹ Onye ọwule hụn gi e dọn nị Jesu wụ Kraistị, Onye hụn Osolobue tumé, onye hụ wụ nwa Osolobue; onye ọwule nwè ihiẹn-osusuo onye mü ihijan, nwézíkwö ihiẹn-osusuo nwa a. ² Ihiẹn enyi gi a marin nị enyi nwè ihiẹn-osusuo ụmụ Osolobue wụ nị enyi nwè ihiẹn-osusuo Osolobue, e mēsonmē ihiẹn ndị o sị enyi e mē. ³ Kę wę dọn e nwè Osolobue ihiẹn-osusuo wụ; imēsonmē ihiẹn o sị enyi mē—bu ihiẹn o sị enyi mē ele ibu, ⁴ makeni onye ọwule Osolobue mü e méri ụwa. Ikèn hụn enyi gi e méri ụwa wụ okukwe enyi nwòn. ⁵ Onye a sa nwan eka e méri ụwa? Onye hụn gi e dọn nị Jesu wụ Nwa Osolobue rọ.

Ihiẹn Ndị Hụn A Ghosi Nị Jesu Wụ Nwa Osolobue

⁶ Jizos' Kraistị-nị wụ onye hụ hụn bia ghahanị mirin lę edeke. Ele ghahanị mirin suø, kanji ghahanị mirin lę edeke. Mmɔn-nsø lę enwen e wụ hụn a shia eri, makeni Mmɔn-nsø wụ Onye ezioku. ⁷ Ya wụ nị wę rị eto hụn rị a shia eri [elu-igwee: wę wụ Chuku-Nèdi lę Oku hụ lę Mmɔn-nsø; wę rizikwo eto hụn a shia eri elu-ụwa:] wę wụ ⁸ Mmɔn-nsø lę mirin ahụn lę edeke ahụn. Wę eto kuye ọnụ ohu. ⁹ Omeni enyi a nabanhàn eri ihijan shia, hụn Osolobue shia kadę ezioku a wụ, bụ Osolobue a shiagwoni Nwa a eri. ¹⁰ Ya wụ, onye ọwule

kwerini Nwa Osolobue nwọn ẹrini imẹ obi e; kanị onyé hún kweriléni a kpoguo Osolobue onyé-ntu, makéni o gini ẹri Osolobue shia ní Nwa a dọn. ¹¹ Ọnwan wú ẹri hụ: Osolobue e yegeuo ẹnyi ndùn itébité—imẹ Nwa a kẹ ndùn itébité hụ rí. ¹² Onyé ọwule nwòn Nwa a hụ nwòn ndùn, kanị onyé hún nwónlèni Nwa Osolobue enwòn ndùn.

Ndùn Itébité

¹³ M rí e deni ụnụ ihién ndiní, ụnụ ndí hún kwerini ẹfan Nwa Osolobue, keni ọnụ marín ní ọnụ e nwònghọ ndùn itébité.

¹⁴ Ihién obi gi e ru ẹnyi alí ebe Osolobue rí wú ọnwan: ní oméni ẹnyi rí a ihién ọwule k'o dọn rí a obi, ọ nü ekpere ẹnyi. ¹⁵ O mè nwan ní ẹnyi a marínghọ ní ihién ọwule ẹnyi riol'a, ní ọ nü ekpere ẹnyi anú, ya wú ẹnyi a marínghozí ní ẹnyi e nwéhenguo ihién ẹnyi rí a.

¹⁶ Onyé hún nwéne è k'o rí e mè njó—ụdi njó hún ghaleni e buhé ọnwún, ya mè ekpere, Chuku k'e ye nwéne è hụ ndùn—ọnwan wú nke ndí hún mè ụdi njó hún ghaleni e buhé ọnwún. Njó hún e buhé ọnwún rí ari: asiní m ụnụ mémé ekpere banyeni ọhụn. ¹⁷ Eje-omumé ile wú njó, kanị o nwòn njó hún ghaleni e buhé ọnwún.

¹⁸ Ẹnyi a marínghọ ní onyé ọwule Osolobue mū ara mè njó, makéni Jesu, Onyé hụ Osolobue mū, e che e nche—Eje-onyé hụ ara mètụ a eka.

¹⁹ Ẹnyi a marínghọ ní ẹnyi wú nke Osolobue; ẹnyi a marínghozíkwó ní ụwa ile rí okpuru Eje-onyé hụ.

²⁰ Ẹnyi a marínghọ ní Nwa Osolobue a biaguo, n'o yegeuo ẹnyi nghota hún ẹnyi e gi marín onyé ahun wú onyé-ezioku. Ẹnyi rí nwan imẹ onyé ahun wú onyé-ezioku lè Nwa a wú Jesu Kristi.

Iya wú Osolobue nke-esi lè ndùn-itébité.

²¹ Umụ m, gba ní ní ife mmón móbụ ife ihién ọzọ ọwule oso!

Ehuhuq-Ozi Nke Ebuo
 Jonu
 De
 Jonu, Nke Ebuo

Ekele

¹ Mmē wü onye-isi de ehuhuq-ozini. M rị e dejenni okpoho hụ Osolobue hорi lę ụmu a. Ndị m nwę ihien-osusụo wę ebe Ezioku rị kę wę wu. Elede mmē sụo nwę ihien-osusụo wę, kama, ndị ile marin Ezioku nwęzíkwo ihien-osusụo wę. ² Enyi nwę ihien-osusụo wę makę Ezioku ahụn rị imē ndun enyi—hun k'a rịsonmekwo imē ndun enyi jenrin ejen.

³ Efoma lę omiken lę udon, hụn gha eka Chuku-Nędi lę Nwa a wü Jizos' Kraist' a bia, ya rịsonmę ni enyi, kę enyi dọn rị e bisonmę imē ezioku lę ihien-osusụo.

Ezioku Lę Ihien-osusụo

⁴ Efọ a suokēnméké m usụo ogen m gi hụn a nị o nwęgho ụmu i ndị rị e bi imē Ezioku nökę kę Nędi enyi dọn gwa enyi.

⁵ M rị nwan a rịo i, ezi okpoho, nị enyi ile e nwę ihien-osusụo ibe enyi. Ele ni m rị e de n'i iwu ọhụn, kama, iwu ohu ahụn o ye enyi gha anị lala kę m rị e de n'i. ⁶ Ihien-osusụo wü nị enyi rị e mesonmę ihien ọ sị enyi e me; iya wü iwu hụ—nökę kę ụnu dọn nụ a gha alị lala—onu k'e girirị a e bi.

Enenren-Kraistị Ahụn W'a Kpo Anti-Kraistị

⁷ Ndị-ndufie bu odata a banguq imē ụwa. Ndịnị ara kweri nị Jesu Kristi gi ẹhụ ihiyan bia —n'o wuchanrin ihiyan k'o bia. Onye ọwule nō eniṇa, iya wü onye-ndufie hụ lę Enenren-Kraistị hụ wü anti-Kraistị!

⁸ Kpachanfụ nị nwan enya, amamgbe onu e tuhu ihien enyi runguq, ka turusonmę ni keni enyi nwonhen ugwo ọrun zu oke.

⁹ Onye ọwule hụn sonsonmeleni nkuzi Kraistị, kanị o fe mgbon—onye hụ e nwon Osolobue. Onye hụn sonsonmę nkuzi hụ k'o rị e nwonghọ kę Chuku-Nędi kę Nwa. ¹⁰ Onye bia iwe i d'a kuzi, bu ele hụn Kraistị kuzi k'o gi bia, anabanhal'a mọbu kele e ọhụnma.

¹¹ Makeni, onye hụn kele e ọhụnma rị e sòn e a rụn eje-ọrun ọ rị a rụn.

Oku Mmekin

¹² M nwon ihien bu odata hụn nkę m'e deni onu, kanị ele hụn m k'e de ede. M rị a tụ enya nị m k'a bia d'a hụndę ụnu, enyi e kutari, elee-m, elee-i, keni ighoghọ enyi ile hụn uzö zu oke.

¹³ Umụ nwene-i-okpoho-Osolobue-horị e zi ekele ụnu.

Ehuhuq-Ozi Nke Eto
 Jonu
 De
 Jonu, Nke Eto

¹ Mmē wū onye-isí de ekukwo-ozini. M rí e dejenni ezi nwene enyi wū Gayosi, hūn ihien e a suq m imē Ezioku.

² Ezi nwene m, ekpere m wū ní ihien ile rīn'i mma lē ni ehū rí i ikēn, noke kē i dōn nwan rí ikēn imē mmōn i.

³ Ighoghō jun m obi ogēn ndi hū imē umunē enyi gi bia d'e ku n'i wū onye wē gi e dōn enya ebe Ezioku rí—ya wū n'i rí e bi imē ezioku. ⁴ O nwōnni ihien e mē m a ghoghō rīkē ebe m nō nū ní umū m rí e bi imē Ezioku.

Jonu A Ja Gayosi Mma

⁵ Nwene-onye, y'e mēkē onye wē gi e dōn enya imē orūn i rí a rūn ní umunē-enyi imē Jesu, osuon'a ní y'a marin ndi wē wū. ⁶ A noguq wē ihun uka rí ebeni ku oku ihien-osusuo i nwē. Dodo, yeni wē ụdi eka hūn a suq Osolobue usuq, keni wē jendürü. ⁷ Makēni, ogēn wē gi gi ifiri Efān ahun jenqo ijenni, anjin wē ndi kwerileni ni Jesu yeni wē eka. ⁸ O furu nwan ní enyi kwandōn ndi nō erīra, keni o hūn uzō mē ní enyi lē wē wū ohu, e sōn Ezioku a rūngbama orūn.

Diotrefesi Lé Demetriosi

⁹ E dejenguq ní m uka ehuhuq; kanj Diotrefesi hūn a cho n'o kí a nabanhanní ọkíkí enyi, o gini ihien enyi ku dōn. ¹⁰ Ya wū, m bia nwan, m k'e wepūhachanrīn ihien ile o rí e mē, lē onu o rí e buokinsomē enyi! Ohun ehiden'e, o jude n'o nabanhankó umunē enyi ndi hū; o njedēn ndi ozō nabanhān wē—o chupudē ndi hūn rí imē uka hūn cho ní wē nabanhān wē.

¹¹ Nwene-onye, a kinriinkwolē ihien rīleni mma, ka kinrin ihien rí mma. Onye ọwule hūn e mē ihien rí mma wū nke Osolobue. Kanj, onye ọwule hūn e mē eje-ihien e ke hūntu Osolobue.

¹² Ihian ile e ku oku Demetriosi ọhunma; Ezioku lē enwēn e e ku oku e ọhunma. Enyi nwēn nkē rí a shiazikwon'a eri—bu y'a maringhō ní eri enyi a shia wū ezioku.

Ekele Ikpazun

¹³ Ihien m cho ní m gwa i e bukē, kanj, edekō m'a e de. ¹⁴ M rí a tū enyi ní m jenqo d'a hūn i egwa, keni enyi kutari elee-m, elee-i.

¹⁵ Udōn y'a rí n'i.

Ndī ọwü enyi ile e zi ekele i. Hī ndī ọwü enyi rí ebēhū efān ohu-ohu, y'e kele wē.

Ekukwɔ-Ozi
Judu
De

¹ Mmè wü Judu de əhuhuq-ozini. M wü igbon Jesu Kristi. M wuzikwo nwéné Jemisi. M rị e dejenni ndí ahun wé kpó, hún rị Chuku-Nèdi obi, hún Jesu Kristi dònme: ² omiken, udon lè ihién-òsusùọ ya rìnì onu mmagi-mmagi.

Lunì Ní Uzo-Jesu Ogùn

³ Ndí rị m obi, o te dýka m ní m de ni ụnu banyeni nzufuha hún enyi ile nwón, kani a hún m'a nwan n'ọ rị mkpa ní m deni ụnu hún m'e gi kasí onu obi, ní onu shikenmè onwùn chedon Uzo nke okukwe hú hún Osolobue wegùù che eka ndí nke e.

Ndí A Kuzi Ntú A Banhanguq

⁴ Makení, o nwégho ndí ghalení a tý egún Osolobue hún gigùù nzuzue banhan imé enyi. Ndíní e gbehutoguq ozi efoma Osolobue, keni wé gi e kpumé eje-obibi wé. O tekéméké wé deto ikpe-omúma hún rìnì ní wé imé Ehuuhuq-nsó. Ndíní ara gbayedé Jizos' Kraistí hún iya suq wü Di-nwónnni-enyi lè Onye-nwónnni-enyi.

Osolobue A Maringuq Ye Ndí Njó Afunfun

⁵ M cho ní m nyangan ní ụnu ihién ndíní, ọsuon'a ní ụnu a maringuq wé ọhunmahanma. M cho ní m nyangan ní ụnu kẹ Di-nwónnni-enyi dòn gha alí Ijiptu zuopuha ndí Izrelú, kani, omegu, o no tikpo ndí hún kwerileni.

⁶ Nyanganzíkwo ní ihién mè ndí mmón-ozi hú te rị nsó hún nódiléni ebe wé sì wé nódí, hún la onodí wé tó: nyangan ní ní Osolobue e kenguq wé nwan egbùn itébité tó imé eje ishi, e che okinkin-ikpe hún jenqo d'a rị okèn Uhuhuq hú.

⁷ Nyangan ní ihién mè eje-alí ndí ahun wü Sodomu lè Gomora lè obodo ndí ozó hún nökunmè ni wé. Ndí rị imé alí ndí hú mè kẹ ndí mmón-ozi hú—bu enwèn wé che imé ughere lè ụru, ya wé nō narin afunfun ọkun-itébité. Wé nō wuru ihién wé gi a dò ihián eka-ntin.

Enwèn Wé Ké W'e E Lee, E Ledan Okíki

⁸ Bu eríra kẹ ndí nkuzi-ughani gi nwan a hunsónmè ọhun a han wé e mè ihién əhú wé gi a rúhú, e legberi okíki, e kuto ndí ogho rị əhú.

⁹ Kaní, Maikelú hún wü onye-isi ndí mmón-ozi e mèdeni enína ogèn o gi sòn Ekwensu zuq ozun Mozizi: egún Osolobue anin'a kuto Ekwensu—ihién ọ gwa Ekwensu wü, “Di-nwónnni-enyi a jugbo i!”

¹⁰ Kaní ndíní e kuto ihién ọwule wé ghotaléni. Wé nòhú kẹ anu-ofia nwónleni uche, w'a ra leban ihién ẹnya—bú hún wé ghotahú wé lebanleni ẹnya, iya e tikpo wé.

A Ríziolé Wé Eje-onodí

¹¹ Okèn nsongbu rìnì wé! E sonmeguq wé uzó Keni ogbu ochú; e giguq wé ifiri erere la enwèn wé toní mmefie Balam egho a suq; e nupuguq wé isi kẹ Kora; a na wé ntikpo kẹ iya, makení Osolobue k'e tikpo wé. ¹² Ntupo kẹ ndíní wü ebe ụnu n'e rigbama Oriri ihién-òsusùọ ụnu; egún arízi wé ẹnya ebe wé n'e sòn ụnu e ri—ndí—ndu rị e lepù enwèn wé suq ẹnya kẹ wé wü! Orukpu ufere bukó ghalení e zue mirin kẹ wé wü; osisi ghalení a mi mkpuru ogèn wé gi a ghó mkpuru, osisi wé huepù, hún nwùnhunchnrín, nwùnhunchnrín!

¹³ Wé nòhú kẹ eje ebiri-ohimin, ihién ifenren wé rị a gboshi elu kẹ ụfófo ebiri-ohimin; kokisé uzó ohu ghalení e ru kẹ wé wü, hún Osolobue kwademetoní eje-ishí itébité!

Ikpe-omúma Hún Rị E Cheni Wé

¹⁴ Enóku, hún rị agbó nke esa—wé gha eka Adam gunma—e buguq amúma toní wé: o si,
“Lee e,

Di-nwọnni-enyi lala
 ya lẹ ndị nsọ a nnụ ole-lẹ-ole.
¹⁵ O lala
 d'e kin onyę Ọwule ikpe,
 d'a ma wę ile ikpe—
 ikpe eje-ihięn ile wę gi eje-agungun wę me
 lę eje-oku ile jogsbu enwén e,
 hụn ndị-njọ ghaleni a gbaye Osolobue
 gi kuja oku e!"

Eje-Agungun We

¹⁶ Ogęn ile kę ndịnị gi e dęnwinnwịn; w'a ra kinbehi ikpe; w'e męsonmę eje-ihięn ndị rị a gunni wę; w'e kukarij enwén wę, e gi onu-oma a tünarın ihięn wę.

Mkpinsin-eka Lę Ndümmodun

¹⁷ Kani, o mę nke ụnu umunę m, nyanhankwọ nị ihięn ndị-ozi ahụn pụ-ichęn Nna-enyi wụ Jizos' Kraistị tumę gwato ọnu. ¹⁸ Wę gwa ụnu nị "Ndị-emu k'a puha ogęn ikpazuń, ndị k'e męsonmę eje-ihięn rị a gunni wę." ¹⁹ Uwę wụ ndịnị ihięn-uwā rị ẹnya, hụn nwònleni Mmón-nsọ, ndị hụn e buhę nkebe.

²⁰ Kani, nke ọnu umunę m, e mę ni nị ụnu e sue imę Okukwe ahụn richanrin nsọ ọnu rị e sòn, e sue kę ụlo wę n'a tún; e mę ni ekpere kę Mmón-nsọ dòn chọ. ²¹ E dònme ni enwén ụnu hụn ụnu e gi riṣonmę ndị ihięn wę a sụo Osolobue, kę ụnu dòn rị e che omik'en Di-nwònnoni-enyi wụ Jizos' Kraistị, hụn k'e wehę ni ọnu ndịn itebite.

²² E mę ni ni ndị obi-ebuo omik'en, ²³ ọnu a dokpupuha ndị ozọ imę ọkụn hụ keni ụnu gi e zuofuha wę. Nke ndị ozọ, e gi ni egun e mę ni wę omik'en—ka zedę ni izize ewuru wę yi hụn ẹhu wę merugụ.

Ekpere Ija-mma

²⁴ Nke Osolobue, onyę hụ hụn k'e ri-eka kwondon ụnu makę ọnu gha a dan, mę ọnu wuru ndị nwònleni ntupọ, ụnu e gi ighogho turu ihun e ebéhụ Ogho rị, ²⁵ Onyę hụ iya sụo wụ Chuku, Onyę nzupupuha enyi, oghọ ya rịn'a ghahanị Jizos' Kraistị Di-nwònnoni-enyi —oghọ lę ikpēn lę ikēn lę ọkiki; k'o rịn'a nị ogęn d'e bidon, ya rịn'a kikenni lę jenrin ejen! Isée.

Ihien Jizos' Kraistí Ghosi Jonu Nghosí

¹ Ihien Jizosí Kraistí ghosi igbon e wú Jonu ya rí imé éhuhuoni. Osolobue we ihien ndiní ye Jizosí, keni o we wé ghosi ndí igbon e—ní wé hún uzó marín ihien ndí jenkó d'e mé egwa. Kraistí nò zi mmón-ozi e jenni odibo e wú Jonu d'a ghosi a ya, keni o gha eka Jonu ghosi ndí igbon e ya. ² Jonu a shiaguo nwan eri banyeni oku Osolobue le ihien Jizos' Kraistí ku; o shiaguo eri ihien ile o hún.

³ Ngózi ya ríni onyé ówule k'a gunpuhaní ibe e ihien ndí rí imé amúmani; ngózi ya rízikwo ní ndí hún k'a nún'a le ndí hún k'e mé ihien wé de imé e—makéni ogéen ihien ndiní e gi mé a ríguo nsue.

Jonu E Kele Uka Esa Ndí Hú Rí Azúun Eshia

⁴ Jonu de éhuhuoni jenni uka esa ndí hú rí Azúun Eshia.

Efoma le udón hún gha eka Osolobue, onyé ahún rí kikénni, hún rí mbú, hún lalani bía ya ríni onu—efoma le udón hún gha eka ya le Mmón esa hún rí ihun ukpo e ⁵ le Jizos' Kraistí bía.

Jizosí Kraistí, hún wú ɔshéri ahún furu wé gi e dòn enya, onyé ibuzó gha ɔnwún lihi, onyé hún a kí ndí-nze rí elu-úwa.

Ogho le okíki ya wúru nke Jizosí Kraistí, onyé hún nwé ihien-óshusúo enyi, gi édeke e gbapúha enyi eka njó enyi; ⁶ o nò nwan mé enyi wúru aní-eze, mé enyi wúru ndí nchú-éjan Osolobue e hún wú Nédi e. Ogho le okíki ya wúru nke e jenrin ejen! Iséé.

⁷ Lee e!

O gi orukpu lala;
enyá ile jenkó d'a hún a—
 ké ndí hú dun a ihien.

Ndí aní ile rí uwa
 jenkó d'a kwan ekwan
 make ufiri e.

Eríra k'o jenkó d'a rí! Iséé!

⁸ “Mmé wú ibuzó le ikpazúun!”

Ya ké Di-nwónni-enyi wú Osolobue ku—onyé hú hún rí kikénni, hún rí mbú, hún lalani; Onyé hún nwón ikéen ile.

Jonu A Hún Jizosí

⁹ Mmé wú Jonu nwéne ünu, hún wé rí e gi ifiri Kraistí e kpokpo ké wé dòn rí e gi ifiri e e kpokpo onu; m wúzikwo onyé Ali-eze Kraistí ké ünu dòn wú; m wetuzikwo obi alí e din ndidi ríké ünu.

Wé dupú m shi alí Patímosí, alí hú mirin nohunmé, makéni m'e ku oku Osolobue le ni m'a shíja ní Jizos' eri. ¹⁰ Ogen m gi rí ebahún, o ru ühúohin ohu, Ühúohin Di-nwónni-enyi, ebe m rí imé mmón, m nò nü okéen olu rí e ku oku azúun m. Olu hú nò ké opí rí a hanní.

¹¹ O si, “Detu ihien i rí a hún ye imé éhuhu, y'e zíjenni uka esaní ya:

uka rí Efésosi,
uka rí Súmena,
uka rí Pégamom,
uka rí Tiatira,
uka rí Sadisi,
uka rí Filadefia
lézi uka rí Laodishia.”

¹² Ya m nò gbehutó, ní m hún onyé nwé olu ahún rí a gwa m oku. E gbehutó m, m nò hún obu-ukpé esa wé gi goru mémé, ¹³ húnzí onyé nò ké Nwa nke İhian etintinnai obu-ukpé esaní. O yi ewuru tueru alí, gi ihien goru kénhunmé obi e. ¹⁴ Isi e le ntutu e

hụ a chan ụchan lèkè oruru ọchan, lèkè ọkpukpụ mirin-oyi ọchan wụ s'no. Enya a ebüo hụ e nwun kẹ ọkụn rị e nwunni; ¹⁵ ụkụ-alị a nọ kẹ igwe w'a kpọ bronzu, hụn wẹ finchan ohunma-ohunma, e gbuke nöké sị wẹ gi ọkụn dùnchanpuchanrin unyin rị n'a. Olu e nozị kẹ üzün oken mirin rị e huni. ¹⁶ O gi kokisé esa eka-nni. Ọpi-a-gha ọnunaị tụ nkọ gha a ọnụ suefụha. Ihun e hụ e ti ọda-ọda kẹ enya-anwụn dọn e ti efinnai.

¹⁷ Ogen m gi hụn a, m nọ dan anị ụkụ a nöké onye nwunni. Kanị, o nọ bu eka-nni e kwasị m, sị, "Atulé egun. Mmẹ wụ Ibuzo le Ikpazụn. ¹⁸ Mmẹ wuzi onye hụ rị ndun! M te nwunhụn anwunhụn, kanị, lee e, m rị nwan ndun jenrin ejen. Mmẹ gizikwọ ịsanhan Ọnwụn le Ali-mmọn."

¹⁹ "Detu nwan ihien i rị a hụn—ihien rị ogenni lẹ ihien jenkö d'e me ihun."

²⁰ "O me nke kokishịa esa ahụn i hụn eka-nni m lẹ obu-ukpẹ esa hụ: kokishịa esa hụ wụ mmọn-ozi esa ndị hụn a nökin enya ụka esa hụ. Obu-ukpẹ esa hụ wụ ụka esa hụ."

Isi Nke Ebue

Ozi Jesu Sị Wę Zi Ndị Ụka Rị Efesosi

¹ "Dejenni onye-ozi hụn a nökin enya ụka rị Efesosi, sị a,

Lee ihien onye hụ gi kpakpando esa hụ eka-nni e, hụn e jenhuṇme imẹ obu-ukpẹ esa hụ wẹ gi goru mémé, a hụnchanrin kẹ wẹ nọ, ku: ² A maringho m ihien ile ọnụ rị e me: kẹ ụnu dọn rị a gbakenme lẹ kẹ ụnu dọn rị e wetu obi alị e dingbu ihien ile. A maringho m nị ọnụ ara ye ndị e me eje-ihien efe; nị ọnụ e leleguo ndị hụ kpọ enwen wẹ ndị-ozi pụ-ichẹn, hụn a nị ele wẹ ndị-ozi pụ-ichẹn kaka. ³ A maringhozi m nị ụnu gi ufiri ẹfan m e wetu obi e dingbu ihien ile, a narin afunfun—bụ ndun e k'e gukwọ nwan ụnu.

⁴ Kanị, ọnwan wụ ihien rị e ze m ize ebe ụnu rị: ụnu a latoguo ihien-osusuo ahụn ụnu nwę isi-ibuzo. ⁵ Nyanhan nị nwan ebe ụnu te rị nị ọnụ d'a dan, ụnu e gbehuto, mémézi ihien ndị hụ ụnu te rị e me isi-ibuzo. Ụnu emen'e, a bịa m d'e wepụ obu-ukpẹ ụnu ọnodi a-mmanị ụnu bihitọ ẹka.

⁶ Kanị, o nwęgho ihien rị mma ụnu rị e me: ihien ndị itu Níkolitịa e me, hụn e ze mme lẹ enwen m ize, e zezikwo ọnụ nwęn ize. ⁷ Onye nwon ntin ya nụ ihien Mmọn-nsọ rị a gwa ụka rị ichen-ichen! Onye hụn mérini kẹ m k'e ye iken n'o gi ri mkpuru-osisi ahụn e ye ndun, hụn rị Paradaisi, Ali Izu-iken Osolobue."

Ozi Jizosị Sị Wę Zi Ndị Ụka Rị Sümenna

⁸ "Nke onye-ozi hụn a nökin enya ụka rị Sümenna, dejenn'e, sị a,

Lee ihien onye hụ wụ Ibuzo le Ikpazụn ku, onye ahụn te nwunhunni kanị o hụzị nwan ndun: o sị, ⁹ A maringuo m afunfun ọnụ rị a ta, marinzikwo kẹ ọnụ mēhan ogbenneye (kanị ọdrafin kẹ ụnu wụ nke-esi). A maringho m mkpari ụnu rị a narin ẹka ndị hụn a kpọ enwen wę ndị Ju, bụ ele wę ndị Ju, kanị ndị ulo-ofufe Ekwensu kẹ wę wụ! ¹⁰ Atulé ni egun afunfun ụnu jenkö d'a ta. Lee e, Ekwensu e d'a tụ ndị hụ imẹ ụnu ye ụno-ngan keni wę gi e lele ụnu. Ụnu k'a ta afunfun akp'ohin iri. Kwondon ni okukwe ụnu d'e ru Ọnwụn. Ụnu kwondon e, e ye m ụnu ndun—gi e tu ụnu ugon nöké okpu-eze. ¹¹ Onye nwon ntin ya nụ ihien Mmọn-nsọ rị a gwa ụka rị ichen-ichen! Ọnwụn nke ebüo erukọ onye hụn mérini ẹhụ, o rukọ onye hụ ẹhụ."

Ozi Jesu Sị Wę Zi Ndị Ụka Rị Pegamom

¹² "Nke onye-ozi hụn a nökin enya ụka rị Pegamom, dejenn'e, sị a,

Lee ihien onye hụ gi Ọpi-a-gha ọnunaị hụ tụ nkọ ku: ¹³ A maringho m ebe ụnu bi, ebęhụ ukpo Ekwensu rị. Bụ ụnu kwondonhukwọ ẹfan m. Ụnu a ghoriṇi, sị nị ọnụ ekwerini ni m, kẹ ogen wę gi gbude ọsheri m wę gi e dọn enya wụ Antipasi, hụn wę gbu imẹ igunrun ọnụ, imẹ obodo hụ Ekwensu bi.

¹⁴ Kanị, o nwęgho ihien ndị rị e ze m ize ebe ụnu rị: o nwęngħo ndị rị imẹ ụnu ebęhụ hụn e son nkuzi Balam, hụn kuzi Balakị ihien o gi bu uke cheni ụmu Izreļu, me wę ri ihien-oriri wę gi rụa mmọn, mżikwọ wę għere. ¹⁵ O nwęngħozi kwo ndị e son nkuzi ndị

itu-Nikolitja. ¹⁶ Gbehutø ni nwan. Omieni ụnu egbehutoni, m k'a bia ęgwa d'e gi opia-agha rị m ọnu luson ndị hụ agha. ¹⁷ Onye nwọn ntin ya nụ ihien Mmpon-nso rị a gwa ụka rị ichen-ichen! Onye hụ mérini kẹ m jenkö d'e yebeye mana hụ zuerini. M k'e yezikwo a ọmuma ọchan hụ wé deye ęfan ọhun, ęfan ọhun hụn o mē ni o nwọnni onye marin n'a, wezuka onye hụ wé ye ya wụ ọmuma.”

Ozi Jizosị Sị Wę Zi Ndị Ụka Rị Tiatira

¹⁸ “Nke onye-ozi hụn a nòkin ẹnya ụka rị Tiatira, dejenn'ę, sị a,

Lee ihien Nwa Osolobue ku, onye ahun ẹnya a e nwụn kẹ ọkụn; onye ahun ukụ-alị a nọ kẹ igwe bronzu wé finchanchanrin rị e gbukeni: ọ sị, ¹⁹ A maringhọ m ihien ile ụnu rị e mē—kẹ ihien-osusuo ọnu nwé kẹ okukwe ọnu kẹ ozi ụnu rị e jen kẹ ihien ile ụnu wetu obi alị e dingbuchanrin. A maringhọ m nị ihien ụnu rị e mē kikenni ka ihien ụnu mē isi ibuzo. ²⁰ Kani, onwan wụ ihien rị e ze m ize ebe ụnu rị: ụnu e ye okpoho hụ wụ Jezibelu efe, okpoho hụ hụn a kpo enwèn ę onye-amumma, hụn gi ihien ọ rị a kuzi e dufie ndị-idibo m, e mē wé a gheré, e ri ihien-oriri wé gi rụa mmón.

²¹ E yeolé m'a efe n'o gbehutø, kani ọ juguo n'o gbehutoko ghérebehi. ²² Lee e nwan, m k'a tụ a ye bedi emu; m k'e mē ndị ya le wé gba a gheré ta eje-afunfun—sukpan nị wé gbehutø, mèbehi eje-ihien ndị hụ ọ rị e mē. ²³ M k'e gbu ụmu a. Ụka ile k'e gi e marin nị mmé wụ onye hụ e legha uche le obi onye ọwule; m k'a kuzikwo onye ọwule imé ụnu ụgwó-ɔrun furu ihien ọ rị e mē.

²⁴ Kani, nke ndị hodunị imé ụnu ndị rị Tiatira, hụn ghaleni e sòn nkuzini, hụn keleni múnrun ihien ndị hụ w'a kpo ‘Okèn ihien-nzuzue Ekwensu,’ m sị ọnu nị ebukeko m ọnu ibu ozo—²⁵ ka kwonkènme ni ihien ụnu gi d'e ru nị a bia m. ²⁶ Onye hụn mérini, hụn k'a gha e mesonme uche m d'e ru isi-njendeme, kẹ m k'e we ndị alị ichen-ichen che okpuru e kíma,

²⁷ o k'e gi ọkpoo-igwe kị we,

o k'e tikpochanrin we

léké ite wé gi ụrụa kpu,

²⁸ nöké kẹ Nèdì m dòn ye m ikèn m gi a kí. M k'e yezikwo onye mérini kokise ụtuntun hụ. ²⁹ Onye nwọn ntin ya nụ ihien Mmpon-nso rị a gwa ụka rị ichen-ichen!”

Isi Nke Etɔ

Ozi Jesu Sị Wę Zi Ndị Ụka Rị Sadisi

¹ “Nke onye-ozi hụn a nòkin ẹnya ụka rị Sadisi, dejenn'ę, sị a,

Lee ihien onye hụ gi Mmpon esa Osolobue lẹ kokise esa hụ ku: a maringhọ m ihien ile ụnu rị e mē. W'e weri ụnu kẹ ndị rị ndụn, kani ụnu a nwụnhungu! ² Téhchin ni nwan, ụnu e donzi ihien hodunị, hụn hodu ekere n'o nwụnfu—makeni a hungu m'a nị ọrun ọnu ezuni oke ẹnya Chuku m. ³ Nyanhan nị nwan ihien wé kuzi ụnu le ihien ọnu nụ, ụnu e gi e dòn, gbehutø. Omieni ụnu etéhinni, m k'a bia nöké ohin, ụnu amarinko ogèn m'e gi banhan ebe ụnu rị, kaka!

⁴ Kani, o nwéghọ ndị buleni ọda rị Sadisi hụn keleni ru ekwa wé unyin. Wé jenkö d'e yiri ekwa ọchan, sòn m e jenhuunme, makeni wé furu efuru. ⁵ Onye hụn mérini k'e sòn wé yiri ekwa ọchan. Efichanpukò m ęfan onye ahun imé ęhuhu ọké nöké, kaka! M k'a nō id'ẹnya Nèdì m lẹ ndị mmón-ozi ę kpo ęfan onye hụ, ku e nị a maringhọ m onye ọ wụ.

⁶ Onye nwọn ntin ya nụ ihien Mmpon-nso rị a gwa ụka rị ichen-ichen!”

Ozi Jizosị Sị Wę Zi Ndị Ụka Rị Filadefia

⁷ “Nke onye-ozi hụn a nòkin ẹnya ụka rị Filadefia, dejenn'ę, sị a,

Lee ihien onye hụ rị nsò ku, onye hụ wụ ihien ọ sị nị ya k'o wụ; onye hụ gi ịsanhan Defidi; onye hụ wé ghaleni a saeka a gunma uzø ọ gunpu móbu gunpu uzø ọ gunma: ọ sị,

⁸ A maringhọ m ihien ile ụnu rị e mē. Lee e, a gunpuguo nị m ọnu uzø, hụn o mē ni o nwònni onye k'a saeka gunman'a. A maringhọ m nị ọnu enwékènì ikèn bụ ụnu hukwo e mē ihien m ku, ụnu aghorinị nị ụnu a maringhọ ęfan m.

⁹ Lee e! M k'e wehē ndi ụno-ofufe Ekwensu hụ wę sị n'o wụ Ụlo-ofufe ndi Ju, ndi ahụn a kpọ enwèn wę ndi Ju bù ntụ rọ, ełe wę ndi Ju, a bia wę ụkụ ụnụ d'a kponi ụnụ isi ali, keni wę hụn uzo marin nị ihien ụnụ suq m. ¹⁰ Makeni ụnụ e wetuguo obi alị dingbuchanrin ihien ile kẹ m don gwa ụnụ, anikọ m afunfun hụn lalani wę jenqo d'e gi lele ndi ile rị imē ụwa ru ụnụ eħu. ¹¹ M lala ęgwa, kwonkemem ni ihien ụnụ gi, amamgbe w'a narin ọnụ okpu eze wę k'e gi tu ụnụ ugón. ¹² Onyę ọwulę mérini kẹ m k'e gi hénrin iden* imē Ụlo-nso Osolobue m, o ghakozị ebeħu pụ, kaka! M k'e de ęfan Osolobue m le ęfan Jerusalem ọhụn hụ ye e eħu. Jerusalem ọhụn hụ wụ obodo-uku Osolobue m. Ya wụ Jerusalem k'a gha enu-igwee le ęka Osolobue m hidan; m k'e dezikwo ęfan ọhụn m ye onyę ahụn eħu ¹³ Onyę nwọn ntịn ya nụ ihien Mmón-nso rị a gwa ụka rị ichen-ichen!"

Ozi Jesu Sị Wę Zi Ndị Ụka Rị Laodishia

¹⁴ "Nke onyę-ozi hụn a nòkin enya ụka rị Laodishia, dejenn'e, sị a,

Lee ihien onyę hụ wụ 'Isee' hụn oku Osolobue gha a bụn ku—onyę ahụn wụ Ọsheri wę gi e don enya; Ọsheri ahụn wụ onyę ezioku; Onyę hụ ihien ile Osolobue ke gha ęka bia: o sị, ¹⁵ A maringho m ihien ile ụnụ rị e mē; ụnụ anụni ọkụn, ọnụ ajụni oyi. K'o rị m, ụnụ a nụ ọkụn móbụ ju oyi! ¹⁶ Ebe o mē nwran nị ụnụ mē እnan: ụnụ anụni ọkụn, ụnụ ajụni oyi, m'e d'a gha ọnụ m jupụ ụnụ!

¹⁷ Ụnụ rị a sị, 'M wụ ọdafiń, a baole m ụba, o nwonzini ihien a kọ nị m.' Kanị, ụnụ a marin n'o nwonzini kẹ o han ụnụ kaka, nị ọnụ e ruguo ihien a gba enya-mirin, nị ogbenneye kẹ ọnụ wụ, nị ọnụ wụ enya-mpin, ni ụnụ gba ọtọ! ¹⁸ M rị nwran a dun ụnụ ọdụn: እnonnarin nị m goru wę gwaleni, hụn wę gi ọkụn dùnchanpụ unyin ile rịn'a, keni ụnụ hụn uzo wụrụ idafin; ụnụ e እnonnarinzi m ękwa ọchan yiri, gi e kpume ọtọ ụnụ hụn e mē ifenren, amamgbe w'a hụn a; እnonnarinziwụ nị m ọgun-enya tuyé enya, keni ụnụ leghama uzo.

¹⁹ Ndị m nwę ihien-osusụ wę kẹ m'a jugbo, uwę kẹ m'e ye afunfun keni wę nwonzin uche. Wepuhakwo nị nwran obi, ụnụ e bihuto ęka. ²⁰ Gon ni ntịn! M turu nwran ọnumuzo, a dù ęka, onyę nụ olu m gunfụ uzo, a banhan m d'e kunrun e, e son m'e ri, o son m ri.

²¹ M k'e ye onyę mérini ọnödị n'o son m nödị elu ukpo-eze m, nöké kẹ mmē nwén dòn méri, son Nedi m nödị elu ukpo-eze e. ²² Onyę nwọn ntịn ya nụ ihien Mmón-nso rị a gwa ụka rị ichen-ichen!"

Isi Nke Eno

Kẹ W'e Fee Osolobue Imē Elu-igwee

¹ Ọnwan e megụ, m nō lee enya, hụn ọnumuzo wę gunpụ elu-igwee. Olu hụ gwa m oku mbụ hụn nō kẹ oken opि nō sị m, "Bia enu ebeni, nị m ghosi i ihien jenqo d'e mēni ihien ndịnị megụ." ² Ozigbo, m nō rị imē-mmón. M nō hụn ukpo-eze imē enu-igwee ebēħu, hụnzi onyę ohu nödị alị elu e! ³ Onyę hụn nödị alị ebēħu hụ e gbuke kẹ ọmụma w'a chọ achọ w'a kpọ jaspa lę hụn w'a kpọ kanelianị. Ekon-lę-ogugu hụn e nwun kẹ ọmụma w'a chọ achọ wụ emaradi fihunmę ukpo-eze hụ ohi-ohi. ⁴ Ukpo ẹno-kwasí-ogun fihunmę ukpo-eze hụ ohi-ohi. Ndị-isi ẹno-kwasí-ogun nödışonmę ukpo ndị hụ. Wę ile yisomme ęwuru ọchan, kpusonmę okpu-eze goru.

⁵ Amuma hụ a gha ukpo-eze hụ e bepūha; uzun mirin rị e denni lę akpabọ huzi a gha ukpo-eze hụ a hanpūha. Ukpé esa rị ihun ukpo hụ e nwun—ukpé esa nku Mmón esa Osolobue.

⁶ Ihien rikę ohimin wę gi ughegbe mémę rị ihun ukpo hụ; o behụ nwranan-nwanran, e nwun zai.

Ihien ẹno rị ndun enya junsomme ihun lę azụn nöhunmezikwo ukpo-eze hụ: ⁷ nke ibuzo rị kę eworo; nke ębuo rị kę oken-efin; ihun nke eto rị kę ihun iħjan; nke ẹno rị kę ugón rị e feni. ⁸ Ihien ẹno ndịnị rị ndun nwesonmę nku isin-isin. Enya jun wę uzo ile—kẹ imē wę kę azụn wę. W'a ra bubeħi ębu—kę uhinhin kę effinnai—ihien wę a busonmę wụ, "Nsọ, nsọ, nsọ—kẹ

* Isi Nke Eto:12 Pila

Osolobue hụn wụ Di-nwọnni-enyi rị!
 Osolobue hụn nwọn iken ile—
 Onyę hụn rị mbụ,
 hụn rị kikenni,
 hụn lalani.”

⁹ Ogen ọwule, ihiẹn ẹno hụ rị ndụn gihụ yegụụ onyę hụ rị ndụn jenrin ejen hụn nodi anị ukpo hụ oghọ lẹ mgbaye lẹ ekele enjina, ¹⁰ ndị-isi ẹno-kwasị-ogun ahụn a dan alị ihun Onyę hụ nodi alị elu ukpo-eze ahụn, Onyę rị ndụn jenrin ejen, fe e, t̄uha okpu-eze wẹ ye alị ihun ukpo hụ, a sị,

¹¹ “Chuku-Nna enyi!
 Y'e furughọ onyę wẹ a ja mma—
 y'e furughọ nị w'e ku e ni
 oghọ lẹ mgbaye lẹ iken
 wụ nke i.
 Makeni, iyụ ke ihiẹn ile.
 Makeni y'a chogho,
 i nọ mè wẹ rị;
 makeni y'a chogho,
 i nọ ke wẹ.”

Isi Nke Isen

Nwa-ebulu Osolobue Hụ Sụo Ru Ogo Ihiẹn Ile

¹ M nọ hụn ehleru wẹ fifima eka-nni onyę hụ nodi anị enu ukpo-eze hụ. Wẹ dejun ehleru hụ ihiẹn, kẹ imẹ e kẹ azụn a, gi eriri esa kenmẹ e. ² M nọ hụnzi mmọn-ozi ohu kin-akwanran k'o gi oken olu e yi oro, a sị, “Onyę furu hụn k'a topụ eriri ndị hụ, fifipụ ekukwo hụ?” ³ Kani, o nwònni onyę ọwule rị elu-igwee mọbụ enu-uwá mọbụ okpuru-uwá hụn saeka fifipụ ehleru hụ mọbụ lee enya imẹ e. ⁴ M nọ kwanma ekwa odata-odata, makeni o nwònni onyę wẹ hụn furuni, hụn k'a fifipụ ehleru hụ mọbụ lee enya imẹ e. ⁵ Ya kę onyę ohu imẹ ndị-isi hụ nọ sị m, “Akwanzile! Lee e, Eworo ebón Juda, Mkpögún Defidi, e mériguo—o k'a saeka tófụ eriri esa ndị hụ, fifipụ ekukwo hụ.”

⁶ Ya m nọ hụn Nwa-ebulu hụn nöké sị wẹ te gbu e egbu k'o turu ẹgbata ukpo-eze hụ lẹ ihiẹn ẹno hụ rị ndụn lẹ ndị-isi ẹno-kwasị-ogun hụ hụn wẹ ile fihunmẹ ya wụ ukpo-eze. Nwa-ebuluni nwọn mpin esa lẹ enya esa—hụn wụ Mmọn esa Osolobue, hụn Osolobue zịjen elu-uwá ile. ⁷ Nwa-ebulu hụ nọ jen d'e weri ehleru hụ wẹ fifima, hụn rị eka-nni onyę hụn nodi enu ukpo-eze hụ. ⁸ Ogen o gi werigụ ehleru hụ, ihiẹn ẹno hụ rị ndụn lẹ ndị-isi ẹno-kwasị-ogun hụ nọ dan alị ihun Nwa-ebulu hụ; onyę ọwule imẹ wẹ gi ụbọ lẹ afere nsensi wẹ gi goru mémé hụn nsensi jun imẹ e. Nsensiṇi wụ ekpere ndị nke Osolobue. ⁹ Ya wẹ nọ bụ ebụ ọhụn, sị,

“Iyụ furu
 hụn k'e weri ehleru hụ,
 hụn k'a topụ eriri ndị hụ
 wẹ gi k'enmẹ e;
 makeni wẹ gbu i,
 i nọ gi edeke i
 gbapuhani Osolobue ihiān
 imẹ ebón ọwule,
 imẹ asusụ ọwule,
 imẹ alị ọwule
 lẹ imẹ ndị ọwule.

¹⁰ Y'e meguo wẹ wuru
 alị-eze lẹ ndị nchụ-ejan
 ebe Osolobue enyi rị;

wé k'a kí elu-úwa."

¹¹ E lezi m énya, m nò nü olu ndí mmón-ozi bu óda hún fihunmè ukpo hú ohi-ohi lè ihién ndí hú rí ndún lè ndí-isi hú. Ndí mmón-ozini e bukènméké óda, wé rí nnú-uku ole-lé-ole lè ijéri ole-lé-ole. ¹² Wé hú e gi okéñ olu a bù ébu, a sí,

"Nwa-ebulu hú wé gbu

e furughó hún w'e tuchan,
ní ikéñ lè akú-lé-úba
lè amamihien lè akwanran
lè mgbaye lè ogóhó lè ojija-mma
wú nke e!"

¹³ M nò nuzí ké ihién ile wé ke eke rí a bù ébu—ké hún rí enu-igwee ké hún rí elu-úwa
ké hún rí okpuru úwa ké hún rí imé ohimin. Ihién wé rí a bù wú:

"Ojija-mma lè mgbaye
lè ogóhó lè ókíkí
ya wúsonmè nke onyé hú
hún nódí aní elu ukpo-eze—
lè Nwa-ebulu hú—
jenrin ejen!"

¹⁴ Ihién énó hú rí ndún nò sí, "Isee!" Ndí-isi hú nò dan ali, fe Nwa-ebulu hú.

Isi Nke Isin

Nwa-ebulu Hú A Tópú Eriri Ndí Hú

Eriri Nke Ibuzo

¹ Ya m nò hún ké Nwa-ebulu hú tópú eriri ohu imé eriri ésa ahún wé gi kénmè éhúhúo hú, m nò nü ké ohu imé ihién énó hú rí ndún gi okéñ olu hankénmé ké akpabó, sí, "Bia!"

² M nò lee énya, e lee éshin óchan! Onyé rí e nyinn'è gi útaa. Wé nò ye è okpu-eze, o nò nyinrin éshin è pú d'e mérisonmè agha.

Eriri Nke Ébuo

³ Ogéñ Nwa-ebulu gi tófú eriri hún mè wé ébuo, m nò nü ké hún mè ébuo imé ihién énó hú rí ndún sí, "Bia!" ⁴ Ya éshin ózo nò fúha. Ónwan e nwun ufie-ufie. Wé nò ye onyé rí e nyinn'è ikéñ n'o wepú udòn elu-úwa, keni ihián gbumé ibe wé. Wé nòzí we ópia-agha hi-ogbe ye è.

Eriri Nke Eto

⁵ Ogéñ Nwa-ebulu hú gi tópú eriri hún mè wé etó, m nò nü ké nke etó imé ihién ndí hú rí ndún sí, "Bia!" M nò lee énya, e lee éshin ogi! Onyé rí e nyinn'è gi ihién wé gi a ma ihién. ⁶ M nò nü ihién nöké olu rí e ku oku k'ó gha etintinnaí ihién énó hú rí ndún hanpúha, a sí, "Óka jéñkó d'a kógbu enwéñ è: mkpu óka-witi énó k'a wúdè egho-órun akpú-úhuóhín! Mkpu óka-bali mmakalaka mmébuo k'a wúdè egho-órun akp'ohín! Ka e wiwikwólé ofungbón-olivu lè manya!"

Eriri Nke Énó

⁷ Ogéñ Nwa-ebulu hú gi tópú eriri nke énó, m nò nü olu hún mè wé énó imé ihién ndí hú rí ndún, k'ó sí, "Bia!" ⁸ E lee m énya, e lee éshin e nwun éhúhúo-ndún, éhúhúo-ndún, kaní ọ hú e nwun iñanhín! Efán onyé rí e nyin n'è wú Ónwún; Ali-mmón sónkó a. Wé nò kebe úwa uzó énó, ye wé ikéñ igi ópia-agha lè ụnwún lè emu lè eje-anú ndí rí elu úwa gbupú uzó ohu rín'a.

Eriri Nke Isen

⁹ Ogéñ Nwa-ebulu hú gi tópú eriri nke isen, m nò lee énya okpuru ukpo nchú-ejan, m nò hún umé-ndún ndí hún wé gbu maké oku Osolobué lè eri wé shianí Jizosí. ¹⁰ Wé nò weshi olu wé enu, e yi, "Euu Di-nwónni-ényi, Onyé hún ihién ile rí éka a, onyé rí nsó, onyé ezioku! Naní ké y'e biehan d'e kin ndí rí enu-úwa ikpe, gbugwari wé ké wé dón

gbu enyi?” ¹¹ Ya wę nō ye onye-onye imē wę ewuru ochan tueni, sị wę zuzi ikēn ekere ni umunē wę lę ndi-idibo ibe wę zuguu ḥonu, ndi ahun iħian k'e gbu kę wę dōn gbu wę.

Eriri nke Isin

¹² Ogēn Nwa-ebulu hụ gi tōfū eriri nke isin, alị nō mahihie odata-odata, anwun nō gime ngi kę ekwa-ogi, ifon hūn shiagunị nō nwunhutō, nwunmē edeke-edēke. ¹³ Kokishia nō gha elu-igwere danyesonmē anī—nokē ebe okēn ufere nō nutusonmē ogbe figi chanleni. ¹⁴ Igwere nō fori nokē ebe wę nō fifima ēhuħuq, wepū. Wę nō wepū ugu ile lę alị ile mirin noħunmē ḥonodj wę. ¹⁵ Ya ndi-nze ɻwa lę ndi uku lę ndi-ndu-agħa uku, lę ndi īdafin, lę ndi ile wę gi oku wę e dōn lę ndi ɻożo ile—kę igbon kę ndi nwę enwēn wę—nō shisonmē imē okporo lę ebe ɻomma rišonmē elu ugu d'a warj, ¹⁶ a sị ugu lę ɻomma ndi hụ, “Dodo ni, dankwasj nī enyi! Nī ɻunu zuemē enyi makē Onye hūn ḥonid elu ukpo-eze hụ għa e legha enyi; makē ɻonma Nwa-ebulu hụ ghazikwō e kunrun enyi—¹⁷ makēni okēn ɻuhuqjin wę gi a kpō ɻonma a biagħo! Onye wu nwan onye ahun jenkon d'a sa ħeka wuzo!”

Isi Nke Esa

Madu Nnu Oġġu-nmmeſato Hū

¹ Onwan e məgħu, m nō hūn mmɔn-ozi eno kę wę turusonmē ebamien eno ɻwa. Wę turusonmē ebəħu e għobdona ufere eno hūn e fe imē ɻwa, amamgbe ufere e fezzi ɻwa mobu ohimin mobu osisi ɻowule. ² Ya m nō hūn mmɔn-ozi ɻożo k'o għa azuun ɻowwa-emya-anwun pħa, shikò elu; o gi iħien Osolobue rị ndun gi e ye ahjma. Q nō gi okēn olu għa mmɔn-ozi eno hū wę ye ikēn nī wę gi wiwi ɻwa lę ohimin oku, ³ sị wę, “Ekewiwile ni ɻwa mobu ohimin mobu osisi ɻowule; cheri ni nī enyi yegħu ndi idib Osolobue enyi ahjma ezimezi-ihun wę.” ⁴ M nō nwan nū madu ole wę ye ahjma ahun. Madu nnu ɻogħi-nmmeſato kę wę ye ahjma hū imē ikpun-ulo il-ri Izreħu:

- ⁵ nnu iri-kwasi-ogħun wu ndi ikpun-ulo Juda;
- nnu iri-kwasi-ogħun wu ndi ikpun-ulo Rubeni;
- nnu iri-kwasi-ogħun wu ndi ikpun-ulo Gad;
- ⁶ nnu iri-kwasi-ogħun wu ndi ikpun-ulo Asha;
- nnu iri-kwasi-ogħun wu ndi ikpun-ulo Naf'tali;
- nnu iri-kwasi-ogħun wu ndi ikpun-ulo Manas;
- ⁷ nnu iri-kwasi-ogħun wu ndi ikpun-ulo Simion;
- nnu iri-kwasi-ogħun wu ndi ikpun-ulo Livai;
- nnu iri-kwasi-ogħun wu ndi ikpun-ulo Isaka;
- ⁸ nnu iri-kwasi-ogħun wu ndi ikpun-ulo Zebulon;
- nnu iri-kwasi-ogħun wu ndi ikpun-ulo Josef;
- nnu iri-kwasi-ogħun wu ndi ikpun-ulo Benjamini.

Igħunrun Iħian Għa Ali Ile Rị Ichien-ichien Pħa

⁹ Onwan e məgħu, m nō lee enya, hūn igħunrun hi-ogbe, hūn o mē ni o nwoñni onye saekha għid wę. Wę għa ali ile, ebon ile, ndi ile, lę asussej il-pħa. Igħunrunni turu iħun ukpo-eze hū lę iħun Nwa-ebulu hū. Wę yisommeh ewru oħan tueru anī. Onye-onye imē wę gisommeh igħuru ħekka. ¹⁰ Wę hū e gi okēn olu e yi oro, a sị,

“Nzufuha għa ħekka Chuku enyi

hūn ḥonid enu ukpo-eze
lę Nwa-ebulu hū a bia”

¹¹ Ndī mmɔn-ozi il-turusonmē ebəħu, fiħunmeh ukpo hū lę ndi-isi hū lę iħien eno hū rị ndun; wę nō dan ali iħun ukpo hū, ke isi ali, fe Osolobue, ¹² a bii ċebu ni:

“Isee!

Ija-mma lę oħġo
lę amamhiex lę ekele
lę mgħbaye lę ikēn lę akwanran
wü nke Chuku enyi

jenrin ejen! Isee!"

¹³ Ya onyé ohu imé ndi-isí hú nò sì m, "Elee ndí wú ndíni yi ekwa óchan tueru ali? Elebe kę wé gha bia?" ¹⁴ M nò sì a, "Di-ókpa, iýú marín ndí wé wú." Ya o nò sì m, "Ndíni wú ndí hún gha okéen ukpokpo hú púha. E gigúo wé édeke Nwa-ebulu hú sú éwuru wé, éwuru wé e henrinsonmè nke óchan. ¹⁵ Ya hain wé gi nwan rí ihun ukpo Osolobue e fe é uhinhin lę effinnaí imé Ulo-nsó a. Osolobue, Onyé hún nódí aní elu ukpo-eze, k'a noyení wé, chedon wé. ¹⁶ Egún ihien-oriri lę ihien-oríra agunkozí wé. Anwún móbu ihien ówule a hún okún amakozí wé. ¹⁷ Makéni Nwa-ebulu hú hún rí etintinnai* ebéhü ukpo hú rí k'a wúrú onyé-ndu wé; o k'e du wé noké onyé e du anú, shi isi-mirin ndí hú mirin e ye ndún gha a bia. Chuku jenkó d'e finchanpú énya mirin ówule rí wé énya."

Isi Nke Esato

Eriri Nke Esa Hú Lé Opi Esa

¹ Ogén Nwa-ebulu hú gi tópú eriri nke esa, elu-igwee ile nò mé juú ihien noké nkirishi mgbahunmè okulóku ohu. ² Ya m nò hún ndí mmón-ozi esa hú hún e turu ihun Osolobue. Wé nò ye wé opí esa. ³ Mmón-ozi ózó, hún gi mkpu goru w'a kpó Sènsa wé gi a dùnní Osolobue nsénsí okún, nò bia d'e turu ihun ukpo nchú-ejan hú. Wé nò kpónye é nsénsí óda-óda, n'o gi ya lę ekpere ndí-nsó ile e mé chú ejan elu ukpo nchú-ejan hú wé gi goru mémé hún rí ihun ukpo-eze hú. ⁴ Ènwúnrún nsénsí hú rí a dùnní lę ekpere ndí-nsó hú nò gha éka mmón-ozi hú a lóshi elu ihun Osolobue. ⁵ Ya mmón-ozi hú nò weri Sènsa hú wé gi a dùn nsénsí okún, gi okún rí ukpo nchú-ejan hú hujun é, tú a ye enu-úwa. Ya kę akpabó nò han, mirin e dén, amúma e be, ali a mahihie.

Opi Eno Ibuzo

⁶ Ebéhü kę ndí mmón-ozi esa hú gi opí esa nò kwademé ní wé gbu opí wé.

Opi Ibuzo

⁷ Mmón-ozi nke ibuzo nò gbu opí é, ékwáñ-igwee lę okún wé gwógbama ya lę édeke nò púha. Wé nò ma wé ye imé úwa, o nò dùnpú uzo ohu okún, náto uzo ebúo; imé osisi ile, o dùnpúzí uzo ohu, o hodú uzo ebúo; o dùnpúchanrinzí éfífiá-ndún ile.

Opi Nke Ebúo

⁸ Mmón-ozi nke ebúo nò gbu opí é, wé nò tú ihien noké eregede ugu rí a nwún okún ye imé ohimín-azúún ohu nò henrin édeke, o hodú azúún ebúo. ⁹ Uzo ohu imé ihien ndí rí ndún rí imé ohimín nò nwúnhún, o hodú uzo ebúo. Imé ugbo-mirin ile, uzo ohu nò tikpofú, o hodú uzo ebúo.

Opi Nke Etó

¹⁰ Mmón-ozi nke etó nò gbu opí é: kokisé ohu hi-ogbe rí e nwún okún léké ówa nò gha igwere dan. Imé iyi ile rí úwa, o danyé uzo ohu náto uzo ebúo-uwé lę isi-mirin rí ichen-ichen k'o danyé. ¹¹ Efán kokisé hú wú "Elumilu." Imé mirin ile ríni, uzo ohu nò lumé ilu, o hodú uzo ebúo. Ndí bu óda nò nwúnhún, makéni mirin hú rí e lu ilu.

Opi Nke Eno

¹² Mmón-ozi nke éno e gbu opí é, ihien nò fían énya-anwún azúún ohu, fíanzikwó ifón lę kokisé azúún ohu-ohu, latosonmè wé azúún ebúo-ebúo. Ukpé wé nò belúa: wé kebe kę wé e nwúnhan mbú uzo etó, enwunkarizini wé uzo ebúo. Anwún amúchanrinzini kę uhúohin han k'o don a mū mbú; ifón etibéhanzini k'o don e ti mbú. Wé kebe uhúohin uzo etó, anwún amúkarizini uzo ebúo-erirazikwó kę ifón mé uhinhin. ¹³ M nò lee énya enu, hún ugón ohu k'o fekó imé elu, yíko, "Nsóngbu! Nsóngbu! Okéen nsóngbu jenkó d'a ríni ndí ile bi elu-úwa ogén ndí mmón-ozi etó hú k'e gi nwan gbusonmè opí etó hún hodún!"

* Isi Nke Esa:17 Lee 5.6

Isi Nke Iteneị

Opi Eto Hօdunij Lé Eje-mbugbu Ahun

¹ Mmɔn-ozi nke isen e gbu opি e, m nօ hún kokise ohu hún gha elu-igwee danye սwa. Wé nօ ye e յisanhan oken-mbugbu hú migbu enwen e.

² O nօ յunpu eje-mbugbu hú migbu enwen e, յnwunrun nօ gha ebəhú lopuhama kę յnwunrun oken okun wé gi a dunchanpu unyin rí goru. Enya-anwun lę ufere nօ gba ishi makę ufiri յnwunrun okun hú gha ebəhú a lofuhá. ³ Ya igurube nօ gha imę յnwunrun hú puhama, berisomme enu-սwa. Wé nօ ye wé iken, սdi iken hú akpi rí elu-սwa nwé.

⁴ Wé nօ sի wé egbule յifia rí enu-սwa móbu ihién օwule e nwun ehuhuq-ndun ehuhuq-ndun rí e sue imę ugbo móbu imę յifia móbu osisi օwule, ka wé rú ndi hú nwɔnljeni ahıma Osolobue ezimezi-ihun wé յehu, uwé suq. ⁵ Wé nօ ye igurube ndi hú efe ní wé ye ndi hú ezigbo afunfun, յrogbo ifon isen—kanj anini wé wé gbu ndi hú. Ufú wé nöké ebe akpi nօ gba ihián. ⁶ Ogén ihienni e gi me, ihián k'a cho օnwun, ahunkó wé օnwun; wé jenkó d'a chokenme ní wé nwun, kanj, օnwun k'a gba ní wé oso.

⁷ Igurube ndi hú rí kę eshin wé kwademegü wé k'e gi jen agha. Ihién nօ kę okpu-eze goru rişomme wé isi. Ihun wé nօ kę nke ihián. ⁸ Ehənren wé sue kę ntutu ikpoho. Eze rí wé օnu nօ kę nke յeworo. ⁹ Okpukpu rí wé յehu rí kę igwe onye-agha gi e gbondon obi; nku wé hú a zun üzün kę ebe eshin dokpunko յugbo-agha bu օda gbabankó ogbo agha. ¹⁰ Wé nwesonme օdündün. Edide w'a gba ihián rişomme wé օdündün—o nօ kę յedide akpi. Օdündün wé kę iken wé gi e ye ihián afunfun յrogbo ifon isen rí.

¹¹ Eze a kí igurube ndinj wé wú mmɔn-ozi oken-mbugbu hú migbu enwen e. Ndí Hibru a kpó mmɔn-ozini Abadonu; ndi Griki a kpó a Apolionu: յfan յbuoni wú “Onye-ntikpó.”

¹² Nsongbu nke ibuzo a ghafeguo, յbuo lalazi.

E Gbupu Wé Uzó Ohu Imę Ndí Rí Elu-սwa Lató Uzó յbuo

¹³ Mmɔn-ozi nke isin nօ gbu opি e, m nօ nú kę olu gha mpin eno rí ntin eno ukpo nchü-ejan goru hú rí ihun Osolobue a hanpūha. ¹⁴ Olu hú nօ si mmon-ozi nke isin hún gi opi, “Topu mmɔn-ozi eno hú wé kənmeto oken iyi Yufretisi!” ¹⁵ Ya wé nօ nwan topu mmɔn-ozi eno hú, hún wé kwademegü, kənme wé tó, e che ogenni, յuhuohinni, ifonni lę ahuanj; wé nօ nwan topu wé kəni wé gbupu uzó ohu imę ihián ile rí elu-սwa, gbuhoodu uzó յbuo. ¹⁶ Ndí-agha hún nyikó eshin nօ puhá, wé wú ijeri-ohun օgun-iri (ya wú nnú-iri, nnú-iri uzó nnú isen-kwası-օgun-isin). A nughó m ole wé rí.

¹⁷ Lee kę m dón hún eshin ndi hú imę օhun m: ndi rí e nyin ni wé yisonme ihién igwe wé gi e gbondon obi wé. Ihién igwe ndinj e nwun uifie-ufie lékə okun, յnwunrun-յnwunrun lékə Safé, lezi յunwanran-յunwanran lékə nsin-enya-anwun wú sofo. Isi eshin ndi hú rí kę nke յeworo. Okun lę յnwunrun lę nsin-enya-anwun wú sofo ghazi wé օnu a puhá. ¹⁸ Wé nօ gi eje-ihién eto ndi hú rí a gha eshin ndi hú օnu a fuhá—ya wú okun lę յnwunrun lę nsin-enya-anwun wú sofo—gbufu uzó ohu imę ihián ile rí elu-սwa, gbuhoodu uzó յbuo, ¹⁹ makəni օnu eshin ndi ahun lę օdündün wé kę iken eshin ndi hú rişomme. Օdündün wé nosonme kę agwo, nwɔnsomme isi kę agwo. Isi ndi hú rişomme wé օdündün kę wé gi a rú ihián յehu. ²⁰ Ndí hú hoodie elu սwa—ndi hú eje-ihién ndinj gbuleni—egbehutonj obi məbehi eje-ihién wé rí e me; alatoni wé ife eje-mmɔn lę ifesonme mmɔn wé gi eka məmə—kę nke goru kę nke օna wú siva kę nke igwe bronzu kę nke օmuma kę hún wé gi osisi piń—mmɔn ghaleni e ri-eka e legha uzó móbu a nü ihién móbu e jen ijen! ²¹ Egbehutozikwoni wé məbehi njó ndinj wé e me: igbu-ochu, յrúa-mmɔn, ibu-nshi lę igi iken eje-mmɔn a rün, ugheré, izu-ohin.

Isi Nke Iri

Mmɔn ozi Hú Gi Ehuhuq Wé Fífipu

¹ Ya m nօ hún mmɔn-ozi օzó kin-akwanran k'օ gha elu-igwee hidanla. Orukpu fuhunme e; ekon-le-ogugu rí ibe isi e, ya nwən rí a okpuru; ihun e nօ kę enya-anwun.

Ükü a rị kẹ polu ẹbuo wę gi ọkun mémé*. ² O gi ehuhuọ mè ekeré wę fífípú eka a. O nō bu ükü eka-nni ᛇ che elu ohimin, bu ükü eka-ekpēn ᛇ tọ akpakalí. ³ O nō gi oken olu, hún nō kē nke eworó rị e denni, yi oro. Ogen o gi yi oro, akpabó esa ahún nō han. ⁴ Ogen akpabó esa ahún gi hangú, m te cho nị m demé, kaní a nü m olu gha elu-igwee sị, “Zuemé ihién akpabó esa hú ku, edetule e!”

⁵ Ya mmón-ozi hú m hún k'o turu elu ohimin lè akpakalí nō weshi eka-nni ᛇ enu zime enu-igwee, ⁶ kun efan Onye hú rị ndùn jenrin ejen, hún ke elu-igwee lè ihién ile rịn'a, uwa lè ihién ile rịn'a lè ohimin lè ihién ile rịn'a, sị, “Ebiekózì wę, kaka! ⁷ Kama, hún mmón-ozi nke esa gihú gbu opí e, ihién ahún mini Osolobue kwademé e mezuchanrin k'o dòn gwa ndí idibo e ndí-amúma.”

⁸ Ya olu hú gha elu-igwee gwa m oku nō sizi m, “Jen d'e weri ehuhuọ hú fífípúni hún rị eka mmón-ozi hú ükü a ohu rị elu ohimin, ükü a ohu hú akpakalí.” ⁹ Ya m nō jen d'e kunrun mmón-ozi hú, sị a ye m ehuhuọ hú mè ekeré. O nō sị m, “Weri e ri. O k'a suò i usuo onu nöké mirin-énwùn, kaní, o k'e lu i ilu ẹfọ.” ¹⁰ Ya m nō narín mmón-ozi hú ehuhuọ hú mè ekeré ri, o nō suò m usuo onu nöké mirin-énwùn, kaní, ogen m gi rigú a, ẹfọ nō lumé m ilu. ¹¹ Ya wę nozí sị m, “I k'e buzi amúma banyeni ndí bu ọda, aní bu ọda, ndí asusú ichen-ichen bu ọda lè ndí-nze bu ọda.”

Isi Nke Mmanaij

Ndí Osheri Ebuo Hú

¹ Ya wę nō ye m mkpiñsin wę gi a ma ihién. Mkpiñsin hú nō kē ọkpo. Wę nō sị m, “Bia d'a ma Uno-nso Osolobue lè ukpo nchü-ejan, y'a gunzikwo ndí hún rị ebéhu e fe ofufe. ² Ka amalé ihun-ezi Ulo-nso, hapú ohun—makéni e wegúo w'a ye ndí ali ndí ọzo rị ichen-ichen. Wę k'a zo obodo nsò hú ükü ọrogbo ifon ẹbuo kwasi ọgunnai.”

³ “M k'e ye ndí-osheri m ẹbuo ikèn bu-amúma, ku oku-Chuku, ọrogbo akpu-uhuohin ọgun eto kwasí nnú eto (ogun mméto kwasí nnú-uku), wę k'e yisònme ekwa ahíò.” ⁴ Ndí oshérini wú osisi olívu ẹbuo lè obu-ukpè ẹbuo hú rị ihun Onye-nwón-uwa-ile. ⁵ Oméni ihián cho n'o mè wę ihién ọwúlè, ọkun a gha wę onu púha, dùngbu ndí iñenren wę ahún cho nị wę mè wę ihién; eríra kē onye ọwúlè cho n'o mè wę ihién ọwúlè k'a dòn nwún.

⁶ Wę nwón ikèn wę gi a kpokin enu-igwere amamgbe mirin e zue ogen hú ile wę gi e bu amúma, e ku oku Chuku. Wę nwónzikwo ikèn wę gi e mè mirin e hénrin édeke—kē mirin rị iyi kē hún rị ohimin, wę nwónzikwo ikèn wę e gi mè ụdi eje-nsongbu lè afunfun ọwúlè bijani uwa ogen ọwúlè wę cho.

⁷ Wę shiagú éri wę, eje-anú hú hún k'a gha eje-mgbugbu hú migbu enwén e púha k'a lusón wę agha, méri wę, gbu wę. ⁸ Ozun wę k'a rị ụzó ụwaya kaní rị obodo uku hú wę gi enya imé mmón a kpò Sòdòmú lè Ijiptu, obodo ohu hú wę nō kpogbu Di-nwónnni-wę. ⁹ Ọrogbo akp'ohin eto lè mkpikpi, ndí rị ichen-ichen lè ndí ebón lè asusú lè ali rísonmè elu uwa k'a gba ozun wę ilee; aníkò wę onye ọwúlè li wę. ¹⁰ Ndí bi uwa k'a rị a ghogho nị madú ẹbuo hú a nwúnhún, e mè mmémme, e yetari ibe wę ihién—makéni ndí-amúma ẹbuoni te bu afunfun tóni ndí ile rị elu-uwá.

¹¹ Kaní, ogen o gi mèfù akp'ohin eto lè mkpikpi, ufere hún e ye ndùn nō gha ebe Osolobue rị bia, banye imé wę, wę nō turu ọtò—okèn egún nō bia ndí húnñi wę. ¹² Ya wę nō nü okèn olu gha elu-igwee sị wę, “Bia nị elu ebeni!” Ya wę nō gi orukpu shi enu-igwee, id'enya ndí-iñenren wę rị e lee wę ile. ¹³ Ozigbo, ali nō mahihie ọda-ọda, azúun ohu imé obodo hú nō tikpò, o hòdú azúun itenéi. Ali hú mahihieni gbu madú ọgun-iri kwasí nnú-mmésa (madú nnú-uku esa). Egún nō tükénmè ndí hòdùní, wę nō kweri nị Osolobue hún rị elu-igwee e hiké ogbe.

¹⁴ Nsongbu nke ẹbuo a ghafegúo, lee e, nke eto lala egwa.

Opi Nke Esa

¹⁵ Ya mmón-ozi nke esa nō gbu opí e, m nō nü okèn olu rísonmè elu-igwee, a sị,

* Isi Nke Iri:1 pila ẹbuo wę gi ọkun mémé

“Ali-eze uwa a wuruolé nke Di-nwọnni-enyi
lẹ nke Kraistị a hụn o tumé;
o k'a kí jenrin ejen!”

¹⁶ Ya kẹ ndị-isị eno kwasị ọgụn hụ hụn nōdisonmę ukpo wę ihun Osolobue nō dan ani,
keni Osolobue isi-alị, fe e, ¹⁷ a bụ ebunị:
“Enyi rị e ye i ekele,
Chuku Nna,
hụn nwọn ikèn o gi e mè ihien ile,
onye hụn rị kikenni, hụn rizikwo mbu.
Makeni y'e giguo ikèn i hi-ogbe kíma.

¹⁸ Ndị alị ile e te bugho olulu;
kanị iwe-le-onuma i
a biaolé nwan.
Ogen y'e gi kin ndị nwụnni ikpe
e ruguo.
Ogen hụn y'e gi kụ ndị-idibo i ugwo,
e ruguo nwan—
ndị idibo i ndị-amuma—
uwę le ndị-nsọ
lẹ ndị a tụ egun i—
kẹ ndị uku kẹ ndị nta.
Ogen y'e gi tikpo ndị hụn e tikpo uwa
e ruguozi!”

¹⁹ Ya wę nō gunpu Ulo-nsọ imé enu-igwee, wę nō hụn Ekpèti-nkwerigbama Osolobue
imé ebéhụ. Amuma elu-igwee nō besonmę, mirin nō dēnsonmę, akpabọ nō hansonmę;
alị nō mahihie, ekwan igwere nō dan ọda-ọda.

Isi Nke Mmębuo

Okpoho Hụ Lé Dragonu

¹ Ya kẹ oken ahunlele pụ-ichen nō pụha elu-igwee: okpoho yi ẹnya-anwụn kẹ ewuru
nō fuhà; ifon rị a okpuru ụkụ, okpu-eze kokise mmębuo rị rị a isi. ² O rị imé. O hụ a kwan
ekwan makeni imé rị e me e. O hụ a turu a ọda-ọda makeni omumụ e ruguo a.

³ Ahunlele ozø nō mèzi imé enu-igwee: eje-anụ hi-ogbe w'a kpo dragon' a pụha;
Dragonuṇi e hiké ogbe; o nwun ufie-ufie. Isi esa lẹ mpin iri k'o nwę. Okpu-eze ohu-
ohu, riṣonmę e isi esa ndị hụ. ⁴ Odundiṇ a nō zarị ụzø ohu imé kokise rị elu-igwere, tụ
wę ye ani—o hɔdụ ụzø ebüo. Dragonu hụ nō turu ihun okpoho hụ rị a chọ n'ọ mụ nwa,
kení o ripu nwa a hụn o gihụ mupụha a.

⁵ Okpoho hụ nō mụ nwa, nwata-okeṇnye, hụn jenkö d'e gi ọkpó-igwe kí ndị ani ile.
Kanị, hụn o gihụ mupụha nwata-okeṇnye hụ, wę nō jụrụ ya wụ nwata, we e shi ebe
Osolobue lẹ ukpo-eze Osolobue rị. ⁶ Ya okpoho hụ nō gbashi imé atụ d'a nōdị ebéhụ
Osolobue kwademę n'ę, ebe wę k'a nō lepụ a ẹnya akp'ohin ọgụn-eto kwasị nnu-eto.

⁷ Ya wę nō lụma agha elu-igwee, mmón-ozi wụ Maikélụ lẹ ndị mmón-ozi e sòn n'ę nō
lụson Dragonu hụ agha. Dragonu lẹ ndị mmón-ozi e nō lụsongwari wę. ⁸ Kanị wę nō méri
Dragonu hụ. Anizì nị wę ya lẹ ndị mmón-ozi e nōdị enu-igwee. ⁹ Wę nō tütu Dragonu
uku hụ, agwo mbu-mbu hụ w'a kpo Ekwensi, a kpozị a Setani. Iya wụ onye hụn e dufie
ụwa ile. Wę nō tütu e ye elu-ụwa—iya lẹ ndị mmón-ozi e.

¹⁰ M nō nwan nụ olu ohu hannị imé elu-igwee, hụn rị a sị,
“Nzufuha lẹ ikèn lẹ alị-eze Chuku enyi
lẹ ọkikị Kraistị, onye hụ o tumé,
a biaoguo nwan.

Makeni a tutuguo wę onye ahụn,
hụn e kpesonmę umunę enyi,

ndị Itu-Kraistị ibe enyi
eka Osolobue enyi uhin hin lẹ efinnai.

¹¹ Kanị wę nō gi ẹdeke Nwa-ebulu hụ lę oku wę gi shian'a eri méri e; egheni wę isi tuhu okukwe wę.

¹² Ya wụ, enu-igwee ya ghoghomma nwan;
iya lę ndị bi imē e!
Kanị, nsongbu jenkö d'a rịnị ụwa lę ohimin,
makeni Ekwensu e hidanguo d'e kunrun ọnụ.
O gi oken olulu bia—
makeni o maringuo nị ogen e hodu ekere!"

Ekwensu E Buhézi Nsongbu È Elu-ụwa

¹³ Ogen Dragonu hụ gi hụn nị a tutuguo w'a ye elu-ụwa, o nō chuma okpoho hụ mụ nwata-okennye hụ. ¹⁴ Kanị, wę nō ye okpoho hụ nku ebụo, nku ugón uku—n'o gi gha ebe agwọ hụ rị fepụ, shi imē atụ, ebe wę jenkö d'a nō lepụ a enya [ihien nokę] ahua eto lę ifon isin. ¹⁵ Ya agwọ hụ, dragonu hụ, nō gha ọnụ a hupuha mirin nō kę iyi, n'o hukpu okpoho ahun, keni o huru e, ¹⁶ kanị alị nō yeni okpoho hụ eka: alị nō shiapu ọnụ, luefụ mirin hụ Dragonu hụ gha ọnụ hupuha. ¹⁷ Ya ize okpoho hụ nō ban Dragonu hụ, o nō pụ, jenmę d'a luson umu okpoho hụ agha, ya wụ umu a ndị hodunị; ndị hụn e mesonmę ihien ndị hụ Osolobue ku; ndị hụn a shia nị Jesu eri; ndị hụn e kwonkemę oku Jesu. ¹⁸ Dragonu hụ nō turu enu ejan rị mkpennren ohimin.

Isi Nke Mmęto

Eje-anụ Ebụo Hụ

¹ M nō hụn eje-anụ ohu k'o gha imē ohimin püla. Mpịn iri lę isi esa k'o nwę. Okpu-eze ohu-ohu rịsonmę elu mpịn ndị hụ. Efan rị ichen-ichen e kuto Osolobue rịsonmę elu isi esa hụ. ² Eje-anunị m hụn nō kę Ubidon. Ụkụ alị a nō kę nke eje-anụ w'a kpọ Bię. Ọnụ a nō kę nke Eworo.

Ya Dragon' nō we iken e lę ukpo-eze e ye eje-anụ hụ, tumę e oken onye-ókiki. ³ Isi eje-anụ ahun ohu nō kę isi anụ wę gbugu, kanị ebéhụ wę gi gbu e a laguo. Ihien rị eje-anunị ẹhụ a tükemeké ụwa ile enya—nke wụ nị wę ile hụ e son e. ⁴ Wę ile nō femę Dragonu hụ makeni iya ye eje-anụ hụ iken ahun o gi kị ókiki. Wę nozị fe eje-anụ hụ, a sị, "Onye nō kę eje-anụ hụ? Onye k'a saeka luson e ogun?"

⁵ Wę ye eje-anụ hụ ọnụ o gi a nyan isi, e kusonmę aru. Wę nō ye e oghere kpa iken orogbo ifon ebụo kwasị ogunnai. ⁶ O nō shiapu ọnụ kutosonmę Osolobue, e kuto ẹfan a, e kuto ebe o bi—ya wụ, e kuto ndị ile bi elu-igwee. ⁷ Wę nozị nị a luson ndị-nsọ agha, méri wę; e wezikwo wę ebọn ile lę ndị ile lę asusu ile lę anị ile che okpuru e kima. ⁸ Ndị ile bi enu-ụwa k'e fe e—ya wụ onye ọwule wę deleni ẹfan a imē ekukwọ nke ndịn Nwa-ebulu hụ wę gbu nị wę d'e gbe iyeto ụwa.

⁹ Onye nwọn ntịn, ya n'o nụ.
¹⁰ Onye ọwule Osolobue sị nị wę k'a nwunrun a, wę k'a nwunrun a;
onye ọwule Osolobue sị nị wę k'e gi ọpia-agha gbu e, wę k'e gi ọpia-agha gbu e.

Onwan cho ndidi lę okukwe eka ndị nke Osolobue.

¹¹ Ya m nō hụn eje-anụ ozọ hụn gha imē-ụwa püla. Mpịn ebụo k'o nwę rịkẹ nwa-ebulu bụ o ku kę Dragonu.

¹² Okiki Eje-anụ hunnị rị a kị wụ nke eje-anụ nke ibuzo, hụn o ye e kido nn'e. O wa a ye ụwa lę ndị hụn bi imē e olu nị wę e fe eje-anụ nke ibuzo hụ—hụn ebe wę gi gbu e laguo. ¹³ O gisomę oken ọrun-atumenna a kpa iken; o meghodę ọkun gha elu-igwee hidan id'enya ihiyan ile. ¹⁴ O nō gi ọrun-atumenna ndịnị wę ye e efe ründonni eje-anụ nke ibuzo hụ dufie ndị bi elu-ụwa; o si wę kpụ ya wụ eje-anụ nke ibuzo—hụn ahun wę be ọpia-agha isi ohu gbu e—kanị o hụzị nwani ndịn. ¹⁵ Wę nō niżị eje-anụ hụn-ebonị saeka mē ihiyen o mē hụn ihiyen ahun wę kpụ gi rị ndịn, kunmę umenren—ihiyen hụ wę gi ụdi

eje-anu nke ibuzo hụ kpụ, nke wụ ni ya wụ ihiẹn wę kpụ noded kumę oku; ya wụ ihiẹn noded mę wę gbu ndị hụ ile jụ ni efekọ w'a.

¹⁶ Eje-anu hụn-ebonị nozị mę wę ye ihiān ile ahīma eka-nni mōbụ ezimezi-ihun—ke ndị uku kę ndị nta, kę ọdafiń kę ogbenneye, kę igbọn kę onyę nwọn enwén e—¹⁷ nke wụ ni onyę ọwule wę yeleni ahīma hụ a saeka nōn mōbụ re ihięn ọwule. Ahīma hụ wụ ęfan eje-anu ibuzo hụ mōbụ ahīma hụn a nōkin ęnya ęfan a.

¹⁸ Ọnwan chọ amamihien: onyę ọwule nwọn nghoṭa ya gi e gbakọ ahīma eje-anu hụ, makeni ahīma ihiān rọ. Ahīma hụ wụ isin kwasị ọgun-mmętq kwasị nnu*.

Isi Nke Mmęno

Nwa-ebulu Hụ Lę ndị Nke E

¹ E lezi m ęnya, m nō hụn Nwa-ebulu hụ k'o turu elu Ugu Zayonu—ya lę madụ nnu ọgun-mmęsatq wę deye ęfan a lę ęfan Nędi e ezimezi-ihun wę. ² M nō nuzi olu gha enuigwee bịa. Oluni rị a han kę üzün oken-mirin rị e huni lę üzün akpabọ hankenmени. Olu hụ m nü rịzi kę ebe ndị a kpọ ubo rị a kpọ ubo wę. ³ Madụ nnu ọgun mmęsatq ahun hụ a bu ębu ọhụn ihun ukpo hụ lę ihięn ęno hụ rị ndụn lę ndị-isi hụ. O nwonnini onyę ọzọ saeka munrun ębu hụ wezuka madụ nnu ọgun-mmęsatq hụ wę gha imę ụwa gbapuha. ⁴ Ndịnị wụ ndị hụ gileni ikpoho meru enwén wę; wę wụ ikennyę marinleni ikpoho. W'e son Nwa-ebulu hụ ebe ọwule o jenqo. Osolobue lę Nwa-ebulu hụ a ghaguo imę ihiān ile gbarị ndịnị nōkẹ mkpuru-ibuzo. ⁵ Anütunị wę ntụ ọnụ wę; enwón wę ntupọ.

Ndị Mmęn-ozi Etq Hụ

⁶ M nozị hụn mmęn-ozi ọzọ hụn fekọ imę enu, imę elu-igwee. O gi ozioma itebitę hụn o k'e zi ndị ile bi elu-ụwa—ya wụ, ndị alị ọwule lę ebón ọwule lę ndị a sụ asusụ ọwule lę ndị ọwule.

⁷ O nō gi oken olu sị, “Tụ ni egun Osolobue, ọnụ e ye e ọgho, makeni ogen o k'e gi kin ikpe e ruguo. Eghẹe, fe ni Onyę hụn ke enu-igwee lę ụwa lę ohimin lę isi-mirin rị ichen-ichen!”

Babilon' A Daan!

⁸ Mmęn-ozi ọzọ, hụn mę e ębuo, nō fuhā, a sị, “O danguo! Babilonu uku hụ a danguo! Okpoho hụ hụn mę ndị alị ile ra manya a, manya a hụn zeni, manya ughere e!”

Afụnfụn Rị E Che Ndị K'a Narin Ahīma Eje-anu Hụ

⁹ Mmęn-ozi ọzọ, hụn mę wę etq, nō puhā, gi oken olu yikọ, “Onyę ọwule hụn fe eje-anu hụ lę ụdị a wę kpụ, narin ahīma a ezimezi-ihun mōbụ eka we, ¹⁰ jenqo d'a razikwọ manya hụ zeni, manya iwe-lę-onuma Osolobue, hụn wę gburoleni—hụn wę huye imę mkpu iwe-lę-onuma a. Wę k'e gi okun lę nsin-ęnya-anwun ye wę eje-afụnfụn id'ęnya ndị mmęn-ozi rị nsq lę id'ęnya Nwa-ebulu hụ. ¹¹ Enwunrun okun wę gi rị e ye wę eje-afụnfụn wę k'a rị imę e k'a gha a loshi elu jenrin ejen. Kę uhinhin kę effinnai, izu-iken arıkoni ndị hụ sikö d'e fe eje-anu hụ lę ihięn wę kpụ kę iya, uwę lę onyę ọwule narin ahīma ęfan a.”

¹² Ọnwan chọ ndidi eka ndị nsq, ndị hụn e męsonmę ihięn Osolobue ku, e kwerikenme ni Jizosi.

¹³ M nō nü olu gha elu-igwee sị, “De Ọnwan: gha ogenni jenmę, ngozi jenqo d'a rịni ndị hụn k'a nō imę Di-nwonnini-ęnyi nwunhụn!”

“Eghẹe, ndị wę gozi agozi kę wę wụ nke-esi! Wę k'e zu iken ɔrun wę, makeni ihięn wę rụnpuhā rị e son wę!” Iya kę Mmęn-nsq ku.

A Ghori Wę Mkpuru Ụwa Mi

¹⁴ Ya m nō lee ęnya, m nō hụn orukpu ọchan. Onyę noded alị elu orukpu hụ nō kę Nwa nke ihiān. Okpu-eze goru rị a isi. Ọpia gorinị tunị w'a kpọ Síkụ, hụn wę gi a ghọ mkpuru hụ a eka. ¹⁵ Mmęn-ozi ọzọ nō gha imę Uno-nsq puhā, gi oken olu hijenni onyę hụ noded elu orukpu, sị a, “Gi nwan síkụ i ghori mkpuru, nị ogen e ruguo w'e gi ghori mkpuru, makeni

* Isi Nke Mmętq:18 “666” kę w'a kpọ a Ọnụ-ebo.

mkpurụ ụwa mi a kachanriŋguo.” ¹⁶ Ya onyę hụ hụn nodi enu orukpu nō fe ọpia-síkụ a ye elu ụwa, ghori m kpurụ ụwa mi.

¹⁷ Mmón-ozi ọzọ nō gha Ulo-nsø hụn rị elu-igwee fufha, ya nwẹn gizikwọ ọpia-síkụ tuknko. ¹⁸ Ya Mmón-ozi ọzọ nō gha ukpo nchụ-ejan puhu. Onwan wụ mmón-ozi hụ hụn Osolobue we oku Ọwule gbaşıarı ọkun che okpuru e. O nō weshi olu elu, hijenni mmón-ozi hụ gi ọpia-síkụ tuknko, si a, “Gi nwani ọpia-síkụ i tuknko ghori ọhio-grepupu hụn vajin ụwa mi, makeni grepupu e a changuo!” ¹⁹ Ya mmón-ozi hụ nō fe ọpia-síkụ a ye elu-ụwa, ghori grepupu rị ụwa, tu a ye ebéhụ hi-ogbe hụn Osolobue nō a ghosi iwe-le-ọnuma a—ebéhụ o nō a pínpuhu manya grepupu e. ²⁰ Wẹ nō gha imē obodo hụ pụ, shi ebéhụ d'a pínpuhu manya grepupu hụ. Edeke nō gha ebahun wẹ nō a pínpuhu manya e hupuhu. O ru edeke ahun e ru ihiyan isi-uvun; eshin banye imē e, o ru e ọnụ; o d'e huru ihiyen nöké mail' isen kwasi ọgun-iteniei.

Isi Nke Mmisen

Nsongbu İkpazuyun Esa E D'e Bidon

¹ Ya m nō hunjị oken ahunlele ọzọ pụ-ichẹn imē elu-igwee; onwan a tukènmeké enya: mmón-ozi esa gi eje-afunfun esa! Eje-afunfun esanị wụ ndị ikpazuyun. Uwé kẹ iwe-le-ọnuma Osolobue k'e gi bi.

² M nō hụn ihiyen nō kẹ ohimin ughegbẹ wẹ gwagbama ya le ọkun, hunjị ndị hụ méri eje-anụ hụ le ihiyen hụ wẹ kpụ kẹ ya—le ahimma nombia hụ hụn a nökin enya ẹfan a. Ndịnị wẹ turu mkpènren ohimin ughegbẹ hụ. Wẹ gisònme ubo Osolobue ye wẹ. ³ Wẹ hụ a bụ ebụ odibo Osolobue wụ Mozizi le ebụ Nwa-ebulu hụ,

“Euu Chuku Nna,
Onyę hụn nwọn iken ile!
Y'e méké oken ihiyen le ihiyen a tu enya!
Euu, Eze anị ile le agbọ ile!
Irị-ochan le ezioku kẹ i gi e mē ihiyen i.

⁴ Euu Nna,
onyę k'a sị n'o tukọ egun i,
n'o jakò ẹfan i mma?
Iyu suq rị nsø.
Ali ile k'a bia d'e fe i,
makeni y'a hanguo eñen
hụn ghosi n'i rị-ochan.”

⁵ Onwan e megwu, m nō hụn Ulo-nsø (Odu-nkwerigbama ahun, Odu Ashia-eri ahun, wẹ nō e fe ofufe) hụn rị elu-igwee. Wẹ gunpụ a agunpụ. ⁶ Ndị mmón-ozi esa hụ gi eje-afunfun esa hụ nō gha imē Ulo-nsø puhu. Wẹ yisònme ekwa linę nwunni, hụn rị e gbukeni. Wẹ ille gisònme ihiyen goru kənhunmẹ obi wẹ.

⁷ Imē ihiyen eno hụ ri ndịn, ohu nō ye mmón-ozi esa hụ afere esa wẹ gi goru mémé. Ihiyen jun afere ndị hụ wụ iwe-le-ọnuma Osolobue, Onyę hụ rị ndịn jenrin ejen.

⁸ Enwunrun gha ogbo Osolobue le iken e a lofuhu nō jun ụno-nsø hụ; o nwonzini onyę saeka banye Ulo-nsø hụ d'e ru ni eje-afunfun esa hụ mmón-ozi esa hụ gi e bi.

Isi Nke Mmisin

Eje-afunfun Esa İkpazuyun!

¹ Ya m nü kẹ oken olu gha Ulo-nsø gwa ndị mmón-ozi esa hụ oku, si wẹ, “D'e hu ni iwe-le-ọnuma Osolobue rị imē afere esanị kpụ elu-ụwa.”

Eté Hụn E Shinni, A Turu!

² Ya mmón-ozi ibuzo nō jen d'e hu ihiyen rị imē afere a ye enu-ụwa, eje-eté hụn e shinni, hụn a turunni, nō jun ndị hụ ẹhụ, ndị ahun bu ahimma eje-anụ hụ le ndị hụ fee ihiyen wẹ kpụ kẹ iya.

Ihien Ile Rị Ohimin A Nwụnhụn!

³ Mmọn-ozi nke ẹbüo nō hu ihien rị imē afere a ye imē ohimin, mirin rị imē ohimin nō rị kę ędeke onyē nwụnni. Ihien ọwule rị ndịn imē ohimin nō nwụnhụn.

Iyi Lẹ Isi-mirin E Hẹnrin Edeke!

⁴ Mmọn-ozi nke ẹtọ e hu ihien rị imē afere a ye imē iyi lẹ isi-mirin rịsonmē ụwa, wę nō hẹnrin ędeke.

Osolobue Rị E Ye Afunfụn Furuni!

⁵ M nō nụ kę mmọn-ozi mirin ile rị ęka a sị,
“Euu Onyē-nsø,
onyē hụn rị kikenni, hụn rịzìkwọ mbụ.
Ezigbo enen kę y'a han!

Y'a hajn
i gi e yesonmē wę afunfụn ndịnị.

⁶ Makeni e gbuguọ wę
ndị-nsø lę ndị-amumma,
y'e yeguọ wę ędeke ra!
Ihien wę chọ
kę wę rị nwan a hụn!”

⁷ M nō nụ kę ukpo nchụ-ajan shiari, sị,
“Egheę, Osolobue wụ Di-nwọnni-enyi,
Onyē nwọn iken ile,
ikpe i ma wę hụ mma,
ezigbo enen kę y'a han!”

Anwụn E D'a Magbu We!

⁸ Mmọn-ozi nke ẹnọ nō hu ihien rị imē afere a kpu ẹnya-anwụn, gi ę mē anwụn ma ihiān odata-odata. ⁹ O makemké wę—kanị, hụn nkę w'e gi gbehutọ, mebehi njọ, wę nō kpoma Osolobue hụn rị e zihę afunfụn ndịnị wę iyi. E yeni w'e ogho.

Ishi E Kpumẹ Wę!

¹⁰ Mmọn-ozi nke isen nō hu ihien rị imē afere a ye ukpo-eze eje-anụ hụ, ali-eze eje-anụ hụ nō gba ishi, wę nō tamadę ire wę * makę oken-ufu wę rị imē e; ¹¹ wę nō kpoma Chuku rị elu-igwee iyi makę ufụ lę ętę rị wę ęhu—egbehutoni wę obi mębehi eje-ihien ndị wę rị e mē.

Iyi Yufretis' A Tahị, Hẹnrin Uwaya!

¹² Mmọn-ozi nke isin e hu ihien rị imē afere a ye iyi uku hụ wụ Yufretisi, mirin ę nō tahị, gi beyeni ndị-nze jenkö d'a gha azụn ọwụwa-ẹnya-anwụn bịa ụzo.

Eje-mmọn Ẹtọ Hụn E Dufie Ndị-nze!

¹³ M nō hụn eje-mmọn ẹtọ rịsonmē kę ẹwọ kę wę gha ọnụ Dragonụ, ọnụ eje-anụ hụ, lę ọnụ onyē amumma-ntụ hụ pụla. ¹⁴ Ndịnị wụ eje-mmọn ndị a rịsonmē ɔrun-atüménya rị ichen-ichen, uwę e jen d'a kpogbama ndị-nze ile rị ụwa makę agha wę jenkö d'a lụ Uhhohin nke Osolobue, Onyē hụn nwọn iken ile.

¹⁵ (Jesu sị, “Lee e! M jenkö d'a bịa idumuzi nöké ohin. Ngозi jenkö d'a rịnị onyē ọwule k'a mụnrụn ẹnya, e che, amamgbe w'a tọnarịn a ękwa a, amamgbe ọ gba ọtọ a ghahunmę, a hụn wę ihien ifenren e”!)

¹⁶ Eje-mmọn ẹtọ hụ nō kpokwama ndị-nze, wę ile nō zu ebęhụ w'a kpọ 'Amagidonụ. 'Amagidonụ kę w'a kpọ a ọnụ Hibru†.

Ali-omahihie Jogbu Enwèn E!

* Isi Nke Mmisin:10 “tama nkwenren-eze” † Isi Nke Mmisin:16 I kpochanrịn a, “Ha-magidon” rọ, hụn wụ “Ugu Magidon”.

¹⁷ Mmpon-ozi nke esa e hu ihiyen ri imé afere a ye imé ufere, oken olu nō gha ukpo-eze hū, imé Ulo-nsø, sì,
“O guguo!”

¹⁸ Amuma nō besonmē, mirin nō dēnsōnmē, akpabō nō hansōnmē, alí nō mahihie odata-oda. Udi alí omahihieni e metuni kete w'e bimele ụwa; o mahihiekenmēke! ¹⁹ Obodo uku hū nō kebe ụzo eto; obodo shia efō hūn risonmē alí ile nō tikpochanrin. Osolobue a nyanhan Babilon' uku hū, o nō we mkpu-manya iwe-lé-onuma a ye e ra. ²⁰ Alí ile mirin nōhunmē e fopu; ahunzíkwoní wé ugu ọwule. ²¹ Eregede ekwan-igwee nyinhan kē ekpa simenti hū a gha elu igwere a dankwasí ijian—d'e ru nj a buma wé Osolobue onu make afunfun hūn ekwan-igwee hū ri a danni ri e buhē ni wé. Afunfun hū a jokēnmēke njō!

Isi Nke Mmesa

Okén Igbaraja Hū Lé Eje-anú Hū

¹ Ya mmpon-ozi ohu imé wé esa hū gi afere nō bia d'e kunrun m, sì m, “Bia, nj m ghosi i ikpe-omuma le afunfun jenkö d'a rinj oken igbaraja hū hūn nodi alí enu iyi bu oda; ² oken igbaraja hū ya le ndi-nze ụwa wí me mgbá, hūn mgbá a wé me tágbarigü ndi bi elu-ụwa lèké manya.” ³ Ya mmpon-ozi hū nō buru m imé mmpon shi imé atu, m nō hūn okpoho nodi aní elu eje-anú e nwun ufie-ufie. Wé dejun eje-anú hū ẹfan ichen-ichen hūn e kuto Osolobue ẹhu. Isi esa le mpin iri kē eje-anú hū nwé.

⁴ Okpoho hū yi ewuru ñanran odata-odata hūn e nwun ufie-roni, ufie-roni le ufie-ufie. O yi ihiyen-mma ri ichen-ichen: kē goru kē ejije le ihiyen-mma ndi ọzo—kē ihiyen mma wé gi ọmuma hūn a kóni mémé. O gizi mkpu wé gi goru mémé eka. Ihiyen runi le ihiyen ru unyin ya le igbaraja wí jun mkpu hū. ⁵ O nwé ẹfan wé de ye ezimezi-ihun e. Alí ẹfan ahún e miké. Ẹfan hū wú:

“Babilon' Uku, Nnē Ndí-igbaraja Lé Ihiyen Ile Runi Rí Imé Ụwa.”

⁶ M nō hūn a nj ẹdeke okpoho hū ra, ẹdeke ndi-nsø le ndi wé gbu make éri wé shia nj Jizosí, ri a tū a kē manya.

Ogen m gi hūn a, o tukēnmē m enya!

⁷ Kaní, mmpon-ozi hū nō sì m, “K'o ri a tuni i enya? M k'a kówa n'i ihiyen okpohoni le eje-anú isi esa le mpin iri hū bu n'e wú.

⁸ Eje-anú hū i hūn te ri ari mbu, bu o rízi a nwan—kaní, o d'a gha imé eje-mgbagbu hū migbu enwen e púha. O púhagu, o k'a la ntikpo. Mgbe ndi hodu enu-ụwa—ndi ahún ile wé deyeleli ẹfan wé imé ehuhuọ nke ndun nj Osolobue d'e gbe iyeto ụwa—k'e gi hūn kē eje-anú hū puhazi, o k'a tū wé enya, makéni o te ri ari, bu o rízi a nwan, kaní o lalazi alala.

⁹ Onwan cho amamihiyen le nghota.

Isi esa hū wú ugu esa okpoho hū nodi elu wé; wé wuzikwo ndi-nze esa. ¹⁰ Imé ndi-nze esa hū, isen a dangwo; ohu ri nwan a kí; ọzo ri n'a e ke bia. Kaní, o bia, o k'a tóhü ekere suò.

¹¹ O mē nke eje-anú hū hūn ri mbu bu o rízi a nwan, iya wú eze hūn k'e mē wé ndi-nze esatō, bu onyé ohu imé wé esa ro—makéni o k'a kízi. Kaní, ogéni o k'e gi fuhazi, o k'a lazikwo ntikpo.

¹² Mpín iri hū i hūn wú ndi-nze iri hūn wé keleni kin eze. Kaní wé k'e kin wé eze, a kí wé ekere suò, mgbahunmē ọkúlökü ohu, uwé le eje-anú hū. ¹³ Ihiyen ohu kē wé iri bu obi—wé iri k'e kwerigbama, we ọkíkí wé ye eje-anú hū n'o kíma. ¹⁴ Wé k'a luson Nwa-ebulu hū agha, kaní, Nwa-ebulu hū k'e meri wé, makéni iya wú Nna ndi-nna le Eze ndi-nze, makéni ndi ya le wé wí wuzikwo ndi Chuku kpó, ndi ọ horí ahori, ndi wé gi e dòn enya.”

¹⁵ Mmpon-ozi hū nozí sì m, “Mirin ndi hū i hūn, hūn igbaraja hū nodi alí elu wé wú ndi ri ichen-ichen, igunrun ijian ri ichen-ichen, alí ri ichen-ichen le asusú ri ichen-ichen.”

¹⁶ “Nke mpin iri hū i hūn, ize igbaraja hū k'a ban uwé le eje-anú hū; wé k'e ti e iwi—napuchanrin a ihiyen ọwule—gbari a ọtö, ripu uru-ehu a, kpó a ọkun. ¹⁷ Makéni, Osolobue e bugwo ihiyen ọ cho n'o mē che wé imé obi, keni wé mē e, ghahaní ikwerigbama

wechanrin anı-eze wę le ɔkiki wę ye eje-anu kima, d'e ru ogən oku Osolobue e gi mezuchanrin.”

¹⁸ “Nke Okpoho hụ i hụn, iya wụ obodo uku hụ hụn a kichanrin ndi-nze rị ụwa.”

Isi Nke Mmęsatō

Babilon' A Daan!

¹ Onwan e megụ, m nọ hụn mmón-ozi ọzọ k'o gha elu-igwee hidanla. Mmón-ozi hụ nwọn iken o gi e mè ihien bu ọda; ọ banhan, ụwa ile nọ nwun maké oghọ rị a ẹhụ hụn rị e ti kẹ ukpe. ² O nọ gi oken olu sị,

“O danguo! Babilonu uku a danguo! O wuruolé ebe eje-mmón rị ichen-ichen bi; ebe mmón ọwule rụni bi; ebe nnunu ọwule rụni bi; [ebe anu ọwule rụni, hụn e ze ize bi]. ³ Makeni, ndi anı ile a raole manya a; ọ tugbuguo wę—many a hụn wụ ughere le ihien-olila-entya. Ndi-nze rị ụwa e megüo mgba a. Ndi-afia ụwa e gigüo akụ-le-uba a gha obibi ẹhụ-ufu le eje-obibi e henrinsonme ndi-idafin.”

⁴ Ya m nọ nụ kẹ olu ọzo gha elu-igwee sị,

“Ndi nke m, gha nị imé e püha, amamgbe ụnu e bu ẹka che imé njo a, amamgbe ụnu e son e narin afunfun rịnị n'a; ⁵ makeni, enumenu njo a e ruguo enu-igwee; Osolobue a nyanhanguo njo a.”

⁶ “Mè e ihien o mè ndi-ozø! Megwarị a ya ụzo ẹbụo! Gbaje e manya k'o dòn gbaye ndi ozø—y'a gbayede e ya ụzo ẹbụo! ⁷ Ye e afunfun lę erekwan hụn han kẹ oghọ o ye enwen e le obibi ẹhụ-ufu o bi.

Ebe o mè ni o sị enwen e, ‘Mmè rị a kị, mmè wụ eze-okpoho; di anwunnahinni m, ihien-erekwan emekø m!’ ⁸ Ya wụ, afunfun ile rịnị n'a k'e gi entya-anwun akp'ohin ohu biachanrin—kẹ ọnwụn, kẹ ihien-erekwan, kẹ ụnwụn. Wę k'a kpọ a ọkụn. Eghẹ, makeni Chuku-Nna, hụn rị a ma a ikpe wụ dik'en.”

⁹ Ndi-nze rị ụwa hụn megüu mgba a, son e bi obibi ẹhụ-ufu, k'a kwan n'a erekwan, gon'e—ogən w'e gi hụn ẹnwụnrụn ọkụn wę kpọ a. ¹⁰ Egun afunfun o rị imé e anikø we nökunme e. Wę k'e turu ebe teni, a sị,

“Lee o! Lee o!

Ledē obodo uku hụ-o!

Obodo uku wụ Babilonu!

Afunfun wę ye e egi ekere ogən suq,

mbahunme ọkụlökü ohu,
biachanrin!”

¹¹ Ndi-afia ụwa k'a gha a kwan n'a erekwan, sükürü, makeni o nwonzini onye e riɔnnarin wę ibu-afia wę—¹² goru, ola (siva), ejije le ihien-mma ndi ọzo le ọmuma ndi akonị w'a cho a cho wę gizi a cho ihien mma; erekwa linę, erekwa popu ńanrannị, erekwa Siki le erekwa ufie; ụdi osisi ile e shin ọhunma le ihien ile rị ichen-ichen wę gi aivri wụ eze-entyi mémé; ụdi ihien ọwule wę gi osisi sitron hụn a ńanrannị le igwe bronzu le igwe mmaka le mabulụ mémé; ¹³ sinamọnụ le ihien ndi ọzo ihien-oriri gi a suq; nsensi le maa le Frankisensi; manya, udèn-olivu, ọka wę gwe ńanrannị le ọka-witi; efin, atunrun, ẹshin le ugbo-anyinyan; igbon le umē-ndun ijian.

¹⁴ Ndi-afia hụ k'a sị a,

“Ihien ile rị mma rị a nagbu i entya a nahinguo i! Ihien ile ẹhụ gi e fu i le oghọ i ile e hunahinguo i! Y'a hunkozị wę jenrin ejen!”

¹⁵ Ndi hụn a zụ afia ihien ndinị, hụn gi afia uwę le ya a zụ hi ọdafiñ k'e turu ebe teni a kwan erekwan—egun afunfun o rị imé e anikø we nökunme e—wę k'a kwan erekwan, e goo, a sị,

¹⁶ “Lee o! Lee o! Lee obodo uku hụ, hụn yi erekwa linę ńanrannị le erekwa popu ńanrannị le erekwa ufie, hụn yi ihien-mma ńanrannị jun ẹhụ—kẹ goru kẹ ejije le ihien mma ndi ọzo wę gi ọmuma a kònì mémé! ¹⁷ Akụ-le-uba hụ ille e gigüo nwan ekere ogən suq, mbahunme ọkụlökü ohu, lachanrin iwi!”

Ndị-isı ugbo-mirin ile lę ndị ile e gi ugbo-mirin e jen lę ndị a rụn imę ugbo-mirin lę ndị ọwụlę e gi ugbo-mirin a zụ afia, nọ turu ebe teni,¹⁸ e yi oro—ogęn wę gi hụn ẹnwụnrụn wę gi kpo a ọkụn—a sị,

“Elee obodo nọ kę obodo ukuni?”

¹⁹ A buo wę uzunzun ye isi, a kwan, e goo—a sị,

“Lee-o! Lee-o! Ledę Obodo uku hụ ndị ile nwọn ugbo-mirin imę ohimin gi akụ-le-uba a hi ọdafịn! E gi wę nwan erekere ogęn, mgbahunmę ọkulokụ ohu, tikpofu a!”

²⁰ Euu elu-igwee, ghoghoma n'o danguo! Unụ ndị-nsọ lę ndị-ozi pụ-ichẹn lę ndị-amuma, ghoghoma nị n'o danguo! Makeni, Osolobue e giguo ufiri ọnụ ma a ikpe!

²¹ Ya mmọn-ozi ohu kin-akwanran ọda-ọda nọ buru ọlo hi-ogbe, tụ a ye imę ohimin, sị,

“Enịna kę wę jenkọ d'e gi gi erekere ikēn tụ obodo uku hụ wụ Babilonu ye alị; ahunkozị w'a!”

²² “Anukozị wę olu ndị-ubọ lę olu ndị ọku-ebụ lę ọku-ekpiri lę ọku-opi imę i; ahunkozị wę onyę ọrun-nka ọwụlę imę i;

anukozị wę ukwere ọlo imę i;

²³ ukpe-erekere enwunkozị imę i;

anukozị wę olu ighoghọ ndị rị a gba ehuhuọ imę i.

Ọnwan k'e mę makeni ndị-afia i gi ndị-uku ụwa wę wụ wiwi ihiẹn, o k'e mę makeni y'e giguo eje-ikēn i mę ndị alị ile kę i mę wę, dufiechanriṇ wę.

²⁴ Eka a kę wę nozị hụn ędeke ndị-amuma lę ndị-nsọ lę ndị ile wę gbu imę ụwa.”

Isi Nke Mmitenęi

A Ghoghoma Wę Elu-igwee

¹ Ọnwan e megụụ, m nọ nụ okęn üzün imę elu-igwee, hụn nọ kę olu igunrun hi-ogbe; wę hụ a sị, “Ija-mma ya rịni Osolobue! Nzüopuha lę ogho lę ikēn wụ nke Osolobue enyi! —² makeni ezioku k'o gi a han eniен; ọ han ezigbo eniен. Ọ maguo okęn igbaraja hụ ikpe, igbaraja hụ gi ughere e merụ ụwa. Osolobue e yeguo a afunfun makę ędeke ndị idibo Osolobue o gbu, gi megwarị a ihiẹn o mę wę.” ³ Wę nọ sịzi, “Ija-mma ya rịni Osolobue! Ẹnwụnrụn ọkụn wę kpo igbaraja ahụn hụ a lọshi enu jenrin ejen!”

⁴ Ndị-isı ẹno kwasi ọgụn hụ lę ihiẹn ẹno hụ rị ndịn nọ dan alị, fe Osolobue hụn nọdi anị elu ukpo-eze hụ, sị, “Isee! Ja nị Osolobue mma (Aliluya*).”

Oriri-agbamehuḥuọ Nwa-ebulu Hụ

⁵ Olu nọ gha ukpo hụ sị, “Ja nị Chuku enyi mma, unụ ndị idibo ẹ lę ndị ile a tụ egun ẹ—kę ndị uku kę ndị nta!”

⁶ Ya m nọ nụ okęn olu hụn nọ kę olu igunrun hi-ogbe mọbụ okęn mirin rị e huni lę okęn akpabọ. Olu hụ rị a sị,

“Ija-mma ya rị nị Osolobue—

Aliluya! Makeni Di-nwɔnni-enyi wụ Osolobue enyi, onyę hụn nwę ikēn ile, rị a kị!

⁷ Nị enyi ghoghoma nị, nị enyi እnanma nị; nị enyi yemę e ogho, makeni agbamehuḥuọ Nwa-ebulu hụ e ruguo; nwa-agbọ o k'a lu a kwademegeuo enwén e.

⁸ A niguo wę nwa-agbọ hụ yiri erekwa linę እnanrannı, hụn rị e gbukeni, hụn nwɔnlenu nkarụ”—makeni erekwa linę hụ rị a ghosi ọrun ọma ndị nke Osolobue rụn.

⁹ Mmọn-ozi hụ nọ sị m detu Ọnwan:

“Ngozi a rịkakwo nị ndị hụ wę kpo oriri agbamehuḥuọ Nwa-ebulu hụ.”

Ọ nozị sị m, “Ihienni wụ oku Osolobue nke-esi.”

¹⁰ Ya m nọ dan alị uku a, kęni m fe ẹ, kani ọ nọ sị m, “Emekwole a! M wụhụ odibo rịke yu lę umunę i ndị kwondon oku Jesu. Fee Osolobue! Makeni, ihiẹn Jesu ku, iya wụ alị ihiẹn ile ndị-amuma ku.”

Onyę Hụn Nyinko Eshin Ọchan

* Isi Nke Mmitenęi:4 “Aliluya” wụzị “Ja nị Osolobue mma!”

¹¹ Ya m no hñ kñ elu-igwee kpupu, a hñ m ñshin ñchan ebëhù; ëfan onye ri e nyinn'ë wü “Onye-wë-gi-don-ënya lë Ezioku.”

Ó han enen zinrinni, a lü agha zinrinni.

¹² Ënya a hñ e nwun kñ ire-òkùn. Okpu-eze bu òda ri a isi. O nwonzikwo ëfan wë de ede hñ o me ni o nwonní onye marìn n'a wezuka ya lë enwèn e. ¹³ O yi ëwuru wë yoye imë ëdeke. Ëfan wë gi marìn a wü Oku Osolobue. ¹⁴ Ndì-agha eru-igwee ile nyinko ñshin ñchan sònko a. Ëwuru wë wü ezigbo liné ñchan, hñ nwònleni nkarù. ¹⁵ Òpià-agha tunì gha a ònu suepùha, hñ o jènkò d'e gi méri ndì alì ile. O jènkò d'e gi òkpò-igwe kí wë. O k'a zòkpukpo wë kñ ihian don a zo akpuru vajinì: ebëhù Onye ahñ nwòn ikèn ile wü Osolobue no a ghosi okèn iwe-lë-ònuma-a k'o k'a no zo wë. ¹⁶ Nzere wë deye elu ëwuru e le ògbodogbo a wü

“Eze ndì-nze lë Nna ndì-nna.”

Jizosì E Méri Eje-anu Hù Lë Onye Amumma-ntu Hù

¹⁷ Ya m no hñ mmón-ozi ohu k'o turu ñnya-anwùn, o no gi okèn olu kpó nnùnù ile e fe elu-igwere oku, si wë, “Bia nj-o! Gbakikomé ni d'e ri oriri uku Osolobue kpó-o! ¹⁸ D'e ri ni anu ndì-nze lë ndì-ndu-agha uku lë ndì-uku; anu ñshin lë ndì te ri e nyinni wë; anu ihian ile—kè ndì nwòn enwèn wë-o kë igbon-o; kè ndì uku-o kë ndì nta-o!”

¹⁹ M no nwan hñ eje-anu hù lë ndì-nze uwa lë ndì-agha wë ebe wë gbakikomé ni wë d'a luson onye hñ rì e nyin ñshin hù lë ndì-agha a ogun. ²⁰ Kanì wë no nwundon eje-anu hù, ya lë onye amumma-ntu ahñ te ri a ründon ni eje-anu hù òrun-atumènya—hñ gi òrun-atumènya ndì hù dufie ndì hñ narin ahìma eje-anu hù lë ndì hñ fe ihien wë gi údì a kpù. Wë no tì wë èbùo ebe wë rì ndùn ye imë òmì ahñ òkùn rì, hñ òkùn a gi nsin-ënya-anwùn a dùn. ²¹ Wë no gi òpià-agha onye hñ rì e nyin ñshin ñchan gbupu ndì hođunu—òpià-agha hù gha ònu a apùha; nnùnù ile no gi anu wë rijunchanrin efò, righafe okèn.

Isi Nke Ogum

Ahùa Ogum-iri Kwasì Nnùnai Hù

¹ Ya m no hñ mmón-ozi ohu k'o gha elu-igwee hidanla, o gi ìshanhan eje-mgbugbu hù migbu enwèn e le egan hi-ogbe. ² O no nwundon dragonu hù, agwo mbu-mbu hù wü Ekwensù, hñ wúzìkwo Setani, kén e ègbùn jènkò d'a tò ahùa ogum-iri kwasì nnùnai, hñ wü ahùa nnù-uku; ³ o no tì a ye imë eje-mgbugbu hù migbu enwèn e, kpokin eje-mgbugbu hù, fidòn e—amamgbe o dufiezi ndì anì rì ichèn-ichèn. Wë k'e dönme e ebëhù d'e ru ni ahùa ogum-iri kwasì nnùnai hù e zu. Òhùn megùù, wë k'a hatuziriri a ekere ogen.

⁴ Ya m no hñsonmè ukpo-eze; wë no tumè ndì hñ nòdisonmè anì enu wë ndì k'a han enen. M no hñzìkwo umè-ndùn ndì hù wë gi ifiri eri wë shìa ni Jizosì lë ifiri oku Osolobue befù isi. Ndìnì jù ni efekò wë eje-anu hù móbu ihien hù wë gi údì a kpù, jùzì ni anarinkò wë ahìma eje-anu hù ezimezi-ihun wë móbu èka wë. Wë no nwan gha ònwùn lihi, rìzi ndùn, son Kraïsti kí ahùa ogum-iri kwasì nnùnai hù, ahùa nnù-uku. ⁵ (Ndì ozò nwùnni aghanì ònwùn lihi d'e ru mgbe ahùa ogum-iri kwasì nnùnai ahñ gi zugùù.) Ònwan wü ìgha-ònwùn-lihi nke ibuzo.

⁶ Onye wë gozi agozi lë onye ri nso kë onye òwule k'a ri ndì k'a gha ònwùn lihi nke ibuzoni wü. Ònwan nke èbùo enwòn ikèn ebe ndìnì rì—anwunkò wë ònwùn nke èbùo. Kama, wë k'a wü ndì nchù-ejan Osolobue lë Kraïsti. Wë k'e son Kraïsti kí ahùa ogum-iri kwasì nnùnai.

Nke Ekwensù A Gùù!

⁷ Ahùa ogum-iri kwasì nnùnai hù zugùù, a topù wë Ekwensù, gha imë ngan o ri wepùha a. ⁸ O k'a pù d'e dufie anì ndì rìsonmè èbamìñ-ènò uwa, Gogù lë Magogù kë w'a kpò wë. O k'e wegßama wë d'a lü agha. E bükemkékë wë òda: wë no kë ejan rì ohimin. ⁹ Wë no

ghakwori ebe we ri fetu ali ichen-ichen ri elu-uwā* bia d'e fihunmē ebe ahun ndi nke Osolobue ri (ago we) le obodo ahun ri Osolobue obi; kani, okun no gha enu-igwee hidan, bu we ile ri.

¹⁰ Wé no tu Ekwensu hūn dufieni we ye omi okun le nsin-onya-anwun hū—ebehu ejeanu hū le onye amuma-ntu hū ri. Wé k'e ye we afunfun uhinhin le effinai jenrin ejen.

Okinkin-ikpe İkpazun

¹¹ Ya m no hūn ukpo ochan ohu hi-ogbe le onye hūn nodi ali elu e. Uwa le elu-igwere no gha ebe o ri gbafo, o nwonzini ebe we k'a nodi. ¹² M no hūn ndi nwunnij kē we turu ihun ukpo-eze hū—kē ndi-uku kē ndi-nta. E kpupusonmē we ehuhuqo bu odata; ya we nozi kpupu ehuhuqo ozø, hūn wu ekukwo nke ndun. Wé no gi ihiyen onye-onye me kin ndi hūn nwunnij ikpe—kē we don detosonmē we imē ehuhuqo ndi hū.

¹³ Ohimin no wepuha ndi-nwunnij rī imē e, Onwun le Ali-mm̄on no wepuhazikwo ndi-nwunnij rī imē we. Wé no gi ihiyen onye-onye me kin e ikpe.

¹⁴ Ya we no tu Onwun le Ali-mm̄on ye imē omi-okun hū.

Omi okunnij wu onwun nke ebuo. ¹⁵ Onye owule we hūnleni efan a imē ekukwo nke ndun, a tu we onye hū ye imē omi-okun hū.

Isi Nke Ohu-kwası-ogun

Elu-igwee Ohun Lé Elu-uwā Ohun

¹ Ya m no hūn elu-igwee ohun le enu-uwā ohun, makeni elu-igwee ibuzo le elu-uwā ibuzo a laguqo. Ohimin arizj a.

Jerusalem' Ohun

² M no hūn obodo-nsø hū, Jerusalem' ohun hū, k'o gha enu-igwee hidanla, Osolobue zihē e. O ri kē nwa-agbøqo we choguq mma, hūn ri e che di e. ³ M no nu oken olu gha ebe ukpo-eze hū ri a si,

“Lee e, ebe-obibi Osolobue a biaguo imē igunrun ihiyan; o k'e bi imē igunrun we. Wé k'e fee e ni uwē wu ndi nke e; [Osolobue k'e me wé ni ya wu Osolobue we]—Osolobue le enwen e k'a noyeni we. ⁴ O k'e finchanpuchanrin we enya-mirin owule ri we enya. Onwun arikozi; kē ihiyen enya-mirin kē ekwan kē ufu arikozi—makeni ihiyen akan a ghafeguo.”

⁵ Onye hū nodi anj elu ukpo-eze hū no si,

“Lee e! M ri e kedonzi ihiyen ile!”

“O no sizi, “Detu ihienni, makeni oku ndinj wu ezioku le oku furu we gi e don enya.”

⁶ Ya o no si m, “O meguo! Mm̄e wu Ibuzo le İkpazun, Mbidon le Oggug. Onye owule egun-mirin ri a gun, m k'a gha isi-mirin hū mirin e ye ndun gha e hupuha ye e mirin ofe.

⁷ Ndj hūn mērini k'e nwēhen ihiyen ndinj m k'e ye. M k'a wuru Osolobue we, a wuru we umu m.

⁸ Kanji, nke ndi a tu egun le ndi-kwerileni le ndi runi; ndi-izighé le ndi-ughere; ndi ile e bu-nshin le ndi gi ikēn eje-mm̄on a run; ndi a rüa mm̄on le ndi-ntu ile—wé ile shikø d'a ri imē omi okun le nsin-onya-anwun hū, hūn wu onwun nke ebuo.”

Jerusalem Ohun Hu

⁹ Ya mm̄on-ozi ohu imē we esa hū te bu aferē afunfun ikpazun esa no bia d'a si m, “Bia, m k'a ghosi i onye hū ya le Nwa-ebulu hū jenkø d'a gba ehuhuqo, nwunyé Nwa-ebulu hū.” ¹⁰ O no buru m imē-mm̄on shi enu ugu ohu, oken-ugu, hūn jen elu odata; o no ghosi m obodo-nsø hū wu Jerusalem k'o gha elu-igwee hidanla, Osolobue zihē e. ¹¹ Oghø Osolobue ri a ehu, o hū e be nwanran-nwanran kē ihiyen-mma ndi ahun a kokenmeni, lèké akpuru Jaspa; o hū e nwun zaj. ¹² Mgbon e hi-ogbe, jen elu odata. Onu-mgbon mm̄ebuq k'o nwé; mm̄on-ozi ohu-ohu turusonmē onu-mgbon ndi hū. Wé deye efan ikpun-ulø mm̄ebuq ri Izreli ohu-ohu onu-mgbon ndi hū. ¹³ Onu-mgbon eto-eto risonmē e ebamin eno-eto ri ibeka ɔwua-onya-anwun, eto ri ibeka ugu, eto ri ibeka ndidan-mirin, eto ri

* Isi Nke Ogun:9 ledèle Habakokù 1.6

ibeka ndidan enya-anwun. ¹⁴ Mgbon anı hụ nwọn ọmụma mmębuo gin'ę nökę iyeto. Wę deyesonmę ęfan ndị-ozi pụ-ichẹn mmębuo Nwa-ebulu hụ enu wę.

¹⁵ Mmón-ozi hụ gwa m oku gi mkpińsın goru wę gi a ma ihiẹn, hụn o k'e gi ma obodo hụ le ọnụ-mgbon ndị rịn'a le mgbon e. ¹⁶ Obodo hụ nwę azụn ẹno. Azụn ẹno ahụn wúchanrin ahanmahan—ya wụ, k'o suehan k'ọ shijahan.

Ọ no gi mkpińsın a ma obodo hụ, stadium nnụ-uku mmębuo ro (ya wụ ihiẹn nökę maili ọgụn-mmítenei kwası nnụ-eto). K'o suehan le k'ọ shijahan le k'o jenhan elu wúchanrin ahanmahan. ¹⁷ O nozị ma kę mgbon ę shijahan: gha mkpo-eka d'e ru ọnụn-ęka mmębuo-uzo-mmębuo (kubiti ẹno kwası ọgụn-esa) k'ọ wụ—kę ihięn don a ma ihięn. Ihięn mmón-ozi hụ gi ma a hanhụ kę hụn ihięn gi a ma ihięn.

¹⁸ Ọmụma a kònì w'a kpo Jaspa kę wę gi tun mgbon hụ; goru wę gwagbamaleni ya le ihięn ọwule kę wę gi tun obodo hụ; o nwun zai kę ughegbé.

¹⁹ Wę gi ụdị ihięn-mma ile rị ichen-ichen rị mkpa chosonmę ọmụma ndị hụ gi mgbon hụ nökę iyeto mma. Nke ibuzo wụ Jaspa; hụn me ę ebuo wụ Safe; hụn me wę eto wụ ageti. Hụn me wę ẹno wụ emaradi; ²⁰ hụn me wę isen wụ onisi; hụn me wę isin wụ kaneliani. Hụn me wę esa wụ kraisolaịtị; hụn me wę esatọ wụ berilụ; hụn me wę itenei wụ topazi. Hụn me wę iri wụ kraisopresi; hụn me wę mmanai wụ jasiṇti; hụn me wę mmębuo wụ ameti. ²¹ Ọmụma pụ-ichen a kònì hụn wę gi túsónmę ọnụ-mgbon mmębuo hụ riṣonmę ụdị ichen-ichen. Ọnụ-mgbon ọwule imę wę wụ ogbe ọmụma pụ-ichen ohu—ọmụma ndị hụ w'a cho acho wę gi a cho ihięn mma. Goru wę gwaleni kę wę gi mémé ụzo ụwaya-kanị hụn rị imę obodo hụ: o nwunchanrin zai kę ughegbé!

²² Ahunni m ụnọ-nsø ọwule imę obodo hụ—makeni Osolobue hụn wụ Di-nwọnni-enyi, Onye hụn nwọn iken ile, le Nwa-ebulu hụ wụ Ulo-nsø obodo hụ. ²³ Obodo hụ achodeni enya-anwun móbụ ifon hụn k'e ye ę ukpé, makeni oghọ Osolobue wụ ukpé e, Nwa-ebulu hụ wụ ukpé-eka a.

²⁴ Ukpé obodo hụ kę ndị anı ichen-ichen k'e gi bi. Ndị-nze ụwa k'e webanhan oghọ wę imę Obodo hụ.

²⁵ Agunmakọ wę ọnụ-mgbon obodo hụ ebe eki rị elu, bụ uhinhin arıkọ ebéhụ. Ya wụ, agunmakọ w'a kę ụhụohịn han.

²⁶ Wę k'e webanhan oghọ alị ichen-ichen le akụ-lę-uba wę imę e. ²⁷ Kanị, o nwònni ihięn ọwule rileni ọchan móbụ onye ọwule hụn e me ihięn rụni enya Osolobue móbụ ihięn ọwule ya le ntụ wị k'a banyen'e. Ndị wę de ęfan wę imę ekukwọ nke ndụn Nwa-ebulu hụ, uwę suọ k'a banye e.

Isi Nke Ebuo-kwası-ogun

Iyi Hụ Hụn Mirin E E Ye Ndụn

¹ Mmón-ozi hụ no ghosi m iyi ahụn mirin e e ye ndụn; o gha ukpo Osolobue le Nwa-ebulu hụ hula; o nwun zai kę ughegbé. ² O hukọ ahanmahan ụzo ụwaya-kanị rị imę obodo hụ. Osisị ahụn hụn e ye ndụn riṣonmę iyi hụ azụnni le azụnni. Osisị hụ a mị ụdị mkpuru mmębuo ahụa. Ifon-ifon kę o gi a mị mkpuru. Wę gi ęhụhụ a a zuo ndị anı ile orịa.

³ Ahunkozị wę ihięn wę bụ ọnụ. Kama, ukpo-eze Osolobue le Nwa-ebulu hụ k'a rị imę e, ndị-idibo e k'a rị e fe e. ⁴ Wę k'a gha a hụn ihun e; ęfan a k'a rị wę ezimezi-ihun.

⁵ Ohijị agbakozị; achokozị wę ukpé-eka móbụ ukpé enya-anwun w'e gi legha ụzo, makeni Osolobue hụn wụ Di-nwònni-enyi jenkọ d'a wụ ukpé wę. Wę k'a kị jenrin ejen.

Obibia Jesu

⁶ Mmón-ozi hụ no sị m, “Oku ndịnị wụ ezioku, wę furu w'e gi don enya—makeni Onye-nwònni-enyi, Chuku hụn a gwa mmón rị imę ndị-amụma ihięn hụ ndị-amụma e ku, iya zihe nwani mmón-ozi e d'a ghosi ndị-idibo e ihięn ndị hụn o mèni wę k'e mèriri egwa.”

⁷ Jesu sị,

“Lee e, m lala egwa!

Ngozi rịnị onyę k'e me
ihien amumा rị imę ehleruonị ku!"

⁸ Mmę wụ Jony, mmę gi ntịn m nụ ihien ndịnị, gi enya hụn wę. Ogęn m gi nugụn wę, hungụn wę, m nọ dannị mmɔn-ozi hụ ghosi nị m wę ali-nị m fe e. ⁹ Kanị o sị m, "Emekwole a! M wụ odibo ibe i-iyu lę umunę i ndị-amumा lę ndị hụn e mesonmę ihien ndị hụ ehleruonị ku. Fee Osolobue!"

¹⁰ O nozị sị m, "Ezuemelę ihien ndị wę ku imę amumा rị ehleruonị, makeni, ogęn wę k'e gi me rị nsue. ¹¹ Onyę e me njo ya mesonmę; onyę e bi obibi ru unyin ya bisonmę; onyę rị ochan ya risonmę; onyę rị nsq ya risonmę."

¹² Jesu sị, "Gon ni ntịn, m lala egwa! Ugwo-ørụn m jenko a kụ rị m eka. M k'a kụ onyę owule ugwo k'o dọn rụn. ¹³ Mmę wụ Afa lę Omega, Ibuzo lę Ịkpazụn, Mbidon lę Ogugu."

¹⁴ Ngozi rịnị ndị hụ k'a su erekwa wę, keni wę nị wę d'e ri mkpuru osisi ahụn e ye ndụn, keni wę nị wę gha onu-mgbon hụ banye imę obodo hụ. ¹⁵ Makeni, ndị hụ e bi kę nkite, ndị a rụa-mmɔn, ndị e bu nshi lę ndị gi ik'en eje-mmɔn a rụn, ndị-ughere, ndị-izighe, ndị a rụa mmɔn lę onyę owule ntụ a suq lę onyę owule e me ihien ya lę ntụ wị abanyeko obodo hụ.

¹⁶ "Mmę wụ Jesu zi mmɔn-ozi m ozini d'e zi ụnụ, keni o rusonmę uka ichen-ichen eka. Mmę wụ mkpogun ahụn Defidi gha suepụha; m ghazikwọ ehleru Defidi pụha. Mmę wụ kokise ụtuntụn hụ hụn e keni."

¹⁷ Mmɔn-nsq lę okpoho hụ 'ya lę Jesu jenko d'a gba ehleruọ rị a sị,
"Bịa!"

Onyę owule hụn nụnị ya sịzi,

"Bịa!"

Onyę owule egun-mirin rị a gun ya bịa! Onyę owule chonị, ya weri mirin hụn e ye ndụn, ya weri e ofe ra.

Eka-ntịn!

¹⁸ M rị a gwakwo onyę owule nụ ihien ndị wę ku imę amumा rị ekukwoni nị onyę owule becheni ni wę, Osolobue k'e beche n'ę afunfụn ndị hụ wę ku oku wę imę ehleruonị;

¹⁹ onyę owule wepụ ihien imę wę, Osolobue k'e wefụ ihien run'ę imę osisi hụ e ye ndụn lę obodo-nsq hụ wę kusonmę oku wę imę ehleruonị.

Mmekin

²⁰ Onyę hụn ku ihien ndịnị, hụn gi wę shia eri, sị,
"Egheę, m lala egwa!"

Iseę! Onyę-nwọnni-enyi wụ Jesu, bịa!

²¹ Efoma Onyę-nwònñi-enyi wụ Jesu ya rịnị ihiian ile.